









BIBLIOTHECA

CLASSICA LATINA

SIVE

COLLECTIO

AUCTORUM CLASSICORUM LATINORUM

CUM NOTIS ET INDICIBUS

On souscrit, à Paris,

CHEZ N. E. LEMAIRE, Éditeur, boulevard Italien, n^o. 22, en face des
Bains Chinois.

BARROIS l'aîné, Libraire, rue de Seine, n^o. 10, F^{bs}. St.-Germ.

DEBURE frères, Libraires du Roi, rue Serpente, n^o. 7.

P. DIDOT l'aîné, Imprimeur du Roi, rue du Pont de Lodi, n^o. 6.

F. DIDOT, Imprimeur du Roi et de l'Institut, rue Jacob, n^o. 24.

DONDEY-DUPRÉ, Imprimeur-Libraire, rue St.-Louis, n^o. 46,
au Marais; et rue Neuve Saint-Marc, n^o. 10.

TREUTTEL et WURTZ, Libraires, rue de Bourbon, n^o. 17.

AUG. RENOUARD, Libraire, rue Saint-André-des-Arcs, n^o. 55.

BOSSANGE père et fils, Libraires, rue de Tournon, n^o. 6 *bis*.

BRUNOT-LABBE, Libraire, quai des Augustins, n^o. 33.

AL. EYMERY, Libraire, rue Mazarine, n^o. 30.

MONGIE aîné, Libraire, boulevard Poissonnière, n^o. 18.

H. VERDIÈRE, Libraire, quai des Augustins, n^o. 25.

N. PICHARD, Libraire, quai Conti, n^o. 5.

Et chez tous les Libraires de France et des pays étrangers.

PUBLII OVIDII NASONIS

QUÆ EXTANT

OMNIA OPERA

VOLUMEN SEXTUM



PARISIIS

COLLEGEI NICHOLAI ELIGIIUS LEMAITRE.

PARISIIS, MDCCLXXXIII.

MDCCLXXXIII

EXCUDERANT AUG.-FR. DONDEY-DUPRÉ, PATER,
ET PROSPER DONDEY-DUPRÉ, FILIUS.

OMNIA OPERA

LL
O965 Am

PUBLIUS
OVIDIUS NASO

EX RECENSIONE

GOTT. ERDMANN GIERIG

CUM

VARIIS LECTIONIBUS CODICUM PARISINORUM

CUI NOVAS ADDIDIT NOTAS

NICOL. ELIG. LEMAIRE

IN REGIA GALLIARUM UNIVERSITATE ET IN ACADEMIA PARISIENSI POESEOS LATINÆ
PROFESSOR

VOLUMEN SEXTUM



PARISIIS

COLLIGEBAT NICOLAUS ELIGIUS LEMAIRE

POESEOS LATINÆ PROFESSOR

~~~~~  
MDCCCXXII

1.25

1.12.10

1.12.10

10

20 276 cc



1.12.10



PUBLII  
OVIDII NASONIS  
FASTORUM  
LIBRI SEX.

1117

1118

1119

---

# PRÆFATIO

## EDITIONIS PRIMÆ.

---

QUUM Ovidii Metamorphoses olim edidissem , operamque iis impensam non improbatam esse viris doctis vidissem ex eo , quod nuper editio illa typis esset repetenda , placuit similem curam Fastis ejusdem poetæ adhibere , cui carmini similitudinem quamdam cum illo altero intercedere constat. Neque operam talem supervacuam , opinor , reddidit priorum Editorum copia. Immo mirari licet , suavissimum hoc carmen , nec illiberale ad cognoscendum , neglectum propemodum esse ab iis , qui libellos veterum in scholis lectitandos separatim ediderunt. Neglectum certe jacuit in Germania inde a Taubnero usque ad ea tempora , quibus Lenzius in Encyclopædia Scholastica partes quasdam ejus repetiit , notisque illustravit : Krebsius autem primus fere exstitit , qui versionem ejus vernaculam vulgaret. Postquam manum admoveam operi , cognovi quidem Gesenium , V. D. idem jam moliri , specimenque laboris sui proposuisse ; nihilo tamen minus , quoniam rationem



ejus a mea nonnihil discrepare videbam, persistere in opere cœpto placuit. De mea ratione pauca sunt, quæ moneam. A recensione Heinsio-Burmanniana passim recedendum mihi videbatur : neque omnes lectiones, quas Mitscherlichii V. D. judicium elegit, servare poteram. Itaque textum ipse, qua potui diligentia, constitui, singulisque locis factæ mutationis reddidi rationem. E variis lectionibus, quas exempla carminis tam scripta, quam edita suppeditabant, memorabiles, conjecturas autem virorum doctorum, quæ quidem mihi innotuerunt, omnes exhibui, additis judiciis tam aliorum, quam meis qualibuscumque. In interpretando id agendum erat, ut modus servaretur : nam si quis omnia, quorum explicandorum occasionem hoc carmen præbet, copiosius illustrare velit, majorem in molem facile liber increscat, plurimis etiam excursibus et disputationibus oneratus. Rerum cælestium rudem fuisse Ovidium, atque in iis referendis subinde peccasse, satis constat. In iis igitur castigandis non longus fui ; satis mihi fuit mentem poetæ, ubi subobscura esset, aperire. Scripsi Fuldæ Kal. Mart. M DCCC XI.

---

---

## PROŒMIUM.

---

QUÆ causa impulerit Ovidium, ut ad Fastos Romanorum elegis exornandos adjiceret animum, equidem liquido dicere non ausim. Mitto Propertii (IV, I, 69) verba, *Sacra diesque canam, et cognomina prisca locorum*, quibus excitatus prævenisse amicum nonnullis videtur. Memorabilior est sententia eorum, qui Callimachum putant ab eo esse expressum. Hunc enim constat carmine, cui Ἀιτίων sive *Causarum* nomen inscriptum, rerum antiquissimarum, ad Deos et heroas pertinentium causas (αἰτία ωγυγίων ἡρώων καὶ μαχάρων) explicuisse; cujus carminis fragmenta, sed brevissima, Bentleii curis collecta, in editione Callimachi Ernestina, tom. II, p. 416-426, leguntur. Et ex his quidem fragmentis operis ratio minime cognoscitur; verum Anthologia Græca, tom. IV, pag. 236, Epigramma habet, unde poetam usum esse hoc figmento videmus, ut in somnis se diceret in Heliconā abreptum, quæ quæreretur, ex ipsis Musis accepisse. Et sane, etiam Ovidius in Fastorum opere *Causas* multarum rerum, non Romanarum tantum, exponit, quin et Deos sibi Musasque fingit apparuisse, ut, quæ abdita laterent, sibi aperirent. Etiam hoc certum est, Callimachi carmen satis notum fuisse Romanis, laudatumque a Varrone, Martiali, Plutarcho, Servio aliisque. Ruhnkenius denique locum ex Trist. V, v, 33 sqq, notavit, quem ex ipsis illis Callimachi Αἰτίαις expres-

sum esse judicat. Concedamus igitur, quod et recentissimi Fastorum Interpretes, Lenzius, Krebsius, Gesenius, amplexi sunt, quodque etiam Jacobs in *Animadv. ad Anthol. Græc.* vol. III, P. II, p. 161, tuetur, Callimachi carmen obversatum esse Ovidii ingenio, quum suum opus moliretur. Aliud tamen est, causas rerum ab heroibus gestarum, non constat quo ordine, canere; aliud, Kalendarium Romanum carmine persequi, causasque reddere eorum omnium, quæ ad dies singulos paucis literis notata erant (\*). Exemplum ejus Argumentis librorum subjecimus, id quidem, quod e pluribus, quæ exstant, etiam Mitscherlichius elegit. Formam ejus fuisse videmus talem, ut non nisi ingenium multarum rerum scientia inundatum, atque tenuissimis etiam rebus exornandis idoneum, ad se tractandum invitare posset.

In examinandis carminibus inventio rerum ac dispositio primum spectari solet; atque his ingenium poetæ vel maxime æstimatur. Verum Ovidio inde laus debetur prope nulla; etenim *Fasti* docebant ipsi, et quas res, et quo ordine singulas tractaret. Illæ vero ad hæc ferme capita revocari possunt: ad descriptionem anni Romani, numerum, ordinem et nomina mensium, discriminaque dierum; ad cælestia nonnulla, ortum et occasum siderum, initia vicissitudinum annuarum, solisque per signa Zodiaci decursum; ad dedicationem templorum; ad festorum et ludorum vel rationem, vel originem; ad res denique memorabiles.

(\*) De *Fastis* Romanorum, tam *Kalendaribus* quam *Historicis*, pauca diximus ad I, 1 et 7. Plura de iis disputat *Gesenius* in *Symbolis* *Observat* ad Ovidii *Fastos*. Nonnulla etiam præmisit *Lenzius* notis ad loca selecta *Fastorum* in *Encycl. Schol.*



vel ab antiquis Romanis, vel ab Augusto, Tiberio Germanicoque gestis. His Ovidius præter necessitatem siderum multorum originem addidit. Insigne igitur hoc opus et uberrimum dixeris a rerum ad cognoscendum minime illiberalium copia. In istis autem omnibus non licebat poetæ, quæ vellet, fingere, sed ea lege tenebatur, ut quæ notata essent ab aliis, aut tradita, ea fideliter repeteret; et, si traditiones sententiæque inter se dissiderent, aut eam exciperet, quæ ipsi videretur proxime ad verum accedere, aut plures lectori dijudicandas proponeret. Atque hunc cursum per totum carmen tenuit. Ortum et occasum siderum notasse videtur e Kalendario quodam, adhibito etiam Astronomi cujusdam Græci libro; originem siderum hausit ex mythologis, quos in Metamorphosesin secutus erat; reliqua petiit non ex Annalibus tantum, quanquam eos solos bis nominat, sed e plurimis illis monumentis librisque, quibus res Romanorum enarratæ atque illustratæ erant. Multi enim, in quibus Varro præ cæteris memorabilis, in rituum Romanorum origines diligenter inquisiverant; unde et serius Plutarchus *Quæstiones suas Romanas*, aut *Κεφαλαίων καταγραφὴν* excerptis, quibus et ipsis in Romuli Vita nomen *Αἰτίων Ῥωμαϊκῶν* tribuit. Quin Butas quidam carmine elegiaco et ipse hoc argumentum tractavit, cecinitque *Αἰτίας μυθώδεις περὶ τῶν Ῥωμαϊκῶν*, e quibus Plutarchus, in Rom. 20, distichon laudat. Sed non constat, quo tempore Butas ille vixerit.

Rerum porro istarum acervum ita tractavit Ovidius, ut insignem illam ingenii vim, egregium illud ingenii flumen, quod per totum Metamorphoseon opus spectandum et admirandum proposuit, plurimis locis desideres. Mirificus

ibi est in rebus, quas traditas acceperat, explicandis et exornandis : in Fastorum autem carmine multa tenuiter tractata, multa breviter relata, multa ex aliis scriptoribus repetita videmus. Neque aliter per rerum illarum naturam fieri poterat, quum sæpe Grammatici partes agendæ essent, quas ille minime fastidivit; immo diserte id egit, ut docendo et explicando prodesset tam æqualibus, quam posteris vetustatis cognoscendæ cupidis. Non tamen, quum hæc dico, sua laude poetica hoc carmen fraudare volo. Quod contra ita decurrit, ut mentem tuam alliciat, allectam suaviter teneat. In illecebris, quas eum in usum adhibuit, primum posuerim *interventum Deorum*. Sic in principio statim operis *Janus* adest, omnemque mythologiam suam, implicitam illam sane, longiore illo cum vate sermone, 89-286, expedit. Procedente libro illo, vers. 695, *Musa* intervenit atque Sementivæ originem indicat. Lib. III, 170, *Mars* eloquitur, quæ sint Matronalia; vers. 260, *Egeria* Nympha, cur Salii Martis arma ferant, enarrat. Lib. IV init. *Venus* adest, poetamque myrto tactum numine suo implet; vers. 191, *Magna Mater* unam ex *Musis* excitat, quæ eundem instruat; vers. 723, *Pales* adjuvat Palilia canentem; V, 191, *Flora* ipsa facundissime omnia, quæ ad ipsam pertinebant, refert; VI, 251, *Vesta* nonnulla suppeditat de sacris suis; vers. 655, *Minerva* discessum tibicinum narrat et reditum. Sed in primis memorabilia sunt duo ex hoc genere loca; V init. ubi tres *Musæ*, et VI init. ubi *Juno*, *Hebe* et *Concordia* sententias dicunt de nominibus Maii et Junii; quibus locis disquisitio grammatica, eaque admodum tenuis, dramatis suavissimi formam induit. In reliquis illis figmentis non multum quidem

ingenii elucet ; namque Dii vel respondent interrogati ad singula , vel continua utuntur oratione ; tamen vel sic non male variatur et animatur carmen. Varietatis causa et homines vates induxit, sacerdotem , hospitem et matronam , a quibus se nonnulla accepisse fingeret. In rebus vel gestis, vel ut gestis referendis ubique se ut poetam ostendit, verbis delectis, figuris, sententiis insertis, notationibus variis, oratiunculis fictis. Non enim ut historicus, II, 195 sqq, interitum Fabiorum in bello Veientino narrat ; non II, 394 sqq, negotium eorum, qui Romulum et Remum in Tiberi mergendos ferebant ; non II, 685-852, Tarquinii Superbi, Sextique filii facinora ; non III, 259-398, delapsum peltæ e cælo ; non 523-685, Annæ discessum a sorore et adventum in Italia ; non IV, 249-348, curam Romanorum in arcessenda Magna Matre Deum. Tam illa, quam plura alia loca poeticis luminibus distincta vides. Et quoniam in illis historiæ fides impetum ingenii coercebat, idcirco etiam ea admiscuit, in quibus ingenio suo atque phantasie posset indulgere, ut III, 459-516, Thesei et Ariadnes fabulam, quam in Metamorphosesin breviter attigerat ; IV, 417-620, Proserpinæ raptum Cererisque errores. Adde ludicra illa, I, 393, de Sileni asello Priapique libidine, quæ cum varietate quadam repêta sunt lib. VI ; tum II, 305, de Omphale et Hercule ; III, 741, de Sileno mel reperiente : in quibus eandem, quam in altero illo opere, et phantasiam et petulantiam observabis. Insignis est locus, ingenioque poetico dignus, III, 11-54, de Rhea Silvia ; suavissima reperitur, V, 191-330, Floræ narratio. Quid ? quod et tenuissimis rebus, quæ ad numerum et ordinem mensium, ad discrimen dierum, ad



etyma vocabulorum pertinent, genealogiæ Dardani, Pleiadum nominibus, catalogo Græcorum, qui in Italiam pervenerunt, aliquid tamen gratiæ addidit, ut libenter cognoscantur. Illis multa interposuit, quæ lectorem impense tenent, veris descriptionem, laudes primorum Astronomorum, locum egregium de Veneris potentia, hymnos, preces ad Cererem et Terram, ad Palen, ad Robiginem, et mercatorum ad Mercurium, notationes morum priscis et recentioribus temporibus, Augusti laudes et cum Romulo comparisonem. Sedulo elaboravit, ut rebus tractandis variam formam daret, ut plurima animaret, atque doctrinæ suæ copiis exornaret. Ac varietatem quidem haud scio an in vinculis quoque admireris, quibus singulorum dierum seriem connectit. Rerum igitur innumerarum copiam, quas nosse et Romanorum olim intererat, et hodie nostra interest, perspicue atque jucunde retulit, neque neglexit Augustum, omnemque domum Cæsaream pie venerari.

In hoc carmine componendo *Elegos* adhibuit, quibus antea in amoribus canendis usus erat. Quam audaciam excusat, lib. II init., et multo magis, vers. 125, ubi honores Augusti celebrat, eamque tangit etiam VI, 21. An Callimachus in causis suis eodem carminis genere usus sit, in eo viri docti non consentiunt; affirmant enim Salmasius ad Solin. p. 601, et Hemsterhusius in Ed. Ern. ad fragm. 19, quos Lenzius sequitur; negant Valckenarius ad Callimachi fragm. p. 10, et Ernesti. Ac Lenzius quidem etiam observat, Propertium quoque carmina quædam argumenti historici elegis concinnasse.

Quum Ovidius hos sex Fastorum libros Augusto sa-

cratos absolvisset, a. U. 762, ætatis 52, patria pulsus est; Trist. II, 532-549. Sed in exsilio eos recognovit, atque nonnulla, quæ serius gesta erant, inseruit; nam et de exsilio suo queritur, et Germanici de Cheruscis atque Cattis triumphum, qui in a. U. 770 incidit, memorat. Opus sic auctum, atque, quum Augustus interea extinctus esset, Cæsari Germanico dedicatum, eodem illo haud dubie anno vulgavit. Paulo post ipse mortuus est, neque adeo reliquos menses, quos se et ipsos cantaturum esse, II, 57, promiserat, addere potuit. Vid. Masson. in Vita Ovidii, ad a. U. 759, 762, 770.

---

## AMICE LECTOR,

KALENDARIUM, quod vides, quum in vetustis membranis reperissem, quamvis mendosum fœdeque depravatam multis partibus et ab homine hujus argumenti non satis perito confectum, quia tamen Fastis Nasonianis attexitur plerumque in codicibus antiquis, nos quoque illud in editione hac nostra nequaquam duximus omitendum, adornaturi et ipsi aliquando Fastos, qui Nasonianis accuratius respondeant. Vale.



---

# KALENDARIUM.

---

## JANUARIUS.

- A Kal. Januarii. Jani festum, Junonis, Jovis et Æsculapii.  
b iv No.  
c iii No. Cancer occidit cosmice.  
d ii No.  
e Nonis. Lyra oritur.  
f viii Id.  
g vii Id.  
A vi Id. Festa Jani, Agonalia. Delphin oritur.  
b v Id. Medietas hyemis.  
c iv Id.  
d iii Id. Festa Carmentis et Juturnæ.  
e ii Id.  
f Idibus. Festum Jovis. Redditæ sunt provinciæ populo Romano.  
g xix Kal. Februarii. Cæsar Augustus vocatur.  
A xviii Kal. Sacrificium Carmentis. Festum Porrimæ et Post-  
vertæ.  
b xvii Kal. Festum Concordiæ.  
c xvi Kal.  
d xv Kal. Sol in aquario.  
e xiv Kal.  
f xiii Kal.  
g xii Kal.  
A xi Kal.  
b x Kal.  
c ix Kal. Lyra occidit.  
d viii Kal. Pectus Leonis occulitur.

|   |     |                                   |
|---|-----|-----------------------------------|
| e | vii | Kal.                              |
| f | vi  | Kal. Festum Castoris et Pollucis. |
| g | v   | Kal.                              |
| A | iv  | Kal.                              |
| b | iii | Kal. Festum Pacis.                |
| c | ii  | Kal.                              |

## FEBRUARIUS.

|   |         |                                                              |
|---|---------|--------------------------------------------------------------|
| d | Kal.    | Febr. Templum factum est Carmenti. Celebratur Asylum.        |
| e | iv      | No. Lyra penitus occidit.                                    |
| f | iii     | No. Occidit Delphin.                                         |
| g | ii      | No.                                                          |
| A | Nonis.  | Augustus dictus est pater patriæ. Aquarius vadit ad occasum. |
| b | viii    | Id.                                                          |
| c | vii     | Id. (Primus dies Feralium.)                                  |
| d | vi      | Id.                                                          |
| e | v       | Id. Ver incipit.                                             |
| f | iv      | Id. Initium Veris.                                           |
| g | iii     | Id. Bootes oritur, et est festum Fauni.                      |
| A | ii      | Id.                                                          |
| b | Idibus. | Festum Jovis et Fauni. Nefastus dies Fabiorum.               |
| c | xvi     | Kal. Martii. Anguis, Corvus, Crater oriuntur.                |
| d | xv      | Kal. Sol intrat in Pisces. Iterum Fauni.                     |
| e | xiv     | Kal.                                                         |
| f | xiii    | Kal. Festum Quirini. Festum Stultorum et Fornacis.           |
| g | xii     | Kal. Feralia.                                                |
| A | xi      | Kal. Caristia virorum.                                       |
| b | x       | Kal. Termini.                                                |
| c | ix      | Kal.                                                         |
| d | viii    | Kal. Fuga Tarquinii Superbi. Veris initium.                  |
| e | vii     | Kal.                                                         |
| f | vi      | Kal.                                                         |
| g | v       | Kal.                                                         |
| A | iv      | Kal.                                                         |

- b III Kal. Equiria in campo Martio.  
c II Kal.

MARTIUS.

d Kal. Martii. Festum Martis et Junonis. Ancilia feruntur. Non est bonum nubere.

e VI No.

f v No. Alter piscium conditur. Oritur vindemitor.

g IV No. Bootes citius, vindemitor tardius occidunt cosmice.

A III No. Festum Vestæ. Cathedra Julii.

b II No. Festum Vejovis. Pegasus oritur heliace.

c Nonis.

d VIII Id. Corona Ariadnes oritur.

e VII Id.

f VI Id.

g v Id.

A IV Id.

b III Id.

c II Id. Altera Equiria sunt juxta Tyberim.

d Idibus. Festum Annæ Perennæ. Julius Cæsar occisus in Capitolio.

e XVII Kal. Aprilis. Scorpius oritur.

f XVI Kal. Milvius oritur. Festum Bacchi. Vilis anicula hederis coronata vendit populo libatum. Melle Libero patri sacrificatur. Libera toga datur. Milvus oritur chronice. Festum est Ledæorum qui fuerunt Argivi, vel Larium.

g XV Kal.

A XIV Kal. Quinquatria Palladis captæ.

b XIII Kal.

c XII Kal.

d XI Kal. Sol in Arietem.

e x Kal. Ultimus dies quinquatruum.

f IX Kal.

g VIII Kal. Æquinocmium vernale.

|   |     |                                                     |
|---|-----|-----------------------------------------------------|
| A | vii | Kal.                                                |
| b | vi  | Kal.                                                |
| c | v   | Kal. Festum Jani, Concordiæ, Pacis, et Salutis.     |
| d | iv  | Kal.                                                |
| e | iii | Kal.                                                |
| f | ii  | Kal. Festa Lunæ habentis templum in Aventino monte. |

## APRILIS.

|   |         |                                                                                         |
|---|---------|-----------------------------------------------------------------------------------------|
| g |         | Kal. Aprilis. Festum Veneris et Virilis Fortunæ. Scorpheus occidit.                     |
| A | iv      | No. Pleiades oriuntur.                                                                  |
| b | iii     | No. Meretrices lavantur sub myrtho. Fors Fortuna Virilis. Scorpheus occidit cosmice.    |
| c | ii      | No. Hebæ et Matri Deorum Megalenses ludi fiunt.                                         |
| d | Nonis.  | Festum publicæ Fortunæ.                                                                 |
| e | viii    | Id. Orion occidit chronice.                                                             |
| f | vii     | Id. Festum Cerealium ludorum. Libra occidit cosmice.<br>Juba victus est a Julio Cæsare. |
| g | vi      | Id.                                                                                     |
| A | v       | Id.                                                                                     |
| b | iv      | Id.                                                                                     |
| c | iii     | Id.                                                                                     |
| d | ii      | Id.                                                                                     |
| e | Idibus. | Festum Jovis Victoris. Templum . . . Libertatis.                                        |
| f | xviii   | Kal. Maii. Dies grandinosa. Augustus Cæsar vicit Mutinenses.                            |
| g | xvii    | Kal. Forda litatur Telluri.                                                             |
| A | xvi     | Kal. Triumphus Augusti. Hyades occidunt heliace.                                        |
| b | xv      | Kal. Sol in Taurum.                                                                     |
| c | xiv     | Kal. Equiria. Combustio vulpium.                                                        |
| d | xiii    | Kal. Festa Palis. Roma condita.                                                         |
| e | xii     | Kal. Festa Veneris Vinalia.                                                             |
| f | xi      | Kal.                                                                                    |
| g | x       | Kal.                                                                                    |



|   |      |      |                                                                                                                    |
|---|------|------|--------------------------------------------------------------------------------------------------------------------|
| A | IX   | Kal. |                                                                                                                    |
| b | VIII | Kal. |                                                                                                                    |
| c | VII  | Kal. |                                                                                                                    |
| d | VI   | Kal. | Festum Rubiginis. Aries oritur heliace. Prothius oritur cosmice, occidit heliace. Tempora Veris prima finita sunt. |
| e | V    | Kal. |                                                                                                                    |
| f | IV   | Kal. | Festum Floræ et Vestæ.                                                                                             |
| g | III  | Kal. |                                                                                                                    |
| A | II   | Kal. |                                                                                                                    |

MAIUS.

|   |         |       |                                                                                         |
|---|---------|-------|-----------------------------------------------------------------------------------------|
| b | Kal.    | Maii. | Amalthea capra oritur cosmice. Ara Laribus posita.                                      |
| c | VI      | No.   | Flat ventus Argestes. Hyades oriuntur cosmice. Finis Florantium.                        |
| d | V       | No.   | Panthera Chironis oritur chronice.                                                      |
| e | IV      | No.   |                                                                                         |
| f | III     | No.   | Stellificatio Lyræ. Sagittarius oritur.                                                 |
| g | II      | No.   | Scorpius apparet in parte media.                                                        |
| A | Nonis.  |       |                                                                                         |
| b | VIII    | Id.   | Lemuria celebrantur. Non est bonum nubere.                                              |
| c | VII     | Id.   | Orion occidit chronice.                                                                 |
| d | VI      | Id.   | Festum Martis Bisultoris.                                                               |
| e | V       | Id.   |                                                                                         |
| f | IV      | Id.   |                                                                                         |
| g | III     | Id.   |                                                                                         |
| A | II      | Id.   | Pleiades oriuntur heliace. Æstas incipit.                                               |
| b | Idibus. |       | Ora tauri oriuntur heliace. Scirpea simulacra mituntur in Tiberim. Festum est Mercurii. |
| c | XVII    | Kal.  | Junii.                                                                                  |
| d | XVI     | Kal.  |                                                                                         |
| e | XV      | Kal.  | Sol it in Geminos. Agonia Junii fiunt.                                                  |
| f | XIV     | Kal.  | Canis Orionis exit.                                                                     |
| g | XIII    | Kal.  | Lustra Vulcani fiunt.                                                                   |
| A | XII     | Kal.  |                                                                                         |

- b XI Kal.  
 c X Kal. Mos sacrorum pro fuga Tarquinii faciendorum,  
 non modo inest fuga Tarquinii : inest VIII Kal.  
 Mart. :  
 d IX Kal. Festum Publicæ Fortunæ.  
 e VIII Kal. Rostrum aquilæ oritur chronice.  
 f VII Kal. Bootes occidit heliace.  
 g VI Kal. Hyas occidit heliace , oriens cosmice.  
 A V Kal.  
 b IV Kal.  
 c III Kal.  
 d II Kal.

## JUNIUS.

- e Kal. Junii. Festa Carnæ , Junonis Monetæ , Martis et Tem-  
 pestatis. Aquila oritur chronice.  
 f IV No. Hyades oriuntur heliace.  
 g III No. Bellonæ Festum.  
 A II No. Dedicatio templi Herculis.  
 b Nonis. Festum Trinomii Dei Fidei Sancti Semipatris. Ma-  
 lum est nubere ante Idus.  
 c VIII Id.  
 d VII Id. Tergum ursæ occidit heliace , et regis Lycaonis.  
 Lycaonida fiunt , ludi Tyberis.  
 e VI Id. Datum est templum Menti. Festum est Vestæ.  
 Asinus coronatur. Ara Priapi. Priori Palladium  
 liberatur ab igni Gallico. Mors Crassi et suorum.  
 f V Id. Delphin oritur chronice.  
 g IV Id. Matralia fiunt. Rutilius et Didius occiduntur. Tem-  
 plum Fortunæ Servius , Concordiæ Livia de-  
 dicavit.  
 A III Id.  
 b II Id.  
 c Idibus. Jovi invicto datum est templum. Minora quinq-  
 uaria Palladis fiunt.

- d XVIII Kal. Julii.  
 e XVII Kal. Dione orta est heliace in fronte Tauri.  
 f XVI Kal. Flat Zephyrus prosper navigantibus.  
 g XV Kal. Sol in Cancrum. Pallas colitur in Aventina arce.  
 A XIV Kal. Secundus ventus. Orion oritur heliace.  
 b XIII Kal. Delphin oritur chronice. Sol in Cancrum. Volsci  
 et Æqui vincuntur.  
 c XII Kal. Templum datum est Summano Jovi.  
 d XI Kal. Æsculapius, qui et dicitur Ophiuchus et Serpen-  
 tarius, chronice oritur.  
 e X Kal.  
 f IX Kal. Victus est Flaminius.  
 g VIII Kal. Syphax vincitur. Hasdrubal occiditur. Festum fortis  
 Fortunæ. Solstitium.  
 A VII Kal. Festum Larium et Jovis Statoris.  
 b VI Kal. Orion apparet a Zona inferius. Solstitium.  
 c V Kal. Laurum.  
 d IV Kal. Templum Quirino factum.  
 e III Kal.  
 f II Kal. Festum Pieridum.

Quem ortum occasumve siderum astronomi *heliacum*, quem *cosmi-*  
*cum*, quem *acronychium* dicant, admonitum est ad lib. I, vers. 295.

# LIBRI PRIMI

## ARGUMENTUM.

Argumenti expositio et dedicatio , 1-26. Digestio anni per Romulum et Numam , 27-44. Discrimen dierum , 45-62. Kal. Jan. invocatio Jani et bona vota , 63-74. Consules munus ineunt , comitante populo , 75-88. Jani mythologia. Interrogatus apparet Ovidio cum insignibus , 89-99, et ipse res suas explicat , ac primum quidem originem suam atque figuram , 100-114 , tum officia et inde orta nomina , 115-132 , causam quoque figuræ , 133-144. Hinc expedit nonnulla , quæ ad Kalendas Jan. pertinent , cur novus annus media bruma , non vere incipiat , 145-164 ; cur eo die causæ forenses agantur , 165-170 ; cur sibi primo sacra fiant , 171-174 ; cur læta verba dicantur , 175-182 ; cur munuscula dentur , 183-226 ; cur nummi antiqui navem habeant et formam bifrontem , 227-254 ; cur ipse in uno templo statuam habeat , 255-277 ; cur tempore belli reseretur ipsius templum , 278-288. Hinc , misso Jano , poeta incipit e Fastis haurire. Dedicatio duorum templorum , Æsculapii et Jovis , 289-294. De exortu et occasu siderum dicturus , laudes astronomorum præmittit , 295-310. Occasus Cancræ et Lyræ , 311-316. Agonalium nomen et ratio , 317-334. Digressio ad nomina victimæ et hostiæ , ad sacra prisca et initia victimarum cæsarum ; quibus Aristæi fabula intexta , 335-456. Delphini ortus , 457-458. Media hiems , 459-460. Carmentalia , ubi multa de Carmenta , Evandro , Herculis adventu et Caci nece , 461-586. Sacra Jovis , 587-588. Octavianus Augusti nomine ornatus , cujus nominis vis exponitur , 589-616. Iterum Carmentalia , quibus Porrima et Postverta placantur , 617-636. Concordiæ templum a Tiberio restitutum , in quo et Livix quædam opera , 637-650. Sol ingreditur Aquarium ; Lyra occidit , item Leo , 651-656. Sacra Sementiva , requies , festa , preces rusticorum , pacis salus , 657-704. Castoris et Pollucis templum a Tiberio dedicatum , 705-708. Pacis ara excitata ; vota pro pace et domo Cæsarea , 709-724.



# PUBLII OVIDII NASONIS

## FASTORUM

### LIBER PRIMUS.

TEMPORA cum causis Latium digesta per annum,  
Lapsaque sub terras, ortaue signa, canam.  
EXCIPE pacato, Cæsar Germanice, vultu

1-2. *Argumentum.* Partes, in quas annus apud Romanos divisus, cum causis illius divisionis, atque siderum et ortus et occasus canam. Sic *fastos* circumloquitur. *Fastorum* enim *libri*, interprete Festo, appellantur, in quibus totius anni fit descriptio. In iis ordo et discrimina dierum, feriarum, templorum dedicationes, res P. R. maxime memorabiles verbo notatæ, post etiam Cæsarum tituli et honores additi. Recte *causas* memorabilium dierum diserte memorat; in iis enim maxima versatur carminis pars, et inde plurimus ejus ornatus. — *Digesta*, disposita, ordinata. Ipse mox vers. 27, *Tempora quum digereret conditor urbis*. Sidera labuntur in cælo, dum procedunt; Virg. Georg. I, 6, *labentem cælo ducitis annum*; Lucret. I, 2, *cæli subterlabentia signa*. Ubi occidunt, labuntur sub terras; quemadmodum et hiemem cedentem sol pulsam agit sub terras, Virgil. Georg. IV, 51. Parum interest, utrum canam legas, an cum MSS nonnullis cano. Pos-

terius Heinsius et Burmannus exemplis confirmant; illud comprobant Virgil. Georg. II, 2; III, 1; IV, 5; Hor. I, Od. x, 5, et multa alia loca.

3-26. *Dedicatio*, cui etiam de argumento carminis plura innexa. *Germanico* carmen dedicavit, tam principi plurimis insignibusque virtutibus ornato, quam poetæ egregio. Suetonius Calig. 1-4, Tacitus, An. II, 73; Dio, lib. LVII. Sed in hac dedicatione confundit diversa, Germanicumque spectat, mox ut fautorem humanum, dum opus absolutum cognoscit, mox ut Deum, qui scribendi nisum adjuvat. Utrique convenit et *pacatus*. Noster IV Metam. 31 ad Bacchum, *pacatus mitisque adsis*, *ἤπιος καὶ εὐμενής*. Frequenter poetæ operam suam cum navigatione comparant. Virgil. G. IV, 116: « Extremo ni jam sub fine » laborum Vela traham, et terris » festinem advertere proram, » et in hoc ipso opere passim. Inde G. 1. invocatio, *Da facilem cursum*, aut, ut nunc, *dirige navis iter*. Inde et

Hoc opus; et timidæ dirige navis iter :  
 Officii que levem non aversatus honorem ,  
 In tibi devoto munere dexter ades.  
 Sacra recognoscas Annalibus eruta priscis ;  
 Et quo sit merito quæque notata dies.  
 Invenies illic et festa domestica vobis :

5

IV, 729, *navalibus exi* etc.—*Timida navis*, quum ipse esset *timidus*, *verecundus*, *cunctator*.—*Officii honor* in ipsa libri dedicatione cernitur. IV ex Ponto VIII, 43 : « Nec tamen » officio vatum per carmina facto , » Principibus res est gratior ulla *vis*. » *Servavi* autem hic lectionem Heinsianam, quippe librorum bonorum auctoritate suffultam, neque sensu commodo destitutam. Namque MSS. Naugerii, Ursini et tres alii habent, *En tibi devoto munere*, et Ursini cod. etiam *Officii que*; et *adesse in aliqua re* recte dicitur. Sed Mitscherl. revocavit vulgatam, quam etiam Lenzius tuetur, quamque Burmannus ad versum 26 ferri posse monuerat : *Officio que, levem non aversatus honorem*, *Huic tibi devoto numine dexter ades*, ut Germanicus vi sua et nutu officio poetæ ipsi devoto adesse rogetur. Sic et Krebsius accipi vult. Non male. — Regii tres nostri codices habent vulgatam, quam bene tuentur Lenzius et Mitscherlichius; et recte eam interpretatus est Krebsius. *Ed.*

7. Ex argumento hic jucunde et blande excerpt, quæ præ cæteris hoc opus Germanico commendare debebant, eidemque honori erant. — *Sacra recognoscas*, originem sacrorum jam ante tibi cognitam denuo leges. Jam fontem nominat, unde hauserit. — *Annales*, dicti et ipsi Fasti, ad ordinem dierum in Fastis

Kalendaribus stabilitum, res P. R. singulis annis gestas uberius enarrabant, atque nomina magistratuum habebant. Ovidius Fastos sibi Kalendarum exornandos sumsit, sed adhibitis etiam *Annalibus*. Inde jura cognoscebantur Horat. I, Serm. III, 111; gentium nobilitas Cic. Mur. 16; honores virorum illustrium Valer. Maxim. VI, 1x, 14, et similia. De fide eorum vide Perizon. in Animadv. hist. p. 293. Verba *Annalibus eruta priscis* IV, 11, repetita leguntur. Bene *eruta*; in *Annalibus* enim ex magno rerum variarum acervo singula conquirenda erant. Itaque et Cicero dicto loco : « Ex *Annalium* vetustate eruenda est memoria nobilitatis tuæ. » Quo loco confirmatur simul lectio *priscis*, pro qua duo MSS. *primis*. Sed et Livius IV, 7, *priscos Annales* dixit. — In Regiis nostris tribus legitur *priscis*. — *Quo sit merito* etc. quare dies quæque vel ut festa, vel ut profesta sit notata.

9. Gens quæque et familia Romana habebat, ut Penates Laresque suos, ita et *domestica sacra*, quæ quotannis pro familiæ salute fiebant, atque hereditate tradebantur. — Diebus festis res memorabiles adscribebantur in Fastis. Summum honorem afferebat nomen sic additum; Cicero, ad Brut. epist. 15; Tacitus, I. An. 15. Vid. Wolfius ad Suetonium Tiber. 4, p. 319. In

Sæpe tibi pater est, sæpe legendus avus :

Quæque ferunt illi pictos signantia Fastos ,

Tu quoque cum Druso præmia fratre feres.

Cæsaris arma canant alii ; nos Cæsaris aras ;

Et quoscumque sacris addidit ille dies.

Annue conanti per laudes ire tuorum ;

Deque meo pavidos excute corde metus.

Da mihi te placidum ; dederis in carmina vires :

Ingenium vultu statque caditque tuo.

primis Augusti res gestæ, honores ei decreti, aræ positæ commemorabantur. Hinc Horatius, lib. IV, Od. 14, init. « Quæ cura Patrum, quæ » que Quiritium, Plenis honorum » muneribus, tuas, Auguste, virtutes in ævum Per titulos memoræ resque fastos Æternæ. » Hinc intellige sqq *pater avus*. Germanicus, Drusi et Antonie minoris filius, volente Augusto, adoptatus erat a Tiberio, cujus filius naturalis *Drusus*; Tacitus, An. I, 3. De *avo* vide v. c. I, 590, sqq; 709; II, 119-144; III, 419; IV, 673: de *patre* I, 617, sqq; 705, sqq; II, 55, et alibi. — *Signant fastos* quæ in iis scripta sunt. Ita et *signare saxum* et alia. Quamquam *signare* etiam est insignire, decorare. Vide Cort. ad Plinium V, Ep. 1, 11. Passim de fastis hoc verbum legitur, ut II, 7; Claudianus, 8, 154, de puero ad consulatum evecto, *signas posito modo nomine fastos*. Pro eo Plinius, paneg. 54, 2, *Honor æternus annalium te colit*. — Fasti, ut alii libri, *pingi*, variis coloribus ornari, solebant. Fortasse tamen nunc iidem intelligendi qui a Martiali XI, 4, *purpurei Fasti* vocantur, et in Jani æde servabantur; Schwarzius, ad Plinium, paneg., 92. Mitscherl. habet

*dictos*. — Ursini codex *festos fastus*; in nostr. Reg. tribus *pictos fastos*. Ed.

13. *Cæsaris arma*, prælia, trophæa, etiam Horatius aliis canenda passim relinquit. — *Cæsaris aræ* posset esse aræ Cæsari positæ; Horatius, II, Ep. 1, 15. Sed melius intelliguntur aræ ab Augusto Diis dedicatæ, diesque, quos ille sacros esse jussit. A Livio Augustus dictus est *templorum omnium conditor, aut restitutor*. Vide Casaub. ad Suetonium, August. 30. Confer infra II, 59. — *Per laudes* aliorum *it*, qui eas tractat, recenset; II, 16, *per titulos ingredimur tuos*. V Trist. 9, 23, « Per » titulum nominis ire. » Confer Heynium, ad Tibullum, IV, 1, 175, in Observat. — *Pavor* ille ex magnitudine rei tractandæ. *Pavidus metus*, ut *muta silentia* etc. — *Excute* solemne de affectibus, qui deponuntur. — *Dant se* alteri, qui ei accommodant suam operam, qui studium suum favoremque ad eum conferunt. — *Dederis vires*. Eadem forma Metam. VI, 357, « Vitam dederitis » in unda. » — *In carmina*, ad carmina pangenda. Metam. IV, 150, « Dabit hic in vulnera vires, » ad vulnera infligenda. — *Ingenium tuo*; ingenium meum valet aut frangitur, prout tu vultu vel sereno, vel ini-



Pagina iudicium docti subitura movetur

Principis, ut Clario missa legenda Deo.

20

Quæ sit enim culti facundia sensimus oris,

Civica pro trepidis quum tulit arma reis.

Scimus et, ad nostras quum se tulit impetus artes,

Ingenii currant flumina quanta tui.

Si licet, et fas est, vates rege vatis habenas:

25

quò me respicis. IV ex Pont. VIII, 68, ad eundem Germanicum, « Ju- » dicio pretium res habet ista tuo. »

19. *Pagina*, liber; III, 791: in primis de Fastis dicebatur. Vid. Schwarzius ad Plinium, paneg. 92. In librum transit metus auctoris; itaque *movetur* reverentia, tamquam legendus mitteretur Apollini. — De *Clario* vide ad I Metam. 515. *Doctrinam* Germanici vere laudat, et commode in dedicatione carminis. Confer locum insignem II ex Pont. 5, 49, sqq; tum Suetonium Calig. 4, ubi ei tribuitur «ingenium » in utroque eloquentiæ doctrinæ » que genere præcellens. » Mox additur, « Oravit causas etiam trium- » phales, atque inter cætera studio- » rum monumenta reliquit comæ- » dias græcas. » De causis, quas in foro egit, conf. Dio Cass. LVI, 26. Poesin et eloquentiam forensem plurimi simul colebant. Hanc orate Noster extulit. — *Oris* mentio sæpe fit in oratoris descriptione, eique tribuitur *os latinum, græcum, planum* etc. Eloquentiam commendat ab honestissimo ejus usu, ut Horatius, II, Od. 1, 13, ubi Pollio «insigne mæstis præsidium reis. » Actiones forenses libenter comparabant veteres cum pugna; Cicero, I. Or. 34; Quintilianus, I, 1, 29, ubi et *arma* describuntur qualia actoris esse deceat. Cicero

actoris operam *urbanam* vocat *militiam*.

23. *Impetus*, calor, spiritus, enthusiasmus poeticus, etiam VI, 6; IV ex Ponto, II, 26, « Impetus ille » sacer, qui vatum pectora nutrit. » Item Phædrus, IV, fab. xxiv, 7. — *Ingenii flumen* in maxima et poetæ laude ponitur, et oratoris. Itaque Quintil. X, 1, 61, Pindarus excellit « velut quodam eloquentiæ flumi- » ne. » De Germanici ingenio IV ex Ponto, VIII, 69, « Quod nisi te » nūmen tantum ad majora vocas- » set, Gloria Pieridum summa fu- » turus eras. » Et poeticum ejus ingenium etiam hodie testatur versio Arati. *Desaintange* observat, eundem a poetica virtute a Quintiliano summis efferrî laudibus. Verum Quintilianus, X, 1, 91, non hunc Germanicum, sed Domitianum Imperatorem intellexit, cui, necessitate coactus, passim adulatus est. — *Si licet et fas est* formula solemnis, etiam sacra. Livius, I, 2, « Quem » cumque eum dici jus fasque est » de *Ænea* inter Deos relato. Sed quo nunc illa refertur? Lenius subintelligit, vel, ut vates vatem inspiret, vel ut tu exuli faveas. Possis et subpicere cogitando, si licet tuum auxilium implorare. — *Rege habenas* non differt a superiore *dirige navis iter*; nam gubernatori quoque navis *habe- »* *re* tribuuntur. Vide ad II Metam.



Auspice te felix totus ut annus eat.

TEMPORA digereret quum conditor urbis, in anno

Constituit menses quinque bis esse suo.

Scilicet armâ magis, quam sidera, Romule, noras :

Curaque finitimos vincere major erat.

30

Est tamen et ratio, Cæsar, quæ moverit illum :

Erroremque suum quo tueatur, habet.

185. — *Vates vatis*; IV ex Ponto, VIII, 67, ad eundem Germanicum, « Non potes officium vatis contem-  
» nere vates. » — *Felix totus* etc. ut bona totius anni descriptio mihi contingat. Sed de lectione *auspice te* disputatur. Bentleius enim ad illud Horatii, I, Od. 7, « *auspice Teucro* » contendit, *auspicem* non nisi proprio sensu de homine dici, metaphorico semper de Deo occurrere, ut *auspice Musa*, *auspice Deo*. Itaque hoc loco præfert editionum vetustarum et codicum quorundam lectionem *auspicio felix*. Nihil definit Burmannus. Mihi vero argutatus esse Bentleius videtur. Sed si vel maxime observationi ejus ratio constaret, non temere tamen *auspicem* Noster appellasset, quem, tamquam Deum, *pacatum* sibi esse et *annuere* voluisset. — Regii codices nostri A et B habent *Auspicio felix*; et in codice C, prima scriptura erasa, legitur a secunda manu *Auspice te felix*; non ingratam judico emendationem. *Ed.* — *Ire* frequentatur de temporis decursu; II, 2; Horatius, II, Od. xiv, 5, « quotquot eunt dies; » Tibullus, II, v, 82, Omine quo felix et sacer annus eat. »

27. *Anno ... suo*; ita tres Regii cod. unus Heinsii et prim. Veneta *annum suum*. *Ed.* — Incipit *carmen ipsum*; sed usque ad vs. 62, generalia quædam præmittuntur de *divisione anni* in

menses, et de *discrimine dierum*. Tenuis quidem hic locus est, nonnullis tamen ornamentis decore cultus, neque adeo injucundus. Conferendus est cum Macrobio, Sat. I, 12, et inde illustrandus. Is tradit, apud solos Ægyptios certum semper fuisse anni modum, apud cæteras gentes disparem mensium numerum, Arcadas nonnisi tres computasse, Acarnanas sex. Sic et Plutarchus in Numa, cap. 18. In hac igitur varietate non mirum videri debet, Romanos quoque olim *suum*, sibi proprium, annum habuisse, eumque *quinque bis* tantum mensium, assumtum illum forte ab alio Italiæ populo, haud dubie Albano, de quo Censorinus, 20. Sed quia hæc digestio naturæ adversatur, propterea illi, monente Plutarcho, ἀλόγως ἱχρῶντο τοῖς μηνὶ καὶ ἀτέκτως. Hinc et Noster, jucunda apostrophæ, *scilicet arma* etc. et Macrobius, Sat. I, 15, ei « ingenium acre quidem, sed agreste » tribuit. Cæterum cum loco seq. confer III, 99 sqq, ubi hæc eadem copiosius tractantur. De digestionem anni romani inde a Romulo docte disputat Ideler in libro *Historische Untersuchungen über die astron. Beobacht. der Alten*, p. 343 sqq.

32. Pro *habet* Heinsio unius Medicei lectio placet, *habe*, accipe a me, Cæsar. — In utero matris infans

Quod satis est, utero matris dum prodeat infans;

Hoc anno statuit temporis esse satis.

Per totidem menses a funere conjugis uxor

35

Sustinet in vidua tristitia signa domo.

Hoc igitur vidit trabeati cura Quirini,

Quum rudibus populis annua jura daret.

Martis erat primus mensis, Venerisque secundus:

Hæc generis princeps, ipsius ille pater:

40

Tertius a senibus; juvenum de nomine quartus:

*decem menses manet, si lunares menses intelligas.* Itaque ille numerus sæpe sic apud Veteres occurrit; Menander, *Ἰωνὴ καὶ δικάμηνος*. Erant grammatici, qui ex Homero, Od. Δ, 247, *περικλομίνου 3' ἰναινεσὺ τίς τις ἀγλαὰ τίκνα* docere volebant, etiam Homeri ætate annum habuisse decem menses. Gellius Noct. Att. III, 16. — *Per totidem menses* etc. confer III, 133, et Cic. Cluent. 12. Id fuit haud dubie ex instituto Romuli, et inde, quod annus decem menses habebat, unde et luctus ille *annuus* vocatur Seneca, Ep. 63. Numma luctui varia tempora constituit; decimo mense longissimum fuit terminatum; Plutarchus, Num. 12. — *Tristia signa.* Non prodibant in publicum, abstinebant a conviviis, focum non instruebant; Kirchmann. de Fun. IV, 11. — *Hoc vidit*, hoc spectavit, hoc secutus est, ut V, 71. — *Cura Quirini*, ipse Quirinus, ut I Metam. 47, *cura Dei*. — *Trabea* fuit in insignibus regum Romæ; Livius, I, 41, *Servius cum trabea et lictoribus prodit*. Confer. Dionysius Halic. II, 70; Plinius, VIII, 48, seu 74, *Trabeis usos accipio reges*. Eadem et Romulus se augustiorem reddidit; Livius, I, 8; Plinius, IX, 39 seu 63. Hinc et XIV Metam. 828, *trabeatus*

*Quirinus*. Quin apud Virg. Æn. VII, 188, jam Picus rex *succinctus trabea*. — *Populi*, cives. Hi a Livio, I, 8, *genus hominum agreste* vocantur, cui Romulus *jura* dederit. H. l. *dat annua jura*, annum digere; nam *jura dare* omnino de administratione civitatis et imperio dicitur. Non satis bene versum est: *als er Gesetze über das Jahr den wilden Voelkern gab*.

39. E Plutarcho et Macrobio apparet, jam antiquiores de ordine mensium prisco multum quæsisisse. — *Venerisque secundus*. Etiam Horatius, IV, Od. xi, 15: « Mensis » Veneris marinæ. » Macrobi. « Hanc » Romuli asserunt fuisse rationem, » ut primum quidem mensem a » patre suo Marte, secundum ab » Æneæ matre Venere nominaret, » et hi potissimum anni principia » servarent, in quibus esset Romani » nominis origo. » De nomine horum duorum mensium vide III et IV, init. plura. — *Tertius a senibus* etc. Etiam Fulvius Nobilior in Fastis auctor fuerat, Romulum postquam populum in *maiores* et *juniores* divisisset, in honorem utriusque partis alterum *Maium*, alterum *Junium* vocasse. Plura de hac re habes V, init. et VI. — *Turba*, et plures, nec nomine suo insignes.

Quæ sequitur numero turba notata fuit.

At Numa nec Janum, nec avitas præterit umbras,

Mensibus antiquis apposuitque duos.

NE TAMEN ignores variorum jura dierum :

45

Non habet officii Lucifer omnis idem.

Ille nefastus erit, per quem tria verba silentur :

Fastus erit, per quem lege licebit agi.

Neu toto perstare die sua jura putaris ;

Qui jam fastus erit, mane nefastus erat.

50

Nam simul exta Deo data sunt, licet omnia fari,

43. Erant olim, auctore Cenoso-  
rino, cap. 20, qui Numam dicerent  
ordinem tantum mensium retexuisse,  
et primum posuisse, qui fuerit  
sub Romulo undecimus, Janua-  
rium, vel quia Janus, Deus biceps,  
et transacti anni finem respiciat, fu-  
turique prospiciat principia, vel quia  
Numa artes civiles præferre voluerit  
bellicis, Janum enim civilium fuisse  
cultorem, vitamque feram mollivis-  
se. Ipse Plutarchus in eam senten-  
tiam inclinat. Sed vid. Ideler d. l. p.  
347. Secundum Nostrum, III, 153,  
id fecit auctore Pythagora.—*Avitas  
umbras*, nempe justa Diis Manibus  
solvebantur hoc mense; II, 533 sqq.  
De nomine vide II, 19 sqq.—*Appo-  
suitque*. Ita duo MSS Farnes. unus  
Medic. Gottorph. et Glossæ Rumph.  
Sed unus Moreti *postposuitque*, quum  
vulgo exhibeant *præposuitque*. Neu-  
tra lectio ferri potest; namque Numa  
Januarius præposuit, Februarium  
contra in anni finem rejecit, ut Nos-  
ter ipse II, 49, monet. Alios tamen  
auctores Macrobius secutus est; is  
enim, *secundum*, inquit, Numa *di-  
cavit Februo Deo*. Prope ad nostram  
lectionem accedunt, qui *addidit ille*  
exhibent; quo verbo et alii de hac re

usi sunt, et quod prætulerunt Mit-  
scherl. atque Lenzius et hic quidem  
eo, quod Ovidius pronomen *ille* sic  
soleat ponere, ut II, 277, 285. —  
Regii tres habent *præposuit*; at in  
codice C est glossa *addidit*, quæ pro  
lectione posset recipi. *Ed.*

45-62. *De discrimine dierum* con-  
fer Macrobi Sat. I, xv, 16. Discrimi-  
mina bene vocat *jura* et *officium*;  
quæ vocc. ab hominibus translata.—  
*Officii* Heinsius ex veterrimo Patav.  
primo Mediceo et nonnullis aliis de-  
dit. Cæteri, *officium idem*.—Verbis  
*ne ignores* non Germanicum rursus  
alloquitur; sed formula est genera-  
lis, tenenda sunt jura.—Ex Numæ  
instituto omnes dies erant vel *festi*,  
vel *profesti*, vel *intercisi*. *Festis*, qui  
etiam *nefasti* dicebantur, inerant  
sacrificia, epulæ, ludi, feriæ. Conf.  
Varro L. L. V, 4.—Nota sunt *tria*  
Prætoris *verba*, quibus hic omnis  
jurisdictio exprimitur.—*Lege* (ex)  
*agunt*, qui, permittente lege, ac-  
cusant.—*Dare exta*, ut *dare tus* aut  
*turis honores* formulæ solemnes.—  
*Honoratus*, qui magistratum gerit.  
Burm. observat, proprium præ-  
toribus fuisse epitheton, quorum  
edicta *jus honorarium* dicta.



Verbaque honoratus libera prætor habet.  
Est quoque, quo populum jus est includere septis :

Est quoque, qui nono semper ab orbe redit.

Vindicat Ausonias Junonis cura Kalendas :

55

Idibus alba Jovi grandior agna cadit :

Nonarum tutela Deo caret : omnibus istis ,

Ne fallare cave , proximus ater erit.

Omen ab eventu est : illis nam Roma diebus

Damna sub adverso tristia Marte tulit.

60

53. Macrobius, « Comitiales, qui-  
» bus cum populo agi licet, » id est,  
leges ferri, suaderi aut dissuaderi.  
Sed Noster, ut poeta, rem sensibus  
subjicit, *populum includere septis*,  
quod ex Antiq. Rom. notum.—*Qui*  
*nono* etc. Institutum erat vel a Ro-  
mulo, vel, ut alii tradunt, a Servio  
Tullio, ut octo diebus in agris rus-  
tici opus facerent, nono autem quo-  
que die ad mercaturam exercendam  
legesque accipiendas Romam veni-  
rent. Lege Hortensia effectum, ut  
fasti essent illi dies, quibus rustici  
lites componerent. Cautum tamen,  
ne in primum anni diem, aut in  
Nonas nundinæ caderent.

55. De *Kalendis*, *Idibus* et *Nonis*  
vid. Plutarchus Quæst. Rom. tom.  
VII, pag. 90, edit. Reisk. Mensem  
lunarem peperisse hanc divisionem,  
docet Ideler, p. 350. Ut *Idus* omnes  
Jovi, ita omnes *Kalendæ* Junoni  
tributæ; Macrobius, I, 15. Olim  
enim ab exortu lunæ initium erat  
mensium; Lunam autem et Juno-  
nem eandem putabant. Kalendis  
igitur omnibus Pontifex minor, at-  
que Regina sacrorum rem divinam  
Junoni faciebant. — Pro *Junonis*  
Heinsius malebat *Junonia*.—Kalen-  
das, Romanis proprias, dixit *Au-*  
*sonias*, ut vers. 1, annum *Latium*.

Frequentat Noster hoc nomen. *Fes-*  
*tus* : « Ausoniam appellavit Auson,  
» Ulyssis et Calypsus filius, eam  
» partem Italiæ, in qua urbes Be-  
» neventum et Cales : deinde pau-  
» latim tota Italia dicta Ausonia. »  
Heynii excurs. IV, ad *Æn.* VII.—  
*Nonarum* ... *caret*, forma exquisitior,  
quam, *Nonæ* tutela Dei carent. —  
*Omnibus istis* etc. Omnes dies, qui  
postridie erant Kalendas, Nonas,  
Idus (dies postriduanos), Pontifices  
*atros*, infaustos, habendos statue-  
runt, nempe *ab eventu*. Veterum  
enim superstitio ad dies attendebat,  
quibus iisdem, sed diversorum an-  
norum, res mirabiles accidissent;  
*Ælianus* Var. Hist. II, 25. Romanis  
autem post sacra die postriduo facta  
ad Alliam, ad Cremeram, multis-  
que aliis locis pugna male cesserat;  
Gellius Noct. Att. V, 17, ex Verrio  
Flacco. — Burmannus hic et aliis  
quibusdam locis *damna ferre* pro *d.*  
*facere* notari vult; bonam tamen  
esse locutionem, ut *fortunam ferre*.  
Compara etiam *calamitates ferre*,  
quod et afficere, et affici calamita-  
tibus significat. Illa autem *damna*  
verbis *ne fallare cave* vitare jubet.—  
Excerpta Vossii, septem cod. et edi-  
tio Gryphii *averso Marte* exhibent.  
Nempe *adversi* Dii sunt infesti,



Hæc mihi dicta semel, totis hærentia Fastis,

Ne seriem rerum scindere cogar, erunt.

ECCE tibi faustum, Germanice, nuntiat annum;

Inque meo primus carmine Janus adest.

Jane biceps, anni tacite labentis origo;

65

Solus de Superis qui tua terga vides;

Dexter ades ducibus, quorum secura labore

Otia terra ferax, otia pontus agit.

Dexter ades patribusque tuis, populoque Quirini:

*aversi*, qui non exaudiunt preces, vota non rata esse jubent. Sæpe hæc duo confusa sunt a librariis. — Regius noster B solus habet *averso*. In codice A legitur *Dampna*; de qua scriptura vide ad Metam. X, 371. *Ed.* — *Hærentia*, valentia, tenenda per totum hoc opus.

63. Hinc *Januarii memorabilia* incipiunt. Quoniam Kal. Jan. alteri quisque novum annum gratulabatur, inde jucunda hæc conversio fluxit, *Ecce tibi* etc. eique additæ sunt bonæ preces. Claudianus, XXVIII, 640, Janus « novum fastis aperit felicibus annum, Ore » coronatus gemino. » Formæ *bicipitis* ratio in seqq redditur. Eam paulo jocosius, sed ingenio suo satis accommodatè, circumloquitur, *Solus de Superis* etc. — *Desaintange* notat sumi posse, *terga* apud Latinos non fuisse verbum tam humile et sordidum, quam apud Gallos *les fesses*: sane, fuit vox satis honesta. — *Origo*, cui initium anni dicatum, et a quo primus mensis nominatus. — *Bene tacite labens*; etenim, auctore Seneca de Brev. Vit. 8, « non » tumultuatur tempus præteriens, » nec admonet nos velocitatis suæ, » sed tacite labitur. » Sic Art. II, 670, senecta, et apud Tibullum, I,

x, 34, mors « tacito pede venit. » Ergo h. l. non debebat verti, *das langsam wandelnde Jahr*: immo cito pede labitur.

67. *Quorum . . . agit*, quorum labore pax terra marique parta. Forte universe locutus est de omnibus ducibus, qui, ut Augustus post pugnam Actiacam, pacem composuerunt. Sin quis putet, hæc ad solum Germanicum referenda, dicendum, incerta esse anno u. c. 770, sub Tiberio, quum Germanicus de Cheruscis, Cattis aliisque populis triumphasset; Tacitus, An. II, 41. — *Ferax* tantum ornat. — *Securitas* frequens pacis attributum; I Metam. 100, « Molliæ securæ peragebant » otia gentes. » Etiam h. l. Heinsius *otia agit* pro *otia habet* ex septem MSS recepit, eamque lectionem exemplis confirmavit. — Tres nostri Regii codices dant *otia pontus habet*: sæpius quidem apud auctores reperitur verbum *agere* cum *otium*, *pacem*, *bellum* etc. Aliquoties tamen cum hisce vocabulis jungitur verbum *habere*: judicet lector. *Ed.*

69. *Populo Quirini*. Horatius, I, II, 46, *Lætus intersis populo Quirini*; Noster XV Metamorph. 572 et 756, *patriæ lætum populoque Quirini*. Sed cur *patres* dicuntur esse Jani,

Et resera nutu candida templa tuo.

70

Prospera lux oritur : linguisque animisque favete ;

Nunc dicenda bono sunt bona verba die.

Lite vacent aures ; insanaque protinus absint

Jurgia : differ opus , livida lingua , tuum.

Cernis , odoratis ut luceat ignibus æther ;

75

*populus autem Quirini* ? Burmannus conjicit *tui*, id est , *tui Martis*, ut et patres et *populus Martis*, id est *Romanus*, sint in tutela Jani. Assentitur Taubner. Ipse Janus dictus est *Quirinus*, idque fuit nomen ejus religiosum, Macrobius, Sat. I, 9, « In sacris invocamus Janum Quirinum, quasi bellorum potentem, » ab hasta, quam Sabini curim vocant. » Atque ita et a scriptoribus vocari solet, ut ab Horatio, IV, Od. xv, 9. Suetonius Aug. 22, *Janum Quirinum ter clusit*. Itaque et nunc forte legi possit *Quirine*, quemadmodum XV Metam. 862 vers. in hunc ipsum vocativ. desinit. Quamquam correctione vix opus esse videtur, modo hæc sic capiantur : et patribus tuis et populo tuo Romano. Sic et Krebsius accipi voluit. — Kalendis Januariis templum adiri solebant ; Jani templum eo tempore erat clausum ; itaque Ovidius id introituris ab ipso Deo *reserari* cupit, non manu, sed, ut Deum decet, *nutu*. — *Candida* possunt templa dici a marmore, aut omnino a materia candida. Ita III Trist. I, 60, *candida templa* Apollinis. Sed nunc præstat intelligere, quæ plena sunt hominibus candida veste indutis. Candidi enim coloris usus novo anno ; quo tempore Nero etiam stragulis albis utebatur. Sueton. 50.

71–86. *Solemnia novi anni* apud Romanos. Operam dabant, ut fausta loquerentur, et sacra faciebant ; con-

sules magistratum inibant. — *Linguis favere*, *ῥωγμίδν*, et *bona verba dicere* non differunt ; Tibullus, II, II, 1, « Dicamus bona verba, venit Nasus talis, ad aras ; Quisquis ades, lingua, vir mulierque, fave. » — Kalendis Januariis *bona verba* sunt lætæ preces ; Plinius, Histor. Nat. XXVIII, 2, « Primum anni incipientis diem lætis precationibus invicem faustum ominamur. » Noster tamen latius dixit, atque etiam litibus, jurgiis, maligne dictis opposuit, *animisque*. Hoc idem est, quod Seneca, Ep. 87, commendat, « annum faustum et felicem redamus bonis cogitationibus. » — *Bonus* dies est faustus, ut vers. 87, *melior dies*. Placuerunt sibi Græci et Latini in tali repetitione ejusdem verbi : vide ad III Metam. 60. — *Insana jurgia*. Tibullus, III, v, 13, *insanæ meditantur jurgia lingue*. — Non pergit : absint invidiose dicta, sed grata conversione utitur : *differ... tuum*. — Exquisitius est *livida lingua*, quam, quod plurimi habent, *livida turba*.

75. Kalendis Jan. tota Roma religionibus occupata. — *Odoratis ignibus*, quia tus, croci flos, cinnamomum et casia injiri solebant ; Tibullus, II, II, 3, « Urantur pia tura focus, urantur odores, Quos tener » e terra divite mittit Arabs, » ubi vid. Heynius. « Panchæis ignibus » dixit Virg. Georg. IV, 379. — *Spica Cilissa*, crocus ; etiam Propertius,

Et sonet accensis spica Cilissa focis?

Flamma nitore suo templorum verberat aurum,

Et tremulum summa spargit in æde jubar.

Vestibus intactis Tarpeias itur in arces:

Et populus festo concolor ipse suo est.

80

Jamque novi præeunt fascēs; nova purpura fulget;

Et nova conspicuum pondera sentit ebur.

Colla rudes operum præbent ferienda juvenci,

Quos aluit campis herba Falisca suis.

Jupiter, arce sua totum quum spectet in orbem,

85

IV, VI, 74. Optimum enim Corycus mittebat, mons Ciliciæ. *Spica*, capillamenta et fila croci: vide Salmasium ad Solin. p. 749. Etiam nardo *spicæ* et *aristæ* passim tribuuntur. Bodæus ad Theophrastem, p. 662, hoc loco odores ex croco et aliis rebus compositos intelligit: *sonitus* optimi croci indicium; Plinius, XXI, 6. Quamquam in eo et vis boni omnis. Tibullus, II, v, 81, «succensa» sacris crepitet bene laurea flammis. — *Cernis*, aut *vides*, ut, quemadmodum, solemne in vividioribus descriptionibus. — *Aurum*, lacunar auro obductum. Id dum tremulo motu relucet ab igne; *verberari* splendore flammæ dicitur; Virgil. Georg. IV, 385, «Ter flamma ad» summum tecti subjecta reluxit;» quod et ipsum erat fausti ominis.

79. Inde ab anno u. c. 601, quo Q. Fulvius Nobilior, T. Annius Luscus designati consules, Kal. Jan. frequenti populo comitati, adscendebant in Capitolium, sacrisque faciendis Jovem conciliabant reipublicæ. Confer III, 147; IV ex Ponto IV, 23-32; et IX, init. ubi eadem fere, quæ hic, verba. — *Arces* poetis et montes, et templa in montibus posita. — *Intactis*, puris. Male ver-

sum, mit ungefaerbten Gewanden. — *Concolor*, candidis vestibus, quæ candido, id est, læto diei conveniunt; V Trist. v, 6, eadem vestis alba, quæ toto sumitur anno, *discolor* satis poetæ vocatur. — *Purpura*, etsi ea omnium magistratuum toga prætexta, consularis tamen potissimum dignitatis decus habebatur. Plinius, pan. LVIII, 5, «summum» purpuræ decus» consulatus, et LIX, 2, «induere prætextam et» ascendere curulem,» sumere consulatum. — *Pondera*, ipse consulsellam curulem premens.

83. *Rudes operum*, qui nondum jugum subiere. — *Faliscus* ager, circa Falerios, Etruriæ oppidum, victimis pascendis dicatus. Candidi enim juvenci aut boves in sacris præferabantur; Clitumni autem amnis aqua potata candidos boves reddere credebatur; Plinius, II, 103. Itaque victimæ inde et Romam arcescebantur; Virgilius, Georg. I, 146. — *Arx*, domus Jovis in summo cælo, I Metam. 163, unde despicit terras; Virgilio, Æn. I, 223. Possis tamen Capitolium intelligere, in quod Jupiter illo die, ut sacris suis interesset, descenderit. Namque I Trist. v, 69, etiam Roma «de septem totum



Nil nisi Romanum, quod tueatur, habet.  
 Salve, læta dies, meliorque revertere semper,  
 A populo rerum digna potente coli.  
 Quem tamen esse Deum te dicam, Jane biformis?  
 Nam tibi par nullum Græcia numen habet. 90  
 Ede simul causam, cur de cælestibus unus,  
 Sitque quod a tergo, sitque quod ante, vides.  
 Hæc ego quum sumtis agitarem mente tabellis,  
 Lucidior visa est, quam fuit ante, domus.  
 Tum sacer, ancipiti mirandus imagine, Janus 95  
 Bina repens oculis obtulit ora meis.  
 Obstupui; sensique metu riguisse capillos;  
 Et gelidum subito frigore pectus erat.

» circumspicit orbem Montibus. » —  
 Mox imperium Romanum superbe  
 circumloquitur, *Nil nisi* etc. II, 138,  
 « Quodcunque est alto sub Jove,  
 » Cæsar habet. » — De suo *arbe*  
 Romani magnifice loquuntur, ut de  
 toto terrarum orbe; II, 683 sq. —  
*Melior, lætior*. — *Rerum potente*; II  
 Metam. 259, « Cuique fuit rerum  
 » promissa potentia, Tibris, » im-  
 perium orbis terrarum. *Rerum rec-  
 tores* Rutil. Itin. I, 555, ubi vid.  
 Wernsdorf.

89. Locus, qui sequitur paulo lon-  
 gior, *Jani mythologiam* complecti-  
 tur. De ea, quum satis esset impedita,  
 jam antiquiores Romani magna dis-  
 sentione disputabant, quum alii eam  
 ex historia explicarent, alii ex phy-  
 sicis. Vide Macrobius, Sat. I, 9,  
 et recentioribus Heynium in Exc.  
 V ad *Æn.* VII. Ac hic quidem Jani  
 religionem putat ab initio fuisse sym-  
 bolicam, ad declarandam rerum na-  
 turam, variasque ejus proprietates.  
 Hoc certum est, fictum eum esse  
 bifrontem cum clave et virga, ap-

pellatum Patrem, omnibus januis  
 præfuisse, in omnibus sacris pri-  
 mum esse invocatum, arbitrum de-  
 nique fuisse belli et pacis. — Ovidius,  
 ut orationem et variaret et anima-  
 ret, Janum sibi fingit meditati ad-  
 stitisse, interrogatumque suam ex-  
 plicuisse naturam. Similia figmenta  
 plurima in hoc opere.

*Quem tamen... habet.* Quum om-  
 nis fere Romanorum mythologia  
 sumpta esset a Græcis, non temere  
 hæc quærentur. Responsio tamen  
 facilis est, si sumis *Janum* antiquis-  
 simum fuisse Italorum regem. For-  
 mam bicipitem Noster hic nimis fere  
 urget, atque vers. 89-96, quater  
 expressit. — *Lux* signum Dei præ-  
 sentis. Virg. *Æn.* II, 590, « pura per  
 » noctem in luce refulsit Venus; »  
 confer eundem IV, 358. Hæcigitur  
 Jani luce et *domus* collustrari potuit,  
 et, quod Excerpta Vossii, Polit. et  
 Erford. Cod. præferunt, nec Bur-  
 mannus damnat, *dies*. Horrorem  
 sacrum ex adpectu numinis, quum  
 verendum esset, ne aut mente ocu-



Ille tenens dextra baculum, clavemque sinistra,

Edidit hos nobis ore priore sonos:

100

Disce, metu posito, vates operose dierum,

Quod petis, et voces percipe mente meas.

Me Chaos antiqui, nam res sum prisca, vocabant.

Adspice, quam longi temporis acta canam.

Lucidus hic aer, et, quæ tria corpora restant,

105

Ignis, aquæ, tellus, unus acervus erant.

Ut semel hæc rerum secessit lite suarum,

Inque novas abiit massa soluta domos;

Flamma petiit altum; propior locus aera cepit:

Sederunt medio terra fretumque solo.

110

Tunc ego, qui fueram globus, et sine imagine moles,

In faciem rediit, dignaque membra deo.

Nunc quoque, confusæ quondam nota parva figuræ,

Ante quod est in me, postque videtur idem.

lisve caperetur, aut subita morte concideret, iisdem fere verbis expressit, quibus Virg. Æn. III, 48.

99. Macrobi. I, 9, Janus « et cum » clave ac virga figuratur, quasi omnium portarum custos et rector » viarum. — *Ore priore*, ore ad me converso. — *Vates operosus dierum*, poeta serio occupatus diebus describendis. Ita et III, 177, Mars poetam vocat. — *Voces*. MS Hamburgensis *vires*, quod non damnant Heinsius et Burmannus. Sane vers. 133, *vis mea narrata est*. — Janus principium habebatur omnium rerum; inde dictus est *chaos*. Quin erant, qui ipsum ejus nomen a voc. *chaos* deducerent, detracta adspiratione. Vid. Festus in h. v. Chaos ejusque formationem hic describit, ut V, 11 sqq; I Metam. init. Confer et ea, quæ ex M. Messalæ libro de Jano Macrobius d. l. adfert. — *Erant*.

Lenzius erat, ut doctius, præfert. —

*Lite rerum suarum*, pugna, scil. fermentatione elementorum contrariorum, quam Metam. d. l. descripsit. — *Flamma*, æther, cujus natura ignea. — *Sederunt*, subsederunt, quod V, 13, legitur. Tibul. IV, 1, 19, pro eo, *desidere*. — *Solo* pro loco Heinsius ex plurimis et melioribus MSS recepit, quia solum uniuscujusque rei fundamentum, et quia I Metam. 73, « astra tenent cæleste solum. » — *Sine imagine*, informis, ut I Metam. 87, *sine imagine tellus*. — *In faciem rediit*, formam distinctam accepi. — *Pro parva* Voss. *prima*, non improbante Heinsio. Sed Burmannus conjicit *priva*, propria. Illa autem *nota* est ipsa forma biceps, cujus sic prior causa allata est. — In tribus nostris Regiis est *parva*, Ed. — *Ante quod* etc. pars capitis anterior et posterior. Lenzius præterita et futura intelligit.

Accipe, quæsitæ quæ causa sit altera formæ;

115

Hanc simul ut noris, officiumque meum.

Quidquid ubique vides, cælum, mare, nubila, terras;

Omnia sunt nostra clausa patentque manu.

Me penes est unum vasti custodia mundi:

Et jus vertendi cardinis omne meum est.

120

Quum libuit Pacem placidis emittere tectis;

Libera perpetuas ambulat illa vias.

Sanguine letifero totus miscebitur orbis,

Ni teneant rigidæ condita bella seræ.

Præsideo foribus cæli cum mitibus Horis:

125

115. Ab officio initium facit, et inde a vers. 34, alteram causam subijcit. — Janus omnium januarum, tam per orbem terrarum, quam in cælo, præses claviger et custos. Januæ opera janitoris vel patent, vel clausæ tenentur. Hinc omnis locus sequens pendet. A quibusdam Janus Sol habebatur, et ideo geminus, quasi utriusque januæ cælestis potens, qui exoriens aperiat diem, occidens claudat. — *Nubila*, aera. — *Vertere cardinem*, aperire et claudere januam. Terentian. Maurus in Wernsdorf. Poetis Min. II, 279, « Stridula cui limina, cui cardinei » tumultus, cui reserata mugiunt » aurea claustra mundi. » A Jano, antiquissimo Italiæ rege, domorum valvæ, seræ et claves excogitatæ, januæque dictæ esse credebantur. Exempli causa e terrestribus Poeta memorat, quæ Romæ in primis memorabiles, januas *Pacis*, videlicet templi Jano dicati, quod Numa indicem belli et pacis esse voluerat. Id poetæ varie exornarunt. Hoc loco Janus templo suo Pacem et Bellum, tamquam personas, tenet clausa, et pro arbitrio nunc hoc *emittit*, nunc

illam. Apud Horatium, II, Ep. 1, 255, ipse clausis januis, ut pacis auctor et custos, cohibetur. Apud Virgilium, Æn. VII, 607 seq, Bellum et Mors vincla tenentur, custode in foribus Jano. *Pro emittere tectis* Heinsio placebat ex Hercul. codice *immittere rebus*. Unus Patav. *immittere terris*. — *Perpetuas*. Vetusiores plerique *per tulas*, quod mihi placet. Sed Heinsius tuetur *perpetuas*, quia *ambulare* cum accusativo construitur. — *Letiferam sanguinem* Noster dixit etiam Rem. Am. 26, quia profusio sanguinis mortem adfert. — *Miscebitur*, ut apud historicos *ferro flammasque misceri omnia* dicuntur. — *Rigidæ seræ*; Virgil. Æn. VII, 609, geminas Belli portas « Centum » ærei claudunt vectes, æternaque » ferri Robora: nec custos absistit » limine Janus. »

125. De his *Horis* Homerus, II. E, 749, ubi de portis cæli: αἱ δὲ ἵχον ὧραι, τῆς ἐπετίτραπται μέγας οὐρανὸς οὐλομένης, ἡ μὲν ἀνακλίνουσι πύλας ἐν νύκτι, ἡ δ' ἔπειθε δύναι, « quibus commissum est magnum cælum, ut et aperiant dentem sam nubem et claudant. » Nempé, probante Heynio, effectæ sunt ex

It, rediv officio Jupiter ipse meo:  
 Inde vocor Janus : cui quum Cereale sacerdos  
 Imponit libum, mixtaque farra sali;  
 Nomina ridebis : modo namque Patulcius idem,  
 Et modo sacrifico Clusius ore vocor. 130  
 Scilicet alterno valuit rudis illa vetustas  
 Nomine diversas significare vices.  
 Vis mea narrata est : causam nunc disce figuræ.  
 Jam tamen hanc aliqua tu quoque parte vides.  
 Omnis habet geminas, hinc atque hinc, janua frontes; 135  
 E quibus hæc populum spectat; at illa Larem.  
 Utque sedens vester primi prope limina tecti  
 Janitor, egressus introitusque videt;  
 Sic ego prospicio, cælestis janitor aulæ,

anni conversionibus, iisque suaviter ministerium ad fores cæli datum. Pro foribus ibi nubes obditur. Genus et nomina earum habent Hesiodus Theog. 901; Orpheus h. 42. — *It, rediv* Heinsius e MS Vossiano et septem aliis assumpsit, pro *Et rediv*, quod scripti plerique præferunt. Olim vulgo *Et rediv officio Jupiter, itque meo*, quod ἑστῆς πρὸς τὸν non infrequens. Heinsius putat, Ovidium hic respexisse ad etymon nominis, quum Cicero Janum ab eundo *Eanum* dictum existimet. Vid. Sagittarius de Januis. Et sic putandum est, si inde refers ad verba *it, rediv*. Sed potest etiam ad *præsideo foribus* referri et multo rectius, quia non Janus *iens* inducitur, sed Jupiter. Noster eos potius secutus est, quibus *Janus* a *janua* dictus videbatur, quia januis præesset. — *Cui*, cujus altari. — *Libum*; Festus: « Janual, libi genus, » quod Jano tantummodo libatur. — *Mox plurimi MSS et editi*, quos Mitscherl. secutus, *sale*. — *Patul-*

*cius* etc. Etiam Macrobius. « In sacris » quoque invocamus Janum Patulcium et Clausium; quia bello val- » væ ejus patent, pace clauduntur. » — *Alterno*, altero munus aperiendi, altero claudendi. Heins. malebat, *alternas, diverso*, quod placebat Taubnero. Alterum est exquisitius. — *Vices*, munera, quæ per vices aguntur.

133. *Vis*, officium: ex hoc tu jam quodammodo sponte causam figuræ meæ cognosces. — *Populum spectat*, versa est ad plateas. — *Janitores* in aditu ædium inter duas fores vel *sedebant*, vel stabant, vel cubabant; Sagittarius de Januis ep. 16. — Burmannus putat, inferiorem domus partem, ubi janua, non recte *primum tectum* dici. Conjicit igitur hic quoque *privi*, ut domus privatæ custos comparetur Jano. Immo e sermone poetico prima pars rei recte *prima res* dicitur. Ita *primum ver*, *primus sol* et multa alia. Confer VI, 302, ubi *primæ ædes* occurrunt. — *Prospicio*. Meliores, notante Heinsio,



Eoas partes, Hesperiasque simul. 140  
 Ora vides Hecates in tres vergentia partes,  
 Servet ut in ternas compita secta vias.  
 Et mihi, ne flexu cervicis tempora perdam,  
 Cernere non moto corpore bina licet.  
 Dixerat: et vultu, si plura requirere vellem, 145  
 Se mihi difficilem non fore fassus erat.  
 Sumsi animum, gratesque Deo non territus egi:  
 Verbaque sum spectans pauca locutus humum.  
 Dic, age, frigorebus quare novus incipit annus,  
 Qui melius per ver incipiendus erat? 150  
 Omnia tunc florent: tunc est nova temporis ætas;  
 Et nova de gravido palmite gemma tumet;  
 Et modo formatis amicitur frondibus arbos;  
 Prodit et in summum seminis herba solum;

*perspicio*; sed *prospicio*, in longinquum specto, verum est. — Regii codices A et B *perspicio*. — *Partes*, regio. — Quum Dea *triceps* adeo, aut triformis haberetur Hecate in triviis culta, non male illa comparationis causa est adhibita. — Præter has, et aliæ causæ commemorantur quare biceps Janus; in primis hæc, quod Janus rex et præterita sciverit, et futura providerit.

145–164. *Cur annus media hieme incipiat*. Hic suavis verni temporis descriptio intexta, quacum conf. Anacreon, Od. 37; Lucretius, I, 5 sqq; Horatius, I, Od. 4; IV, Od. 7 et 12; Virgilius, Georg. II, 324, et Noster infra III, 236 sqq; IV, 87 sqq. — *Fassus erat*, e vultu hilari apparebat, eum mihi non difficilem fore; VI Metam. 35, « con- » fessaque vultibus iram. » — Non territus quidem egit, verecundus tamen, *spectans humum*. — *Per ver*,

durante vere. — *Nova temporis ætas*, omnia tunc quasi renascuntur. — *Gemma* ad articulos sarmentorum existit, et inde oriens uvæ ostendit. Cicero de Senect. 15. — *Amicitur frondibus*. Heinsius ex MSS Ursini, Mazar. et septem aliis dederat *amicitur vitibus*, ut maritatio ulmi aut populi intelligeretur. Vulgo, *aperitur frondibus*. Quatuor, *amicitur frondibus*, quod, quia de vite jam præcessit, ego prætuli. *Amicire*, ut *vestire*, de frondibus floribusque æque bene ac de vitibus dicitur: et in descriptione veris solemne est etiam folia redeuntia memorare; Virgilius, Georg. I, 342; II, 323; Horatius, IV, Od. VII, 2, « redeunt » arboribus comæ. » Etiam, ni fallor, *modo formatis*, recens natis, melius frondibus, quam vitibus convenit. *Desaintange* monet, *vitibus* positum esse pro *frondibus*; quod ferri non potest. — *Seminis herba*.



Et tepidum volucres concentibus aera mulcent; 155

Ludit et in pratis luxuriatque pecus.

Tum blandi soles; ignotaque prodit hirundo;

Et luteum celsa sub trabe fingit opus.

Tum patitur cultus ager, et renovatur aratro:

Hæc anni novitas jure vocanda fuit. 160

Quæsieram multis: non multis ille moratus,

Contulit in versus sic sua verba duos:

Brunia novi prima est, veterisque novissima solis:

Principium capiunt Phæbus et annus idem.

Post ea mirabar, cur non sine litibus esset 165

Cic. d. l. « elicitur herbescens e se- » mine viriditas. » MS Juniani *graminis herba*, quod illustrat Burmannus: nec male *graminis* nunc mentio fit; Horatius, IV, Od. 7, *redeunt jam gramina campis*; Od. 12, custodes ovium carmina dicunt *in tenero gramine*. Et Plin. XXIV, 19, *gramen ipsum inter herbas vulgarissimum*. Propter cod. tamen auctoritatem *seminis herba* præfero, id est, sata. Et sic sæpe *herba*; IV, 645, *primis in herbis*; 911, *Cereales herbae*; Virgilius, Georg. I, 339, *lætis operatus in herbis*. Vide infra vers. 680. — *Tepor* de calore verno; *mulcere* de leni concussione aeris, quam efficit vel mitis Zephyrus, vel suavis concentus avium. Virgilius, Georg. I, 422; Æn. VII, 34. Hinc et infra II, 116, *carmine mulcet aquas*. — *Luxuriare* lætos et petulantes motus indicat, ut Æn. XI, 497. Pro eo VII Metam. 321, *agnus lascivit fuga*. Verum ea notio quum jam insit verbo *ludit* (Horat. III, Od. xi, 10; xviii, 9), possis nunc ad membra vegeta referre, ut VII Metam. 292, *membraque luxuriant*; Virg. Georg. III, 81, *luxuriat toris pectus*; Plin. II,

Ep. xvii, 1, *pecora tepore verno nitescent*. — *Ignota*, advena. De *hirundinis* reditu vide II, 853. — *Fingit* recepit Heins. ex MS Petav. et multis aliis, quia  *fingere* in primis de luteis operibus: quidam *nectit*: vulgo *figit*, quod et ipsum de nido hirundinis bene dicitur; Virgilius, Georg. IV, 307, *tignis nidum suspendit*; Horat. IV, Od. xii, 5, *Nidum ponit*. Adeo illud variari potest. — *Tum patitur* etc. Non agnoscit hic Heinsius numeros Ovidianos, itaque conjicit *Tunc cultum patietur ager, renovatus aratro*. Futurum quidem *patietur* nunc vix locum habet commodum: *patitur*, admittit cultum, tunc enim « Ze- » phyro putris se gleba resolvit, » Georg. I, 44. — *A bruma*, sive solstitio hiemali Romani novum annum incipiebant; Censorinus, cap. 21. Hinc *bruma* ponitur etiam pro ipso novo anno. Vid. omnino Scaliger de Emendat. Temp. V, 412; et Ideler, p. 354.

165-170. *Primus anni dies cur fastas*. Veteres habebant dies *auspicales*, id est, quibus boni ominis causa negotia quædam leviter agerent. Sic Vulcanalibus multi auspiciandi causa

Prima dies : Causam percipe, Janus ait.  
 Tempora commisi nascentia rebus agendis,  
 Totus ab auspicio ne foret annus iners.  
 Quisque suas artes ob idem delibat agendo :  
 Nec plus quam solitum testificatur opus.  
 Mox ego : Cur, quamvis aliorum numina placem,  
 Jane, tibi primo tura merumque fero ?  
 Ut per me possis aditum, qui limina servo,  
 Ad quoscumque velim prorsus habere Deos.

170

lucubrare solebant; scil. ante diluculum, lychnis adhibitis, aliquid tractare. In iis diebus in primis erant Kalendæ Januar. Columella, XI, 2: « Per hos dies abstinent terrenis » operibus religiosiores agricolæ; ita » tamen, ut ipsis Kal. Januariis auspicandi causa omne genus operis » instaurarent. » Conf. Lipsius ad Tacitum, Ann. IV, 36. Idem ergo fiebat in foro Romano.—Non erat, cur Heinsius *mirabar* in *scitabar* mutari vellet; etenim *mirari* est mirandum interrogare, ut *dubitare*, dubitanter querere.—*Iners*, qui ab inertibus transigitur.—*Ab auspicio*, propter auspiciū.—*Delibare artes* eleganter dicitur, qui non serio iis instat, sed leviter eas, boni ominis causa, attingit. MS Juniani *prælibat*; quod et ipsum placet, quia Noster verba cum *præ* composita amat. Sic *præconsumere* VII Metam. 489; *prædelassare* XI Metam. 731; *præcontrectare* VI Metam. 478; *præcorrumpere* XIV Met. 135. — Pro *ob idem* Heinsius conjicit *obiter*; quod quum in Bullialdi codice exstaret, nec Burmanno displicebat: est enim leviter, non id agens, quamquam vis ejus jam inest in verbo *delibat*. Heinsius præterea e corruptis MSS vocibus *obid*, *obide* etiam restituere volebat,

*obit et delibat*. Burmannus vehementer dubitat, an *obire artes* recte dicatur. Ipse suadet, *Quisque suas partes obiter delibat agendo*; etenim *agere partes* esse obvium et vulgare; et illos, quos Auctor intelligat, perfunctorie tantum opus suum, ut in scena histriones, delibare.

171—174. *Primus in sacris invocatur Janus*. Martial. VIII, 8, « Te » primum pia tura rogent, te voce » saluent; » X, 28, « Publica quem » primum vota precesque canunt. » Inde et in Senec. Apocol. primus sententiam rogatur in cælo. Causa ejus honoris non una redditur. Q. Fabius Pictor habet hanc, quia Janus primus far et vinum ad sacrificia docuerit; Cicero Nat. D. II, 27, quia prima et extrema omnibus in rebus maximam vim habeant; Macrobius d. I, quia Janus in Italia primus Diis templa fecerit; Festus, quia Chaos omnium primum. Far ei oblatum esse, Fabius auctor fuit; Noster et Martialis *tura* memorant; nempe *tura ferre* aut *dare* formula solemniss pro, sacra facere. Itaque I Metam. 369, jam de Deucalionis sacris legitur, *aditum ad Deos*. Etiam Arnob. adv. Gent. III, p. 117, eum dicit *viam pandere Deorum ad audientiam*.

At cur læta tuis dicuntur verba Kalendis ;

175

Et damus alternas , accipimusque preces ?

Tum Deus incumbens baculo , quem dextra gerebat :

Omina principiis , inquit , inesse solent.

Ad primam vocem timidus advertitis aures :

Et visam primum consulit augur avem.

180

Templa patent , auresque Deûm : nec lingua caducas

Concipit illa preces ; dictaque pondus habent.

Desierat paucis : nec longa silentia feci ;

Sed tetigi verbis ultima verba meis :

Quid vult palma sibi rugosaque carica , dixi ,

185

Et data sub niveo candida mella cado ?

Omen , ait , causa est , ut res sapor ille sequatur ,

Et peragat cœptum dulcis ut annus iter.

175-182. *De lætis precationibus.* Quem ; Heinsius malit *quod*, quia *baculum* neutro genere II Metam. 789, legitur. Sed non est, cur invitis libriseam formam adoptemus. — *Omina* etc. Itaque et operam dabant Romani, ut orationes verbis bene ominatis auspicarentur. — *Consulit*, auspicia capit. — *Caducæ*, quæ cadunt ad irritum, non exaudiuntur. — *Concipere preces* non modo de mente dicitur, quæ eas excogitat, sed et de lingua, quæ eas profert ; VIII Metam. 682. — *Pondus habent*, quibus eventus constat ; IX Metam. 493, *somnia pondus habent*.

183-226. *Strenæ*, de quibus vid. *Frankenstein* in Disp. de novo anno, cap. 4. Earum originem ad Tatium regem refert Symmach. — *Paucis*, pauca locutus, prætulit Heinsius ex uno Mazarin. nam reliqui habent *Janus*. — In strenis erant caryotæ, *palma* fructus, auro oblitæ ; Martialis, XIII, Epigr. 27 ; VIII, 33, « Hoc linitur Sputo Jani caryota

» Kalendis, Quam fert cum parvo  
» sordidus asse cliens. » — *Cadus*, vas, variis rebus recipiendis serviens, etiam melli. Martialis, I, 4, « Flavaque de rubro promere mella cado. » Sed in strenis *niveus* cadus, *candida* mella, quæ optima. Lectionem autem hanc composui e vulgata et ex ea, quam Heinsius auctoritate Vossian. Arund. et aliorum quorundam induxit. Illa enim est, *sub niveo condita mella cado* ; hæc, *sub niveo candida mella favo*. Verum cur *condita* hic commemorentur, non video : contra *sub candida* sua constat ratio. Neque *mella sub favo* placet, quocumque etiam modo *sub* interpreteris. Lenzius vertit *Honig in den Cellen, Scheibenhonig*. Sic vero poeta epitheta *niveo candida* temere cummulasset. — Tres nostri Regii habebant *condita ... cado* ; at in cod. B manus posterior supra scripsit *candida favo*. Ed. — *Ut res* etc. ut res, quæ per annum eveniunt, dulces sint, quemadmodum mella sunt dulcia.



Dulcia cur dentur, video : stipis adjice causam ,

Pars mihi de festo ne labet ulla tuo.

190

Risit, et, O quam te fallunt tua sæcula, dixit ,

Qui stipe mel sumta dulcius esse putes !

Vix ego Saturno quemquam regnante videbam ,

Cujus non animo dulcia lucra forent.

Tempore crevit amor, qui nunc est summus, habendi: 195

Vix ultra, quo jam progrediatur, habet.

Pluris opes nunc sunt, quam prisci temporis annis ;

Dum populus pauper, dum nova Roma fuit ;

Dum casa Martigenam capiebat parva Quirinum ,

189. De *stipe inter strenas data* nonnulla habet Neapol. Ipsi Cæsares talem stipem accipiebant ; et exstant plures inscriptiones, quibus Augustus monumentum ex stipe, quam Pop. R. ei Kal. Jan. contulerit, posuisse narratur. Vid. Sueton. Aug. 91 ; Calig. 42, et quæ Ursin. ad priorem locum dedit. — *Labant*, quæ incerta fluctuant. — *Tua sæcula*, mores publici hominum tui sævi. Tacitus, Mor. Germ. 19, « Nec, cor- » rumpere et corrumpi, sæculum » vocatur. » Ex moribus jam habendi cupidinem perstringit. — *Fallant*, latent. — *Vix ego* etc. Aliter Noster III, Amor. VIII, 35, « At » quum regna senex cæli Saturnus » haberet, Omne lucrum tenebris » alta premebat humus. » Eo tempore homines paucis illis contenti, quæ tellus per se dabat, et omnia communia habentes, non appetebant opes ; sed ferreo demum sæculo amor sceleratus habendi omnes invasit ; I Metam. 131. Sed hoc loco Janus prope jocose rem urgere vult. De animi æruginē curaque peculii, quæ illo tempore omnes nitebantur rem facere, quum regina pecunia

daret omnia, etiam Horatius passim graviter queritur, ut I, Ep. 1, 53 sqq. Comparatione priscorum et recentiorum temporum sæpe poetæ Romani magnificentiam suæ urbis commendant ; sed nunc ea in invdiam recentioris ætatis instituitur, ut apud Horatium, II, Od. 15, et alibi. — De *casa* Romuli plura apud Veteres ; Seneca de Consol. 9, p. m. 84, « Næ tu pusilli animi es, si id » ideo fortiter pateris, quia Romuli » casam nosti. » Dionysii adhuc ætate casula sustentabatur, quam Romulus et Remus struxerant. Archæol. I, LXXVI, p. 205, edit. Reisk. Sed nunc intelligenda ea, quam Romulus, condita jam urbe, inhabitabat quæ et III, 183 seq. memoratur ; Valerius Max. IV, 4, « Per Romuli » casam, perque veteris Capitoli » humilia tecta. » Leges tum non sinebant fortuitum spernere cespitem ; Horatius d. l. — *Capiebat*, satis ampla erat ad recipiendum Romulum. — *Martigena*, ut *draconigena*, *aurigena* et similia apud Nostrum. — Ex *ulvis fluminum* facere toros olim pauperes solebant, VIII Metam. 655, ut Lacedæmones ex *ερεβίδων*.



Et dabat exiguum fluminis ulva torum. 200  
 Jupiter angusta vix totus stabat in æde;  
 Inque Jovis dextra fictile fulmen erat.  
 Frondibus ornabant, quæ nunc Capitolia gemmis;  
 Pascebatque suas ipse senator oves.  
 Nec pudor in stipula placidam cepisse quietem, 205  
 Nec fœnum capiti supposuisse, fuit.  
 Jura dabat populis posito modo consul aratro,  
 Et levis argenti lamina crimen erat.  
 At postquam Fortuna loci caput extulit hujus,  
 Et tetigit summos vertice Roma Deos: 210

Serius in culcitis plumeis malebant mollius requiescere. Confer, III, 184 sq.—*Jupiter angusta* etc. Putant intelligi Jovis Feretrii templum, cujus longitudo vix quindecim pedum erat, secundum Dionysium, II, 34. Potius omnino hoc vult: admodum humilia et angusta olim erant templa.—*Vix stabat*, si non sedens in templis, sed stans effectus esset, vix stare potuisset. Vide Burm. in Jove Fulg. cap. 14.—*Fictile fulmen*. Quin statuæ tum totæ fuere fictiles; Plin. Hist. Nat. 35; Tibullus, I, x, 10, « Tunc melius tenuere fidem, quum » paupere cultu Stabat in exigua li- » gneus æde Deus. » Adde Propertium, IV, I, 5.—Pro *Jovis* Heinsius scribendum putat *Dei*, cujus alterum glossema sit. Sed potuit *Jovis* cum vi repeti.—*Gemmis*. Augustus una donatione in cellam Jovis Capitolini sedecim millia pondo auri, gemmasque ac margaritas quingenties HS contulit; Suetonius, Aug. 30.—*Pascebatque* etc. Propertius, dicto loco. Curia, « pellitos habuit » rustica corda patres. » Adde Ciceronem de Senect. 16.—*In stipula* etc. Confer III, 185.

207.. Confer III, 779 sqq. — Ab *aratro* consules ad fascies arcessebantur. L. Quinctius Cincinnatus dictator dictus vel fossam fodiens, vel aratro incumbens; Livius, III, 26; Columella præf. Plin. XVIII, 3: Serranum serentem invenerunt dati honores; Valerius Max. IV, 4. — *Argenti lamina*; Plin. XVIII, 8: « Præcipiebant ista, qui triumphali » denas argenti libras in suppellectile crimini dabant. » Nempe Cornel. Rufinum, bis consulem et dictatura functum, Fabricius censor anno u. c. 478, senatu movit, quod decem pondo libras facti argenti haberet; Gellius Noct. Att. IV, 8; XVII, 21. — *Laminam* fere scriptores ponunt, quando contemtim de argento aut auro loquuntur; Seneca Benef. VII, 10, « laminas » utriusque materiæ. » Horatius, II, Od. II, 2, « inimice laminæ. »

209. Postquam Roma finibus opibusque crevit, *loco* cuique *Fortuna* quædam præesse, ejusque fata regere credebatur; IV Metam. 565; X, 335. Ad *Fortunam Pop. R.* omnes imperii vicissitudines referebant scriptores.—Nota formula *caput efferre* de

Creverunt et opes, et opum furiosa cupido;

Et, quum possideant plurima, plura volunt.

Quærere ut absument, absumenta requirere certant;

Atque ipsæ vitiis sunt alimenta vices.

Sic, quibus intumuit suffusa venter ab unda,

215

Quo plus sunt potæ, plus sitiuntur aquæ.

In pretio pretium nunc est: dat census honores;

Census amicitias: pauper ubique jacet.

Tu tamen, auspiciū si sit stipis utile, quæris,

Curque juvent nostras æra vetusta manus:

220

Æra dabant olim; melius nunc omen in auro est:

efflorescente. Eam imaginem Noster jam persequitur: *tetigit summos* etc. ad immensam excrevit magnitudinem. Vide nos ad VII Metam. 61.—Solebant Romani imperium suum per orbem terrarum declarare, atque adeo cum *Deorum* imperio comparare.—*Creverunt et opes* etc. Juvenalis, XIV, 139, « Crescit amor » nummi, quantum ipsa pecunia » crescit. » — *Furorem* istius cupidinis describit Sallustius Cat. XI: Ea « semper infinita, insatiabilia, » neque copia, neque inopia minuitur. » — *Quærere* seqq. Hæc sunt illa *diversa* vitia, luxuria atque avaritia, quibus Romani tum laborabant: de quorum conflictu multi queruntur, ut Liv. præf. et XXXIV, 4; Sallustius, Cat. 5 et 12; Seneca Benef. I, 9. Eum Claudianus de Bello Gild. vers. 163, sic notat: « quodcumque profunda Traxit avaritia, luxu pejore refundit. » Hinc ingeniose Noster addidit: *ipsæ vices* etc. alterum vitium alit alterum.

215. *Suffundi* et venter dici potest aquis, ut alibi *os suffusum pudore*, et aquæ sub cute collectæ. Eadem autem similitudine avaritiæ natu-

ram illustrarunt Polybius, XIII, 1; Horatius, II, Od. 11, 13, ubi « Crescit indulgens sibi dirus hydrops etc. » — *Pretium in pretio est*, pecunia æstimatur.—*Dat census honores*. Confer, III, Amor. VIII, 55. Plinius, XIV, proëm. « Posteris » laxitas mundi, et rerum amplitudo damno fuit, postquam Senator *censu* legicæptus, iudex fieri » *censu* magistratum ducemque nihil magis exornare, quam *census*. » — *Jacet*, contemnitur, nec honores consequitur, nec amicitias.

219. *Cur æneei nummi* dentur.—*Quæris*, fortasse quæris; Ovidius enim non quæsierat.—*Si*, an. Lenzius verba sic conjungit, *Si tu tamen quæris sitne stipis* etc. Heinsius vero malebat, *si cur stipis utile quæris*. Tunc apodosis foret omīssa: causa est hæc: editiones antiquæ et multi MSS *cur sit*. Sed commodè duæ diversæ interrogationes locum habent.—*Cur juvent*, cur gratum nobis sit æneos nummulos accipere. Krebsius probat Heinsii in Opusc., pag. 224, conjecturam *Curne juvent nostras*, Taubnero cum aliis magis placebat *vestras*.—*Concedat*, cedat, et *victa*

Victaque concedit prisca moneta novæ.

Nos quoque templa juvant, quamvis antiqua probemus,  
Aurea; majestas convenit ista Deo.

Laudamus veteres, sed nostris utimur annis : 225

Mos tamen est æque dignus uterque coli.

Finierat monitus : placidis ita rursus, ut ante,

Clavigerum verbis alloquor ipse Deum :

Multa quidem didici : sed cur navalis in ære

Altera signata est, altera forma biceps ? 230

Noscere me duplici posses in imagine, dixit ;

Ni vetus ipsa dies extenuaret opus.

Causa ratis superest : Tuscum rate venit in amnem

Ante pererrato falcifer orbe Deus.

Hac ego Saturnum memini tellure receptum : 235

Cælitibus regnis ab Jove pulsus erat.

Inde diu genti mansit Saturnia nomen :

e copia poetica additum. — *Antiqua* ita probabat illa ætas, ut et homines et res, quas extollere vellet, *antiquas* vocaret. Vide nos ad Plinium, pan. 95. — *Anni*, mores temporis. — *Colere morem*, observare morem.

227–254. *De adventu Saturni*, qui e cælo Jovis arma fugiens ad Janum venit, ab eoque hospitio exceptus, Latio nomen dedit, et Aboriginibus, hominum generi agresti, meliorem cultum intulit; Virgil. *Æn.* VIII, 315 sqq. Vide Heynii *Excursus*, II, et V, ad *Æn.* VII. — *Sed cur navalis* etc. Macrobius, *Sat.* I, 7.

« Quum primus quoque æra signa-  
» ret, servavit et in hoc Saturni  
» reverentiam, ut quoniam ille navi  
» fuerat advectus, ex una quidem  
» parte sui capitis effigies, ex altera  
» vero navis exprimeretur, quo Sa-  
» turni memoriam etiam in poste-  
» ros propagaret. » Confer Minu-

cium *Fel.* 22; et Cyprianum de *Idol.* Vanit. I, 3; Lactantium *Inst.* I, XIII, 7, ubi nummi veteres, quales hic describuntur, commemorantur. Omnino vide Raschii *Lexic. numar.* voc. *Janus*. — *Navalis forma*, forma navis, *signata*: Heinsius *signato* malebat. — *Noscere me posses* etc. nosceres, bicipitem illam formam esse mei capitis, me ipsum referre, nisi tempus, quod omnia extenuat, etiam in ære illo lineamenta oris mei obliterasset, *extenuaret*, minueret partes. Male librarii *extenuasset* substituerunt; Auctor enim universe loquitur.

233. *Falx* Saturni symbolum fuisse putatur agriculturæ ab ipso in Italia repertæ. Alii eam putant ei attributam, quod tempus omnia metat, exsecet, incidat; Macrobius, I, 8. — *Receptum* scil. a me. — *Ab Jove pulsus*; Macrobius. « Eumdem a filio pul-



Dicta quoque est Latium terra, latente Deo.

At bona posteritas puppim servavit in ære,

Hospitis adventum testificata Dei.

240

Ipsæ solum colui, cujus placidissima lævum

Radit arenosi Tibridis unda latus.

Hic, ubi nunc Roma est, incædua sylva virebat;

Tantaque res paucis pascua bubus erat.

Arx mea collis erat, quem cultrix nomine nostro

245

Nuncupat hæc ætas, Janiculumque vocat.

Tunc ego regnabam, patiens quum terra Deorum

» sum, quid aliud est, quam tem-  
» pora senescentia ab his, quæ post  
» sunt nata, depelli? » — *Saturnia*.  
In inscript. quam Dionysius Halic.  
Archæol. I, 14, commemorat, Σατ-  
υρνία μακρότατοι Σατυρών Σατορπίων ἄκρον.  
Idem cap. 24 narrat, ante Herculis  
adventum totam oram, quæ post  
Italia dicta, Saturno Deo fuisse sa-  
cratam, et ab incolis Saturniam vo-  
catam; esse etiam urbes quasdam,  
quæ ita appellentur. Janum ipsum  
terræ hoc nomen indidisse, auctor  
est Macrob. Sat. I, 7. — *Latium*,  
*latente Deo*. Sic vulgo putabant, de-  
cepti inepta etymologia. Etiam Virg.  
Æn. VIII, 320 sqq. — *Bona, grata*. —  
*Puppim servavit*. Nempe multi num-  
mi, etiam post Servii Tullii tempora  
signati, servant vel Jani biformis vel  
navis figuram. Inde forte opinio na-  
ta, jam Janum signasse nummos.  
*Servavit* Heinsius ex Ursin. Ambros.  
Mazar. tribus Farnes. codicibus at-  
que ex editione Naugerii recepit.  
Cæteri minus bene *formavit*, quod  
tamen et Lactantius, Inst. I, 13,  
agnoscit. — *Lævum latus*. Fabius Pic-  
tor: « Is Janus sub initium aurei  
» sæculi lævum latus Tiberis Hetru-  
» riæ tenuit. » — *Radere* æque ac *ro-  
dere* et *mordere* de fluvio alluente.

Vide Mitscherl. ad Horatium, I,  
Od. xxii, 8. Infra III, 520, Tiberis  
campum *urget in latus*.

243. Vastitatem illorum locorum  
plures poetæ descripsere, et cum  
magnificentia urbis Romanæ com-  
pararunt, ut Virgilius, Æn. VIII,  
314 sqq; Propertius, IV, 1: Tibul-  
lus, II, v, 25, « Tunc pascebant  
» herbosa Palatia vaccæ, Et stabant  
» humiles in Jovis arce casæ. » Con-  
fer infra V, 639 sqq. — *Incædua*.  
Plinius, V, Ep. vi, 8, *nemora an-  
tiqua* distinguit a *cædis*, in quibus  
solent arbores cædi. Krebs. hoc loco  
male, *ein unverwuestlicher Wald*. —  
*Tanta res*, tam magnificum caput  
tantæ reipublicæ. — *Arx mea* etc. non  
*arcem*, palatium, habebam, sed nu-  
dum collem, in quo degebam. —  
Heinsius suadet, *collis is est*, quia  
præcesserat. Sed insuavis et aspera  
est illa lectio; et centies a Nostro  
idem verbum intra paucorum ver-  
sum ambitum sic repetitur. II,  
295–299, ter legitur *sub*; 305 sqq,  
ter *ibat*; 366 et 368, bis *dabant*; 387  
et 388, bis *jussa*. — *Cultrix*, incolens  
montem. Hoc Heinsius amplexus est  
ex duobus Farnes. et Erford. MSS  
pro *vulgas*.

247. *Patiens Deorum et humanis*



Esset, et humanis numina mixta locis.

Nondum Justitiam facinus mortale fugarat;

Ultima de superis illa reliquit humum :

250

Proque metu populum sine vi pudor ipse regebat :

Nullus erat justis reddere jura labor.

Nil mihi cum bello : pacem postesque tuebar ;

Et clavem ostendens , Hæc , ait , arma gero.

Presserat ora Deus : tunc sic nostra ora resolvo ,

255

Voce mea voces eliciente Dei :

Quum tot sint Jani , cur stas sacratus in uno ,

Hic ubi juncta foris templa duobus habes ?

Ille manu mulcens propexam ad pectora barbam ,

Protinus OEbalii rettulit arma Titi :

260

*mixta numina locis* paulo audacius dictum , quum Dii habitarent in terris atque inter homines ; id quod erat in bonis aurei seculi.—*Nondum Justitiam* etc. Sic et I Metam. 150, ubi, postquam *facinus mortale*, facinora mortalia, descripsit, pergit : « Virgo cæde madentes Ultima cæ- » lestum terras Astræa reliquit. » Etiam cum sqq confer I Metam. 90 sqq et 129, quibus similia Fabius Pictor narraverat.—*Pudor*, moderatio omnium cupiditatum causa justis et æqui.

257. *Jani* Romæ dicebantur ædificia fornicata et pervia, per quæ in alios vicos transire licebat. Tales Jani erant plures, ad forum tres. Livius, XLI, 27, de Fulvio Flacco censore, « Curavit forum porticibus tabernisque claudendum, et Janos tres » faciendos. » Sed hoc loco Lenzius sacella Jani intelligit. — *Stas sacratus*, habes statuam. Hanc lectionem Ciofanus ex editionibus vetustis, et Urs. MS recepit. Alii, *cur sic sacratus in uno es* ? Heinsius con-

jicit, *Cur, dic, sacratus in uno es* ? Duo MSS *in uno*. — *Templa Janus* habebat tria : primum conditum est a Romulo, pace inter ipsum et Tatum facta : quod ipsum Numa tempore pacis claudi instituit : alterum quatuor portarum fuit in foro Romano, ab Augusto dedicatum : in quo Janus quadrifrons colebatur : tertium junctum erat *foris duobus*, piscario et boario, a Duillio positum et a Tiberio instauratum ; II, 201.

259. *Manu mulcens barbam*, ut vers. 157, *baculo incumbens*. *Propexam barbam* habet et Virgilius, Æn. X, 838, ubi id novasse videtur Servio ; Francfortensis *prolixam* ; alter Mazarinæus *promissam* ; duo alii, *perpexam*. Sed post Ovidium et alii *propexam barbam* dixerunt.—*Ad pectora*. MS Urs. æque bene, *in pectore*, ut Virgilius dicto loco ; unus Medicæus *in pectora*, ut Silius, XIII, 310. In talibus una MSS auctoritas audienda.—Tatius, Sabinorum rex, quum passim a scriptoribus *Titi* prænominis insigniatur, atque etiam h. l.

Utque levis custos, armillis capta Sabinis,

Ad summæ Tatium duxerit arcis iter.

Inde, velut nunc est, per quem descenditis, inquit,

Arduus in valles et fora clivus erat.

Et jam contigerat portam, Saturnia cujus

265

Demserat appositas insidiosa seras.

Cum tanto veritus committere numine pugnam,

Ipsæ meæ movi callidus artis opus,

MS Vossii idem præferat, tum mox *Tatium* occurrat, Heinsius illud merito prætulit. — *Æbalus* antiquissimus Lacedæmoniorum rex. Sabini autem a Lacedæmoniis, quemadmodum Etrusci a Tyrrhenis descendere credebantur; Plutarch. Rom. 15; quamquam falso. Inde III, 230, *Æbalides matres*.

261. Confer. cum his Noster, Metam. XIV, 751 sqq; Dionysius Halic. II, 38-40; Livius, I, 11; Servius ad Æneid. I, 396. Sp. Tarpeius arcis Romanæ præerat, filiaque ejus custodiebat portam, de qua mox. — *Levis*, cui non tuto custodia credita, aut quæ facile corrumpi potuit muneribus. Krebsius contra *die gutherzige*. Virgo, quum Tatius id ageret, ut eam corrumpere, aureas *armillas*, quas magni ponderis lævo brachio *Sabini* gestabant, pepigit. Ita Tatius *summa arce* potitus est. Sic Fabius et Cincius tradiderant. Sabini autem, ut Etrusci, molli victu cultuque gaudebant. Cæterum hanc nostram lectionem inexit Dan. Heinsius ex codice veteri Jos. Scaligeri, et confirmata deinde est plurimorum MSS auctoritate. Antea vulgabatur *Sabinos Ad summæ tacitos*. Et *tacitos* tueri possis ex XIV Metam. 778, ubi Sabini veniunt *tacitorum more luporum*. Plures ex optimis Sa-

*binos Tatios*. Unde Heinsius conjicit *manipulos Tatios*, ut *Tatiæ turma* apud Propertium. — *Arduus in valles*, arduus imminens vallibus.

265. *Contigerat*, scil. Tatius, dedit Heinsius ex primo Petav. ex Urs. et decem aliis MSS. Cæteri, *contigerant*. — *Portam*. Macrobr. Sat. I, 9: « Quum Romani portam, quæ sub » radicibus colliis Viminalis erat, quæ » postea ex eventu Janualis vocata » est, claudere festinarent, quia in » ipsam hostes irruebant etc. » — *Saturnia*, Juno; hinc sequitur *tanto numine*, et Voss. habet *Saturnia Juno*. Ea autem indignabatur, ut omnibus Trojanis, ita Æneæ ejusque posteris. Ad eam igitur Horat. II, Od. 1, 25, multo seriora mala refert. Non male ergo nunc quoque interposita est. Confer XIV Metam. 787. — *Appositas* pro *oppositas* e MSS dedit Heinsius quem vide ad III. Amor. XIV, 10. — *Seras* scil. ligna, quæ ex transverso januis obiciebantur, passim dicuntur *aponi*. Iis *appositis*, januæ *obserantur*; demtis, *reserantur*.

268. *Movi opus meæ artis*, edidi opus, patravi facinus mihi conveniens; Macrobr. d. I. « Quumque Sabini per portam patentem irrumpuri essent, fertur ex æde Jani » per hanc portam magna vis torrentium, undis scatentibus, eru-

Oraque, qua pollens ope sum, fontana reclusi;

Sumque repentinas ejaculatus aquas.

270

Ante tamen gelidis subjeci sulphura venis,

Clauderet ut Tatio fervidus humor iter.

Cujus ut utilitas pulsus percepta Sabinis;

Quæque fuit, tuto reddita forma loco est.

Ara mihi posita est, parvo conjuncta sacello:

275

Hæc adolet flammis cum strue farra suis.

At cur pace lates, motisque recluderis armis?

Nec mora, quæsitæ reddita causa mihi:

Ut populo reditus pateant ad bella profecto,

Tota patet demta janua nostra sera.

280

Pace fores obdo, ne qua discedere possit:

» pisse, multasque perduellium ca-  
» tervas, aut exustas ferventi aqua,  
» aut devoratas rapida voragine de-  
» periisse. » — *Ora fontana*, exitum  
fontis. Janus autem omni exitui  
præest; hinc, *qua potens sum ope*. —  
De aqua prosiliente *ejaculari* etiam  
IV Metam. 124. Alibi sic *egerere*,  
ut Plin. IV, Ep. xxx, 7. Varro de  
Ling. Lat. IV, « Lautolæ a lavando,  
» quod ibi ad Janum geminum aquæ  
» calidæ fuerint. » Inde nata videtur  
fabula, Met. XIV, 785. Venus Ro-  
manorum causam agit, atque a Nai-  
dibus, loca Jano juncta cum gelido  
fonte tenentibus, impetrat, ut fon-  
tis sui flumina eliciant: quæ quum  
nondum iter præcluderent hostibus,  
sulphura supponunt fonti, atque bi-  
tumine venas incendunt; unde aqua  
calida. — *Gelidis* h. l. bene se ha-  
bet, quamquam e conjectura tantum  
Heinsii fluxit. Vide Metam. XIV,  
794. MSS habent vel *madidis* vel  
*calidis*. Burmannus suavit *mediis*.

275. Vetus et primum Jani tem-  
plum Romulus, pace cum Sabinis

facta, ibi posuit, ubi Janus auxilium  
contra Tatium tulit; Terent. Mau-  
rus in Wernsdorfii Poet. Min. tom.  
II, pag. 279, *Tibi vetus ara caluit*  
*Aborigineo sacello*. Recte vocat *par-*  
*vum sacellum*; auctore Procopio, cu-  
jus tempore restabat, nil nisi Jani  
statuam quinquepedalem capiebat,  
forma quadrata et ære construc-  
tum, portas utrimque habens æneas  
a fronte et a tergo. — *Hæc adolet*,  
in hac adolentur. — *Strues*, libi ge-  
nus. Festus: « Ferctum genus libi  
» dictum, quod crebrius ad sacra  
» ferebatur, nec sine strue, altero  
» genere libi: quæ qui afferebant,  
» strufectarii appellabantur. »

277. *Latere* ipse dicitur quia tem-  
pore pacis ejus templum clausum.  
Horat. II, Ep. 1, 255, « claustra-  
» que custodem pacis cohibentia Ja-  
» num. » Vide ad vers. 121. — *Reditus*  
*pateant*. Secundum Macrobi. I, 9 ad  
finem, tempore belli fores reseran-  
tur, velut ad urbis auxilium profecto,  
Deo. — *Fores obdo*, foribus seram  
obdo. — *Possit* nempe Pax. Hoc me-



Cæsareoque diu nomine clausus ero.

Dixit : et attollens oculos diversa tuentes ,

Adspexit toto quidquid in orbe fuit.

Pax erat ; et vestri , Germanice , causa triumphī

285

Tradiderat famulas jam tibi Rhenus aquas.

Jane , face æternos Pacem Pacisque ministros :

Neve suum præsta deserat auctor opus.

Quod tamen ex ipsis licuit mihi discere Fastis ,

Sacravere patres hac duo templa die.

291

lius est , quam quod Marcil. ad Horatium , II , Ep. 1 , 255 , præfert *possim*. — *Nomine* Heinsius ex MSS Ursin. Voss. Arund. recepit , ut Cæsarea domus intelligatur. Potest dictum esse , ut *nomine suo terrere gentes* , Cæsareum nomen ita terrebit gentes , ut ab armis abstineant , egoque clausus esse possim. Vulgo , *numine*.

283. *Diversa* , loca sibi opposita ; in tales enim partes faciem Janus conversam habet. *Pax erat*. Anno u. c. 770 , C. Cæcilio Rufo , L. Pomponio Flacco coss. ad VII Kalend. Jun. *Cæsar Germanicus* de Cheruscis , Chattis et Angivariis triumphum egit ; Tacitus , Ann. II , 41. Norisius de Cenotaph. Pis. p. 201 , putat Ovidium Germanico triumphum tantum augurari : Massonus contra in vita Ovidii , ad annum 770 , contendit , scripta hæc post actum triumphum , eoque tempore pacem fuisse per orbem terrarum compositam. Id sane Poetæ verba indicare videntur. — *Serviebant* jam Germani Romanis ; sed poetæ fluvii tribuunt , quod accolis convenit ; et *famulus* fluvius passim occurrit , ut Heinsius docet. — *Face æternos* etc. da nobis semper moderatores pacis. — Heinsius vocem *ministros* indi-

gnam censet majestate Cæsareæ domus ; corrigit ergo *sequestros* , id est , mediatores. Verum etiam *minister* de moderatore dicitur : Virg. *Æn.* II , 100 : « Calchante ministro ; » V , 640 , « Deus animum ministrat. » — *Neve suum* etc. effice , ne is , qui pacem nobis peperit , ad arma rursus convertatur. Sed Krebs. intellexit poetam , auctorem hujus operis ; vertit enim : *gewähre dass der Dichter sein Werk nicht unvollendet lasse*.

289. Superiora didicerat ex Jano ; progreditur ad ea , quæ *Fasti* suppeditabant. Dies dedicationis admodum solemnes Romæ ; inde igitur et Kalend. Januar. aliquid celebratis accessit : ex *Phæbo* et *Coronide Nympha* natus est *Æsculapius* , II Metam. 542-632. Ann. u. c. 462 , Q. Fabio Gurgite , D. Junio Bruto Scæva coss. peste urbem agrosque vastante , Romani , libris Sibyllinis moniti , *Æsculapium* ab Epidaurō arcessitum in insulam Tiberis deportarunt , eique templum ibi consecrarunt ; Livius , X , 47 : Valerius Max. I , 8 ; Plutarchus Quæst. Rom. tom. VII Opp. p. 153 , edit. Reisk. quam deportationem et consecrationem Noster Metam. XV , 622-744 , copiose persecutus est. Insula , cujus originem Livius , II , 5 , refert ,



Acceptit Phœbo Nymphaque Coronide natum

Insula, dividua quam premit amnis aqua.

Jupiter in parte est: cepit locus unus utrumque:

Junctaque sunt magno templa nepotis avo.

QUID vetat et stellas, ut quæque oriturque caditque, 295

Dicere? promissi pars fuit ista mei.

Felices animos, quibus hæc cognoscere primis,

Inque domos superas scandere cura fuit!

Credibile est illos pariter vitiisque locisque

Altius humanis exseruisse caput.

300

inde dicta *Æsculapii insula*; Sueton. Claud. 25. — *Dividua* etc. Metam. d. I. « Scinditur in geminas » partes circumfluit amnis: Insula » nomen habet, laterumque a parte » duorum Porrigit æquales media » tellure lacertos. » — Hoc loco *premere* est cingere. — *Jovis templum una die*, non autem ejusdem anni, sed multo serius post bellum punicum secundum, a C. Servilio duumviro dedicatum est. Liv. xxxiv, 53.

295. De *stellarum ortu et occasu* jam primum dicturus; præmittit præclare laudes eorum, qui primi siderum naturam investigarunt. Triplicem autem astrorum ortum et obitum astronomi memorant, heliacum, quum solis radiis vel emerguntur, vel occultantur; unde Plinius *emersionem* et *occultationem* vocat: cosmicum scil. matutinum, quum sidus circa solis ortum oritur aut occidit: acronychium denique scil. vespertinum, quum idem fit circa solis occasum. — *Promissum* illud habes vers. 2. *Promissi pars sit et ista mei*. Sic Heins. ex MSS Urs. Voss. Arund. dedit, quamquam duo posteriores et ipsa exhibent: plurimi, *promissi pars fuit illa mei*; quod melius puto. Mitscherl. *mihi* habet pro *mei*. Veteres

quidam *propositi*; non *promissi*. — Mox plurimi, *Felices animæ*. Nominativus non male se habet; Virgilius, *Æn.* IX, 446, *Fortunati ambo!* Tum *felices animæ* in allocutione et exclamatione sæpe occurrit, quod Heinsius docet. Sed nunc de cognoscendi studio sermo est; itaque rectius puto *animos*, quod Voss. Arundel. duo Farnesian. unus Vaticanus agnoscunt, unde Heinsius accepit. Beatos autem eosdem prædicat et Plinius, II, 12; « Macti ingenio este, cæli interpretes, rerumque naturæ capaces, argumenti repertoires, quo homines Deosque vicistis. » Eos paulo ante *viros ingentes* vocat, supraque mortalium naturam, qui numinum legem deprehenderint. — Pro *primus* alii *primum*. Farnesius et Mazzarinus, *promptum*, quod placebat Heinsio, mihi vero non; magno enim studio, ut et seqq. docent, id assecuti sunt. — In domos superas scandere, sidera cæli contemplari; Horat. I, Od. xxviii, 5, de Archyta, « Aerias tentasse domos, » animoque rotundum Percurrisse » polum. » Confer. Lucretius, I, 74. — *Locis humanis exserit caput*, qui non tantum intuetur, quod ante

Non Venus et vinum sublimia pectora fregit ,

Officiumve fori , militiæve labor :

Nec levis ambitio , perfusaque gloria fūco ,

Magnarumve fames sollicitavit opum.

Admovere oculis distantia sidera terris ,

305

Ætheraque ingenio supposuere suo.

Sic petitur cælum : non , ut ferat Ossan Olympus ,

Summaque Peliacus sidera tangat apex.

Nos quoque sub ducibus cælum metabimur illis ,

Ponemusque suos ad stata signa dies.

310

ERGO ubi nox aderit venturis tertia Nonis ,

Sparsaque cælesti rore madebit humus :

Octipedis frustra quærentur brachia Cancri ;

pedes est , sed suspicit et contem-  
platur cælestia. Huic accommoda-  
vit , ut ingeniose loqueretur , et al-  
terum , *vitiis exseruisse caput*. Krebs-  
sius vero : *über menschliche Laster*  
*und Würde*.

302. *Officium fori* , omnis opera  
JCTORUM , patronorum et advoca-  
torum. — *Perfusa fūco* , cuius splen-  
dor fallax. — *Merito nostris* Hein-  
sius offendit ; prætulit ergo ex MS  
Puteano *terris*. — Regius C solus ha-  
bet *terris*. Ed. — Tum idem Hein-  
sius *oculis* monet sexto casu esse ca-  
piendum , ut istis tamquam instru-  
menti adduxerint sidera distantia :  
id quod parum placet. Immo sidera  
quasi de cælo deducta admoverunt  
oculis suis , atque *ingenio supposuere* ,  
id est , tam diligenter contemplati  
sunt sidera , ac si illa mensæ essent  
imposita. — Pro *admovere* Heinsius  
cum Regio codice *adduxere* legere  
malit. Etenim *admoveamus* , inquit ,  
quæ tangere possumus et ad locum  
a nobis remotum ducimus ; *addu-*  
*cimus* a nobis remota , ut sint nobis

propiora. Quod tamen discrimen  
non semper servatur apud auctores.

307. Horatius , I , Od. III , 38 ,  
*Cælum ipsum petimus stultitia* , al-  
ludens et ipse ad gigantes , qui ,  
montibus congestis , cælum petie-  
rant , regnum cæleste affectantes.  
Ordinem montium congestorum  
eundem Noster servat et II Amor.  
I , 13 , atque e lectione nostra I Me-  
tam. 154 s. *Peliacus apex* , quatenus  
Pelion , minimus mons , supremum  
occupat locum. — *Metari* pro metiri.  
Sensus : Ex inventis eorum non-  
nulla repetam. — *Stata sidera* oppo-  
nuntur vagis sc. erraticis ; ergo fixa ;  
Censorinus de D. Nat. 7 , « vitam  
» nostram stellis , tam vagis quam  
» stasis , esse subjectam ; » Plinius ,  
XVII , 25 , « stata sidera et cælo af-  
» fixa. » — Jam *ponere suos* etc. dies  
notare , quibus sidera illa oriuntur  
et conduntur.

311. Occasus cosmicus scil. ma-  
tutinus *Cancrī* , sub finem noctis ,  
quæ est inter secundum et tertium  
mensis diem , scil. tertia ante Nonas.

Præceps occiduas ille subivit aquas.

INSTITERINT Nonæ : missi tibi nubibus atris

315

Signa dabunt imbres , exoriente Lyra.

QUATUOR adde dies ductis ex ordine Nonis ;

Janus Agonali luce piandus erit.

Nominis esse potes succinctus causa minister ,

Hostia cælitibus quo feriente cadit ;

320

Qui calido strictos tincturus sanguine cultros ,

—*Præceps* ; Hyginus P. A. III, 26, Sagittarius « præceps occidit, exoritur directus. » — *Quærantur*, non *quærentur*, habent plurimi ; quare Heins. *subibit* mutavit in *subivit*.

315. *Lyra* ortus cosmicus. Columella, IX, 2, « Nonis Januariis Fidis exoritur mane : tempestas varia ; » Plinius, XVIII, 26, seu, 64, « Pridie Nonas Januar. Cæsari Delphinus matutino exoritur, et postero die Fidicula. » — *Institerint... Lyra* ; Nonis et imbres cadunt, et *Lyra* exoritur. Ita autem hos duos vs. ex libris suis Naugerius et Neapol. expresserant. Ita et MSS Petav. et quinque Heinsii. Sensus est facilis ; modo teneas ante *institerint* subintelligendum esse *si*, de qua elipsi vid. Cortius ad Sallust. Jug. LXIV, 5 ; tum, *signa dare* esse græc. Astron. *ἰκτερυαίνειν*, se ostendere, oriri, quod apud Gemin. sæpissime de tempestatis vicissitudinibus legitur. Locus nostro simillimus est IV, 904, *Signaque dant imbres, exoriturque Canis*. Sed Taubn. aliter videtur in Addendis : pro *missi* recipi volebat *mitti*, et sensum constitui hunc : Si institerint Nonæ, signa, sidera, dabunt, portentent, nunc imbres mitti. Durissime. Unus Vatic. isque optimus : *Obstiterint imbres : missi tibi nubibus atris, Nonæ signa dabunt, exoriente Lyra*. Quod si his

interpunctionem alterius lectionis dare velis, sic quoque sensum tollerabilem habeas : si imbres obstiterint, quo minus ipse *Lyrae* exortum cernere possis, ex Nonis eum potes cognoscere. Multi cod. quibus Neap. usus, *Institerint imbres missi tibi nubibus atris, Nonæ signa dabunt*. — Ita in Regiis nostris A et C ; at codex B, *Signa dabunt Nonæ ; nisi si tibi nubibus atris Institerint imbres*. Ed.

317. Dies Januarii nonus. *Agonia* sive *Agonalia* etiam ex Calendario veteri in diem Januarii quintum incidebant, secundum alios in diem antecedentem. — Pro *ductis* Putean. Arund. et duodecim alii cod. *ductos* : eamque lectionem confirmant etiam ii, qui *dictos* et *ductas* noctes dederunt. Agonalium originem Antias, scriptor vetustus, ad Numam Pompilium retulerat ; Macrob. Sat. I, 4. Nominis causas Ovidius plures reddit. — *Succinctus minister*, popa, victimarius. Duo popæ aderant, quorum alter feriebat victimam, alter, cultrarius, percussam jugulabat. Ambo erant *succincti*, id est limo tantum pudenda tecti, cætera nudi. Limum Plutarchus vocat *περιζωμα εὐπρόστυον*. Vide Torrent. et Casaub. ad Suetonium, Calig. 32. Cæterum *succinctus minister*, pro vocativo. Quod quum non observarent librarii, multi *polest*, *rogat* et *agit* dede-



Semper, Agone? rogas; nec, nisi jussus, agis.  
 Pars, quia non veniant pecudes, sed agantur, ab actu  
 Nomen Agonalem credit habere diem.  
 Pars putat hoc festum priscis Agnalia dictum; 325  
 Una sit ut proprio litera demta loco.  
 An, quia prævisos in aqua timet hostia cultros,  
 A pecoris lux est ista notata metu?  
 Pars etiam, fieri solitis ætate priorum  
 Nomina de ludis Graia tulisse diem. 330  
 Et pecus antiquus dicebat Agonia sermo;  
 Veraque iudicio est ultima causa meo.  
 Utque ea nunc certa est, ita rex placare sacrorum  
 Numina lanigeræ conjuge debet ovis.

runt: confer ad IV, 731. — *Semper, Agone* etc. Hanc Romanorum in sacris diligentiam, qua cavebant, ne victimarius nisi *jussus* victimam feriret, Græci imprimis scriptores notarunt, Dionysius Halic. Plutarchus et alii. *Ts semper* ad hoc potissimum sacrum referendum, monet Burmannus. Sed adhibita hæc formula etiam in aliis sacris; quemadmodum et in illis pecudes, non sponte *veniebant*, sed *agebantur*. Inanes sunt istæ etymologiæ, ut multæ veterum.

325. *Agnalia* Neapol. monet; argutias magis inesse etymo, quam veritatem; non agnam, sed arietem tum cæsum. — *In aqua* per pelvis disposita juxta aram; confer XV, 124 s. — *Timet*, ἀγῶνιά τι. — *Metu*, ἀγῶνι. — *Notata*, vocata, quod est in variis lectionibus. — *Graia* pro *græca* dedit Heinsius quum quidam *grata* haberent; IV Metam. 16 *per Graias gentes*. Apud Græcos autem, quod constat, certamina athletarum gymnica *Agones* dici solebant. — *Pro pars etiam plurimi fas etiam,*

id est, potest, possibile est: quo sensu sæpe quum apud alios (vide Lambin. ad Horat. I, Od. xxiv, 20) tum apud Nostrum, II Metam. 57, quod « Superis contingere fas sit » IX, 385, « quoniam mihi fas ad vos » incumbere non est. — *Pro priorum* Heinsius malit *priori*. Non video quare. Infra III, 79, *Martem coluere priores*; IV, 329, *Tiberina priores Ostia dixerunt*; VI, 107, *Gramen dixere priores*. — *Et pecus* etc. Sic et Festus: « hostiam enim antiqui » Agoniam vocabant. » Et: « Agonias » hostias putabant ab agendo dictas; » unde agolum pastorale baculum, » quo pecudes aguntur. »

333. *Ulque ea nunc certa*. Ita Heinsius ex MSS Ursini et decem aliis. Sed Ciofanus et Neapol. aliorum non certa tuentur. Taubnerus notat, utrumque posse probari; non, si ad præcedentia omnia, nunc, si ad proximum respexeris. — In Regiis tribus non certa: librarii nunc per *nē* scribebant, non per *n̄*; inde varia lectio orta. *Ed.* — *Conjux ovīs* ex antiquo



Victima, quæ dextra cecidit victrice, vocatur :

335

Hostibus amotis hostia nomen habet.

Ante, Deos homini quod conciliare valeret,

Far erat, et puri lucida mica salis.

Nondum pertulerat lacrymatas cortice myrrhas

Acta per æquoreas hospita navis aquas.

340

Tura nec Euphrates, nec miserat India costum,

Nec fuerant rubri cognita fila croci.

sermone poetico, aries. Vide ad I Metam. 660.—*Dextra cecidit victrice*, ob victoriam partam Diis offertur.—*Amotis* ubi nulli hostes sunt, tempore pacis. Taubner. hoc divisim scribi vult, *a motis*.

337—456. *Digressio*, quæ *historiam rerum Diis offerendarum* continet ; confer III, 727 sqq. — *Ante* olim. Mola *salsa* tenuissimum sacrificium : nec apud Græcos antiquissimos odores adolebantur aut victimæ, tantum herbæ et fruges. Vid. Rhodiginus, XII, 1.—*Purum*, quod sacris adhibetur, et propter vim purificandi lustrationibus ; Eusthat. ad II. A, 314 : Tibullus, I, v, 11, *purum sulphur*. Pro *puri* Heinsius ex cod. Regio malit *liquidi*. Sed cur *liquidum* dixerit, quod solidum offerebatur ? — Regius noster B solus habet *liquidi*, quod Heinsius ex versu 46 Moreti defendit frustra. Ed. — *Farris* autem oblationem a Jano institutam esse, Fabius Pictor, lib. I, narraverat. Hinc sæpe ejus fit mentio. Horatius, III, Od. xxiii, 19, ubi urget hoc, Deos non muneris pretium, sed mentem piam respicere, « Mollivit aversos Pena » tes Farre pio et saliente mica ; » Tibullus, III, iv, 10, « Farre pio » placant et saliente mica. » Conf. Noster infra IV, 409.

339. Plinius, Histor. Nat. XIII,

1, « Iliacis temporibus non erant » unguenta ; nec ture supplicabatur. » De Romuli et Numæ temporibus idem monet Arnobius contra Gent. VII, p. 232. Noster tamen III, 713, a Baccho jam, India debellata, odores, cinnama, tura data esse tradit. *Myrrha*, frutex in multis Arabiæ locis nascens, ex cujus cortice inciso guttæ manant ; Plinius, XII, 15 ; Dioscor. I, 64 et 69 ; Ovid. X Metam. 500, de myrrha, « Flet » tamen, et tepidæ manant ex arbore » guttæ : Est honor et lacrymis etc. » — *Hospita*, peregrina. Krebs. *ein gastfreundschaftliches Schiff*. Potius peregrina et domestica hic sibi opp. — *Tura* apud Sabæos sudabant ex arboribus incisus ; Plinius, XII, 14 ; Virgil. Georg. II, 117. Ex Arabia per *Euphratem*, qui in sinum Persicum se exonerat, subvecta sunt in alias terras. Quia igitur ad Euphratem maxima talium mercium copia, propterea ille eas *mittere* dicitur. Omnino orientales merces in Syriæ et Phœniciæ oppida maritima confluebant, unde Romani eas petebant. — *Costi* et radix et folia Indis in maximo pretio propter eximium odorem. Plinius, XII, 12.—*Crocum* mittebat Cilicia ex Corylo monte. Ei mox *fila*, mox capilli tribuuntur, unde ξανθότερα κρόκον Græci dixerunt. Vid. Salmas. ad Solin. p. 749.

Ara dabat fumos, herbis contenta Sabinis,

Et non exiguo laurus adusta sono.

Si quis erat, factis prati de flore coronis

345

Qui posset violas addere, dives erat.

Hic, qui nunc aperit percussi viscera tauri,

In sacris nullum culter habebat opus.

Prima Ceres avidæ gavisa est sanguine porcæ,

Ultra suas merita cæde nocentis opes.

350

Nam sata, vere novo teneris lactentia succis,

Eruta setigeræ comperit ore suis.

Sus dederat pœnas; exemplo territus hujus

Palmitē debueras abstinuisse, caper.

Quem spectans aliquis dentes in vite prementem,

355

343. *Herbis Sabinis*. Plin. XXIV, 61. « Herba Sabina, brathy ap- » pellata a Græcis, duorum gene- » rum est: altera tamaraci similis » folio, altera cupresso. Quære qui- » dam Creticam cupressum dixe- » runt. A multis in suffitus pro ture » adanimitur; » vide IV, 741: lus- » trationi inservit. Etiam Virg. in Cul. 403, « Herbaque turis opes priscis » imitata Sabina. » Utebantur autem foliis ejus in eam rem; Dioscorid. I, pag. 104. Cum lauro conjungitur et IV, 741 s.—*Crepitus lauri non exi- » guus* bonum signum; Tibull. II, v, 81 s.; confer et supra vers. 76.—*Co- » ronis et floribus* ornabantur Dii in templis. Lactant. Inst. II, 1. Arnob. contra Gent. VII, 237.

347. De victimis sanguinolentis. *Viscera hic aperiri*, alibi nudari dicuntur ut Æn. I, 211, ubi Servius: « Viscera quidquid sub corio est. » — *Prima Ceres* etc. Ita et Varro de Re Rust. II, 4: « A suillo genere » pecoris immolandi initium pri- » mum sumtum videtur. Cujus ves-

» tigia sunt, quod initiis Cereris » porci immolantur etc. » Confer Ovid. Met. XV, 111–115.—*Avida*, dum semina eruit rostro, spemque anni intercipit. — *Opes suas*, frumenta. — *Vere novo*, ut apud Virg. Georg. I, 43. Noster Metam. XV, 200 de anno, « Nam tenor et lac- » tens vere novo est. » Virg. Georg. I, 315, « Frumenta in viridi stipula » lactentia turgent. » — Pro *succis* Heinsius ex MSS nonnullis *sulcis* adoptaverat. Sed Burmannus recte *succis* revocavit, quia nec *tener*, nec *lactens* sulcis convenit. Succī contra frugum sæpe *lactis* nomine insi- » gniantur. Mitscherl. tamen Hein- » sium sequi maluit.—Regii tres nostri *suleis*; bene: sulci enim pro scro- » bibus sumuntur, in quibus arbores plantantur. Ed.

353. *Exemplum*, pœna. Phædrus, III, fab. VI, 20, « Justoque vindi- » cavit exemplo impetum, » ubi vide Scheffer. Similiter ἀποδείγμα. Vid. omnino Gellius Noct. Attic. VI, 14. — *Abstinnisse*. Sic Horatius *Poteras*

Talia non tacito dicta dolore dedit :

Rode, caper, vitem : tamen hinc quum stabis ad aram,

In tua quod spargi cornua possit, erit.

Verba fides sequitur : noxæ tibi deditus hostis

Spargitur affuso cornua, Bacche, mero.

360

Culpa sui nocuit : nocuit quoque culpa capellæ.

Quid bos, quid placidæ commeruistis oves?

Flebat Aristæus, quod apes cum stirpe necatas

Viderat incēptos destituisse favos.

Cærula quem genitrix ægre solata dolentem,

365

Addidit hæc dictis ultima verba suis :

Siste, puer, lacrymas : Proteus tua damna levabit ;

*dixisse.* — *Premere*, imprimere, ut *pressum aratrum*. Tibullo IV, 1, 161. — *Non tacito dolore*, non retinens dolorem. Verba *Rode* . . . *erit* notant ex Eveni Epigr. expressa esse : Κἄν με φάγῃς ἐπὶ βίβαν, ὅμως ἔτι καρποφορήσω, ὅσπου ἐπισκίπῃται σοὶ τράχη Συομένη. — *Hinc*. Heinsius legi volebat *huic*, scil. viti. Sed Burmannus jam monuit, eundem sensum, et elegantiorē etiā exurgere ex *hinc*. — *Spargi*, fundi libatione. — *Verba fides sequitur*, fit, quod ille prædixerat. Etiam III Metam. 527, « Dicta » fides sequitur, » et VIII, 711, « Vota fides sequitur. » — *Noxæ deditus*, e formula solemnī. Festus : « Quum lex jubet noxæ dedere, » pro peccato dedi jubet. » — De culpa autem hac capri conf. Varro de Re Rust. I, II, 18s. ; Virgilius, Georg. II, 375 sqq. — *Quid bos* etc. Eadem fere verba XV Metam. d. I.

363–384. Causam reddere vult, cur bos quoque et ovis mactari cœptæ sint. Sed quæ de *Aristæo* addidit, ea accessita sunt et inducta ; non enim monstrant, cur Diis offeratur bos. Latius autem illa Virgil. Georg. IV,

281–558, persecutus est. *Aristæus*, de quo Diodorus Siculus, IV, 81 s. ; Justin. XIII, VII, 10 ; Schol. Theocriti, V, 53 ; Apollinis filius et Cyrenes Nymphæ habitus, latissimas possessiones in Arcadia habuit, ibique apum et mellis, etiā lactis ad coagula usum hominibus tradidisse narratur. A Virgilio *Arcadius magister* vocatur. Post mortem in Cycladibus Jovis Aristæi et Apollinis Nomii nominibus cultus fuit. — *Stirpe*. Burmannus elegantius et verius putat, quod Francof. habet, *prole*. Virg. vers. 281 s. utrumque habet : « Si quem proles subito defecerit » omnis, Nec, genus unde novæ stirpis revocetur, habebit. » — *Destituisse*, non perfecisse. — *Cærula genitrix*. Nempe Cyrene una erat ex Nymphis Penei, antra in fundo fluminis jam jam mari se committentis incolens ; Virg. Georg. IV, 321 ; ibi Aristæus satis graviter, « dolet, » ejusque querelæ « fletus, gemitus, » luctus » vocantur.

367. *Levabit damna*, ostendit, unde resarciatur damnum, res amissa. — *Proteus* autem vates omnia nove-



Quoque modo repares, quæ periere, dabit.

Decipiat ne te versis tamen ille figuris;

Impediant geminas vincula firma manus.

370

Pervenit ad vatem juvenis: resolutaque somno

Alligat æquorei brachia capta senis.

Ille sua faciem transformis adulterat arte;

Mox domitus vinclis in sua membra redit:

Oraque cærulea tollens rorantia barba,

375

Qua, dixit, repares arte, requiris, apes?

Obrue mactati corpus tellure juveni:

Quod petis a nobis, obrutus ille dabit.

Jussa facit pastor: fervent examina putri

De bove: mille animas una necata dedit.

380

Poscit ovem fatum: verbenas improba carpsit,

rat. Non tamen sine vi adhibita monita dabat; sed difficulter cogi poterat, quum correptus manibus in varias se verteret figuras, et ita deciperet tenentem.—*Dabit*, edocebit.—*Vinculis* igitur tenacibus coercendus erat, ut in suam formam rediret.—*Æquoreus*, nempe in Carpathio in primis prope Ægyptum mari habitans.—*Somno* jacentem aggredi et vincire ab ipsa matre jussus erat. Vide Virgil. d. l.—*Transformis*, qui in alias formas transire potest. Eo sensu etiam VIII Metam. 87, *transformia corpora* filiae Erisichthonis.—*Adulterat faciem*, alienam sumit faciem; quam *adulterare* alias vitiandi notionem habeat. Sed et IV, Pont. x, 59, *adulterat undas*, aliam naturam tribuit, quam marina aqua habet. Revocavit autem h. l. Hein-sius hoc voc. ex MSS Urs. Petav. duobus Medic. quum cæteri *alterat* præferant; quod an latinum sit, dubitatur.—Regii tres, *transformat et alterat arte*; quod bene est muta-

tum. *Ed.*—*Oraque... barba*. Sic et Tritonis os I Metam. 339, describitur. Apud Virgil. Proteus morbi tantum apum causam memorat, et Aristæum consilii inopem relinquit; sed Cyrene mater inde a vers. 530, subjicit, quod deerat.—Ibidem non *obruere* corpus juveni jubetur, sed contusum includere angusto tecto, substratis fragmentis ramorum. Ibi Interpretes multa de hac opinione veterum collegerunt, e cadavere contuso et sepulto nova apum examina nasci: quod Ægyptiorum inventum vulgo jactabatur.—*Anima* pro animantibus.—*Fervere* de magna copia dicitur qua quid cum motu et sonitu impletur. Virgil. Georg. IV, vers. 556, « Stridere apes utero et » ruptis effervere costis. »

381. Casu fatali accidit, ut etiam *ovis* culpam contraheret, et mactaretur.—*Poscere* verbum proprium de fati potestate.—*Verbena*, herba e sacro loco petita; interdum illud herbæ genus, quod *hierobotane*.



Quas pia Dīs ruris ferre solebat anus.

Quid tuti superest, animam quum ponat in aris

Lanigerumque pecus, ruricolæque boves?

Placat equo Persis radiis Hyperiona cinctum,

385

Ne detur celeri victima tarda Deo.

Quod semel est triplici pro virgine cæsa Dianæ,

Nunc quoque pro nulla virgine cerva cadit.

Extæ canum vidi Triviæ libare Sapæos,

Et quicumque tuas accolit, Hæme, nives.

390

Cæditur et rigido Custodi ruris asellus.

*Eisenkraut*, dicitur; Livius, I, 24; Plin. XXII, 2. — *Carpere* solemne de pascentibus pecudibus. — *Animam ponere* lenius et gratius, quam *a. exhalare, expirare*. — In epithetis *lanigerum* et *ruricolæ* causa latet, cur triste sit et ingratum, illas mactare. Confer Metam. d. l. 116 sqq, ubi horum vim circumloquitur.

385. Solem, qui Persis Mithres dicebatur, numen maximum et sanctissimum, e mythologia græca *Hyperiona* appellavit. Strabo, XV, p. 732, Τιμῶσι δὲ καὶ Ἡλίῳ, ὃν καλοῦσι Μίθρακ. Hesychius, Μίθρης ὁ πρῶτος ἐν Πέρσας θεός. Hunc *equis* esse placatum, docent Hutchins. ad Xenoph. Cyrop. Dissert. II, 1, et Brisson. de R. Pers. I, 8. — *Triplex* Diana etiam Heroid. XII; *triformis* Silius Ital. I, 120; Virgil. *Æn.* IV, 511; *tria virginis ora Dianæ*, ubi vid. Gerda: τριπρόσωπος et τριμέρρος. — Huic pro *virgine* Iphigenia semel in Aulide occidit *cerva*, quæ supposita erat a Diana virgini Tauros translata. Sic Euripides in Iph. Aul. et Taur. Pausanias Bæot. pag. 748; Anton. Liberalis 27; Hyginus, fab. 98 et 261. Verum Ovidius, XII Metam. 24 sqq, alteram traditionem sequitur, qua ipsa Iphigenia mactata est. —

*Pro nulla virgine*, quamquam non, ut olim, pro virgine.

389. *Sapæi*, quos imperiti librarii in notiores *Sabæos* mutaverant, populus erant Thraciæ. Herodot. VII, 110. Strabo, X, p. 463, et Stephan. de Urb. — Hos Ovidius ipse *vidit*. Anno enim u. c. 763 Tomos migrans, appulit in Thraciæ litora; inde pedibus iter per Bistonios fecit. IV ex P. v, 5. Vid. omnino Masson. Vit. Ovid. ad illum annum. Hoc enim opus Romæ cœptum absolvit in exsilio. — *Libare* omnino offerre. Ab hoc autem sacrificio Hecate a Lycophr. vers. 77, Κυνοσφαγῆς θεῖα vocatur: ibique Tzetzes observat, θύουσι δ' αὐτῇ κύνας, ὡς γῆσι Σώστρον ἐν μέποις ὁ γὰρ Κύων ἔλκει τὰ φάσματα. Vide ibi Potter. Idem etiam factum in Zerynthio Thraciæ antro. Vide Suidam in Ζηρύνθειον. Plura de canum immolatione habet Plutarchus Quæst. Rom. tom. VII, pag. 131, edit. Reisk. Etiam Romæ Robigini canis exta dabantur; IV, 908. — *Nivibus* olim notus Hæmus, Thraciam a parte septentrionali claudens.

391. Fabulis petulantioribus quum Ovidius delectaretur, non potuit a se impetrare, quin hic quoque talem insereret de *Priapo*, custode

Causa pudenda quidem est, huic tamen apta Deo.  
Festa corymbiferi celebrabas, Græcia, Bacchi,

Tertia quæ solito tempore bruma refert.

Dî quoque cultores in idem venere Lyæi,

395

Et quicumque joci non alienus erat :

Panes, et in Venerem Satyrorum prona juvenus,

Quæque colunt amnes solaque rura, Deæ.

ruris, quam Metam. IX, 346, verbo tantum attigit. — *Rigidus*, severus, ut Horat. I, Ep. 1, 17, *rigidus sætelles virtutis*. — *Huic* significanter, tam libidinoso et obscæno Deo. Hoc ergo ex melioribus pro *sed* Heinsius bene revocavit. — *Apta*, conveniens. *Festa* intelligendum trieterica, quæ tertio quoque anno celebrabantur. Vid. Barnes. ad Eurip. Bacch. vers. 133; Perizon. ad Æl. Var. Hist. XIII, 2. Conf. VI Metam. 587; IX, 641. — *Corymbifer* Bacchus et *κoryμβοφόρος* dictus a *corymbis*, racemis hederæ in orbem circumactis, in quibus acini ac baccae; Plinius, XVI, 34. Etiam Bacchæ *corymbis* coronatæ; Eurip. Bacch. LXXXI, 106. Cod. plures h. l. *racemiferi*. Hoc quoque recte vocatur; etenim Bacchus etiam racemis tam caput, quam thyrsus velare solebat. — *Celebrabas* Heinsius non nisi ex duobus MSS Petav. et Oxon. recepit. Cæteri *celebrabat* aut *celebrabant*. — *Refert*, reducit. — Mox Heinsius ex MSS Mazar. et tribus aliis *cultores gelidi venerè Lycei*; I Metam. 217; Virg. Ecl. X, 15. Sed non video, cur cultores potissimum Lycei venerint. Præ tuli ergo longe plurimorum MSS lectionem, *in idem venerè Lyæi*. Nempe *in idem venire* est bona locutio, quæ etiam Heroid. XV, 121, legitur, « Non veniunt in » idem pudor atque amor. » — *Cultores* autem *Lyæi* sunt ipsi Panes et

Satyri cum Sileno, qui mox memorantur, atque ad Bacchi sacra convenire solebant; Eurip. Bacch. 130; Orph. h. 53, ubi et *Naidēs*. Vide Casaub. de Sat. lib. I, pag. 78 sq; et Heynium in *Antiq. Aufsætzen* II, pag. 70. — *Joci*, quod Neap. jam ex antiquis MSS notaverat, Heinsius amplexus est, ut Dii intelligantur a jocis non alieni. Dictum autem, ut *alienus consilii, salutis, pacis*. Varie autem *jocus* dicitur nunc de saltatione lasciva, nunc de lusu Venero; Horat. II, Od. XII, 17, ubi vide Intrp. Noster Heroid. XV, 43; II, Art. Amat. 723. Vulgo h. l. *loci*. Nonnulli *locis*. Sed Modius in Novant. Lect. cap. 63, *mero non alienus* tueretur, quod MSS Urs. Nauger. et alii præferunt.

397. *Panes*. Ab initio *Pan* non nisi unus, Arcadiæ Deus. Post plures *Panes* et *Panisci* ficti, qui Bacchi sacris interessent. Vide Heynium d. l. Similiter olim unus *Silenus*, Bacchi educator; seriore tempore plures *Sileni*, quorum præsul *Silenus* prior. — *Satyrorum* lascivia jam Hesiodo notata, e quo Strabo, X, pag. 471, *γίγας εὐτρεδύνων Σατύρων* laudat. *Silenus*, etsi *senex*, tamen amabat et ipse jocos et saltationes. Anacreon. XXXVII, 11. Aut *asello* insidens, aut ferula nitens exhibebatur; IV Metam. 26 s. — *Priapus* ad mare etiam Indicum in Bacchi

Venerat et senior pando Silenus asello ,

Quique rubro pavidas inguine terret aves.

400

Dulcia qui dignum nemus in convivia nacti ,

Gramine vestitis accubuerunt toris.

Vina dabat Liber : tulerat sibi quisque coronam :

Miscendas parce rivus agebat aquas.

Naides effusis aliæ sine pectinis usu ,

405

Pars aderant positis arte manuque comis.

Illa super suras tunicam collecta ministrat :

Altera dissuto pectus aperta sinu.

Exserit hæc humerum : vestem trahit illa per herbas ;

Impediunt teneros vincula nulla pedes :

410

Hinc aliæ Satyris incendia mitia præbent ;

Pars tibi , qui pinu tempora nexa geris :

comitatu erat. Nonnullis adeo Bacchi habebatur filius. Schol. Apollon. ad I, 932. Ejus statuæ rubro colore, nempe minio pictæ, et *ingulne* enormis magnitudinis instructæ erant. Eo, quamquam et *salce* (Tibul. I, 1, 18), terrebat aves; Horat. I, Sat. VIII, 5, « Obscenoque ruber » porrectus ab inguine palus. »

401. *Dignum*, aptum convivii hilaritati; IV Met. 692, « dignos tempore fletus. » Et sæpe absolute ponitur. Vid. Benth. ad Horat. II, S. 1, 85. *Gramine... toris* dignius quam gramine. Talibus toris poetæ *riverum* solent addere, nunc ad augendam amœnitatem loci, ut Horatius, II, Od. III, 11 sq; Epod. II, 23; nunc ad temperandum merum, ut h. l. et Horat. II, Od. XI, 20.—*Parce* conjunge, non cum *agebat*, sed cum *miscendas*. Optimus putabatur potus e tribus aquæ partibus temperatus, ac duabus vini. Aristophan. Equit. pag. 355. Alii quartam aut quintam vini partem commenda-

bant. Vide Spanhem. ad Callimach. hymn. in Pallad. 47. Vulgo *large*; quod, si quis tueri velit, referendum erit, ut et Taubn. monuit, ad *agebat*. Sed illud significantius est, notatque morem Deorum, qui multo mero pervigilant noctes, VI, 326.

407. Ministræ mensas epulis insruentes succinctæ esse solebant, VIII Metam. 660.—Etiam h. l. pro *collecta*, duo veteres *succincta*. Sed Noster h. l. circumlocutione uti maluit.—*Tunicæ* mulierum, quæ Nymphis et alibi dantur, ut II, 171, longiores erant, ad talos usque demissæ.—*Dissuto sinu*. Neapolis putat, fasciam pectoralem esse solutam: sed hoc non potuisset verbo *dissui* exprimi. Immo, de soluta sutura cogitandum.—*Humerum*. Mazarin. et septem alii *humeros*, quod Burmannus præfert.—In tribus Regiis nostris *humerum*. Ed.—*Vincula*, calceamenta.—*Impediunt*, cingunt.

412. Pan caput frondibus *pineis* cingere solebat, I Metam. 699.—



Te quoque, inextinctæ Silene libidinis, urunt ;  
 Nequitia est quæ te non sinit esse senem.  
 At ruber, hortorum decus et tutela, Priapus 415  
 Omnibus ex illis Lotide captus erat.  
 Hanc cupit, hanc optat ; sola suspirat in illa ;  
 Signaque dat nutu, sollicitatque notis.  
 Fastus inest pulchris, sequiturque superbia formam :  
 Irrisum vultu despicit illa suo. 420  
 Nox erat : et, vino somnum faciente, jacebant  
 Corpora, diversis victa sopore locis.  
 Lotis in herbosa, sub acernis ultima ramis,  
 Sicut erat lusu fessa, quievit humo.  
 Surgit amans ; animamque tenens, vestigia furtim 425  
 Suspenso digitis fert taciturna gradu.  
 Ut tetigit niveæ secreta cubilia Nymphæ ;  
 Ipsa sui flatus ne sonet aura, cavet.  
 Et jam finitima corpus librabat in herba :

*Inextinctæ*, quia ad senectutem usque durabat ; in Ibide, 428, *inextincta fames*. — *Urunt*, ut illud *Uritur Glyceræ nitor* Horat. I, Od. 19. — *Nequitia*, libidinosa levitas, quæ in concubitus vetitos fertur. Ita IV, Ep. 17 ; XVII, 29, et alibi. — *Decus* debemus Heinsio qui id ex MSS Petav. Ursin. et quatuor aliis recepit, quum cæteri *Deus* præferant. Sin *decus* verum est, jocosè dictum videtur. *Decus* autem et *tutela* conjunguntur, ut alibi *decus et columnen, præsidium et decus* de fautoribus insignibus. — *Notæ* de nutibus et signis amantium ; III, Amor. 21, 23, « verba compositis dissimulata » notis. » Tibul. I, 11, 22, « Blanda » quæ compositis obdere verba notis. » — *Sollicitare*, ut græc. *εὐχόμεν*, scil. ad concubitum.

419. *Pulchris*. Heins. *pulchræ* malebat. Mihi alterum magis placet, ut sit generalis sententia, quæ vers. seq. pronomine *illa* deflectit ad Lotida. — *Fastus* et *superbia* de iis, qui non redamant amatores suos ; III Metam. 354.

425. Confer VI, 331 sqq, ubi Priapus similiter Vestam audet corrumpere, sed et ipse aselli voce impeditur. — *Suspenso*. Krebs. *mit durch die Finger erhobenem Fusttritt*. Hoc vix cogitari potest. — *Digiti* pedis intelligit, et *suspenso digitis gradu* nil est nisi suspensis digitis pedum. Sequitur egregium phantasie illius signum, cujus tot exempla apud Ovidium insignia, maxime in Metam. opere. — *Secreta*, quia ultima jacebat. — *Ipsa* .. *cavet* id quod, animam tenebat. — *Corpus librabat*,



Illa tamen multi plena soporis erat. 430  
 Gaudet; et, a pedibus tracto velamine, vota  
 Ad sua felici cœperat ire via.  
 Ecce rudens rauco Sileni vector asellus  
 Intempestivos edidit ore sonos.  
 Territa consurgens Nymphæ manibusque Priapum 435  
 Rejcit, et fugiens concitat omne nemus.  
 At Deus, obscœna nimium quoque parte paratus,  
 Omnibus ad lunæ lumina risus erat.  
 Morte dedit pœnas auctor clamoris: et hinc est  
 Hellespontiaco victima grata Deo. 440  
 Intactæ fueratis aves, solatia ruris,  
 Adsuetum silvis, innocuumque genus;  
 Quæ facitis nidos, quæ plumis ova fovetis,  
 Et facili dulces editis ore modos.  
 Sed nihil ista juvant: quia linguæ crimen habetis, 445  
 Dique putant mentes vos aperire suas.  
 Nec tamen id falsum; nam, Dis ut proxima quæque,  
 Nunc penna veras, nunc datis ore notas.  
 Tuta diu volucrum proles, tum denique cæsa est:

in æquilibrio tenere corpus tentabat, ut solent, qui suspensio gradu incedunt, tamquam funambulones. Eadem formula VIII Metam. 201, de Dædalo jam volare canante.

436. *Omne nemus*, omnes Deos in nemore cubantes.—*Deo*. Unus Mediceus *mar*, ut, monente Burmanno, Priapus *mas* dicatur a parte virili, qua in primis conspiciatur. — Regii nostri codices servant *Deo*; alteram lectionem nimis contortam puto. *Ed*.

442. *Adsuetum silvis*, adeoque remotum ab hominibus. Plura colligit, quæ innocuo huic generi commiserationem facere possint. Burm.

e tertio Moreti cod. *assiduum silvis* placet. — *Solantur* rusticos, faciunt ut labores minus sentiant. Virgilius, Georg. I, 293, *solari cantu labores*. — *Facile os*, quod facili negotio sonos edit, flexibile; dicitur et *sequax*. Vide ad Plinium, VII, Ep. 9; Tibull. I, III, 60: « Dulce sonant tenui gutture carmen aves. » — *Nihil juvant*, non defendunt vos a maculatione, ut et vers. 453. — *Linguæ crimen*, loquacitas; II Metam. 540. — *Dis proxima*, altissime volans. — *Notas*, auguria, signa, ore dant oscines; *penna*, scilicet volatu, alites. — *Veras*. Alii *vetitas*, quod non damnat Taubner. propter vers. 445.

Juveruntque Deos indicis exta sui.

450

Ergo sæpe suo conjux abducta marito

Uritur in calidis alba columba focis :

Nec defensa juvant Capitolia , quo minus anser

Det jecur in lances, Inachi lauta , tuas.

Nocte Deæ Nocti cristatus cæditur ales ,

455

Quod tepidum vigili provocat ore diem.

Interea Delphin clarum super æquora sidus

Tollitur , et patriis exserit ora vadis.

POSTERA lux hiemem medio discrimine signat ,

450. De singulis avium generibus. *Abducta*, erepta. Proprie *abduci* dicuntur pecudes. — *Uritur*, adoletur. — *In calidis*. Olim Heins. e Mazar. codic. *ignitis* optimum videbatur; postea, mutata sententia, scribi voluit, aut *Idaliis*, aut *Cnidiis*, quia Veneri immolata columba, et quia in sqq quoque memoratur, cui quæque avis mactata. Sed Burmannus recte tuetur vulgatam, quia sæpe *calide aræ* leguntur. — *Inachis*, Isis Inachi filia. Metam. I, fab. 8. Ei et Osiridiansersacer, atquemactari solitus; Juven. Sat. VI, 538. — *Lauta*, quia poscit jecur anserinum, quod erat in cibis lautiorum hominum. Plinius, Histor. Nat. X, 26, ibique Harduinus. Non igitur audiendi, qui *Inachi vacca* habent. — *Lance* et tura offerebantur et exta; Æn. VIII, 284. Ejusdem usus et in cœnis hominum. *Det in lances tuas*, sic scite variavit immolationis notionem.

455. *Deæ Nocti* ex MS Ursini Heinsius dedit. Vulg. *Deæ noctis*, id est, Hecataë, cui vero gallus non mactatus. — *Ales*, ut Græc. *ὄπις*, per excellentiam gallus. — *Is provocat diem*, quia cantum ejus dies sequitur; Virgil. Georg. I, 388, cornix vocat pluviam. Noster, XI Met.

597: « Non vigil ales ibi cristati can- » tibus oris Evocat Auroram. » — Pro Aurora nunc *tepidum diem* dixit; *tempor* enim tempori ut vespertino, ita matutino tribuitur; Heroid. IV, 160. — *Delphinis* ortus cosmicus sive matutinus; Plinius, Histor. Natur. XVIII, 64: « Pridie Nonas Januar. » Cæsari Delphinus matutino exoritur. » In die igitur dissentit; nam Nostro intelligitur V Id. sive dies nonus mensis. — *Patriis*. De delphino sidere loquitur, ut de sidere pisce, cui æquor *patria* est. Similiter Manilius, V, 389: « At quum se patrio produxit ab æquore piscis. »

459. *Postera lux*, IV Id. sive dies Januarii decimus. Hiemem mediam circumloquitur. — *Discrimen*, limes dirimens rem in partes. *Discrimine medio signat hiemem*, in medio facit discrimen, dividit hiemem in duas partes æquales. In *mediâ* autem *hieme* constituenda non consentiunt Veteres. Columella et Ptolemæus eam ad diem, qui Nonas proxime antecedit, referunt. Sed Plinius, XVIII, 25, Eudoxum et Metonem secutus, ad diem VIII Kal. Jan. sive diem 25 Decemb. ubi Capricorni partem octavam sol emensus est, brumam esse statuit. De quo dissensu

Æquaque præteritæ, quæ superabit, erit. 460  
 PROXIMA prospiciet Tithono nupta relicto,  
 Arcadiæ sacrum pontificale Deæ.  
 Te quoque lux eadem, Turni soror, æde recepit;  
 Hic ubi Virginea campus obitur aqua.  
 Unde petam causas horum moremque sacrorum? 465  
 Dirigat in medio quis mea vela freto?  
 Ipsa mone, quæ nomen habes a carmine ductum,  
 Propositoque fave, ne tuus erret honos.

plura disputare, non hujus loci est. Taubnerus monet, cum Columel. et Ptolem. Ovidium conciliari posse, si post vers. 314, duos hos de media hieme ponas, et quæ de Delphini ortu dicuntur.—*Superabit*, supererit.

461–586. III *Id.* sive XI *die Jan.* *Carmentalia*: de quibus ita refert, ut multa de *Evandri adventu*, de *Carmentæ* matris vaticiniis, de *Herculis* et *Caci* pugna inserat.—*Proxima Tithono* etc. Auroram circumloquitur; ea enim oritur *Tithoni croceum linquens cubile*; Virgilius, Georg. I, 447. Sed Taubnero durum videtur, *Tithono nuptam* pro Aurora poni, et hanc pro die, ut tropus sit ex tropo. Præfert igitur *Aurora*, quod nomen Heinsius MSS Ursini, Petav. Mazar. Francofurt. auctoritate expulit. Male quidam *Proxima respiciet*, aut *perspiciet*, aut *conspiciet*; nam *prospicere* optimè convenit ei, qui e cælo in terras spectat.—*Arcadia Dea*, Carmenta, cui sub porta Carmentali ad pedem Capitolii ara posita; Dionys. I, 32; Virg. Æn. VIII, 327.—*Sacrum* ejus jam sub Romulo institutum; Plutarch. Rom. 21. — *Turni soror*, Juturna, Nympha fluvii et lacus Latii, haud procul ab Albano monte; Virg. Æneid. XII, 134 sqq, ibique Heynii

Excurs. Ei Romani ad *aquam Virginem* in Campo templum dedicaverant. Hanc aquam tactu præstantem Agrippa deduxit Romam. Plinius, XXXI, 25. Passim a poetis cum *Marcia aqua* conjungitur.

465. Ut alii poetæ in rerum antiquarum memoria repetenda Musas invocant, sic Noster nunc commode ipsam Carmentem sibi adesse vult, tam propter nomen, quam propter ipsius sacra.—*Mos sacrorum*, eorum ritus. Æneid. XII, 836: « Morem » ritusque sacrorum adjiciam. » H. l. explicatio rituum. — *Ipsa*. Heinsius malit *Nympha*, quia Carmenta vers. 633, ita vocatur aut *Diva*. Sed *ipsa*, bene se habet; ab illa *ipsa*, cui sacra fiunt, originem eorum cognoscere cupit. Ita et mox, *si creditur ipsi*. — Non dixit, *doce*, sed *mone*, quod proprie est vatium.—*Ductum*, ut Horat. II, Sermon. II, 56, *ex vero ductum cognomen*, ubi vide Bentl. A *carmine* autem Carmentem habuisse nomen, tradunt et Dionys. I, 31; Plutarchus, in Rom. 21, et in Quæst. Rom. tom. VII, p. 124, ed. Reisk.—*Erret*, incertus sit. Livius, I, 24: « In re tam clara nominis » error (incertitudo) manet. » Supra vers. 190, *Pars mihi ne labet ulla*. Potest tamen hic locus et sic capi,



Orta prior Luna, de se si creditur ipsi,

A magno tellus Arcade nomen habet.

47<sup>o</sup>

Hic fuit Evander; qui, quamquam clarus utroque,

Nobilior sacrae sanguine matris erat.

Quæ simul ætherios animo conceperat ignes,

Ore dabat vero carmina plena Dei.

Dixerat hæc, nato motus instare sibique,

47<sup>5</sup>

Multaque præterea, tempore nacta fidem.

Nam juvenis, vera nimium cum matre fugatus,

ne tuus honos falso a me proferatur.

469. Docte Arcadium circumloquitur.—*Tellus*, gens, ut sæpe apud poetas γαῖα et χώρα. Arcadas προσ-  
λήνους primus dixerat Hippys Rheginus, scriptor Xerxis tempore; Stephan. Byzant. in Ἀρκάς. Inde vulgaris traditio, quam Ovid. etiam II, 289, V, 90, repetit, Arcadium originem antecessisse lunam. Vide Heynium in Opp. Acad. vol. II, p. 332 sqq, ubi fabulæ sensum obscurum esse ostendit. Krebsius monet, sensum esse hunc: Selenen mulierem habitasse inter Arcadas et post mortem inter Deas esse relatam.—*Arcas*, Lycaonis nepos, Calistus et Jovis filius, inter sidera relatus; II Metam. 401 sqq. Inde *magnus*. — Neap. et Burn. ex uno MS probant, *de se si creditur ulli*. Unus Heinsii *de se sic creditur ulli*. — *Evander* e Pallantio, urbe Arcadica, in Italiam venit. Fuit autem Mercurii et Nymphæ Arcadicæ filius. Matrem, quippe vatem, Græci *Themis*, Latini *Carmentem* dixerunt; Dionys. Halicarn. I, 31. — *Nobilior sacrae matris*, quia omnes matrem memorabant, non itidem patrem. Livius, I, 7: « Venerabilior divinitate credita » Carmentæ matris. » Lenzius putat Ovidium, cum Servio ad Vir-

gilium, Evandro tribuisse patrem Echemum. Verum ita ille vix *clarus* dici potuisset etiam paterno sanguine. Evandro describendo non immoratur, sed festinat ad matrem fatidicam.—*Sacra*. Sic *sacer Orpheus*. Horat. Art. Poet. 391. — *Ætherii furores* de inspiratione etiam V, 446. — *Carmina*, vaticinia versibus composita. Loquebatur δὲ ὡς θεός. Dionys. Halicarn. dicto loco: Τὴν δὲ γυναικα ταύτην ὁμολογοῦσι θαυμασίῳ πνεύματι κατὰσχίστην γενομένην τὰ μέλλοντα συμβαίνειν τῷ κλήθει δὲ ὡς θεὸς προλέγειν. A Plutarcho Rom. 21, vocatur, μαντικὴ καὶ ποιευστικὴ ἱμετέρων χρησμάτων. — *Oris* mentio sollemnis de vatibus. *Ore vero* partim e MSS, partim e conjectura Scaligeri Heinsius dedit; nam alii, *Ore dabat pleno carmina vera*. Illud magis poeticum.—*Plena Dei* potest et ad carmina, et ad vatem ἱεῖον referri.

475. *Motus*, turbæ civiles. Seditione coorta, expulsum esse Evandrum narrat Dionys. Sed Servius ad Æn. VIII, 51, aliam fugæ causam affert. — *Multa*, quale Livius, I, 7, memorat, et Noster in sqq. — *Tempore*, temporis decursu.—*Nacta fidem*: vide ad versum 359. — *Vera*, verax.—*Fugatus*. Inde Livius, dicto loco, *profugus ex Peloponneso ve-*



Deserit Arcadiam, Parrhasiumque larem.  
 Cui genitrix flenti, Fortuna viriliter, inquit,  
 Siste, puer, lacrymas, ista ferenda tibi est. 480  
 Sic erat in fatis: nec te tua culpa fugavit,  
 Sed Deus; offenso pulsus es urbe Deo.  
 Non meriti pœnam pateris, sed numinis iram:  
 Est aliquid magnis crimen abesse malis.  
 Conscia mens ut cuique sua est, ita concipit intra 485  
 Pectora pro facto spemque metumque suo.  
 Nec tamen ut primus mœre mala talia passus,  
 Obruit ingentes ista procella viros.  
 Passus idem, Tyriis qui quondam pulsus ab oris,  
 Cadmus, in Aonia constitit exsul humo: 490  
 Passus idem Tydeus, et idem Pagasæus Iason,

catur.—Noster *Arcadiam* nominat, et licentia poetica addit *Parrhasiumque larem*, quamquam Evander, ut jam ante monitum, Palantio venit. Sed et in sqq., Carmenta mox *Tegeæ*, mox *Menalis* vocatur. Heinsius ex uno Strozzeæ cod. *Arcadium* invexerat, quod jam Taubner. improbavit, quia sic tautologia oriatur. — De *Parrhasiis*, Arcadum parte, vide Pausan. Arcad. p. 657: cod. Francof. h. l. *Parrhasiumque nemus*, quod Burmanno elegans videtur, quia Carmenta poetria; poetis autem nemora placere. Immo, *larem deserere* melius convenit profugo. Horat. Carm. Sec. 3g, Trojanorum *jussa pars mutare lares et urbem*.

479. Vaticiniis interposuit consolationem, eamque gravissimam. Quatuor autem argumentis filium mœrentem excitat. Tu non es in culpa; alii idem passi sunt; ubique patria est; felix aliquando eris. — *Siste, puer*. Sic Heins. e quinque MSS et Edd. vetust. pro, *Siste precor. Puer*,

fili. — *Non . . . iram*. Hæc *ταυτολογία* repetita. — Frustra unus Heinsii, *Est aliquid magni*; nam *est aliquid* in se jam de re insigni dicitur, et a Nostro sic adhibetur, XII Metam. 93; XIII, 241. Ad sententiam Senec. Ep. 97, p. 728: « In scelere demum sceleris supplicium; » idemque Ep. 43, miserum judicat, qui se testem contemnit. Hinc hoc loco *conscia mens* etc.—Pro *spemque metumque* Burmannus malit *spemve metumve*. Idem putat, Ovid. verbis *offenso* etc. alluisse ad suum exsilium.

488. *Procella*, mox vers. 495, *tempestas*, quod utrumque voc. etiam Cic. de calamitatibus adhibet. *Procella* navigantes *prehendit*, *prehensosque obruit*, immergit fluctibus.—*Cadmus pulsus* erat a patre, ut sororem raptam quæreret; III Met. init.; ubi vid. not. de *Aonia*, id est Bœotia. *Consistere* de profugo, qui sedem certam capit.—*Tydeus*, pulsus ab Æneo patre, quod Menalippum fratrem in venatione occide-

Et quos præterea longa referre mora est.  
Omne solum forti patria est; ut piscibus æquor;

Ut volucris, vacuo quidquid in orbe patet.

Nec fera tempestas toto tamen horret in anno: 495

Et tibi, crede mihi, tempora veris erunt.

Vocibus Evander firmata mente parentis,

Nave secat fluctus, Hesperiamque tenet.

Jamque ratem doctæ monitu Carmentis in amnem

Egerat, et Tuscis obviis ibat aquis. 500

Fluminis illa latus, cui sunt vada juncta Terenti,

rat, *Argos* migravit ad *Adrastum*. Hygin. fab. 69. — *Et quos præterea*, *Peleus*, *Telephus*, *Telamon*, alii. *Exsulum* catalogum habes et I ex *Ponto*, III, 37 sqq.

493. Veteribus commoratio extra patriam magnum malum: eam enim ignominia et contemptus, pleurumque et paupertas sequebatur. Quidam tamen aliter senserunt. Hæc nostra sententia sumta ex *Euripid.* *Fragm. incert. n. 37*: ἄπας μὲν ὁρᾷ αἰετῶν περὶ ἄστυος, ἅπαντα δὲ χθονὸν ἀνδρῶν γενναίων πατρὶς. — *Nec fera* etc. Cum hoc solatio confer *Horat. II*, *Od. IX* init., et *X*, 13. — *Horret*, quod admodum accommodatum tempestati, bene recepit *Heins.* e *MSS* pro inepto *erat*. — *Ver lætæ sortis imago*.

497. *Firmata mente* *Heins.* e *MSS* quibusdam et ed. *Ald.* recepit, quum antea vulgaretur, et *firmus mente*, *Francos.* autem et multi alii, et *firma mente* exhiberent. Sane, *firmare mentem*, animum addere, bona est locutio, quam *Bentl.* ad *Horat. III*, *Od. XXIV*, 54, comprobatur. Sed et *firmus mente* recte dicitur. Apud ipsum *Cic.* *firmus* est fortis, intrepidus: sic *firmus accusator* *Verr. II*, 1. Verum in hac lectione copula et molesta est. — *Hesperiam tenet*, te-

net viam, quæ ducat in *Italiam*, cursum advertit in *Italiam*. — *Docta*, quia et fatidica erat, et carmina pangerebat. Ita *III Metam.* 322, *doctus Tiresias*. — *Egerat*. Multi ex melioribus *rexe rat*, quod *Heinsius* ortum putabat e *rexe rat*. Sed *agere navem* bona locutio, ut *agere currum* de auriga. — *Obviis ibat aquis*, adverso flumine vehebatur, *VIII Metam.* 164. *Evander*, *Fauno* regnante, *LX* circiter annis ante bellum *Trojanum* in *Italiam* venit; *Dionys. I*, 31. *Arcades* benigne excepti, quum tantum iis agri permissum esset, quantum vellent, ὥς ἡ θείη ( *Carmenta* ) αὐτοῖς ἐπιθυσιάζουσα ἄρραξεν, αἰρουῦνται λόγον ὀλίγον ἀπὸ χοντα τοῦ Τερίου etc. Apud *Senec. Cons. ad Helv.* 7, in catalogo *exsulum* « *Evander* in ripa *Tiberis* regna *Arcadum* » collocans. » — *Noster vada juncta Terenti* memorat. *Terentus*, locus in campo *Martio*, in quo ludis secularibus *Diti Proserpinæ* sacra fiebant. Vid. *Heins.* qui e melioribus paucis *Terenti* revocavit, quum reliqui *Terenti* præferrent. *Vada Terenti* *Lenzius* *Tiberim* fluvium intel. qui hic forsitan *Terenti* nomen assumserit. Id si cui durum videatur, verba sic ordinari vult, *latus Terenti*,

Adspicit; et sparsas per loca sola casas.  
 Utque erat, immissis puppim stetit ante capillis;  
 Continuitque manum torva regentis iter.  
 Et procul in dextram tendens sua brachia ripam, 505  
 Pinea non sano ter pede texta ferit.  
 Neve daret saltum properans insistere terræ,  
 Vix est Evandri vixque retenta manu.  
 Dîque petitorum, dixit, salvete locorum;  
 Tuque novos cælo terra datura Deos; 510  
 Fluminaque et fontes, quibus utitur hospita tellus,  
 Et nemorum Nymphæ, Naiadumque chori;  
 Este bonis avibus visi natoque mihique:  
 Ripaque felici tacta sit ista pede.

*cui sunt vada fluminis juncta.* Hoc quoque durum. Malim dicere, prope Terentum fuisse vadum.—*Sola*, solitaria, deserta.

503. *Immissis* in faciem *capillis*, more vaticinantium; Tibul. II, v, 66. Etiam II Metam. 635, Ocyrhoë, fatidica et ipsa, « venit rutilis hu- » meros protecta capillis. » — *Utque erat.* Vid. ad II Metam. 272. In *puppi* ad clavum sedet *regens iter*, gubernator. Ante hunc stetit *torva*, quippe furore divino concita. Virg. Georg. IV, 450, Proteus vaticinaturus, « vi multa ardentis oculos in- » torsit, et graviter frendens dixit. » — De nave *pineæ texta* etiam XIV Metam. 530. Vide ad XI Metam. 524.—*Non sano*, insano. Vaticinantibus *pœvix*, insania, furor, tribuitur. *Insana vates* Æn. III, 443. — *Ne daret saltum*, ne exsiliret e nave in terram. III Metam. 599, Acœtes, *doque leves saltus*.

509. More advenarum novam terram cum Diis ejus salvere jubet. — *Novos Deos*, Faunum, Romulum,

Cæsares. Inde Roma *genetrix Deorum*, Rutil. Itiner. I, 49.—*Hospita*, vel peregrina, ut vers. 340, vel quæ excipit hospites; III Metam. 637, « vobis erit hospita tellus. » — *Quibus utitur* exquisitius, quam, quos habet. — *Nemorum Nymphæ*. Heins. e melioribus suis notabat, *nemorum silvæ*, quod Krebsio placebat; ipse tamen aut cum tribus malebat *nemorum divæ*, id est, Dryades, aut *et nemora et silvæ*, quod Burmannus ex uno Petavii amplexus est. Improbat hoc Taubn. quia Carmenta Deos salvere jubeat, quos inter Flumina quidem sint et Fontes, non item nemora. Sed hoc nihili est. Cadmus, III Metam. 25, in Bœotia « ignotos montes agrosque salutat. » *Nemora* autem et *silvæ* sæpe sic junctæ leguntur. Placet tamen vulg. *nemorum Nymphæ* propter alterum, *Naiadumque chori*. — Regius codex A *nemorum Nymphæ*; B et C *nemorum silvæ*; quod malim. *Ed.* — *Ripaque* etc. MS Putean. secundus, *Istaque felici ripa sit icta pede*; quam



Fallor? an hi fient ingentia mœnia colles?

515

Juraque ab hac terra cætera terra petet?

Montibus his olim totus promittitur orbis.

Quis tantum fati credat habere locum?

Et jam Dardaniæ tangent hæc litora pinus.

Hic quoque causa novi femina Martis erit.

520

Care nepos, Palla, funesta quid induis arma?

Indue : non humili vindice cæsus eris.

lect. Burm. elegantiores judicat, quam quæ provenire a librario potuerit.—Regii tresservant vulgatam. In nostro codice C librarius hanc paginam continuavit hisce versiculis :  
 Uxor onus magnum, si non sit pulchra, marito;  
 Si sit pulchra, virum despicit illa suum.

Quos si non Ovidianos, et rei accommodatos, saltem satis facetos lector mihi condonare velit. *Ed.*

515. Novum vaticinium de imperii R. magnitudine, Æneæ adventu, et Juliæ gentis splendore, qualia et Virgilius habet. Apud Dionys. Halic. I, 20, Evander vicum parvum condit, ἢ ἱμελλί τὸ περιωμένον ἐν χρόνῳ θήσεται ὅσην οὖν Ἑλλάδα πόλει, οὔτε βάρβαρον, κατὰ γὰρ οὐκείνους μέγεθος, καὶ κατὰ δυναστείας ἀξίωσιν, καὶ τὴν ἄλλην ἄπασαν ἰσχυρίων, χρόνου τὶ ὀπίσσω οὐ ὁ θυητὸς ἀντίχῃ, πόλεων μέλιστα πικρῶν μηχανησθεσμένων. Etiam h. l. imperium totius orbis terrarum his *montibus*, ut II Metamor. 259, Tiberi, id est, huic urbi promittitur.—*Petere jura* est subjecti populi, ut *dare jura* imperantis. Virgilius, Georg. IV, 561; « Volentes (petentes) Per populos dat jura. » Horat. III, Od. 111, 43, « triumphatis possit » Roma ferox dare jura Medis. » — *Locum habere tantum fati*; loco destinatum esse a fato tantam dignitatem : confer II, 403. De hoc autem loco Rutil. Itin. I, 194. « Qui domi-

» nas arces et caput orbis habet. » — Pro *Dardaniæ* Heins. malit *Dardanides* : sine causa, altera forma æpissime apud Ovid. occurrit.

520. Vaticinatur adventum Æneæ et bellum cum Turno. « Turnus, rex » Rutulorum, cui pacta Lavinia ante adventum Æneæ fuerat, prælatum sibi advenam ægre patiens, » simul Æneæ Latinoque bellum intulerat; » Liv. I, 2.—*Nepos*. Pallas, de quo Virgil. Æn. VIII, 104 sqq, Evandri filius, secundum alios Herculis ex Evandri filia filius; Dionys. I, 32. Evander in Palatino monte Palanteum oppidum condiderat. Ad hunc venit Æneas auxilium contra Turnum petiturus, ab eoque equitum quadringentorum, quibus *Pallas* prefectus, subsidio adjutus est; Æn. VIII. In eo bello Pallas, magna prius edita hostium strage, a Turno interficitur. Hinc Æneas plurimos Rutul. amico inferias mittit; Æn. X. In certamine singulari quum Æneas in victi Turni humeris Pallantis balteum conspexisset, ira incensus eum, gladio per pectus adacto, occidit; Æn. XII, 940 sqq. — *Funesta quid induis arma*. Prædicit et cædem Pallantis : sed Turnus occisor cadet, inquit, Æneæ dextra. *Ed.* — Priscianus notat vocativ. *Palla* factum esse ad Homeric. Πουλυδάμα. — *Nepos humili*, nobilissimo. Horat. I, Od.



Victa tamen vinces, eversaue Troja resurges :

Obruet hostiles ista ruina domos.

Urite victrices Neptunia Pergama flammæ :

525

Num minus hic toto est altior orbe cinis ?

Jam pius Æneas sacra, et sacra altera patrem,

Afferet : Iliacos excipe, Vesta, Deos.

Tempus erit, quum vos orbemque tuebitur idem,

Et fient ipso sacra colente Deo ;

530

Et penes Augustoꝝ patriæ tutela manebit.

Hanc fas imperii frena tenere domum.

XXXVII, 32, Cleopatra *non humilis mulier*, ubi ad animum generosum refertur.—*Victa Troja vicit*, quatenus Trojani novum in Italia regnum condiderunt.—*Obruet hostiles ruina domos*. Ruina Trojæ efficiet, ut in Italia imperium condatur, quod aliquando Græcorum hostium terram sibi subjiciet.

525. *Neptunia Pergama*, ut Æn. II, 625, *Neptunia Trojæ*, quia in Neptuni et Apollinis tutela, et quia muri ab istis Diis ædificati; XI, Metam. 203; Æn. II, 201.—*Num minus* etc. nihilo tamen minus ex illo cinere imperium orietur, totum terrarum orbem occupans. *Nam minus* sæpe sic apud Nostr. vide Heinsium ad Epist. XI, 19; itaque et hoc loco ex tribus MSS receptum. Olim vulg. *Nunc minor*; alii, *Non minor* aut *minus*. Comparativo interdum *minus* jungi, docet Krebs.—*Jam pius Æneas* etc. Sic de eodem et IV, 37, et XIII Metam. 624. Hectoris umbra Æneæ sacra Trojæ, simulacra Deorum patriorum lignea, commendaverat; Æneid. II, 293. Itaque ille patrem humeris impositum et sacra manu tenentem secum extulit; Æn. II, 707 sqq; Dionys. I, 46 et 47 : nam pater *pío* filio vim sacro-

rum habere videbatur. Patrem in ora Drepanitana amisit, ( Æn. III, 710 ), ubi monumentum ejus etiamnum ostenditur. Vid. Dorvill. Sic. p. 49.—Sed sacra secum *attulit* in Italiam, atque sacra translata singnum habebantur sedis translata. Vid. Heynii Exc. IX, ad Æn. II. At quia patrem non attulit secum in Italiam, propterea Heinsius monet, posse cum uno Vatic. *auferet* legi. Burmanno non displiceret, *efferet*. Fuere tamen, qui Anchisen in Italiam usque adductum traderent, in quibus Cato, Strabo, Dio Cassius. Vid. Muretus, Var. Lect. XIII, 3. Hos forte secutus est Ovid. Fatale etiam erat, Penates Æneæ Italiæ inferri; Æn. III, 167 sqq. Collocati ab initio Lavinii, inde Romam translati. In *Vestæ* æde eos esse servatos quidam putabant; Tacitus, Annal. XV, 41. Immo, ædes eorum fuit sub Velia, non longe a Vestæ æde; Dionys. I, 67.—*Quum vos* etc. Julius Cæsar Pontifex Max. atque adeo præses Vestalium, tuebitur Iliacos Deos, et imperator orbem. Qui post mortem *Deus* erit, homo *colet sacra*, sacra faciet. Alii hæc de Augusto intelligunt; et possunt etiam de hoc intelligi.

Inde nepos, natusque Dei, licet ipse recuset,

Pondera cælesti mente paterna feret.

Utque ego perpetuis olim sacrahor in aris,

535

Sic Augusta novum Julia numen erit.

Talibus ut nostros dictis descendit in annos;

Substitit in medios præscia lingua sonos.

Puppibus egressus Latia stetit exsul in herba.

Felix, exsilium cui locus ille fuit!

540

Nec mora longa fuit: stabant nova tecta; nec alter

Montibus Ausoniis Arcade major erat.

Ecce boves illuc Erytheidas applicat heros

Emensus longi claviger orbis iter.

533. Hæc inseruit Ovidius, mortuo Augusto; intel. enim Tiberius, Julii Cæsaris Divi *nepos*, Augusti per adoptionem *natus*, qui per simulationem *recusavit* imperium, nec nisi precibus Senatus impulsus accepit; Tacit. An. I, init. Sueton. Tib. 24. Conf. Noster IV, ex Ponto, XIII.—*Pondus*, ut *moles*, de imperio.—*Cælestia*, eximia quæque. In primis Dei nepoti et filio convenit. Mulier fatidica desinit in mulieris consecratione.—*Augusta Julia* est Livia, quæ Augusti testamento in familiam *Juliam* nomenque *Augustæ* assumpta; Tacit. Ann. I, 8, ibique Lipsius. Ejus consecrationem Ovidius non vidit, prædixit tantum; et facta est per Claudium. Sueton. V, 11. Qui in memoriam antiquorum temporum redit, *ascendere* ad ea dicitur; qui de venturis loquitur, *descendere*. MSS Urs. Mazar. Nauger. Zulich. et alii quidam, *Talibus auspiciis nostros descendit ad agros*: quod et ipsum commodè explicari posse monet Taubn. Mox Slightenhorst. malebat, *in mediis sonis*; quod sane usitatus. Sed ut *desinere* in aliquam rem di-

citur, ita et *subsistere* pro *desinere* eodem modo construi potest.

540. Gemitum hunc, ut alios in hoc opere, Ovidio expressit haud dubie ipsius exsilium. De *novis* illis *tectis*, vide ad vers. 515. Ei oppidulo sive vico Evander nomen dedit Palantii in memoriam veteris patriæ. Quum *fuit* bis se proxime excipiat, Heins. aut prius in *suum*, aut posterius in *subit* mutandum censet: sine causa, ut docuimus ad vers. 245.—*Alter*, alius. Nec alius in montibus Ausoniis major erat Evandro Arcade. Alii male Arcada montem explicant, in quo jam fuerit Arcas.—*Ausonia* sæpe pars Italiæ ea, cui postea Latii nomen hæsit. Vide ad vers. 55.

543. De *Herculis adventu* conf. V, 643; Dionys. Halic. I, xxxiv, 39; Liv. I, 7. Cum classe Græcorum in Italiam venisse credebatur. Leviter autem hic adventus cum poetæ proposito cohæret, ut e vers. 583, apparet.—*Erythea*, Gades insula, ubi Geryon, cum cujus interemti bubus Hercules in Italiam venit, et prope Tiberim, ut quiete et pabulo

Dumque huic hospitium domus est Tegeæa, vagantur 545

Incustoditæ lata per arva boves.

Mane erat : excussus somno Tirynthius hospes

De numero tauros sentit abesse duos.

Nulla videt taciti quærens vestigia furti :

Traxerat aversos Cacus in antra feros ;

550

Cacus, Aventinæ timor atque infamia silvæ,

læto boves reficeret, procubuit. Sic Liv. et Dionys. Sed h. l. eum excipit *domus Tegeæa* Carmentæ Arcadis, a *Tegea*, oppido Arcadiæ sic dicta. *Tegeæa* Burman. dedit. Alii *Tegæa* scribunt. Mitscherl. *Tegeæa*. — Hoc verum est, quamquam in nostris codd. *Tegea*. Ed. — Paulo ante, Heins. *applicat*, agit, in *appulit* mutari vult, ut VI, 80, *Huc captas appulit ille boves*. Verum et *applicare* sic dicitur VII, Met. 223 ; « Cætæis regionibus » applicat angues, » et vs. 519, « Applicaverat ripæ vaccas. » Ep. VII, 117 ; « applicor ignotis terris. » — Mox disputatur, utrum *lata*, an cum MSS Ursin. Mazarin. Zulich. et quatuor aliis *lata* legendum sit. Posteriorum verum iudicat Heins. recepit Mitscherl. et possit verum videri, quia et Liv. *lætum pabulum*, et Dionys. Hal. πόνον πολλὸν καὶ καλὸν memorat. Sed hoc ipsum impellere olim potuit virum doctum, ut h. l. *lata* scriberet. Alterum *lata*, ut et Burm. vidit, melius convenit verbis *incustoditæ* et *vagantur* : atque latis in arvis facilius nonnullæ poterant averti. Præfertur igitur et a Bentleio ad Horat. III, Od. II, 9, ubi et de *lætis* et de *latis campis* multa loca collegit. Conf. Noster II, 210.

547. *Caci* furtum omnes similiter narrant, rerum scriptores nude, ut erat traditum, sed poetæ exornarunt. In his fons est Virg. Æn. VIII,

185 sqq, quem Noster expressit. Conf. et Propert. IV, 9, init. Martial. V, 60. — *Excussus somno* nil nisi expergefactus. Livius *somno excitus*. — *Hospes* e vetust. codice Neapolis dedit, et recte ; erat enim Hercules in hospitio Evandri. Alii *heros*, quod jam vers. 543, præcessit ; Petav. *actor*, unde Heins. *actor* faciebat. — *Duos*. Dionys. δύοις ταύροις memorat ; Liv. « eximium quemque pulchritudine, » Virg. vers. 207, « quatuor tauros totidemque juvencas. » — *Cacus* λατὴς τις ἰγχώριος Dionys. — *Feros* ex uno Farnes. Heins. recepit, neque male ; *ferus* enim sæpe pro bove, cervo, equo ponitur. Vide Intrp. ad Phædrum, I, fab. XII, 9. Burm. contra vulg. *boves* magis placet, quia vers. 556, repetitur *feris* ; et quia etiam Martial. V, Epist. 66, atque Propert. d. l. *aversos boves* memorant. Hoc tuetur Krebsius. Ciofan. et Neapol. cum Ursin. et tribus Vatic. *ferox* malunt, namque et Liv. *Cacus ferox viribus*, et Virg. Æn. VIII, 205, *furiis Caci mens effera*. — *Aversos*, quia cauda eos traxit in speluncam.

551. *Caci* indoles, forma, genus, domus. — *Timor silvæ*, ut Cicero in Verr. V, 45 ; Sestius *terror morsque sociorum et civium*. Apud Martial. d. l. ubi Nostrum ita expressit : « Silvarumque tremor, tacita qui fraude solebat Ducere, nec rectos



Non leve finitimis hospitibusque malum.  
 Dira viro facies; vires pro corpore; corpus  
 Grande: pater monstri Muleiber hujus erat.  
 Proque domo, longis spelunca recessibus ingens, 555  
 Abdita, vix ipsis invenienda feris.  
 Ora super postes affixaque brachia pendent,  
 Squalidaque humanis ossibus albet humus.  
 Servata male parte boum Jove natus abibat:  
 Mugitum rauco furta dedere sono. 560  
 Accipio revocamen, ait; vocemque secutus,  
 Impia per silvas ultor ad antra venit.  
 Ille aditum fracti præstruxerat objice montis:

» Cacus in antra boves. » Et quum etiam h. l. codex Farnesian. *tremor* agnoscat, id probatur Burman. — *Malum*. Notant, poetam respexisse *Caci* nomen, quia Κάκως Græcis malus. — *Dira facies*. ut I Met. 156, *corpora dira* gigantum. Hoc ergo multo gravius, quam quod alii MSS habent, *dura*. A Virgilio speluncæ *Caci dira facies* tribuitur. Propert. ipsum adeo trifaucem et tricipitem finxit. *Recessus* speluncæ II Metam. 761, *valles*, et a Virg. Georg. IV, 420, *sinus reducti* vocantur. Speluncam Virgil. sic descripsit: « Vasto submota recessu, » Semihominis Caci facies quam di- » ra tenebat Solis inaccessam ra- » diis; semperque recenti cæde te- » pebat humus; foribusque adfixa » superbis Ora virum tristi pende- » bant pallida tabo. »

559. *Servata male*, amissa. — *Abibat* revocavi, quum Heinsius e MS Petavian. *abibas* invexisset, ut *natus* esset pro vocativo *nate*, quod sane non insolens; IV, 731. Sed sine plurium MSS consensu talia non adfectanda sunt. — *Furta*, bo-

ves raptæ, ut III Metam. 7. *Furta Jovis*, puellæ a Jove raptæ. — *Raucus sonus* mugientibus tribuitur. — *Accipio revocamen* dictum ad formulam solemnem, *accipio* (agnosco) *omen*. — *Ultor*. Sic vetustior. alii *victor*. Illud et Virg. *Æn.* VIII, 201, habet; et melius convenit h. l. Sed mox vs. 580, rectius *victor* vocatur. — *Objice fracti montis*, fragmine montis objecto. Apud Virg. d. l. 227 primum fugit, tum *sultos emuniit objice postes*. Et tales objices sæpe speluncarum ostia muniebant. Virgilius, Georg. IV, 422, Proteus se tegit in antro *vastæ objice saxi*. — *Opus τὸ onus* prætulit Burmannus ex MSS. Pembrock. Thuan. Mazarin. quia seq. *onus*, et quia hæc pars montis quasi *opus*, vallum et munimentum autri, erat. Bene. Liv. xxxi, 40: « Viam, ob- » jectis per omnes transitus operi- » bus, inexpugnabilem fecit; » 40, 51, « molem ad Terracinam, in- » gratum opus. » Non credibile est, aliquem notius *onus* mutasse in exquisitius *opus*, quum contra hoc facile in illud corrumpi posset. —



Vix juga movissent quinque bis illud opus.  
 Nititur hic humeris, cælum quoque sederat illis, 565  
 Et vastum motu collabefactat onus.  
 Quod simul evulsum est, fragor æthera terruit ipsum;  
 Ictaque subsedit pondere molis humus.  
 Prima movet Cacus collata prælia dextra;  
 Remque ferox saxis stipitibusque gerit. 570  
 Quis ubi nil agitur; patrias male fortis ad artes  
 Confugit, et flammæ ore sonante vomit  
 Quas quoties proflât, spirare Typhoea credas,  
 Et rapidum Ætnæo fulgur ab igne jaci.  
 Occupat Alcides, adductaque clava trinodis 575  
 Ter quater adversi sedit in ore viri.

*Vix juga*, etc. Inde vires Caci intelliguntur. Confer III Metam. 61, et quæ ibi notavimus. Magnitudo operis etiam vs. 567, sq, graviter declaratur; ita enim vis Herculeæ illucescit.

565. Certamen ipsum, quod pluribus descripsit Virg. inde a vs. 230. Non facilis ibi Herculi labor: « Ter » saxeâ tentat limina nequidquam: » ter fessus valle resedit. » Noster dignius Herculem descripsit.—*Humeris cælum* portabat, quum Atlantem ad mala Hesperidum apportanda misisset. Vide ad IX Metam. 198. —*Sedere*, simul firmitatis notionem inesse putes. Plinius, Pan. x, 6; « quam bene humeris tuis sederet » imperium », ubi vid. Schwarz. et nos. Claudian. Rapt. Pros. præf. 47: « Firmior Herculeâ mundus cer- » vice pependit. » —*Evulsum*. Neapol. *avulsum* malit, quia Virg. 237: « Dexter in adversum nitens concussit, et imis Avulsam solvit ramis » dicibus. » Et quia est a cod. nonnullis abest, Heinsius suadet, Quo

*simul avulso* sive *averso*, aut *cui simul*. Burm. addit *simul* construi cum ablativo.—*Æthera terruit*. Virg. « impulsu, quo maximus insonat » æther. » Sed *terrui* gravius etiam.

569. *Movet prælia*. Dionys. Τρίπταται πρὸς ἄλλη. — *Male fortis*, non fortis, IV Metam. 285.—*Patrias ad artes* habet a Virg. « illius Vulcani » patris alios Ore vomens ignes, » magna se mole ferebat. » Tum in pugna ipsa vers. 252: « Faucibus ingentem fumum, mirabile dictum, » Evomit, involvitque domum cæ- » ligine cæca, Prospectum eripiens » oculis etc. » De *Typhoco* vide III Metam. 363; V, 346; unde apparet, hac comparatione satis terribilem notari Cacus.—*Adducta clava*, ut IV Trist. II, 5, *adducta securis*. Vide Drakenb. ad Sil. I, 334. De tormentis, quæ intenduntur, legatur Cic. Tusc. II, 24. A Virg. 220, clava illa *nodis gravatum robur* vocatur.—*Sedit in ore*, inflicta est ori. De telis corpus penetrantibus sæpe legitur.—*Adversa*, quæ quis sibi opposita

Ille cadit, mixtosque vomit cum sanguine fumos,

Et lato moriens pectore plangit humum.

Immolat ex illis taurum tibi, Jupiter, unum

Victor, et Evandrum ruricolasque vocat :

580

Constituitque sibi, quæ Maxima dicitur, aram,

Hic ubi pars Urbis de bove nomen habet.

Nec tacet Evandri mater, prope tempus adesse

Hercule quo tellus sit satis usa suo.

At felix vates, ut Dîs gratissima vixit,

585

Possidet hunc Jani sic Dea mense diem.

IDIBUS in magni castus Jovis æde sacerdos

Semimaris flammis viscera libat ovis :

Redditaque est omnis populo provincia nostro ;

petit. Cacus varia arma tentat ; Hercules una clava utitur, sed repetitis ictibus opus erat ad monstrum debellandum.

577. *Mixtosque*. Ita Rhœtus cum sanguine mixta Vina refert moriens, Æn. IX, 349. — *Fumos pro, flammæ* habent quatuor Vatic. et Neapol. Utrumque evomuisse traditur ; utrumque Virg. habet. Quum igitur Noster paulo ante *flammas* memorasset, hic utique *fumos* præstat. Adde, quod in moribundo jam extinctæ erant flammæ. Etiam a Sardon. Apol. carm. XIII, *colla fumida Caci furis* memorantur.

579. Cæde expiata, Hercules Jovi Inventori aram statuit, quæ Romæ erat ad portam Trigeminam, eique taurum unum immolavit : idque sacrificium Romani græco ritu Dionysii Halic. adhuc ætate repetebant. Evander, qui ex matre audierat, in fatis esse, ut Hercules inter Deos referatur, primus ei sacra fecit, ara exstructa. Tum Hercules a regionis illius incolis petiit, ut illa sacra per-

petuo servarent, græco quidem ritu, elegitque Potitios et Pinarios, duas familias nobiles, quos ritum illum doceret. Ipse, ara erecta, decimas ex præda obtulit ; quæ ara maxima vocabatur et sanctissime colebatur a Romanis, eratque prope forum boarium ; Dionys. d. l. et Liv. Hæc igitur sacra antiqua Romulus accepit. — *Constituitque sibi*. Taubn. legendum monet *tibi*, siquidem illorum valuerit auctoritas, qui Jovi Inventori hanc aram ab Hercule dicatam vellent. — *Quo tellus sit satis usa*, quo hinc abiturus sit ad Deos. Sed hoc ita elocutus est, ut utilitates significaret, quas tellus ex Herculis laboribus perceperit. Desinit locus in Carmentæ apotheosi.

587. *Idus* omnes Jovi sacræ. Iis ovis eidem, inde *idulis* dicta, macTABATUR, sed Idibus Januar. vervex. — *Sqq redditaque . . . arus* paulo negligentius scripta et addita, quamquam ad Augustum pertinent. An. u. c. 727, quum Octavianus simularet, omne se depositurum esse im-

Et tuus Augusto nomine dictus avus.

590

Perlege dispositas generosa per atria ceras ;

Contigerunt nulli nomina tanta viro.

Africa victorem de se vocat : alter Isauras ,

Aut Cretum domitas testificatur opes.

Hunc Numidæ faciunt , illum Messana superbum :

595

Ille Numantina traxit ab urbe notam.

Et mortem et nomen Druso Germania fecit.

Me miserum ! virtus quam brevis illa fuit !

perium , Senatus, auctore Munatio Planco , ei *Augusti* nomen dedit ; Sueton. Aug. 7 ; Dio Cass. LIII, 16, ibique Reimar. tum Foggius ad Verrium. De die autem, quo id nomen ei oblatum, dissentiunt scriptores. Vid. Lipsius ad Tacit. Ann. I, 9. Etiam Orosius, lib. 8, *Idus* ut Ovid. h. l. nominat. Sed paulo ante *onerosas provincias* ipse suscepit administrandas, pacatas *populo* restituit. Vide Ernesti Exc. 6, ad Suet. Aug.

591-616. De vi nominis *Augusti* per comparationem. Atque ita catalogum struxit virorum Romanorum cognominibus insignium. — *Ceræ*, imagines *cereæ* virorum illustrium, quæ *per atria dispositæ* habebant titulos sive inscriptiones rerum gestarum, honorumque attributorum. Inde igitur et cognomina cujusque cognoscebantur. — *Generosa*, familiarum nobilium. Neapol. ex codice vetusto *annosa* notavit, quod et duo alii ministrant. Glossæ Rumphii, *onerosa*, quod Heins. ex *operosa*, id est artificiose structa, ortum putabat. De cognominibus nobilium Romanorum, etiam eorum, qui jam memorantur, vide Perizon. in Anim. hist. p. 41 et 272. — P. Servilius, devictis piratis, *Isauroque*, ipsa Ciliciæ arce, eversa, *Isaurici*

cognomen adamavit ; Florus, III, VI, 5. Q. Cæcilius Metellus *Cretum*, qui Mithridati favisse videbantur, *opes domuit*, totam insulam igni ferroque populatus est, inde *Creticus* dictus ; Florus, III, 6 ; Dio, lib. 36, init. A Jugurtha devicto *Numidici* cognomen Q. Cæcilio Metello, L. Calvi filio tributum ; Vellei. II, XI, 2. — *Messanici* cognomen nemini datum ; sed Claudius Caudex, Marmertinis auxilio missus, urbem obsidione liberavit. Polyb. I, 1. Neque Noster de cognomine loquitur ; tantum dicit *superbum*, quod crebro apud poetas de victoribus legitur. — *Nota*, id, quo quis ita insignitur, ut discerni ab aliis possit. Nunc cognomen, quod Scipioni Æmiliano impositum. De formula *trahere notam* vid. Benth. ad Horat. IV, Od. II, 59. — *Drusus*, Liviae ex priore marito Tiberio Nerone filius, Tiberii frater, rebus in Germania præclare gestis, ad Rhenum in æstivis castris, ex fractura, equo super crus ejus lapso, an. u. c. 745, mortuus est : de qua morte sub Ovidii nomine consolatio exstat ad Liviam Augustam. Senatus ipsi posterisque ejus *Germanici* cognomen decrevit ; Suetonius, Claud. 1 ; Dio, lib. XV. — *Virtus illa*. Velleius, II, 97, de



Si petat a victis ; tot sumat nomina Cæsar ,

Quot numero gentes maximus orbis habet.

600

Ex uno quidam celebres , aut torquis ademta ,

Aut corvi titulos auxiliaris habent.

Magne , tuum nomen rerum mensura tuarum est :

Sed qui te vicit , nomine major erat.

Nec gradus est ultra Fabios cognominis ullus.

605

Illa domus meritis Maxima dicta suis.

Sed tamen humanis celebrantur honoribus omnes :

Hic socium summo cum Jove nomen habet.

Sancta vocant augusta patres : augusta vocantur

eo : « Adolescens tot tantarumque » virtutum , quot et quantas natura » mortalis recipit , vel industria per- » ficit. » Vid. ejus laudes etiam Horat. IV, Od. 4. Julius Cæsar cognomine nullo insignitus erat ; nihilo tamen minus hic ejus mentio fit , et in maximam ejus laudem. Vicerat enim ille gentes numero infinitas. Cic. pro Marc. 2.

601. T. Manlius Torquatus , qui an. u. c. 392 , ad Anienem Galli , quem ab eo provocatus occiderat , torque detracto , cognomen invenit ; Cic. III , Off. 31 ; Liv. VIII , 10. M. Valerius Corvinus , Trib. militum , an. u. c. 406 , Gallum magnitudine et armis insignem in certamine singulari occidit , adjunctus a *corvo* , qui , in galea ejus sedens , quotiescumque certamen initum est , os oculosque hostis rostro et unguibus appetiit ; Liv. VII , 26. Cn. Pompeio *Magni* cognomen ab assentatione familiari tributum. Liv. XXX , 45. — *Nomine major* , superans omne nomen ac titulos. Cod. Urs. Voss. Zulich. Mazar. multique alii , *te quoque major*. Eam sententiam sane quisque expectat ; sed Ovidius præter

expectatum causam potius memorare voluit , cur nullo cognomine ornatus sit. Heinsius *se quoque major* conjicit , ut poeta Cæsaris clementiam occulte tangat , qua victis hostibus ignovit. In quam rem illud Cic. pro Marc. 4 , laudari potest , *hodierno die te ipsum vicisti*. Taubner. monet , Ovidium per gradus ire voluisse : Pompeius fuit *magnus* , Cæsar *major* rerum gestarum gloria , Fabius *maximus*.

605. An. u. c. 499 , quum Fabius omnem forensem turbam in quatuor tribus conjecisset , urbanasque eas appellasset , « adeo eam rem acceptam gratis animis ferunt , ut » Maximi cognomen , quod tot victis torris non pepererat , hæc ordinum » temperatione pareret ; » Liv. IX , 46 , extr. — *Illa domus* , mansit enim ei genti hoc nomen. Et omnis illa familia de civitate bene meruit ; II , 195 seqq. — *Socium nomen*. Taubner. non improbat aliorum *numen* , ob factam apotheosin. Immo hic non nisi de *nomine* sermo est. — *Sancta* etc. Glossæ Philoxeni , *Augustus* , *immac* , *sanctus*. Quibusdam censentibus Octavianum Romulum appel-



Templa, sacerdotum rite dicata manu.

610

Hujus et augurium dependet origine verbi,

Et quodcumque sua Jupiter auget ope.

Augeat imperium nostri Ducis, augeat annos :

Protegat et vestras querna corona fores ;

Auspiciisque Deis tanti cognominis heres

615

Omne suscipiat, quo pater, orbis onus.

RESPICIET Titan actas ubi tertius Idus,

Fient Parrhasiæ sacra relata Deæ.

Nam prius Ausonias matres carpenta vehebant :

Hæc quoque ab Evandri dicta parente reor.

620

Mox honor eripitur : matronaque destinat omnis

lari oportere, prævaluit, ut Augustus vocaretur, non tantum novo, sed et ampliore cognomine, « quod » loca quoque religiosa, et in quibus » augurato quid consecratur, au- » gusta dicantur, ab auctu, vel ab » avium gestu gustave, sicut etiam » Ennius docet, scribens; Augusto » augurio postquam inclyta condita » Roma est. » Sueton. Aug. 7; Florus, IV, XII, 66; Dio, lib. LIII, πάντα τὰ ἐν τιμωτάτοις καὶ τὰ ἐς πόλιν αὐγουστὸς καλεῖται. Inde et Augusti palatium peculiari ratione sanctum dicebatur. Vide Benth. ad Horatium, IV, Od. IV, 26.—*Sacerdotum manu.* Templata ita dedicabantur, ut Pontifex postem manu teneret.—*Hujus et augurium* etc. ab hoc nomine fluxit et voc. augurium.—*Querna corona.* Supra fores Palatii civica e quercu corona suspensa erat, et ad utrumque latus laurus stabat, triumphalis arbor. Confer IV, 953; III Trist. I, 35-48; I Met. 562: Dionem Cass. LIII, 16. Corona ob cives servatos inscripta erat.—*Vestras.* Unus Vaticanus. Heinsius conjicit *notas.*—*Heres* est Tiberius, cui Augusti no-

men hereditarium. Sueton. Tib. 26.—*Orbis* habent vetustiores. Alii, *urbis*, quod Heins. defendi posse putat ex II, 197. Illud multo gravius.

617-636. Die decimo quinto, scil. XVIII Kalend. Februar. rursus *Carmentalia*. Confer Plutarch. Quæst. Rom. tom. VII, p. 124, edit. Reisk.—*Actas*, transactas, exactas.—*Relata*, iterata, repetita; II, 512, *Et referunt certi sacra paterna dies*; Cicero in Cæcil. 21, *consuetudo repetita et relata.*—*De Parrhasia* Dea vide ad vs. 478.—*Matres*, matronæ, mulieres.—*Carpenta*, currus cum tecto arcuato rotisque duabus, qui sæpe in nummis cernuntur. Beckmann. in *Beytraegen zur Geschichte der Erfindungen*, P. II, p. 391, serius hæc inventa putat. An. u. c. 360, Romæ id honoris decretum matronis, « ut pilento (vehiculo pensili et » commodiore aliis) ad sacra ludos » que, carpentis festo profestoque » uterentur; » Livius, V, 25.—*Ab Evandri parente*, quod vix verum esse potest, *honor eripitur.* A Senatu prohibita sunt ὀχίματα χρῆσθαι ζευχοῖς; Plutarch. d. I.—*Destinare*, sibi

Ingratos nulla prole novare viros.  
 Neve daret partus, ictu temeraria cæco  
 Visceribus crescens excutiebat onus.  
 Corripuisse patres ausas immitia nuptas,  
 Jus tamen exemptum restituisse, ferunt.  
 Binaque nunc pariter Tegeææ sacra parenti.  
 Pro pueris fieri virginibusque jubent.  
 Scorteæ non illi fas est inferre sacello,  
 Ne violent puros exanimata focos.  
 Si quis amas ritus veteres, assiste precanti:  
 Nomina percipies non tibi nota prius.  
 Porrima placantur, Postvertaque sive sorores,  
 Sive fugæ comites, Mænali Nympha, tuæ.

625

630

proponere, constituere. Vide ad Plin. I, Epist. VIII, 1: Plutarchus, συνίθετο. — *Ingratos viros*, sive quia viris omnibus Senatorum interdictum imputabant, sive quia et virorum culpa aliqua in hac re. Etiam Plutarchus, ἀμυνόμενοι τοὺς ἀνδρας. — *Novare prole*. Quidam ex vetustioribus *juvare*, quod damnat Heinsius; durum tamen est, *viros novare prole*, novam prolem viris parere; neque hoc comprobari potest illis, *novare gregem*, *novare pignora*, quæ apud Statium, Theb. X, 223, 791, leguntur. — *Cæco*, clandestino. II Amor. XIV, 4, ubi de puellis onus ventris sic excutientibus, « cæcas » armant in sua fata manus. » Conf. et Heroid. XI, 42, « Ut penitus nos » tris... Visceribus crescens excutere » tur onus. » — *Jus restituisse*. Hinc mulieres εὐτακνοῦσαι καὶ πολυτακνοῦσαι templum Carmentæ posuerunt. — *Exemptum*, ademptum. Vide Burm. Olim, *creptum* aut *amissum*, quæ fluxerunt ex interpret.

629. *Scorteæ*, quæ ex corio et pel-

libus sunt facta; Varro de Ling. Lat. lib. VI, ubi addit: « Inde in aliquot » sacris ac sacellis scriptum habemus: Ne quid scorteum adhibeat » tur, ideo, ne morticinum quid » adsit. » — *Nympha* etiam a Virgilio, Æneid. VIII, 336, Carmenta vocatur. Pro eo nomine h. l. octo MSS *Diva*. Alteram *Porrimam* cum nostro etiam Servius ad Æneid. d. l. vocat; et *Postverta* in Inscript. apud Gruter. pag. 50, occurrit. Heinsius malit *Postvorta*, ut apud Macrobius, Sat. I, 7, « sicut Antevorta » et *Postvorta*, divinitatis scilicet » aptissimæ comites, apud Romanos nos coluntur. » Denique notanda et sunt Gellii Noct. Att. XVI, 6, verba, ubi de mulieribus ægre enitentibus sermo: « hujus periculi de » precandi causa oræ statutz sunt » Romæ duabus Carmentibus: quarum altera *Postverta* nominata » est, Prosa (alii *Prorsa*) altera; a » recti perversique partus et potest » tate et nomine. » — Regii codices B et C habent *Postverta*; in codice

Altera, quod porro fuerat, cecinisse putatur :

635

Altera, versurum postmodo quidquid erat.

CANDIDA te niveo posuit lux proxima templo,

Qua fert sublimes alta Moneta gradus.

Nunc bene prospicies Latiam, Concordia, turbam :

Nunc te sacratæ restituere manus.

640

Furius antiquum populi superator Hetrusci

Voverat, et voti solverat ante fidem.

Causa, quod a patribus sumtis secesserat armis

Vulgus; et ipsa suas Roma timebat opes.

A scriptura fuit corrupta. *Ed.*—*Parro* sæpe significat, in futurum; sed ex h. l. apparet, dictum etiam esse de tempore præterito, cujus significationis exemplum sibi occurrisse negat Burmannus.—*Versurum*, non *venturum*, habent Zulich. et Mazar. Nempe alterum explicat vim nominis *Postventa*, alterum nominis *Postverta*, quod et ipsum h. l. in multis MSS legitur. — In Regiis tribus reperimus *venturum*, quod quadrare non potest, nisi cum *Postventa*; hoc quidam dederunt sine auctoritate. *Ed.*

637. Proximo die, nempe die XVII Kalend. Februar. tuum templum, *Concordia*, dedicatum. Ea Dea quinque Romæ templa habebat; nunc antiquissimum intel. In area, ubi Manlii domus steterat, populus ædem Deæ, quam *Monetam* vocabant, ædificavit; Plutarch. Camil. 36; adscendebatur centum gradibus. *M. Furius Camillus* Dictator, orto motu civili, ad Capitolium respiciens, Deos precatus est, ut seditionem bene vertere juberent, ædemque *Concordiæ*, si motus esset sedatus, vovit. Motu composito, decretum, ut ædes vota prope forum exstrueretur. Plutarch. Camil.

42.—Templum foro imminens recte *prospicere* turbam aut populum in foro dicitur. Id Tiberius, consulatum cum Cn. Pisone iniens reficiendum suscepit, ut suo et Drusi nomine inscriberet, atque an. u. c. 762, quo pax in Pannonia et Dalmatia composita, Druso jam mortuo, de manubiis dedicavit; Suetonius Tib. 20; Dio, lib. LV, 17, et LVI. Adde Verrium Flac. Quamquam alii aliter, ut mox videbimus. — Pro nunc de quatuor MSS *hic te*. Inde Heinsius suadebat, *Ut bene prospicias Latiam, Concordia, turbam, Hic te* etc. Male; nam in repetito *Nunc* vis est, ut ex seqq. apparet. — *Sacratum* et *sanctum*, quidquid ad Imperatorem pertinebat. Vide Rittersh. et Cortium ad Plin. X, Epist. 1. Infra II, 60, *sacratum Dux populi Hetrusci*, Veientinorum in Hetruscis opulentissimorum; atque Faliscorum. — *Ante*, olim. — *Quod a patribus* etc. Omnis multitudo per Tribunos plebis in principes, in primis in Camillum, incitata postulabat, ut alter consul e plebe crearetur; Livius, V, 25. — *Suas timebat opes*, opes plebis metuebant senatores. Noster ingeniose loqui voluit.



Causa recens melior : passos Germania crines

645

Porrigit auspiciis , Dux venerande , tuis.

Inde triumphatæ libasti munera gentis ;

Templaque fecisti , quam colis ipse , Deæ.

Hæc tua constituit genitrix et rebus et ara ,

Sola toro magni digna reperta Jovis.

650

HÆC ubi transierint , Capricorno , Phæbe , relicto ,

Per juvenis cures signa gerentis aquam.

SEPTIMUS hinc oriens quum se demiserit undis ,

Fulgebit toto jam Lyra nulla polo.

SIDERE ab hoc , ignis , venienti nocte , Leonis

655

Qui micat in medio pectore , mersus erit.

645. Sensus : Germania tuis auspiciis victa. Victi victori *porrigebant* ea , quibus essent insignes ; Germani *crines* suos promissos ad tonsuram ; Amorr. I , 14 : « Jam tibi » captivos mittet Germania crines : » Culta triumphatæ munere gentis » eris ; » Trist. IV , 11 , 43 , « Crinibus » en etiam fertur Germania passis , » Et ducis invicti sub pede mœsta » sedet. » — Interpreti Gallico *Dux venerandus* Germanicus esse videtur. At bella tum omnia gerebantur *auspiciis* Imperatoris. — *Libasti munera gentis*. Neapolis ad prandium civibus exhibitum et congiarium ex manubiis datum refert ; Burmannus ad detonsos crines , quos Augustus (immo Tiberius) libaverit. Obscure sane poeta locutus est : puto tamen sensum esse : tu manubias in usum sacrum adhibuisti et templa inde fecisti. — *Quam colis* , vita tua et moribus. — *Hæc*. Mazar. Arund. et alii *Hanc* , scil. Concordiam. Non male. — *Genitrix* , Livia. Ea concordiam rebus ipsis Augusto , et ara , quam forte , ut Const. Fanensis et Burmannus suspicantur , in Concordiæ

æde *constituit* , exhibuit , quemadmodum et Bonæ Deæ templum restituit V , 157. — *Magnus Jupiter*. Augustus. De Livia similiter , II Trist. 1 , 162 , « Quæ , nisi te , nullo con- » jure digna fuit. Quæ si non esset , » cœlebs te vita deceret , Nullaque , » cui posses esse maritus , erat. »

651–656. Solis transitus e Capricorno in Aquarium. Lyræ et medii Leonis occasus. Plinius , XVIII , 26 , « Et quum sol in aquarium sentitur » transire , quod fere XVI Kalend. » Februar. evenit. » Primæ edd. et duo MSS *transieris*. Duo , *transierit*. Inde Heins. conjicit *Nox ubi transierit* , quia sic II , 639 ; IV , 165 et alibi , aut *lux ubi transierit*. — *Juvenis* , quem Ganymedem nonnulli dixerunt. Hygin. P. A. II , 29. — *Aquam* urnam unde aquam effundit ; Horatius , Sat. I , 1 , 36. Inde *urniger* vocatus. — *Gerentis pro regentis* Heins. de suo dedit. — *Septimus hinc Oriens* , dies tertius et vigesimus Januar. — *Stella in medio pectore Leonis* insignis Regulus dicitur. Intelligendus autem occasus Leonis matutinus. Sed lapsus est Ovidius.



TER quater evolvi signantes tempora Fastos ;

Nec sementiva est ulla reperta dies :

Quum mihi, sensit enim, lux hæc indicitur, inquit

Musa : quid a Fastis non stata sacra petis ? 660

Utque dies incerta sacro, sic tempora certa ;

Seminibus jactis est ubi fœtus ager.

State coronati plenum ad præsepe juvenci,

Quum tepido vestrum vere redibit opus.

Rusticus emeritum palo suspendat aratrum : 665

Omne reformidat frigida vulnus humus.

Villice, da requiem terræ, semente peracta :

Da requiem, terram qui coluere, viris.

Pagus agat festum : pagum lustrate, coloni ;

Et date paganis annua liba focis. 670

Placentur matres frugum, Tellusque Ceresque,

657-704. *Sementiva*, aut, ut et hoc loco in MSS quibusdam et apud alios auctores scribitur, *Sementina*, feriæ sationis finitæ causa susceptæ, et a semente appellatæ, auctoribus Varrone et Festo. Erant in feriis conceptivis, quæ quotannis a magistratibus aut sacerdotibus concipiebantur ; Macrobius, Sat. I, 16. Itaque in *Fastis signatæ* reperiri non poterant. Sed Ovidius se frustra in illis quæsisisse finxit, ut *Sementivæ* descriptionem commode inserere posset. In ea Tibull. II, init. ante oculos habuisse videtur ; ubi Ambarvalia describuntur. — Pro *jactis* multi ex vetustioribus, *lætis*, non improbante Burmanno. Verum *jactis* nunc apertius tempus definit. — In tribus nostris *jactis*. Ed.

663. *Requies et festa rusticorum* describuntur, additis precibus pro frugum copia et pace. — *State*... *humus*. Tibullus, d. I. « requiescat ara-

» tor ; Et grave suspenso vomere  
» cesset opus. Solvite vincla jugis :  
» nunc ad præsepia debent Plena  
» coronato stare boves capite. » *Coronari* animalia solebant feriantia, officio functa et diebus festis ; V, 52 ; VI, 311. Vide Wernsdorfii Excursum VII ad Gratiani Cynegir. in poetis minoribus, et Plutarchum, Quæst. Rom. p. 117, edit. Reisk. 669. De illo festo conf. Varro de Re Rust. I, 2. Sed Virg. I, 339 sqq., duo alia rusticorum festa descripsit. — In *pagos* Servius Tullius agrum Romanum divisit, instituitque, ut Diis tutelaribus cujusque agri aræ excitarentur, in iisque quotannis sacra communia fierent : quæ *pagana* dicta, In iis *liba*, *πῖδες*, conferebantur a singulis familiis ; Dionys. Halic. IV, 15. — *Pagus lustrabatur* hostiis circumactis ; Tibullus, d. I. « Di patrii, purgamus (lustramus) » agros, purgamus agrestes. » — Deæ

Farre suo, gravidæ visceribusque suis.  
 Officium commune Ceres et Terra tuentur ;  
 Hæc præbet causam frugibus, illa locum.  
 Consortes operum, per quas correcta vetustas,  
 Quernaque glans victa est utiliore cibo ;  
 Frugibus immensis avidos satiate colonos,  
 Ut capiant cultus præmia digna sui.  
 Vos date perpetuos teneris sementibus auctus :  
 Nec nova per gelidas herba sit usta nives.  
 Quum serimus, cælum ventis aperite serenis :  
 Quum latet, ætheria spargite semen aqua.  
 Neve graves cultis Cerealia dona cavete  
 Agmine læsuro depopulentur aves.

675

680

*matres* dicuntur earum rerum, quas tuentur, ut *Dii patres*.—Quia ingratus concursus *suo*, *suis*, propterea Heinsius suadet *farre pio*, quod sane sæpiissime legitur. Sed h. l. *suo* cum vi, quod ipsæ largiuntur.—*Viscera*, fruges, quas illæ e visceribus suis protulerunt. Confer IV, 633 sqq.—*Causa* sunt semina.—De officio Telluris in frugibus ferendis confer II Metam. 285 sqq.

675. Confer cum his precibus IV, 911 sqq, ubi earum utilitatem attigimus. *Consortes operum*, Ceres et Tellus, quæ adjuvant rusticos in opere.—*Correcta vetustas*, victui deteriori veterum substituta meliora alimenta. Nam Cereris « munere » Tellus Chaoniam pingui glandem « mutavit arista, » Virg. Georg. I, VIII, 147; confer infra IV, 401 sqq.—*Avidos* bono sensu dixit, id cupientes. Heinsio eleganter dictum videtur, quod Zulichem. pro diversa lectione habet, *augele colonos*, quia sic *augere* honoribus, opibus etc. At *satiare* bene convenit verbis *avi-*

*dos et frugibus*. Inde Tibullus, vers. 23, *satur colonus*. Sever. in Ætn. 266, *Horrea uti saturent*.—*Immensis*, ut Virg. Georg. I, 49; « Illius immensæ » ruperunt horrea messes. » Ibi præcedunt vota *avari* coloni; quod forsitan respiciens, Ovidius *avidos* induxit colonos.—*Urere* de gelu; confer IV, 918, ubi similes preces.

680. Virg. Georg. I, 112: « Luxu- » riem segetum tenera depascit in » herba; » versu 134, « sulcis fru- » menti quæreret herbam. » Etenim *herba* omnino virens germen cuiuscumque plantæ. Vide et supra ad vers. 154.—*Sereni et clari* venti, qui cælum reddunt serenum. Pulsis nubibus, nimbisque remotis, cælum *aperitur*. Tempus autem est humo tegere semina, « Dum sicca tellure » licet, dum nubila pendent. » — *Spargite*, conspergite, madefacite.—*Ætheria* aqua, ut alias *caelestis*, pluvia.

683. *Aves*, ut « improbæ anser » Strymonicæque grues » Virg. G. I, 119. — *Graves*, noxiæ. — *Vos quo-*

Vos quoque subjectis, formicæ, parcite granis : 685

Post messem prædæ copia major erit.

Interea crescat scabræ robiginis experts ,

Nec vitio cæli palleat ægra seges ;

Et neque deficiat macie, neque pinguior æquo

Divitiis pereat luxuriosa suis : 690

Et careant loliis oculos vitiantibus agri ;

Nec sterilis culto surgat avena solo.

Triticeos sætus, passuraque farra his ignem ,

Hordeaque ingenti fœnore reddat ager.

Hoc ego pro vobis, hoc vos optate, coloni : 695

Efficiantque ratas utraque Diva preces.

Bella diu tenere viros : erat aptior ensis

Vomere : cedebat taurus arator equo.

Sarcula cessabant ; versique in pila ligones ,

Factaque de ratri pondere cassis erat. 700

*que* etc. Jucunde quidem formicas differt ad messem, sed minus bene eas in precibus ad Deas alloquitur.

— *Subjectis*, nempe glebæ, terræ. MS Gottorph. *suppositis*. Ita III Metam. 102, *supponere dentes terræ* de Cadmo dentes serente. — *De robigine*, vitio segetum, quam Robigo Dea, cui Aprili extr. sacra fiebant, avertere credebatur, vide IV, 905 sqq. *Robigo*, etiam quæ proprie dicitur, et metalla adedit, res *scabras* efficit. — *Palleat*, areat, succis æstu ademptis. — *Ægram segetem* illustrat Heinsius. Idem ex uno MS suo, cui Francofurt. a manu prima adstipulatur, *usla* prætulisset, nisi idem verbum jam præcessisset. — *Macies ægra* a Statio Theb. IV, 702, solo tribuitur. — *Luxuria* segetum est, quum onerata fertilitate procumbunt; Plin. XVIII, XLIV, 2; Virgil. Georg. I, 112. — *Lolium*,

Linn. lolium temulentum, Nostris *Trespe*, *Luclch*, credebatur *oculos vitiare* comedentium, eos lusciosos reddere; quod et Fulgentius in lib. de Prisco sermone observat. Vide Harduinum ad Plin. XXII, 77. A Virgilio, Georg. I, 154, *infelix vocatur*, quo ipso loco *avena* cum eo conjungitur. Linn. *avena fatua*, *wilder, tauber Haber*, in quam triticum et hordeum degenerare credebantur. — *Bis passura ignem*, dum torrentur ante, quam moluntur, et dum coquantur in furno. — *Efficiant ratas*. IV, 775, precibus finitis additur: *Quæ precor eveniant*.

697. *Tenere*, occupatos tenere. — *Erat aptior*, malebant illi ensem tractare, quam aratrum. — *Taurus arator*. Etiam apud Tibullum, I, x, 46, pro *araturos boves* MSS quidam boni, approbante Broukhus. *aratores boves*. Ibi Heynius in Obs.



Gratia Dīs, domuique tuæ : religata catenis

Jam pridem nostro sub pede bella jacent.

Sub juga bos veniat; sub terras semen aratas :

Pax Cererem nutrit : Pacis alumna Ceres.

AT, quæ venturas præcedet sexta Kalendas ,

705

Hac sunt Ledæis templa dicata Diis.

Fratribus illa Deis fratres de gente Deorum

Circa Juturnæ composuere lacus.

IPSUM nos carmen deducit Pacis ad aram ;

Hæc erit a mensis fine secunda dies.

710

Frondebis Actiacis comtos redimita capillos ,

monet, id epico potius carmini convenire. Immo occurrit, ut vel hic locus docet, et alibi. Similiter II, 12, *bellator equus*.—*Pondere*. Etiam Virgilius, Georg. I, 164, *rastris iniquo pondere*; et XI, Met. 36, *graves rastris*, quo loco et ipso cum *sarculis* et longis *ligonibus* conjunguntur; iis enim instrumentis glebæ inertes frangebantur. Confer IV, 927. — *Gratia Dīs* etc. Neapolis putat, hæc post prælium Actiacum scripta, sed fallitur; pertinent ad Tiberii tempora; et alloquitur Germanicum. — Bellum passim a poetis *religatis* post tergum manibus describitur. Confer *Aeneid.* I, 291 sqq, ibique Heynii Exc.—*Pax Cererem* etc. Confer IV, 407. De utilitate, quam Pax rei rusticæ adfert, elegans locus est Tibulli, I, 2, 45 sqq.

705-708. *Pollucis et Castoris templum*. VI Kal. Febr. an. u. c. 769, Tiberius Castoris et Pollucis ædem dedicavit, inscripto et suo et Drusi fratris nomine; Dio, lib. LV, p. 567. Confer Consolat. ad Liviam, vers. 283 sqq. Fuit illud templum ad lacum *Juturnum* (vers. 463) in foro Romano prope Julii Cæsaris tem-

plum: II ex Pont. II, 85 sq; Suetonius Cæs. 10.—*Ledæis*. Unus MS *Ledacis*, unde Heins. *Ledæis* coniciebat; sed forma *Ledæus* satis usitata; Consol. ad Liviam, 283; Martialis, IV, 58, *Ledæas Lacedæmonis palæstras*. — *De gente Deorum*, de gente Cæsarea.—*Composuere*, conjuncti posuere. Nove sic dictum.

709. *Ara Pacis*. *Aras* veteres statuiebant rei, quam euperent laudatam. Vid. Lipsius ad Tacit. An. I, 13. *Paci* Deæ jam Athenienses aras consecrarunt; sed Romæ ante Augusti tempora nullis fuit monumentis honestata. Eo tandem imperante, senatus populiq. jussu *ara Pacis* posita est anno u. c. 741, die VI Non. Jul. in ipsa curia. Eo enim anno Augustus, rebus in Gallia, Hispania, Germaniaque prospere confectis, Romam redierat. Aram et Noster lib. III, 882, et Juvenalis Sat. I, 115, memorant, tum nummi exhibent. Vid. Goltzius in Aug. p. LVII, n. 12. Ad eam bis quotannis, Januarii et Martii tricesimo die sacrificatum. Vide omnino Fischer. de Ara Pacis. — *Hæc*, nempe qua sacra fiunt ad aram illam. — In ver-



Pax ades, et toto mitis in orbe mane.

Dum desunt hostes, desit quoque causa triumphī:

Tu ducibus bello gloria major eris.

Sola gerat miles, quibus arma coerceat, arma; 715

Canteturque fera nil, nisi pompa, tuba.

Horreat Æneadas et primus et ultimus orbis:

Si qua parum Romam terra timebit, amet.

Tura, sacerdotes, pacalibus addite flammis;

Albaque percussa victima fronte cadat. 720

Utque domus, quæ præstat eam, cum Pace perennet,

Ad pia propensos vota rogate Deos.

Sed jam prima mei pars est exacta laboris,

Cumque suo finem mense libellus habet.

his *Ipsum nos carmen* etc. commodus et gratus transitus. — Victoria *Actiaca* quum tandem orbi Romano, bellis continuis per plura sæcula profligato, pacem reddidisset, præclare nunc Pax *frondibus* vel oleæ vel lauri (nam utraque pacalis) quibus post illam victoriam ornata erat, adesse jubetur. Heinsius vero intelligit frondem lauream Apollini *Actio* sacram. Sic et Lenzius. Bochartus malebat, *frondibus Actæis*, id est, olea. — *Comtos* jam Ciofanus ex optimis cod. inexit. Burmannus notat, *canos*, quod reliqui præferunt, diuturnam et quasi perpetuam pacem indicare. Mihi vero cana Pax parum placet; neque sic bene perpetuitatis rationem poeta expresse-rit. *Comti* contra capilli venerandam reddunt faciem (Tibul. IV, 11, 10) et conveniunt his solemnibus. Possunt etiam verba *comtos redimita* e copia poetica dicta esse pro uno *comta*. Ita Æneid. VII, 751, « sacerdos » Frondes super galeam et felici com-  
tus oliva; » Æn. lib. VIII, v. 128,

« vitta comtos prætereendere ramos. »

716. *Tubæ* usus et in bello et in sacris spectaculisque; Calpurn. Ecl. I, 67, « Inter sacra tubas, non in-  
» ter bella sonare. » Quæ ad bella pertinent, ea *fera* vocantur. — *Ultimus orbis*, terræ remotissimæ; Benth. ad Horatium, I, Od. xxxv, 29. — *Primus* ergo sunt propinquæ. — *Pacalis* vox forsitan ab Ovidio facta; Metam. VI, 111, *oleæ pacales*. — *Percussa*. Alii *perfusa*, quod Taubner. ad morem refert, quo merum ex patera inter cornua hostiæ effundebatur. Alteri lectioni similis est, sed plenior, locus IV Trist. II, 5: « Candidaque adducta collum per-  
» cussa securi Victima purpureo san-  
» guine tinguat humum. » Confer supra 83, 320. — Pro *præstat* Francosurt. et undecim alii *præstet*, ut simul votum includat. Hamburg. *pacem quæ præstat, pace perennet*, qualem lusum Ovidius sane amat, ut vers. 25, 72; II, 52, et sæpe. Passim autem in hoc opere pacem commendat, detestaturque bella.

# LIBRI SECUNDI

## ARGUMENTUM.

Præfatio et dedicatio, 1-18. De Februis, unde mensis dictus, 19-34. De vi purgaminum vulgo credita, 35-46. De ordine Februarii antiquo et facta mutatione, 47-54. Kalendarum Februar. memorabilia; Junonis Sospitæ templum dedicatum; laudes Cæsaris; celebritas in luco asyli; sacra Jovis; tempestatis ratio, 55-72. Lyræ et medii Leonis occasus, 73-78. Delphinis occasus et inde Arionis fabula, cujus delphin inter sidera fulget, 79-118. Augustus pater patriæ dictus. Hinc laudes ejus et comparatio cum Romulo, 119-144. Aquarii ortus et mollior aura, 145-148. Initium veris, 149-152. Arctophylax oritur, cujus fabula narratur, 153-192. Fauni sacra, et Fabiorum in bello Veientino interitus, 193-242. Corvus, Anguis et Crater oriuntur, quorum origo refertur, 243-266. Lupercalium origo et ritus, quibus Herculis et Omphaleæ fabula inserta; tum Romuli et Remi expositio atque conservatio, 267-452. Tempestatis inconstantia; 453-456. Ingressus Solis in Pisces, atque horum origo, 457-474. Quirinalia et Romuli apotheosis; festum item Stultorum et Dæe Fornacis, 475-532. Feralia ad placandos Manes, 533-570. Sacra Mutæ aut Tacitæ magica, 571-616. Caristia, 617-638. Terminalia. 639-684. Regis fuga, et plures Tarquinii res, 685-852. Hirundinis reditus, 853-856. Equiria, 857-864.

PUBLII OVIDII NASONIS  
FASTORUM  
LIBER SECUNDUS.

JANUS habet finem : cum carmine crescit et annus :

Alter ut hinc mensis , sic liber alter eat.

Nunc primum velis , Elegi , majoribus itis :

Exiguum , memini , nuper eratis opus.

Certe ego vos habui faciles in amore ministros ,

5

Quum lusit numeris prima juvena suis.

Idem sacra cano , signataque tempora Fastis :

1-18. *Præfatio*, qua argumenti sui et operæ gravitatem commendat, et Germanicum propitium sibi reddit. Ut alii poetæ lyram, sic Noster *elegos* suos alloquitur. Initium autem hujus libri, si cum fine superioris conjungitur, ταυτολογεῖ. — *Crescit* cum Mazarin. Zulich. Voss. et aliis nonnullis, quos Heinsius secutus est, melius legimus, quam *crescat* cum reliquis; non enim hæc optantis sunt, sed narrantis. — Mox Neapoli placebat, quod nonnulli præferunt, *ut it mensis*. Sed *ut it* ingratum efficit sonum, atque *it* facile potest intelligi. Quia veteres plerique *hic* habent, propterea Heinsius *hinc* dedit, idque bene in principio ponitur. Virgil. Georg. I, 5, « hinc canere » incipiam. » Livius, II, 1, « Liberi » jam hinc P. R. res peragam. » *It mensis*, dum decurrit; *it liber*, dum

componitur. — *Velis majoribus ire*, ad majus graviusque opus componendum adhiberi. De tropo hoc vide ad I, 4; IV Pont. v, 1, « *Ite leves* » elegi doctas ad consulis aures. » Etiam hoc loco quidam *ite*; sed alterum melius est, quod observare elegos jubet, quid ipsis fiat. — *Exiguum opus*, quo leve argumentum, res ludicra, tractatur; VI, 22, *modi exigui*. Etiam Horatius, Art. Poet. 77, *exiguos elegos* vocat.

5. *Certe ego* recepit Heinsius ex duobus MSS. Cæteri *Ipse ego*. — *Faciles*, obsequentes, se accommodantes mihi in amoribus cantandis. — *Ludere* de carminibus non seriis; Plinius, VIII, Ep. xxi, 2, « *Graviora opera lusibus jocisque distinguo*. » — *Numeris suis*, nam amantium in primis curæ et querelæ includebantur elegis. — *Signata*.

Ecquis ad hæc illinc crederet esse viam?  
 Hæc mea militia est; ferimus, quæ possumus, arma,  
 Dextraque non omni munere nostra vacat. 10  
 Si mihi non valido torquentur pila lacerto;  
 Nec bellatoris terga premuntur equi,  
 Nec galea tegimur, nec acuto cingimur ense;  
 His habilis telis quilibet esse potest;  
 At tua prosequimur studioso pectore, Cæsar, 15  
 Nomina, per titulos ingredimurque tuos.  
 Ergo ades, et placido paulum mea munera vultu  
 Respice, pacando si quid ab hoste vacas.  
 FEBRUA Romani dixere piamina patres:

Vide I, 11. — Quum quilibet civis operam suam civitati debeat, inde effloruit sententia, *Hæc mea militia est* etc. Et *militia* latius etiam de omni *munere*, id est, de eo, quod quis præstare debet, dicitur, ut de oratoris forensis labore; Cic. Mur. 9, « urbana militia respondendi, » scribendi, cavendi. » Krebsius, *mein Uebungswerk*.

11. *Pila* et hastæ torquebantur lacerto adducto, ad quod et viribus et arte opus erat; Met. VIII, 28 sqq. — Pro *valido* Burmannus ex uno Vaticano non damnat *solido*, quia sæpius Ovidius se tenui corpore suis se profiteatur. — *Bellatore* equus etiam XV Metam. 368; Virgilio, Georg. II, 145. Vide ad Plinium, VII, Ep. 1x, 7. Similiter supra I, 698, *taurus arator*. — *Habilis*, idoneus. — *At*, tamen, certe. — *Prosequimur*. Douza pater volebat, *persequimur*: sine causa; namque et *prosequi* et *persequi* dicitur qui singulas rei partes ordine explicat. Plinius, I, Ep. viii, 8, « munificentiae rationem stilo prosequi. » Vide et ad IV, 724. — *Nomina*, laudes. Quidam *numina*,

quod non damnat Taubnerus. — *Per titulos ingredimur*. Vide ad I, 15. — *Pacando*. Alii *pacato*. Taubnerus utrumque ferendum censet. At, si hostes jam *pacati*, otium erat Germanico.

19–30. *Vis vocabuli Februa*. Res tenuis et jejuna. — *Patres*, priores, antiqui: vera, 30, *avi*, et 36, *senes* vocantur. — *Februa dixerunt piamina*. Varro de Ling. Lat. V, p. 46: « Rex quum serias menstruas Nonis » Februar. edicit, hunc diem februar- » tum appellat. Februum Sabinis » purgamentum et in sacris nostris » verbum. » Festus: « quæcumque » purgamenti causa in quibusque » sacrificiis adhibentur, februa ap- » pellantur. » — *Piamina*, *καταρποι*, sancti quidam ritus, quibus Deorum ultio ac poena avertitur, quibus *ἄγος*, scil. scelus summovetur. Quinque MSS *piacula*. Illud magis poeticum est, atque in hoc ipso carmine sine ulla MSS varietate aliquoties occurrit, ut vera. 32; III, 333; sed et alterum in usu. Horatius, I, Ep. 1, 36: « Sunt certa piacula, quæ te » Ter pure lecto poterunt recreare



Nunc quoque dant verbo plurima signa fidem. 20  
 Pontifices ab Rege petunt, et Flamine lanas,  
 Quis veteri lingua Februa nomen erat :  
 Quæque capit lictor domibus purgamina certis,  
 Torrida cum mica farra vocantur idem ;  
 Nomen idem ramo, qui cæsus ab arbore pura, 25  
 Casta sacerdotum tempora fronde tegit.  
 Ipse ego Flaminicam poscentem februa vidi :  
 Februa poscenti pinea virga data est.  
 Denique quodcumque est, quo pectora nostra piamur,  
 Hoc apud intonsos nomen habebat avos. 30  
 Mensis ab his dictus, secta quia pelle Luperci  
 Omne solum lustrant, idque piamen habent ;

» libello. »—*Fidem dat aut facit verbis*, qui ea confirmat et vera esse ostendit; Cortius ad Sallust. Jug. xxiv, 9. Sed nunc est : confirmare significationem verbi memoratam. — *Signa*, argumenta.

21. Ritus non aliunde notus attingitur. *Rex* nempe sacrorum. — *Lanas* illas rufi fuisse coloris, Neapol. ex Clem. Alex. Strom. VII, conjicit, ubi ἱερὰ πύρρα in ritibus sacris memorantur. Interpres Francogallus male apicem in pileo sacerdotis intelligit. — *Lictor*, nempe Flaminis Dialis. — *Certis*, (pro quo alii MSS, *cernis*, *ternis*, *acernis*,) Heinsius suo periculo mutari vult in *tersis*, quia in purgationibus solemnis formula *tergere humum* aut *limina aqua*. — *Torrida*, tosta, ut sæpe. Vide Heinsium. — De *mica* salis vide ad I, 338. — *Puram arborem* esse pinum, e versu 28, et aliis locis monet Neapolis. Vocatur *pura* propter vim purificandi.—*Flaminica*, Flaminis Dialis uxor.—*Pinea*. Heins. legi vult *spinea*, quia

veteres putarint, omnibus spinarum generibus vim esse insitam noxarum depellendarum; vide ad versum 558. Burman. contra non damnat, quod in Hamb. exstat, *laurea*; namque et lauro veteres usos esse in lustrationibus, IV, 741 sq, et *tæda* et *laurea* commemorantur. — *Pectora* pro *corpora* agnoscunt undecim MSS; sed *piamur* pro *pianatur* ex uno Bononien. amplexus est Heins., ut sit ille Ovidio familiaris græcismus. — *Intonsus*, omnino priscus; VI, 264, *intonsus Numa*; Horat. II, Od. xv, 11, *intonsi Catonis*. Tonderi Romani cœperunt urb. cond. 454, quum antea essent intonsi et barbati; Plin. VII, 59.

31–34. Februarii nomen. Festus: « Februarius mensis dictus, quod » tum, id est extremo anni mense » populus februaretur, id est lustraretur ac purgaretur : vel a Juno » ne februata, quam alii februalem, » Romani februalim vocant : quod » ipsi eo mense sacra fiebant, ejus » que feriæ erant Lupercalia, etc. »

Aut quia placatis sunt tempora pura sepulcris ,

Tunc quum ferales præteriere dies.

Omne nefas , omnemque mali purgamina causam

35

Credebant nostri tollere posse senes.

Græcia principium moris fuit : illa nocentes

Impia lustratos ponere facta putat.

Actoriden Peleus , ipsum quoque Pelea Phoci

Cæde per Hæmonias solvit Acastus aquas.

40

Vectam frenatis per inane draconibus Ægeus

Credulus immerita Phasida juvit ope.

Confer Macrob. I, 13. *Lupercalia* describuntur inde a versu 267. — *Tempora pura*, civitas eo tempore pura, *placatis sepulcris*. Conf. versum 52, et I, 43. — De *Feralibus* vide infra 433-470. — *Sepulcris*, nam ad tumulos Manes placabantur.

35. Locus communis de lustrationibus, atque iudicium de earum vi. Vide omnino Lomeier. de Veter. Gentilium lustrationibus. *Lustratio*, *ἱλασμός*, *ἀγνισμός*, *καθαρισμός*, sane apud Græcos mos antiquissimus, et apud Homerum passim obvius. Lustrabantur autem varias ob causas, propter sacra facienda, ut sordes peccatorum abstergerentur, post reditum e bello, post facinus admissum. — *Ponere facta*, liberari a culpa scelerum. Lustrationes, quæ jam seqq. sedulo notatæ, erant a Græcis antiquis, et docte earum catalogus hic insertus. Ipse Apollo, Pythone occiso, expiandus erat. Menætiæ, *Actoris* filius, fuit inter Argonautas; Opunte in ludo interfecit Glysonymum, Amphidamantis filium; exsul exceptus est a *Peleo*; Apollod. III, XIII, 8. *Phocus*, Æaci et Psammathes filius, a Telamone et *Peleo*, quos pater ex Endeide susceperat, interfectus est; Diodorus Sic. IV,

72; Pausanias II, 29. Et tractatæ ea res in tragædiis veter. Hinc Telamon Salamina fugit, *Peleus* contra in Phthiam, ubi purgatur ab Eurytione, Actoris filio; Apoll. III, XII, 13. — Ab ipso Actore qui tamen diversus a superiore, purgatum narrat Diod. Sic. d. I. Inde ad venationem apri Calydonii profectus Eurytiona socerum occidit, tum ab *Acasto*, Iolci rege, purgatus est; Apollod. III, XIII, 2. Ovidius igitur miscuit diversa. — Iolcus pars *Hæmonia*, scil. Thessaliæ. — Etiam *aquæ* usus in lustrationibus, in primis marinæ, quamquam et fluminis. Secundum Euripidem enim *Σάλασσα κλύζει πάντα τ' ἀνθρώπων κακά*. — Aliqui habent *Hæmonidas aquas*; Regii nostri *Hæmonias*, quod verum est. *Ed.*

41. Medea, interfectis Corinthi liberis suis, fugit Athenas, ubi ab *Ægeo* excipitur; Metam. VII, 398 sqq. Ibi « Titaniæ abiata draconibus intrat Palladias arces. » — *Credulus*, credebatur enim Medæ pollicenti, orbitate eum liberaturam; Plutarchus, Thes. 12. — *Juvit* dedit Heins. ex præstantioribus quibusdam; quibuscum et Francofurt. conspirat. Olim, *fovit*. — Alcæon,

Amphiaræides Naupactoo Acheloo,

Solve nefas, dixit : solvit et ille nefas.

Ah! nimium faciles, qui tristia crimina cædis

45

Fluminea tolli posse putetis aqua!

Sed tamen, antiqui ne nescius ordinis erres,

Primus, ut est, Jani mensis et ante fuit :

Qui sequitur Janum, veteris fuit ultimus anni :

Tu quoque sacrorum, Termine, finis eras.

50

Primus enim Jani mensis, quia janua prima est ;

Qui sacer est imis Manibus, imus erat.

Postmodo creduntur spatio distantia longo

Tempora bis quini continuasse Viri.

PRINCIPIO mensis, Phrygiæ contermina Matri,

55

Sospita delubris dicitur aucta novis.

Nunc ubi sint illis, quæris, sacrata Kalendis

*Amphiarai* filius, ob Eriphylen matrem interfectam lustratus est primum a Phegeo, Psophide, quæ fuit urbs Arcadiæ. Sic nondum insania liberatus, jubente oraculo, in terram recentem se contulit, quam *Acheloi* limus congestus fecerat; ibique ab *Acheloo* purgatus est; Thucyd. II, 102, ubi fluvius ille satis describitur; Pausanias, VIII, xxiv, p. 646; et Apollodor. III, vii, 5. — *Naupactus*, urbs Ætoliæ, nunc *Lepanto*. — *Faciles*, creduli, superstitiosi. Gravis sententia.

47-54. De ordine hujus mensis temporibus antiquis. Ultimum eum locum tenuisse, non secundum, ut Plutarch. putabat, docet etiam Ideler. p. 349. — *Et ante*, nempe a Numæ temporibus. — *Ultimus*: Macrobi. I, 13: « Omni intercalationi » mensis Februarius deputatus est, » quoniam is ultimus anni erat. » Quod ipsum Græcorum more fa-

» ciebant. Nam et illi ultimo anni » sui mensi superfluos intersere- » bant dies. » Romani autem intercalabant post vicesimum tertium diem, *Terminalibus* jam peractis. — *Imi*, inferi. Noster ludere verbo voluit. Vide ad I, 721. — De hac Decemviro- rum mutatione silent alii scriptores; ipse Noster dubie loquitur, *creduntur*. Videntur autem, ut alia, ita et meliorem anni digestionem ab Atheniensibus sumsisse: vid. Ideler. pag. 356. — *Continuasse tempora*, effecisse, ut hi duo menses, nullo interposito, se exciperent, quum antea *distarent longo spatio*, decem ipsis mensibus interjectis: vide Petavium de Doct. Temp., lib. II, cap. 74.

55-72. *Kalend. Februar. memorabilia nonnulla*, quibus laus Cæsaris et votum pro ejus salute interpositum. Eo die Junonis *Sospitæ* templum erat dedicatum. Id contermi-

Templa Deæ? longo procubuere die.  
 Cætera ne simili caderent labefacta ruina,  
 Cavit sacrati provida cura Ducis : 80  
 Sub quo delubris sentitur nulla senectus,  
 Nec satis est homines, obligat ille Deos.  
 Templorum positor, templorum sancte repostor,  
 Sit Superis, opto, mutua cura tui :  
 Dent tibi cælestes, quot tu cælestibus annos, 65  
 Proque tua maneant in statione domo.  
 Tum quoque vicini lucus celebratur Asyli,

num erat ædi *Phrygiæ Matris*, sive Cybeles, ab Augusto in monte Palatino positæ, quum antea ejusdem Deæ simulacrum ibi esset. Vid. Monum. Ancyr. et Dio, lib. LXVI; sed quo tempore Ovidius hæc scribebat; templum illud funditus perierat. Ab eo diversum ejusdem Deæ templum in foro Olitorio, quod Cn. Cornelius Cethegus cos. sub initium belli Insubrici voverat, quadriennio post dedicatum; Livius, XXXII, 30; XXXIV, 53. — *Longo die*, vetustate. — *Procubuere*. Sic hæc potuissent omitti; sed poeta occasionem captavit, imperatoris curam in templis instaurandis celebrandi. Ita fit, quod, I, 13, promiserat.—*Prosint... quæris* Heins. suadet *sunt... quæso*; nam *sunt* multi MSS agnoscunt. — *Caderent labefacta ruina* plenius et elegantius, quam corruerent.—*Tum sentitur senectus* suaviter ab hominibus ad delubra translatum. — *Sacratus dux*, Imperator. Vide ad I, 640: Masson. Vit. Ovid. ad an. 59, et 60, p. 118, Tiberium intelligit de quo Tacit. An. II, 49: « Deum » ædes vetustate aut igni abolitas, » cæptasque ab Augusto, dedica- » vit. » Tum plures tales ædes memorat. Sed et Augustum Liv. IV,

20, « templorum omnium condito- » rem aut restitutorem » nominat; et de eo Sueton. 30: « *Ædes aa-* » cras vetustate collapsas aut incen- » dio absumtas, refecit ». Difficile est definire, uter nunc intelligen- » dus sit, quoniam Ovid., hoc opus sub Augusto inchoavit, sub Tibe- » rio autem absolvit, et parti jam ab- » solutæ postmodo nonnulla inseruit. — *Obligat ille Deos* convenienter Romanorum de Diis suis opinioni dictum.—*Repostor* vocab. probum, quod satis comprobarunt Heins. et Burm. Occurrit enim apud veteres *reponere pontes, navigia, columnas* etc. Igitur non audiendi, qui *refec- » tor*, exhibent.—*Mutua cura tui*; Me- » tam. VIII, 724, « Cura pii Dis sunt, » et, qui coluere, coluntur. — *Diis annos dabat*, quatenus aras eorum, statuas, templaque perennabat. — *Quot tu cælestibus annos*; unus Vaticanus *æquos cælest. annos*; Regii nostri *servant quot tu*; bene. Ed.—*Maneant in statione*. pergant tuam domum tueri; I Metam. 627, de Argi oculis, « Cætera servabant, » atque in statione manebant. »

67. *Tum*, iisdem Kalend. Romu- » lus sane inter duos lucos *Asylum* ape- » ruit, qui locus dictus est *inter duos*



Qua petit æquoreas advena Tibris aquas.  
Ad penetrale Numæ, Capitolinumque Tonantem,  
Inque Jovis summa cæditur arce bidens.

70

Sæpe graves pluvias adopertus nubibus Auster  
Concitat, aut posita sub nive terra latet.

PROXIMUS Hesperias Titan abiturus in undas

Gemmea purpureis quum juga demit equis :  
Illa nocte aliquis, tollens ad sidera vultum,  
Dicit : Ubi est hodie, quæ Lyra fulsit heri ?

75

*lucos*, μέγιστον δασὺν δρυμῶν. Sed seniore tempore non exstabant *luci*, et *Asylum* ita septum erat, ut nemo introire posset; Livius, I, 8; Dionys. II, 15; Dio, 47. Olim edebant *Avernî*. Hinc Heinsius suadet *Helerni*. Etenim VI, 105, « Adjacet antiqui » Tiberino lucus Helerni. » Fuerit locus necesse est versus mare; nam additur, *Quæ petit* etc. — *Advena* omnis fluvius aliunde veniens dici potest. Sic et III, 524, *advena Tibris*; V, 268, *advena Nilus*. Propert. IV, 1, 8, de Evandri temporibus *Tiberis nostris advena* (peregrinus) *bubus erat*. Horat. Epod. 2, *adrenam gruem* dixit migrantem. — *Penetræ Numæ* ædes Vestæ, in cujus atrio, cui Regiæ nomen, Numa habitabat; VI, 264 sq; III Trist. 1, 29; Solinus, cap. 2. Sic *Ædes* illa, exstructa et ipsa a Numa, hujus *penetræ* non male dici poterat. — *Arx*, pars altera montis, in quo Capitolium erat. Itaque *arx* et *Capitolium* sæpe distinguuntur. Livius, III, 18, *arx capta Capitoliumque occupatum*; V, 47, *arx Romæ Capitoliumque*. Nunc vero templum Jovis Capitolini. Sic et IV, 635. — *Sæpe graves* etc. vid. Columella, XI, 11 : « Kalend. Februar. ventus Eurinus, et interdum Auster cum

» grandine est. » — Auster alias *agere* nubes dicitur, nunc *adopertus nubibus* apparet. Vid. I Metam. 265 sqq, ubi plenior ejus imago. Sed *Auster* dedit Heinsius ex Zulichem. Mazar. et sex aliis. Reliqui, *æther*, quod non spernit Burmannus, quia XIII Metam. 581, *latuitque in nubibus æther*, et in paneg. in Pis. 137, *adopertas nubibus æther* sidera obcæcare, dicitur.

73-78. *Lyra* et medii Leonis occasus. Admodum ornate expressit solis occasum. — *Proximus Titan* die secundo Febr. — *Juga*, lignum transversum in temone, quod equorum collis imponebatur, in curru Solis gemmis ordine positis distinctum erat; II Met. 109. Male igitur unus Regius pro varia lectione *igneæ*. — *Purpureus* omnino lucidum et splendidum colorem apud poetas indicat; itaque et quæ solis sunt, *purpurea* vocantur. Etiam Heroid. XXI, vs. 86, Sol *purpureis equis* juga demit. Jam observa conversionem, qua siderum quorundam occasum indicat. — *Lyra* occasus cosmicus, Leonis acronychius intelligitur. — *Heri*. Vaticanus *here*, de qua scriptura vide nos ad Plinium, II, Ep. VII, 1. Burmannus eam h. l. spernit, ne *hodie* et *here* rhythmum fa-

Dumque Lynam quæret, medii quoque terga Leonis

In liquidas subito mersa notabit aquas.

QUEM modo cælatum stellis Delphina videbas,

Is fugiet visus nocte sequente tuos.

80

Seu fuit occultis felix in amoribus index,

Lesbida cum domino seu tulit ille lynam.

Quod mare non novit, quæ nescit Ariona tellus?

Carmine currentes ille tenebat aquas.

Sæpe sequens agnam lupus est hac voce retentus;

81

Sæpe avidum fugiens restitit agna lupum;

Sæpe canes leporesque umbra cubuere sub una;

ciant. — *Medii*, usque ad medium, media terga.

79-118. *Delphinis occasus* heliacus. Is occasionem præbet *Arionis* per delphina servationem, et delphinis relationem inter sidera canendi. — Quoniam in *cælatis* operibus figuræ ita expressæ sunt, ut emineant, propterea et sidus stellis distinctum *cælatum* dici potuit. — *Delphinis* originem triplicem Hyginus Poet. Astr. II, 17, refert. Una, quam Ovid. paucis attingit, est hæc: Delphin quidam nomine a Neptuno ad Amphitriten, quæ fugerat, investigandam dimissus est, eamque quum reperisset, impulit, ut Neptuno nuberet. Sed Noster *Arionis* fabulam merito amplexus est, eamque et ordine et jucunde narravit. De ea vid. Herodotus, I, 23; Gellius Noct. Att. XVI, 19; Hyginus, fab. 194, multique alii. Male Neapolis ad vers. 111, monet, Herodotum ad unguem a Nostro expressum esse; immo in multis ab eo discrepat. — *Dominus lyncæ*, qui eam habet. — Arion Methymna *Lesbius*. Citharædum excellentissimum, οὐδὲν δὲν ὀνείπον, coloribus iis notat,

quibus vis carminum in Orpheo, et Alcæo alibi descripta; X Metam. 86; Horatius, I, Od. 12; II, Od. XIII, 33 seqq; Virgil. Georg. IV, 481 seqq; Seneca, Herc. Fur. 572 seqq; Claudianus, Præf. ad II de Rapt. Pros.

83. *Quod mare*. Nempe circa insulas ille quæstus causa vagabatur; Hygynus, Poet. Astr. d. I. — *Currentes*. Farnes. et Vatic. *torrentes*, quod gravius; Virgil. Ecl. VII, 52, *torrentia flumina*; Georg. II, 451, *torrens unda* Padi. Graviter etiam Horat. I, Od. XII, 9, « rapidos morantem Fluminum lapsus, celeresque ventos. » Intentum silentium musica excitat. Ut Horatius et Virgilius monstra inferna, sic Noster feras commotas memorat. *Lupum et agnum* non, ut reliquas feras, una imagine offert, sed, quod gravius, duplici. — *Resistere* pro consistere, subsistere. Vide Schwarz. ad Plinium, pan. X, 4. — *Avidus* satis grave de improba lupi fauce. Etiam I Trist. I, 78, « Excussa est avidi dentibus agna lupi; » Horatius, I, Od. XXVIII, 18, *avidum mare*, omnia devorans cupide. — *Sub umbra* solemne, nam et *sub* pro *in*, et *umbra* pro arbore ponitur.

Et stetit in saxo proxima cerva leæ;  
 Et sine lite loquax cum Palladis alite cornix  
 Sedit; et accipitri juncta columba fuit.  
 Cynthia sæpe tuis fertur, vocalis Arion,  
 Tamquam fraternis obstupuisse modis.  
 Nomen Arionium Siculas impleverat urbes,  
 Captaque erat lyricis Ausonis ora sonis;  
 Inde domum repetens puppim conscendit Arion,  
 Atque ita quæsitæ arte ferebat opes.  
 Forsitan, infelix, ventos undamque timebas;  
 At tibi nave tua tutius æquor erat:

90

95

— *In saxo* offendit Heinsium, pro quo malebat e Puteano *infestæ*. Sed in *saxis* et *rupibus* commoratio ceravorum atque leonum. Præterea, quod e Burman. observatum, *stare in saxo* bene convenit præcedenti *eubare sub umbra*. — *Cornicem* et noctuam inimicitia intercedit; Ælianus Hist. An. III, 9; confer II Metam. 590 sqq, ubi res ex fabulis refertur. Etiam hoc placet, quod harum ferarum aliam *fugientem*, aliam *persequentem*, aliam *cubantem*, *stantem*, *sedentem*, et quidem in *umbra*, in *saxo*, in *ramo* arboris nobis ostendit. Cæterum his similia etiam in SS literis leguntur; Isai. XI, 6, « Habi- » tabit lupus cum agno, pardus cum » hœdo cubavit: vitulus et leo et ovis » simul morabuntur. »

91. Etiam Dii et homines capti illa voce, *obstupuisse* dicuntur. Sic Cerberus ap. Horatium, et intima Leti tartara apud Virgilium *stupent* cantu Alcæi et Orphei; at de Dea minus hoc verb. placet. Melius Horat. III, Od. XI, 8, « Dic mo- » dos, Lyde quibus obstinatas Ap- » plicet aures. » — *Vocalis*, cantus, ut *vocalis Orpheus* Horatio.

93. Etiam Herodotus Siciliam et Italiam nominat, ubi opes collegerit. Illuc, venia ab Periandro impetrata, abierat. Tarento profectus, domum redire voluit. — Pro *ora* tres MSS *oras*. Inde Heinsius conjicit, non improbante Burmanno, *ares*. Gellius d. I. de Arione, « aures omnium mentesque in utriusque terrarum urbibus demulsit. » Sed *ora* præstat; melius enim respondet τῶν *Siculas urbes*. Ut hic *Ausonis ora*, sic Ep. XVI, 344, *Bistonis ora*; I Trist. III, 84, *Italidis ora*; II Trist. 224, *Illyris ora*, et passim *Sarmatis ora*. — *Quæsitæ opes*. Herodotus, ἐργασάμενος χρήματα μεγάλα; Hyginus, fab. 194, « Magnum patrimonium acquisiverat. » Idem de Simonide traditur. — *Atque ita*. Burmannus mallet, *Et sibi*. Non video quare; crebro Noster his voculis utitur, quamquam non uno sensu. Vide ad I Metam. 228.

97. Nempe hoc illud est, quod Horatius, II, Od. XIII, 13–20 monet, non quod quisque maxime timeat, sed improvisam leti vim nobis instare. Arion tamen et nautas timuisse videtur. Herodotus, πεπαισμένον

Namque gubernator destricto constitit ense,

Cæteraque armata conscia turba manu.

100

Quid tibi cum gladio? dubiam rege, navita, pinum;

Non sunt hæc digitis arma tenenda tuis.

Ille metu vacuus, mortem non deprecor, inquit;

Sed liceat sumta pauca referre lyra.

Dant veniam, ridentque moram: capit ille coronam,

105

Quæ possit crines, Phœbe, decere tuos:

τα δὲ οὐδ' αὖτις μὸλλον, ἢ Κορινθίους.

— *Namque*. Burmannus ex uno Vaticano mallet, *Jamque*. Non assentior; causa enim sententiæ anteceditur. — *Gubernator*. Hoc de suo Ovidius exornavit. Apud Herodotum omnino nautæ commemorantur. Servulis ipsius Arionis hoc consilium Hyginus tribuit. — *Constitit* pro, adstitit. — *Destricto* Heins. recte τῷ *destricto* prætulit; etenim *destringere* est nudare, *distringere* in varias partes distrahere. Vide Drakemb. ad Sil. XVII, 164. Cæterum nota hoc versu tot voc. in *a* desinentia, ut vs. 256. — Post *armata* plures MSS *est*. Heins. suadet, *armata conscia turba manus*. Sec. Herodot. nautæ eum jubent aut semet ipsum interficere, aut in mare exsilire.

101. *Ensis* gubernatoris locum dedit huic consilio, quo suavis quædam conciliatur narrationi. — *Dubia navis*, nesciens quo eat, quum neminem habeat, a quo regatur, etiam I, Art. Amat. 558; II ex Ponto v, 62. Licet et eam sic dicere, « Quam » ventus ventoque rapit contrarius » æstus, Vim geminam sentit, paræque incerta duobus; » VIII Metam. 471. — *Tenenda*. Quinque cod. *ferenda*, unde Heins. *terenda* conjicit. Male. *Terere* de crebro aut diuturno usu dicitur; de quo nunc non est sermo. — *Vacuus* non nisi in uno

Moreti pro varia lect. servatum; nam cæteri omnes *pavidus* præferunt, quod minime convenit Arionis orationi, quamquam et ab Herodot. *terrītus* vocatur. Hygin. eum narrat jam præmonitum esse ab Apolline; hinc illa fiducia. Etiam Accætes coram Pentheo *metu vacuus* dicit, Metam. III, 582. — *Mortem non deprecor*. Apud Herodot. tamen ψυχὴν παρακτείνεται Χρήματα προτις σφί. Tandem minis ad incitas redactus, rogat, ut sibi liceat ἐν τῇ σαινῇ εὐσχεσθάναι ἐν τοῖσι εἰδωλοῖσι αἰῶσαι. — Illud αἰῶσαι Noster expressit *referre lyra*. Horat. Art. Poet. 57. « Musa » dedit fidibus libera vina referre. — Pro *Sed liceat* Heins. cum Mazar. et duobus aliis malit, *Si liceat*, si etiam vers. præced. *deprecor* legatur. Neque hoc Burman. displicet. — *Rident moram*. Apud Herodot. se sperant pulcherrimum audituros cantum. Jam describitur *σαυῆ*, ornatus citharædi, de quo confer ad Heren. IV, 47; XI Metam. 165, et quæ ibi notavimus. Hygin. P. A. d. l. petiit, ut sibi liceret « se ornare, quæ sæpe » vicerat, veste. » In eo ornatu primum est *corona*, nempe aurea, quam Hyginus fab. d. l. diserte memorat: *Phæbus* vero cantaturus, Metam. d. l. *laurum* tantum *Parnaside* *vinctus*. — *Crines tuos*, quia Phæbus crinibus decorus, quia tempora ejus longo



Induerat Tyrio bis tinctam murice pallam :

Reddidit icta suos pollice chorda sonos ;

Flebilibus veluti numeris canentia dura

Trajectus penna tempora cantat olor.

110

Protinus in medias ornatus desilit undas,

Spargitur impulsa cærula puppis aqua.

Inde, fide majus, tergo delphina recurvo

Se memorant oneri supposuisse novo.

Ille sedens citharamque tenet, pretiumque vehendi

115

crine decentia : I Met. 450. — *Palla* vestis citharædorum longior cum syrmate. Tzetzes Chil. I, τὴν μουσικὴν στολὴν vocat. Vide ad XI Metam. 166, ubi « Tyrio saturata murice rice palla. » Pro *saturata*, satis imbuta colore, nunc est *bis tincta*, dibaphe, quæ et *iterata*, aut *lauta murice* dici solet. Sed pro *bis tinctam* olim edeb. *distinctam*, quod explicari possit ex loco ad Heren. ubi « chlamys purpurea coloribus variis intexta. » Pro *induerat* multi *induit et*, unde Heins. mallet, *Induitur*. — *Pollice* vel nudo, vel pectine armato pulsabantur lyræ fides. — *Suos*, quos solet reddere et debet. Non semper « chorda sonum » reddit, quem vult manus et mens, » Horat. Art. Poet. 348.

109–110. Non erat, cur Heinsius hoc de *olore* distichon spurium iudicaret. Etenim tam musici, quam poetæ cum cycno sæpe comparantur, quia veteres suavissimum ei cantum tribuebant. Callim. h. Apol. 5. Vide Vossii Epist. Mythol. II, 105. Inde Alcæus κύκνος Διόθιος, et Pindarus *Dircæus cycnus* Hor. IV, Od. II, 25. Inde proverb. κύκνου ᾠδὴν δότερον. Hinc et Cycnus, rex Ligurum, musica excellens, in eandem avem mutatus esse tradebatur ; II

Metam. 252, 367.—In primis morti vicinus *flebiles* cantus exercere credebatur. Heroid. VII, 1 ; Cic. Tusc. I, 30 ; Plinius, X, 32. Atque etiam Arion nunc, quod Hygin. P. A. diserte monet, mortem suam deflebat. Non male igitur h. l. adhibita illa comparatio.—*Pennam* Burmannus intelligit sagittam, qua trajectus olor, vicinus morti flebiliter canit, quum alii de penna quadam dura loquantur, quam olor in senectute habeat.—*Canentia* Heins. interpretatur, senilia. Sed cycni corpus semper *canens*, id est candidum, candens. II Metam. 373, ubi Cycnus rex in hanc avem transit, « canæ » capillos dissimulant plumæ. » Et h. l. tres cod. *candentia* præferunt. Secundum Herodotum, Arion tum cantabat νόμον τὸν ὀρθιον, carmen summa fidium ac vocis contentione.—*Spargitur* etc. Krebsius : *hin und her ward geworfen das bleuliche Schiff auf dem nun tobenden Meere*. Immo undæ pars concutitur saltu Arionis, atque adspersit navem.

113. *Fide majus* sic etiam in Metam. ut III, 106. — *Novo*, inusitato. — *Pretium vehendi*, carmen, quo delphino cantus amanti remuneretur operam vehendi. Plinius, I, Ep. XII, 4, *pretia vivendi*, ubi vide

Cantat, et æquoreas carmine mulcet aquas.  
 Dî pia facta vident : astris delphina recepit  
 Jupiter, et stellas jussit habere novem.  
 NUNC mihi mille sonos, quoque est memoratus Achilles,  
 Vellem, Mæonide, pectus inesse tuum ; 120  
 Dum canimus sacras alterno carmine Nonas,  
 Maximus hinc Fastis accumulatur honos.  
 Deficit ingenium, majoraque viribus urgent :  
 Hæc mihi præcipuo est ore canenda dies.  
 Quid volui demens Elegis imponere tantum 125  
 Ponderis? heroï res erat ista pedis.  
 Sancte Pater patriæ, tibi plebs, tibi Curia nomen

not. nostr. Taubner. putat, ante *pre-*  
*liumque* forte præposit. *ad, in, ob*  
 omissam. Immo alterum est eleganti-  
 us.—*Mulcet aquas*: vide ad I, 155.  
 —De lect. *carmine* vide ad vers. 121.  
 —*Vident facta*, iis delectantur, præ-  
 miis ea afficiunt.—*Recepit Jupiter*.  
 Hygin. P. A. astrologis hoc tribuit.

119–144. *Nonis Augustus Patris*  
*Patriæ nomen accepit*. Hic excurrit  
 in laudes Augusti, iisque adeo præ-  
 claram præfatiunculam præmittit,  
 quadignitas rei sequentis valide au-  
 getur.—*Mille sonos*. Alii poetæ cen-  
 tum ora centumque linguas sibi dari  
 in re simili cupiunt. Homer. II. B,  
 488; Virg. Georg. II, 42; Æn. VI,  
 625. Et h. l. votum illud melius ad-  
 hibitum, quam VIII Metam. 532,  
 in levi argumento.—*Memoratus*,  
 memoria ejus celebrata.—*Mæoni-*  
*des* aut *Mæonius* Homerus dictus a  
 Smyrna, Mæoniæ, id est Lydiæ  
 urbe. Plin. Hist. Nat. V, 30; Horat.  
 I, Od. vi, 2, *Mæonii carminis ales*.  
 —*Alterno carmine* nos e multis cod.  
 et ed. ant. revocavimus, quum antea  
*alterno pectine* vulgaretur. *Alterno*  
*pectine canere* potius foret, carmen

lyricum scribere quo nunc gravius,  
 nunc remissius argumentum trac-  
 tatur. Pro argumenti enim varietate  
 nunc *levius* (Horat. II, Od. 1, 40),  
 nunc *gravius* (Idem IV, Od. 11, 33;  
 X Metam. 150), *plectrum*, cujus  
 species *pecten*, adhibebatur. In car-  
 mine autem elegiaco *pectinis* usus  
 est nullus. Sed *carmen* nunc est ge-  
 nus versuum. Qui igitur modo hexa-  
 metrum, modo pentametrum scri-  
 bit, is *alterno carmine* canit, aut, ut  
 Horatius, Art. Poet. 75, loquitur,  
*versibus impariter junctis*. Excerpta  
 Douzæ h. l. *pectore*, quod natum vi-  
 detur ex nomine *pectus* in sup. vers.  
 Inde nonnulli *pectine* fecerunt. Po-  
 tius vers. 116, ex Vatic. *pectine mul-*  
*cet* scribendum videtur.—*Præcipuo*  
*ore*; Virg. III, 294. « Nunc, vene-  
 » randa Pales, magno nunc ore so-  
 » nandum. » Hæc rei magnitudine  
 abreptus dixerat. Jam sentit, tale  
 argumentum non convenire elegis;  
 itaque corrigit se: mox tamen rursus  
 assurgit oratio.—*Herous pes* etiam  
 alibi, ut IV Trist. x, 47. Hoc loco  
 quidam *heroici*.

127. Nonis Febr. sive die quinto

Hoc dedit ; hoc dedimus nos tibi nomen eques.

Res tamen ante dedit : sero quoque vera tulisti

Nomina : jampridem tu pater orbis eras.

130

Hoc tu per terras, quod in æthere Jupiter alto ,

Nomen habes : hominum tu pater, ille Deum.

Romule, concedas : facit hic tua magna tuendo

Mœnia : tu dederas transilienda Remo.

Te Tatius, parvique Cures, Cæninaque sensit :

135

Hoc duce Romanum est solis utrumque latus.

Tu breve nescio quid victæ telluris habebas :

Quodcumque est alto sub Jove, Cæsar habet.

Tu rapis ; hic castas duce se jubet esse maritas.

Febr. An. u. c. 752, Valerius Messala nomen *Patris Patriæ* ad Augustum in curia detulit his verbis : « *Se-* » natus te consentiens cum Pop. » Rom. consalutat Patriæ Patrem. » Sueton. Aug. 58. De tempore quo id factum, vide Masson. V. H. p. 246 ; Jac. Perizon. in Animadv. Hist. cap. VII, pag. 315, et Ernesti Excurs. ad Sueton. d. l. — *Nos eques*, scil. Equites, quia Ovidius e gente equestri. Gratiâ Augusti meriturus, se quoque memorat. — *Res ante dedit* ; itaque et Horat. I, Od. II, 50 ; XII, 57, eum ante sic vocavit. Similiter de Trajano, Plin. paneg. 21, disputat, ubi falso additur, « soli omnium contigit tibi, ut pater patriæ » esses ante, quam fieres. » *Res* autem nisi ante dedit honorificum nomen, mera in eo est adulatio. — *Jupiter*, auctore Horatio, curru quatiebat Olympum, Cæsar latum orbem regebat. Sed Noster id accommodavit nomini *Pater*.

133. Grata est et suo loco adhibita hæc Romuli, primi conditoris, cum Augusto comparatio, quem Vellei. II, LX, 1, alterum conditorem im-

perii vocat. Sed poeta, ut huic placeat, nimis fere illius laudes extenuat. — *Concedere*, cedere, priorem locum relinquere. — *Mœnia* in dilingia ; nam et urbem, et muros significat. — *Dederas transilienda* eleganter, ita exstruxerat, ut ille transilire posset. — *Sensit*, damno suo expertus est ejus fortitudinem. Vide nos ad Plin. paneg. XVI, 5. Romulum sensit *Tatius*, quum inter Palatinum et Capitolinum Collem Sabini, quorum metropolis *Cures*, prælio funderentur. — *Cæninenses* levi certamine docuit, vanam sine viribus esse iram. — *Utrumque latus*, terra meridionalis et septentrionalis. Apud Horat. I, Od. XXII, 19, *latus mundi* de plaga boreali. Claudianus, XX, 242, *australe latus*. Lenzius partem orientalem et occidentalem intelligit. Equidem putem, ortum et occasum solis non bene ejus *latera* dici. — *Breve*, exiguum, ut *brevis census*, *breve pondus* apud Horat. — *Quodcumque est... habet*. Cf. I, 85 sqq. — *Duce se*. Ducem nunc varie interpretantur. Dan. Heins. Imperatorem, Cæsarem intelligit. Burman.



Tu recipis luco ; submovet ille nefas :  
Vis tibi grata fuit ; florent sub Cæsare leges.

Tu domini nomen ; principis ille tenet :  
Te Remus incusat ; veniam dedit hostibus ille :

Cælestem fecit te pater ; ille patrem.

JAM puer Idæus media tenus eminent alvo ,

Et liquidas mixto nectare fundit aquas.

En etiam , si quis borean horrere solebat ,

Gaudeat : a zephyris mollior aura venit.

QUINTUS ab æquoreis nitidum jubar extulit undis

capit eo sensu , quo omnes Principes duces. Potest esse et is , qui exemplo suo præit. Augustus autem Italiam moribus ornavit , legibus emendavit : antea nullus legibus locus. Horat. II , Epist. I , 2. Tacit. An. I , 9. Hoc nomine in primis laudabatur ejus sæculum. — In *luco* asyli etiam *nefarii* homines recipiebantur. — *Submovet*. Olim ed. *repulit*. *Repellere* sic recte ponitur. XV Metam. 777 , *facinus repellite* ; III Art. Amat. 391 , *repellere fraudem* ; Tacit. Hist. II , 4 , *repellere segnitiam*. Sed præteritum *repulit* non convenit h. l. Verbis autem *submovet nefas* Lenzius putat respici forte legem quamdam , qua Augustus vim asylorum coercuerit. Sed hoc potius fecit Tiberius ; Sueton. 37. Neque antitheta h. l. nimis urgenda sunt. — *Domini* nomen poeta forte dedit oppositioni ; id enim adeo invisum erat priscis Romanis , ut ne patrem quidem familiæ servorum dominum appellarent ; neque se Romulus ut dominum gessit. — *Principis* nomine cuncta Augustus sub imperium accepit , quin et imperium ejus dictum *Principium* et *Principatus* Vid. Lipsius ad Tacit. An. I , 1 , et qui ibi laudantur ab Ernest. Hinc Horatius , I ,

Od. II , 5 , *Hic ames dici Princeps*. Delatum id nomen ad eum An. u. c. 727. Dio LIII , pag. 503. — *Te Remus* etc. Tu crudelis fuisti in fratrem ; ille clemens est ipsis hostibus. — *Cælestem* etc. Conf. vers. 475 sqq. Majus autem est , beneficia dare , quam accipere.

145. *Aquarii ortus cosmicus*. — Eum plures Ganymedem , puerum *Idæum* , Erichthonii aut Trois , regis Trojani , filium esse dicebant. — Is quoniam Dīs *nectar* infundit , nunc jocosio figmento urna , quam ei astronomi tribuunt , *mixto nectare aquas* fundere dicitur. Exoritur et cadit capite prius , quam reliquis membris. Hygin. P. A. III , 28. — *Mollior*. In Ed. antiq. *mitior* : utrumque bene de aeris clementia. Sed *mollior* plurimorum librorum auctoritate nititur. Ita *mollior æstas* Virgilius , Georg. I , 312. Noster III , Art. Amat. 728 , « Zephyri molles auraque. » Plin. Hist. Nat. II , 47 : « Favonii hibernum molliunt cælum. »

149. *Favonii flatus verni temporis initium* ; Plinius , XVIII , 59. Oritur autem , eodem II 47 auctore , « sole » Aquarii XXV obtinente partem ; « is dies sextus est ante Febr. Idus. » Columel. XI , 2 , septimum Id. Febr.



Lucifer, et primi tempora veris eunt.

150

Ne fallare tamen; restant tibi frigora, restant;

Magnaue discedens signa relinquit hiems.

TERTIA nox veniat: custodem protinus Ursæ

Adspicies geminos exseruisse pedes.

Inter Hamadryadas, jaculatricemque Dianam,

155

Callisto sacri pars fuit una chori.

Illa Deæ tangens arcus: Quos tangimus, arcus,

Este meæ testes virginitatis, ait.

Cynthia laudavit: Promissaque fœdera serva,

Et comitum princeps tu mihi, dixit, eris.

160

Fœdera servasset, si non formosa fuisset.

Cavit mortales: de Jove crimen habet.

Mille feras Phœbe silvis venata redibat,

Aut plus, aut medium sole tenente diem.

nominat.—*Quintus Lucifer*, V Idus, dies nonus Februar. — Pro *extulit* Voss. Arund. et septem alii *exserit*, quod Heins. præfert, qui et *ubi* pro *ab*, et *Cynthius* pro *Lucifer* malit, atque *eunt* ex tribus cod. pro *erunt* recepit. Burmannus *extulit* moveri non vult, quia mox seq. *exseruisse pedes*. Recte. — *Restant* etc. confer vers. 854 sq; III, 235.

153–192. *Arctophylaxis* ortus. — Hic mythus de *Callisto* inseritur, qui II Metam. 401–530, latius tractatus est. — *Tertia nox* ante Idus, ergo nox diei undecimi. — Ad polum arcticum duo sidera vicina, *Arctos* sive *Ursa major*, et *Arctophylax* sive *Custos Ursæ*, aut *Bootes*, quia *Ursa major* et *Plaustrum* dicta. — Illud sidus XXV stellis constat, hoc XIV. Custos in utroque *pede* stellas habet singulas. — *Callisto*, Lycaonis filia, *Nypha* venatrix. — *Chorus*, cœtus, quod nomen vers. 173 legitur. —

*Pars una chori*, una ex choro. II Metam. 426, *Comitum pars una mearum*. — Veteres *tangere* rem solebant, per quam jurabant. Ita Hannibal puer, *tactis sacris*, jurejurando adactus est. Liv. XXI, 1. — *Promissa fœdera*, promissa, quæ et absolute *fœdera* appellantur, II Metam. 757. Tibullus, I, IX, 2, *fœdera dabas*, ubi vid. Heynium. — *Comitum princeps*, Metam. 415. — *Si non formosa*. Etiam Coronis II Metam. 572: *forma mihi nocuit*. — *Crimen* passim de stupro et adulterio. — *De Jove*, qui faciem cultumque Dianæ indutus, Nympham humi jacentem vi compressit, II Metam. 422 sqq. Nonnulli a *Jove*, quia ille causa agens. Heinsius suadet *ab Jove*; etiam hoc ferri potest.

164. *Aut plus* etc. quo diei tempore fere venatio fiebatur. Confer III Metam. 143–145. Taubnero placet *tenente polum*, quod unus cod. præfert. A venatione redeuntes ama-

Ut tetigit lucum, densa niger ilice lucus,

165

In medio gelidæ fons erat altus aqua;

Hac, ait, in silva, virgo Tegeæa, lavemur.

Erubuit falso virginis illa sono.

Dixerat et Nymphis; Nymphæ velamina ponunt.

Hanc pudet, et tardæ dat mala signa moræ.

170

Exuerat tunicas: uteri manifesta tumore,

Proditur indicio ponderis ipsa sui.

Cui Dea, Virgineos, perjura Lycaoni, cætus

Desere, nec castas pollue, dixit, aquas.

Luna novum decies implebat cornibus orbem:

175

Quæ fuerat virgo credita, mater erat.

Læsa furit Juno, formam mutatque puellæ.

Quid facis? invicto pectore passa Jovem est.

Utque feræ vidit turpes in pellice vultus;

Hujus in amplexus Jupiter, inquit, eat.

180

bant lotiones. — *Ilex nigra* dicitur a nigricante virore; Virg. Ecl. VI, 55. Inde *densa niger ilice lucus* pro, densus nigris ilicibus. — *Tegeæa* omnino Arcas; nam vs. 192, *Manalia*, Metam. d. I. *Parrhasis* et *Nonacrina* vocatur. — *Sonus*, nomen; Burm. ex cod. Thuan. *solo virg. sono*. Pudor virginis Met. 447 sqq bene notatus. — *Et Nymphis*. Plures *hæc Nymphis*. Burm. conjicit *ut Nymphis*. Equidem nihil mutem. Primum alloquitur Callisto; deinde eadem dicit *et Nymphis* reliquis. — Neque video, cur Heinsius *mala*, vel invitis membranis, in *male* mutandum putet. — *Tarda* non addit novam notionem; tantum moræ naturam exprimit. Sic sæpe poetæ. Et *tarda mora* etiam vers. 256, legitur. — *Castas*. Octo MSS *sacras*, ut II Metam. 464, *nec sacros pollue fontes*; quamquam ibi quoque Heinsius *castos* suadet.

177. *Lædi* varie in amoribus dicitur; h. l. de ignominia Junoni adulterio mariti illata. Burman. offendit *que*, ut ineleganter et ad vers. fulciendum *et* mutat subjectum. Conjicit *mutare*, ut *furit mutare* sit, vehementer irata et furore quasi percita festinat mutare. Sic sane Horat. I, Od. xv, 27, « furit te reperire » atrox Tydides. » Nihil tamen mutandum, quum particula *que* centies apud Poetas remotiori nomini addatur, ut supra vers. 16, *per titulos ingredimurque tuos*. — *Pati* de concubitu. IX Metam. 739, « imagine vac- » cæ Passa bovem est. » Plenius *pati concubitus* III, Amor. 666. Taubn. probat lect. antiquam, quæ est statim post *invito* ponit. — *Feræ*, urse Sed Heinsius suadet *fera*. — Quæ Heinsii conjectura, ut sæpius, auctore eget. Ed. — De formula *in et sub amplexus ire* vide ad VII Met. 616.

Ursa per incultos errabat squalida montes,  
 Quæ fuerat summo nuper amanda Jovi.  
 Jam tria lustra puer furto conceptus agebat,  
 Quum mater nato est obvia facta suo.  
 Illa quidem, tamquam cognosceret, adstitit amens, 185  
 Et gemit; gemitus verba parentis erant.  
 Hanc puer ignarus jaculo fixisset acuto,  
 Ni foret in superas raptus uterque domos.  
 Signa propinqua micant: prior est, quam dicimus Arcton:  
 Arctophylax formam terga sequentis habet. 190  
 Sævit adhuc, canamque rogat Saturnia Tethyn,  
 Mænaliæ tactis ne lavet Arcton aquis.  
 IDIBUS agrestis fumant altaria Fauni,  
 Hic ubi discretas insula rumpit aquas.

183. *Puer*, Arcas dictus. — *Furto*, clandestino concubitu. — *Gemitus verba parentis erant*. Interpr. Gallicus in his verbis felicem ingenii Ovid. facilitatem admiratur, quod una sententia animum maternum in ura declaraverit, atque amorem ejus acerrimum nobis inspiret; quod non est. Ovidius hoc unum vult, matrem doluisse quidem, sed dolorem in corpore ferino verbis exprimere non potuisse. Conf. II Metam. 486. Similiter Inachus, filia visa, « nec mutua nostris Dicta re- » fers; alto tantum suspiria ducis » Pectore: quodque unum potes, » ad mea verba remugis. » I Metam. 655. — *Sævit adhuc*, quod pellex, quam in feram mutaverat, Dea facta, inter sidera fulgebat; II Met. 520. — *Canam Tethyn*. Vide ad Metam. 4. l. — *Ne lavet*, ne sinat pellicem occidere in Oceanum, nempe « ne » pæro tinguatur in æquore pellex. » — *Rogat* cum Mitsch. e MSS melioribus prætuli, et probaverat etiam

cum Heinsio Krebs. Sed Burmannus recepit ex uno *adiit*, quia sit verbum proprium in hac re, et significet idem quod precari; ut adeo *rogat et petita* glossatore esse videantur, qui crediderit, non recte dici, *adiit, ne lavet*. Mihi vero hæc duo tempora non bene sibi respondere videntur.

193–242. *Fauni sacra et Fabianæ cladis memoria*. — *Faunus*, Latio et Etruriæ proprium numen. Fuit Pici filius, quartus Italiæ rex, ob merita in rem rusticam inter Deos *agrestes* relatus, etiam vates insignis habitus; Dionys. Halic. I, 24; Heynii Excurs. V ad Æneid. VII. Confer infra III, 291 sqq. Etiam ex Publio Victore constat, in *Insula* templa fuisse Jovis, Æsculapii et Fauni. Fauni ædem Ædiles e pecunia multatitia fecerunt, eaque Ann. u. c. 509, dedicata est. Liv. XXXIII, 42; XXXIV, 58. — *Insulam* illam Ovid. XV Metam. 739 sq. describit. — *Rumpit discretas*, rumpit sic, ut discernantur;

Hæc fuit illa dies, in qua Veientibus arvis

195

Ter centum Fabii ter cecidere duo.

Una domus vires et onus suscepit urbis :

Sumunt gentiles arma professa manus.

Egreditur castris miles generosus ab isdem ;

E quis dux fieri quilibet aptus erat.

200

Carmentis portæ dextro via proxima Jano est.

uno verbo, discernit. Altera Faunalia Nonis Decembr. agebantur, eaque Horat. III, Od. 18, celebravit.

195. De hoc *Fabiorum* cum *Veientibus* bello confer Dionys. Halicarn. IX, 15-22 ; Liv. II, 48-50 ; Florum, I, 12 ; Silium, VII, 39sqq ; Gellium, Noct. Att. XVII, 21. Namque An. u. c. 275, quum Veiens bellum adsiduo magis, quam magno præsidio egeret, *Fabia* gens id sola suscepit. *Sex et trecentos* milites, omnes patricios, omnes unius gentis, Roma esse profectos, omnesque ad Cremeram cæsos a Veientibus constanter veteres tradunt. Dionys. addit, hos secum eduxisse quatuor hominum millia, quorum plurimi clientes et sodales fuerint. Sed in primis de hac re legendus Perizon. in Animad. Hist. cap. 5, ubi ostendit, illo tempore vix omnium gentium patriciarum tot viros fuisse militaris ætatis, nedum unius gentis ; consulares Fabios, Marcum et Cæsonem, sibi sumsisse hoc bellum, et vere trecentos sex ad illud eduxisse, non plures, neque tamen hos omnes gentiles suos, sed maximam partem clientes : illos tamen omnes vulgo dictos esse Fabios, quia Fabii bellum in se recepissent. Secundum Liv. VI, 1, id non *Idibus* Februar. factum, sed ante diem XV Kalend. Sextiles, quo die etiam ad Alliam fœde pugnatum sit, eumque insi-

gnem rei nulli agendæ fecisse veteres. — Tum dubitant Intrp. utrum arvis an *armis* legant, nam MSS utroque trahunt, plures tamen ad *armis*. — *Veiens* pro Veientinus, ut *Laurens*, Laurentinus, *Indus*, *Maurus*, Indicus, Mauricus. Cæterum hanc narrationem Noster exornavit similitudinibus, apostropha, sententiis.

197. *Vires*. Unus Patavin. *curas*, quod Burm. verbo *suscepit* melius convenire videbatur. Et Livius dicto loco id comprobare videtur, « Familiam unam subiisse civitatis » *onus* : Veiens bellum in privatam » *curam* versum. » Sed et *vires* in re bellica sic usitatum. VIII Metam. 7, « Prætentatque sui vires Mavortis. » Liv. XXI, 29, « nusquam ante libatis viribus, » et II, 49, de hoc ipso bello, « unius familiæ viribus » Veienti populo pestem minitant. » — *Professa*, quæ se promiserant sumpturas.

199. *Castra* Lenzius intel. Romam ipsam, aut locum ante ædes consulis. Immo eadem domus, familia eadem intel. — *Una domus, gentiles manus, eadem castra*, eandem rem urgent. Etiam Liv. « quorum nemi- » nem ducem sperneret egregius » quibuslibet temporibus senatus. » Sic et Silius. — De *Janis*, scil. transitionibus perviis, et templis Jani, I, 257. — Etiam *Carmentals* porta



Ire per hanc noli, quisquis es : omen habet.

Illa fama refert Fabios exisse trecentos ;

Porta vacat culpa ; sed tamen omen habet.

Ut celeri passu Cremeram tetigere rapacem ,

205

Turbidus hibernis ille fluebat aquis ;

Castra loco ponunt : destrectis ensibus ipsi

Tyrrhenum valido Marte per agmen eunt ;

Non aliter , quam quum Libyca de rupe leones

Invadunt sparsos lata per arva greges ;

210

Diffugiunt hostes , inhonestaque vulnera tergo

Accipiant ; Tusco sanguine terra rubet :

Sic iterum , sic sæpe cadunt ; ubi vincere aperte

duos habebat transitus, dextrum et sinistrum. Lenzius vero templum Jani ante portam fuisse putat. Sic et Krebs. qui improbat Strothii ad Liv. II, 49, explicationem, quam vero nos veriore putamus. — *Via* illa propter cladem Fabiorum *scelerata* dicta est et *infelix*. Florus : *scelerato signata nomine*. Sic memoriam rei ad posteros propagabat. — Apud Silium *omen* dat stridore, atque Maxima Herculis ara mugit illis exeuntibus. — *Illa fama . . . habet*. Hoc distichon a MSS Urs. Petav. Francof. et aliis quibusdam abest. Parum mihi placet ; neque tamen abesse potest, ne manca sit narratio. Hos versus habent Regii nostri ; nec est unde spurios eos iudices, quare uncis deleverimus. *Ed.* — *Cremera*, Etruriæ flumen haud longe a Veiiis, hac ipsa clade nobilitatum. — *Tangere* locum pro pervenire eo, frequentat noster ; sed MSS quidam cum prima edit. *tenuere*, æque bene. Liv. I, 1, « classe Laurentem » agrum tenuisse. » cap. 37, « montes » Sabini petebant, et pauci tenuere. » — *Turbidus*. Nonnulli, *turgidus*.

Utrumque fluminibus et mari tribuitur. *Turbidus* aut *turbatus* sic crebro apud Ovid. ut VII Metam. 254 ; XIII, 889. — Pro *fluebat* unus Vatican. *tumebat*. Burmannus monet, verbis *turbidus tumebat* duo simul dici, et fluvii extra ripas excessum, et simul aquarumurbationem, quæ sordidæ non transmiserint visum ad fundum, ut Fabii cernere possent, quo pedes ponerent. Sed talia nunc vix curavit poeta. — *Hibernis aquis*, solutis nivibus. Susceptum hoc bellum hieme. Rebus enim nonnullis gestis, ὁ χειμὼν ἰκίνας ἐπέλυτα. Dionys. 13, extr. — Jam fortitudinem Fabiorum in honore ponit. *Castra loco ponunt* ; in loco prærupto castellum muniunt, cui a fluvio nomen inditum. — *Eunt per agmen*, per-rumpunt agmen.

209. *Libyca de rupe*. IV Metam. 114 ; *quicumque sub hac habitatis rupe leones*. Et Claudian. III, 80 ; leo æstuat *rupe relicta Gætulo comes ire patri*. Atque etiam Fabii de loco prærupto decurrebant. *De rupe* ergo melius, quam aliorum *de gente*, quamquam posterius Taubner. ele-

Non datur, insidias armaque cæca parant.  
 Campus erat : campi claudebant ultima colles, 215  
 Silvaque montanas occulere apta feras.  
 In medio paucos armentaue rara relinquant :  
 Cætera virgultis abdita turba latet.  
 Ecce, velut torrens undis pluvialibus auctus,  
 Aut nive, quæ zephyro victa repente fluit, 220  
 Per sata, perque vias fertur ; nec, ut ante solebat,  
 Riparum clausas margine finit aquas :  
 Sic Fabii latis vallem discursibus implent ;  
 Quosque vident, sternunt : nec metus alter inest.  
 Quo ruitis, generosa domus ? male creditur hosti ! 225  
 Simplex nobilitas perfida tela cave.  
 Fraude perit virtus : in apertos undique campos  
 Prosiliunt hostes, et latus omne tenent.  
 Quid faciant pauci contra tot millia fortes ?  
 Quidve, quod in misero tempore restet, habent ? 230

gans esse putat. — *Cæca* ex altero Puteano Heins. recte vulgari *tecta* prætulit. *Cæca* enim eleganter clandestina, tecta dicitur, ut *cæca vulnera, cæci ignes*; atque *arma cæca* sunt insidiæ. — De *campo* consentiunt historici. — Pro *claudebant* Jun. Læti et tres alii *cingebant*. Utrumque de finibus dicitur. — *Occulere feras*, hinc et apta insidiis.

219. Eadem similitudo, sed ornatio, *Æn.* II, 304-308; ubi Heynius plura Virgil. et aliorum loca comparavit. — Plerumque *torrens* impetum exprimit, quo fertur aliquis; nunc tantum discursus. — *Fluit*, diffluit, resolvitur. — Pro *repente*, multi et scripti et editi *repente*, Taubertus et Krebsius probantibus. Et *tepor* solet tam Zephyro, quam, cujus comes est, veri tribui,

ut III, 236: h.l. vero *repente* præfero, quia repentina nivis solutio tanto magis torrentes auget. — *Clausas finit*, coercet, continet. — *Metus alter*, non metuunt alios, quos, quippe in insidiis collocatos, non vident. Livius: « Jamque Fabii adeo » contemserant hostem, ut sua in » victa arma neque loco, neque » tempore ullo crederent sustineri » posse. » Cum his bene venit lectio *sternunt*. Unus Heins. *cædunt*; alius, *feriunt*. — Cum nostris Regiis admissimus *sternunt*, quamquam *Gierig* servaverit *spernunt*. Ed. — Paulo ante *implent* copiæ notionem habet; VIII Metam. 166: « Implet innumeras » errore vias. » Pro eo Tibul. I, IV, 69, *explere*. — *Nobilitas*; a Floro et Silio *patricius exercitus* vocatur. — *Simplex*, non cauta, credens hosti.

Sicut aper, silvis longe Laurentibus actus,

Fulmineo celeres dissipat ore canes;

Mox tamen ipse perit : sic non moriuntur inulti;

Vulneraque alterna dantque feruntque manu.

Una dies Fabios ad bellum miserat omnes,

235

Ad bellum missos perdidit una dies.

Ut tamen Herculeæ superessent semina gentis,

Credibile est ipsos consuluisse Deos.

Nam puer impubes, et adhuc non utilis armis,

Unus de Fabia gente relictus erat :

240

Scilicet ut posses olim tu, Maxime, nasci;

Cui res cunctando restituenda foret.

CONTINUATA loco tria sidera, Corvus et Anguis,

Et medius Crater inter utrumque jacet.

231. *Laurentes apri* passim memorantur. Vide Heins. ad h. l. et Benth. ad Horatium, Epod. V, 28. Bene igitur Heins. *Laurentibus* ex duobus Mazar. duobus Farnes. et uno Vatic. revocavit, quum antea *latratibus* ederetur. — *Fulmineo ore dissipat*. Cf. I Met. 305; VIII, 289.

235. In interitu rerum magnarum scriptores talia notare solent. Liv. I, 29, de Albæ excidio : « Una » hora quadringentorum annorum » opus excidio ac ruinis dedit. » Sed nunc lus in duplici *una dies* parum placet. Quid enim mirum, una die illos esse missos ad bellum? — De uno Fabio servato veter. consentiunt. Dubium movet Dionys., sed frustra. Si enim, ut supra ostensum est, pauci tantum Fabii id bellum susceperunt, fieri facile potuit, ut illi vel non nisi unum filium impuberem habuerint, vel plures, quorum unus tantum ad virilem ætatem pervenerit. Vid. Perizon. Animad. hist. cap. 5. Fabii autem jam

ante urbem conditam inter Romuli et Remi comites fuisse, atque ab *Hercule* ex Evandri filia prognati esse tradebantur. Vid. Pighius Ann. ad a. 473. — A Silio, *Penates Herculei implevisse privata castra* dicuntur. — *Non utilis armis*; Horatius, I, Od. XII, 42, *Curius utilis bello*. — Idonei armis ferendis *pubes* dicuntur. Livius, VIII, 8, *pubescentes ad militiam*.

243 - 266. *Ortus trium siderum* acronychius : quorum origo narratur. — *Anguis*, scilicet hydra, cauda Centauri caput pæne tegens, sustinet in dorso *corvum*, rostro corpus ejus tudentem et *cratera*. — Sic illa *continuata loco*, cohærentia nullo intervallo. Vid. Hygin. P. A. III, 39; fabulam autem idem, II, 40, narrat. — *Medius inter utrumque*, inter corvum caudam hydræ tudentem et caput hydræ elatum. — Pro *jacet* unus Vatic. *micat*, quod sane recte de sidere dicitur. Sed credibile est, poetam, quum hoc verbum

Idibus illa latent : oriuntur nocte sequenti :

245

Quæ sibi cur tria sint consociata, canam.

Forte Jovi festum Phœbus solemne parabat :

Non faciet longas fabula nostra moras ,

I, mea, dixit, avis, ne quid pia sacra moretur ;

Et tenuem vivis fontibus affer aquam.

250

Corvus inauratum pedibus cratera recurvis

Tollit, et aerium pervolat altus iter.

Stabat adhuc duris ficus densissima pomis ;

Tentat eam rostro : non erat apta legi.

Immemor imperii sedisse sub arbore fertur ,

255

Dum fierent tarda dulcia poma mora.

Inde satur nigris longum rapit unguibus hydrum ,

Ad dominumque redit, fictaque verba refert :

Hic mihi causa moræ, vivarum obsessor aquarum :

vers. 266 legatur, variare orationem voluisse. Accedit, quod ea, quæ inter partes eminentes locum habent, eleganter *jacere* dicuntur : v. Drakenhor. ad Silium, XII, 132. Tum Heins. sine causa *at medius* volebat.

247. Inferiores Dii superioribus sacra faciebant; IV, 423. — *Tenuem* tantum ornat, quia aqua tenuior terra. — A sacra facturis ministri mittebantur aquam, in primis *vivam*, petitum libationis causa; Met. III, 26 sq. Ante *vivis* præposit. e MSS Voss. Jun. Bernens. et alii quidam, etiam edd. nonnullæ addunt. — *Aerium iter*, aer.

253. *Densissima pomis*, abundans ficibus. — *Adhuc* conjunge cum *duris*. Ad arborem retulit, quod erat ad ficus referendum. — *Tentat eam* . . . *apta legi*. Leguntur, colliguntur, fructus proprie ab hominibus, h. l. a corvo, qui decerpit. — *Sedisse sub arbore* etc. non inepte hoc fictum;

celerrime enim fici maturescunt. Plinius, Hist. Nat. XV, 21 : « Ad- » mirabilis est pomi hujusce festina- » tio. » Itaque Hyginus « post ali- » quot dies coctis ficis. » Ne igitur urgeas *et tarda mora*. Vide ad versum 170. — *Dulcia* non movendum puto. Plin., dicto loco, *succus percoctis mellis*. Atque *dulcedo* in primis corvum invitabat. Itaque nec ex uno Patavino *mitia*, nec ex MS Puteano et Exc. Douzæ *mollia* præferendum, quamquam hæc quoque de frugibus percoctis bene dicuntur. Burm. putat, *mollia* melius respondere *duris*; sed tam exacta oppositio hic non est necessaria. — *Nigris*. Burman. e conjectura Heinsii *pigeis* malit. Sed rapere hydrum non est *pigri*. — Idem pro *Jamque* e MS Sarrav. dedit *Inde*, nempe ficibus.

259. Passim apud veteres serpentes occurrunt fontium custodes. Vide ad III Metam. 31. Veri ergo si-



Hic tenuit fontes officiumque meum.

260

Addis, ait, culpæ mendacia, Phæbus; et audes

Fatidicum verbis fallere velle Deum!

At tibi, dum lactens hærebit in arbore ficus,

De nullo gelidæ fonte bibantur aquæ.

Dixit; et antiqui monumenta perennia facti,

265

Anguis, Avis, Crater, sidera juncta micant.

TERTIA post Idus nudos Aurora Lupercos

Adspicit, et Fauni sacra bicornis eunt.

Dicite, Pierides, sacrorum quæ sit origo:

Attigerint Latias unde petita domos.

270

Pana Deum pecoris veteres coluisse feruntur

milia finxit corvus. — *Tenuit* in dialogia positum, custodivit fontes, et impedivit officium meum. Krebsius vero, *die Quellen hielt sie auf und mein Geschäft.* — *Verbis*, Hamburg. *veris*. Hinc Heinsius *veri* malebat, ut cum *fatidicum* conjungeretur, quemadmodum, XII Met. 18, *veri providus augur*. Mihi *verbis* magis placet, quod bene convenit τῷ *mendacia*. — *At tibi* etc. Plinius, H. N. X, 15: « Corvi ante solstitium generant: iidem ægrescunt sexagesimo diebus, siti maxime, antequam fici coquantur autumno. » Inde fabula nata. Nempe æstate, quod alvi fluxu laborarent, ab humidis alimentis abstinere corvi credebantur; Ælianus, H. A. II, 5. Hinc dixerunt: quamdiu fici coquantur, corvus bibere non potest. — *Hære* in arbore dicuntur flores, V 255; fructus, I Met. 105; frondes, III, 730. — *Lactere* omnino de plantis succulentis, unde XV Metam. 201, *lactens* annus tempore verno. Sed fici nominatim lactis succus aut humor tribuitur. Plinius, H. N. XV, 21, *maturescentibus esse succum lactis*. Atqui

de hoc eodem tempore nunc est sermo. — *Et antiqui* etc. Nempe sitim corvi hæc declarant, quem hydra non patitur ad cratera accedere. Vide Hyginum.

267. Die XV Februar. sive XV Kalend. Martias *Lupercalia* celebrabantur, quibus describendis Ovid. immoratur usque ad vs. 452. De origine et ritibus horum sacrorum vide Liv. I, 5; Dionys. Halic. I, xxxii, 80; Plutarch. Vit. Rom. 21; Quæst. Rom. tom. VII, p. 131, Reisk.; Valer. Max. II, 12; Varr. de L. L. — Noster, ut solent poetæ, ad Homeri quidem exemplum, rerum antiquarum memoriam repetituri, Musas invocat. *Faunus* pro Pane, ut apud Horatium, I, Od. xvii, 2, et alibi. Fabulæ enim Italorum priscae cum Græcis mixtæ sunt. Vid. Heynii Excurs. IV ad Æn. VII, et in antiqu. Aufsätzen P. II, p. 70 sqq. — *Bicornes Fauni* etiam V, 99; Heroid. IV, 49. — *Eunt pro erunt*, e multis MSS melioribus dedit Heinsius.

271. Ἀρχαῖε θεῶν ἀρχαιότατος τε καὶ τιμωτάτος ὁ Πάν Dionysius, I, 32; τοῖς Ἀρχαῖεσι ἐπιχώρις Pausanias Arcad.

Arcades; Arcadiis plurimus ille jugis.  
 Testis erit Pholoe; testes Stympthalides undæ;  
 Quique citis Ladon in mare currit aquis,  
 Cinctaque pinetis nemoris juga Nonacrini;  
 Altaque Cyllene, Parrhasiæque nives.  
 Pan erat armenti custos, Pan numen equarum;  
 Munus ob incolumes ille ferebat oves.  
 Transtulit Evander silvestria numina secum.  
 Hic, ubi nunc urbs est, tum locus urbis erat.

275

280

XXVI, p. 652, et de *cultu* ejus, p. 677.—In *jugis* Arcadiæ errabat fistula canens, ibique plurima templa, statuas, aras, sacra, antra, montes habebat. Paus. p. 574, 686. In monte Lycæo fano ejus hippodromus et stadium adiacebant, in quo jam antiquissimis temporibus *Lupercalia*, λυκæα, celebrata; Pausan. 678.—In catalogo montium *Menalium* desideras, qui ei potissimum curæ. Virgilius, Georg. I, 17; Paus. p. 674.—*Ladon* in Alpheum influens, etiam V, 89, vocatur *rapax*; sed I Metam. 702, *placidus*; ubi v. n.—*Pineta* etiam Lycæi, I Metam. 217, memorantur.—*Parrhasiorum* urbs Lycosura omnium urbium antiquissima habita. Pausanias, p. 678.

277. Pro *equarum* olim edebant *aquarum*. Sed alterum jam a Nageerio notatum Heinsius ex MSS Urs. Mazar. Zulich. Læti et pluribus aliis recepit. Sed Burmannus cui Taubn. assentitur, putat, et jam *aquarum* defendi posse, quum Pan ἄρκος, scil. litoralis dicatur Theocrit. Id. V, 14, (ubi v. Warton. et ad Id. XXII, 158;) et ἀρκυροῦς Sophocl. Aj. 700, quia cultus sit in promontoriis, et quia statuæ ejus fuerint etiam ad fontes. Mihi vero satis durum videtur, *aguas* sic memorari inter *armenta* et

*oves*. Neque si litoralis alibi vocatur, etiam *numen aquarum* recte dicitur. Recte igitur et Krebs. *equarum* tueretur. Non pergit, custos erat ovium, sed hoc suaviter variavit, *munus ob inc.* etc. *Munus*, sacra; Hor. Epod. II, 20, « uvam, qua muneretur te, » Priape. »

279. Liv. hoc unum habet: « Jam » tum (quum Romulus et Remus » inter pastores educarentur) in Pa- » latino monte Lupercal hoc fuis- » se ludicrum ferunt. » Sed Dionysius originem ejus cum Nostro diserte ab *Evandro* repetit. Eum a Thernide, id est, Carmenta matre monitum illa sacra patrio ritu fecisse, reperto loco commodo, quem Romani Lupercal, Græci Lycæum vocent, nempe spelunca ingenti et opaca sub colle Palatino, adjacentibus fonticulis. — *Silvestria numina*, cultum silvestris Dei. — *Hic ubi* etc. argute eloqui voluit illud, urbs nondum erat condita. VIII Met. 805, in famis descriptione: « Ventris erat » pro ventre locus. » Sed hic versus si nunc abesset, non desideraretur. *Hic* Heinze in Opusc. p. 226, in hac mutari et ad antecedentia referri voluit. Male. — Mox e conject. Burm. ni verba constituimus; male enim legebatur, *devectaque sacra Pelasgis*

Inde Deum colimus, devectaque sacra Pelasgis  
Flamen adhuc prisco more Dialis agit.

Cur igitur currant; et cur, sic currere mos est,

Nuda ferant posita corpora veste, rogas?

Ipse Deus velox discurrere gaudet in altis 285

Montibus, et subitas concitat ille feras.

Ipse Deus nudus nudos jubet ire ministros:

Nec satis ad cursum commoda vestis erat.

Ante Jovem genitum terras habuisse feruntur

Arcades, et luna gens prior illa fuit. 299

Vita feræ similis, nullos agitata per usus:

*Flamen ad hæc prisco more Dialis erat.* — De prisco more nihil esse mutatum testatur et Dionysius, I, 32. — *Flamen Dialis* hæc agebat, ut Flamen Quirinalis Robigalia, IV, 910.

283. Luperci, peractosacrificio, ex Lupercali profecti, per pagum *currabant*, pudenda succincti pellibus victimæ recens mactatæ, reliqua *nudi*. Dionysius, dicto loco; Plutarch. Quæst. Rom. dicto loco. Utriusque ritus causas, *cursus et nuditatis*, Noster enarrat usque ad vs. 380. — *Ferre*, habere, ut alibi *gestare corpora, membra*. — *Velox* solemnè Panis epitheton; Horat., I, Od. xvii, 1. Secundum Silium, XIII, 327, currit « pendentis similis... vix ulla inscribens terræ vestigia cornu. » — *Concitat*, ut Liv. XXII, 17, « majore metu concitant se in fugam. » Illam Panis concitationem describit Valer. Flac. Argon. III, 56: « pavidum præsepibus aufert pecus, » et facit, ut « profugi sternant dum meta juveni. » Cf. Orph. h. X, vii, 23. — *Subita*, quia subito excitantur. Et excitabat feras e cubilibus comes Dianæ. Servius ad Virgilium,

G. I, 17. Sed Gronov. Obs. IV, cap. 14, defendit lect. MS Ursini et quinque aliorum, quæ et Heinsio elegans visa, *Concipit ille fugas*, ut sensus sit, imaginatur, et subito nec quid, nec quare exsilit discursatque. — *Ministros*, nempe sacrorum. — *Ire* etiam de celere et rapido cursu dicitur ut de volatu sagittæ. Male ergo h. l. nonnulli, *esse*. — In verbis *nec satis* etc. prima nuditatis causa.

289-302. Secunda causa nuditatis e ruditate priscorum Arcadum repetitur. Et in pluribus sacris ritus quidam in memoriam rudis vetustatis culti. — *Ante Jovem* etc. De hac antiquitate Arcadum, vide ad I, 469. Aristoteles narraverat, barbaros ab initio Arcadium tenuisse, eosque expulsos esse ab Arcadibus ante, quam *Luna* oriretur; Schol. Apollon. IV, 264. Erant pelagicæ stirpis et diu ante Deucalionem Arcadium *habebant*, incolebant. — Noster, *ante Jovem genitum*; namque Rhea in Parrhasio, monte Arcadiæ, Jovem peperisse tradebatur. — *Fera* vita, ferina, *ἑρπύρεος*, qualis multarum gentium antiquissimarum fuisse traditur. Arcades quidem inde quercubus nati, in



Artis adhuc experts et rude vulgus erant :  
 Pro domibus frondes norant, pro frugibus herbas :  
 Nectar erat palmis hausta duabus aqua :  
 Nullus anhelabat sub adunco vomere taurus :  
 Nulla sub imperio terra colentis erat :  
 Nullus adhuc erat usus equi; se quisque ferebat :  
 Ibat ovis lana corpus amicta sua :  
 Sub Jove durabant, et corpora nuda gerebant,  
 Docta graves imbres et tolerare Notos.  
 Nunc quoque detecti referunt monumenta vetusti  
 Moris, et antiquas testificantur opes.  
 Sed cur præcipue fugiat velamina Faunus,  
 Traditur antiqui fabula plena joci.

295

300

specubus habitare, et glandibus ves-  
 ci soliti esse dicebantur. Vide Hey-  
 nium in Opuscul. Acad. tom. II, p.  
 343. Pro *feræ* nonnulli *feris*. Mazar.  
 cod. *Vita fere silvis* nullos etc. non  
 improbante Heinsio.—*Agitare*, age-  
 re.—*Per nullos usus*, sine commo-  
 dis, quæ artes præbent vitæ huma-  
 næ. Vide Cortium ad Sallust. Cat.  
 XLVIII, 2; Diod. Sic. dicto loco,  
 μηδὲν τῶν πρὸς βίον χρησίμων ὑπεμί-  
 νου. Male Heinze in Opusc., p. 227,  
*artis* conjungit cum *v. usus*.—*Erant*  
*pro erat* Heins. ex uno Moreti, qui  
 sic pro diversa lect. *adhuc*. Burman-  
 nus mallet *ad hoc*, id est præterea.

293. *Frondes*, casæ ex frondibus.  
 Cf. I Metam. 101, de argentea ætate :  
 « domus antra fuerunt, Et densi fru-  
 » tices et vinctæ cortice virgæ. »—*Pro*  
*frugibus herbas*. Comedebant τῶν οὐλ-  
 λανούτων τε χλωρὰ καὶ πύλας, et alia cor-  
 pori noxia. Succurrit his malis Pe-  
 lasgus, Arcadium rex, qui docuit τὰς  
 βελάνους τῆς φηγῶς, τὰς δὲν εἶναι. Pau-  
 sanias, VIII, p. 599; quarum glan-  
 didium usus inde frequentissimus in

Arcadia. Idem Pelasgus docuit et tu-  
 nicas facere. De *herbis* comestis cf.  
 Noster, IV, 395; II, Art. Amat.  
 475; et Amor. III, x, 10: *Glans erat*,  
*et teneri cespitis herba*.—*Nectar* etc.  
 et vino cavebant, et poculis.

295. *Anhelabat*, quemadmodum  
 Virgilius, I Georg. 45. *Ingementem*,  
 depresso aratro taurum facit; neque  
 temere, si durum Italiæ solum, no-  
 no demum sulco domandum, cogi-  
 tas.—*Imperare*, ut *cogere*, de agri-  
 colis. Vide Burmannum ad I Met.  
 103.—*Sub Jove durabant*, sub dio  
 molestiis tolerandis perstabant. Cf.  
 IV, 505.—*Docta*, assuefacta.—*De-*  
*tecti*, ministri Panis nude curren-  
 tes, *referunt* etc., servant mores an-  
 tiquos.—*Idem testificantur antiquas*  
*opes*, quam nullas opes habuerit an-  
 tiquitas. Vatic. præf. *antiquæ*, unde  
 Heins. etiam *et in id* mutari volebat.

303. Tertia nuditantis causa.—*Fa-*  
*bulas joci* petulantia *plenas* Noster  
 etiam in hoc opere ambobus mani-  
 bus arripuit.—*Pro plena* Mazar. MS  
*prima*, quod Burmanno videtur pro



Forte comes dominæ juvenis Tirynthius ibat :

305

Vidit ab excelso Faunus utrumque jugo.

Vidit, et incaluit, Montanaque numina, dixit,

Nil mihi vobiscum est : hæc meus ardor erit.

Ibat odoratis humeros perfusa capillis

Mæonis, aurato conspicienda sinu.

310

Aurea pellebant rapidos umbracula soles ;

Quæ tamen Herculeæ sustinere manus.

Jamque nemus Bacchi, Tmoli vineta, tenebat ;

Hesperus et fusco roscidus ibat equo.

*priva* positum a librario. Et ita olim et Heinsius conjecerat, vel *prisca*. — *Hercules* vel ob Iphitum occisum, vel ob tripodem de Apollinis fano sublatum, a Mercurio Omphalæ reginæ in servitutem est datus. Phæcyd. apud Schol. Hom. ad Od. 6, 23 ; Hygin. fab. 32. — *Comites*, famuli, ministri ut vs. 333, ubi tamen Hercules ab iis distinguitur, et *dominis* annumeratur. — *Ardor* de persona quæ ardorem excitat, sive amator ab altero.

310. *Mæonis*, Lydia. Omphale enim Lydiæ regina, Tmoli uxor. Apollod. II, vi, 3 ; Hygin. P. A. II, 14. — *Ire*, ut alibi *incedere*, de iis, quorum ornatus, pulchritudo aut majestas describitur. Vid. Brouckh. ad Tibullum, II, 111, 52. — *Humeros perfusa*, quum comæ annuli in humeris fluctuarent. Apulei. Met. II, « Crines cervice penduli, ac dein- » de per colla dispositi. » — *Odorati*. Capilli interdum totam Arabiam spirabant. Lucianus, Am. s. 40. Culti capilli et *sinus* vestis vel effusus, vel purpureus, vel *auratus*, in primis notantur, quum habitus elegantium hominum, amorem aut captantium aut excitantium, describitur. V, 28 ; Heroid. XIV, 51 ; Remed. 680 ; Ti-

bullus, I, x, 68. — *Auratus*, cui aurea fila vel acu, vel texendo addita. Vide ad versum 319.

311. In instrumentis luxuriæ erant *umbracula*. *σκιᾶδία*, vela auro texta, quibus ope virgarum obtentis, æstus solis arcebat. Art. Amat. II, 209 : « Ipse tene distenta suis um- » bracula virgis, » quia plerumque, ut *stabella*, ab eunuchis aut famulis gestabantur. Claudian. XVIII, 464. Olim male edebatur *tepidos soles*. Contra *teporem* non opus est umbraculis. Et Claudian. VIII, 340, ubi nostrum loc. respexit, « neu defen- » sura calorem Aurea summoveant » rapidos umbracula soles. » Et *rapidus* sol sæpe legitur, quia *rapidus* epitheton ignis. — *Pellebant*. Horatius, II, Od. xv, 19, *ictus fervidos excludere*.

313. *Tmoli vineta*, quæ etiam VI Metam. 15, memorantur, et satis celebrata erant, bene *nemus Bacchi* dicuntur per appositionem. Recte igitur Burmannus hanc Farnesiani cod. lectionem recepit pro vulg. *Jam Bacchi nemus et Tmoli* etc. Heinsius ductu MSS quorundam conjicit *Jam Bacchea, nemus Tmoli, vine- ta*. — *Equus* singularis (rarius currus, vid. Heynium ad Tibul. I, ix,

Antra subit, tophis laqueataque pumice vivo : 315

Garrulus in primo limine rivus erat.

Dumque parant epulas potandaque vina ministri ,

Cultibus Alciden instruit illa suis.

Dat tenues tunicas, Gætulo murice tinctas :

Dat teretem zonam, qua modo cincta fuit. 320

Ventre minor zona est : tunicarum vincla relaxat,

Ut possit vastas exseruisse manus :

Fregerat armillas non illa ad brachia factas :

62, ) dabatur, *fuscus* Hespero, candidus Lucifero.—Pro et fusco Mitscherl. e conject. Burmanni, ut *fusco roscidus*, quia illo tempore rores cadunt. Virgilius, G. I, 288, etiam de Lucifero, *terras irrorat Eous*.

315. *Antrum* illud, ut e sqq apparet, satis instructum erat mensis, toris etc. — *Tophos* et *pumicem* antris sæpe dant poetæ. Vide ad III Met. 159. — *Laqueata* (VIII Met. 563, *lacunata*) melius quam, induta aut structa. Sumta enim sunt a tectis beatorum hominum, quæ a variis ornamentis suis *lacunaria* et *laquearia* dicta. Taubner. revocavit antiquiorem lect. *laqueata et*, quam Heinsius decem vett. MSS auctoritate expulit. — *Garrulus* bene de rivo indesinenter strepente.

318. *Instruit*, quod Heinsius e vestustioribus plurimis exhibuit, elegantius quam alterum, *induit*. Etiam apud Cic. *instruere* et *instructus* de ornatu orationis leguntur. Cæterum Tertulian. de pallio, p. 226, de hac cultus permutatione: «Tantum Lydiæ clanculariæ licuit, ut Herculeles in Omphale, et Omphale in Hercule prostitueretur.»

319. *Tenuium* vestium duplex genus apud vett. quorum unum ex arborum quarundam apud Seres la-

nugine texebatur: quæ Serum texta densiora Romanæ mulieres soluta denuo texebant: alterum bombycinum erat, e vermium filis textum; Plinius, Hist. Nat. VI, 20; XI, 26. In his erant vestes *Coæ*, quas Tibullus, II, III, 53, ita describit: «vestes tenues, quas femina Coa» Texuit, auratas disposuitque vias,» id est subtemine aureo. Tale subtemen etiam Omphalæ vestis habuisse e versu 310 videtur. — Itaque stamina tantum erant *Gætulo murice tincta*; quæ verba etiam Horat. II, Ep. II, 187, leguntur. — *Gætulia*, pars Africæ interioris sæpe pro tota Africa ponitur; Plinius, VIII, 16. — *Zonis* non solæ virgines, sed et nuptæ erant cinctæ. — *Vincla*, laquei ad foramina, per quæ manus exserebantur. Unus MS *claustra*, quod non damnat Burmannus quia seq. *vincla*; sed vide ad I, 245. Et *claustra* eo sensu forte paulo durius dictum foret. Nec scio, an *claustra* æque bene, ac *vincla*, *relaxari* dicuntur. — *Vastas* pro *magnas* e Pomponii Læti libro, et duobus Farn. qui sic pro diversa lect. dedit Heinsius, et bene convenit moli corporis Herculei. — Infinitivus *exseruisse*, ut apud Hor. A. P. 328, *poteras dixisse*. — *Ad brachia factas*, aptas brachiis.

Stringebant magnos vincula parva pedes :

Ipsa capit clavamque gravem , spoliumque leonis , 325

Conditaque in pharetra tela minora sua.

Sic epulis functi , sic dant sua corpora somno ,

Et positis juxta secubuere toris.

Causa : repertori vitis pia sacra parabant ,

Quæ facerent pure , quum foret orta dies. 330

Noctis erat medium : quid non amor improbus audet ?

Roscida per tenebras Faunus ad antra venit ;

Utque videt somno comites vinoque solutos ,

Spem capit in dominis esse soporis idem.

Intrat , et huc illuc temerarius errat adulter , 335

324. *Stringebant* e Francofurt. et quinque aliis MSS dederunt Heinsius et Burmannus. Vulgo *scindebant*. Petav. unus, *cingebant*, quod haud dubie ex *stringebant* ortum. Sensus patet ; utrum autem verbum præferas , dubites. Taubnero *scindebant* cum præcedentibus magis convenire videbatur. Forsan lectio antiqua vera est , quæ se etiam Krebsio probavit , *scindebant magnos pedes*. — Et molestiam creant *tela minora*. Ulitius suaserat , *minore*, quod Taubnero placebat , ut Omphalæ pharetra minor fuisse dicatur pro modo et mensura telorum Herculeorum. Verum quis credat, etiam Omphalen , tamquam Dianam, gestasse pharetram , aut , si gestasset , sola tela sine pharetra permutasse ? Heinsius monet , *tela minora* opponi *clavæ*, quæ telum gravius. Num hoc vult poeta : Herculem eo die de telis suis sumsisse *minora*, eaque condidisse in pharetra *sua*, illis telis minoribus congrua ? Quamquam nec hoc placet. Vult enim poeta cultum ab Omphalæ natura quam maxime abhorrentum describere.

327. *Sic*, mutato cultu. Repetit hoc, quia inde pendebat fraus, quæ jam narratur. — *Secubare* verb. proprium de iis, qui sacra facturi seorsim cubant et a Venere abstinent. Tibul. I, III, 26. « Quidve, pie dum » sacra colis, pureque lavari Te, me » mini, et puro secubuisse toro ? » Propert. II, 24, init. Noster Amorum III, 10, init. Non autem semper Hercules et Omphale tam caste secubuisse videntur ; hæc enim ex illo filium peperit. Apollod. II, VII, 8 ; Diodor. Sic. IV, 31. — *Pia sacra*, ut *pia tura*, *pium far* etc. Recte sic Heinsius e Zulich. Mazar. Voss. et aliis nonnullis edidit , quum antea *quia* vulgaretur. — *Pure*, sic, ut abstinuissent a Venere.

333. *Comites* seu famuli, cubabant ante antrum. Vide vers. 351. — *Solutos*. Alii *sepultos*, alii *græatos*, aut *sopitos*, aut *jacentes*, quæ omnia bene de dormientibus dicuntur. Plurimi tamen præferunt *solutos*. Somnus *solvit* membra ante intenta, *ὑπνος λυσίμελές*. — *Adulter*, amator , ut vers. 356, vocatur. Et sic sæpe apud poetas ; Horat. III, Od. xvi ,



Et præfert cautas subsequiturque manus.

Venerat ad strati captata cubilia lecti,

Et prima felix sorte futurus erat.

Ut tetigit fulvi setis hirsuta leonis

Vellera, pertimuit, sustinuitque manum; 340

Attonitusque metu rediit: ut sæpe viator

Turbatum viso rettulit angue pedem.

Inde tori, qui junctus erat, velamina tangit

Mollia, mendaci decipiturque nota.

Adscendit, spondaque sibi propiore recumbit; 345

Et rigido cornu durius inguen erat.

Interea tunicas ora subducit ab ima:

Horrebant densis aspera crura pilis.

Cætera tentantem cubito Tirynthius heros

Reppulit: e summo decidit ille toro. 350

Fit sonus: inclamat comites, et lumina poscit

Mæonis: illatis ignibus acta patent.

4, Danaen *excubia* munierant satis *Nocturnis ab adulteris*. — Ingeniose *Et præfert* etc. X Met. 455, puella altera manu *cæcum iter explorat*.

337. *Captata*. MS Mazar. *tractata*, quod Taubnero valde placet. Est quidem *tractare* pr. manibus contingere; sed h. l. *captata*, palpando reperta, melius convenit; Heroid. XXI, 200, « tecto simulatur lumine somnus »; *Captantem tactus rejicioque » manum*; » XI Met. 768, *captatam* puellam adspicit. Et sic sæpe apud Ovid. — *Prima sors*, id, in quod primum incidit. — *Felix*, compos voti. — *Sustinuit*, retinuit, retraxit.

341. Heinsius *sæpe* in *sepe* mutari volebat, viso in *sepibus* angue; nisi quis *vepre* malit; nam in vepribus angues esse frequentissimos. Taubn. scripturam *sæpe* eodem sensu capien-

bat. Mihi vero perfect. *retulit* adverb. *sæpe* poscere videtur. Adde, quod *sæpe* possim in similitudinibus adhibetur. — *Referro pedem* de refugiente sic et Phædr. fab. II, 1. — *Ut*; olim *ceu*, quod Taubn. tuetur.

345. *Sponda propior*, ea pars spondæ, quæ ei propior; Horat. Epod. III, 22, *Extrema et in sponda cubet*. Pars ad parietem versa *sponda interior*, altera *exterior* sive *prior* dicebatur. In hac viri cubabant. Vide Neapol. — *Ora*, extrema pars vestis, erat vel *summa* aut *suprema* in pectore (III Metam. 480), vel *ima* ad crura. — A summa ora *deducitur* vestis, ab ima *subducitur*. — *Horre* de rebus non lævibus. Sic *horre* *squamis*, *glebis*, *cautionis*. — *Tentare*, attingere velle.

351. Servi, ad fores cubiculi vel



Ille gemit lecto graviter dejectus ab alto,  
 Membraque de dura vix sua tollit humo.

Ridet et Alcides, et qui videre jacentem : 355

Ridet amatorem Lyda puella suum.  
 Veste Deus lusus, fallentes lumina vestes  
 Non amat; et nudos ad sua sacra vocat.

Adde peregrinæ causam, mea Musa, Latinani;

Inque suo noster pulvere currat equus. 360

Cornipedi Fauno cæsa de more capella,  
 Venit ad exiguas turba vocata dapes;

Dumque sacerdotes verubus transsuta salignis

Exta parant, medias sole tenente vias,  
 Romulus et frater, pastoralisque juvenus 365

excubantes, vel dormientes, lumen alebant, quod excitati inferrent. X Metam. 473; XI, 679. Vide Drakenb. ad Sil. I, 66.—*Vix sua*, quibus vix uti potuit.

359. Quarta causa a Romulo et fratre repetita, quam non nisi rerum Romanarum studio admiscuit. — Olim ed. *peregrinis causas Latinas*. Sed primus Heinsius ex Aron- del. Mazar. Zulich. *peregrinæ* recepit; tum Burm. ex Palat. et Petav. etiam *causam Latinam*. Sane, Latinam non nisi unam causam adfert, sed *peregrinas*, i. e. e terris peregrinis petitas, tres. Si igitur *peregrinæ* retinemus, dicendum, poetam respexisse tantum ad postremam causam.—Operam suam poetæ comparant ut cum navigatione, ita et cum decursu in stadio aut Circo; IV, 10, *Major area equis nostris teritur*, majus opus molimur. Conf. et VI, 586. — Aream, in qua decurritur, nunc *pulverem* vocat.

361. Ipsa Lupercalia intel. de quibus ad vers. 267.—*Mos* est igitur ille Arcadicus, ab Evandro in Italiam

translatus. — Pro *cornipedi* Zulich. *cervipedi* habet, quod elegans videbatur Heinsio. Caprinos pedes Fauno, quando cum Pane confunde- batur, esse tributos, jam supra ad vers. 268, notavi, ( unde Simonides in Anthol. IV, p. 336, τὰ τε καρύϊνον Πᾶνα ) sed *cervinos* ei dedit nemo. Itaque *cornipedi* retinendum, et de corneis caprorum pedibus intelli- gendum. Etiam a Silio XIII, 327, extremus Panis pes *imum cornu* vocatur. — *Exiguas*, nempe unius capellæ. Victima cæsa, femora excisa et cum frustis imposita lignis cremari, et interea exta verubus infixa torreri, tostaque comedi solebant. — Postea etiam reliquæ victimæ partes in frusta concisæ verubus infigun- tur, assantur et *dapibus* apponuntur. Sed h. l. illæ partes *extorum* nomine comprehenduntur. Distinctius Liv. I, 7, « Potitii ad tempus præsto es- » sent, iisque exta apponerentur; » Pinarii, extis adesis, ad cæteram » venirent dapem. » — *Transsuta* e variis lect. placuit Heinsio, quum alii *transfixa*, vel *trajecta* præferant.

Solibus et campo corpora nuda dabant.  
 [ Cæstibus, et jaculis, et missi pondere saxi  
 Brachia per lusus experienda dabant. ]  
 Pastor ab excelso, Per devia rura juvencos,  
 Romule, prædones, eripe, dixit, agunt. 370  
 Longum erat armari : diversis exit uterque  
 Partibus : accursu præda recepta Remi.  
 Ut rediit, verubus stridentia detrahit exta,  
 Atque ait : Hæc certe non nisi victor edet.  
 Dicta facit, Fabiique simul : venit irritus illuc 375  
 Romulus, et mensas ossaque nuda videt.  
 Risit ; et indoluit Fabios potuisse Remumque  
 Vincere ; Quinctilios non potuisse suos.  
 Fama manet facti : posito velamine currunt,  
 Et memorem famam, quod bene cessit, habet. 380

366. *Campo corpora nuda dabant*, nudi erant in campo.—Mox, *experienda dabant*, experiebantur. Ibi Taubner. primam verbi notionem urgens, explicat, alter alteri copiam faciebat experiendi brachia.—*Cæstibus* Heinsio non placet, quia *cæstus* Romanis non in usu. Itaque e MSS Voss. Mazar. Zulich. et tribus aliis præfert *vectibus* ; *vectes* enim, scilicet *sudes*, militare erant exercitium, quod adeo poeta facile ad pastores illos antiquos transferre potuit. Ita Cn. Pompeius *cum validis vecte certabat*. Eamdem lect. haud dubie dare volebant et alii, qui *vestibus* habent. Etiam Silius, I, 321, *sudes, jacula, saxa* sic conjungit. Cæterum hoc totum distichon, quod tres cod. non agnoscunt, spurium haud dubie est, et ex superiori conflatum ; quod et Heinsius suspicatus est. Itaque uncis inclusi, quod et Mitscherl. fecisse video.—Jam disputant, utrum *eri-*

*pe*, an *et*, *Reme* legendum sit. Illud debemus Heinsio qui ex Arondel. Voss. Mazar. et uno Vatic. recepit, ideo etiam, quia *eripe*, sic interpositum, animum consternati, ac præsentissimam opem urgentis egregie prodat. Non male. Taubnerus vero tuetur vulg. quia et Remus avolavit, ejusque accursu præda recepta est. Quod argumentum mihi non admodum grave videtur. Satis erat a pastore consternato unum evocari. — Pastor autem ille in *excelso*, ut in specula, collocatus erat. — *Agere* pecora, proprie de prædonibus illa abigentibus. Inde formula *agere atque ferre*, ἄγειν καὶ φέρειν. — *Partibus*, regionibus.—*Accursu*, impetu, Male vulgo *occurru*.

375. *Fabius* et *Quinctilias* præfecti comitibus Remi et Romuli inde ipsi comites *Fabii* et *Quinctilii* dicti. Vide Perizon. Animadv. Hist. p. 201. — *Quod bene cessit* bene se habet ; nec

Forsitan et quæras, cur sit locus ille Lupercal;

Quæve diem tali nomine causa notet.

Ilia Vestalis cælestia semina partu

Ediderat, patruo regna tenente suo.

Is jubet auferri pueros, et in amne necari.

385

Quid facis? ex istis Romulus alter erit.

Jussa recusantes peragunt lacrymosa ministri;

Flent tamen, et geminos in loca jussa ferunt.

Albula, quem Tibrin mersus Tiberinus in unda

Reddidit, hibernis forte tumebat aquis.

390

erat, cur Heinsius conjiceret *quis bene cessit*. Olim edeb. *qui bene gessit*. Alii, *quod bene gessit*.

381. De origine voc. *Lupercal*. Hic usque ad vers. 422, narrat, quomodo Romulus cum fratre natus, expositus, servatus atque educatus sit: quæ repetuntur III, 11—54. Secundum Dionys. I, 32, Evander, Pani Lycæo sacra in Italia facturus, locum reperit idoneum, quem καλοῦσι Ρωμαιοὶ λουπεργάλιον, ἡμῖς δ' αὖ εἰπομεν λυκαῖον. Hæc duo enim eodem redeunt. Plutarchus, Quæst. Rom. pag. 131. Reisk. Λύκος μὲν ὁ λουπὸς ἴστί, καὶ Λύκαια τὰ λουπεργάλια. Noster igitur temere ab hoc nomine occasionem capit, Romuli fratrisque nativitatem et reliquam sortem narrandi. Sequitur autem vulgarem traditionem, quam primus Diocles Peparethus ediderat, quamque inde Q. Fabius Pictor, Cincius, Porcius Cato et alii amplexi erant. Plutarch. Rom. 3; Dionys. I, 79. — Pro *Ilia* vulgo *Silvia*, æque recte. Plutarch. d. l. Τάυτην οὐ μὲν Ἰλίαν, οὐ δὲ Ρῖον, οὐ δὲ Σιλουῖαν ὀνομάζουσι. Sæpe *Rhea Silvia* conjunctum legitur. Sed Heinsius ex Voss. et sex aliis *Ilia* prætulit, quia poetæ eam sic appellare amant.

385. *Pueros* e quibusdam MSS jam Naugerius notavit. Quum idem voc. in quatuor Heinsii cod. exstaret, receptum est a Burm. qui observat, *parvos* (quæ est altera lectio) recentiores ut substantivo pro pueris usos esse, veteres ut adjectivo, adjuncto nomine alio. Mitscherl. tamen retinuit *parvos*. — *Romuli* nomen hic cum emphasi positum, conditor ille maximi secundum Deorum opes imperii. — *Recusantes* Burm. in *reluctantes* aut *repugnantes* mutari vult, quia illi recusasse aperte non videantur. At *recusantes* possunt tergiversantes, inviti intelligi. — *Lacrymosa*, ut apud Horat. *lacrymosum bellum*. — *Et geminos*. Heinsius suadet, ut *geminos*.

389. Liv. I, 3: « Tiberinus, qui in » trajectu Albulæ amnis submersus, » celebre ad posteros nomen flui » mini dedit. » — Ex *hibernis aquis* Neap. conjicit, pueros illos hiemali tempore in lucem esse editos. Confer ad vers. 206. Verum *hibernas* aut *hiemales* aquas poetæ etiam memorant, quum copiosas et rapidas dicere volunt. Vide ad IX Metam. 105. Dionys. ex Q. Fabio Pictore narrat, Tiberim ripas esse egressum ἐπὶ Χειμώνων συνελθόν, a tempestatibus con-



Hic, ubi nunc fora sunt, lintres errare videres;

Quaque jacent valles, maxime Circe, tuæ.

Huc ubi venerunt, nec jam procedere possunt

Longius, ex illis unus, an alter, ait:

At quam sunt similes! at quam formosus uterque! 395

Plus tamen ex illis iste vigoris habet.

Si genus arguitur vultu, ni fallit imago,

Nescio quem vobis suspicor esse Deum.

At si quis vestræ Deus esset originis auctor,

In tam præcipiti tempore ferret opem; 400

Ferret opem certe, si non ope mater egeret:

Quæ facta est uno mater et orba die.

Nata simul, peritura simul, simul ite sub undas

Corpora. Desierat; deposuitque sinu.

tinuis; nam *χαῖνός* Græcis et tempestas est. Itaque et Varro, poetarum aut Græcorum sermone inductus, potuit scribere: « Ad ficum Rumi- » nalem hi inventi, quo aqua hi- » berna Tiberis eos detulerat in al- » veolo expositos. »

391. Secundum Q. Fabium Pic-  
torem apud Dionys. illi de Pallantii  
vertice descenderunt ad aquam pro-  
ximam, collis radices alluentem. —  
*Circo maximo tribuit valles*; in lon-  
gitudinem enim patebat tria stadia  
cum dimidio, in latitudinem unum  
stadium. Illud spatium extensum de-  
super spectantibus *vallis* esse vide-  
batur. — *Jacere* de locis depressis di-  
citur; II Met. 179, Phaeton despicit  
ad æthere *terras penitus jacentes*; ib.  
VIII, 750, sub silva *jacet herba*.

393. Sermo seq. ingeniose fictus  
est ab Ovidio, et accommodate tam  
rebus præsentibus, quam naturæ  
commiserantium. Heinsius mallet,  
*Huc ubi perventum est*, quia unus  
Farnes. *ubi nunc ventum est*. — Qui-

dam scripserunt, *unus et alter*, quia  
ignorarunt alterum, quod Arond. et  
Mazar. præferunt, bene dici, quod  
Heinsius exemplis docet. — *At nunc*  
est vox admirantis. Plane sic X Me-  
tam. 631, « At quam virgineus pue-  
rili vultus in ore! » — *Iste* positum  
*διαπεινώς*. — *Arguitur* bono sensu, in-  
dicatur, proditur. IV Trist. 111, 80,  
*Apparet virtus, arguiturque malis re-*  
*buis*. — *Ni*. Heinsius sine causa vole-  
bat *nec*. — *Mox quem vobis deditidem*  
e Politiani Excerptis et tribus aliis,  
ut intel. esse auctorem. Quæ tamen  
ellipsis paulo durior mihi videtur.  
Vulgo ed. *a vobis*. Mazar. et duo  
alli, *in vobis*, quod Modius Novant.  
Lect. 63, probat. Francius conjicit  
*nescio quem patrem*. — *Tres, suspi-*  
*cor*, ut pendeat a voc. *nescio*. Fuisse  
autem in Romulo et Remo aliquid  
augusti, unde divina eorum origo  
agnosceretur, ex hymnis veterum  
Romanorum referebat Q. Fabius:  
vide Dionys. d. l.

400. *Præceps*, periculosum. — *Cor*.



Vagierunt clamore pari : sentire putares.

405

Hi redeunt udis in sua tecta genis.

Sustinet impositos summa cavus alveus unda :

Heu ! quantum fati parva tabella vehit !

Alveus in limo , silvis appulsus opacis ,

Paulatim , fluvio deficiente , sedet.

410

Arbor erat : remanent vestigia : quæque vocatur

Rumina nunc ficus , Romula ficus erat.

*pora*. Patav. *pignora*, quod venustum judicat Heins. Respectu parentum liberi sane dicuntur *pignora*, sed talis respectus hic nullus est. *Corpora* contra sic bene dicitur de hominibus. Tacit. An. IV, 72, « *Corpora* conjugum aut liberorum seruitio tradebant. » Virg. *Æn.* IX, 272, « lectissima matrum corpora. » De his ipsis pueris mox vers. 418, *corpora bina*. — *Vagierunt* etc. Confer XI Heroid. 85.

407. *Alveus*, quidquid in formam semicircularem excavatum est. Itaque *cavus* abesse quidem posset; sed poeta eo causam diserte exprimere voluit, cur aqua sustinuerit impositos. Strothio ad Liv. I, 4, parum verosimile videtur, pueros in alveo esse impositos aquæ, quum nudi in eam abjici potuissent. Ego vero in hoc non hæserim. Quidni pueros in alveo portarint? quidni eos sic, ut portarant, aquæ imposuerint? — *Quantum fati*, quanti regni conditorem ex fato futurum. Liv. I, 4, « Dehebatur fati tantæ origo urbis. » In verbis *quantum fati* et *parva tabella* præclara est oppositio, quemadmodum *vehit* bene convenit τῇ *sustinet*. Male igitur Heinsius, quum quidam *curva tabella* præferant, *curta* mavult, tum ex altero Mazar. uno Medic. Helmst. *tabella fuit*. Cæterum hanc rem omnem copiosius

persequitur Q. Fabius Pictor apud Dionys. — *In limo sedet*. Liv. II, 5, « in vadis frumenti acervos sedisse illitos limo. » — Pro *appulsus* octo MSS *impulsus*, quod Lenzius prætulit, quia hoc verbo magna vis indicetur, qua fluctus alveum limo impeerint. At ut alveolus paulatim in limo sedeat, non opus est vehementiore impulsu aquarum; neque in lenibus stagnis egressi fluminis (Liv. I, 4), fluctus esse poterant commoti. Immo fluitantem aliquamdiu alveum tandem tenuis aqua in sicco destituit. Sic Livius, idemque voluit et Ovidius. — In tribus nostris Regiis legitur *appulsus*. Bene. *Ed.*

411. Liv. I, 4, « in proxima alluvie, ubi nunc ficus Ruminalis est » (Romularem vocatam ferunt.) » Plutarch. Vit. Rom. 4, plures nominis causas adfert; maxime probat διὰ τὸν τῶν βρεφῶν θηλασμόν ὅτι τὴν τε θηλὴν ῥούμον ἀνύμαζον οἱ παλαιοί. Conf. idem Quæst. Rom. tom. VII, pag. 125. Festus: « Mamma autem » rumis dicitur, sive ruma. » Itaque putem, *Ruminam* fuisse nomen antiquum, quia *ruma* non nisi antiquis usitatum. — *De ficu* vid. Varro de Ling. Lat. IV, p. 16. In memoriam ejus alia sata est et culta in Comitio Romano, quæ aruit sub Nerone. Plinius, XV, 20, ibique Harduin. Tacit. An. XIII, 58.

Venit ad expositos, mirum, lupa fœta gemellos.

Quis credat pueris non nocuisse feram?

Non nocuisse parum est: prodest quoque: quos lupa nutrit,

Perdere cognatæ sustinuere manus. 416

Constitit, et cauda teneris blanditur alumnis,

Et fingit lingua corpora bina sua.

Marte satos scires; timor abfuit, ubera ducunt;

Nec sibi promissi lactis aluntur ope. 420

Illa loco nomen fecit: locus ipse Lupercis.

413. *Fœta*, enixa. Dionys. νιστό-  
κους σπεργῶσα τοὺς μακτοὺς ὑπὸ γάλα-  
κτος.—*Perdere*, cujus loco Heins. ex  
Thuan. et altero Petav. *prodere* re-  
posuerat, revocavi. Nihil frequen-  
tius confusione horum duorum ver-  
borum. Hoc loco, *perdere* melius  
convenit; nam *prodere* est vel dese-  
rere, vel permittere, ut quis rem  
male tractet, ea abutatur. Amulius  
autem non permisit talia; ipse jus-  
sit, atque adeo pueros *perdere* vo-  
luit. — *Blanditur cauda* non bene  
versum, *streichelte mit dem Schwanze*  
*die zarten Kinder*. Immo, mota cau-  
da, more canum, amorem ostendit.  
— *Pro fingit* multi MSS *lingit et lam-*  
*bit*, quæ et Int. quibusdam placuere.  
Taubner. ait, se præter *καταφρονέειν*  
nullam causam videre, cur *lingit*  
improbetur. Immo et plebeium est  
verbum. *Fingere* lingua habet et Vir-  
gilius, *Æn.* VIII, 631, de hac ea-  
dem re, « Geminos huic ubera cir-  
» cum Ludere pendentes pueros, et  
» lambere matrem Impavidos: illam  
» tereti cervice reflexam Mulcere  
» alternos, et corpora fingere lin-  
» gua. » Ibi Servius explicat, ter-  
gere, et addit: « Sed tamen et for-  
» mare aliquid, et ad integram fa-  
» ciem arte perducere, significat. »  
Posteriore sensu XV Metam. 380,

de ursa, « Lambendo mater in ar-  
» tus fingit. » Sed nunc priore sensu  
capiendum, tergere. Infra V, 409:  
*Ille manus ægras manibus fingeat*  
*amicis*. Plura exempla habet Hein-  
sius ad Heroid. XX, 134. Lingua  
lambit pueros etiam apud Livium,  
et in monumentis antiquis. Fabius  
Pictor narraverat, eam cœnum, quo  
pueri repleti, lambendo abstersisse.  
— Exempla ab Heinsio allata vide  
ad loc. cit. tom. I, p. 372 et 373. *Ed.*

419. *Marti* lupi sacri. Inde *Martii*  
et *Martiales* dicti; *Æneid.* IX, 566;  
Horat. I, Od. xvii, 9. Hinc fluxit  
et hoc, *Marte satos scires*, quod dic-  
tum, ut Metam. 162, *scires e san-*  
*guine natos*. — *Ducere ubera* bona lo-  
cutio, quod Heins. docet. Alii minus  
bene, *sugunt*. — *Elegantius etiam est*  
*promissi*, destinati a natura, quod  
Burm. ex Francof. Voss. et ex aliis  
recepit, quam vulgare, *promissa*. —  
*Illa loco* etc. Etiam Plutarch. Vit.  
Rom. 21, *δύναται γὰρ ἀπὸ τῆς λευκαίνης*  
*γενεῖναι γ' αἰνῶμα*. Καὶ γὰρ ἀρχομένους  
τῆς περιδερμῆς τοὺς Λευκαίτους ἰρώμετο  
ἰντῆθεν, ὅπου τὸν Ρωμῆου ἱκτιθῆναι  
λέγουσιν. Conf. ad vers. 279. — *Pro*  
*Lupercis* multi *Lupercal*; Heins. vo-  
lebat, *locus inde Lupercal*. Alterum  
melius, quamquam non exacte res-  
pondet iis, quæ vera, 381 sq. propo-

Magna dati nutrix præmia lactis habet.

Quid vetat Arcadio dictos a monte Lupercos?

Faunus in Arcadia templa Lycæus habet.

Nupta, quid exspectas? non tu pollentibus herbis, 425

Nec prece, nec magico carmine mater eris.

Excipe secundæ patienter verbera dextræ:

Jam socer optati nomen habebit avi.

Nam fuit illa dies, dura quum sorte maritæ

Reddebant uteri pignora rara sui. 430

Quid mihi, clamabat, prodest rapuisse Sabinas?

Romulus; hoc illo sceptrâ tenente fuit;

Si mea non virēs, sed bellum injuria fecit:

Utilius fuerat non habuisse nurus.

Monte sub Esquilio, multis incæduus annis, 435

sita sunt. — *Magna præmia*, nempe quod a lupa loco nomen inditum.

423. *Alia causa*, eaque verior. Vid. ad vers. 381. *Sensus*: Quid vetat credere, Lupercos nomen a Lycæo, monte Arcadiæ, accepisse? — *Lycæus*, si latine reddas, est Luperus, *Lycæa* sunt Lupercalia. Virgil. *Æn.* VIII, 343, « gelida monstrat » sub rupe Lupercal, Parrhasio dictum Panos de more Lycæi. » Confer Justin. XLIII, 1, 7. Male Burmannus hic et alibi edidit *Lycæus*. Est græc. Λύκακος. Sic et ὄρος Λύκακτον. — Heinsius suadet pro *dictos* legere *ductos*, h. e. eos originem trahere ex Arcadia. At nunc sermo est de causa nominis. — De *templis* illis vide ad versum 271.

425. Ritus cujusdam ab Evandro non inducti origo. Luperi nempe currentes, pellibus victimarum sectis cædebant mulieres obvias, quo facilius conciperent. Conf. Plutarch. Vit. Rom. 21. — *Magæ* cum herbis conjungebant *carmina* atque *preces*

ad Hecaten et Tellurem. VII Metam. 194, Medea: « Tuque triceps » Hecate, quæ... cantusque artesque » magarum, Quæque magas, Tellus, pollentibus instruis herbis. » IV Metam. 49, Nais *cantu nimiumque potentibus herbis* juvenes mutat in pisces. Vide et not. ad X, 397. — *Jam socer* etc. jam concipies et paries. Conf. vers. 448. — *Optati*, quod Heinsius ex Mazar. recepit, magis poeticum, quam vulgare *optatum*. Simillima varietas vers. 420 et 497, ubi vide not.

429. Illo tempore tam maligna erat nuptarum natura, ut raro liberos eniterentur. Sabinarum raptus sæpe *injuriæ* nomine notatur. Liv. I, 13: « Sabinæ mulieres, quarum » ex injuria bellum ortum. » — *Vireres*, multitudinem civium. — *Nurus*, mulieres. — Sex MSS et pr. Ed. *non rapuisse*, quod Dan. Heins. placebat.

435. *Lucas Junonis* Lucinæ memoratur et a Varrone de L. L. d. I. — *Incæduus*; sylvas sacras cedere



Junonis magnæ nomine lucus erat.  
 Huc ubi venerunt, pariter nuptæque virique  
 Suppliciter posito procubuere genu :  
 Quum subito motæ tremuere cacumina silvæ,  
 Et Dea per lucos mira locuta suos :  
 Italidas matres, inquit, caper hirtus inito.  
 Obstupuit dubio territa turba sono.  
 Augur erat : nomen longis intercidit annis ;  
 Nuper ab Etrusca venerat exsul humo.  
 Ille caprum mactat : jussæ sua terga maritæ  
 Pellibus exsectis percutienda dabant.  
 Luna resumebat decimo nova cornua motu ;  
 Virque pater subito, nuptaque mater erat.  
 Gratia Lucinæ : dedit hæc tibi nomina lucus,

440

445

nefas erat. III Metam. 28 : « Sylva  
 » vetus stabat, nulla violata securi. »  
 A Plinio, V, Epist. vi, 7, *Nemora  
 antiqua et sylvæ cædæ* sibi oppon.  
 — *Tremore* tali Dii et indignationem,  
 et favorem suum significabant. III,  
 XLVII ; IX Metam. 782, ubi vid. not.

441. *Italidas*. Sic II ex Ponto, III,  
 84, *Italīs ora* ; Virgil. *Æn.* XI, 656,  
 Larina et Turna *Italides*. Multi ta-  
 men h. l. ex melioribus *Italias*. Far-  
 nes. *Etalides*. Inde Heinsius conj.  
*Æbalidas*, ut III, 230, *Æbalides*  
*matres*, ubi quatuor MSS *Italides*.  
 Hoc loco Regii codices A et B ha-  
 bent *Italidas* ; C *Italides* ; et III,  
 230, A et B *Æbaliæ* ; at C *Æbalidæ*.  
 Ed. — Mox *capram hirtum* debemus  
 Heinsio, qui eum accepit a Mazar.  
 duobus Vatic. et Strozze libro ; nam  
 cæteri exhibent, *sacer hircus*. — *Ca-*  
*per* quum castratum hircum signifi-  
 cet, a quo iniri mulieres non pote-  
 rant, monitum Junonis ex hac lec-  
 tione tanto majorem *obstupescendi*  
 causam præbebat, tantoque magis

*dubium sonum*, ambigua verba, red-  
 debat. Et mox *caper* mactatur. — *In-*  
*tercidit* eleganter, non pervenit ad  
 nostra tempora. — *Etruria* sedes ar-  
 tis auguralis. Liv. I, 34 : « Tanaquil  
 » perita, ut vulgo Etrusci, cœles-  
 » tium prodigiorum mulier, » et I,  
 56, « quum ad publica prodigia  
 » Etrusci tantum vates adhiberen-  
 » tur. » Cf. Cic. Legg. II, 9. — *Ex-*  
*sectis*, in lora sectis. Supra vs. 31,  
*secta pelle*.

447. *Moveri* etiam pro accrescere  
 dici, atque adeo *motu* bene se ha-  
 bere, quum alii *cursa* aut *mense* præ-  
 ferant, docet Gronov. Obs. III, 1,  
 p. 336. Alibi Nostro formula *implere*  
 aut *replere orbem* in hac re solemn-  
 is ; vs. 175 ; III, 121. Vide ad II Me-  
 tam. 455. — De Junone *Lucina* cf.  
 III, 255. — *Nomina lucus*. Sic et Plin.  
 XVI, 85. Alteram etymologiam am-  
 plexus est Plutarch. Quæst. Roman.  
 p. 139 : Δουκίαν Ἥραν καλοῦσιν, οἷον  
 γαίαν, ἢ φωτεινότητα. Totum autem  
 figmentum inde explicat, quod sub



Aut quia principium tu, Dea, lucis habes.

450

Parce, precor, gravidis, facilis Lucina, puellis;

Maturumque utero molliter effer onus.

ORTA dies fuerit: tu desine credere ventis;

Perdidit illius temporis aura fidem.

Flamina non constant: et sex reserata diebus

455

Carceris Æolii janua laxa patet.

JAM levis obliqua subsidit Aquarius urna;

Proximus ætherios excipe, Piscis, equos.

Te memorant, fratremque tuum, nam juncta micatis

Signa, duos tergo sustinuisse Deos.

460

Terribilem quondam fugiens Typhona Dione,

Tunc quum pro cælo Jupiter arma tulit,

Venit ad Euphratem comitata Cupidine parvo,

plenilunium mulieres facillime prolem eniti crederentur. — *Puellæ*, nuptæ.

453. *Ventorum inconstantia* inde ab eodem die, quo Lupercalia. Plinius, H. N. XVIII, 65: XIV Kal. Martii triduum varie, scil. varia tempestas. — Libri tres veteres *prodidit fidem*, quod Heinsio non minus elegans videbatur. Ego præfero alterum. *Prodere fidem* est, non servare fidem datam. Qui id sæpius facit, is *perdit fidem*, non amplius ei *creditur*; quæ notio h. l. optime convenit. — *Carcer Æolius*, antrum in quo venti, Æolo imperante, inclusi, et in quod, tamquam in carcerem, a Jove damnati sunt. Ovidius, IV Metam. 662: « Clauserat Hippotades æterno carcere ventos, » ubi vide not.—*Laxa pro lata* ex uno Ambros. et Gottorph. Heinsius dedit. Vide Bentl. ad Horatium Art. Poet. 209. — *Reserata patet*, plenius quam, *patet*.

457-474. *Aquarii occasus et Solis*

*ingressus in Piscium signum, ejus signi origo narratur.* — *Levis*, quia aquarius juvenis, I, 652. — *Urnâ* tenet *obliquam*, ut aqua inde effluere possit. — *Pisces duo junguntur* nodo illo, qui σύνδεσμος τῶν ἰχθύων vocatur, et, quia totius sphaeræ esse videbatur, ab Arato σύνδεσμος ἰσχυράτος, a Cic. *nodus cælestis*. Hygin. P. A. III, 29. De nominibus eorum vide III, 402. Fabulam seq. Hygin. P. A. II, 30, ex Diogeneta Erythræo similiter refert. Aliter narrat Schol. Germanic. p. 112.

461. De *Typhone* scil. *Typhæo* gigante vid. III Metam. 303; V, 321 sqq, ubi emissus ima de sede terræ cunctos Deos in fugam vertit, et, quum in Ægyptum usque eos persecutus esset, effecit, ut variarum animantium figuras sumerent, Venus pisce lateret. — *Pro cælo*. Gigantes enim affectabant cæleste regnum. — *Euphrates* vocatur *Palæstina aqua*, quia Syriam alluit, cujus pars olim Palæstina. Hygin. d. l. « in Syriam

Inque Palæstinæ margine sedit aquæ.

Populus et cannæ riparum summa tenebant ,

465

Spemque dabant salices, hos quoque posse tegi.

Dum latet, intonuit vento nemus : illa timore

Pallet, et hostiles credit adesse manus.

Utque sinu natum tenuit, Succurrite Nymphæ ,

Et Dîs auxilium ferte duobus , ait.

470

Nec mora, prosiluit; Pisces subiere gemelli :

Pro quo nunc, cernis, sidera munus habent.

Inde nefas ducunt genus hoc imponere mensis ,

Nec violant timidi piscibus ora Syri.

PROXIMA lux vacua est : at tertia dicta Quirino ;

475

» ad flumen Euphratem venit. »  
Ovidio IV Metam. 46, *Palæstini*  
sunt Syri.

466. *Hos quoque*. Hæc verba plures Intt. offenderunt; et parum placent. Heins. conj. *his quoque* vel *hic*, quia in uno Vatic. *hoc*, in quatuor aliis *se*. Burm. ipalit *his* vel *sic* i. e. Venerem inter salices, licet humiles essent, et summa tantum tenerent riparum, tamen posse latere. Idem conj. *os quoque*, non tantum inferioris corporis partes, sed et caput.—*Tegi* autem monet dictum esse, ut Liv. XXI, 54 : « Locus equiti » quoque tegendo satis latebrosus. » — *Intonuit*, id quod *insonuit*, quod alii MSS exhibent et prætulit Mitscherl. Eadem varietas, XI Metam. 161, atque alibi. Boreas, VI Metam. 695, de se et fratribus, *nostris concursibus intonat æther*. Sed III Trist. x, 45, *Boreas jactatis insonat alis*. — Hoc loco Regius noster C habet *intonuit*; duo alii *insonuit*; et pro *dum latet*, quidam, ut Burmannus docet, habent *dum jacet*. Ed.

468. Secundum Hygin. d. I. Typhon revera apparuit : quo facto, Ve-

nus cum filio in fluvium se projecit, ibique figuram piscium forma mutat. — *Subiere*, tergo sustinuerunt atque vexere Deos. — *Sidera*, ut sidera, inter sidera relati. Ex Voss. Arond. Mazar. et tribus aliis Hein-sius recepit *dignum sidera munus*; quamquam putat, posse et *cælum* rescribi. Verum Gronov. Obs. IV, 18, retinet vulg. *cernis*, sed signis parentheseos inclusum. Bene. Passim Ovid. alique poetæ *cernis* et *videt*, scil. ut *διτετακώς* inserunt. — *Genas hoc*, nempe animantium. — *Syros* piscium esu abstinuisse plures tradunt. Vide Neap. Etiam Hygin. d. loco : « Itaque Syros, qui his locis » sunt proximi, destituisse pisces esitare, quod vereantur eos capere, » ne simili causa aut Deorum præsidia impugnare videantur, aut eos » ipsos captare. » — Hinc vocantur *Timidi*, reverentes Deorum. — *Violare*, quia talis esus nefarius.

475–512. *Quirinalia*, post Romuli excessum instituta, et XIII Kalend. Mart. quæ die 17 Febr. celebrata. — *Vacua*, nempe sacris adeoque profesta. — *Dicta*, consecrata. — *Qui-*

Qui tenet hoc nomen, Romulus ante fuit.  
 Sive quod hasta curis priscis est dicta Sabinis,  
 Bellicus a telo venit in astra Deus,  
 Sive suum regi nomen posuere Quirites,  
 Seu quia Romanis junxerat ille Cures. 480  
 Nam pater armipotens, postquam nova mœnia vidit,  
 Multaque Romulea bella peracta manu,  
 Jupiter, inquit, habet Romana potentia vires;  
 Sanguinis officio non eget illa mei:  
 Redde patri natum : quamvis intercudit alter, 485  
 Pro se, proque Remo, qui mihi restat, erit.  
 Unus erit, quem tu tolles in cœrula cœli;  
 Tu mihi dixisti; sint rata dicta Jovis.  
 Jupiter annuerat : nutu tremefactus uterque

*rinus* dictus, ut Deus; *Romulus*, ut homo. Inde Cicero, III Offic. 10, « quod pace vel Quirini, vel Romuli » dixerim. » Apud Plutarchum, Vit. Rom. 28, in colloquio cum Julio Procuro ipse se *Quirinum* appellat. — *Hasta curis*. Festus: « Curis Sabinis est hasta : unde Romulus » Quirinus, qui eam ferebat, est dictus. » Sic et Varro, Plutarch. et alii. Inde et Sabini Martem primo *Carinum*, deinde tractu temporis *Quirinum* appellarunt. — *In astra*, in cœlum. — *Telum*, hasta. Si venit ab hasta, hastatus dici meruit; III, 186, Romulus *e stipula* in astra venisse dicitur. — *Sive... Cures*. Livius, I, 13: « Ut Sabinistamen aliquid daretur, » Quirites a Curibus appellati. » Ab initio scribebatur *Curites*. — Male ergo est in nostris Regiis tribus *Quiris priscis*; litera enim q non utebantur Sabini. *Ed.*

481. Romuli apotheosis, causa Quirinalium. Traditioni vulgari poeta de suo præmittit Martis preces pro filio

in cœlum recipiendo. — *Nam* connectit orationem cum vs. 475, et reliqua quasi per parenthesin sunt interposita. — *Habet* etc. Romana potentia satis corroborata est, neque adeo diutius filii mei officio indiget. — *Sanguis*, filius, ut V Metam. 513, Cereris *sanguis*, filia. — *Redde patri natum*, recipe natum in cœlum. Sumtum hoc a liberis humanis, qui aliquamdiu abfuerunt a domo paterna. — *Morientes dicuntur decidere*, et, si non perveniunt ad maturam ætatem, *intercidere*. — *Pro se* etc. instar duorum mihi erit. Ita apud Livium, *pro hoste*, *pro victis* esse. Vide Drak. ad III, 17. — *Cœrula cœli*, cœlum cœruleum. Ennius: « Unus » erit, quem tu tolles ad cœrula cœli » templa. » Inde accepit et Lucr. I, 1089; V, 770, *cœrula cœli* et *mundi*. Cf. et XIV Metam. 814, ubi eadem Martis preces ad Jovem pro Romulo in cœlum recipiendo.

489. Hæc ad notum illum Homeri locum II. A, 529, sqq adumbrata.

Est polus, et cæli pondera sensit Atlas.  
Est locus; antiqui Capream dixere paludem;

490

Forte tuis illic, Romule, jura dabas.  
Sol fugit; et remonent subeuntia nubila cælum:

Et gravis effusis decedit inber aquis:  
Hinc tonat, hinc missis abruptitur ignibus æther: 495

Fit fuga; rex patriis astra petebat equis.  
Luctus erat, falsæque patres in crimine cædis,

Hæsissetque animis forsitan illa fides:  
Sed Proculus longa veniebat Julius Alba;

Vide I Metam. 179. — *Cæli pondera sensit* propter concussionem cæli. Aliter, IX Metam. 272, *sensit Atlas pondus*, Herculeum cælo additum.

491. *Est locus* in campo. — Paludem et *Capræ* et *Capream* dixere. Itaque variant et auctores ipsi et librarii, ut h. l. Heinsius prætulit *Capream*, ut alibi legimus « viam Ap-  
» *piam*, Carmentem portam, aquam  
» *Marciam*: » at Plutarch. Romulo, 27, « *ἐπὶ τὸ καλούμενον ἄκρως ἢ ζυγρὸς ἔλος*. Ibi Romulus ad exercitum recensendum concionem habebat. Livius, I, 16; sed Ovidius generali illa formula usus est, *jura dare*, imperium exercere quocumque modo.

493. Liv. « Subito coorta tempestas » cum magno fragore tonitribusque » tam denso regem operuit nimbo. » Fædiorem etiam illam tempestatem Plutarchus describit. Tenebras tantum memorat Dionysius, I, 56. — *Sol fugit* non de defectu solis capiendum, ut Scaliger et cum eo *Desaintange* putabant; sed *sidera fugere* dicuntur, quum nubibus tecta obscurantur; IV Metam. 487. — *Pro et remonent* Heinsius malit, *en remov.* — *Abrumpi*, scindi, fulminibus cælum passim dicitur. Præixerat Lucretius, II, 214, « abruptis nubibus ignes

» concursant. » Virgil. *Æneid.* III, 199: « Ingeminant abruptis nubibus ignes. » Vid. Drakenb. ad *Silium*, III, 196.

496. *A fuga* multitudinis dies ille *populi fugium* dictus, ἡ τὴν τοῦ πλὴθους. Dionys. I, 56. Livius ait, Romulum *sublimem raptum*; Dionys. ὑπὸ τοῦ πατρὸς Ἄρειος τὸν ἀνδρὰ ἀνερπάσσει. Hinc figmentum poeticum accessit, eum, ut Ariadne Bacchi lyncibus, sic Martis *equis* in cælum assumptum. Etiam Horatius, III, Od 111, 15: « Hac Quirinus Martis equis » *Acheronta* fugit. » Plenius illud iter cæleste, XIV Metam. 816 sqq., describitur.

497. De *cæde* illa ejusque causis vide Dionys. I, 56. — *Falsæque*. Proprie debebat esse *falsoque*, quod et MS Putean. habet, sed illud magis poeticum, ut va. 420, *promissi*, et va. 428, *optati*. — *Fides*, opinio, cui fides habetur. Illico Patres populo persuaserunt, Romulum ad Superos raptum; cui persuasioni postea consilio Proculi fides addita. — *Julius Proculus* Romulo familiaris, unus ex iis, qui Alba cum eo commigraverant ad Romam condendam. Plutarch. d. l. Ei secundum Liv. Romulus apparebat *prima luce*. Sed Ovi-



Lunaque fulgebat; nec facis usus erat :

500

Quum subito motu nubes crepuere sinistrae.

Rettulit ille gradus, horrueruntque comæ.

Pulcher et humano major, trabeaque decorus

Romulus in media visus adesse via,

Et dixisse simul : Prohibe lugere Quirites ,

505

Nec violent lacrymis numina nostra suis.

Tura ferant, placentque novum pia turba Quirinum ;

Et patrias artes militiamque colant.

Jussit : et in tenues oculis evanuit auras.

Convocat hic populos, jussaque verba refert.

510

dus, sive aliam traditionem, sive suum commentum secutus, *lunam fulgentem* memorat. Scaliger, qui temere sumebat Romulum raptum esse deficiente sole, notat : oblitum sui esse Ovidium, qui in interlunio fulsisse lunam dicat. Ea nota motus Burmannus conjiciebat, vitium forte esse in illo *fulgebat*, et verbum forsitan fuisse quo latuisse lunam Ovid. dixerit ; in tenebris subito emicuisse fulgur, atque ita apparuisse Romulum. Sed hæc sine causa fingi elucet ex iis, quæ ad vs. 493 monuimus. Pro *fulgebat* Petavian. et multi alii *surgebat*, non improbante Heinsio. — De *facibus*, quibus noctu iter facientes uti solebant, vide ad I Met. 493. — *Crepare* de tonitru. *Æn.* XII, 922, « nec fulmine tanti Dissultant » crepitus. — *Sinistra* auguria cur fausta fuerint, quærit Plutarchus, *Quæst. Rom.* p. 139. — *Horruerant comæ.* Liv. « perfusus horrore venen » rabundusque. » Cf. III, 331 sq.

503. *Humano major*, forma augusta, quæ Diis tribui solebat. Livius, I, 7, « habitum formamque viri (*Her » calis*) aliquantum ampliorem au » gustioremque humana intuens. »

Apud Plutarch. Romulus Proculo apparet καλὸς καὶ μίγας, ὡς οὐποτε πρόσθιν, ὅελοις δὲ λαμπροῖς καὶ πλείουσι νεοσχημένους. Et arma satis decebant bellicosum Deum. — Sed Ovidius *trabea* eum decoravit, de qua vide ad I, 37. — *Dixisse simul.* Heinsius malit, *dixisse viro.* — *Nec violent* etc. exquisitius et divinitati Romuli convenientius quam, nec lacryment, defleant me. — *Rem militarem colere* Romani jubentur etiam apud Liv. alterum *tura ferant* etc. pertinet vel maxime ad consilium poetæ.

509. Livius : hæc locutus, sublimis abiit. Id Noster poetice exornavit. Etiam XIV Metam. 432, « inque » leves paulatim evanuit auras. » Frustra Heins. h. l. penitus assimilare illi Virg. *Æn.* IV, 278, volebat, « in tenuem ex oculis evanuit auram ; » aut certe legere *evanuit oculis*. — *Populos* intelligunt Romanum et Sabinum. Sed possunt esse omnino cives. Vide ad I Met. edd. primæ et MSS quidam, *patres* ; sed et apud Liv. in *concionem*, et apud Plutarch. *εἰς ἀγορὰν* prodit : atque civibus in primis hæc dici debebant. — Regii codices B et C *populos* ;

Templa Deo fiunt, collis quoque dictus ab illo :

Et referunt certi sacra paterna dies.

Lux quoque cur eadem Stultorum festa vocetur,

Accipe; parva quidem causa, sed apta subest.

Non habuit tellus doctos antiqua colonos :

515

Lassabant agiles aspera bella viros.

Plus erat in gladio quam curvo laudis aratro :

Neglectus domino pauca ferebat ager.

Farra tamen veteres jaciebant, farra metebant :

Primitias Cereri farra resecta dabant.

520

Usibus admoniti flammis torrenda dedere,

Multaque peccato damna tulere suo.

codex *A* *populum*, quod placet; jamdiu enim duo populi in unum convenerant. *Ed.*—*Collis quoque* etc. Sic quidam putabant. Contra disputat Festus, quo auctore id nomen monti hæsit, ex quo Sabini Curibus prosecti eum occupabant. — *Referunt*, repetunt, ut I, 618.—*Relata sacra*. Erant ergo Quirinalia stata.

513–532. Quirinalia etiam *Stultorum feriæ* dicebantur; de quibus cf. Plutarch. Quæst. Rom. p. 150. Ejus nominis causam dum poeta affert, commode *Fornacalium* rationem inserit, quæ non stata erant, sed indictiva. Homines enim stulti, qui Fornacalibus deæ Fornaci sacra non fecerant, ea faciebant Quirinalibus. — *Stultorum autem festa* non vertèrim *das Narrenfest*, sed *das Fest der Einfältigen*. — *Parva*, exigua, levis. — *Docti*, periti rerum ad victum pertinentium. De ruditate primorum Romanorum, cf. III, 101 sqq.

519. *Far*, quod adorem veteres appellavere, Nostrî *Duenkel*, ab antiquissimis Italiæ temporibus domesticum Italiæ fuit frumentum, et plura per sæcula unicum, quod colere-

tur, frugum genus, quum hordei et tritici usus esset nullus: Plinius, XVIII, 19; Heynius, in Opusc. Acad. vol. I, p. 330 sqq. — *Jacere*, serere. Etiam Virgil. *jactum semen*. Culturam farris tribus modis eloquitur, nec sine vi aut gratia *et farra* ter repetit. — *Primitias Cereri*. Cf. I, 672, et Bentl. ad Horatium, IV, v, 18. — Frequens rusticorum negotium erat « torrere igni fruges et » frangere saxo; » Virgil. Georg. I, 267. Ustione illa fruges facilius domare folliculisque suis nudare, quin adeo iis jucundum saporem conciliare poterant. Heynius, p. 367. — Auctor ejus rei fuit secundum Hemiam Numa, qui et *Deam Fornacem* fecit, quam precabantur, ut in fornacibus farra recte torrerentur. Inde *Fornacalia*. Plinius, XVIII, 2. Festus : « Fornacalia, feriæ institutæ sunt farris torrendi gratia, quod » ad fornacem, quæ in pistrinis erat, » sacrificium fieri solebat. Fornacalia sacra erant, quum far in fornaculis torrebant. — *Multa damna tulere*, sæpe frugum jacturam fecere ex ignota torrendi ratione. —

Nam modo verrebant nigras pro farre favillas;

Nunc ipsas igni corripuere casas.

Facta Dea est Fornax : læti fornace coloni

525

Orant, ut fruges temperet illa suas.

Curio legitimis nunc Fornacalia verbis

Maximus indicit; nec stata sacra facit :

Inque foro, multa circum pendente tabella,

Signatur certa curia quæque nota :

530

Stultaque pars populi, quæ sit sua curia, nescit ;

Sed facit extrema sacra relata die.

EST honor et tumulis : animas placate paternas ;

*Nigras favillas*, quia farra diutius valido igni dederant.—*Igni* pro *ignes* ex Ursini, Læti, Mazarini et octo aliis MSS Heinsius dedit, ut magis poeticum. Taubnero nec hæc, nec illa lectio placet. Domum *corripere igne* ei ab usu recedere, atque *ipsas ignes* aures offendere videtur. Mallet igitur transpositis verbis, *ipsas nunc ignes* etc. Krebs. antiquam lectionem tuetur, in qua sane nulla difficultas. Sin *igni* servas, per totum locum idem est subjectum, et *corripuere* dictum pro incenderunt, verbo ab ignibus ad incolas translato.

525. *Deam Fornacem*, virosque doctos celebrandis Fornacalibus operantes ridet Lactantius, Fals. Rel. I, 20.—*Temperet fruges*, justam temperiem frugibus det in furno. Quidam *vires temperet*, non improbante Taubnero.—*Legitima verba*, formula solemnis in aliqua re. Livius, IX, 9: « Verba legitima dederunt » urbem. »

529. *Multa tabella*, multis tabellis, in quibus scriptum, in qua curia quævis populi pars sacra faceret. Omnem enim populum Romulus in triginta curiæ distribuera, quibus totidem curiæ scilicet ædiculæ assi-

gnatæ, ubi curiales convenirent, de rebus communibus agerent, et per curionem suum sacra facerent. Triginta illis *Curionibus* præerat *Curio Maximus*. Sigonius, Ant. Jur. Civ. Rom. II, III, p. 52. — *Sed facit* etc. Quod reliqui cives die Fornaci consecrato fecerant, id stulti, suam curiam nescientes, Quirinalibus adimpebant. — *Relata*, dilata in diem extremum. Vulgo *relicta*, quod placet Taubnero.

533–570. *Feralia*. Mos antiquus et plurimis gentibus cultus, mortuis iusta publice persolvere. In Italiam translatus est ab Ænea; vid. inf. 543. Numa Pompilius ea quoque sacra Pontifici subject; Liv. I, 20. Relata sunt in Februarium, ultimum olim mensem. De die et tempore durationis vid. ad versum 569. De nomine Festus: « Feralia Diis Manibus » sacrata festa, a ferendis epulis, vel » a feriendis pecudibus. » Varro, de Ling. Latina: « Feralia ab inferis et » ferendo, quod ferunt tunc epulas » ad sepulcrum, quibus jus ibi parare. » Cf. V, 419 sqq, ubi *Lemuria* describuntur.

*Honor tumulis* erat publice privatumque; publice his ipsis Feralibus,



Parvaeque in extinctas munera ferte pyras.  
 Parva petunt Manes : pietas pro divite grata est 535  
 Munere : non avidos Styx habet ima Deos.  
 Tegula projectis satis est velata coronis ;  
 Et sparsæ fruges ; parvaeque mica salis ;  
 Inque mero mollita Ceres , violæque solutæ :  
 Hæc habeat media testa relicta via. 540  
 Nec majora veto : sed et his placabilis umbra est :  
 Adde preces positis et sua verba focus.  
 Hunc morem Æneas , pietatis idoneus auctor ,  
 Attulit in terras , juste Latine , tuas.

privatim Novemdialibus et Denicalibus. — *Exstinctas* Heins. bene pro *exstructas* e Mazarin. et uno Vatic. recepit. Intell. tumuli , sepulcra. — *Pyra* enim , ut *bustam* , locus ubi mortuus et combustus et sepultus est. — *Grata* Heins. mutari volebat in *gratis* ; apud gratos Manes pietas est pro magno munere. — *Avidos* , magnorum munerum cupidos.

537. Memorat parva munera , de quibus I , 337 sq. — *Tegula* in tectis sepulcrorum. — De hoc *coronarum* usu vide Kirchman. de Funerib. p. 560 , ubi et de floribus *solutis* , vagis , non in coronam coactis. Coronis non opus erat novis et arte factis ; huic pietati sufficiebant eæ , quæ , convivii exactis , a conviviis domum abeuntibus *projectæ* erant in viis. Heroid. XXI , 165 ; I Amorr. VI , 67. Recte igitur Heinsius *projectis* , quod alter Mazarin. pro diversa lect. habet , prætulit vulgari *porrectis*. Hoc vero Taubn. et Krebs. teneantur , quia *projicere* verb. in sacris solemne. Vid. Macrobius , III Sat. II. *Tegulam* autem Lensius mavult tegumentum foci aut aræ intelligere , etiam mox *testam* eodem sensu capere , *projectas* denique inter-

pretari in aram conjectas. — *Velare* verbum sacrum de coronis et vittis. — De *mica salis* vide ad I , 338. — *Hæc habent* etc. hæc apponantur vel in vili testa vasis fracti et in publicum projecti. — Pro *relicta* Heins. legi vult , *relecta* , recollecta ; sed sine causa. Alterum bene convenit superiori *projectis*. De *relegere* autem vid. Bent. ad Horatium , Epod. II , 69.

541. Sæpe impensissimo officio parentabant. Vide Kirchm. d. I. — *Sua verba* , illis sacris propria , e nota vi hujus pronomini ; sed quum unus Petav. in *sua vota* , et Herculan. et *pia verba* habeant , Burm. conjicit *et sua* (vel *pia*) *vota*. Sane , *preces* et *vota* sæpe conjunguntur. — Regii nostri habent *et sua verba focus* , id est , debita numini. *Ed.*

543. *Pius Æneas* ; accommodate h. l. *pietatis idoneus auctor* : vir tantus , pietate sua inclytus , merito piorum rituum auctor exstitit. Patri , quem apud Drepanum sepeliverat , sequenti anno in Sicilia sacrum fecit anniversarium , quod Æneid. V , 94 sqq. describitur. Ibi incertus est , « Geniumne loci , famulumne parentis Esse putet. » — *Iustus* epitheton frequens regum et aliorum



Ille patris Genio solemnia dona ferebat :

545

Hinc populi ritus edidicere pios.

At quondam, dum longa gerunt pugnacibus armis

Bella, parentales deseruere dies.

Non impune fuit : nam dicitur omine ab isto

Roma suburbanis incaluisse rogis.

550

Vix equidem credo : bustis exisse feruntur,

Et tacitæ questi tempore noctis avi :

Perque vias urbis, Latiosque ululasse per agros

Deformes animas, vulgus inane, ferunt.

Post ea præteriti tumultis redduntur honores ;

555

Prodigiisque venit funeribusque modus.

Dum tamen hæc fiunt, viduæ cessate puellæ :

Exspectet puros pinea tæda dies.

apud Nostrum. — *Populi*, Latini. — Excerpta Douzæ et Putean. *addidicere*. Neapol. ex uno MS malebat, *edidicere novos*. — Regii nostri A et B *edidicere pios* ; codex C *addidicere pios*. Ed.

548. *Parentales*, quibus parentalia celebrantur. — *Deserere*, non celebrare. — Ille neglectus fuit mali *ominis*. E correctione fluxit, quod habet Strozæ MS *crimine*. — *Roma* etc. multitudinem morientium indicat, propter quam in suburbanis locis tot rogi erant comburendi, ut inde ipsa Roma incalesceret. — *Parentalibus reductis*, *modus venit funeribus*. — *Latios* agnoscunt Voss. et tres Medic. Alii *latos*. — *Deformes* etc. defunctorum umbræ, luctu deformes. Post Julii Cæsaris necem « si » mulacra modis pallentia miris Visa » sub obscurum noctis : » Virgilius, Georg. I, 477. Lenzius contra *deformes* intellig. non certam formam habentes, inanes. — *Præteriti*, neglecti. — *Venit iis modus*, cessant

prodigia, et ipsa rariora fiunt funera.

557. Feralibus non fas est nubere. Etiam alii dies nuptiis copulandis religiosi sive devitandi habebantur ; III, 393. — *Viduas puellas* Marsus intelligit puellas nuper nuptas, quæ cessare a concubitu, secubare a viro jubeantur. Immo, de solis nuptiis nunc sermo est. Quum aliæ feriæ magis *viduis*, quam *virginibus* idoneæ esse crederentur ad nubendum, (Plutarch. Quæst. Rom. p. 161 ; Macrobian. Sat. I, 15), Feralibus Ovid. et has et illas abstinere jubet a nuptiis. Quamquam *viduæ puellæ* etiam dici possunt innuptæ ; Propert. II, xxiv, 17, « quid prodest viduas dormire » puellas ? — Pro *pineæ* nonnulli *spineæ* malunt ; sane fax e spina alba, quæ plurimum in avertendis malis valere credebatur, præferri in nuptiis solebat. Vid. Plin. XVI, 30, ubi, « spina, nuptiarum facibus auspicatissima. » Varro apud Carisium I, p. 117 : « Fax ex spina alba præfertur, quod purgationis causa ad-

Nec tibi, quæ cupidæ matura videre matri,

Comat virgineas hasta recurva comas.

560

Conde tuas, Hymenæe, faces; et ab ignibus atris

Aufer: habent alias mæsta sepulcra faces.

Dî quoque templorum foribus celentur opertis;

Ture vacent aræ; stentque sine igne foci.

Nunc animæ tenues, et corpora functa sepulcris

565

Errant; nunc posito pascitur umbra cibo.

Nec tamen hæc ultra, quam tot de mense supersint

Luciferi, quot habent carmina nostra pedes.

Hanc, quia justa ferunt, dixere Feralia lucem:

Ultima placandis Manibus illa dies.

570

Ecce anus in mediis residens annosa puellis,

» hibetur. » Festus: « Patrimi et ma-  
» trimi pueri prætextati tres nubem-  
» tem deducunt: unus, qui facem  
» præfert ex spina alba, quia noctu  
» nubebant. » Sed et *pineæ* tæda in  
usu. — *Pari dies*, quibus non agun-  
tur res sepulcrales, aut tristes. — *Ex-*  
*spectet*; alii dant *exoptat*.

559. *Cupida*, cupiens accelerari  
filix nuptias. — *Hasta recurva*. Ar-  
nob. adv. Gentes, II, p. 91, « Nuben-  
» tium crinem cælibari hasta mul-  
» cetis. » Plutarchus, Quæst. Rom.  
p. 148, quærit, cur τῶν γαμουμένων  
αἰχμῇ δορυίου τὴν νόμον διατρέψουσιν,  
cur nubentium comam parvæ hastæ  
cuspidē discriminent; ejusque rei  
causas plures affert. — *Facum* usus  
etiam tam in funeribus, quam in  
parentalibus. Vide Kirchm. de Fun.  
II, 3. Eas faces poetæ passim sic  
comparant cum nuptialibus, ut v. c.  
infaustas nuptiis prælatas *de funere*  
*raptas* dicant; VI Metam. 430. —  
Tempore funesto etiam statuæ Deo-  
rum in vīs panno velabantur, *tem-*  
*plorumque fores* claudiebantur, ne

Dii adpectu tristi polluerentur. —  
Umbra defunctorum etiam XIV,  
411, *anima tennes*, et IV, 435, *cor-*  
*pora functa sepulcris* dicuntur. — *Ci-*  
*bus*, epulæ Manibus appositæ.

567. Locus varie tortus et expli-  
catus. *Nec tamen hæc ultra*, non diu-  
tius hæc sacra durent, *quam tot* etc.  
*quam donec tot dies supersint*. Vul-  
go, *quum tot... supersunt*, quo die  
tot dies supersunt. — *Feralia*, scil.  
ultimam placandis Manibus diem,  
collocat Kalend. vet. in XII Kal-  
end. Mart. s. 18 Febr. Quem diem  
si more Romano simul numeras,  
supersunt undecim mensis dies; et  
totidem *pedes* habent et hæc *car-*  
*mina* Ovidii. Itaque et anteceden-  
tium dierum quidam placandis Ma-  
nibus dicati fuerint necesse est. Sex  
pedes carminis intelligi nunc non  
possunt, ut Feralia VIII Kalend.  
Mart. finita sint, propter vers. 686  
et Kalend. vet. — *Justa*, quæ de-  
bentur alicui, nominatim mortuis,  
quibus *justa* vel *fieri*, vel *solei* di-  
cuntur.

Sacra facit Tacitæ : vix tamen ipsa tacet ;  
 Et digitis tria tura tribus sub limine ponit,  
 Qua brevis occultum mus sibi fecit iter.  
 Tum cantata ligat cum fusco licia rhombo ; 575  
 Et septem nigras versat in ore fabas :  
 Quodque pice adstrinxit , quod acu trajecit athena ,  
 Obsutum mænæ torret in igne caput.  
 Vina quoque instillat : vini quodcumque relictum est ,  
 Aut ipsa , aut comites , plus tamen ipsa , bibit. 580  
 Hostiles linguas , inimicaque vinximus ora ,

571-616. Cum Feralibus conjuncta sacra *Tacitæ* magica. Ea præerat compescendis detrahentium linguis. Numa unam ex Camænis peculiariter et religiosissime colli voluit , quam *Tacitam* nominavit. Plutarch. Num. 8 , qui addit , eo silentium Pythagoreum esse expressum et honoratum. Sed hæc nostra garrula ab illa diversa est. Ovidius primum ejus sacra vers. 572-582 , tum ipsam describit ; conf. quos laudamus ad vers. 599. — *Anus annosa* parum placet Heinsio ; itaque mavult *anus vinosa* , quod sane confirmatur vers. 579 sqq. — *Brevis* , parvus , exiguus.

575. *Rhombus* in rebus magicis trochus erat , seu turbo , qui rotabatur *liciiis* , scil. filis nunc versicoloribus ( Virg. Ecl. VIII , 73 ) , nunc pullis nexus , *eine Zauberspindel*. I Amorum , VIII , 7 , de maga : « Scit » bene , quid gramen , quid torto » concita rhombo Licia. » Propert. III , iv , 26 : « Straminea rhombi ducitur ille rota , » ubi Broukh. multos laudavit , qui de rhombo egerunt. Idem , II , XXI , 35 : « Deficiunt magico torti sub carmine rhombi. » Martial. XII , 57 , maga *rhombo* lunam de cælo detrahit. Non male igitur Heins. h. l. hoc nomen ex Patav.

ubi pro diversa lect. exstat , adoptavit ; quamquam non negat , etiam vulg. *plumbo* locum habere , quia et plumbi nigri usus in magicis fuerit. Et hoc tuetur Voss. ad Virgil. Ecl. VIII , 68 , eique assentitur Krebsius. Ego vero arbitror *licia* melius convenire *rhombo*. — Idem Heins. *ligat pro tenet* ex multis MSS dedit. — *Cantata* , incantata. — *Septenarius* numerus , ut ternarius , etiam in magicis solemnibus. — *De fabis* conf. infra V , 436.

578. *Mæna* , *μαῖνη* , *μαῖνις* , pisciculus marinus , qui sale conditus cibus erat tenuiorum hominum. Cic. Fin. II , 8 ; Persius , III , 76. Usus ejus etiam in sacris iuferis , ut Hecataë ; Eustath. in Hom. I , 206. Neque mirum , mutum animal Tacitæ Deæ fuisse sacrum. Tanto rectius Heinsius ductu MSS Zulich. et a manu prima Mazar. ubi *menæ* , hoc recepit , quum alii vel *obsuto mento* , vel *obsutum mento caput* præferant , non improbante Taubnero. Vulgo , *menta*. — *Athenis* instrumentis utebantur in re magica. Vide ad VII Metam. 227 , ubi *falx athena* ; et de *acu* confer III Amorum , VII , 30 ; saga « medium tenues in jecur egit » acus. » — *Vincire* de magis , quæ

Dicit discedens ; ebriaque exit anus.

Forsitan a nobis , quæ sit Dea Muta , requiras :

Disce , per antiquos quæ mihi nota senes.

Jupiter , indomito Juturnæ captus amore ,

585

Multa tulit , tanto non patienda Deo.

Illa modo in silvis inter coryleta latebat ,

Nunc in cognatas desiliebat aquas.

Convocat hic Nymphas , Latium , quotcumque tenebas ;

Et jacet in medio talia verba choro :

590

Invidet ipsa sibi , vitatque , quod expedit illi ,

Vestra soror summo jungere membra Deo.

Consulite ambobus : nam quæ mea magna voluptas ,

Utilitas vestræ magna sororis erit.

Vos illi in prima fugienti obsistite ripa ,

595

Ne sua flumine corpora mergat aqua.

arte sua quemquam functione sua prohibent.

583. Deæ *Mutæ* aut *Tacitæ* originem e fabulis antiquis narrat.—*Forsitan requiras* formula in tali transitu solemniss. Non male igitur Heinsius eam ex duobus MSS recepit. Vulgo, *Protinus requiras*. — *Antiqui*, natu grandes. Plinius, paneg. XV, 5, *vetustus miles*.—De *Juturna* vide ad I, 463, 708, unde et apparet, quo jure hic *cognatæ aquæ* commemorentur. — *Indomitus amor*, ut Horat. III, Od. xxiv, 28, *indomita licentia*; et Epod. XII, 9, *indomita rabies*, ἄδωµοντος. — *Coryleta*. Hic quoque MS antiq. Neapol. *coruleta*; quæ scriptura apud Virg. vicit.

589. *Latium*, Tiberis et Anien. vers. 597 sq. — *Quotcumque tenebas* habet quidem non nisi unus cod. unde Heins. recepit, et alius *quotcumque tenebat*, sed illud magis poeticum et Ovidianum, quam vulg.

*quæcumque tenebant*, quod Krebs. servari vult.—*Jacit*. Heins. in *facit* mutari vult; sed sine causa. *Jacere verba* bona locutio, nec prosaice magis, quam poetis usitata. Livius, VII, 2, *versum jacere*, facere. Inde et *jacere* simpliciter pro dicere; VI, 14, *vera an falsa jaceret*. Vide Bauer. ad Liv. p. 225. Apud Nostrum infra VI, vers. 408, longe plurimi, *ebria verba jacet*, et 786: *talia verba jacet*, ubi nulla varietas notatur. — *Invidet ipsa sibi*, fraudat se ipsa magna voluptate. Plin. II, Ep. x, 1, « tibi maxima laude invidetur, » ubi vide not. nostram. — *Jungere membra*, ut X Metam. 464, *jungere corpora*, pro concubuisse, quod h. l. olim vulgabatur, et quod Taubnero magis placebat, ut castis auribus animisque accommodatius. Immo, *jungere membra* verecundius dictum.

595. *In prima ripa*, simul ac tetigerit ripam.—*Mergat*. Duo mandat.



Dixerat : annuerunt Nymphæ Tiberinides omnes :

Quæque colunt thalamos, Ilia diva, tuos.

Forte fuit Nais, Lara nomine : prima sed illi

Dicta bis antiquum syllaba nomen erat,

600

Ex vitio positum : sæpe illi dixerat Almo,

Nata, tene linguam : nec tamen illa tenet.

Quæ simul ac tetigit Juturnæ stagna sororis,

Effuge, ait, ripas ; dicta refertque Jovis.

Illa etiam Junonem adiit ; miserataque nuptam,

605

Naida Juturnam vir tuus, inquit, amat.

Jupiter intumuit : quaque est non usa modeste,

Eripuit linguam ; Mercuriumque vocat.

Hinc Heinsius et suadet *flumineæ aque*. Mihi h. l. *mergat* gravius videtur illo altero. — Mox revocavi *Nymphæ Tiberinides omnes* ; namque Heins. quum multi cod. *omnes Tiberinides undæ* habeant, *omnes Tiberinides udæ* e conjectura sua invexerat, quod mihi parum placebat, nec Taubnero, quamquam et Bentleius ad Horat. I, Od. x, 1, etiam infra V, 663, *Pleias uda* corrigi vult. — *Ilia*, Romuli matrem, etiam III Amor. vi, 45, facit Anienis uxorem ; sed alii Tiberi jungunt, ut Horat. I, Od. ii, 17 ; Claudian. I, 225. Nempe Amulii eam jussu alii Aniense, alii Tiberi mersam tradebant. — *Thalamos tuos*. Antrum, ex quo fons prodibat, habere fingebatur *thalamos* sive cubicula Deorum. Vide Virg. Georg. IV, 333, Male Krebsius ripam Tiberis intel. in qua Ilia dormiens conceperit gemellos ex Marte. III, 13.

599. Lactant. de Falsa Relig. I, xx, 35 : « Hanc ( Deam Mutam ) » esse dicunt, ex quasint nati Lares, » et ipsam Laram nominant, vel Larundam. » Sic et Varro vocat. —

*Dicta bis*. Non *Lalara*, ut Neapol. putabat, illa olim dicta, sed *Lala*, locutuleia, quæ tacere nunquam vult, loquendi vices nunquam aliis tradere. Vide Casaub. ad Theophr. Char. 3 init. Plato, λαλιά, ἀκρασία λόγου ἄλογος. Jam litera *l* a Græcis in pluribus vocabulis mutata est in *r*. Ex *ποδαλγία* fecerunt *ποδαργία*, ex *ἀμείλγω*, *ἀμείργω* etc. Vide Schol. Aristoph. ad Plut. 1. A Macrob. Sat. I, 7, extr. præeunte Varrone, eadem *Mania* vocatur, quia Manium mater credebatur; Arnob. adv. Gentes, III, p. 124. — *Ex vitio*, a loquacitate.

601. *Almo*. MSS Ambros. et Patavin. *Almon*. — Tres Regii nostri *Almo*. Ed. — *Tene*, retine, coerce. — *Effuge*, vita, cave, ne accedas ad ripas. — *Nuptam*. Vulgo *nuptas* ; Strozæ liber, *maritas*, ut sit sententia generalis, quæ tamen h. l. non satis commoda. Nais unius Junonis misericordia se tangi declarat, quod nupta sit.

607. *Modeste*, modice, moderate. — *Mercuriumque vocat*. Heins. rectius videtur, quod octo MSS exhibent, *Mercuriumque monet* ; tum ma-

Duc, ait, ad Manes : locus ille silentibus aptus :

Nympha, sed infernæ Nympha paludis, erit.

610

Jussa Jovis fiunt : accepit locus euntes :

Dicitur illa duci tum placuisse Deo.

Vim parat hic : vultu pro verbis illa precatur ;

Et frustra muto nititur ore loqui :

Fitque gravis, geminosque parit, qui compita servant, 615

Et vigilant nostra semper in æde, Lares.

PROXIMA cognati dixere Caristia cari,

Et venit ad socias turba propinqua dapes.

lit : *Duc hanc ad Manes, Ducat ut ad Manes*, aut, quum versu seq. libri nonnulli *Nympham hæc infernæ* habeant, *Duc hanc ad Manes* (*locus... aptus*) *Nympham*, ait : *infernæ* etc. Sed Burmann. scaberrima hæc iudicat. *Monet* recepit Mitsch. Equidem non video, quid opus sit correctione, quum vulgata bene se habeat. Etiam II Metam. 836, Mercurium, fidum ministrum, « sevocat » Jupiter. Munus, quo nunc fungi iubetur, aptum ei, quum etiam defunctos ad inferos duceret.

611. *Accipit* nos locus, quem ingredimur ; *mittit* nos, per quem transimus. Virg. Georg. IV, 362 : « Accipitque sinu vasto, misitque » sub amnem. — *Lares* erant et publici et privati. Hi, *ἑοῖς κατοικίδες*, ut in glossariis vocantur, tecta custodiebant, illi vicos et itinera, unde *compitales* et *viales* dicti, cultique in *compitis*. Confer V, 139. Et *compita Larium* Romæ erant 265, auctore Plin. Hist. Nat. III, ix, pag. 156, Hard. Compitalia et ludos Laribus primus instituit Servius Tullius ; Dionys. Hal. IV, 14 ; Plin. XXXVI, 70 : restituitque Tarquinius Superbus ; Macrobi. I, Sat. 7. — *Vigilare*, ut *custodire*, de Diis tutelaribus. —

Heinsius, approbante Taubnero, invexerat *in urbe* e libris antiquis. Ita h. l. non nisi publici Lares describerentur. Sed nos revocavimus *in æde*, id est in domo, quo sensu hic singularis Augusti ætate frequentabatur ; Horat. I, Od. xxx, 4. Vide Vitruv. V, 1. Sic ergo noster locus vim omnium Larium, et publicam et privatam, complectitur. V, 135, de iisdem, *præsunt manibus Urbis* et paulo post, *servant domum*. Restant statuæ Laribus *pro salute et incolumitate domus* positæ.

617–638. Die XI Kal. Mart. sive die 19 Febr. erant *Caristia*, quæ breviter et perspicue describuntur a Valer. Max. II, 1 : « Convivium » etiam solenne majores instituerunt, idque *Caristia* appellaverunt, cui præter cognatos et affines nemo interponebatur : ut, si » qua inter necessarios querela esset » orta, apud sacra mensæ et inter » hilaritatem animorum, fautoribus » concordiam adhibitis, tolleretur. » — Ovidius primum causam reddit, eamque satis probabilem, cur post Feralia statim *Caristia* sint celebrata, et epitheto *cari* originem nominis indicat. — *Socias dapes* illustrat Heins. Sic *sociare hospitia*, men-

Scilicet a tumulis, et, qui periere, propinquis,

Protinus ad vivos ora referre juvat;

620

Postque tot amissos, quidquid de sanguine restat,

Adspicere, et generis dinumerare gradus.

Innocui veniant: procul hinc, procul impius esto

Frater, et in partus mater acerba suos;

Cui pater est vivax, qui matris digerit annos,

625

Quæ premit invisam socrus iniqua nurum.

Tantalidæ fratres absint, et Iasonis uxor,

Et quæ ruricolis semina-tosta dedit:

Et soror, et Procne, Tereusque duabus iniquus;

Et quicumque suas per scelus auget opes.

630

Dîs generis date tura bonis: Concordia fertur

Illo præcipue mitis adesse die.

*sas* etc.—*Sanguis*, gens.—*Dinumerare*, numerare.

623 sqq. Quo animo celebrari debeant. Bene utitur poeta formula, qua profani summoveri a sacris voce sacerdotis aut præconis solebant.—*Impius* et *acerbus*, qui de morte aut cæde suorum cogitat.—*Vivax*, qui alteri nimis diu vitam protrahere videtur.—*Digerere*, ordinare, disponere. Sed nunc exprimit operam eorum, qui per numeros Babylo-nios sive rationes Chaldaicas ex horoscopo annum reperire volunt, quo moritura sit mater: quod studium tunc vulgare. Tacit. Hist. I, 22; Ovid. I Metam. 143: « Filius ante diem pa- » trios inquit in annos. »—*Premere* de omni vexationis genere dicitur.

627. Docte catalogum impiorum cognatorum, quos antiquitas habet, struit.—*Tantalidæ fratres*, Atreus et Thyestes, Pelopis filii, Tantali nepotes.—De Medæ in liberos impietate vide VII Metam. 396, ibique not.—*Iao*, Athamantis uxor,

odio in Phrixum et Hellen, Athamanti ex Nebula natos, impulsa, ruricolis fruges tostas in sementem dedit, ne surgerent, et ut, quum penuria frugum esset, civitas tota interiret; Hygin. fab. 2. Latius hoc infra III, 851 sqq. narratur.—*Iniquus*, durior sensu, crudelis. De illa crudelitate vide VI Met. 412–676.

631. *Di boni*, ἀγαθοὶ δαίμονες, dicti sunt Genii et omnino Dii familiares aut domestici. Nunc ipsi Lares intel. quibus pro salute generis supplicabatur.—Nonnulli *boni*, ut ad sacrificantes referatur. Hoc Mitscherl. recepit.—Veteres etiam in conviviis ante, quam ipsi inciperent cibum potionemque capere, partem cœnæ Diis consecrabant. Hoc est *libare*, quod Græci pluribus verbis exprimebant; nam de liquoribus adhibebant πίνοντες et λιβέντες, de cibis ἀπαρχισθαι.—Cibi reponebantur in *patella*, lance Diis propria. Cic. Fin. II, 7: « ita non religiosi, ut edant » de patella. » Idem, IV, Ver. 22,



Et libate dapes : ut grati pignus honoris

Nutriet incinctos missa patella Lares.

Jamque ubi suadebit placidos nox ultima somnos, 635

Parca precaturæ sumite vina manus ,

Et, Bene nos, patriæ, bene te, pater, optime Cæsar ,

Dicite , suffuso per sacra verba mero.

Nox ubi transierit , solito celebretur honore ,

« patellam *vocat* insigne penatium  
» hospitaliumque Deorum. » — Il-  
lam cœnæ partem vocat *dapes*, quo  
nomine, Festo auctore, proprie re-  
ligiosæ epulæ significantur. Etiam  
Iuv. XXX, 43 : « Inter pocula at-  
» que epulas, ubi libare Diis dapes,  
» ubi bene precari mos esset. » —  
Dapes in patella positæ *mittebantur*  
ad focum, ut *nutrissent* (vide supra  
vs. 566) Lares, qui ibi, ut etiam ex  
monumentis apparet, stabant *in-*  
*cincti*, id est, succincti. Infra V,  
217, *pictis incinctæ vestibus Horæ*.  
Itaque Heinsius recte *incinctos* hic  
restituit, quum antea *intinctos cibos*  
ederetur, pro quo MSS *incinctos*  
*cibos*, aut *intinctos Lares* aut aliter  
exhibebant. — *Honores*, τιμαὶ, di-  
cuntur etiam libationes et preces.  
Æneid. I, 736, « laticum libavit  
» honorem. »

635. *Nox ultima*, ultima noctis  
pars, attingens primam lucem. Eo  
usque sæpe protrahabantur convi-  
via, tam solemnia, quam familiaria;  
inprimis hæc Caristia, gentibus tam  
salutaria, sic extendi vult Ovidius.  
*Ultima* igitur, quod Voss. Arond.  
Mazar. et alii præferunt, multo  
melius est quam *humida*; quorum  
enim nunc *humor* memoretur? —  
Satiatis edendo convivis, *vinum*  
apponebatur. — Tum *libatio* facta  
domestica, *parca* vino in mensam  
aut terram effuso, et appellato nu-

minum nomine, additis precibus,  
votis, etiam hymnis. Augusto liba-  
tiones et publicæ et privatæ decretæ  
sunt. Dio, LI, XIX, pag. 457. Hinc  
Horat. IV, Od. v, 32 sqq : « et al-  
» teris Te mensis adhibet Deum :  
» Te multa prece, te prosequitur  
» mero Defuso pateris ; et Laribus  
» tuum Miscet numen. » Ibi vide  
Int. item ad III, Od. XIX, 9, ubi  
Lunæ et Nocti sic libatur; sed et  
amicis idem honor habitus. — For-  
mulæ in hac re solemnnes, *Bene nos*,  
*bene vos*, *bene illum*, scilicet valere  
precor. Tibullus, II, 1, 31 : « Bene  
» Messalam, sua quisque ad pocula  
» dicat. » Quamquam et dativ. ad-  
debatur; Plaut. Pers. V, 1 : « Bene  
» mihi, bene vobis, bene amicæ  
» meæ. » Burm. dubitat, utrum h. l.  
*nos*, an, quod alii habent, *vos* præ-  
ferendum sit. Tum *nos* intelligit de  
voto pro salute populi. Equidem in-  
telligo votum pro salute convivantis  
familie. Heins. qui *vos* præfert, id  
refert, ad salutem Larium. — *Patriæ*  
cum *pater* iunge. — In verbis *Dicite...*  
*mero* notanda est varietas et MSS  
et Intt. Quidam veteres, *post sacra*  
*verba*; Mazar. Voss. Læti, pr. Am-  
bros. atque alii, *sint bona verba*;  
tres, *sint sacra*; plurimi, *in sacra*,  
hiantē versu. Hinc Heins. impro-  
bante Burman. suadebat, *sint rata*  
*verba*, vel : *ter rata verba*, aut, *ter*  
*bona*. Burman. si quid mutandum,



Separat indicio qui Deus arva suo.

640

Termine, sive lapis, sive es defossus in agro

Stipes ab antiquis, sic quoque numen habes.

Te duo diversa domini pro parte coronant;

Binaque sarta tibi, binaque liba ferunt.

Ara fit: huc ignem curto fert rustica testu

645

Sumtum de tepidis ipsa colona focis.

Ligna senex minuit, concisaque construit alte;

malit *per sua* ( illi solemnitati congruentia ) aut *bona verba*. Verum *sacra* possunt et esse fausta, felicia, ut Tibul. II, v, 82, « sacer annus. » Me vero offendit durior usus et verbi *suffundi* et *præposit. per*. Sensus tamen apertus.—Paulo ante pro *precaturi manu* Heins. quum duo *precatura manu*, unus *manus* exhiberet, dedit *precaturæ manus*. Servavi hoc, quamquam emendatione non opus fuisset.

639-684. *Terminalia* VII Kalend. Mart. Numa lapides poni iusserat in agrorum finibus, qui sacri essent Jovi Terminali, et sacra addiderat, quæ quotannis die stato ad illos lapides fierent; quin, publicos etiam agros terminis complexus erat; Dionys. II, cap. 74. Confer Plutarch. Num. cap. 16, et Quæst. Rom. tom. VII, p. 83; Lactant. de Fals. Rel. I, xx, 37 sqq. Noster Deum ipsum, et latius ejus sacra describit, hymnum adjicit, constantiam ejus in resistendo celebrat, precesque ad eum fundit. Desinit in Terminum imperii romani.

641. *Sive lapis* etc. Lactant. « lapidem colunt informem atque rudem, cui nomen est Terminus, .. qui Deus non tantum lapis, sed etiam stipes interdum est. » Confer Tibul. I, 1, 11. Hos ipsos Terminos Deos esse credebant; Dionys.

Στοιὺς ἡγοῦνται τοὺς τέρμους. — Hinc additur *sic quoque* etc. vilitas materiæ non impedit, quo minus numen habeas: *sic quoque* agnoscunt Gotthorp. et tres alii; cæteri, *tu quoque*.

643. Sacra Termini diligenter et jucunde descripta. — *Duo domini*, agrorum utrimque possessores, te coronant, uterque in parte agro suo obversa. In trifinio tres domini hunc honorem habebant Deo.—*Libis* cultum esse Terminum etiam e Juvenal. Satir. XVI, 39, apparet. *Liba* igitur præstat alteri lectioni *dona*. — *Bina* Lenzius dictum putat pro, duo. — In *testa* ferri solebant ignes aut carbones. Auct. ad Heren. IV, 6, « ipse a vicinis quum testa ambulans carbunculos corrogaret. » — Tum *curtum* frequens esse vasorum epitheton, exemplis docet Heinsius: Pro *testa* veteribus etiam *testu* in usu fuisse certum est. Vid. h. l. antiquiores Intt. Et sic hoc loco optimi codd. magno numero.—*Tepidis*, scilicet ex igne hesterno.

647. Cf. cum sqq. infra V, 506; et VIII Metam. 641 sqq. Præiverat Virgil. Æn. I, 174.—*Minuit*, confringit, ut breviora sint. — *Alte* ex Ursini libro bene receptum; nam *arte*, quod alii exhibent, ligna illa esse constructa, parum credibile videtur. Altitudinis notio latet et in illo Horat. Epod. II, 43, « Sacrum

Et solida ramos figere pugnat humo.  
 Dum sicco primas irritat cortice flammæ,  
 Stat puer, et manibus lata canistra tenet.  
 Inde, ubi ter fruges medios immisit in ignes,  
 Porrigit incisos filia parva favos.  
 Vina tenent alii: libantur singula flammis;  
 Spectant, et linguis candida turba favent.  
 Spargitur et cæsa communis Terminus agna;  
 Nec queritur, lactens quum sibi porca datur.  
 Conveniunt, celebrantque dapes vicinia simplex;

650

655

» vetustis exstruat lignis focum. »  
 Neque assentior Heins. qui, quum  
 alter Patav. aræ habeat, malit, *con-*  
*cisa superstruit aræ.* — Idem ramos  
 intelligebat stipitem scilicet palum,  
 qui pro termino esset. Immo stipes  
 aut lapis jam adstabat; et nunc sacra  
 describuntur, quæ ibi fiebant. *Ra-*  
*mi*, ut jam Marsus vidit, sunt pali,  
 quibus fixis congeries lignorum fir-  
 matur, ne dilabatur. — Nisum se-  
 nis *figentis* bene exprimit *pugnat*,  
 cui sic infinit. additur, ut I Metam.  
 685, *pugnat evincere*, ubi vide not.  
*Pugna* autem tali opus nunc erat,  
 quia *solida* terra, non mollita fo-  
 diendo.

649. *Dum* Heins. dedit ex Vatic.  
 pro *tum*. — *Irritat flammæ*, eas susci-  
 tat. Met. VIII, 642, « foliisque et  
 » cortice sicco Nutrit et ad flammæ  
 » anime producit anili. » Grutero hic  
 cum aliis libris *invitat* placebat. Hoc  
 in se eleganter dictum foret; sed se-  
 dulitati, qua hæc sacra fiunt, non  
 convenit. — Ut hic *lata*, sic Metam.  
 dicto loco, *patula* canistra. Præter  
 πλάκους Δήμητρος, liba Cerealia, offe-  
 rebant Terminò καὶ ἄλλας τεύχας καρ-  
 πῶν ἀπαιχάς. — *Filia parva favos*. Hæc  
 forte expressa e Tibul. I, x, 23, de  
 paupere cultu antiquorum, « Atque

» aliquis voti compos liba ipse fere-  
 » bat, Postque comes purum filia  
 » parva favum. » — Fuere, qui *por-*  
*rigit* in *porricit* mutari vellent, quia  
*porrici* dicuntur, quæ aræ imposita  
 dantur Deo; sed Heinsius monet,  
 filiam patri porrexisse favos, ne pa-  
 ternas partes perperam occuparet. —  
*Candida* veste paterfamilias cum suis  
 inter sacra indutus; Tibul. II, 1, 16.  
 Cf. infra IV, 906. — MSS quidam  
*Spectat et in linguis*; unde Heinsius  
 conjicit *Spectat et elinguis... favet*.

655. Numa putaverat, Deum Ter-  
 minalem, quum pacis custos esset et  
 justitiæ præses, cæde purum esse  
 debere: hinc noluerat ei animantia  
 mactari. Itaque sacra ejus diu erant  
 ἀνάγκη; Plutarchus, Dionys. Sed  
 post accessit agnæ et porcæ immo-  
 latio. Inde et Horat. Epod. II, 53,  
 « agna festis cæsa Terminalibus. »  
 — *Simplex* se tuetur multorum MSS  
 auctoritate, et bene convenit colo-  
 nis religiosiis; sed *supplex* aliorum lo-  
 cum non habet, quia de dapibus ce-  
 lebrandis sermo est. Eadem autem  
 varietas, I Metam. 92, et alibi repe-  
 ritur. — *Conveniunt* ex Numæ insti-  
 tuto, qui jussit θυνίης ἱερειῶν ἀπαρ-  
 τας καὶ τῶν τόπων συνιερχέμενους. — De  
*dapibus* vide ad versum 362.

Et cantant laudes, Termine sancte, tuas.  
 Tu populos, urbesque, et regna ingentia finis :  
 Omnis erit sine te litigiosus ager. 660  
 Nulla tibi ambitio est : nullo corrumpereis auro :  
 Legitima servas credita rura fide.  
 Si tu signasses olim Thyreatida terram ,  
 Corpora non leto missa trecenta forent ;  
 Nec foret Othryades congestis lectus in armis. 665  
 O quantum patriæ sanguinis ille dedit !  
 Quid , nova quum fierent Capitolia ? nempè Deorum

659. Tales hymnos Noster et alibi inseruit, ut IV Met. 11, in Bacchum; et VII Metam. 434, in Thesei laudem.—*Finis*, finibus includis, fines regnorum signas. Unus, *signas*. — *Ambitio*, studium gratiæ colligendæ. — *Legitimum*, legibus consentaneum, legibus constitutum.

663. Docte rem exemplo antiquo illustrat.—*Thyreaticus* ager inter Argivum et Laconicum ad mare pertinens. Thucydid. II, 27. Vicus aliis *Thyrea*, aliis *Thyræa* scribitur. Vide Intt. ad Thucydid. IV, 56. Incolæ *Thyreatæ*, monente Stephano de Urb. a quo et femin. *Thyreatis* memoratur. Thucydides modo *Thyreatida* terram vocat, modo Cynuriam, quia Thyrea pars Cynuriæ. Contentione de hujus agri finibus aliquando inter Argivos et Lacedæmonios orta, ex utroque populo *trecenti* juvenes lecti sunt, qui armis de ea re decernerent. Ex eo prælio duo Argivi superstites fuere, Alcenor et Chromius, atque unus Lacedæmonius, *Othryades*. Illi Argos avolarunt, victoriam nuntiaturi; hic mansit, spoliavitque occisos. Hinc, quum victoria ambigua esset, novum prælium commissum est, in quo vicerunt Lacedæmonii, *Othryades* ante-

quam animam exhalaret, tropæo clypei hostilis inscripsit, digitis cruore oblitis : Κατὰ Ἀργείων Ὀθρυάδης καὶ Λακεδαιμόνιοι. Herodot. I, 82; Thuc. V, 41; Pausanias Corinth. p. 201. Hinc Barth. *tectus* in *lectus* mutari volebat, idque Heinsius vel invitis libris recipiendum putabat, præsertim quum etiam apud Statium Theb. IV, 47, reperiatur: « Et Lacedæmonium Thyre lectura cruo-rem. » Non dubitavi ei obtemperare.—*Signare* similiter fere I Metam. 136, « Cautus humum longo » signavit limite mensor. »

667. L. Tarquinius Priscus, ut vota solveret, quæ in postremo cum Sabinis prælio nuncupaverat, templum Jovi, Junoni et Minervæ extruere voluit, idque in monte Tarpeio, multis Deorum aris et sacellis occupato. Ut libera a cæteris religionibus area esset, exauguranda fana erant. Sed quum omnium exaugurationes admitterent aves, in *Termini* et Juventutis fanis non addixerunt. Hi soli nullis augurum precibus flecti potuerunt, ut loco cederent. Itaque eorum aræ templi ambitu comprehensæ sunt; ut altera sita esset in Minervæ vestibulo, altera in ipso templo. Vide Dionysium, III, 69;



Cuncta Jovi cessit turba, locumque dedit.  
 Terminus, ut veteres memorant, conventus in æde  
 Restitit; et magno cum Jove templa tenet. 670  
 Nunc quoque, se supra ne quid nisi sidera cernat,  
 Exiguum templi tecta foramen habent.  
 Termine, post illud levitas tibi libera non est:  
 Qua positus fueris in statione, mane.  
 Nec tu vicino quidquam concede roganti; 675  
 Ne videre hominem præposuisse Jovi.  
 Et, seu vomeribus, seu tu pulsabere rastris,  
 Clamato: Meus est hic ager, ille tuus.  
 Est via, quæ populum Laurentes ducit in agros,  
 Quondam Dardanio regna petita duci. 680  
 Illac lanigeri pecoris tibi, Termine, fibris  
 Sacra videt fieri sextus ab urbe lapis.

Liv. I, 55; Lactantium, de Fals. Rel. I, xx, 38.—*Conventus*, quum ad eum convenissent augures. Vetus lectio est *inventus*. Alterum Burmannus aut explicari vult, consultus; aut mutari in *tunc lentus*. Sed non opus est mutatione, quum *conventus* sæpe eo, quo diximus, sensu legatur. De lapide ejus in Jovis Capitolini templo, Servius ad *Æn.* IX, 448: « Unde » in Capitolio superna pars tecti patet, quæ lapidem ipsum Termini spectat: nam Termino non nisi sub divo sacrificabatur. » Confer Lactantium, I, xx, 40.

673. *Post illud*, post illam constantiam, qua in Capitolio restitisti. — *Levitas* est ejus, qui facile sinit se moveri, facile cedit aliis. — *Jovi*, quum Jovis templum moliretur Tarquinius. Erat lex Numæ: « Qui terminum exarasit, ipse et boveis sacri crei sunt. » Erant tamen Horatii tempore, qui usque proximos revel-

lerent agri terminos, et ultra limites clientium salirent; II, Od. XVIII, 24. Hos terreri et coerceri a Termino vult Ovidius. — In verbis *Ne videre* etc. grave argumentum. — *Meus est*. Sic Heinsius et Gottorp. et uno Medic. Hoc displicet Taubnero, quia Terminus non ipse agri possessor sit nec bene possessoris nomine loquatur. Verum talia non nimis urgenda sunt. Quidni Terminus agrum curæ suæ ac fidei concreditum tuens recte dicat, *Meus est*? Mihi certe hoc melius placet, quam vulg. *Tuus est hic ager, ille tuus*, aut aliorum multorum, *Tuus est hic ager, ille tuus*. Heinsius præterea conj. *Meus est, est ager ille meus*.

679. De finibus imperii antiquis et sacris ibi faciendis. — *Dardanium ducem*, scil. Æneam, classe Laurentem tenuisse agrum vel ex Liv. I, 1, constat. Vide Heynii Excur. III ad *Æn.* VII. — Inter quintum et sex-



Gentibus est aliis tellus data limite certo :

Romanæ spatium est urbis et orbis idem.

NUNC dicenda mihi regis fuga : traxit ab illa

685

Sextus ab extremo nomina mense dies.

Ultima Tarquinius Romanæ gentis habebat

Regna, vir injustus, fortis ad arma tamen.

Ceperat hic alias, alias everterat urbes ;

Et Gabios turpi fecerat arte suos.

690

Namque trium minimus, proles manifesta Superbi,

*tum viæ Laurentinæ lapidem olim* fuisse imperii romani fines narrat et Strabo, V, p. 357, ubi et hujus sacrificii mentionem facit. Sed usque ad tempora Augusti imperium romanum immensis auctibus creverat. Hinc sæpe per *orbem terrarum* declarabatur.—Noster pro imperio *urbem* nominat, ut verbis *urbis* et *orbis* luderet. Lusit hic etiam Rutil. Itiner. I, 66, « Urbem fecisti, quod prius » orbis erat, » ex orbe terrarum unam civitatem fecisti, omnibus gentibus civitatis jure donatis.

686–852. *Regifugium*. Non proximam tantum fugæ causam canit, sed plures Tarquinii res: Hic loc. nonnullas partes habet bene elaboratas. — *Sextus*, ergo 24 Febr. Unus Hamb. *septimus*. Ex Kalend. romano in ed. Mitscherl. VIII Kalendas Martias; Petavius in Dissertt. ad Op. de Doctrina Temporum, V, 9, contendit illam fugam incidisse in *quintum* diem. Atque ita ex antiquissimo libro suo Neapol. edidit. — Ne *ab* in hoc disticho bis occurrat, Heinsius suadet in *extremo*.

687. Tarquinius Ovidius notat, ut Liv. I, 53 : « Nec, ut injustus in » pace rex, ita dux belli pravus fuit. » — Pro *ad arma* Heinsius malebat in *arma*. Sine causa. Post adjectiva *ad*

eleganter ponitur pro, quod attinet ad. — Secundum Dionys. Hal. IV, 49–53, Latinis, Hernicis et Volscis in societatem receptis, in Sabinos exercitum duxit, et, inde, vastatis hostium agris, in Pometinos, quorum urbem Suessam vi cepit, ejusque incolas, direptis bonis, partim interfecit, partim militibus in prædam concessit. Tum Sabinos eo redegit, ut urbes suas sponte dederent. Denique in agros Volscorum multas excursiones fecit. Hæc Ovidius sic complectitur, *Ceperat alias, alias everterat urbes*, in quibus *evertere* urgere nolim, præsertim quum. h. v. ut græcum *καταστρέφω*, etiam latiore sensu dicatur. MSS Naug. Erford. et unus Vatie. *avertèrat*, quod Heinsius vel furari, furto occupare, vel aversas sibi reddere interpretabatur. — Regii, *everterat*. Ed.

690. *Gabii*, urbs Latini nominis, Albanorum colonia, ab urbe centum stadia distans, de cujus amplitudine Dionys. IV, 53. Eam, nequidquam vi adortus, quum obsidendi quoque spes adempta esset « postremo mini- » me arte romana, fraude ac dolo, » aggressus est. » Liv. I, 53. — *Minimus*, Sextus Tarq. Dionys. maximum vocat. — *Proles manifesta*, moribus patris similitudinem referens.

In medios hostes nocte silente venit.  
 Nudarant gladios : occidite, dixit, inermem.  
 Hoc cupiant fratres, Tarquiniusque pater,  
 Qui mea crudeli laceravit verbera terga;  
 Dicere ut hoc posset, verbera passus erat.  
 Luna fuit : spectant juvenem, gladiosque recondunt,  
 Tergaque, deducta veste, notata vident:  
 Flent quoque, et, ut secum tueatur bella, precantur.  
 Callidus ignaris annuit ille viris.  
 Jamque potens, misso genitorem appellat amico,  
 Prodendi Gabios, quod sibi monstret iter?  
 Hortus odoratis suberat cultissimus herbis,  
 Sectus humum rivo lene sonantis aquæ.

695

700

693. Cum his cf. verba ejusdem juvenis apud Livium, ubi plura ad Gabinos movendos et decipiendos apta; sed nihil de *verberibus*, quæ tamen et a Dionys. atque Floro I, 7, commemorantur. Dissidium a patre de bello finiendo simulaverat, atque virgis se cædi in foro passus erat. — Conjunctivus *cupiant*, quem Petav. Francof. et tres alii exhibent, melius se habet, quam vulg. *cupiunt*. Sino in simili fraude, Æn. II, 104: « Jam dudum sumite pœnas: Hoc Ithacus » velit, et magno mercentur Atridæ. » Cf. et infra IV, 890.

698. Pro *deducta* Regius unus, Moreti et alius *diducta*. Vide ad XIII Met. 264, ubi Ulysses vulnera sua jactat, et ut verbis fidem faciat, « vestem manu deducit. » Sed et ibi in lectione variant MSS et Intt. Nos ibi *deducere*, a superiore corporis parte detrahere, prætulimus, quia *diduci*, in diversas partes trahi, tunica non potuit, nisi scissa. Ibi et nonnulla diximus de more sic ostentandi aut assermandi vulnera. De voce

*deducere* vide et ad III Metam. 480. — *Notæ*, cicatrices, quæ in cute discerpta manent. Horat. I, Od. XIII, 12; Tibullus, IV, III, 10, « hamatis » crura notare rubis. — *Fletus* ille parum decet armatos hostes, inter quos Sextus eloquitur. — *Ut secum tueatur bella*, ut se adjuvet in bello fortiter gerendo et continuando. Livius, XXIII, 38, « pecunia ad classem tuendam bellumque mace- » donicum decreta. »

701. Liv. cap. 54, « tanta caritate » erat, ut non pater Tarquinius potentior Romæ, quam filius Gabii » esset. » Noster *amicum* nominat, Dionysius famulum, τὸν ἀπαρτίστου τῆς. — *Appellat* alterum, qui cum eo agit, ab eo auxilium petit, eum rogat.

703. Hunc *hortum* ex ingenio sic exornavit Ovidius e præcepto illo, « irriguumque bibant violaria fontem. » — Tum papaveribus *lilia* substituit. — Pro *sectus* multi *septus*; nec Taubnerus audet pronuntiare, utrum verius. Equidem tueor se-

Illic Tarquinius mandata latentia nati  
 Accipit, et virga lilia summa metit.  
 Nuntius ut rediit, decussaue lilia dixit,  
 Filius, agnosco jussa parentis, ait.  
 Nec mora, principibus cæsis ex urbe Gabina,  
 Traduntur ducibus mœnia nuda suis. 705  
 Ecce, nefas visu, mediis altaribus anguis  
 Exit, et extinctis ignibus exta rapit.  
 Consulitur Phœbus: sors est ita reddita: Matri  
 Qui dederit princeps oscula, victor erit.  
 Oscula quisque suæ matri properata tulerunt, 715  
 Non intellecto credula turba Deo.  
 Brutus erat stulti sapiens imitator, ut esset

*ctus*, quia rivi interfluentes melius *secare humum*, quam *sepire* dicuntur; *Æn.* VIII, 717: « Quos secans in- » terluit Allia. » Et *secans* rivus ir- rigare melius hortum potest, quam *seprens*.—*Lene*, leniter, ut *dulce ri- dens*. Horatius, I, Od. 1, 22, eodem sensu, « aquæ lene caput. »—*Illic ac- cipit*. Secundum historicos illuc tra- duxit nuntium: — *Latentia*, arcana. — *Lilia summa metit*. Sic tacitis am- bagibus respondet. Dionysius com- parat simile Thrasybuli Milesii fac- tum. — *Agnosco*, intelligo. — *Nuda ducibus*. Livius « orba consilio auxi- » lioque. »

711. De hoc prodigio cf. I, 56. Pertinet ad consilium poetæ pro- pter Apollinis responsum et Brutum. Pestis causa pueros regios missos es- se Dionys. IV, 69, narrat.—*Anguis* Livio auctore e lignea columna exiit. *Anguis* adpectus in ædibus aut in itinere triste prodigium: v. Schwarz. ad Theophrast. 16.—Hinc *nefas vi- su*, et apud Livium, « portentum » terribile, » quod terrorem fugam-

que in regiam fecerit, dignumque habitum sit, de quo Delphicus adeo Apollo consuleretur. Ovid. tria tris- tia addidit, altaria, exta raptâ, ignem extinctum. Errat Krebsius, quum docere vult, serpentem hunc exta rapientem eximium bonum porten- disse. — Narrationibus prodigiorum et alibi *ecce* præmitti solet, ut Virg. *Æneid.* II, 203.

713. Ovidius nimio brevitatis stu- dio obscurus, aut falsus adeo factus est. Perfectis patris mandatis, regii juvenes sciscitantur, ad quem eo- rum regnum sit venturum. Tum demum hoc, quod sequitur, respon- sum redditur. Eo moti apud Livium constituunt rem sorti permittere; apud Dionys. ambo simul osculari matrem. — *Properata*, propere. — *Turba* de duobus.

717. *L. Junius Brutus* Tarquinia, regis sorore, natus, quum fratrem suum una cum primoribus civitatis ab avunculo interfectum audivisset, contentu *tutus ab insidiis* esse vo- luit. — Ergo de industria *stulti si-*



Tutus ab insidiis, dire Superbe, tuis.  
 Ille tacens, pronus matri dedit oscula Terræ,  
 Creditus offenso procubuisse pede. 720  
 Cingitur interea Romanis Ardea signis,  
 Et patitur lentas obsidione moras.  
 Dum vacat, et metuunt hostes committere pugnam,  
 Luditur in castris: otia miles agit.  
 Tarquinius juvenis socios dapibusque meroque 725  
 Accipit, atque illis rege creatus ait:  
 Dum nos difficilis pigro tenet Ardea bello,

mulationem induit, se suaque prædæ esse regi passus est, neque *Bruti* (stupidi) cognomen abnuit; Liv. et Dionys.—*Superbus* hic spectatur, ut nomen proprium. Etiam Livius, II, 1: « Superbo exacto rege. » — Additur *dirus*, ut III Metam. 354, in Narcisso « dira superbia. » Silius, XIV, 126, « dirus Læstrigon, » Antiphates crudelis.—*Pronus*, prolapsus facie humum, vel quum exisset e templo, vel Italiam ingressus. Dionys. d. I.—*Tacens* simulationi Bruti bene convenire videtur Burm. Vulgo *jacens*, quod Ciofan. defendebat, et quod Mitscherl. servavit, atque, interpunctione sublata, cum *pronus* conjunxit: non male. Heinsius malebat *cadens*: etiam hoc bene. Liv. « velut si prolapsus cecidisset. » I Metam. 375, « procumbit uterque » Pronus humi, gelidoque paveñs » dedit oscula saxo; » ibidem, vers. 508, « ne prona cadas. »

721. Propius accedit ad refugium. — De *Ardea*, urbis Rutulorum, obsidione cf. Dionys. IV, 64; Livius, I, 57. — *Cingitur* obsidione, postquam primo impetu capion potuit. — Inde *lentum* magis, scil. longum, quam acre bellum. De voc. *lentus* vide Bent. ad Horat. I, Ep.

1, 21. — *Vacat*, quies est. — *Ludere* de rebus non seriis, quæ fiunt temporis fallendi causa. Livius, « Regii » juvenes interdum otium convivii » comessionibusque inter se terebant. » — Tum iter eorum, quod noctu Romam et Collatiam fecerant, *nocturnum ludum* vocat.

725. De hoc convivio, certamine ibi accenso, itinereque communi nihil habet Dionys. — *Socios*, sodales. — *Accipit*, ut sæpe. — *Atque illis*. Olim edeb. *ex illis*: tum Heinsius corrigi volebat, *juvenes socios*, ut Tarquinius pater juvenes convivio exceperisset, atque ex illis juvenibus Sextus, *rege creatus*, sermonem intulisse narraretur. Sed hoc adversatur Livio, apud quem, « Forte potantibus his apud Sextum Tarquinium, ubi et Collatinus cœnabat » etc. » *Atque illis* agnoscunt sex MSS. — Regii nostri codices, *ex illis*: quod etsi reciperetur, Heinsii tamen correctio non videtur necessaria. *Ed.*

727. Livius tantum: « incidit de » uxoribus mentio. » Ovidius definit, qualis illa fuerit. — *Difficilis*, scilicet aditu, expugnato, bene se habet, quamquam Taubnerus non improbat alterum *sollicitos*. — *Pigrum*, longum. Horat. I, Ep. 1, 21,



Nec sinit ad patrios arma referre Deos :  
 Ecquid in officio torus est socialis ? et ecquid  
 Conjugibus nostris mutua cura sumus ? 730  
 Quisque suam laudant : studiis certamina crescent ;  
 Et fervent multo linguaque corque mero.  
 Surgit, cui clarum dederat Collatia nomen ;  
 Non opus est verbis , credite rebus , ait.  
 Nox superest : tollamur equis , urbemque petamus. 735  
 Dicta placent : frenis impediuntur equi.  
 Pertulerant dominos : regalia protinus illi  
 Tecta petunt ; custos in fore nullus erat.

« ut piger annus pupillis. »—*Socialis*, conjugalis. Ipsæ uxores intell.—*In officio est*. Liv. VIII, 19, « Fun-  
 » danos in officio esse, » in fide, fi-  
 » deles; V Trist. XIV, 26, « nihil of-  
 » ficio, nupta, quod obstet, habet. »  
 — *Cura dicitur*, et is, qui amatur.  
 Tibullus, II, III, 31, « cui sua cura  
 » puella est. » Virg. Georg. IV, 354,  
 « tua maxima cura » de filio amato.  
 — Eodem sensu Cæsar, in Bello  
 Alex. *mutuum sentire*. Ed.

731. *Studia* eorum sunt, qui fa-  
 vent alicui, ejusque causam fortiter  
 agunt. Livius, XXIX, 19, « accensis  
 » studiis pro Scipione. » — *Fervent*  
 etc. incaluerant et sermonibus et  
 animo.—*Surgit* Heinsius vel invitis  
 membranis in *Surgite* mutari vult,  
 ut Collatini socios alloquentis ora-  
 tio hinc incipiat; non assentior. *Sur-  
 git* optime de eo, qui calidus iter il-  
 lico faciendum suadere vult: is ante  
 omnes surgere solet. *Surgite* melius  
 locum haberet post verba, *nox su-  
 perest*.—*Collatia* Sabinis a Tarqui-  
 nio Prisco adempta; Egerius, cujus  
 filius hic *Collatinus*, in præsidio ibi  
 relictus est; Liv. I, 34 et 38. Inde  
*Collatini* cognomen ei inditum, Dio-

nys. IV, 64, quod hac ipsa rerum  
 commutatione *inclaruit*. Mentem  
 Collatini multo apertius declaravit  
 Livius, « paucis id quidem horis pos-  
 » se sciri, quantum cæteris præstet  
 » Lucretia sua. Quin conscendimus  
 » equos, invisimusque præsentibus nos-  
 » trarum ingenia? Id cuique spec-  
 » tatissimum sit, quod nec opinato  
 » viri adventu occurrerit oculis. »—  
*Tollamur equis*, avehamur equis. XI  
 Metam. 441, « Me quoque tolle si-  
 » mul, » ubi vide notam.

736. *Frenis impedire equos*, pro  
 vulgari, frena addere equis. Dictum,  
 ut *comas impedire sertis*. — *Custos*,  
 janitor, cujus erat custodire et ser-  
 vare domum. Viris gravibus laudi  
 ducebatur, custode tali carere; Sa-  
 gittarius de Januis, p. 95. Sed nunc  
 absentia ejus effecta erat luxu, quo  
 omnia in regia miscebantur.—Con-  
 vivium, quo nurus regis tempus cum  
 æqualibus terebat, invidiose nota-  
 tum *mero*; vini enim usus mulieribus  
 romanis interdictus erat.—Ac illæ  
 quidem, genium suum placaturæ,  
*coronas*, adeo sumserant, quæ coer-  
 cere comas solebant; sed in ebriis  
*fundebantur*, solutæ delabebantur

Ecce nurum regis fuis per colla coronis

Inveniunt posito pervigilare mero.

740

Inde cito passu petitur Lucretia; nebat :

Ante torum calathi, lanaque mollis erant.

Lumen ad exiguum famulae data pensa trahebant ;

Inter quas tenui sic ait ipsa sono :

Mittenda est domino, nunc nunc properate, puellae, 745

Quamprimum nostra facta lacerna manu.

Quid tamen audistis ? nam plura audire soletis.

Quantum de bello dicitur esse super ?

Post modo victa cades : melioribus, Ardea, restas,

Improba, quæ nostros cogis abesse viros.

750

Sint tantum reduces : sed enim temerarius ille

Est meus ; et stricto quolibet ense ruit.

*per colla.* — *Fusus* de rebus negliger dependens dicitur. Multi non *coronis* habent, sed *capillis*, quod Modio placebat. Sed *fusus capillis*, quod et Burm. monet, domi esse vel castissimæ solebant, ut vers. 772, ipsa Lucretia. — Regii tres nostri habent *fusus per colla capillis*; at in codice B additur *vel coronis*; verum quidem quod dicit Burmannus; sed, ut fatetur ipse, innumeri codices habent *capillis*, et nullum *coronis* habentem notat. *Ed.*

741. *Nebat.* Bene sic uno verbo indicat, qualem invenerint Lucretiam. Plura habet Livius, sed singula cum pondere, « nocte sera deditam lanæ » inter lucubrantes ancillas in medio ædium sedentem inveniunt. — De *calathis*, in quibus *pensa* sua reponebant lanificæ, dictum ad IV Metam. 10.

744. Sequitur ingeniosum figmentum. — *Tenuis* est vox muliebris; II Metam. 373, Cycno in avem transumpti virilis vox *tenuata* est. Cicer.

Or. III, 11, *mollis* illa vox vocatur. — *Lacerna*, qua muniretur in castris adversus frigora et imbres. Etiam Propert. IV, III, 33, mulier scribit: « Noctibus hibernis castrensia » pensa laboro. — Bene ancillarum mores notant illa, *nam plura audire soletis*.

749. Sensum horum verborum Burmannus bene constituit: Certo cades postea; sed mora me cruciat, per quam viro careo; *restas*, resistis, fortioribus. Sine causa igitur Heinsius hæc de mendo suspecta habebat, atque corrigi volebat: *Dummodo victa cadas, melioribus, Ardea, resta.* — Sed enim obijcientis est. — Pro ille unus Vatican. *esto*. Hinc Heins. conjicit *temerarius est o*, *Est meus*. Non bene. Ille cum vi dictum; is, cujus temeritas satis nota. — *Quolibet*. Alii *qualibet*. — Sed in verb. sequenti Heins. et Burm. dissentiant. Ille præfert *furit* e conjectura sua, quod verbum passim, etiam addito voc. *ense*, de strenuis

Mens abit, et morior, quoties pugnantis imago

Me subit: et gelidum pectora frigus habet.

Desinit in lacrymas, intentaque fila remittit, 755

In gremio vultum deposuitque suum.

Hoc ipsum decuit: lacrymæ decuere pudicam;

Et facies animo dignaque parque fuit.

Pone metum, venio, conjux ait: illa revixit;

Deque viri collo dulce pependit onus. 760

Interea juvenis furiales regius ignes

Concipit, et cæco raptus amore furit.

bellatoribus occurrit; hic verb. *ruit* melius *quoque* quolibet convenire monet, et rure proprie temerariorum. Bene. — *Mens abit* perturbatis animo. IV Metam. 175, « mens excidit. » — *Pugnantis imago me subit*, pugnantem cogito. — *Subeunt*, quæ oriuntur in animo.

755. *Intenta* habent multi MSS et ed. Ald. posterior; sed cæteri *incepta* præferunt, ut VI Metam. 34, « inceptaque fila relinquit. » Mihi h. l. *intenta fila* melius verbo *remittit* convenire videntur. Cæterum similia figmenta memoravimus ad II Metam. 601. — *Decus* illud Noster passim notavit IV Met. 230: « Ipse » timor decuit; » et vers. 330: « Sed » et erubuisse decebat. » Vide ad Met. VIII, 25. Post *decuit* igitur cum vi additur, *lacrymæ decuere pudicam*, quibus optime conveniunt sqq. *et facies* etc. Merito igitur hanc lectionem revocasse nobis videmur. Nam Heinsius ex MSS Ursin. Naug. et octo aliis *lacrymæ cecidere pudicæ*, quæ verba post superiora *Desinit in lacrymas* admodum languent. — Propter decus in flendo *facies digna* erat animo. Hæc optime inter se cohærent.

759. Repente se prodit vir, qui

adhuc latens cum comitibus verba conjugis amantia audiverat. Ita et dictis et factis constabat, quantum Lucretia præstaret cæteris. — Pro *venio* Neapoli non displicet alia lectio, *venit*. In se utrumque habet locum; sed MSS plerique ex præstantioribus *venio* præferunt. *Venire* autem simili modo legitur VI Metam. 43: « Tum Dea, venit, ait. »

761. Exornat usque ad vers. 779, quod Livius tenuiter narrat: « Ibi » Sextum Tarquinium mala libido » Lucretiæ per vim stuprandæ caput » pit: tum forma, tum spectata castitas incitat. » — Malam illam libidinem Noster graviter *furiales ignes* vocat. Heinsius *furiosos* invexerat, quia nonnulli MSS *furiosos* habent. Quæ causa mutandi non satis gravis mihi videtur. Adde, quod *furialis* sæpe apud Nostrum legitur, ut *furialis cædes*, *furiales mensæ*, *furialia arma*, sed *furiosus* nunquam. Revocavi igitur alterum, quod et a Mitscherl. factum video, et a Lenzio. — *Raptus* istis ignibus melius convenit, quam *captus* aliorum. — Pro *furii* Heins. dedit *ruit*; Burman. nescit, unde hoc sumserit, quum in nullo scripto aut edito libro exstet. Heinsium tamen sequitur Mitscherl.



Forma placet, niveusque color, flavique capilli,

Quique aderat nulla factus ab arte decor.

Verba placent, et vox, et quod corrumpere non est: 765

Quoque minor spes est, hoc magis ille cupit.

Jam dederat cantum lucis prænuntius ales,

Quum referunt juvenes in sua castra pedem.

Carpitur attonitos absentis imagine sensus

Ille: recordanti plura magisque placent.

770

Sic sedit: sic culta fuit: sic stamina nevit:

Neglectæ collo sic jacuere comæ.

763. Forma hujus matronæ pendet a criticorum judicio. Namque 1<sup>o</sup> pro *niveusque* unus Vatic. *visensque*; hinc Heins. suadebat *visusque*; eequidem nihil muto: *niveus color* Ovidio in puellis satis placuit; supra I, 427, *nivea Nympha*; Heroid. XX, 120, *niveo latus in ore rubor*; atque his *niveis*, III Art. Amat. 309, artes quasdam tradit: 2<sup>o</sup> *Flavi capilli* non placent Burm. quia meretriculis et libidinis mulieribus a poetis adscribantur; itaque mavult cum uno cod. Heins. *nigrique capilli*, ut ita niveo oris colori capilli nigri juncti efficiant emendatissimæ formæ decus. Papæ! Ovidius tamen et pudicis *flavos* capillos tribuit; infra V, 609, Europæ « *flavi capilli*; » Heroid. V, 122, Cœnone ipsa « *flaventes comas* » suas jactat; XX, 57, magnam vim habebant Cydippæ « *flavi crines* » et eburnea cervix. » VI Metam. 118, Ceres « *flava comas*. » Et Minerva satis casta passim *flava*, ut infra VI, 652: 3<sup>o</sup> *Decorem* Neapolis ad ruborem refert, qui non fuerit a fuco et pigmento, sed naturalis. Et plures MSS habent *color*. Sed *decor*, qui mox vera. 774, a vultu, facie, colore diserte distinguitur, in habitu, gestu, motu corporis cer-

nitur. Vide Benth. ad Horat. IV, Od. XIII, 17, ubi *color* et *decens motus*. — In codice Regio A, hoc loco legitur *color*, et versu 774 *decor*. Ed.—Hic quoque *decor artibus* comparabatur. Vide III Art. Amat. 257 sqq, ubi longus catalogus talium *artium*, quibus *decor* in ridendo, lacrymando, incedendo conciliatur. Propert. I, 4, « *multis decus* » (Benth. corrigit *decor*) *artibus*. — *Quod corrumpere non est*, scilicet, pudor. Lenzius: placet in ea id, quod se corrumpi non patitur.

767. *Cantum dare*, cantum edere, ut Tibull. III, iv, 40. Gallus cantu suo « *evocare Auroram* » dicitur XI Metam. 598. — Mox vis phantasie et impuræ libidinis verissime notatur. *Carpi amore* aut *igne formola* obvia. Eandem vim *carpendi* habebat etiam *imago*, cogitatio mulieris amatæ. Etiam Remed. 723, « *imagine muta carpi*. » — *Plura* bene se habet. Non igitur erat, cur Heins. ex uno suo *pulchra* probaret. — In tribus nostris Regiis legitur *plura*; conjectura Heinsii ut multæ ejusdem nulla auctorit. nititur. Ed.

772. *Neglectæ*. Alii *injectæ* habent. De qua varietate confer Heinsium et Burmannum.—Pro *vultus* Taub-



Hos habuit vultus : hæc illi verba fuere :

Hic decor, hæc facies, hic color oris erat.

Ut solet a magnò fluctus languescere flatu ; 775

Sed tamen a vento, qui fuit, unda tumet :

Sic, quamvis aberat placitæ præsentia formæ,

Quem dederat præsens forma, manebat amor.

Ardet ; et injusti stimulis agitatus amoris,

Comparat indigno vimque metumque toro. 780

Exitus in dubio est : audebimus ultima, dixit ;

Viderit, audentes forsne Deusne juvet.

Cepimus audendo Gabios quoque. Talia fatus,

Ense latus cingit ; tergaque pressit equi.

Accipit ærata juvenem Collatia porta, 785

Condere jam vultus sole parante suos.

Hostis, ut hospes, init penetralia Collatini :

nero ex Puteano et duobus aliis placebat *cultus*. At præcessit modo, *sic culta fuit*. *Vultus* autem a *facie* et *oris colore* differt. — Nullus ex nostris Regiis habet *cultus*. Ed.

775. *A flatu*, post flatum. Hanc similitudinem non vulgarem illustrat Gellius, Noct. Att. II, 30, ubi de austro vel africo : « Quibus jam » nihil spirantibus undæ tamen factæ » diutius tument, et a vento quidem jam dudum tranquillæ sunt, » sed mare est etiam atque etiam » undabundum. »

779. Heins. cui *injusti* voc. nimis leue in hac re videbatur, id in *injusti* mutari volebat : sine causa. Liv. I, 59, hoc ipsum Tarquinii facinus *regiam injuriam* vocat. III Metam. 267, Juno, « injuria thalami nostri. » — *Comparat*, parat. — *Indigno*, qui talia non merebatur. — *Metumque*. Heins. ex MSS pluribus recepit *dolumque* : idque tuetur etiam Burm.

quia Liv. XXIII, 35, scripsit, « dolum » ad capiendos eos comparat. » Hoc nihili est : non enim quæritur, an scriptor aliquis *dolum comparare* dixerit, sed quid Tarquinius Lucretiæ paraverit. De *dolo* nec Ovid. quidquam in sqq. habet, nec historici ; in *metu* contra, quem mulieri incusserit, omnes consentiunt. — Bene in nostris cod. tribus legitur *metumque*. Ed. — Paulo post volebat dicere, audentibus omnia succedunt. Vulgo successum illum *Fortunæ* tribuebant, *fortes* *Fortuna* juvat : Sexto perinde est, quis hoc faciat, *Forsne Deusne*. — *Viderit* vox ejus, qui curam rei in alium rejicit. Vide Heinsium ad I ex Ponto, 11, 9.

785. *Accipit* nos locus, quem ingredimur. — *Ærata*, ære obducta. — *Hostis, ut hospes*. Hic lusus, in quo vis inest, placuit etiam Livio, qui « hostis pro hospite mihi sibi que etc. » — *Collatini* Heins. unius Medic. au-

Comiter excipitur : sanguine junctus erat.  
 Quantum animis erroris inest ! parat inscia rerum  
 Infelix epulas hostibus illa suis. 790  
 Functus erat dapibus : poscunt sua tempora somni :  
 Nox erat, et tota lumina nulla domo.  
 Surgit, et auratum vagina liberat ensem ;  
 Et venit in thalamos, nupta pudica, tuos.  
 Utque torum pressit : Ferrum, Lucretia, mecum est, 795  
 Natus, ait, regis, Tarquiniusque loquor.  
 Illa nihil : neque enim vocem, viresque loquendi,  
 Aut aliquid toto pectore mentis habet.  
 Sed tremit, ut quondam stabulis deprensa relictis  
 Parva sub infesto quum jacet agna lupo. 800  
 Quid faciat ? pugnet ? vincetur femina pugna :  
 Clamet ? at in dextra, qui necet, ensis adest :

cloritate in *Collatina* mutavit, quia et Virg. *Æn.* VI, 744; « *Collatinas* » arces » dixit. At Virg: totam urbem intellexit, Noster unius Collatini domum.—*Excipitur*. Burmannus, si paulo ante *Excipit* cum quinque MSS legatur, hic *accipitur* præferat e Mazar. et undecim aliis, quia Ovid. hæc Livii, XXIII, 33, « Hostes pro » hospitibus comiter accepit » ante oculos habuisse videbatur. Sed quis credat, Livium a poeta nostro expressum esse in talibus minutis ?—Regii tres paulo ante habent *Accipit*, et hoc loco *excipitur*.—*Sanguine junctus*. Egerius, Collatini pater, frater Tarquinii Prisci fuerat, cujus nepos Sextus Tarquinius.

793. Tam hic, quam VI *Metam.* 551, alii MSS habent *deripit ensem*. Sed nunc sermo non est de vehementer impetu. — In verbis Sexti Liv. hæc habet: « Sextus Tarquinius » sum. » Pro iis Ovid. *Tarquiniusque*

vel *vocor*, vel e lect. Pembroc. Reg. Petav. et aliorum, quam Burmannus recepit, *loquor*; quæ duo eodem sensu capi possunt. Burm. tamen vim quærit in voce *loquor*: Sextum, ut vim adderet verbis, dixisse subblata insolentius voce, se loqui, Tarquinium et filium regis. Apud Dionys. juvenis libidine accensus inepte in longiore orationem excurrit.

797. Livius: « Pavidam ex somno » mulier. » — *Mens*, sensus. III *Metam.* 628, is cui guttur pugno ruptum, hæret aliquamdiu *amens*, post *redeunt in pectora sensus*.—In similitudine *quondam* est id quod, fere. Eadem autem similitudo VI *Metam.* 527.

801. Nullam opem videbat, nulum salutis remedium. Id deliberatione quadam bene describitur. — *Pugnet*. Callisto « quidem contra, » quantum modo femina possit, pugnat : sed quæ superare puella,

Effugiat? positis urgentur pectora palmis,

Nunc primum externa pectora tacta manu.

Instat amans hostis precibus, pretioque, minisque: 805

Nec prece, nec pretio, nec movet ille minis.

Nil agis; eripiam, dixit, pro crimine vitam:

Falsus adulterii testis adulter erit:

Interimam famulum, cum quo deprensa fereris.

Succubuit famæ victa puella metu. 810

Quid, victor, gaudes? hæc te victoria perdet:

Heu quanto regnis nox stetit una tuis!

Jamque erat orta dies: passis sedet illa capillis,

Ut solet ad nati mater itura rogum:

Grandævumque patrem fido cum conjuge castris 815

Evocat; et posita venit uterque mora.

Utque vident habitum, quæ luctus causa, requirunt;

Cui paret exsequias, quove sit icta malo?

» Quisve Jovem poterat; » II Metam. 434.—*Positis* etc. Liv. « sinis-  
» traque manu mulieris pectore op-  
» presso. » — *Urgetur* Heinsius ex ve-  
tere Modii libro dederat. Sed unius  
libri auctoritate græcismum illum,  
quem Heins. ubique cupide arripit,  
nolim infarcire. — Bene *Gierig* re-  
jecit *urgetur*, quod, vel omissa vel  
erasa supra litera *e* lineola, potuit  
legi. *Ed.* — *Externa*, viri alieni.

805. *Instat* etc. Sic et Liv. — Pro  
*moveret* Voss. Vatic. Stroz. *valet*, non  
improbante Burmanno. — *Nil agis*,  
frustra adversaris. — *Pro crimine*, ut  
causam habeam criminandi, te ac-  
cusandi. Nisi malis, tamquam cri-  
men admisisses. Sabin. I, 79: « Tyn-  
» daris has illi læso pro fœdere pæ-  
» nas Struxerat. » Heins. præferebat  
vulg. *per crimina*. Burman. objicit,  
hoc fore sceleste, nefaria vitam eri-  
pere. Itaque e pluribus libris alte-

rum recepit, et præterea *sub cri-  
mine* conjicit. — *Falsus*, fictus, si-  
mulatus, ut passim in Metam. Verba  
Livii aperti et ad terrendum gra-  
vius etiam Sexti mentem declarant:  
« Cum mortua jugulatum servum  
» nudum positurum ait, ut in sor-  
» dido adulterio necata dicatur. »

810. *Victrix libido* etiam apud Liv.  
— *Nox* de concubitu. — *Hæc te* etc.  
Talia minari solent injuriam passi.  
Nunc poeta eadem vaticinatur. —  
*Passi*, id est, soluti et circa collum  
fluentes capilli signum erant luctus,  
in mulieribus potissimum. Heroid.  
X, 187. Vide Kirchm. de Funer.  
pag. 200.

815. *Patrem* Roma evocavit, auc-  
tore Livio. Apud Dionys. ipsa car-  
pento vehitur Romam ad patrem.  
*Evocat*, qui aliquem aliunde ad se  
venire jubet. — *Icta*, percussa, per-  
culsa. — Codices nonnulli *icta modo*;



Illa diu reticet, pudibundaque celat amictu

Ora : fluunt lacrymæ, more perennis aquæ.

820

Hinc pater, hinc conjux lacrymas solantur; et orant,

Indicet : et cæco flentque paventque metu.

Ter conata loqui, ter destitit : ausaque quarto,

Non oculos adeo sustulit illa suos.

Hoc quoque Tarquinio debebimus? eloquar, inquit, 825

Eloquar infelix dedecus ipsa meum.

Quæque potest narrat : restabant ultima; flevit,

Et matronales erubuere genæ.

Dant veniam facto genitor conjuxque coacto.

Quam, dixit, veniam vos datis, ipsa nego.

830

Nec mora; celato figit sua pectora ferro;

alii *acta*; Regii nostri *icta malo* : cave quicquam mutes; Stat. Theb.

IX, 351, « At genitrix cætu glau-

» carum cuncta sororum Protinus

» icta malo, vitrea de valle solutis

» Prosiluit furibunda comis. » Apud

Valerium Flaccum, VIII, 35 « icta

» timore gravi; » apud Lucretium,

« icta dolore; » Petronius etiam,

de Bello civili dixit simpliciter « icta

» mens, » id est, territa et con-

sternata. *Ed.* — *Lacrymas* verbo at-

tingit Livius, qui multo melius ani-

imum et affectum mulieris gene-

rosæ descripsit. Etenim mulierem

nil nisi lacrymantem et res turpes

eloqui dubitantem, tum viros la-

crymantem solantes notare quis non

valet? Ineptior etiam inducitur a

Dionys. Halic. Tales ineptiæ facil-

lime sentiuntur comparatione cum

exemplo illustri instituta.

821. *Lacrymas solari*, consolari

lacrymas fundentem, bona locutio.

— *Cæcus*, cuius causa latet.

825. *Hoc* Neapol. intel. stuprum

illatum; Constant. Fanens. et Bur-

man. vero eloquium illius dedeco-  
ris. *Hoc*, quod cogor ipsa dedecus  
meum eloqui. Huic interpretationi  
non video, cur Krebsius intolerabi-  
lem duritiem tribuerit. Minus ve-  
recunda est apud Dionys. ubi *ἡ γὰρ*  
*ἄπαι τὸ πρῶτον, ἢ ἀρχῆς ἀναλυσίς*.  
Apud Liv. eloquitur, quæ scire opus  
erat : « Vestigia viri alieni, Colla-  
» tine, in lecto sunt tuo... Sextus  
» est Tarquinius, qui hostis pro  
» hospite etc. »

829. *Dant veniam* etc. Melius con-  
solantur ægram animi, avertendo  
noxam ab coacta in auctorem de-  
licti: mentem peccare, non corpus.  
— *Coacto*. Ciosan. Taubn. Lenzius  
et Kreb. sex MSS auctoritate præ-  
ferunt *coactæ*, ut *ἡμιοτιλινον* in cæ-  
sura et in fine versus vitetur. Bene;  
quamquam Ovid. et II Metam. 398 :  
« colligit amentes, et adhuc ter-  
» rore paventes » similem negligenti-  
am admisit. — In tribus codicibus  
nostris Regiis legitur *coactæ*, quod  
venustius et magis poeticum sane  
mihi videtur. *Ed.*



Et cadit in patrios sanguinolenta pedes.  
 Tunc quoque jam moriens, ne non procumbat honeste,  
 Respicit: hæc etiam cura cadentis erat.  
 Ecce super corpus communia damna gementes, 835  
 Obliti decoris, virque paterque jacent.  
 Brutus adest; tandemque animo sua nomina fallit;  
 Fixaque semanimi corpore tela rapit;  
 Stillantemque tenens generoso sanguine cultrum,  
 Edidit impavidos ore minante sonos: 840  
 Per tibi ego hunc juro fortem castumque cruorem,  
 Perque tuos Manes, qui mihi numen erunt;  
 Tarquinium pœnas profuga cum stirpe daturum.  
 Jam satis est virtus dissimulata diu.  
 Illa jacens ad verba oculos sine lumine movit; 845  
 Visaque concussa dicta probare coma.  
 Fertur in exsequias animi matrona virilis;

832. *In pedes*, pro ad pedes. — *Honeste*, decenter, εὐχαμένως. Julius Cæsar, quum interficeretur, « sinum ad ima crura deduxit, quo » honestius caderet. » Præeunte Eurip. Hec. 568, veteres passim hanc cadentium curam notarunt, ut ad III Metam. 479, et ad Plin. IV, Ep. xi, 9, jam monuimus. Poterat igitur, ut res trita, nunc omitti.

837. *Nomen Bruti*, sive stupidi, quod ei per contemptum inditum erat, et cujus vim adhuc simulando expresserat, nunc tandem *fallit animo*, consilio ac virtute ostendit, se esse ingenio longe alio. Hinc cæteri stupebant, « unde novum in Bruti » pectore ingenium. »

841. *Per tibi ego*. In obtestationibus et juramentis sæpe hic ordo verborum perturbatus reperitur. Virg. Æn. IV, 314: « Per ego has lacrymas. » Liv. XXIII, 9: « Per

» ego te, fili, quæcumque jura etc. » — *Virtus dissimulata*, celata, quia Brutus tyranni metu se stultum simulaverat. *Ed.*

845. *Ad verba*. Octo veteres, *adversa*, quod placet Heins. Sed etiam III Metam. 245, Actæon a canibus dilaniatus, quum comites eum clamarent, « ad nomen caput refert, » et IV, 145, Pyramus « ad nomen » Thisbes oculos jam morte gravatos « erexit. » Hinc h. l. nolim quidquam mutari. — Regius codex C 50-  
*lus, adversa*. — *Sine lumine* id quod morte gravatos, per quos jam nihil cernebat. — *Concussa coma* approbat, ut Jupiter apud Homer. Sed inepte hunc lusum, aut hoc figmentum huic tali narrationi subiectum arbitror. Melius I Metam. 566, de Daphne in laurum mutata simile figmentum additum.

847. *Fertur in exsequias* pro, *ef-*

Et secum lacrymas invidiamque trahit.  
 Vulnus inane patet : Brutus clamore Quirites  
 Concitat, et regis facta nefanda refert. 850  
 Tarquinius cum prole fugit : capit annua consul  
 Jura : dies regnis illa suprema fuit.  
 FALLIMUR? an veris prænuntia venit hirundo ,  
 Et metuit , ne qua versa recurrat hiems ?  
 Sæpe tamen, Procne, nimium properasse quereris ; 855  
 Virque tuo Tereus frigore lætus erit.  
 JAMQUE duæ restant noctes de mense secundo ,

*fertur.* Scaliger conjicit *Exsequias fertur*, ut dictum sit quemadmodum *exsequias ire*. — *Secum invidiam et lacrymas trahit*, quatenus ii, qui adsunt, lacrymas fundunt, *invidiamque*, odio, exardescunt in Tarquinium. Pro se quisque scelus regium ac vim queruntur. — *Inane*, apertum. Hoc in foro omnibus conspiciendum præbatur. — Erat ante curiam corpus Lucretiæ; vulnus patebat: convenerant jam non modo qui in foro erant, sed in tota urbe; congregato ergo populo omni, Brutus longam habuit orationem, quam Dionysius refert. *Ed.* — *Annua jura*, annum imperium. Etiam Liv. novam civitatis formam per *annuos magistratus* declarat: et, quum consules omnia jura, omnia insignia regis tenerent, diserte monet II, 1, libertatem in eo fuisse, quod *annuum* imperium consulare fuerit. — *Dies suprema* fuit ann. u. c. 244.

853. *Hirundinis reditus.* Columel. XI, 2, ad diem VII Kal. Mart. hirundinem conspici ait. Plin. II, 47: « Favonium quidam a. d. VIII Kal. » Mart. Chelidoniam vocant ab *hirundinis* visu. » Vocatur *veris prænuntia*; Ælianus, Hist. Anim. I, 52, τῆς ὥρας τῆς ἀρίστης ὑποσημαίνει

τὴν περὶ δὲ μίαν; Oppian. Halieut. III, 244, ἐλατὺν Ζεφύρου πρωτάγγελος ἄνους; Horat. I, Epist. VII, 13, vernum tempus indicaturus: « Cum Zephy- » ris et hirundine prima. » Favonii secundum Columel. die septimo, secundum Plin. sexto ante Februarias Idus spirare incipiebant, et mollire hibernum cælum. Is dies igitur principium habebatur veris. Sed quoniam molliti cæli vis serius sentiebatur, hirundo poterat veris *prænuntia* vocari. — Ad finem etiam vergente Febuario, *hiems* identidem *recurrebat*, et Kal. Mart. demum cedebat. III, 235. — *Qua*, qua parte. — Hirundines interdum damno suo reditum *properant*. Plin. XVIII, 57: « Notatum est, advenas volucres ad » diem » VI Kal. Febr. « spem ve- » ris attulisse, mox sævissima hieme » conflictatas. » — De *Procne*, *Terei*, regis Thraciæ, uxore in hirundinem mutata, vide VI Metam. 425 sqq. *Progne* deterior scriptura est, quam tamen h. l. omnes libri tuentur. Est verior Πρόγνη *Procne*. Vide Heins. ad Metam. d. I.

857. *Equiria* III Kal. Mart. scil. die 27 Febr. De iis Festus: « Equi- » ria, hudi, quos Romulus Marti » instituit per equorum cursum,

Marsque suos junctis curribus urget equos.  
 Ex vero positum permansit Equiria nomen,  
 Quæ Deus in campo prospicit ipse suo.  
 Jure venis, Gradive; locum tua tempora poscunt:  
 Signatusque tuo nomine mensis adest.  
 Venimus in portum, libro cum mense peracto:  
 Naviget hinc alia jam mihi linter aqua.

860

» qui in campo Martio exerceban-  
 » tur. » — Pro *suos junctis* Pembr.  
*citis junctos*, quod non displicet  
 Taubnero. Sed Mitscherlich. dedit  
*citos junctis*. Tres MSS habent *citus*  
*junctis*. Nec male *citi* vel *equi*, vel

currus hic memorantur. — *Ex vero*,  
 ex re ipsa. — *Tua tempora*, mensis a  
 te dictus. — *Locum poscunt*, volunt  
 jam a me cani, exacto mense Fe-  
 bruario. Non bene Heinsius *tua* in  
*sua* mutari volebat.

# LIBRI TERTII

## ARGUMENTUM.

Invocatio Martis , 1-8. Romuli et Remi fortuna inde a natalibus usque ad urbis initia ; Martis cultus ; Martii mensis nomen , 9-86. De ordine hujus mensis apud varios populos , 87-98. De numero mensium apud priscos Romanos , et de autione eorum per Numam ; tum de Cæsaris anno solari , 99-166. Matronalia, quorum descriptioni raptus Sabinarum insertus , et verni temporis vis , 167-258. Saliorum origo et festum ; ancile de cælo delapsum , 259-398. Occasus alterius piscis , 399-402. Arctophylacis occasus et Vindemitoris ortus , 403-414. Vestæ sacra et Augusti Pontificatus , 415-428. Vejovis ædes dedicata , 429-448. Pegasi collum oritur , 449-458. Ortus Coronæ , Thesei et Ariadnes fabula , 459-516. Altera Equiria , 517-522. Annæ Perennæ sacra ; Dido et Anna , et hujus adventus in Latio ; secessio populi Romani , 523-696. Nex Julio Cæsari illata , 697-710. Scorpîi medii occasus , 711 , 712. Liberalium origo et ritus , in quibus solemnia togæ virilis ; tum Bacchi laudes , 713-790. Processio ad Argeos , 791 , 792. Milvi sideris origo et quædam ex Titanomachia , 793-808. Quinquatria Minervæ , 809-850. Solis ingressus in Arietem ; Phrixi et Helles fabula , 851-876. Æquinocmium vernum , 877-878. Festum Jani , Salutis , Concordiæ , Pacis , 879-882. Lunæ cultus in Aventino , 883 , 884.



# PUBLII OVIDII NASONIS

## FASTORUM

### LIBER TERTIUS.

---

BELLICE, depositis clypeo paulisper et hasta,  
Mars, ades; et nitidas casside solve comas.

Forsitan ipse roges, quid sit cum Marte poetæ:

A te, qui canitur, nomina mensis habet.

Ipse vides manibus peragi fera bella Minervæ:

Num minus ingenuis artibus illa vacat?

Palladis exemplo, ponendæ tempora sume

Cuspidis: invenies et quod inermis agas.

Tum quoque inermis eras, quum te Romana sacerdos

1-8. *Martis invocatio.* Ut libri I, et IV initia Jani et Veneris laudibus dedit, sic nunc, Martium mensem describere aggrediens, *Martem*, qui modo advenerat II, 861, appellat, quamquam Deum poetis alienum, comparatione cum *Minerva* commode facta. — Pacis opus tractanti dum Mars adest, ut *deponat* arma rogatur, quod idem et respirationis causa facit; Statius Theb. VII, 10. Confer infra vers. 171, ubi ex parte paret precibus poetæ. — *Nitidas*, pulchras, nunc tantum ornat. Etiam Homerus heroibus suis dat membra *λεπρὰ*. — *A te* etc. non docet Martem, unde mensis nomen habeat, sed hoc sibi vult: adsis mihi, hoc enim jam ago, ut mensem a te dictum canam. — *Manibus*, virtute et

armis. Vide Cort. ad Sallust. Jug. XXXIX, 1. — *Sumere tempora* bona locutio, de qua Vorstius, de Latinitate falso suspecta, cap. 15. — *Palladis* autem exemplum quam vim habeat, vide vers. 176. — *Pro cuspidis* multi MSS *cassidis*. Nil refert, utrum præferas. Aliter res se habet vers. 171. — *Invenies* etc. Sic commode viam sibi munit ad sqq.

9-166. Quod Ovidius, I, 27-44, cursim præceperat, id nunc uberius declarare vult, Martium a Romulo primum factum esse anni mensem, annum autem non nisi decem menses habuisse, cui Numa duos addiderit; Julium Cæsarem denique ad solis cursum annum accommodasse. Verum hic in Romuli et Remi origines excurrit, inde a Martis cum

Cepit, ut huic urbi semina digna dares.  
Silvia Vestalis, quid enim vetat inde moveri?

10

Sacra lavaturas mane petebat aquas.  
Ventum erat ad molli declivem tramite ripam,  
Ponitur e summa fictilis urna coma.

Fessa resedit humi, ventosque accepit aperto  
Pectore, turbatas restituitque comas.

15

Dum sedet; umbrosæ salices, volucresque canoræ,  
Fecerunt somnos, et leve murmur aquæ.  
Blanda quies victis furtim subrepit ocellis:

Ilia concubitu exorsus; atque adeo plura, quæ jam II, 383 sqq., retulerat, repetit. Duplex vero illa repetitio, quæ h. l. inest, poetam non satis exactum arguit.

Primum Mars recognoscit suum furtum; accessus ejus ad Silviam dormientem in nummis quoque expressus est. Noster phantasie suæ operem exornavit.—*Silvia* revocavimus quia non nisi Arondel. *Ilia* habet, atque alterum h. l. etiam Priscian. p. 864 et 920, agnoscit. Et infra vers. 45, servatum est etiam ab Heins. et Burm. De *Silvia* autem vide ad II, 383. — Vocatur *romana sacerdos*, quatenus inde origo Romani nominis. Etiam Horatius, III, Od. 1x, 8, *Romana Ilia*. Sine causa igitur Heinsius *Trojana sacerdos* volebat; quamquam eadem Amorr. III, vi, 54, « ab Idæo Laomedonte genus » vocatur, atque adeo paulo post vers. 65, ex MSS pluribus *Trojana propago* exhibetur. Krebsius suadet *regina sacerdos*, ut Virg. *Æn.* I, 273. — *Moveri*, incipere. Livius, II, 58, « motam, *captam*, remittere industriam; » V, 24, *movere actionem*, incipere. — Solemne munus Vestalium erat *aquas petere* ad *sacra* vasa lavanda, et penetralia lustranda; in

quem usum iis Numa fontem assignavit. Plutarch. Num. 13. Sed frustra quærunr, unde Silvia hauserit. Res Albæ gesta est.

13–20. Locus probabilis præ cæteris.—*Mollis*, eleganter leniter descendens vocatur, qui et *clemens* dicitur. Satis fuisset, *molliter declivem ripam*; sed maluit plenius loqui. Nonnulli, *mollem declivi*. Quidam *declivam* aut *declivo*.—Vertice gestari solebant et sacra in pompis; II Met. 712. De Vestali etiam Propert. IV, 1v, 15, « at illi Urgebat medium fictilis urna caput. »

16. MSS Bonon. et Moreti, *composuitque comas*, quod placet Heins. quia *componere* in hac re sæpe. Sed Burm. alterum recte tuetur, quia coma majori in otio et ad speculum componitur; turbata raptim restituitur. — *Umbrosæ* etc. Talis locus ad somnum invitans describitur et ab Horat. Epod. II, 25: « Labuntur altis interim ripis aquæ; Queruntur insilvis aves; Frondesque (e conj. Markl.) lymphis obstrepunt manantibus; Somnos quod invitet leves. »—*Subrepit ocellis* melius nunc placet, quam aliorum *victos oppressit ocellos*. *Opprimere* minus bene convenit vocab. *blanda* et *furtim*. Etiam

Et cadit a mento languida facta manus.

20

Mars videt hanc, visamque cupit, potiturque cupitam,

Et sua divina furta fefellit ope.

Somnus abit : jacet illa gravis : jam scilicet intra

Viscera, Romanæ conditor urbis, eras.

Languida consurgit ; nec scit cur languida surgat ;

25

Et peragit tales arbore nixa sonos :

Utile sit faustumque, precor, quod imagine somni

Vidimus : an somno clarius illud erat ?

Ignibus Iliacis aderam : quum lapsa capillis

Decidit ante sacros lanæa vitta focos.

30

Inde duæ pariter, visu miserabile, palmæ

Surgunt : ex illis altera major erat ;

Et gravibus ramis totum protexerat orbem ;

Stat. I Silv. IV, 57, « fessos penitus » subrepat in artus Insidiosa quies. »

21. *Cupere* sic sæpe in Metam. Interdum *connubia* additur. Et repetitio ejusdem verbi, qualis est in *videt, visam; cupit, cupitam*, grata et familiaris Ovidio; etiam celeritas rei peractæ hic satis expressa, fere ut V Metam. 395, in raptu Proserpinæ. De voce *potiri* cum quarto casu vide Heins. — *Fallit*, qui clam aliquid agit, vel ut non innotescat, vel, ut hoc loco, ut non sentiat. — Liberi *intra viscera* dicuntur concipi, unde et ipsi *viscera* vocantur; V Metam. 18. — *Jam eras*. Quanto melius hoc, quam; jam conceperat! — Regii tres nostri habent *erat*; alterum dedit Heinsius ex tribus libris. *Ed.*

27-38. Somnium Silvæ, quod ipsius geminæque proles fata portendebat, egregie fictum, et nunc loco positum. — *Utile* etc. ad formulam solemnem: quod bonum, felix faustumque sit. — *Imago somni*, somnium, ut et VIII Met. 824. — *Vi-*

*dere* usitatum de somniantibus. — *Somno clarius*, plus quam somnium. — *Iliaci ignes*, sacra Vestæ, ut vers. 142, *Iliaci foci*; nam Æneas Ilio « vitas, Vestamque potentem, æternumque ignem » attulit, Æneid. II, 296. — In *vitta lapsa* omen erat; vitta enim convictæ Vestali adimebatur. *Labi et cadere* sic sæpe junguntur; Liv. I, 56, « velut si pro » lapsus cecidisset. » Pro *quum lapsa* plurimi libri *collapsa*.

31. Astyages e natalibus filiæ per somnum vidit vitem enasci, cujus palmitē omnis Asia obumbraretur; Justin. I, 4. A vitibus et oleis proximam nobilitatem *palmis* tribuit Plinius, Hist. Nat. XXIII, 51; idemque XVII, 38, palmas memorat prodigii loco ex aris et statuīs enatas; ut alias victoriam et triumphum portendebant, sic nunc magnitudinem imperii. Non autem hoc loco apparet, unde palmæ exierint, utrum ex foco, an ex vitta lapsa, nam inde ad utrumque referri potest. —

Contigeratque nova sidera summa coma.  
 Ecce meus ferrum patruus molitur in illas ; 35  
 Terreor admonitu , corque timore micat.  
 Martia , picus , avis gemino pro stipite pugnant ,  
 Et lupa : tuta per hos utraque palma fuit.  
 Dixerat : et plenam non firmis viribus urnam  
 Sustulit : implerat , dum sua visa refert. 40  
 Interea crescente Remo , crescente Quirino ,  
 Cælesti tumidus pondere venter erat.  
 Quo minus emeritis exiret cursibus annus ,  
 Restabant nitido jam duo signa Deo.  
 Silvia fit mater : Vestæ simulacra feruntur 45  
 Virgineas oculis opposuisse manus.  
 Ara Deæ certe tremuit , pariente ministra ;  
 Et subiit cineres territa flamma suos.

*Coma nova*, vertice , frondibus modo natis.—*Contingere summa sidera*, aut cælum , omnino augustam altitudinem declarat. Apud Virgilium , Georg. II, 427, pomiferæ arbores « ad sidera raptim nituntur. »

35. *Molitur*, vibrat, jactat; præeunte Virgilio, Georg. IV, 321, « validam in vites molire bipennem. »—Etiam *picus*, ut *lupus*, Marti sacer. Plin. X, 20 : « Pici Martio cognomento insignes et in auspiciu manenti. »—Ut *lupa* Romulo et Remo expositis mammas præbebat, ita *picus* frequenter ori eorum buccas inserebat. Vide vers. 54; Plutarch. Rom. IV; Quæst. Rom. p. 89.—*Stipite*, arbore, palma.

41. Romulum in utero jam *Quirinum* vocat.—Repetitionem, qualis est in voc. *crescente*, amat etiam Livius; sic, II, 5, « vetuere reddi, » vetuere in publicum redigi, » et centies.—*Emeritus*, qui mereri de-

siit, eo, quod fieri debebat, perfecto; ergo, absolutus. IV, 688.—*Nitidus Deus*, Phœbus.—Pro *Silvia* Moreti et Franc. *Ilia*.—*Vestæ simulacra*. Scripsisse hæc Ovid. videtur, quo tempore nondum sciebat, in Vestæ templo nullum esse simulacrum; VI, 295 sqq. Neque erat in templis græcis; Pausan. Corinth. cap. 53. Extra templum autem statuæ ei ponebantur; vid. Lipsius de Vesta, cap. 3.—*Opposuisse manus*. Idem figmentum VI, 614. Similiter Minerva oculos avertit, quum in templo ejus Ajax Cassandram vim inferret; Fragm. Callim. p. 419.—*Tremor aræ* aut aliarum rerum sacrarum signum præsentiae, et vel iræ, vel benevolentiae divinæ. Vid. ad IX Metam. 781.—*Subiit cineres*, adeoque bene extincta est. Extinctus ille ignis plus aliis prodigiis terrebat animos Romanorum, Liv. XXVIII, 11: eratque, monen-



Hæc ubi cognovit contemtor Amulius æqui,  
 Nam raptas fratri victor habebat opes, 50  
 Amne jubet mergi geminos : scelus unda refugit ;  
 In sicca pueri destituuntur humo.  
 Lacte quis infantes nescit crevisse ferino,  
 Et picum expositis sæpe tulisse cibos ?  
 Non ego te , tantæ nutrix Larentia gentis , 55  
 Nec taceam vestras , Faustule pauper , opes.  
 Vester honos veniet , quum Larentalia dicam :  
 Acceptus geniis illa december habet.  
 Martia ter senos proles adoleverat annos ,  
 Et suberat flavæ jam nova barba comæ : 60  
 Omnibus agricolis armentorumque magistris

te Dionysio , signum ἀφανισμοῦ τῆς πάλαιας. Lipsius de Vesta , cap. 8.

49. Revolvitur eò , quod jam II , 385 sqq , copiosius narravit.—*Opes* , regnum. Sic *Deorum opes* , Liv. I , 4.—In verbis *scelus unda refugit* non malum figmentum : — De *pico* vide ad verum 37.

55. *Faustulus* , vir bonus , regii pecoris magister , ab ipsis Arcadibus Evandri comitibus , genus ducebat , montemque incolebat Palatinum : Dion. I , LXXIX , p. 204 et 218 , Reisk. —Ejus uxor hoc loco non nisi in uno Medic. et altero Mazar. pro diversa lectione *Larentia* vocatur ; nam in cæteris libris *Laurentia* exstat. Variant sane in hoc nomine auctores : apud Dionysium non nisi unus cod. *Laurentia* habet ; sed Plutarch. Rom. IV , et Quæst. Rom. p. 105 , *Accam Larentiam* vocat ; atque ita et a Macro. I , Sat. x , Macro auctore , scribitur. Ab istis auctoribus et alia *Larentia* commemoratur , culta et ipsa a Romanis , quæ Anco regnante vixerit , populoque romano agros

quosdam reliquerit.—*Gentis nutrix* ; quia gentis auctorem nutriverat. — *Opes* ipsos pueros educatos intellige. Vocat *opes* , quæ bene *paupertati* opp.—*Larentalia* , ab aliis *Larentinalia* vocantur : agebantur X Kal. Jan. — *Acceptus geniis* , ubi indulgetur genio convivorum hilaritate. Virg. G. I , 300 : « Frigoribus parto agrico- » læ plerumque fruuntur , Mutua- » que inter se læti convivia curant : » Invitat genialis hiems. » Bene igitur Decembrem hoc epitheto ornavit. — *Non taceam te* ; solemne in hymnis. Horat. I , Od. XII : « Neque te si- » lebo , Liber. » Vide Bentl. ad IV , Od. IX , 31. Cæterum Noster et alibi præmonet , quid libris postremis cantaturus sit , ut infra vers. 199. Et hoc loco merito id facit , quia series rerum narratarum nunc Faustuli mentionem exspectare jubebat.

59. Hunc ipsum annorum numerum habet Dionys. I , LXXIX , p. 205. — *Novam barbam* ; Noster elegantius IX Metam. 398 , eloquitur , « du- » biaque tegens lanugine malas , »

Iliadæ fratres jura petita dabant.

Sæpe domum veniunt prædonum sanguine læti,  
Et redigunt actos in sua rura boves.

Ut genus audierunt, animos pater editus auget; 65

Et pudet in paucis nomen habere casis :

Romuleoque cadit trajectus Amulius ense :

Regnaque longævo restituantur avo.

Mœnia conduntur : quæ, quamvis parva fuerunt,

Non tamen expedit transiluisse Remo. 70

Jam, modo qua fuerant silvæ, pecorumque recessus,

Urbs erat; æternæ quum pater urbis ait :

Arbiter armorum, de cuius sanguine natus

et Virgil. *Æn.* VIII, 160 : « Tum » mihi prima genas vestibat flore » juvenia. » — *Jura dare aut reddere* omnino est imperantis ; *jura petere* subjecti. A populis hoc nunc translatum ad pastores eorumque præsules. Auctoritate quadam pollebant inter pastores, et indoles divina jam nunc in iis eminebat.

63. Liv. I, 4 : « In latrones præda onustos impetus facere, pastoribusque rapta dividere. » — *Læti sanguine*, ut *læti victoria*. — *Actos*, sibi abactos ; nonnulli *raptos*. Heins. præfert alterum, quia respondeat *redigunt*. Abactos a prædonibus rursus agunt in sua rura. — Olim edeb. *in sua jura*, quod non displicet Taubn. Bene enim dicitur *redigere in sua jura*, ut *in potestatem redigere*. Alterum est huic loco convenientius. — In tribus nostris Regiis legitur *actos*.

65. Heinsius non improbat lect. Urs. duorum Patav. duorum Medic. *pater agnitus*. Burn. recte defendit *editus*, quod tamen non cum eo explicem, qui publice jam dicebatur ab omnibus pater, sed, quem

Faustulus eis aperuerat. Hoc melius convenit iis, quæ historici habent. Et *edere* sic alibi ; II Met. 43, « Clymenè veros edidit ortus. » — *Nomen* de generis nobilitate etiam apud Cic. et alios. — *Paucis*. Olim edeb. *parvis* ; sed alterum significantius est ; duplicem enim pudoris causam exhibet, in casis, iisque paucis. — *Longævus* vocatur quia jam *avus*.

70. Vulgarem hanc traditionem Noster etiam II, 134, IV, 840, sequitur. — *Remi* necem per euphemismum tangit. — Pro *pecorumque* Burmannus e duobus MSS mallet, *nemorumque*, quia *silvæ* et *nemora* quæ sæpe junguntur. Sed et *pecudum* commoratione vastitas declaratur ; Horatius, III, Od. III, 40 : « Priami Paridisque busto Insultet » armentum. » Et pastores ibi degabant.

72. *Pater*, conditor, qui Martio mensi nomen imponit. Pro eo bene Romulum voventem inducit et loquentem. — *Æterna*, urbis epitheton Romanis admodum gratum ; vide ad vers. 421. — *Arbiter*, præses. — *Pignora*. Phaethon. II Metam. 38 :

Credor; et, ut credar, pignora certa dabo;  
 A te principium Romano ducimus anno: 75  
 Primus de patrio nomine mensis eat.  
 Vox rāta fit; patrioque vocat de nomine mensem;  
 Dicitur hæc pietas grata fuisse Deo.  
 Et tamen ante omnes Martem coluere priores:  
 Hoc dederat studiis bellica turba suis. 80  
 Pallada Cecropidæ, Minoia Creta Dianam,  
 Vulcanum tellus Hypsipylea colit;  
 Junonem Sparte, Pelopeïadesque Mycenæ;  
 Pinigerum Fauni Mænalis ora caput.  
 Mars Latio venerandus erat, quia præsidet armis; 85  
 Arma feræ genti remque decusque dabant.  
 Quod si forte vacas, peregrinos inspicere Fastos:

« Pignora da, genitor, per quæ tua  
 » vera propago Credar. » Etiam h.  
 I. Mitscherl. *dato*. Sed Romulus hoc  
 instituto posteris genus suum pro-  
 dere volebat. IV, 24.

79. Neque tamen Romulus pri-  
 mus in istis locis aut Martis cultum  
 inexit, aut mensem ei consecravit.  
 Id dum poeta explicat, a narratione  
 transit ad disputationem, induitque  
 personam grammatici. — *Priores*,  
 Latini ante Romulum. — *Diana*, ubi  
 adoleverat, relicta Delo, *Cretam* pro-  
 fecta Dictynnæum montem inhabi-  
 tavit, unde Dictynna dicta; Schol.  
 ad Pindarum Pyth. argum. p. 185.  
 Spanhem. ad Callim. Dian. XLI, h.  
 I. legit *Minoia turba*, et intel. Cnos-  
 sum insulam, quæ ab Homero, Od.  
 I, 178, Minois regia dicta sit. — In  
 insula Lemno, quum mulieres ge-  
 nus omne virorum interficerent,  
*Hypsipyle* Thoantem patrem clam  
 navi impositum servavit; Hyg. Fæb.  
 XV. — *Sparte*... *Mycenæ*. Adde *Ar-*  
*gos*, quæ tres urbes Junoni sacræ ad

Homeri exemplum, infra VI, 47, et  
 VI Metam. 414; uno versu com-  
 prehenduntur. — E consilio poetæ  
 non nominandi fuissent, nisi populi,  
 qui *studiis suis* ducti Deum aliquem  
 tutelarem sibi elegerunt. — *Faunus*,  
 Pan, qui « pinu caput præcinctus  
 » acuta; » I Metam. 699. Eum om-  
 nis Arcadia colit. Vide ad II, 271.  
 Hujus pars *Mænalìa* cum oppidis  
 quibusdam; Pausanias, p. 233. *Mæ-*  
*nalis ora* ut *Ausonis ora* II, 94. —  
 Armis *rem* (facultates) et *decus*, glo-  
 riam parari, et alibi legitur. Vide  
 Burmannum.

87. Etiam Varro auctor fuerat,  
 Romanos nomina mensium a Lati-  
 nis accepisse, Martiumque mensem a  
 Marte quidem nominatum, verum  
 non quia ille Romuli pater fuerit,  
 sed quia sic Latini; Censorin. de Die  
 Nat. I, 20. De populorum sqq com-  
 muni origine e genere Ausonio vi-  
 de Heynii Excurs. IV ad Æn. VII.  
 Eos quoque suos *Fastos* habuisse,  
 etiam ex VI, 59, patet, et fragmenta



Mensis in his etiam nomine Martis erit.  
 Tertius Albanis; quintus fuit ille Faliscis;  
 Sextus apud populos, Hernica terra, tuos. 90  
 Inter Aricinos, Albanaque tempora constant,  
 Factaque Telegoni mœnia celsa manu.  
 Quintum Laurentes, bis quintum Æquicolus asper,  
 A tribus hunc primum turba Curensis habet:  
 Et tibi cum proavis, miles Peligne, Sabinis 95  
 Convenit; hic genti quartus utrique Deus.  
 Romulus, hos omnes ut vinceret ordine saltem,  
 Sanguinis auctori tempora prima dedit,  
 Nec totidem veteres, quot nunc, habuere Kalendas.  
 Ille minor geminis mensibus annus erat. 100  
 Nondum tradideras victas victoribus artes,

quædam eorum recentioribus temporibus reperta sunt.

91. Inter Aricinos et Tusculanos valet eadem temporis divisio, quæ inter Albanos.—*Tempora* scil. menses *constant*, conveniunt, *inter Aricinos, Albanaque mœnia et facta Telegoni manu*. Taubner. monet, posse et *Albana* pro masculino capi, Albanos; et Krebsio *constat*. convenit, magis placet; quod Heinsius quinque MSS codd. auctoritate in *constant* mutavit. Tunc *Albana tempora* sunt Albani menses. Durities tamen quædam inest in illa conjunctione, Aricinos, Albana tempora, et Telegoni mœnia. — *Telegonus*, Circes filius, Tusculum condidit; Silius, VII, 692. Vid. Cluver. Ital. antiqua III, 4: et infra ad IV, 71.

93. *Æquicali*, aut *Æquiculi* aut *Æpni*, ad utramque Anienis ripam incolentes, gens fera et agrestis, quæ armata terram exercebat, venatu et rapto vivebat; Æneid. VII, 746—749. Hinc *asper* Æquicolus.

Æn. V, 730, « gens dura atque aspera cultu: » quæ vita *aspera* Æn. IX, 603—613, plenius describitur. Ante Heinsium edeb. *acer*. — *A tribus primus*, post tres menses primus, ergo quartus.—*Turba Curensis*, incolæ Curium, quæ fuit metropolis Sabinorum. Vulgo *Forensis*; tunc Scaliger, assentiente Neapol. Forulos intelligebat, Sabinorum oppidum; sed vide Burm. — *Sabini* antiquissimi stirpis Ausoniæ.—Ad eos *Peligni* cum aliis originem referebant; Heyn. Exc. IV, ad Æn. VII. Metropolis eorum Sulmo, patria Ovidii; III Amorr. xv, 8. — *Peligni*, ut Marsi vicini, fortes *militēs* erant.

99. De numero mensium repetit, quod jam I, 27—44, tractavit. Ibi primam ejus numeri causam, insectiam veterum Romanorum verbo tantum tetigit. Veram autem, nempe Albanos ita divisisse annum utroque loco omisit. — Verbis *victas victoribus* ludere voluit; ut Ho-



Græcia; facundum, sed male forte genus.  
 Qui bene pugnarat, Romanam noverat artem :  
 Mittere qui poterat pila, disertus erat.  
 Quis tunc aut Hyadas, aut Pleiadas Atlanteas  
 Senserat, aut geminos esse sub axe polos?  
 Esse duas Arctos; quarum Cynosura petatur  
 Sidoniis, Helicen Graia carina notet?  
 Signaque quæ longo frater percenseat anno,  
 Ire per hæc uno mense sororis equos?  
 Libera currebant, et inobservata per annum  
 Sidera: constabat sed tamen esse Deos:  
 Non illi cælo labentia signa movebant;

105

110

rat. II, Epist. I, 156: « Græcia capta »  
 » ferum victorem cepit, et artes In-  
 » tulit agresti Latio. » Ubi populus  
 vincitur, vinctur etiam quæ ejus  
 sunt. Similiter Ovid. supra I, 523,  
*victa tamen vinces* ludit. Krebsius  
*victas* interpr. spretas a Romanis.  
 Heins. vero lect. unius Med. et Vat.  
*doctas victoribus artes* simpliciorum  
 et apertiorum credit. Idem porro,  
 quum in uno Medic. *actas* reperis-  
 set, *auctas* coniecit, non improbante  
 Burm. quia e principio Tusc. Quæst.  
 firmari possit. Ita vero non *auctas*,  
 sed *augendas* artes victoribus tradi-  
 dissent. — *Male forte*, parum forte,  
 molle, quatenus succubuit Romanis.

105. Astronomiam potissimum no-  
 minat, quia inde temporis divisio  
 pendet. — *Sub axe*, in fine utroque  
 axis. — *Cynosura*, Arctos minor. Hy-  
 gin. Poet. Astron. II, 2, pag. 366 :  
 « Omnes qui Peloponnesum inco-  
 » lunt, priore utuntur Arcto; Phœ-  
 » nices autem quam a suo inventore  
 » (Thalete) acceperunt, observant  
 » Cynosuram: et hanc studiosius  
 » perspicendam, diligentius navigare  
 » existimantur. » Ibi vide Munker.

— *Notet*. Similiter III Metam. 595,  
 nauta ait: « oculis sidera notavi. »  
 — *Petatur*, quam sequantur. — *Ire*  
*per hæc* etc. Quoniam cursus lunæ  
 non multum declinat a cursu solis  
 (verius terræ) propterea et ipsam  
 duodecim signa zodiaci percensere  
 cernimus. Hunc cursum diebus 27,  
 horis 8, conficit; respectu solis au-  
 tem diebus 29, horis 13.

111. *Libera* eleganter eadem quæ  
*inobservata*. Sumtum hoc ab homi-  
 nibus aut pecudibus, quæ, dum *non*  
*observantur*, *libere* errare dicuntur.  
 — Recte Burm. improbat rationem  
 Heinsii mox corrigentis *tamen esse*  
*suos*, aut *esse diu*, quia in Zuli-  
 chem. *Deos* a manu sec. erat, erasa  
 veteri scriptura. Quamquam vete-  
 res cursum horum siderum non ob-  
 servabant, tamen ea credebant esse  
 numina; idque sufficiebat ruditati  
 Romanorum. — *Non illi* etc. non illi  
 astronomiæ studebant, sed rei mi-  
 litari. — *Signa* habet et cælum, et  
 exercitus. Hinc ille lusus; in quo ta-  
 men *movebant* justo durius etiam ad  
 signa cælestia relatum. Taubner. cui  
 Krebsius assentitur, revocandum

Sed sua ; quæ magnum perdere crimen erat :  
 Illaque de sæno ; sed erat reverentia sæno , 115  
 Quantam nunc aquilas cernis habere tuas.  
 Pertica suspensos portabat longa maniplos ;  
 Unde manipularis nomina miles habet.  
 Ergo animi indociles et adhuc ratione carentes ,  
 Mensibus egerunt lustra minora decem. 120  
 Annus erat, decimum quum Luna repleverat orbem :  
 Hic numerus magno tunc in honore fuit ,  
 Seu quia tot digiti, per quos numerare solemus ;  
 Seu quia bis quino femina mense parit ;

putat e plurimis MSS et edd. ante Heins. *tenebant*, quod sit utrisque signis aptum, sed diversa notione : cælestia custodiri, intelligi ; militaria custodiri. Non male. Sæpe tamen in ejusmodi lusibus aliquid duri reperitur. *Signa movebant* erat formula sollemnis ; jam hic luxurians Ovidii ingenium interponit, non cælestia, sed sua. — *Cælo labentia*, ut Virgil. Georg. I, 6, « labentem » cælo quæ ducitis annum. — *Prodere pro perdere* non nisi alter Bonon. habet, sed melius convenire signis, quæ deserantur a militibus, videbatur Bentl. ad Hor. I, Ep. xvi, 67, qui comparat Cæsarem, B. G. IV, 25 : « Deserite, si vultis, aquilam atque hostibus prodite. » Hinc recepit Burm. Sed ego revocavi *perdere*, quod et a Mitscherl. factum video. Majorem enim signorum curam indicat, si *perdere* adeo ea crimen erat. Apud Livium, anno u. c. 283, post prælium cum Volscis, antesignani, qui signa *perdiderant*, partim fustibus necati ; confer Dionys. Halicarn. IX, 50, qui addit : Ἀστὴρ Ῥωμαίοις πάτερός ἐστι κατὰ τὴν προσημειωμένην τῆς σημαίας ἢ καὶ διὰ τὴν.

115—118. Hæc melius abessent ; nihil enim ad rem pertinent, quum hoc unum moneatur, priscos Romanos astronomiæ fuisse ignaros. — *Fæni* autem *manipulos* e perticis suspensos fuisse signa antiquissima et aliunde apparet. Plutarch. Rom. VIII : χόρτον καὶ ὅλης ἀγκυλίδος κέντρο περιαιμένον memorat. Ab illis ipsis fæni *manipulis* partes legionis nomen traxerunt. Heinsius cum altero Puteano mallet, *Ille quidem a sæno*. — *Aquilis* magna reverentia, præsertim quum ornatæ essent Deorum Imperatorumque imaginibus. Vide ad Plinium paneg. X, 3. — *Manipulares*, milites ejusdem signi.

119. *Ratio*, doctrina, scientia siderum. — *Lustra* quinquennialia tum nondum condebantur a Romanis. — *Annus erat* etc. Idem jam bis dixit, vers. proximo et 100. — *In honore sunt*, quæ crebro adhibentur ; Horat. de Art. Poet. 70 : « Cadentique » Quam nunc sunt in honore vocabula. — la. — Heins. e Vossian. et Mazarin. probaverat *Hic nostris*. Ita *hic* vel ad orbem, vel ad annum referendum esset : sed neutrum ferri potest. — *Femina parit*. Confer I, 27 sqq,

Sen quod ad usque decem numero crescente venit, 125

Principium spatii sumitur inde novis.

Inde pares centum denos secrevit in orbes

Romulus, hastatos instituitque decem;

Et totidem princeps, totidem pilanus habebat

Corpora; legitimo quique merebat equo. 130

Quin etiam partes totidem Titiensibus idem,

Quosque vocant Ramnes, Luceribusque dedit.

Adsuetos igitur numeros servavit in anno:

Hoc luget spatio femina mæsta virum.

Neu dubites, primæ fuerint quin ante Kalendæ 135

Martis; ad hæc animum signa referre potes.

Laurea Flaminibus, quæ toto perstitit anno,

Tollitur, et frondes sunt in honore novæ.

Janua nunc regis posita viret arbore Phœbi:

Ante tuas fit idem, curia prisca, fores. 140

ibique notata. — *Spatia*, decades numerorum.

127. *Pares*, non *patres*, legendum esse coniecerant Scaliger et Lipsius de militia Rom. II, 2, idque MSS potioribus comprobatur Heinsius recepit. Sed id quoque ad senatores retulerunt, quos Romulus ætate et censu *pares* elegerit. Verum ille senatores suos in decem decurias descripsisse nusquam legitur. Laudat quidem Krebs. Liv. I, 17. Verum ibi de interregno sermo est, quo ineunte, patres ipsi decem decurias fecerunt. Neque Ovidius Patres simpliciter *pares* dicturus fuisset, neque eos tam arcte conjuncturus cum *hastatis* et reliquis. Sermo igitur est de militibus, quos ætate et habitu corporis pares in quavis legione in *centum denos orbes*, in denas centurias sive ordines divisit, in decem ordines hastatorum, totidem princi-

pum, totidem pilanorum, ut adeo quævis legio tribus millibus militum constaret. Vid. Lipsius d. l. — In quavis legione trecenti erant equites, qui *equo publico* merebant, quem Ovidius *legitimum* vocat, legibus constitutum. Ii quoque in *decem* turmas descripti sunt. — *Hoc luget* etc.; confer supra I, 35.

135. Redit ad vers. 97 seq. et *signis*, argumentis quibusdam probare conatur usque ad vers. 150, quod supra posuerat, Martium fuisse mensis primum. Conf. Plutarch. Num. IX; Macrobi. I, Sat. XII. — *Animum referre*, animum advertere. — *De laureis* etiam Macrobi. « eodem quoque » ingrediente mense, in regia, curiis » que atque Flaminum domibus laureæ veteres novis laureis mutabantur. » Cf. Solin. c. 3. — *Pro viret* nonnulli *nilet* quod sane bene de lauro dicitur: vide I Met. 552, sed



Vesta quoque ut folio niteat velata recenti,

Cedit ab Iliacis laurea cana focis.

Adde, quod arcana fieri novus ignis in æde

Dicitur; et vires flamma resecta capit.

Nec mihi parva fides, annos hinc isse priores;

145

Anna quod hoc cœpta est mense Perenna coli.

Hinc etiam veteres initi memorantur honores

Ad spatium belli, perfide Pœne, tui.

Denique quintus ab hoc fuerat Quintilis: et inde

Incipit, a numero nomina quisquis habet.

150

Primus, oliviferis Romam deductus ab arvis,

Pompilius menses sensit abesse duos;

Sive hoc a Samio doctus, qui posse renasci

*mox niteat* sequitur.—*Iliaci foci*, ut vers. 29, *ignes Iliaci*.—*Cana*, vetus.

143. Macrob. d. I. « Hujus etiam » mensis die prima ignem novum » Vestæ aris accendebant, ut incipiente anno cura denuo servandi » novati ignis inciperet. » Quomodo illum accenderint, docet Lips. de Vesta cap. 8. — Penetralia templi adire non licebat viro. Ibi res arcane servabantur; hinc *arcana ades*. — *Fides*, id quod fidem facit, argumentum. — *Anna Perenna* fuit ex numero indigetum, et indicabat fausta anni initia. Macrob. dicto loco: « Et » publice et privatim ad Annam Perennam sacrificatum itur, ut annare perennareque commode liceat. » De hac Dea vide infra vers. 523 sqq, ubi et ejus sacra describuntur, et varia de Dea ipsa referuntur.

147. *Honores* sive magistratus non eodem semper tempore Romæ sunt initi. Primi cons. munus auspicati sunt, quo tempore reges ejecti, ergo Februario ad finem vergente; II, 685. An. u. c. 291, id Kalendis Sex-

tilibus fieri solebat; an. 304, Idibus Maiis; Livius, III, 6, 36: sed inde an. 600, Q. Fulvio Nobiliore, T. Annio Lausco cons. Kal. Jan. Liv. Epit. XVII. Ovidius igitur non satis accurate scripsit.—*Perfidus Pœnus*, Hannibal, in quo *perfidia plus quam Punica*; Livius, XXI, 4. — *Quintus ab hoc* etc. Eodem argumento usi sunt etiam Plutarch. Macrob. et Solin.

151. *Deducere* esse verbum officii et honoris, ubi cum magno et splendido comitatu aliquem prosequimur, notavit Burmannus. Et Numæ, Caribus relictis Romam venienti, senatum populumque Rom. obviam isse, ut cum sic deducerent, constat; Dionys. II, 60; Plutarch. Num. VII. Male igitur Heinsius Magarin. lectio *devectus* placebat. — *Olivæ Sabinae* magno pretio erant; Columella, V, VIII, 5. Inde et Mutusca in Sabinis *olivifera* a Virg. Æn. VIII, 711, dicta.—*Samio* Pythagora, cujus institutione Numa vulgo, sed falso, usus esse credebatur, ut jam ad XV Metam. 7, monuimus. Confer et Dio-



Nos putat; Egeria sive monente sua.  
 Sed tamen errabant etiamnum tempora; donec 155  
 Cæsaris in multis hæc quoque cura fuit.  
 Non hæc ille Deus, tantæque propaginis auctor  
 Credidit officiis esse minora suis;  
 Promissumque sibi voluit prænoscere cælum,  
 Nec Deus ignotas hospes inire domos. 160  
 Ille moras solis, quibus in sua signa rediret,  
 Traditur exactis disposuisse notis.  
 Is decies senos ter centum et quinque diebus  
 Junxit, et e pleno tempora quarta die.

nys. II, 59. Pythagoram a metempsychosi circumloquitur, *qui posse renasci nos putat.*—*Egeria*, Nympha aut Musa, ad cuius velut congressum Numa sæpe, sine arbitris, in lucum quemdam se contulisse, atque sapientiæ præcepta accepisse ab ea credebatur; Dionys. II, 60. Plura vide ad vers. 261 et 276. Secundum Plutarch. Num. XVIII, ipse rerum cælestium studium libaverat.—*Menses duos*; confer I, 44.

155. *Errabant tempora*, confusa erat anni dimensio, turbati erant fasti pontificum vitio per intercalandi licentiam; Censorin. de D. N. XX. Et erat tanta perturbatio, ut neque messium feriæ æstati, neque vindemiarum autumnino competerent; Sueton. Jul. Cæs. XL. « Inconstantiam temporum, vagam adhuc et » incertam » vocat Macrob. Errant autem Livius et Plutarchus qui a Numa jam cyclum quatuor et viginti annorum invectum esse putant. Omnino quid Numa in digestionem anni lunaris mutaverit, quid non, docet Ideler in libro: *Historische Untersuchungen über die astronomischen Beobachtungen der Alten*, in addi-

tamenti, p. 346 sqq. — An. u. c. 708, qui fuit XV mensium, aut 445 dierum, C. Julius Cæsar, Pontifex M. a M. Flavio et Sosigene adjutus, ad cursum solis accommodavit annum, mutuans eam rationem ab Ægyptiis: Sueton. Cæs. XL; Plin. XVIII, 57; Macrobius, I, Sat. XIV; Scaliger de Emend. Temp. lib. IV, init. Ideler. p. 363. — Illo tempore Cæsar nondum erat *Deus*, sed Ovidius apotheosin admiscere, reique quam tractat, accommodare voluit. — *Promissumque* etc. Mortui Cæsaris anima in stellam crinitam abiisse credita est; Suetonius, LXXXVIII. Hinc ille lus.

161. *Moræ*, tempora, quibus sol in singulis zodiaci signis moratur, post quæ in primum signum revolvitur. Secundum Macrob. M. Flavius scriptos dies singulos ita ad dictatorem retulit, ut et ordo eorum inveniri facillime posset, et invento certus status perseveraret. — *Exactis*, certis.—*Is... junxit*. Sensus facilis: is effecit annum solem 365 dierum. Tamen hic hæsit Taubnerus qui, quum nonnulli *auxit* et mox *expleto* exhibeant, etiam ante mal-

Hic anni modus est : in lustrum accedere debet ;

165

Quæ consummatur partibus , una dies.

Si licet occultos monitus audire Deorum

Valibus ; ut certe fama licere putat ;

Quum sis officiis , Gradive , virilibus aptus ,

Dic mihi matronæ cur tua festa colant ?

170

Sic ego ; sic posita dixit mihi casside Mavors ;

Sed tamen in dextra missilis hasta fuit :

let, *decies senis*, hoc sensu : is ter centum et quinque dies, quibus Romuli constabat annus, diebus auxit decies senis, et *tempora quarta*, hoc est, annum quartum, *die expleto*, integro, auxit. Immo Romuli annus 304 dies habuisse dicitur, et *tempora quarta* sunt quarta pars *diei pleni*, sive 6 horæ. Plinius, XVIII, 15, vocat « intercalarios diei noctisque » quadrantes. » Accuratius hæc tradit Censorinus : « Præterea pro quadrante diei, qui annum verum » suppleturus videbatur, instituit, » ut peracto quadriennii circuitu » dies unus post Terminalia intercalaretur. » — *Consummare*, ex partibus componere, ut totam efficiatur. Tota illa dies componitur senis illis horis, quæ singulis annis superant. Bene hoc verbum revocavit Burman. quum Heinsius *consumatur* tuitus esset. Cæterum miror Ovidium hic desiisse, nec quidquam de novo errore dixisse, quem Augustus correxit ; de quo Macrob. d. l.

167-258. *Matronalia*, quæ Kal. Mart. a matronis Romanis celebrabantur. Die illo satis religioso sacra fiebant Junoni pro matrimonii felicitate, atque munera mittebantur tum uxoribus a maritis, tum aliis ab aliis ; Plutarch. Rom. XXI ; Horat. III, Od. viii init. Tibullus, III, 1 init. ibique Intt. Sacra ipsa paucis

Ovid. attingit in fine, sed totus est in causis eorum quinque afferendis.

Jam in principio libri Martem, ut sibi per hunc mensem adesset, invocaverat. Nunc denuo eum appellat, et, ut I, 89 sqq, multa ex Jano, sic hoc loco causas Matronalium ex ipso sciscitatur, et hunc quoque Deum facilem habet. — *Si licet* etc. si poetis licet res abditas cognoscere a Diis. — *Monent* Di, quum hominibus aliquid revelant quocumque modo. — *Fama putat*, namque, præeunte Homero, multi deinceps poetæ, et in primordio, et in singulis operis partibus, Deos canere jusserunt argumenta proposita. — *Quum sis... aptus*, quum a viris coli soleas. — *Officium*, cultus, honos, qui alicui habetur, ut I, 5, libro dedicando. Ut clientes et amici in officio Consulis aut Prætoris esse dicebantur, quum eos deducendo colerent, sic et cultus Deorum simili modo exprimi poterat. Itaque et nunc *officia virilia* opponuntur *festis matronarum*. Lenzio contra *virilibus officiis aptus* est is, qui negotiis viril. præest.

171. Fit, quod poeta vers. 1, 2, 7, precibus poposcerat, ex parte ; namque *cassidem* deponit Mars, *hastam* retinet. Ac *cassis* quidem deponi in conventu aliorum solebat a militibus, ut os vultusque cerni possent, ne vocis iter præpediretur, ne-

Nunc primum studiis pacis, Deus utilis armis,

Advocor; et gressus in nova castra fero:

Nec piget incæpti: juvat hac quoque parte morari; 175

Hoc solam ne se posse Minerva putet.

Disce, Latinorum vates operose dierum,

Quod petis; et memori pectore dicta nota.

Parva fuit, si prima velis elementa referre,

Roma: sed in parva spes tamen hujus erat. 180

Mœnia jam stabant, populis angusta futuris;

Credita sed turbæ tunc nimis ampla suæ.

Quæ fuerit nostri, si quæris, regia nati;

Adspice de canna straminibusque domum.

ve ipsi terribiles viderentur. *Hastam* retinet, ut divinitatis et officii sui signum; sed Heins. defendit *cuspi-* de quod pr. Ambros. Zulich. et quinque alii habent, idemque recepit Mitscherl. Tunc sensus est: lanceam quidem deposuit, sed ejus loco jaculum sumsit. Atque ita cepit Int. Gallicus, qui vertit, *Le dieu garde en ses mains un de ses javelots, Et déposant sa lance* etc. et jacula etiam decoris causa gestabantur; VII Metam. 672 sqq. Sed quum etiam jaculum *cuspidem* fulgeret, non bene *cuspis* et *missilis hasta* sibi oppon. Nec video, cur, quæ potissimum fieri debebat, cassidis depositæ mentio nulla facta sit. Adde quod XIV Metam. 806, idem Mavors *posita casside* Jovem alloquitur. — *Studiis pacis advocor*, invocor, ut poetæ partem carminis suppeditem. Omni enim seq. loco Mars loquitur. — *Utilis armis*, idoneus armis tractandis; sic *Curius utilis bello*, Horat. I, Od. XII, 42. — *Operam hanc suam bene ingressum in nova castra* vocat, ut Ovid. II, 9, suum studium *mitilium* et *arma*. — Pro *morari* uterque

Mazar. Zulich. Grottoph. et alii quatuor, *moveri*, quod Heins. duobus aliis Nostri locis illustrat. Sed et apud, prosaicos notionem incipiendi habet, (vide Bent. ad Horat. III, Od. VII, 20,) quæ h. l. verbis *incæpti* et *nova castra* non male convenit. — *Minervam* Ovidius ipse vers. 7, in exemplum vocavit, idque nunc pungit Martis animum. — *Vates operose dierum* etiam I, 101, legitur. — *Memori pectore nota dictum*, ut Horat. Art. Poet. 367, *hoc tibi dictum Tolle memor*, percipe et memoria tene.

179-232. Prima causa, eaque vera, quam etiam Plutarchus, dicto loco, habet, cui referendæ Noster diu immoratur: *Matronæ sub Romulo bellum cum Sabinis diremerunt. — Elementa*, origines urbis. — *Hujus*, qualis nunc est, amplissimæ, optimi MSS præferunt; nonnulli, *urbis*. — Regii tres nostri *hujus*; nullus habens *urbis* nominatur. *Ed.* — *Spes* illa erat etiam e vaticiniis, v. c. Evandri; Livius, I, 7. — *Populi* sæpe incolæ unius urbis. — *De regia Romuli* vide ad I, 199. Ovidii ætate adhuc spectabatur; hinc ad-



In stipula placidi carpebat munera somni ;

185

Et tamen ex illo venit in astra toro.

Jamque loco majus nomen Romanus habebat :

Nec conjux illi, nec socer ullus erat.

Spernebant generos inopes vicina dives ;

Et male credebar sanguinis auctor ego.

190

In stabulis habitasse, hoves pavisse, nocebat,

Jugeraque inculti pauca tenere soli.

Cum pare quæque suo coeunt volucresque feræque,

Atque aliquam, de qua procreet, anguis habet.

Extremis dantur connubia gentibus : at, quæ

195

Romano vellet nubere, nulla fuit.

Indolui ; patriamque dedi tibi, Romule, mentem :

Tolle preces, dixi : quod petis, arma dabunt.

*spice.*—*In stipula.* Cf. I, 205 sq. Nunc quidem hæc non pertinent ad rem propositam. — *Carpebat* Heins. recepit e melioribus quibusdam MSS, quum antea *capiebat* ederetur. Burman. monet, etiam *capere somnum* recte dici ; nempe hoc obdormiscere significat. Taubn. putat, *munera* rectius dici *capî*, quam *carpi*, quia et Homer. ὄνεντι δῶπρον ἄνεντο dixit. Sed hoc nihil est. *Carpere* pr. de floribus dicitur quos quis colligit, sed deinde ad alia transfertur, *carpere gramen, pabula, alimenta, auras vitales*, atque omnino frui notat ; Horatius, I, Od. xi, 8, « carpe diem. » *Carpere somnum, soporem, quietem* passim quoque apud Virgilium legitur. — Regii tres nostri *capiebat* ; sed *carpebat* bene defendit Gierig. Ed.— *Munera somni.* ipse somnus. — *Et tamen* etc. in tennitate illa vitæ tamen immortalitatem meruit. Sententia Romanis luxuriosis admodum commendanda. II, 478, Romulus a telo venisse in astra legitur.

187. Sequitur raptus Sabinarum, qui accidit anno quarto ab urbe condita. Cf. Dionys. II, 30 sqq ; Plutarch. Rom. XIV ; Liv. I, 9.—*Majus.* Sed illa magnitudo hominis ætatem duratura erat, quippe quibus nec domi spes prolia, nec cum finitimis connubia essent ; Liv. d. l. qui idem et verba contumeliosissima affert, quibus finitimi contemptum declaraverint. Non tam hoves pavisse, quam convenas esse, colluviem hominum, nocebat. — *Male*, vix, parum.

193. Vim illius contemptus monstrat. Pluribus hæc Art. Amat. II, 481–488, persequitur.—*Procreet* absolute positum.—*Extremis*, vel remotissimis, adeoque gentibus in toto terrarum orbe.—*Dantur connubia*, permittitur e populo vicino uxores ducere.

197. *Patriam mentem*, quæ vim et arma spectat.—*Tolle preces*, ut XIII Met. 556, « tolle moras ; » Horat. I, Epist. xii, 3, « tolle querelas. »



Festa para Conso : Consus tibi cætera dicet ,

Illo facta die quum sua sacra canet.

200

Intumuere Cures , et quos dolor attingit idem :

Tum primum generis intulit arma socer.

Jamque fere raptæ matrum quoque nomen habebant ;

Tractaque erant longa bella propinqua mora.

Conveniunt nuptæ dictam Junonis in ædem ;

205

Quas inter mea sic est nurus orsa loqui :

O pariter raptæ , quoniam hoc commune tenemus ,

Non ultra lente possumus esse piæ :

Stant acies ; sed utra Dì sint pro parte rogandi ,

Eligite ; hinc conjux , hinc pater arma tenent.

210

— *Consus*, nomen Neptuni eques-  
tris ; Livius, I, 9. Secundum Dionys.  
I, 33, jam Arcades in Italia Nep-  
tuno Hippiō templum consecrarunt,  
diemque ei sacrum Hippocratia dixe-  
runt, Romani autem consualia; un-  
de post ludi circenses. Cf. idem II,  
31 ; Plutarch. Rom. XIV. — *Illo...  
canet*. Sic hæc verba edidi e conjec.  
Gronov. Obs. II, 21, probata etiam  
Heinsio. Hoc enim sibi vult Mars :  
quid illo die festo factum sit, jam  
tibi, Naso, non narrabo ; ipse Con-  
sus dicet, ubi libro operis tui octavo,  
mense sextili, a te invocatus, sacra  
sua tibi referet. Sic omnia plana.  
Vulgo : *Ipsa festa die dum sua sacra  
canes*. Sed *festa sacra* non bene di-  
cuntur, neque *ipso* habet, quo com-  
mode referatur. Multi *illo* aut *illa*.  
— Tum MSS variant in *dum* et *quum*,  
porro in *canes*, *canas*, *facis*, *coles*,  
item in *festa*, *gesta*, *facta*. Inde Gro-  
nov. suam lect. composuit. Ac rap-  
tum hunc mulierum Noster etiam  
Art. Amat. I, 101 sqq cecinit.

201. *Cures*, Sabini, quorum om-  
nis multitudo cum liberis ac conju-  
gibus venit ; Liv. — *Quas dolor* etc.

Cæninenses, Crustumini, Antem-  
nates. — Verbis *tum primum* etc. Dou-  
zæ videtur poeta dissimulanter su-  
gillasse belli civilis auctores, Pom-  
peium et Cæsarem affines. Impietas  
illius belli sic notatur etiam a Liv.  
I, 13, ubi mulieres orant, « ne se  
» sanguine nefando soceri generi-  
» que respergant. »

203. *Matrum nomen*. Nempe trien-  
nium exactum erat ab initio belli  
usque ad reditum in gratiam. — *Mo-  
ra* scilic. Sabinorum : « Mora trahi  
» bellum » dicitur etiam Livio IX,  
27. — *Dictam*, constitutam. — *Nu-  
rus* Martis *Hersilia*, quam et ipsam,  
tamquam virginem, quum nupta  
esset, raptam esse nonnulli tradi-  
derant. Dionys. II, 45, qui proxime  
ad verum videtur accedere, Hersi-  
liam cum filia rapta sponte in urbe  
mansisse. Is quoque hanc mulierum  
concionem et Hersiliæ consilium re-  
fert ; quin addit, eandem duxisse  
mulierum turbam in castra, et ibi  
quoque verba fecisse. In Antemna-  
tium causa Liv. I, 11, ei partes quas-  
dam dat. — *Commune* scil. nomen.  
— *Lente piæ*, quas pietas æqua in

Quærendum, viduæ fieri malimus, an orbæ :

Consilium vobis forte piumque dabo.

Consilium dederat : parent ; crinemque resolvunt ;

Mæstaque funerea corpora veste tegunt.

Jam stabant acies ferro mortique paratæ ;

215

Jam lituus pugnæ signa daturus erat ;

Quum raptæ veniunt inter patresque virosque ;

Inque sinu natos, pignora cara, ferunt.

Ut medium campi passis tetigere capillis,

In terram posito procubuerunt genu :

220

Et, quasi sentirent, blando clamore nepotes

Tendebant ad avos brachia parva suos.

Qui poterat, clamabat avum, tum denique visum :

Et qui vix poterat, posse coactus erat.

Tela viris animusque cadunt ; gladiisque remotis

225

Dant soceri generis, accipiuntque manus.

Laudatasque tenent natas ; scutoque nepotem

patres et in maritos frigide sedere jubet, nec quidquam moliri patitur.

— *Quærendum* etc. Sic et apud Livium mulieres : « Melius peribimus, » quam sine alteris vestrum viduæ, » aut orbæ vivemus. » — *Consilium* ipsum non memoratur, sed quale fuerit, jam e sqq. apparet. Similiter Virgilius, *Æneid.* I, 50 sqq.

214. Etiam apud Dionysium et Plutarchum, vestibibus lugubribus indutæ, infantesque in sinu gestantes avolant in castra, ibique procumbunt in terram. Sed magis illæ placent, quales a Livio notantur : « Crinibus passis scissaque veste, ausæ se inter tela volantia inferre, ex » transverso impetu facto » etc. — Non erat, cur Heinsius *lituus* in *liticeu* mutari vellet. *Æque* recte instrumentum signum dare dicitur, ac is qui illo canit.

219. Pro *tetigere* octo MSS *tenuere*, quod multis illustrat Heinsius.

— Tum pro *passis* vulgo *scissis*, alii *sparsis*. — *Quasi sentirent* nempe, quid ageretur. — *Clamabat avum*, clamando appellabat avum. — *Posse coactus erat*; incitabatur a matre, ut avum balbutiret. Fluxit e luxuria ingenii Nasoniani. Taubnerus putat, matres dolores creasse natis, ut clamarent, *Ah vœ!* (*au vœh!*), quod fere sonaret, ut *ave*. Sic et Krebsius.

225. Repentina animorum mutatio. Omnes, qui aderant, cum omnibus armis suis memorantur, breviter tamen. — *Tela... cadunt*, et iræ virorum molliuntur, et tela ad mortem inferendam parata deponuntur. IV Metam. 175, Vulcano obstupefacto « et mens, et quod opus fabricæ dextra tenebat, Excidit ; » ubi v. not. — *Tenere* idem fere, quod

Fert avus : hic scuti dulcior usus erat.  
 Inde diem , quæ prima , meas celebrare Kalendas  
 OEbalides matres non leve munus habent. 230  
 An , quia , committi strictis mucronibus ausæ ,  
 Finierant lacrymis Martia bella suis ?  
 Vel , quod erat de me feliciter Ilia mater ;  
 Rite colunt matres sacra , diemque meum.  
 Quid ? quod hiems , adoperta gelu , nunc denique cedit ,  
 Et pereunt victæ sole tepente nives. 236  
 Arboribus redeunt detonsæ frigore frondes :  
 Uvidaque e tenero palmite gemma tumet.  
 Quæque diu latuit , nunc se , qua tollat in auras ,

amplecti , quo cum verbo interdum conjungitur , ut notatum ad Plinii VI, Ep. VII, 1. Affectus avordm jucundo figmento proditur. — *Scutoque*. Burman. dubitat , utrum mox *scuti* legendum sit , an cum quibusdam *scutis* , quia *usus* utrumque casum patitur. — *Æbalides* , quia Sabini ex opinione vulgari genus ducebant e Lacedæmoniis , quorum rex antiquissimus *Æbalus*. Vide ad I, 260. Quatuor tamen MSS h, l. *Italides* habent.

231. Si paulo ante *inde* interpretaris , propterea , hi duo versus *An... suis* otiose additi sunt. Malim igitur , *inde* , ab illo tempore. Jam hic dubitat , utrum id factum sit , quia mulieres *committi* etc. an propter Romuli partum ex Ilia. Etenim *an* pauci tantum MSS habent ; cæteri aut exhibent. — *Committi* , se committere , se inferre inter strictos gladios. — *Sacra , diemque meum* , primum mensis a me dicti diem , quo mihi sacra fieri debent. Secundam igitur causam uno versu attigit.

235. Tertia causa : « Tempore fecundo pars est matronas fecundi-

» tatem precibus exposcere a Juno-  
 » ne. » Cum hac vernæ vicissitudinis descriptione cf. I, 151 sqq. Singula nunc bene delecta e consilio poetæ , suaviter etiam ornata. — *Adoperta gelu* , glacialis Virg. dicitur. — Hiems jam Febr. die septimo *cedere* credebatur , sed sæpe recurrebat ; II, 150, 854. Recurrebat etiam , auctore Columella , identidem per totum Martium. — *Pereunt victæ* , liquescunt , contabescunt. *Perire* sic de nivibus etiam Plinius , I, Ep. xv, 2. In sqq ante oculos habuisse videtur Horat. IV , Od. VII : « Diffugere nives : redeunt jam gramina campis , Arboribusque comæ. » — Bene *detonsæ frigore* , præsertim quum frondes sæpe cum coma comparentur. « Tonsa oliva » Virgil. Georg. III , 20. Deterius ergo h. l. aliorum *excussæ* est , quod Heins. pluribus illustrat. — Etiam *uvida* , nempe a succis , bene se habet , neque in *vivida* , quod Heins. e libris nonnullis præferebat , mutandum. — Nec scio , an idem jure , quamquam multorum MSS auctoritate , *gravidæ* in *tenero* mutaverit. Alterum pleniorum effi-



Fertilis occultas invenit herba vias.

240

Nunc secundus ager : pecoris nunc hora creandi :

Nunc avis in ramo tecta laremque parat.

Tempora jure colunt latiae secunda parentes ,

Quarum militiam votaue partus habet.

Adde, quod excubias regi Romanus agebat ,

245

Qua nunc Esquilias nomina collis habet.

Illic a nuribus Junoni templa latinis

Hac sunt , si memini , publica facta die.

Quid moror , et variis onero tua pectora causis ?

Eminet ante oculos , quod petis , ecce tuos .

250

Mater amat nuptas ; matris me turba frequentant :

cit imaginem, atque sic legitur etiam I, 152, ubi idem fere versus.—*Herbae* incrementa suaviter descripta.—*Occultas illas vias* Virg. Georg. I, 89, « caeca spiramenta » vocat, quamquam et *vias* atque *venas*.

241. Calpurn. Ecl. V, 25, de verno tempore : « Tunc Venus et caeli ludi scintillat fervor amoris ; Las-civumque pecus salientes accipit hircos. » — *Larem* etiam apibus tribuit Virg. Georg. IV, 43, et *penates* vers. 155.—*Quarum militiam* etc. Taubn. explicat : quarum proles vel militis officio fungatur, vel sacerdotio, sive *votis*, oportet. Int. Gallicus : *les mères des Romains nés pour vaincre le monde*. Krebsius : *da ihre Niederkunft Kampf und Gelübte fordert*.—*Inmopartus*, actus pariendi, quem uxores in votis habent, et in quo *militia* earum (conf. II, 9), cernitur.

245. Quarta causa, quam etiam Festus memorat : « Martias Kalendas matronae celebrant, quod eo die Junonis Lucinae aedes coli coepit sit. » Posita autem illa aedes in eo Esquiliarum vertice fuit, qui Cis-

pius dictus. De illo monte etiam Varro, IV, 8 : « Esquilias Salii scripserunt ab excubiis regis dictas. » Hanc etymologiam Noster quoque afferre voluit : excubiae ibi agebantur Romulo, quum Titum Tatium infidae societatis suspectum haberet. Olim edeb. *excubias ubi rex Romanus agebat*. Sed pro *agebat* multi ex melioribus *habebat*. Hinc, mutata paululum interpunctione, legendum puto, *excubias ubi rex Romanus habebat, Qua nunc Esquilias nomina collis habet, Illic* etc. Sic haec verba melius juncta sunt ad causam rei propositae reddendam. Et vidi idem fere et Taubn. placuisse.

249. Quinta causa, eaque Marti maxime decora : « Junonis amor in nuptas, et inde harum amor ad-versus Martem. » — *Mater* mea Juno.—*Matris turba*, turba matronarum matrem colentium, *me frequentant*, celebrandum sibi sumserunt primum mei mensis diem : qua pietate ergo simul color. Taubnero videtur his verbis et haec sententia subjici posse : ideo, quod mater quaerit filias suas amat, *me matrem*



Hæc nos præcipue tam pia causa decet.  
Ferte Deæ flores : gaudet florentibus herbis

Hæc Dea : de tenero cingite flore caput.

Dicite, Tu lucem nobis, Lucina, dedisti;

255

Dicite, Tu voto parturientis ades.

Si qua tamen gravida est ; resoluta crine precetur,

Ut solvat partus molliter illa suos.

QUIS mihi nunc dicat, quare cælestia Martis

( sic ante Heins. edeb. ) turba frequentant, ut cladem a generis avertam. Etiam Krebsius tuetur *matrum*, forsân vere, nam *matris* in nullo MS reperitur. Tantum nonnulli *matres* habent, unde Heinsius suam lectionem exculpit. — Regi nostri *matrum*, quod bene se habet ; alterum vix intelligitur. *Ed.*

253. Exhortatio ad Deam rite et piecolendam. — *Herbis*. Duo Farnes. *arvis*; inde Heins. conjicit *florentibus aris*, aris floribus incinctis. Aras florentibus coronis cingi solitas esse certum est ; nihil tamen mutandum arbitror : nam *florentes herbæ sunt ipsi flores* ; Virg. Ecl. IX, 19, « *humum florentibus herbis spargeré.* » In Matronalibus, ut in aliis sacris, flores esse adhibitos etiam ex Horatii d. l. patet. Quomodo adhibendi sint, jam additur, *de tenero cingite flore caput* effigiem Junonis. Et *de tenero flore* dictum, ut « canitiem » largo de pulvere turpat » apud Claudianum, XIX, 25. — *Si qua tamen* etc. Heinsius malit persona secunda es, *preceris, tuos*. Verum Noster apostropha prope abutitur. Nolim igitur eandem ei figuram etiam invitis libris obtrudi. — De *Lucina* confer II, 449.

259-398. *Saliorum origo et festum*. Secundum Plutarch. Num. cap. 13, octavo regni Numæ anno, quum pes-

tis per Italiam sæviret, atque Romam etiam exhauriret civibus, pelta ænea e cælo delabatur. Numa ex Egeria Musisque se ait comperisse, missam illam esse in urbis salutem, servandamque cum undecim aliis scutis ejusdem formæ. Quo facto, morbus cessavit. Hinc rex Salios instituit, peltarum istarum custodes et ministros. Dionys. II, 71, hoc unum narrat, scutum quoddam in Numæ regia inventum esse, a nullo mortali illatum. Verum Ovidius vel ipse, vel alios ductores secutus, aliud miraculum immiscuit, quod Plutarch. cap. 15, refert. Arnobius autem, lib. V, pag. 154, ex Antiæ repetit et exagitat. Namque fulmina quum aliquando plurima cecidissent, Numa ; monente Egeria, Picum et Faunum, vi adhibita, consulit de iis expiandis. Horum arte Jupiter cælestis e sede ad colloquium cum Numa elicitur, eumque docet, qua ratione fulmina sint procuranda ; quin pignora imperii certa ei promittit. Promissum fides sequitur ; altero enim die inter tonitrua et fulgura scutum leniter, populo spectante et acclamante, decidit. Id ne furto auferri possit, Mamurius opifex jubetur plura scuta ejusdem figuræ facere.

259-262. Nova invocatio. *Marti Gradivo* lecti erant Salii, Liv. I, 20,

Arma ferant Salii, Mamuriumque canant?

260

Nympha, mone, nemori stagnoque operata Dianæ:

Nympha, Numæ conjux, ad tua facta veni.

Vallis Aricinæ sylva præcinctus opaca

Est lacus, antiqua relligione sacer.

Hic latet Hippolytus furiis direptus equorum;

265

et in æde ejus arma cælestia servabantur.—De *Mamurio* vide vers. 383. —*Canant*. Vulgo *vocent*, quod vers. 392, legitur. Nunc meliores MSS alterum præferunt.—Regius codex B solus habet *vocent*; in hac varietate ex numero codicum majori servetur *ti canant*. *Ed.* — Egeria mox *Nympha* aut *Dea* vocatur; mox Musis annumeratur; Dionys. II, 60. A Liv. I, 21, concilia Musarum cum Egeria memorantur. Idem eandem et *conjugem* Numæ vocat, ubi Strothio hæc vox forte sine causa suspecta erat. Secundum alios scriptores non nisi nocturnos cum eâ congressus habuit in antro quodam: Ea nunc commode invocatur, quippe pars fabulæ seq. — De *nemore* et *stagno* *Dianæ* mox plura. — Ibi Egeriam *operari Dianæ* recte dici negat Heins. quia potius gemitu questuque « sacra » Dianæ impedit, » XV *Metam.* 489. *Operari* etiam est operam dare; sed tunc fere nomen rei additur, non loci. Eric. Douz. Putean. et quinque alii, *adoperta*. quod Heins. præfert, quia *Metam.* dict. loc. *latere* dicitur *abditæ silvis*: idque nec Taubn. improbat. Ita et Marsus edidit, sed in notis habet *operosa*. quam officiosam interpretatur. Duriter tamen *abditæ silvis nemori stagnoque adoperta* vocatur. Cæterum eadem varietas reperitur Tibul. II, 111, 36.—Mox revocavi *facta*, quod Heins. abolevit, quum veteres nonnulli *festæ* aut *sacræ* haberent. Nemp formula sole-

nis, quæ Dii ad sacra sua aut festa venire dicuntur, hic decepit librariorum. In seqq autem non de *festis*, sed de *facto* quodam Egeriæ sermo est. *Ad tua facta veni*, ades ad facta tua mihi suppeditanda.

263 — 275. Nemus Dianæ prope Ariciam, urbem Latii, et in eo Egeriæ fons describitur. Conf. XV *Met.* 479 sqq; Virg. *Æn.* VII, 761 sqq, et imprimis Strabo, lib. V, pag. 239. Non pertinet hic locus ad rem, sed insertus est varietatis et copię causa. —Prope *Ariciam*, sub Albano monte, *nemus* erat cum *laca*, in quo nemore *Diana* colebatur peregrino more, qui Scythicum ritum referebat. Hinc fabula nata videtur de *Diana* Taurica ab Oreste, Thoante rege interfecto, illuc translata. In eodem templo Dianæ heros indigena Virbius cultus, ex quo seriores *Hippolytum* fecere. Vid. Heynii Exc. VIII ad *Æn.* VII.—De *Hippolyti* fati et tristi morte vid. ad *Met.* dict. loc.—*Direptus*. Alii *distractus*, quod Mitscherl. recepit. Utrumque verbum de Hippolyto legitur. Vid. Heins.—*Furiis*, furor, gravior est quam, quod olim edebatur, *loris*, quamquam apud alios auctores *lororum* quoque mentio fit, ubi Hippolyti necem narrant.—Recte *latet*, non *jacet*. ut alii habent. *Metam.* dict. loc. Virbius, « Numine sub domina minæ lateo. » Apud Virg. *Trivia* eum « secretis recondit sedibus, » ubi « solus in silvis ævum exigit. »

Unde nemus nullis illud initur equis.  
 Licia dependent, longas velantia sæpes,  
 Et posita est meritæ multa tabella Deæ.  
 Sæpe potens voti, frontem redimita coronis,  
 Femina lucentes portat ab urbe faces. 270  
 Regna tenent fortesque manu, pedibusque fugaces;  
 Et perit exemplo postmodo quisque suo.  
 Defluit incerto lapidosus murmure rivus:  
 Sæpe, sed exiguis haustibus, inde bibes.  
 Egeria est, quæ præbet aquas, Dea grata Camenis: 275  
 Illa Numæ conjux, consiliumque fuit.  
 Principio nimium promptos ad bella Quirites

*Sequentia nullis initur* (vulgo *aditur*) *equis*, notat etiam ipse Virgil. causa addita: « Unde etiam Triviæ » templo lucisque sacratis Cornipedes arcentur equi, quod litore » curram Et juvenem monstris par- » vidi effudere marinis. »

267. Sic superstitio veterum colere solebat loca sacra. VIII Metam. 744: « Vittæ mediam ( arborem ) » memoresque tabellæ Sertaque cingebant, voti argumenta potentis. » — *Tabellæ* illæ effigie Deæ titulisque insignitæ erant. Vide Heyn. ad Tibul. I, III, 28. — *Velare* verb. pr. in hac re. — *Mulieres potentes voti*, compotes factæ voti, Dianæ vota solvebant etiam sic, ut facibus delatis ardentibus lucum ejus illustrarent. Vid. Wernsdorf. Exc. VII ad Gratii Cyneg. Matronis se immiscebant etiam puellæ amantes. Itaque Propert. II, XXIII, 39, suæ exprobrat, quod velit « accensis currere tædis » In nemus, et Triviæ lumina ferre » Deæ. » — Sacerdos Dianæ in illo nemore *Rex Nemorensis* dictus. Id sacerdotium servi fugitivi ( *pedibus fugaces*, *δρακίται* Strab. ) ad se ra-

piebant, ita quidem, ut *manu fortior* priorem sacerdotem interficeret: quem morem Strabo d. I. βαρβαρικὸν καὶ Σαυθικὸν ἔθος vocat. Conf. Art. Amat. I, 260, ubi « parta per » gladios regna nocente manu. »

273. *Egeria*, Numa mortuo, in illo nemore abdita, præ mœrore in *fontem* mutata est; Metam. dict. loc. — *Incertum*, quia adstantibus non apparet unde sit. Strabo de lacu Dianæ, αἱ δ' ἀπαρρήσεις ἐνταῦθα μὲν ἄδελφοί τινες etc. — *Bibes* Heins. prætulit e Mazar. et Zulich. quum antea ederet *bibi*. — *Exiguis haustibus*, forte quia ei vis quædam peculiaris tribuebatur. — *Grata Camenis*; vid. ad vers. 259. — *Consilium*. Dionys. vocat eam διδάσκουσαν τὴν βασιλικὴν σοφίαν. Et simulabat Numa, ejus se monitu, quæ acceptissima Diis essent, sacra instituere; Liv. I, 19.

277-284. Summa meritorum Numæ, qui conatus est τὴν πόλιν, ὥσπερ σίδηρον, ἐκ σκληρῆς καὶ πολεμικῆς μάλα κωπέρου ποιῆσαι καὶ δικαιότερον Plutarch. Num. 8, ubi plura de audacissima civium ferocia. Etiam a Dionys. 62, ἐνδείκναι πρῶτον διδάσκων,



Molliri placuit jure, Deûmque metu.

Inde datæ leges, ne firmior omnia posset :

Cœptaque sunt pure tradita sacra coli.

280

Exiit feritas, armisque potentius æquum est :

Et cum cive pudet conseruisse manus.

Atque aliquis, modo trux, visa jam vertitur ara ;

Vinaque dat tepidis salsaque farra focis.

Ecce Deûm genitor rutilas per nubila flammæ

285

Spargit, et effusis æthera siccat aquis.

Non alias missi cecidere frequentius ignes :

Rex pavet, et vulgi pectora terror habet.

Cui Dea, Ne nimium terrere ; piabile fulmen

ἡμεῖς θεοκτοσύνης Numa inducitur.

— Leniter Noster cives notavit *nimium promptos ad bella*, ut I Metam.

126, « promptior ad arma ; » gravius Liv. I, 19, « efferatos militia animos. » — *Firmior*, robustior, viribus valentior ; Plin. III, Epist. 1x, 11, « robustissimus et firmissimus. »

Olim h. l. vulgabatur *fortior* : quæ duo sæpissime inter se permutata sunt. Vid. Heins. et nos ad Plin. I, Ep. 12. — *Sacra* et a Romulo tradita renovavit Numa, et ipse plura addidit ; Dionys. 63. — *Pure* id quod pie. Tibul. I, III, 25 : « Pie dum sacra » colis, pureque lavari Te, et puro » secubuisse toro. » Hoc loc. *propure* Mazar. Ambros. et alii merito habent. — *Exiit*. Burm. cum MSS Farnes. et Ambros. tamquam verb. efficacius malit, *exigitur*. Mihi vero alterum verbum satis grave et elegans videtur ; Claudian. XV, 397 : « Naturamque simul, fratremque » cruentus Exiit. » Silius, XIII, 120, « exuta feram, » ferinam indolem. — *Atque aliquis* etc. Vim religionis in mentibus Quiritium declarat ; itaque vis in voc. *modo* et

*jam* inest. — *Vertitur* rectius cum Burman. interpretaberis, mutatur, quam cum Neap. corpus dextrorsum circumagit more adorantium. — *Trux* ad ingenium violentum referendum. — *Salsa farra*. Patav. et Strozziæ, *sarraque fracta*, unde Hein-sius faciebat *fricta* ; sine causa.

285. Nunc demum narratio ipsa incipit, cujus prior pars simillima reperitur iis, quæ Virg. Georg. IV, 387 sqq, de Cyrene, Aristæo et Proteo habet. Neque tamen hæc adsimilavit Ovid. sed hausit ex Antiatis libro secundo, ficta, ut Plutarch. monet, a superstitione antiquissimæ ætatis. Liv. igitur I, 20, iis spretis, auguriis Numam consuluisse Jovem Elucium narrat, quæ suscipienda essent atque procuranda. — Jupiter *per nubila flammæ* spargens, minus terribilis, quam « per purum tonantes equos agens ; » Horat. I, Od. xxxiv, 8. Itaque Julio Cæsare interfecto, « Non alias cælo ceciderunt plura sereno Fulgura ; » Virg. Georg. I, 487. — De formula *pectora terror habet*, vide ad IX Met. 291.

289. *Dea*, Egeria. — *Piare*, *expiare*



Est, ait; et sævi flectitur ira Jovis:

290

Sed poterunt ritum Picus Faunusque piandi

Prodere, Romani numen uterque soli.

Nec sine vi tradent: adhibeto vincula captis,

Atque ita, qua possint, erudit, arte capi.

Lucus Aventino suberat niger ilicis umbra,

295

Quo posses viso dicere, Numen inest.

In medio gramen, muscoque adoperta virenti

Manabat saxo vena perennis aquæ.

Inde fere soli Faunus Picusque bibebant.

Huc venit, et fonti rex Numa mactat ovem:

300

Plenaque odorati disponit pocula Bacchi;

et vers. 343, *procurare fulmen* Arnob. d. I. sic circumloquitur: « Scire » remedia, quibus averti possint, » quæ per fulminis jactum in humanis fieri *Jupiter* constituerit rebus. » — *Faunus*, *Pici* filius, Aboriginum rex, vir prudens, quem Romani, ut Deum patrum atque fatidicum, sacrificiis et carminibus colebant; Dionys. I, 31. Sed jam ante Romam conditam, oraculum ejus consulebatur; *Æn.* VII, 81: « At rex sollicitus monstribus, oracula » Fauni, Fatidici genitoris, adit. » Sed in societatem honoris divini etiam *Picus* venit. Plutarch. dicto loc. iis medicamentorum scientiam tribuit, atque artium magicarum. Vid. Heynii Exc. V ad *Æn.* VII. — Disputant editores, utrum *prodere*, an *tradere*, an *edere* legendum sit. *Prodere* Heins. ex Ursin. Voss. Mazarin. Zulich. et sex aliis adoptavit, quod sit verbum sacris frequenter adhibitum. Burman. vult, aut hic, auctoritate Puteani multorumque aliorum, *edere* legendum, aut vers. 294, *edidit* pro *erudit*. *Edere* enim non minus esse in sacris proprium,

quæ in vulgus proferantur. Sic sane Tibul. I, IV, 73: « Hæc mihi, quæ » canerem Titio, Deus edidit ore. » III, IV, 42, de Apolline: « Edidit » hæc dulci tristitia verba modo. » Neque tamen hæc verba sacris propria crediderim. Plutarch. τὸν ἐπὶ τοῦ ξιφανοῦς ἐκδιδάξαι καθαρῶς, pro quo mox ἐκτίσθαι. Arnob. de hac eadem re: « Perdocuisse regem, » quamquam et, « non ipsi edidere quæ » renti. » Cum sqq, *nec sine vi* etc. conf. Virg. Georg. IV, 398 sq.

295. Fauni oraculum in luco Albunæ erat; Virg. *Æn.* VII, 81 sqq, ubi vide Int. Sed nunc prior lucus memoratur, sub *Aventino*, quem olim largos habuisse *fontes*, *lucosque* opacos, e Plutarchi dict. loc. discimus. — *Niger*, a nigricante ilicis virore; IX Metam. 664, « nigraque » sub ilice manat. » Cul. 138, « Illi » cis et nigræ species. » Sic melius capies, quam de umbra obscura. — *Inde soli... bibebant*, quia ipsis sacer. Arnob. « illis aquandi solemne » iter huc fuit. »

301. *Odoratus Bacchus*, vinum odorum, adeoque generosum, etiam

Cumque suis antro conditus ipse latet.

Ad solitos veniunt silvestria numina fontes ;

Et relevant multo pectora sicca mero.

Vina quies sequitur : gelido Numa prodit ab antro ; 305

Vinclaque sopitas addit in arta manus.

Somnus ut abscessit ; tentando vincula pugnant

Rumpere : pugnantes fortius illa tenent.

Tum Numa : Dî nemorum , factis ignoscite nostris ,

Si scelus ingenio scitis abesse meo ; 310

Quoque modo possit fulmen monstrate piari.

Sic Numa ; sic quatiens cornua Faunus ait :

Magna petis ; nec quæ monitu tibi discere nostro

Fas sit : habent fines numina nostra suos.

Dî sumus agrestes , et qui dominemur in altis 315

Montibus : arbitrium est in sua tela Jovi.

Georg. IV, 279. Arnob. « liquori-  
» bus odoratis fragrantia pocula. —  
Sed pro *Dis ponit*, quod Heins. non  
nisi ex ingenio suo dederat, *disponit*  
revocavi, etiam propter Arnob. apud  
quem Numa pocula « non parvi nu-  
» meri » vino mulsoque complet.  
Apud Plutarch. vero fontem ipsum,  
ex quo illi bibere solebant, vino mis-  
cet et melle. — *Cum suis*. Nempe cas-  
tos duodecim juvenes secum ductos  
celavit apud aquam cum vinculis ;  
Arnob. dict. loc. — *Antram* forte il-  
lud ipsum, in quo congressus cum  
Egeria habebat ; etenim id quoque  
sub Aventino.

305. *Vina quies sequitur*. Sopor  
gravis ex ebrietate intel. Vid. Arnob.  
Secundum Plutarch. hi capti, æque  
ac Proteus, in varias se mutarunt  
formas, oculisque horrendas obje-  
cerunt imagines. Hæc Noster omisit,  
forte quia nolebat cum Virgilio con-  
certare. — *Tentando pugnant bene*

Heinsius ex prim. Ambros. *Læti et*  
*plurimis aliis, prætulit alteri pugnan-*  
*do tentant* ; illud magis est poeticum,  
et *pugnare* sæpe infinitivo junctum  
legitur ; vide ad I Met. 685. Heins.  
tamen et suadebat, *luctando pug-*  
*nant*. Sine causa. *Tentare*, pericu-  
lum facere, an possis aliquid effi-  
cere. — *Fortius tenent*, arctius con-  
tinent ; II Metam. 127, *fortius utere*  
*loris*, de auriga.

312. Concussio capitis nunc diffi-  
cultatem rei propositæ indicat. Len-  
zio signum esse videtur furoris fati-  
dici jamjam incipientis. Verum talis  
furor, qui sane hominum vaticinan-  
tium esse solet, Deum dedecet, nec  
ullum ejus vestigium hoc loco appa-  
ret. Immo sanus est et satis mode-  
ratus omnis Fauni monitus. — *Nec*  
*quæ monitu* etc. Tradiderant tamen  
nonnulli, didicisse hanc procura-  
tionem Numam ab ipsis. Vide Plu-  
tarch. — *Numina nostra*, vis, po-

Hunc tu non poteris per te deducere cælo :

At poteris nostra forsitan usus ope.

Dixerat hæc Faunus : par est sententia Pici.

Deme tamen nobis vincula , Picus ait.

320

Jupiter huc veniet , valida deductus ab arte :

Nubila promissi Styx mihi testis erit.

Emissi quid agant laqueis , quæ carmina dicant ,

Quaque trahant superis sedibus arte Jovem ,

Scire nefas homini : nobis concessa canantur ,

325

Quæque pio dici vatis ab ore licet.

Eliciunt cælo te , Jupiter , unde minores

Nunc quoque te celebrant , Eliciumque vocant.

Constat Aventinæ tremuisse cacumina silvæ :

Terraque subsedit pondere pressa Jovis.

330

testas nostra divina. — *Hunc tu non poteris* etc. Apud Arnob. instituunt regem , quibus ipse Jovem modis et sacrificiis ad terras eliciat. — *Deducere* verb. pr. magarum , quæ et lunam « cælo deducere » poterant. Plutarch. *καταμαρτυρεῖν τὸν Δία μαγεύσας αὐτὰς*.

321. Lectio *deductus ab arte* verissima mihi videtur ; namque *deducere* , quod vers. 317 , præcesserat , hic commode repetitur , et *valida* bene convenit τῷ *arte* , et *ab arte* est ope artis. Male Taubn. putat , hunc usum præpositionis *ab* inusitatum esse. Vid. Cortius ad Sallust. Jug. XXXI , 2. Neque video , cur *ars* Jovis *valida* dicatur. De *arte* sermo est in seqq. Et tumentur hæc se multorum MSS auctoritate. Olim edeb. *perductus ab arce*. Sed *arte* jam Nauger. notabat ex nonnullis. *Deductus* primus Scaliger e codice vet. protulit , probatum et Daniel. Heinsio atque Neap. postea plures MSS hæc duo confirmarunt. — *Nubila* , quia nebulas exhalat iners ; II Met. 435.

323 sqq. Excusat se Ovidius , quod non enarrat , quid Dii illi egerint , ut IV , 552. — *Carmina* Neap. intel. verba Pontificis , quum fulmina condebat. Immo formula incantationis cogitanda , qua illi Jovem eliciebant ; II , 426. — De formula *scire nefas* , de iis , quæ scire conari impium est , vid. Benth. ad Horat. I , Od. xi , 1. — *Disci* Burm. e conject. Heinsii dedit , quamquam nec *duci* ex uno Voss. improbat. Cæteri *dici* , quod revocavit Mitsch. et defendit Krebs. Recte , propter MSS auctoritatem ; alioquin *disci* defendi posset e versu 313.

327. Liv. I , 20 : « Ad ea elicienda » ex mentibus divinis , Jovi Elicio » aram in Aventino dicavit , Deum » que consuliit auguriis , quæ sus » cipienda essent. » — *Minores* , poster. — De *tremore* illo , divinæ præsentiae signo , alibi dictum ; conf. II , 439. Numam horror ille sacer corripit , Deo viso ; et in precibus solemnis erat illa conditio , si te pie

Corda micant regis : totoque e pectore sanguis

Fugit ; et hirsutæ diriguere comæ.

Ut rediit animus , Da certa piamina , dixit ,

Fulminis , altorum rexque paterque Deum ;

Si tua contigimus manibus donaria puris ;

335

Hoc quoque , quod petitur , si pia lingua rogat.

Annuit oranti : sed verum ambage remota

Abdidit , et dubio terruit ore virum.

Cæde caput , dixit : cui rex , Parebimus , inquit :

Cædenda est hortis eruta cepa meis.

340

Addidit hic , Hominis : Summos , ait ille , capillos.

Postulat hic animam : cui Numa , Piscis , ait.

Risit ; et His , inquit , facito , mea tela procures ,

O vir colloquio non abigende meo.

Sed tibi , protulerit quum totum crastinus orbem

345

Cynthus , imperii pignora certa dabo.

Dixit , et ingenti tonitru super æthera motum

colui. Et cultum nunc per *donaria* , pietatem per *puras manus* exprimit.

— *Da piamina* , edoce piamina.

337. *Ambages* de ambiguis et obscuris oraculorum verbis dici , notum est ; IV , 668 ; VII Metam. 761. At qui verum abdit , dubioque alterum terret ore , is ambages illas non removet. Obscuritas nunc erat a brevitate , qua Jupiter Numæ sapientiam tentabat ; itaque *ambages* circuitionem interpretabimur ; colloquium autem illud , auctore Plutarcho , sic fere informabimus. J. Fulmina procura capitibus. N. ceparumne ? J. hominis. N. crinibusne ? J. animalis. N. mænis ? J. ridens , His facito etc. Atque tribus illis rebus Plutarchi adhuc ætate Romani procurabant. — De *mena* , genere *piscium* , vid. ad II , 578. — Vulgatam *sumes* Heins.

MSS Naugerii et quatuor suorum auctoritate recte in *summos* mutavit. Secunda enim persona *sumes* in hoc colloquio parum placet. — Sed *colloquio meo* non nisi Arondel. pro diversa lect. tum duo alii habent. Itaque forsân e cæteris *Deum* revocandum.

346. *Pignora imperii* , munera Deorum fatalia , quorum conservatione perpetuitas et salus imperii nitebatur. Vid. Bœcler. de pignoribus imperii. Ea erant Palladium et , quod nunc promittitur , scutum cæleste. Male Rutil. Itin. II , 55 , libros Sibyllinos addit. Vid. Wernsdorf. Exc. VIII extr. — Dii , quando e conspectu hominum avolabant , signa quædam dabant divinitatis suæ ; Heyn. Excurs. XIII ad Æn. I. Jupiter nunc cum *tonitru* aufertur. — *Æo moereri*



Fertur, adorantem destituitque Numam.  
 Ille redit lætus, memoratque Quiritibus acta :  
 Tarda venit dictis, difficilisque fides. 350  
 At certe credemur, ait, si verba sequatur  
 Exitus : en, audi crastina, quisquis ades.  
 Protulerit terris quum totum Cynthius orbem,  
 Jupiter imperii pignora certa dabit.  
 Discedunt dubii, promissaque tarda videntur ; 355  
 Dependetque fides a veniente die.  
 Mollis erat tellus rorataque mane pruina :  
 Ante sui populus limina regis adest.  
 Prodit, et in solio medius consedit acerno :  
 Innumeri circa stantque silentque viri. 360  
 Ortus erat summo tantummodo margine Phœbus :  
 Sollicitæ mentes speque metuque pavent.  
 Constitit, atque caput niveo velatus amictu,

cælum sæpe dicitur, ut multis docet Heins.—*Destituit*, reliquit.

350. Vix, nec nisi eventus postquam promissis constitit, fidem ei habent Quirites.—*Creditur* is, cui fides habetur. Bene igitur Heinsius ex Sarrav. et duobus aliis MSS *credemur* adoptavit, quum alii *credemus*, *credamus* aut *credetis* habeant.—*Crastina*, quæ cras evenient. Non opus est, ut ex Heinsii ingenio, *crastine*, quisquis cras aderis, scribamus.

357. Burmanno hæc terræ affectio commemorari ideo videtur, quod inde omen captatum sit, id certe factum esse ab Augusto; Sueton. August. LXXXII. Nisi poetam credas tempus tantum matutinum describere voluisse. Orto contra sole « pruinosa siccantur herbæ, » IV Metam. 82; et nocte « sparsa cælesti » rore madet humus » supra I, 312. Dedimus autem, non *rorata*, sed

*rorataque*, quod plurimi MSS ex melioribus et prima editio agnoscunt, quod Burmannus probavit, recepitque etiam Mitscherl. — *De solio* hoc *acerno* vide ad IV Metam. 486; occurrit etiam Æneid. VIII, 178. Male igitur primus Farnesianus, Ambrosian. et tres alii, *eburno*. — *Silentium*, signum cupidæ expectationis. Ejus et vim et tempus, quo maxime crevit, bene poeta notavit, *Ortus... pavent*. Similis expectationis vim Livius I, 25, sic expressit : « erecti, suspensi erant; torpebat » vox spiritusque. »

363. *Niveum* illum *amictum* Neapolis, Taubnerus et Schirach. galeam sacerdotalem intellexerunt; at illa *amictus* dici non potest. Precantes et sacra facientes capite obvoluto erant, ne quid mali ominis eos turbaret : id quod passim his nostris verbis exprimitur. Virg. Æneid. III,

Jam bene Dīs notas sustulit ille manus ;  
 Atque ita , Tempus adest promissi muneris , inquit : 365  
 Pollicitam dictis , Jupiter , adde fidem.  
 Dum loquitur , totum jam sol emergerat orbem :  
 Et gravis ætherio venit ab axe fragor.  
 Ter tonuit sine nube Deus , tria fulgura misit.  
 Credite dicenti : mira , sed acta , loquor. 370  
 A media cælum regione dehiscere cœpit :  
 Submisere oculos cum duce turba suos.  
 Ecce levi scutum versatum leniter aura  
 Decidit : a populo clamor ad astra venit.

405 : « purpureo velare (memento)  
 » comas adopertus amictu , » et ib.  
 vers. 545 : « capita ante aras phry-  
 » gio velamur amictu. »—*Pollicitam*  
 etc. confirma, quod verbis promi-  
 sisti ; XI Metam. 107 , *pollicitam fi-*  
*dem tentat* , periculum facit , an fi-  
 des habenda sit promissis , ubi vide  
 notam.

367. *Emerserat* , e mari protulerat.  
*Emergere* active dici , atque casum  
 quartum habere adjunctum , mul-  
 tis exemplis docuit Heinsius , qui id  
 ex Vaticano uno et Thuano recepit.  
 Nonnulli , *evolverat*. Vulgo , *emove-*  
*rat*. Infravers. 517 , *demergere orbem*.  
 —Pro *et gravis* Heins. mallet , *en gra-*  
*cis* et mox ex altero Puteano *vergit*  
*præfert alteri venit*.—*Sine nube* , quo  
 notabilibus hoc tonitru esset , quum  
 naturalibus ex causis profectum non  
 videretur.—*Ter tonuit*. VII Metam.  
 619 , *Tonitru secundum* vocatur.

371. *A media regione* , a summo  
 cælo , ubi arx Jovis. Mazar. et Voss.  
*A media subito cælum discedere vi-*  
*sum est*. quam lect. elegantem Hein-  
 sius judicat , quum *discedere cælum*  
 formula sit in hac re solemnia. Pe-  
 rinde est , utrum verbum eligas. Plī-

nus , VI , Epist. xx , 9 , « *nubes atra*  
 » *in longas flammæ figuræ de-*  
 » *hiscebat*. » *Utrumque conjunxit*  
 Seneca , Nat. Quæst. I , 19 : « *Chas-*  
 » *ma est*, quum aliquod cæli spatium  
 » *discedit* , et flammam dehiscens  
 » *velut in abdito ostentat*. »—Ad ful-  
 gura sane homines *submittere oculos*  
 solent ; sed ita illi *scutum levi versa-*  
*tum aura* spectare non potuissent.  
 Unus Petavii , *surrexere manus cum*  
*duce turba suas* , quod Burmannus  
 minime ab indocto librario profec-  
 tum putabat : namque *surgere* etiam  
 active pro *surrigere* poni ; et rectius  
 fiduciæ Numæ convenire , ut oculos  
 intentos in cælum teneat , et deinde ,  
 viso ancili , tollat manus ad cælum :  
*suo* tamen posse retineri. Verum illa  
 lectione non opus est , namque etiam  
*submittere* sursum tollere notat ; Si-  
 lius , XII , 640 : « *Summissas ten-*  
 » *dunt alta ad Capitolia dextas* , »  
 ubi vide Drakenb. Quid , quod et  
 notio *esū furtim* h. v. inest , ( Livius ,  
 XXVI , 44 , « *subsidia submissa e*  
 » *castris* » ) quæ hoc loco bene con-  
 venit. MSS meliores ( et Regii nos-  
 tri ) habent *suos*. quod cum Mits-  
 cherlichio prætulimus.

Tollit humo munus, cæsa prius ille juvenca, 375

Quæ dederat nulli colla premenda jugo ;

Idque ancile vocat, quod ab omni parte recisum est ;

Quaque notes oculis, angulus omnis abest.

Tum, memor imperii sortem consistere in illo,

Consilium multæ calliditatis init. 380

Plura jubet fieri simili cælata figura,

Error ut ante oculos insidiantis eat.

Mamurius, morum fabræne exactior artis,

Difficile est, illud, dicere, clausit opus.

Cui Numa munificus, Facti pete præmia, dixit : 385

Si mea nota fides, irrita nulla petes.

Jam dederat Saliis, a saltu nomina ducunt,

377. Secundum Jubam, quem Plutarch. dicto loco excerptis, scribendum foret *ancyle*, idque a græco ἀγκύλον, curvum, derivandum. Sed Plutarchus ipse de hac etymologia dubitat, pluresque alias affert. In libris latinis ubique *ancile* scribitur; et sic scribendum est ex Ovidii derivatione, quacum consentiunt, quæ Festus habet: « Ancile » vocatum, quia ex utroque latere » erat recisum, ut summum infimumque latus pateret. » Similiter fere Varro lib. IV. Secundum eundem lib. VI, p. 78, in carmine Saliari *ancisia* scriptum erat. Forma apud Plutarchum pluribus describitur: orbis non est, nec, qualem pelta, circuitum habet; sed sinus refert lineæ tortuosæ, cujus apices flectuntur, et densitate in se concurrunt. Dionysius, II, 71, negat usquam ante visam esse in Italia talem figuram.

381.—*Plura*, permulta Dionysius ait.—*Cælata* nunc nil nisi sculpta.—*Pignoribus imperii insidians* populi

finitimi solebant. *Ut error ante oculos eat*. Sic exornavit illud, ut jam insidians dubius hæreat. *Error* etiam de incertitudine dicitur. — *Mamurium* (quem multi MSS *Marmurium*, nonnulli *Mammurium*, Dionysius Μαμόριον, vocant) Plutarchus ab arte tantum laudat, τὸ κατὰ τέχνην, ἀλλὰ καὶ μετὰ τὴν τέχνην, sed *morum* etiam fama floruerit necesse est. — Is *clausit*, absolvit, *opus*, ad quod post alios accessit. Lenzius *clausit* interpretatur, ab omni parte rotundum fecit, orbe certo inclusit. Sed *claudere* etiam notionem absolviendi habere, docet Drakenb. ad Silium, XIII, 686.—*Illud* opus Heinsius ex Ursini codice prætulit. Vulgo *ulli*, quod Krebsius tueretur. Nonnulli *illi*. In Heinsii lectione sane trajecta non bene sunt verba; sed nec *ulli* magnopere placet.—*Exactus*, perfectus, nunc secundum casum adjunctum habet.

387. *A saltu*, a tripudiis, quibuscum ancilia gestabant, per urbem. Plutarchus, ἀπὸ τῆς ἐρχέσσης ἀλτήρας; Dionysius, ἀπὸ τῆς συντόνου κί-

Armaque, et ad certos verba canenda modos.  
 Tum sic Mamurius : Merces mihi gloria detur,  
 Nominaque extremo carmine nostra sonent. 390  
 Inde sacerdotes operi promissa vetusto  
 Præmia persolvunt, Mamuriumque vocant.  
 Nubere si qua voles, quamvis properabitis ambo,  
 Differ : habent parvæ commoda magna moræ.  
 Arma movent pugnam : pugna est aliena maritis ; 395  
 Conditâ quum fuerint, aptius omen erit.  
 His etiam conjux apicati cincta Dialis  
 Lucibus impexas debet habere comas.  
 TERTIA nox emersa suos ubi moverit ignes ;  
 Conditus e geminis Piscibus alter erit. 400  
 Nam duo sunt : austris hic est, aquilonibus ille  
 Proximus : a vento nomen uterque tenet.  
 QUUM croceis rorare genis Tithonia conjux

ὑἱετος.—Ad tibiæ *modos* citatos armati saltabant, modo omnes simul, modo per vices, atque *carmina* canebant. Instructi erant æneis et balteis et galeis et tegumentis in pectore, atque pugionibus, quibus identidem ancilia pulsarent. — Præter *Mamurium* serius et aliorum nomina carmini Saliari incerta esse, docet Neapolis ad hunc locum. — *Sonent* ; X Metam. 205 : « Te lyra, te carmina nostra sonabunt. »

393. Eodem tempore et iter facere religiosum erat. Vide Lipsium in Antiq. Lect. V, 16. — *Condi* ancilia dicebantur, ubi templo reddebantur. — Flamen *Dialis* solus albo galero aut *apice* insignitus erat, neque sine eo licebat ei sub dio versari. — *Conjux* ejus Flaminica venenato operta et rica redimita prodibat. Erat autem *venenatum* pallium flammeo colore, et *rica* peculiare capitis cin-

gulum. Vide Gellium Noct. Att. X, 15, ibique Iutt. — Hinc et nunc *cincta* vocatur, quod Heinsius tuetur verbis Festi : « Cincta Flaminica vestis te velata. » Nam alii *sancta*, *capitis distincta* aut *discincta* etc. habent. Jam Flaminica multis legibus tenebatur, de quibus Gellius dicto loco et Schwarzius ad Plinium, paneg. LXXXIII, 5. In iis erat, ne certis temporibus caput comeret, ungues resecaret etc. Confer IV, 226.

399-402. *Piscis alterius occasus vespertinus* die 3 Mart. sive V Nonas. Sideris hujus, magnum cæli spatium occupantis, originem habes, II, 458 sqq. Alter *Piscis Notius* vocatur, alter *Boreus* ; Hyginus, Astr. Poet. III, xxix, 40. — *A vento*. Unus Heinsii et tres alii cum edit. principe et aliis *a ventis*. Reg. et Petav. *utrumque*. Burmannus conjicit *a vento nomen utroque*.



Cæperit, et quintæ tempora lucis aget :  
 Sive est Arctophylax, sive est piger ille Bootes, 405  
 Mergetur, visus effugietque tuos.  
 At non effugiet Vindemitor : hoc quoque causam  
 Unde trahat sidus, parva docere mora est.  
 Ampelon intonsum, Satyris Nymphaque creatum  
 Fertur in Ismariis Bacchus amasse jugis. 410  
 Tradidit huic vitem pendentem frondibus ulmi,  
 Quæ nunc de pueri nomine nomen habet.  
 Dum legit in ramo pictas temerarius uvas,  
 Decidit : amissum Liber in astra vehit.  
 SEXTUS ubi oceano clivosum scandit olympum 415

403-414. *Arctophylaxis et Vindemitoris ortus* die quinto Martii.—In *Arctophylace*, qui idem et *Bootes* dicitur (vide ad II Met. 176,) lapsus est Ovidius : occidit enim Maio exeunte, V, 733; sed die 5 Martii vespere oritur. Secundum Euctem. ἀρκτοῦρος ἐπιτίλλει καὶ προσηρυτῆς. Sic et Ptolemæus, ἀρκτοῦρος ἰσπίριος ἐπιτίλλει.—Frustra Taubnerus post tuos signum interrogandi poni volebat, ut hæc interrogatio vim negandi haberet. — Pro *rorare* Zulich. Mazar. unus Vatic. pro diversa lectione *rutilare*. Sic et Sarrav. et unus Heinsii. Duo, *rorare comis*. Hinc Heinsio placebat *rutilate comis*. Ita V Metam. 440: « rutilis Aurora capilis. » Sed *rorare* nunc bene se habet; XIII Met. 622: « Aurora toto » rorat in orbe; » Æneid. I, 493, Memnonis mortem « Aurora hodie » que matutino rore flere dicitur. » Vide et ad vers. 357.—*Aget*, adferret; III Metam. 150, « reducit lumen. » — *Piger*: II Metam. 176, *tardus* vocatur, ubi vide notam.

407. *Vindemitor*, græcis προσηρυτῆς, stella in Virginis ala septem-

trionali; Hyginus Poet. Astr. III, 24.—*Intonsus* nunc ad teneram ætatem referendum, ut VI Met. 254, non ad comam promissam; Horat. I, Od. XXI, 2. — *Satyris* ex optimis et plurimis MSS recepit Burmannus, ut Ovidius oblique Nympham vulgato corpore infamem tetigerit. Mitscherl. vero *Satyro* revocavit. — *Ismarus*, mons Thraciæ, jam Homeri ætate vitibus nobilis: Od. IX, 196; Virg. Georg. II, 37.—Sequens distichon *Tradidit . . . habet*, iudice Heinsio, adulteram et nugatoriam manum sapit: nec mihi placet, quamquam non omnino damnaverim; eo enim sublato, manca videtur narratio. Et quum *Ampelos* Græcis vitem significet, non incredibile est, Ovidium aliquid de nomine addidisse. — *Vehit* ex Voss. Arond Zulich. Mazar. et pr. Farn. accepit Heinsius, ut Bacchus eum, æque ac Ariadnen, tigris suis in cælum *vezisse* dicatur. Cæteri *tulit*. — Regius noster A *tulit*; alii *vehit*.

415-428. *Vestæ sacra* pridie Nonas, sive sexto die, quo eodem *Augustus Pontifex Maximus* factus est.

Phœbus, et alatis æthera carpit equis :  
 Quisquis ades, canæque colis penetralia Vestæ ;  
 Cratera Iliacis turaque pone focis.  
 Cæsaris innumeris, quem maluit ille mereri,  
 Accessit titulis pontificalis honos. 420  
 Ignibus æternis æterni numina præsent  
 Cæsaris : imperii pignora juncta vides.  
 De veteris Trojæ dignissima præda favilla,  
 Qua gravis Æneas tutus ab hoste fuit ;  
 Ortus ab Ænea tangit cognata sacerdos 425  
 Numina : cognatum, Vesta, tuere caput.  
 Quos sancta fovet ille manu, bene vivitis ignes ;  
 Vivite inextincti, flammaque, duxque, precor,

—*Alati*, ut *alipedes* II Metam. 48, omnino sunt veloces. Quidam MSS *elatis* scilicet e mari.—*Canæ* præstat alteri lectioni, *castæ*; est enim solemne illius Deæ epitheton, ut Heinsius docet.—*Penetralia Vestæ* etiam Æneid. V, 744, pro Vesta ipsa ponuntur. In iis velata et ab hominum adpectu intacta colebatur.—In cultu Deorum etiam *crateres positi*. Virgilius, Eclog. V, 68 : « Craterasque » duo statuam tibi pinguis olivi. — De *Iliacis focis* vide vers. 29 et 142.

419. An. u. c. 741, pridie Nonas Martias Augustus, Lepido mortuo, Pontificatum Maximum accepit, qui honos unus ei defuerat; Dio l. LIV, cap. 15; Suetonius August. XXXI. Idem notavit Kalend. vetus atque Verrius Flaccus. Hoc Ovidius summa reverentia et in maximam Augusti laudem, more sæculi Augustei, extollit. Bene hoc cum Vestæ sacris conjunctum; Pontifex Maximus enim præerat Vestalibus. Cf. IV, 949.—*Quem* Heinsius ex Mazar. Zulich. et Strozze MSS prætulit

τῶν quos. — Elogium æterni non imperio tantum datum, sed et Cæsari. Vide Schwarz. ad Plinii paneg. 67. In Vestæ templo non *ignes* tantum æterni, sed et Palladium, *imperii pignus*; VI, 421 sqq, quæ duo sæpe junguntur. Livius, V, 52 : « Quid » de æternis Vestæ ignibus, signo- » que, quod imperii pignus custodia » ejus templi tenetur, loquar ? » XXVI, 27 : « Vestæ ædem petitam, » et æternos ignes, et conditum in » penetrati fatale imperii pignus. » Sed nunc accessit novum *pignus*, Augustus. En laudem maximam ! « Æneas, » Illo ardente, « Vestam- » que potentem Æternumque ady- » tis effert penetralibus ignem. » Æn. II, 296sq. Vid. Heynii excursus IX ad Æneid. II.—*Gravis*, gravatus, onustus. — Ab Ænea domus Julia, in quam Augustus adoptatus; IV, 20 sqq. Hinc illa *cognatio*, quam Ovidius celebrat. — *Caput* eleganter sic in commendatione pro ipso homine. — *Fovet*, alit. — *Vivite inextincti*. Alterum ab homine ad ignem, al-

UNA nota est Martis Nonis : sacrata quod illis

Templa putant lucos Vejovis ante duos.

430

Romulus ut saxo lucum circumdedit alto :

Quilibet huc, inquit, confuge, tutus eris.

O quam de tenui Romanus origine crevit !

Turba vetus quam non invidiosa fuit !

Ne tamen ignaro novitas tibi nominis obstet,

435

Disce, quis iste Deus, curve vocetur ita.

Jupiter est juvenis : juveniles adspice vultus :

Adspice deinde manum ; fulmina nulla tenet.

Fulmina, post ausos cælum affectare Gigantas,

Sumta Jovi : primo tempore inermis erat.

440

terum ab igni ad hominem translatum.—*Dux*, Cæsar. Vide Heinsium et Burmannum ad II, 39.

429-448. *Vejovis ædes Nonis dedicata* a Romulo. De eo autem Deo quum variæ essent sententiæ, ut ex Gellii Noct. Att. V, 12, apparet, et nos inde mox videbimus, Ovidius quid ipse sentiat in medium affert.

*Martis Nonis*. Revocavi hanc lectionem cui Heinsius ex vetustis quibusdam MSS substituerat, *Marti : Nonis*. Non enim toti Martio, sed Nonis ejus una tantum nota adscripta erat in Kalendaribus Fastis. Merito igitur etiam Krebsius hanc lectionem probavit. — Dionysius, II, 15, auctor est, Romulum loco inter capitolium et arcem (v. ad II, 70), qui suo adhuc tempore dicebatur *μετρητὸν δύοτεθ' ἀνθρώπων* (Livius, I, 8, « inter duos lucos ») atque olim nomen a re acceperit, æsylum aperuisse, apposito templo, in quod supplices et convenæ confugerent : sed cui Deo consecratum fuerit illud templum, certo se dicere non posse. *Vejovis* ædem fuisse, non modo Ovidius dicit, sed et alii. Vitru-

vius, IV, 7, ubi de structura templorum loquitur, « uti est Castoris » in Circo Flaminio, et inter duos » lucos Vejovis. » Gellius Noct. Att. V, 12 : « Est autem ædes Vejovis » Romæ inter arcem et capitolium. » Adde P. Victorem in VIII Reg.

432. Revocavi *quilibet huc*, quod satis bene dictum, neque ab Heinsio debebat non nisi duorum MSS Moreti et Jun. auctoritate in *Quilibet*: *Huc* mutari. Et confugit huc ex finitimis populis turba omnis, sine discrimine, liber an servus esset. — *Tenuis*, humilis; Liv. II, 1, « illa » pastorum convenarumque plebs, » transfuga ex suis populis. — *Novitas nominis*, inusitatum et obscurum nomen. — *Obstet*, offendat.

437. Sententiam dicit in fine loci vers. 447, præmissis argumentis. — *Jupiter juvenilis*; statua Vejovis juvenem refert. — *Post ausos* etc. Immo prius, in bello cum Titanibus, Cyclopes Jovi fulmina suppeditarunt, quibus telis et postea contra *Gigantas* et Typhæum usus est. Apollodorus, I, 11, 1. Sed ex Titanomachia multa sunt a poetis trans-



Ignibus Ossa novis, et Pelion altior Ossa  
 Arsit, et in solida fixus Olympus humo.  
 Stat quoque Capra simul : Nymphæ pavissee feruntur  
 Cretides : infanti lac dedit illa Jovi.  
 Nunc vocor ad nomen : vegrandia farra coloni ,  
 Quæ male creverunt , vescaque parva vocant.  
 Vis ea si verbi est , cur non ego Vejovis ædem ,  
 Ædem non magni suspicer esse Jovis ?  
 Jamque , ubi cæruleum variabunt sidera cælum ,

445

lata in Gigantomachiam. — De ordine, quo *Olympus*, *Ossa*, *Pelion* montes congesti apud poetas leguntur, vide quæ in varr. lectionibus ad I Metam. 155 diximus. — In Gigantomachia arserunt *ignibus novis*, fulminibus a Jove modo sumtis. — *Capra* Amalthea, cujus lacte *Nymphæ* Adrastea atque Ida Jovem tenerum nutrivere; Apollodorus, I, 1, 3. Ejus figuram juxta Vejovis simulacrum stetisse, observat etiam Gellius dicto loco.

445. Argumentum etymologicum. — *Vocor* exquisitius, quam quod exhibent duo MSS, *venio*. — Particula *ve*, observante Gellio dicto loco, duplicem significatum, eundemque diversum habebat, quum et augendæ et minuendæ rei inserviret. Ovidius *Vejovem* explicuit, qui non juvandi potestatem, sed vim nocendi habet. Hanc interpretationem eo adjuvat, quod simulacrum hujus Dei sagittas teneat, quæ sint paratæ ad nocendum. — Heinsius ex uno Erford. *colona* invexit; sed non video cur *colona* potissimum memorarentur. Restitui ergo *coloni*. — *Vegrandia*. Etiam Festus « vegrando fabam minutam » dici tradit. Varro de R. Rust. II, 2, « vegrantes » et imbecillæ oves. — De voce

*vescus* vide Gellium, XVI, 5; Phylargyr. ad Virgilium, Georg. III, 175, et IV, 131; et Festum, a quibus inter alia minutum, exile, macrum explicatur. Plinius, VII, 20, « vesco corpore, sed eximiis viribus. » Ac Festus quidem etiam *Vejovem* interpretatur cum Nostro *parvum Jovem*.

449–458. *Pegasi collum oritur heliace*. Kalendaria nonnulla et hunc ortum, et Vejovis templum superiori diei tribuunt. Hic quoque sideris originem refert, quam IV Metam. 784, ut fontem ab eo factum V Met. 256 sq paucis attingit. Etiam nunc justo brevior est et subobscurus. Cf. Hesiodus Theog. 280 sqq et 325; Apollodorus, II, III, 2; et IV, 2; Hyginus, Poetic. Astron. II, 18, qui varias de hac re fabulas collegit. — *Variabunt*, dispersa variam formam dabunt cælo, eleganter dictum: eodem sensu « varium cælum, » II Metam. 189: « variabant tempora cani, » XII Met. 465: « varians capillos gemma, » I Amor. II, 41. Heinsius ex quatuor Farnes. Zulichem. et tribus aliis dederat *vallabunt*; sed *vallare* est cingere tamquam vallo. Virgil. Cir. 79, « vallata canibus Scylla; » Claudianus, XXVI, 188, « vallata mari rupes. »



Suspice : Gorgonei colla videbis equi.

450

Creditur hic cæsæ gravis cervice Medusæ

Sanguine respersis prosiluisse jubis.

Huic supra nubes, et subter sidera lapso

Cælum pro terra, pro pede penna fuit.

Jamque indignanti nova frena receperat ore;

455

Quum levis Aonias ungula fodit aquas.

Nunc fruitur cælo, quod pennis ante petebat;

Et nitidus stellis quinque decemque micat.

PROTINUS adspicies venienti nocte Coronam

Gnosida : Theseo crimine facta Dea est.

460

Id vero hoc loco non convenit. Itaque displicuit Burmanno et Krebsio atque expulsum est a Mitscherl. — *Medusa*, una *Gorgonum*, *gravis* erat ex Neptuno. Amputato ejus collo, foetus cum sanguine exsiluit, neque Pegasus tantum, sed et Chrysaor frater; vide Hesiodum et Apollodorum, dict. locc. Ac ille quidem nomen inde accepit, quod prope oceani fontes, *πηγῆς*, natus est. — *Prosiluisse*, Hesiodus, *ἰξίθρε*, quod deinde et alii servarunt. Eo a Minerva accepto Bellerophon adversus Chimæram vectus est. Inde victor reversus, quum ad cælum evolare contenderet, Pegasus a Jove irritatus, cæstro immisso, excussit equitem; Pindar. Isthm. Z, 60 sqq; Hyginus, dicto loco. Hinc Horatius, IV, Od. XI, 27, « ales Pegasus terrenum equitem gravatus. » — *Lapso*, celeriter evecto. — Hippocrenen, fontem in Helicone, monte *Aoniæ*, id est Bæotiæ, Metam. dict. loc. dura ungula *rupit*, hoc loco *fodit*. Sic etiam Rutil. Itin. I, 264 : « Musarum ut latices ungula fodit equi. » Plures MSS ex melioribus hoc loco *fudit*, quod multo rectius de terra

aquam emittente diceretur. Virgilius, Georg. I, 12, « cui prima frenum mentem Fudit equum magno telus percussa tridente. » Similiterque in hac ipsa re adhibuit Avienus in Arati Phæn. Equo, « cornuque excita repente Lympha Camenalem fudit procul Hippocrenen. » Sidus esse jussit Jupiter. — *Quinque decemque*. Hodie 89 stellæ in eo sidere numerantur.

459—516. Die octavo, sive VIII Idus, ortus *Coronæ vespertinus*. Hujus sideris originem, quam VIII Metam. 175—182 breviter narravit, nunc latius persequitur. Confer. Art. Amat. I, 531—564; Arat. Phæn. 71; Lactantius, instit. I, 10; Virgil. Georg. I, 222. Hæc quoque fabula varie tradita, ut vel ex Hygini poet. Astronom. II, 5, patet. Partem ejus priorem, quæ ad *Thesea* pertinet, habet Heroid. X, quæ epistola scripta fingitur ab Ariadna in litore Diæ. — *Corona* est sidus boreale prope Bootem. — *Gnosis* vocatur, quia Minos, pater Ariadnæ, rex Cretæ, cuius urbs *Gnosus*. Etiam Virg. Georg. I, 222, « Gnosia ardentis stella coronæ. » — *Theseo crimine facta Dea*

Jam bene perjuro mutarat conjuge Bacchum,  
 Quæ dedit ingrato fila legenda viro.  
 Sorte tori gaudens, Quid flebam rustica? dixit,  
 Utiliter nobis perfidus ille fuit.

Interea Liber, depexus crinibus, Indos  
 Vincit, et Eoo dives ab orbe redit.

Inter captivas facie præstante puellas  
 Grata nimis Baccho filia regis erat.

Flebat amans conjux, spatiatæque litore curvo  
 Edidit incultis talia verba comis :

465

470

*est*, justo brevius dictum. Ariadne, cujus illa inter sidera relata corona fuit, Thesei crimine facta Dea est, quatenus Theseus hanc comitem in Dia insula, quæ serius Naxos dicta, deseruit : quæ causa fuit, cur Bacchus eam duceret. Ea fuit vulgaris traditio. Secundum Homerum, Od. Δ, 320 sqq, qui est fons fabulæ, Diana Ariadnen detinuit in illa insula, ducta Bacchi contra eam testimonio ; alii aliter. Vide Plutarch. Thes. 20.—*Perjuro*. Vossian. *pro juro*. Hinc Heinsius conjicit *pro duro*. Nil muta. Ep. X, 73, ipsa Ariadne : « Quum mihi dicebas, per ego ipsa » pericula juro, Te fore meam. » Cf. et mox vers. 473.—*Conjuge Bacchum* pro *conjugem Baccho*. Solent enim poetæ verbo *mutare* accusat. rei acceptæ, et ablat. relictæ addere. — *Legere* pro *relegere*, quod de hac eadem re Metam. dicto loco; Hygin. fab. 42, *licium revolvete*. Rem ipsam ingeniose circumloquitur Epist. X, 104 : « Fila per adductas sæpe recep- » ta manus. » Olim hoc loco male edebatur *regenda*.

463. *Sors tori* potest esse et conjugium et ipse conjux; VI, 30, *Saturni sors* est proles Saturni. — *Quem flebam* Burman. ex uno codice Fran-

cof. adoptavit, quia sensum rotundiorē efficeret ; sed et vulgata, *quid flebam rustica?* bene se habet. Heinsius volebat, *quid flebas rustica?* ductu MSS septem, in quibus, *quid fles ah rustica?* De *fletu* illo vide Ep. X, 43 sqq. Jam Art. Amat. dicto loco inter illos fletus et querelas repente adest Bacchus cum tympanis et cymbalis, querentique et conjugium et cælum promittit. Nec mora, curru impositam aufert secum. Verum hoc loc. post matrimonium initum Liber expeditionem Indicam suscipit. — *Depexus crinibus*, comis, diligenter compositis capillis. Bacchus *luxuriæ*; III Metam. 421, « dignos Baccho » crines; » et eum decet « madidus » myrrha crinis, » ibidem vers. 555, ubi vide notam. *Depexus* autem Burmannus e Mazar. codice et multis aliis recepit, quum antea *depexis* ederet eodem sensu, quamquam hoc et ad Indos referri posset, ad quos hoc epitheton utique referre voluerunt librarii, qui *depexos* scripserunt.

468. *Nimis* bene convenit consilio poetæ. Non erat igitur, cur Heinsius animis suaderet. — *Incultis comis*. Talem etiam post Thesei profectionem descripsit Ep. X, xvi, 47; ubi « diffusis errat sola capillis » in lito-

En iterum similes, fluctus, audite querelas:

En iterum lacrymas accipe, arena, meas.

Dicebam, memini, perjure et perfide Theseu!

Ille abiit: eadem crimina Bacchus habet.

Nunc quoque nulla viro, clamabo, femina credat. 475

Nomine mutato causa relata mea est.

O utinam mea sors, qua primum cœperat, isset!

Jamque ego præsentī tempore nulla forem!

Quid me desertis perituram, Liber, arenis

Servabas? potui dedoluisse semel. 480

Bacche levis, leviorque tuis, quæ tempora cingunt,

Frondeb; in lacrymas cognite Bacche meas;

Ausus es ante oculos adducta pellice nostros

Tam bene compositum sollicitare torum?

Heu! ubi pacta fides? ubi quæ jurare solebas? 485

Me miseram, quoties hæc ego verba loquor!

re. Vero autem parum simile est eam quamdiu Bacchus in India esset, in insula Dia mansisse. In sqq. dolore, zelotypia et pudore uritur, quod bis deserta, et quod fuscasibi pellex prælata; sub finem autem ad preces convertitur misera et inops. Motus illi animi bene expressi sunt. — Sola quum esset, et gravissime commota, bene *fluctus* et *arenam* alloquitur. — *En* Heinsius hic et vers. sq. in *eu*, id est, *heu* mutari volebat; sed etiam *ea* ingemiscens est; conf. Virgilius, Eclog. I, 72 sq. ubi bis sic, ut hoc loco.

475. *Nunc quoque* etc. Sententiam hanc a Catullo, Nupt. Pelei uberius esse expositam, Neapolis observavit. — *Relata* vel narrata, vel repetita. Posteriore sensu jam supra aliquoties legimus. — *Dedolere*, finire dolorem, necpe morte.

481. *Levis*, inconstans in amore.

Talis et inobilis dici potest; hinc comparatio cum *frondibus* hederæ. Bacchus *κισσέριος*, *κισσέριονος*. Auctore Plinio Hist. Nat. XVI, 4, omnium primus coronam sumsit, et quidem ex hederæ. — *Adducta*. Francof. *deducta*. Sane *deducere*, ut *perducere*, sæpe turpi sensu legitur de iis, qui scorta ad aliquem ducunt concubitus causa; vid. Torrent. ad Sueton. Cæs. 49, et Ernesti in Clave Cicer. Sed recte Burmannus ad Heroid. IX, 121, ubi idem fere verus occurrit, docuit, *ante oculos deducere* non bene dici, *adducere* vero eodem sensu legi, et passim verba *ante oculos* adjuncta habere. Quid? quod notio illa obscæna in hoc loco non cadit, sed *adducere* id quod simplex *ducere*. — *Compositum*, concors conjugium.

486. *Loquor*. Unus Petav. *queror*; hinc Heinsius *vera* vel *sera queror*.



Thesea culpabas, fallacemque ipse vocabas :

Judicio peccas turpius ipse tuo.

Ne sciat hoc quisquam, tacitisque doloribus urar ;

Ne toties falli digna fuisse puter.

490

Præcipue cupiam celari Thesea, ne te

Consortem culpæ gaudeat esse suæ.

At, puto, præposita est fuscæ mihi candida pellex.

Eveniat nostris hostibus ille color !

Quid tamen hoc refert ? vitio tibi gratior ipso est.

495

Quid facis ? amplexus inquinat illa tuos.

Bacche, fidem præsta ; nec præfer amoribus ullam

Conjugis adsuetæ semper amare virum.

Ceperunt matrem formosi cornua tauri ;

Me tua : at hic laudi est ; ille pudendus amor.

500

Ne noceat, quod amo : neque enim tibi, Bacche, nocebat,

Quod flammæ nobis fassus es ipse tuas.

Non video quare : dolet, quod bissimiliter decepta jam iterum *eadem verba* loqui cogatur.—*Ne sciat*, utinam hoc nemo resciscat.

493. De *fuscis* Indis vide ad IV Metam. 21. *Colorati* vocantur IV Georg. 293. *Fuscam* autem nunc se vocat, vel pellicis colorem sibi ironice tribuens, vel illum *fuscum* colorem intelligens, quem Noster II Amorr. IV, 40 etiam in Romanis puellis laudat.—*Si* Heinsius non nisi ex uno Ambros. Vulgo, *tibi*, quod ego revocavi ; placuit et Krebsio. — *Inquinat amplexus*, turpes sunt ejus amplexus. — *Adsuetæ* e codd. nonnullis protulit Nauger. Hoc recepit Heinsius, quum etiam in uno Farnes. *assuetum* reperisset. Antea *adsuevi* vulgabatur, ut sententiæ essent divisæ. Nec hoc male.

499. *Cornua tauri*, taurus ille, quem Pasiphaë, mater Ariadnæ amavit,

unde Minotaurum peperit ; Hyginus, fab. 40.—De *pudendo* illo amore vide VIII Metam. 132.—De *cornibus* Bacchi dictum ad IV Metam. 19. Sed hic incipit poetæ ingenium luxuriare ; cuique enim personæ propria ubique admiscere gestit. Idem valet de sqq, *ortus in igne*, etc. Respicit autem fab. qua Semele arsit, quum Jupiter fulmine armatus intraret, ille autem imperfectum Bacchi corpus ex utero rapuit ; III Met. 309 sqq. — *At hic laudi est servari*, quamquam profectum non nisi ab Heinsii ingenio, quia comparatio filix et matris amantis hoc loco non mala est. Antea edebatur *sed laudit ille pudendus amor*, id est, infamiam affert, sensu non incommodo. Quidam *Me tua me laudant aut laudat*, unde Heinsius suam lectionem exsculpit, in qua Taubnerus duriorum synalæphen observat.



Nec, quod nos uris, mirum facis : ortus in igne

Diceris, et patria raptus ab igne manu.

Illa ego sum, cui tu solitus promittere cælum.

505

Hei mihi, pro cælo qualia dona fero !

Dixerat : audibat jamdudum verba querentis

Liber, ut a tergo forte secutus erat.

Occupat amplexu ; lacrymasque per oscula siccatur ;

Et, Pariter cæli summa petamus, ait.

510

Tu mihi juncta toro, mihi juncta vocabula sumes.

Jam tibi mutatae Libera nomen erit.

Sintque tuæ tecum faciam monumenta Coronæ,

Vulcanus Veneri quam dedit, illa tibi.

Dicta facit ; gemmasque novem transformat in ignes.

515

Aurea per stellas nunc micat illa novem.

SEX ubi sustulerit, totidem demerserit orbes,

507 sqq. Simile figmentum II, 759 sqq. — *Audibat* per syncopen non inusitatam. Vulgo, *audierat*. — Regii tres nostri codices habent *audierat*, quod servari jubent *ta dixerat*, et *secutus erat* : alterum ex quatuor codd. inexit Heinsius. *Ed.* — *Occupat amplexu*, ut alibi *impedit amplexu*. — *Cæli summa*, cælum, quatenus in alto.

511. Heinsius ex altero Petav. *sume* dederat ; sine causa : *sumes* bene convenit *τῷ erit* vers. sq. Fabula autem hæc varie tradita. E vulgari traditione, quam Ovidius Met. dicto loco sequitur, corona tantum Ariadnæ inter sidera relata. Secundum alios ipsa, Libera dicta, honore divino affecta est ; Seneca, *Œd.* 498 ; Lactantius, dict. loc. apud Propert. III, xv, 8, *lyncibus in cælum vecta* legitur. Sic et apud Nostrium Art. Amat. I, 550. Hoc loc. et ipsa et corona ejus memorantur ; similiter a Probo dict. loc. De corona varias tra-

ditiones collegit Hyginus, Poet. Ast. II, 5. — *Monumenta coronæ*, corona, quæ vim habeat monumenti. Hyginus : « Coronam dicitur inter astra » collocasse, ut æterna memoria nominis efficeretur. » — Coronam ex auro et Indiciis gemmis factam Vulcanus dedit Veneri. — Mox quaeritur, utrum tibi legendum sit, an cum Burmanno, ex uno Moreti MS. *mihi*. Auctores apud Hyginum utroque trahunt ; namque ab initio Ariadne coronam muneri a Venere et Horis accepit, quum omnes Dii in nuptiis ejus dona conferrent ; sic et apud Theon. in Arat. p. 11 ; sed paulo post Bacchus coronam a Venere accepisse narratur. Hinc *dotalis corona* apud Claudianum, X, 272. — *Novem*. Hodie huic sideri una et viginti stellæ tribuuntur. Intelligitur enim Corona, non australis, sed borealis inter Engonasin et Ophiuchum ; Metam. VIII, 182.

517 — 522. *Altera Equiria* pridie

Purpureum rapido qui vehit axe diem :  
 Altera gramineo spectabis Equiria campo ,  
 Quem Tibris curvis in latus urget aquis. 520  
 Qui tamen ejecta si forte tenebitur unda ,  
 Cælius accipiat pulverulentus equos.  
 IDIBUS est Annæ festum geniale Perennæ ,  
 Haud procul a ripis, advena Tibri, tuis.  
 Plebs venit, ac virides passim disjecta per herbas 525  
 Potat, et accumbit cum pare quisque sua.  
 Sub Jove pars durat : pauci tentoria ponunt :

Id. sive XIV die Martii. De prioribus vide II, 857. Rem tenuem admodum ornavit verbis.—*Axis*, curvus Solis; *rapidus* vel ab incitato cursu, vel a rapida Solis flamma dictus.—*Purpureus* omnino lucidum et splendidum colorem notat; *purpureum solis lumen* Æn. VI, 641.—*Demerserit* est ex emendatione Heinsii; nam MSS valde hic variant, *omiserit*, *emiserit*, *demiserit*, *remiserit*, *dimiserit*, *demiserit*, *deserit* aut *deseret*: sed vers. 367, e bonis MSS sol *emerserat orbem* de ortu; et Lucan. III, 40, Titan « multum demerserat orbis » de obitu.—*A gramine* et alibi Campus Martius designatur. Horatius, Art. Poet. 162, « gaudet gramine Campi. »—*Curvis* propter obliquum fluviorum cursum.—*In latus urgere* bene de alluente flumine; I, 242, *radit Tiberidis unda latus*.—De *Tiberis* crebris exundationibus vide ad Plinium, VIII Ep. 17 Argum.—*Ejici* de aqua cum vi prorumpente; vide Cortium ad Plinium dict. loc. s. 3. Ibi Tiberis, qui alveum excessit, « premit » valles, innatat campis, « hoc loco tenet campum. Pro *ejecta* Puteanus *erepta*. Hinc Burman. conjicit *erecta*, vel *adjecta*.—Quod hic de *Cæ-*

*lio* monte narratur, id Festus confirmat: « Martialis campus in Cælio » monte dicitur, quod in eo Equiria solebant fieri, si quando aquæ Tiberis campum Martium occurrerent passent. »

523—696. *Annæ Perennæ sacra* Idibus. Deæ hujus mentio jam vers. 146 facta. Nunc, 523—542, sacra ejus jucunde describuntur, et 543—674, de Anna ipsa copiose exponitur. Tandem ad sacra ejus reditur. Laberius mimum scripserat nomine Annæ Perennæ, qui a Gellio Noct. Att. XVI, 7, et a Nonio Marcello in voce *collabella* laudatur.

*Geniale*, quo genio indulgetur. Vide ad vers. 58. — *Advena Tibris* etiam II, 68. Festum hoc in nemore Annæ, haud procul a Tiberi, inter Anienis confluentem et pontem Milvium celebrabatur. Potantes non tantum e plebe, sed et ex aliis ordinibus, sæpe strati, fusi, reclinati, abjecti, negligenter in gramine jacebant; Horat. II, Od. III, 6. Hinc *disjecta*, passim fusa.—*Par*, ut IV, 98. De animantibus supra vers. 193.

527. Omnis hic locus scenam habet e vita plebis romanæ. — *Sub Jove durat*, ut II, 299. — Pro *ponunt* unus Medic. *tendant*, unus Moreti

Sunt, quibus e ramis frondea facta casa est :  
 Pars sibi pro rigidis calamos statuere columnis,  
 Desuper extentas imposuere togas. 530  
 Sole tamen vinoque calent : annosque precantur,  
 Quot sumant cyathos ; ad numerumque bibunt.  
 Invenies illic, qui Nestoris ehibit annos :  
 Quæ sit per calices facta Sibylla suos.  
 Illic et cantant, quidquid didicere theatri ; 535  
 Et jactant faciles ad sua verba manus ;  
 Et ducunt posito duras cratere choreas,  
 Cultaque diffusis saltat amica comis.  
 Quum redeunt, titubant ; et sunt spectacula vulgo ;

*figunt.*—Heinsius *e ramis* sine auctoritate librorum in *e ramo* mutaverat, ne in verbis *quibus e ramis* ambiguitas esset. Nimis caute.—*Frondea* illæ *casæ* suo nomine *umbræ* dicebantur, atque, ut e Sexto Pompeio constat, etiam Neptunalibus figebantur; quemadmodum e vestibulis umbracula in Palilibus a Tibullo, II, v, 97, memorantur : « e veste » sua tendent umbracula sertis Vin- » cta. — *Rigidis* bene se habet ; tribuitur enim hoc epitheton passim rebus e ligno aut saxo factis. Heinsius volebat *Phrygiis*, e marmore Phrygio factis ; sed non apparet, cur hoc potissimum poeta nunc commemorarit.—Pro *sibi* MSS plures *ibi*, quod recepit Mitscherl. Sed Heinsius maluit *ubi*, quo sane hic, vers. melius jungitur cum sequenti, sed auctoritate destituitur illa lectio.—*Ad numerum bibunt*, numerant cyathos, quos exhauriunt. In sacris *Perennæ* pro perennitate vitæ bibunt. Vide Macrobiū verba ad vers. 146 allata.—*Sibylla vivax* ; IV, 875. De illa vivacitate ejus vide XIV Metam. 131 sqq, ubi ipsa narrat, sæcula jam

septem sibi acta, et restare tria. Hinc mulieribus Sibyllæ annos precabantur veteres, ut viris *Nestoris* ; Ovid. II ex Ponto, VIII, 41, ad Augusti filium : « Sic pater in Pylios, Cui » mæos mater in annos Vivant. »

535. *Theatris*, in theatris. Male Taubnerus in usum theatrorum, ut in theatris recitentur.—*Jactare manus* de gesticulatione manuum in dicendo etiam Quintil. VI, III, 54 ; X, III, 21, et de histrione XI, III, 179. Neapolis hæc de saltatione capiebat. Sed de hac, disticho seq. agitur. — *Faciles*, quæ facile obsequuntur.—*Posito cratere*. Interpres Gallicus : *On dépose le verre*. Etiam Schirachius explicat, remotis crateribus, finitis conviviis. Equidem hic, ut vers. 418, *cratera* in Dææ honorem *positum* esse arbitror, in eundemque *choreas* institutas. — *Duræ choreæ* ; Virg. Georg. I, 350 : « motus » incompositi » rusticorum, quum urbani « mollia brachia moveant ; » Art. Amat. III, 305, « rusticus al- » ter Motus in incessu ; mollior al- » ter erit ; » II Amorr. IV, 23, « Mol- » liter incedit ; motu capit : altera



Et fortunatos obvia turba vocant.

540

Occurri nuper : visa est mihi digna relatu

Pompa : senem potum pota trahebat anus.

Quæ tamen hæc Dea sit, quoniam rumoribus errat,

Fabula proposito nulla tegenda meo.

Arserat Æneæ Dido miserabilis igne ;

545

Arserat exstructis in sua fata rogis :

Compositusque cinis, tumulique in marmore carmen

Hoc breve, quod moriens ipsa reliquit, erat :

Præbuit Æneas et causam mortis, et ense :

Ipsa sua Dido concidit usa manu.

550

Protinus invadunt Numidæ sine vindice regnum,

Et potitur capta Maurus Iarba domo ;

» dura est. » — Mox revocavi cum Mitscherl. *cultaque*, nam Burman. ex uno Patavin. *multaque* invexerat, quia *culta* non conveniat duris choreis, nec appareat, unde cultus in turba rustica. Quæ nihili sunt, quod etiam Krebsius vidit.

541. Facile assentior Heinsio et Burmanno putantibus, post hoc distichon plura excidisse, forte, quum lasciviora essent, puris castisque monachorum manibus deleta. Etenim voc. *visa est mihi digna relatu Pompa* longiorem narrationem expectare jubent.

543. Ad *Annam* ipsam convertitur, et varias de ea traditiones recenset. E prima, quam copiosissime et operosissime usque ad vers. 656, tractavit, illa fuit Didus scil. *Elisse* soror, quæ ad Æneam in Latio desensorum pervenit, a quo benigne est accepta ; sed metuens Lavinie insidias noctu fugit, excipiturque a Numicio amne. — *Errat*, dubia, incerta est ; I, 468, *ne tuus erret honos*. Heinsius e sex MSS *errant* invexit, ut referatur ad *fabulas*. — Idem e

primo Zulichem. Ambros. et decem aliis *tegenda* mutavit in *taçenda* ; sed et alterum bene se habet ; XIII Metam. 748 : « Neve tui causam tege do- » loris. » Metuit etiam Heinsius ne quid mendi hic lateret, quia Mazar. *Quæ tamen hæc dixi*. — *Fabula nulla*, traditionum variarum nulla.

545. De *Didonis* amore in Æneam et de *Anna* sorore vide Virgil. Æn. IV, et de morte, quam illa sibi conscivit, inde a vers. 630. De *Annæ* fuga et fati, Silius, VIII, 50 sqq, qui tamen in nonnullis a Nostro dissentit. — Nota hic duplicem sensum verbi *ardere*. — *Exstructis*. Heinsius malit *et structis*. — *Componi*, quod de omni cura dicitur quæ cadaveri efferendo impenditur, nunc est con- di. — *Ensem* illum Didoni dono dederat Æneas. Vide Burmannum ad Virg. Æn. IV, 495, 647, ubi arripit *Dardanium ense*. Silius, 50 : « pro- » fugi donum exitiale mariti. »

551. De *Iarba*, Jovis Ammonis filio, rege *Numidarum*, despecto a Didone, vide Virgilium, Æn. IV, 36, 198 sqq ; Justinum, XVIII, 6.



Seque memor spretum, Thalamis tamen, inquit, Elissæ

En ego, quem toties reppulit illa, fruor.

Diffugiunt Tyrii, quo quemque agit error: ut olim 555

Amisso dubiæ rege vagantur apes.

Tertia nudandas acceperat area messes;

Inque cavos ierant tertia musta lacus:

Pellitur Anna domo; lacrymansque sororia linoquit

Mœnia; germanæ justa dat ante suæ. 560

Mixta bibunt molles lacrymis unguenta favillæ;

Vertice libatas accipiuntque comas.

Terque, Vale, dixit: cineres ter ad ora relatos

Pressit, et est illis visa subesse soror.

Nacta ratem, comitemque fugæ, pede labitur æquo, 565

Mœnia respiciens, dulce sororis opus.

Secundum Servium, Dido bellum ab eo metuens se combussit.—*Vindex*, defensor. — In *thalamis* lusus est, quia *thalami* et de conjugio. — *Reppulit*, repudiavit nuptias ejus petentem.

555. *Error*, perturbatio mentis. *Alibi*, qua impetus agit aut trahit.— De *apibus* Virgil. Georg. IV, 213. — *Amisso rege rapere fidem*. Comparatio non mala; etenim « Regem » non sic Ægyptus, nec ingens Lydia, nec populi Parthorum observant, » quam apes suum.

557. Annorum numerus a messibus et mustis; sic et XIV Met. 146. — *Messes* nunc sunt grana, quæ nudantur, quum palea exuuntur. Heins. ex primo Ambros. probabat *mandatas*, quia alibi: *terræ semina mandare*. Verum tunc *terræ* hic quoque addendum fuisse: neque sensus commodus inde oritur. Taubnerus non improbat aliorum *nudatos*, idque explicabat, quibus agri nudati.— *Lacus*, alibi *labra*, vasa ad recipien-

dum mustum. Apud Silium Anna maturius fugit, *tepido* adhuc sororis rogo.

561. *Mixta* etc. Hoc suaviter dictum. Cf. V, 454; Horat., II, Od. VI, 22, « Ibi tu calentem debita spar- » ges lacryma favillam Vatis amici. » Cineres collectos non lacrymis modo, sed et odoribus vinoque irrigare nonnunquam solebant; Kirchm. de Funeribus Roman. p. 365.— *Libatæ*, resectæ, de *vertice* comæ vel tumulis imponi solebant, vel addi cineribus. — Etiam *oscula* mortuis et cineribus dabantur. — Pro *illis* MSS fere omnes (et Regii tres nostri codices) *illi*; hinc Heinsius conjicit *et his illi*.

565. In nave *pedes* sunt funes, quibus interiores veli anguli versus puppim trahuntur. Inde *pedibus æquis*, leni vento; Cic. Attic. XVI, 6, ubi vide Grævium; Æn. IV, 587, pro eo est, « æquatis classem procedere » re velis. » Mirum ergo est, ipsum Burmannum hoc loco hæsisse.—*Co-*

Fertilis est Melite, sterili vicina Cosyræ

Insula, quam Libyci verberat unda freti.

Hanc petit, hospitio regis confisa vetusto :

Hospes opum dives rex ibi Battus erat.

570

Qui postquam didicit casus utriusque sororis ;

Hæc, inquit, tellus quantulacumque tua est.

Et tamen hospitii servasset ad ultima munus ;

Sed timuit magnas Pygmalionis opes.

Signa recensuerat bis sol sua : tertius ibat

575

Annus ; et exsulibus terra petenda nova est.

Frater adest, belloque petit : rex arma perosus ,

Nos sumus imbelles, tu fuge sospes, ait.

Jussa fugit ; ventoque ratem committit et undis.

*mitemque* Heinsius e sex MSS pro *comitesque* dedit.

567. *Melite*, insula inter Africæ litora et Siciliam, *Melite Africa* aut *Sicula* dicta ; Diodorus, V, 12 ; hodie *Malta*. Colonia erat Phœnicum, qui ad Oceanum usque navigantes hanc insulam sibi perfugium esse voluerunt, quod et portubus commoda, et in medio mari sita esset ; Bochart. Geogr. Sacr. I, 26. Inde *hospitium*, quod mox memoratur. Quidam male cogitarunt de Melita Illyrica in mari Adriatico, hodie *Meleda*. Ab illa altera stadiis quingentis distabat *Cosyra*, cujus ambitus non ultra centum quinquaginta stadia patebat. Hinc *parva* vocatur a Silio, XIV, 272. — *Sterilem* cum Nostro dixit et Seneca Consol. ad Helv. 6, ubi asperissimis insulis annumeratur ; hodie vocatur *Gozzo*. Vide Bochart. dict. loc. A Silio *Cosyra* scribitur ; in nummis *Cossura*. — *Verberat*, ut *Æn.* III, 423, « si » dera verberat unda. »

570. Etiam apud Silium, vers. 51.

Annâ a *Batto* excipitur rege miti et lacrymas facile dante casibus humanis, sed is eum regem Cyrenæ facit, de quo conf. Herodotus, IV, 135 ; Justinus, XIII, 7. — *Et tamen* displicuit Heinsio qui suasit, *Ne tamen hospitii servaret ad ultima munus, Extimuit*. Krebs. emendat, *Et tantum*. Frustra. *Tamen* nunc significat utique, certe ; Livius, « Tenue » re tamen arcem Sabini, » ubi vide Bauer. — De *Pygmalionis* et *Elissæ* odio mutuo vide Virgilium, *Æn.* I, 340 ; Justinum, XVIII, 4.

575. Etiam apud Silium ibi manet, « dum flavas his tondet messor » aristas. » — *Bello petit*, bellum minatur ; sumto verbo a gladiatoribus, ut in : *telis, insidiis petere*. Burmanno rectius videbatur, quod Mazar. habet, *belloque ferox*, quia *adest* sufficiat, quod de repentino adventu dicatur, et quia *petenda* præcessit ; male. — Bene *Gierig* defendit *ei petit*, quod habent Regii nostri : tamen non invenusta est oppositio in altera lect. *Ed.* — *Imbellis* opp. et belli peri-

Asperior quovis æquore frater erat.

580

Est prope piscosos lapidosi Crathidis amnes

Purus ager : Cameren incola turba vocant.

Illuc cursus erat : nec longius abfuit inde ,

Quam quantum novies mittere funda potest.

Vela cadunt primo , et dubia librantur ab aura :

585

Findite remigio , navita dixit , aquas.

Dumque parant torto subducere carbasa lino ,

Percutitur rapido puppis adunca Noto :

Inque patens æquor , frustra pugnante magistro ,

Fertur , et ex oculis visa refugit humus.

590

Adsiliunt fluctus , imoque a gurgite pontus

to, et armis valido; Liv. XXII, 39; IX, 19. — *Asperum* mare, commotum. Ea commotio cum ira hominum comparatur; unde vicissim mare *iratum*.

581. De his locis Silius nihil habet, sed Anna statim Laurentes in oras expellitur. — *Crathis* Thuriorum in magna Græcia fluvius, vim rutilandi comas habens; XV Met. 315. — *Purus* ager etiam *patens* et *vacuus* dici solet; III Met. 709: « Purus ab arboribus spectabilis undique campus; » Livius, I, 44, « Purum ab humano cultu solum; » XXIV, 14, « puro ac patenti campo; » Homerus, II, 7, 61, *καθαρός χώρος*. Ita autem hoc loc. ex Voss. et Arond. dedit Heinsius, quum cæteri *parvus* exhibeant. Non dixerim, utrum verius, quum naturam illius loci non aliunde cognitam habeamus. Erratautem Krebs. quum negat, *τὸ purus* nunc locum habere. — *Quam quantum* etc. Hanc mensuram jam Homer. II. II, 589, adhibuit; confer VIII Metam. 695. — *Mittere*. absolute positum, intellige lapidem.

585. *Cadunt* vela in locis vadosis, ut remis navis ad terram agatur. — *Librantur*; a vento agitata varios motus dant; I Metam. 528, *vibrabant flamina vestes*, quemadmodum et hoc loco e solemni horum verborum confusione MSS septem, *vibrantur*; Plinius, paneg. LXXXI, 4, *fluitantia vela*. — *Dubia*, quæ nunc hinc spirat, nunc illinc, variabilis. — In verbis, *Findite* etc. numeri duriores Heinsio videbantur; et quia ante *dubia* copula et abest a MSS nonnullis, propterea suadebat: *cadunt. Primo dubia librantur ut aura, Findite* etc. Burmannus vero malebat, *vela cadant, et ne dubia librentur ab aura, Findite* etc. Sine causa et justo audacius uterque.

587. *Subducere*, in altum trahere. Subducta subnectuntur antennis; XI Metam. 483. Inde *deducuntur*, quando iis opus est. — Funes, quibus utrumque fit, h. l. *tortum linum*, ut alibi *torti funes*. — *Magister*. rector navis, ut *Æneid.* I, 115; VI, 353: paulo ante *navita*. — Poetæ ita loquuntur, quasi venti mare usque ad *inum gurgitem* movere valeant.



Vertitur, et canas alveus haurit aquas.  
 Vincitur ars vento; nec jam moderator habenis  
 Utitur, at votis: hic quoque poscit opem.  
 Jactatur tumidas exsul Phœnissa per undas;  
 Humidaque opposita lumina veste tegit.  
 Tum primum Dido felix est dicta sorori,  
 Et quæcumque aliquam corpore pressit humum.  
 Figitur ad Laurens ingenti flamine litus  
 Puppis; et expositis omnibus hausta perit.  
 Jam pius Æneas regno nataque Latini  
 Auctus erat, populos miscueratque duos.

595

600

Pro *vertitur* Heinsius *mallet verritur*; utrumque recte dicitur. *Verrere* de ventis et fluctibus arenas tollentibus; XI Metam. 499: *fulvas ex imo verrit arenas*; quamquam ibi vulgo *vertit*. Virgilius, *Æn.* I, 43, *evertit aquora ventis*. Pro eo Noster I Trist. IV, 6; *Eruta ex imis arena vadis*. Nunc præstat MSS consensum sequi. — Regii nostri *vertitur*; de verbo *verritur* vide quæ cl. Gierig fusius dixerit ad locum dict. Metam. *Ed.* — *Canas* a spuma.

593. Sic et II Met. 185, navis: « cui » victa remisit Frena suus rector, » quam Dis, votisque reliquit, » ubi vide notam. Hoc loc. olim vulgabatur, *at votis is quoque poscit opem*, qua lectione Taubnerus nihil clarius esse putabat; sic et Krebsius. Immo non accommodata est loci seriei. Heinsius igitur ex Mazar. et uno Medic. dedit, quod et nos servavimus, quia melius nihil habebamus, *at votis: hic quoque*, quod non probabilius vulgata. Suadet etiam: *vix quoque*, item: *ut votis usque reposcit opem*. Deorum hic non male fieret mentio; et MSS nonnulli, *votis Dis quoque*; inde Burmannus *mallet*:

*Utitur; a votis Disque reposcit opem. Quamquam et tentat: sic quoque poscit opem. Forte, his quoque.*

596. *Humida lumina*. Ergo et Ovidius hic et XI Metam. 539, credidit, in tali periculo posse lacrymas prorumpere, ejusque auctoritas tuetur lectionem *siccis oculis* apud Horatium, I, Od. III, 18. — *Dido* ante *miserabilis* dicta vers. 545, nunc primum *felix*, quæ prædicatio usitata tali tempore; Homerus, Od. E, 299; Virgilius, *Æn.* I, 93. In fluctibus laborantes beatos prædicabant eos, quibus contigisset in terra mori, ubi rite sepeliri potuissent; XI Metam. 540. Huc refer et nostra: *Et quæcumque aliquam corpore pressit humum*; quæ formula etiam VII Met. 608, de mortuis legitur: *inhumata corpora premunt terras*. Apud Silium, Anna « agitur pelago, Divis » inimica sibi, quod « se non de » derit comitem in suprema sorori.

599. *Figi, infigi, configi, affigi* de nave dici, quæ magno cum impetu litori illidatur, docet Heinsius ad hunc locum. — *Miscuerat populos*. Hoc explicat Liv. I, 2: « Æneas, » ut animos Aboriginum sibi concii-

Litore dotali, solo comitatus Achate,  
 Secretum nudo dum pede carpit iter,  
 Adspicit errantem, nec credere sustinet Annam 605  
 Esse : quid in Latios illa veniret agros ?  
 Dum secum Æneas ; Anna est, exclamat Achates :  
 Ad nomen vultus sustulit illa suos.  
 Quo fugiat ? quid agat ? quos terræ quærat hiatus ?  
 Ante oculos miseræ fata sororis erant. 610  
 Sensit, et alloquitur trepidam Cythereius heros ;  
 Flet tamen admonitu mortis, Elissa, tuæ.  
 Anna, per hanc juro, quam quondam audire solebas  
 Tellurem fato prosperiore dari ;  
 Perque Deos comites, hac nuper sede locatos, 615  
 Sæpe meas illos increpuisse moras.  
 Nec timui de morte tamen ; metus abfuit iste :  
 Hei mihi ! credibili fortior illa fuit.  
 Ne refer : adspexi non illo pectore digna  
 Vulnera, Tartareas ausus adire domos. 620

» liaret, ne sub eodem jure solum,  
 » sed etiam nomine essent, Latinos  
 » utramque gentem appellavit. » —  
 Cum solo *Achate*, comite fido,  
 Æneas ambulat etiam Æn. I, 312.  
 Apud Silium vs. 71, Annam Æneas  
 videt *sacro comitatus Iulo*. — *Quid*,  
 scilicet petens, quo consilio, cur  
*veniret*.

608. *Sustulit*. Libri permulti, *ret-*  
*tulit* quod respuit Burmannus. Sed  
 et III Metam. 245 : « Ad nomen ca-  
 » put ille refert ; » et infra IV, 2 :  
*ad vatem vultus rettulit illa suos*. —  
*Quos terræ quærat hiatus ?* Silius,  
 IV, 332 : « Fugere infixum est, ter-  
 » ræque optantur hiatus. » Aliter  
 hæc ficta a Silio vs. 73 ; ibi Æneas  
 « terræ defixam oculos, et multa  
 » timentem, Ac deinde allapsam

» genibus lacrymantis Iuli, Attol-  
 » lit. » — *De fletu* heroum haud inde-  
 coro vide Heynium ad Æn. I, 92.

613. Italiam circumloquitur, quæ  
*fato* ei destinata ; imitatus Nostrum  
 est Silius vers. 105 : « Tellurem hanc  
 » juro, vota inter nostra frequenter  
 » Auditam vobis. » — *Deos comites* ;  
 Penates, quos secum Troja elatos  
 Latio intulit ; Æn. I, 6 ; XII, 192. —  
*Increpuisse*, signis quibusdam datis.

619. Æneas quum in orcum de-  
 scendisset, ibi etiam Didonem vi-  
 dit recentem a vulnere, et cum ea  
 collocutus est ; Æn. VI, 450 sqq.  
 Sed longiore oratione Anna nunc  
 ei Didonis fata narrat apud Silium.  
 — *Non digna illo pectore*, quæ tale  
 pectus non meruerat, quum tale  
 pectus meliorem sortem meruisset.

At tu, seu ratio te nostris adpulit oris,

Sive Deus; regni commoda carpe mei.

Multa tibi memores, nil non debemus Elissæ:

Nomine grata tuo, grata sororis, eris.

Talia dicenti, neque enim spes altera restat,

525

Credidit, errores exposuitque suos.

Utque domum intravit Tyrios induta paratus,

Incipit Æneas; cætera turba silet:

Hanc tibi cur tradam, pia causa, Lavinia conjux,

Est mihi: consumsi naufragus hujus opes.

630

Orta Tyro, regnum Libyca possedit in ora;

Quam, precor, ut caræ more sororis ames.

Omnia promittit, falsumque Lavinia vulnus

Mente premit tacita, dissimulatque fremens:

Donaque quum videat præter sua lumina ferri

635

Multa palam, mitti clam quoque multa putat.

Non tamen exactum, quid agat: furialiter odit;

Et parat insidias, et cupit ulta mori.

Nox erat: ante torum visa est adstare sororis

—*Ratio*, consilium tuum certum.—  
*Carpere*, frui. Etiam Dido quondam  
Æneæ sociis: «Urbem, quam sta-  
» tuo, vestra est;» Æn. I, 573.—  
*Memores debemus*, grato animo me-  
minimus, nos tibi debere. Burman-  
nus e Servio notat, etiam ab Anna  
Æneam amatum esse. Verum de hoc  
nunc non est sermo, sed de bene-  
ficiis acceptis.

627. *Paratus*, apparatus; amictus,  
ornamenta corporis; VI Met. 451:  
«Magno dives Philomela paratu,  
» Divitior forma.»—*Tradere*, com-  
mendare.—*Pia causa* refertur ad  
gratiam referendam.

633. *Vulnus*, dolor ex zelotypia.—  
*Falsum* sine causa Heinsius, quum

unum cod. *captumque* habere vidis-  
set, in *cautumque* mutari volebat.  
*Falsum*, quia temereangebatur.—  
*Premittit*, occultat; Æneid. IV, 332:  
«curam sub corde premebat.»—  
*Fremens*, indignans. Vulgo, *metus*.  
Bern. *præterea tacitos dissimulatque*  
*metus*.—*Ferri* præstat, quia MSS  
veteres fere omnes sic habent, et  
quia bene convenit verbis *præter*  
*sua lumina*, pro quibus septem MSS  
*propter sua limina*. Ante Heinsium  
vero *mitti* vulgabatur. Is etiam sic  
distingui volebat, *ferri*: *Multa palam*  
*mitti, clam quoque multa putat*. Non  
male.

637. *Exigere*, perpendere quid  
agas, quid exsequaris.—*Visa est*



Squalenti Dido sanguinolenta coma,

640

Et, Fuge, ne dubita, mœstum fuge, dicere, tectum.

Sub verbum querulas impulit aura fores.

Exsilit; et velox humili super arva fenestra

Se jacit: audacem fecerat ipse timor:

Quaque metu rapitur, tunica velata recincta,

645

Currit, ut auditis territa dama lupis.

Corniger hanc cupidis rapuisse Numicius undis

Creditur, et stagnis oculuisse suis.

Sidonis interea magno clamore per agros

Quæritur: apparent signa notæque pedum.

650

*adstare* etc. Idem figmentum habet Silius vs. 165, ubi Dido plura verba facit. Etiam Didoni in somnis apparuerat Sychæus interfectus, eamque fugere iusserat; *Æn.* I, 353.—Post *coma* maximam interpunctionem in minimam mutavimus, atque etiam post *Et* incidimus. Sic facilis procurrit oratio: visa est adstare Dido et dicere, Fuge. Vulgo: *Effuge, ne dubita, mœstum, soror, effuge tectum*; alii aliter. Heinsius hærebat in voce *mœstum*, itaque paulo audacius locum sic refingi volebat: *Heu fuge, ne dubita, funestum, ait, heu fuge tectum*. Verum *mœstum* ab effectu dictum, quod mœrorem injicit; Livius, V, 43, *mœsta fortuna*.

642. *Sub verbum* Marsus male explicat, quasi in fine verborum illius. Immo *sub verbum* id quod *ad verbum*, audito hoc verbo.—*Querulas*, ut sonum edarent.—*Recincta*, sine zona, quia e lecto exsilierat. Alias *succinctæ* currebant, quo expeditiones essent. Etiam VII *Metam.* 182: *vestes induta recinctas*. Apud Silium, 188, Anna fugit, « tenui corpus velamine tecta. » Cæterum Heins. conjicit *Quoque metus rapuit*.

647. *Numicium* amnem, qui inter Laurentum et Lavinium decurrebat, Noster describit XIV *Metam.* 602 sqq. Lacubus multis interceptus erat, et leni motu similis *stagno*. Hinc etiam *Æn.* VII, 150, « fontis » stagna Numici. — *Corniger* solemne epitheton fluviorum, quibus vel propter mugitum aquarum, vel propter curvaturas earum, capita aut cornua taurina tribui solebant: *Corniger Tiberis*, *Æneid.* VIII, 77; ipse Numicius *Corniger* XIV *Met.* 602.—Olim edebatur *tamidis undis*, quas alii imbribus auctas interpretabantur, alii ad amoris affectum referebant; sed bene Heinsius ex Arondel. Mazar. Zulich. pr. Farnes. et tribus aliis, tum ex Voss. qui sic pro diversa lectione habet, *cupidis* recepit, quod bene studio convenit, quo Numicius opem ferebat laboranti. Heinsius et Broukhuis. etiam *undis* in *ulnis* mutari volebant, quod et Taubnerus ad prosopopœiam putat aptius esse. Sic sane XI *Metam.* 63, Orpheus Euridicem *cupidis amplectitur ulnis*. Sed de fluvio bene *undæ* memorantur; Silius vers. 191: « Donec arenoso, sic fama, Numi-

Ventum erat ad ripas : inerant vestigia ripis ,

Sustinuit tacitas conscius amnis aquas.

Ipsa loqui visa est : Placidi sum Nympha Numici :

Amne perenne latens, Anna Perenna vocor.

Protinus erratis læti vescuntur in agris ;

655

Et celebrant largo seque diemque mero.

Sunt quibus hæc Luna est , quia mensibus impleat annum :

Pars Themis ; Inachiam pars putat esse bovem :

Invenies , qui te Nymphen Atlantida dicant ;

Teque Jovi primos, Anna , dedisse cibos.

660

Hæc quoque , quam referam , nostras pervenit ad aures

Fama ; nec a veri dissidet illa fide.

» eius illam Suscepit gremio , vi-  
» treisque abscondidit antris. »

652. Clamantibus illis in ripa , tacet Numicius , loquitur Nympha. Pro *tacuit* plenius *sustinuit tacitas aquas*. Frustra igitur alii MSS *tenuas* aut *rapidas* aquas memorant. — *Placidus* frequens epitheton fluviorum , etiam Numicii XIV Metam. 601 ; idemque sæpe in laudibus Deorum hominumque ponitur ; itaque et hoc placet præ aliis lect. *rapidi* aut *placidi*. Silius vs. 198 : « ab » alto Amnis aquas cursumque rapit ; tum sedibus imis Inter cæruleas visa est residere sorores Si donis , et placido Teucros affarier ore. » — Si Nympha antea *Anna* dicta , non opus erat ab *amne* nomen suum deducere. — *Celebrant se* Marsus explicat : se reddunt celebres ebrietate. Taubnerus : sua , vel genii sui causa frequentes adsunt. Immo , curant ut bene sibi sit , largiter genio suo indulgent.

657. Aliæ opiniones de Anna Perenna. Ab *anno* utrumque Deæ nomen deduci potuit. *Inachiam bovem*, Isidem. Sed hoc nihili est. Anna

haud dubie fuit una e Deabus veteris Italiæ. *Atlantida*. Taubnerus putat , quia nonnulli Jovem in Arcadia natum tradiderint , *Atlantida* ab Atlante rege dictam esse unam ex Arcadicis Nymphis , quæ Jovis fuisse nutrices perbibeantur. Verrum in illis nulla *Anna* memoratur. Burmannus nomen *Atlantida* corruptum censet , quia Noster primam in *Atlante* corripere solet. Musæus tradiderat , Jovem a *Themide* et *Amalthea* Nympha nutritum esse ; quibus eum Ops mater tradidisset ; Hyginus , Poet. Astronom. II , 13 ; Eratosth. Καταστ. 13. Confer Heyn. ad Apollodorum , II , VII , 5 ; et Munckerum ad Hyginum , fab. 182 , ubi Amalthea Oceani filia. Secundum alios Jupiter ab Adrastea et Ida , Melissei filiabus , Amaltheæ lacte est nutritus. Hoc loco MSS Jun. Putean. et alii , *Athalantida* ; quidam *Nilanida*.

661-674. Anna , mulier Latina , ob alimenta quondam populo præbita fit Dea. — Quæ vera sunt , adeoque fidem merentur , a veri fide non dissidere dicuntur ; alia sunt veri mo-

Plebs vetus, et nullis etiamnum tuta tribunis

Fugit; et in sacri vertice montis erat.

Jam quoque, quem secum tulerant, defecerat illos 665

Victus, et humanis usibus apta Ceres.

Orta suburbanis quædam fuit Anna Bovillis

Pauper, sed multæ sedulitatis, anus.

Illa, levi mitra canos redimita capillos,

Fingebat tremula rustica liba manu; 670

Atque ita per populum fumantia mane solebat

Dividere: hæc populo copia grata fuit.

Pace domi facta signum posuere Perennæ,

Quod sibi defectis illa tulisset opem.

Nunc mihi, cur cantent superest obscæna puellæ 675

*jora fide*, III Metam. 660, aut *veri vix habitura fidem*. Hoc loco Heins. ex pluribus MSS *vera* dedit, quod et ipsum recte dicitur.—*Mons* trans Anienem, tria passuum millia ab urbe distans, in quem plebs anno u. c. 260 secessit, nec inde rediit, nisi *tuta tribunis*, id est, magistratibus suis sacrosanctis, quibus auxilii latio adversus consules esset; Livius, II, 22; Dionysius, VI, 45.—*Etiamnum* est ex emendatione Heinsii; vulgo *etiam nunc*. MSS quidam vel *etiam tum*, vel *etiam tunc*.—Pro *erat* Heinsius ex Urs. primo Ambrosiano, Mazar. prim. Farnes. et aliis nonnullis *abit* recepit, quod mihi durum videbatur.—*Sacer* dictus est ex illo tempore.—In *vertice montis*, *in tñs ðæproprias*, eos castra habuisse narrat et Dionys. cap. 90.

667. *Bovillæ* aut *Bovilla*, oppidum Latinorum haud procul ab urbe ad viam Appiam. Vide Broukh. ad Propertium, IV, 1, 33, quo loco et ipso *suburbanæ Bovillæ*. Horatius, I, Ep. VII, 77, *suburbana rura* in

Sabinis.—*Sedulitas* eorum est, qui alteri impigre officia præstant, ad-sunt, apparent; Gronovius, Obs. I, 23.—Pro *multæ* Heinsius ex uno suo, Mazar. atque e Zulich. a manu prima invexit *mundæ*. Ego alterum revocavi, quia in alimentis inter tot homines distribuendis *multa* sedulitate opus erat. *Munditiam* contra rustici fame laborantes parum curant. Placuit *multæ* etiam Krebsio.

669. *Mitra*. Etiam XIV Metam. 654, Vertumnus anum assimilans, *picta redimitus tempora mitra* venit; de qua fascia vide Salmasium ad Solinum, pag. 392.—*Copiam* de alimentis capio; quemadmodum apud historicos *copiæ* de commeatu, frumento dicuntur.

673. *Signum* illud posuere haud dubie in vertice montis, in quo consecrato etiam Jovi *Δεμαρτίῳ* aram extruxerunt; Dionys. VI, 90.—*Defectis*, deficientibus; vide Heinsium.

675. Redit ad festum geniale Annæ, quod 523–542 descripsit, atque causam reddit, cur eo tempore *puel*



Dicere : nam coeunt , certaue probra canunt.  
Nuper erat Dea facta : venit Gradivus ad Annam ;

Et cum seducta talia verba facit :

Mense meo coleris : junxi mea tempora tecum ;

Pendet ab officio spes mihi magna tuo.

680

Armifer armiferæ correptus amore Minervæ

Uror ; et hoc longo tempore vulnus alo.

Efficce , Dî studio similes coeamus in unum :

Conveniunt partes hæ tibi , comis anus.

Dixerat : illa Deum promisso ludit inani ;

685

Et stultam dubia spem trahit usque mora.

Sæpius instanti ; Mandata peregrimus , inquit :

Evictas precibus vix dedit illa manus.

Gaudet amans , thalamosque parat : deducitur illuc

Anna tegens vultus , ut nova nupta , suos.

690

Oscula sumturus subito Mars adspicit Annam :

*la obscœna cantent.* Vera origo sine dubio repetenda est ex moribus priscorum hominum rudibus , unde et Fescennina licentia ; Horatius , II , Ep. 1 , 145 sqq. Sed Ovidius more suo fabulam petulantem intexere maluit. Atque ita Mars , quem initio hujus libri advocavit , ignominiam suam recognoscit.—*Certa* , ejusdem semper generis et carmine consignata.—*Seducere* , ut II Metam. 836 *sepocare*.—Beneficium Martis verba *junxi mea tempora tecum* habent , pro quo vicissim aliquid petit. — *Officium* , operam lenæ.

686. Primus Ambrosian. Mazar. et Serv. *stultum dubia speque mora-que trahit* , quod Heinsius non improbat. Mihi utrumque , et *stultam spem trahere* et *dubia mora* satis eleganter dictum videtur : *stulta spes* , spes ejus , qui non sentiebat se trahi. Altera lectio similis foret illi Livii ,

XLIV , 26 , *multitudinem trahi spe posse*.—Paulo post Taubnerus vulgatam præfert , *Evicta est precibus ; vix* etc. quia non bene dicatur *manus precibus vinci* ; Noster tamen V Metam. 215 , *confessas manus tendens* de victo dixit. Si vulgata retinenda sit , propter MSS consensum retineam ; etenim alteram Heinsius non nisi ex MSS Regio et Sarav. sumsit. Id. docet , *evincere* passim pro *vincere* poni. Krebsius malit *elisa litera e legere evicta* 'st.—Regii tres nostri habent *Evictas precibus* etc. *Ed.*

689. *Gaudet* Heinsius dedit ex Mazar. Voss. Arond. et aliis. Cæteri *credit* , quod nec ipsum damnat. Etiam Burmann. dubitabat utrum præferret. Mihi *gaudet* placet ; nam *stultam* , acil. credulam spem poeta jam ante notavit. — *Deduci* solemne de feminis , quæ concubitus causa , ad aliquem in thalamum deducun-

Nunc pudor elusum, nunc subit ira, Deum.  
 Ridet amatorem caræ nova Diva Minervæ;  
 Nec res hac Veneri gratior ulla fuit.  
 Inde joci veteres obscænaque dicta canuntur; 695  
 Et juvat hanc magno verba dedisse Deo.  
 Præteriturus eram gladios in principe fixos,  
 Quum sic a castis Vesta locuta focis:  
 Ne dubita meminisse; meus fuit ille sacerdos:  
 Sacrilegæ telis me petiere manus. 700  
 Ipsa virum rapui; simulacraque nuda reliqui:  
 Quæ cecidit ferro, Cæsaris umbra fuit.  
 Ille quidem cælo positus Jovis atria servat;  
 Et tenet in magno templa dicata foro.  
 At quicumque nefas ausi, prohibente Deorum 705  
 Numine, polluerant pontificale caput,

tur.—*Ridet*. Taubnerus tuetur vulgatam *Ludis*, ut poeta hæc apostropha ad *elusum* alludat. Rectius nunc sensus Deæ memoratur. Ridebat et illa et *Venus*, cujus vetus amator sic deceptus.

697–710. *Cædes Julii Cæsaris* facta Idibus Martii anno 707; qui dies inde *parricidium* dictus; Suetonius Cæs. 88. Hanc rem ingeniose Ovid. tractavit, 1<sup>o</sup> quod cædi apotheosin Cæsaris substituit, quum ille etiam persuasione vulgi, propter stellam crinitam, quæ illo tempore fulsit, ad Deos abiisse crederetur; 2<sup>o</sup> quod *Vestam* loquentem, et tam Cæsaris divinitatem, quam parricidarum pœnas sibi tribuentem, Augusti denique laudes addentem, induxit. Apotheosin jam vers. 159 attigit.

699. *Meus sacerdos*, quia pontifex maximus præerat Vestalibus. Itaque et v. 419, *Vestæ sacra* et Augusti pontificatus conjunguntur.—Figmen-

tum non malum, quo non *vir*, Cæsar ipse interfectus, sed *simulacrum*, imago ejus, dicitur. *Umbra* autem et *simulacrum* ita junguntur.—*Nuda*, mera. Cæterum Dii interdum homini, quem servare vellent, corpus substituebant, ut Diana Iphigeniæ immolandæ cervam XII Met. 24.

703. Minores. Dii nobilium atria celebrant I Metam. 172; hinc Cæsar *Jovis atria servat*. *Servat* locum, qui ibi versatur, habitat; *Æn.* VI, 556, *Tisiphone vestibulum Tartari servat*. Deterior est lectio vulgata *atria vidit*, quam Taubnerus non spernit.—*Templum Cæsari* post triennium ab obitu positum anno 712.

705. *Prohibente*, prohibere volente, detestante; V Metam. 45: *ea, se prohibente, moveri*.—*Polluerant* Heinsius in *polluerunt* mutari vult; tum ex *Zulieh. pontificale deus* probat, aut *sacrum* ex uno Vaticano. Sed et in *pontificale caput*

Morte jacent merita : testes estote Philippi ;

Et quorum sparsis ossibus albet humus.

Hoc opus , hæc pietas , hæc prima elementa fuerunt

Cæsaris , ulcisci justa per arma patrem.

710

POSTERA quum teneras Aurora refecerit herbas ,

Scorpios a prima parte videndus erit.

TERTIA post Idus lux est celeberrima Baccho.

Bacche , fave vati , dum tua festa cano :

Nec referam Semelen , ad quam nisi fulmina secum

715

Jupiter adferret ; parvus inermis eras :

Nec , puer ut posses maturo tempore nasci ,

satis dignitatis est. — *Morte jacent merita.* Etiam rerum scriptores observant , parricidas illos triennio præterlapso omnes interiisse ; Suetonius Cæs. 88 : « Percussorum autem tem fere , neque triennio quisquam amplius supervixit , neque sua manu defunctus est. Dammati omnes , alius alio casu periit etc. » — *Memorable prælium Philippense* in Thessalia , in quo Brutus , Cassius , Cascæ fratres sua manu perierunt ; Plutarchus Cæs. 26. — *Albet humus ossibus* , ubi plures sepulti aut insepulti jacent ; *Æneid.* XII , 36 , « Campi ingentes ossibus albet. » — *Bellum Philippense* autem *pro ultione paterna* suscepit Cæsar Augustus ; Suetonius August. 29. — *Prima elementa* , initia imperii et rerum gerendarum.

713. *Scorpii medii occasus* cosmicus XVII Kal. Aprilis. Sed Columella , XI , 2 : « Idibus Martii Nepa » incipit occidere. » Plin. XVIII , 65 : « Cæsar et Idus Martias ferales » sibi adnotavit Scorpionis occasu. »

713-790. *Liberalia* tert. post Idus sive XVI Kal. Aprilis. Præmissis Bacchi laudibus , vers. 715-724 ,

poeta causas expromit , cur iis festis et liba populo offerantur ab anu hedera cincta 725-770 , et toga libera pueris detur 771-790.

715. Non hymnum canam in Bacchum. Hymnis enim natales , virtutes , res gestæ Deorum celebrabantur. Hymnum in Bacchum habes IV Met. 11 sqq. Confer Horatium , II , Od. 19. De *Baccho* universe disputat Heynius ad Apollodorum , III , 5 init. De natalibus vide III Metam. 273. — *Semele* quum Jovis fulminibus arderet , Jupiter utero ejus Bacchum eripit , femori suo insuit , ut materna tempora impleat , atque Nyseidibus educandum tradit. — *Ad quam* etc. ad Semelen , te utero ferentem , nisi Jupiter fulmina secum adtulisset , tu esses quid ? Hic responderi non potest , *parvus inermis* : id enim nec latinum est , nec sensum habet justum. Nec multum proficitur , si ex Heinsii conjectura *partus inermis eras* legas. Quidam ex melioribus , *erat* , ut ad Jovem referatur ; sed hæc lectio pari difficultate laborat. Locus igitur corruptus est. — *Difficultas non tollitur* , quamvis interpungas , *parvus , inermis eras*.



Expletum patrio corpore matris onus.

Sithonas, et Scythicos longum enumerare triumphos;

Et domitas gentes, turifer Inde, tuas.

720

Tu quoque Thebanæ mala præda tacebere matris,

Inque tuum furiis acte, Lycurge, genu.

Ecce libet subitos pisces Tyrrhenaque monstra

Dicere: sed non est carminis hujus opus.

Carminis hujus opus, causas expromere, quare

725

Vilis anus populos ad sua liba vocet.

Ante tuos ortus aræ sine honore fuerunt,

Ed.—*Matris onus*, tu, quem mater aliquot menses utero tulerat, *patrio corpori*, femori, insutus, *expletus*, ad maturitatem perductus es, ut justo tempore nasci posses. Frustra igitur Krebsius impugnat *τὸ onus*; ipse defendit *opus*; et *opus explere* expletum officium matris suscipere. Quod et ipsum ferri potest. — *Maturus* et de ventre onus ferente, et de matre partui vicina, et de tempore ad pariendum idoneo dicitur.

719. Res gestæ Bacchi. Furore ei a Junone injecto, Ægyptum, Syriam, Phrygiam, peragravit, et inde per Thraciam ad Indos devenit, a quibus Thebas rediit. Hoc iter breviter narravit Apollodorus, III, v, 5; copiosius Diodorus Siculus, IV, et Nonnus in Dionysiac. — *Sithones* siue *Sithonii*, gens Thraciæ ad pontum Euxinum, eaque computationibus dedita; Horat. I, Od. xviii, 9. Multi *Bistonas*, qui et ipsi Thraciam incolebant; Plinius, IV, 11. — *De ture* Plin. XII, 30: « tura, præter Arabiam, nullis, ac ne Arabiæ quidem universæ. » Nempe Saba regio turifera; v. sup. ad I, 341. Sed *India* antiquis omnis terra orientalis, inprimis in australibus partibus sita. Vide Cuperi Observat. IV, 7.

721. De *Pentheo*, *Thebanorum* rege, quem, quum Bacchi sacra nollet accipere, ipsa mater Agave, in furorem adacta, dilaceravit, vide III Metam. 511 sqq. — *Præda*, nam Pentheus matri videbatur aper. — Pro mala Heinsius suasit cum primo Ambros. et Læti cod. legere *male*, quod recepit Mitscherl. — *Lycurgus*, Edonum in Thracia rex, vites omnes excidit, Bacchique nutrices bipenni persecutus est. Depœna ei illata dictum ad IV Metam. 22. Secundum nonnullos crura sibi amputavit falce: sic *actus* est in genu suum. — *Subitos pisces* etc. Tyrrhenos nautas subito in delphinas transformatos: III Metam. 597 sqq. — Unus Medic. *Tyrrhenia monstra*, quæ oppositio elegans Heinsio videbatur. — In tribus nostris Regiis *Tyrrhenaque*; non displicet lectio Medicei. Ed.

726. Varro lib. V de Ling. Latina: « Liberalia dicta, quod per totum oppidum eo die sedent sacerdotes Liberi, hedera coronatæ anus, cum libis et foculo pro emtore sacrificantes. » Horum igitur singulorum causæ hic expromuntur. De origine et progressu sacrorum cf. I, 337 sqq, quæ ab his discre-

Liber, et in gelidis herba reperta focis.  
 Te memorant, Gange totoque Oriente subacto,  
 Primitias magno seposuisse Jovi. 730  
 Cinnama tu primus, captivæque tura dedisti,  
 Deque triumphato viscera tosta bove.  
 Nomine ab auctoris ducunt libamina nomen,  
 Libaque; quod sacris pars datur inde focis.  
 Liba Deo fiunt, succis quia dulcibus ille 735  
 Gaudet, et a Baccho mella reperta ferunt.  
 Ibat arenoso Satyris comitatus ab Hebro:  
 Non habet ingratos fabula nostra jocos;  
 Jamque erat ad Rhodopen, Pangæaque florida ventum;  
 Æriferæ comitum concrepuere manus. 740  
 Ecce novæ coeunt volucres tinnitibus actæ;  
 Quaque movent sonitus æra, sequuntur apes.  
 Colligit errantes, et in arbore claudit inani

pant. — *Gelidis*, etc. In focis *herba* enascebantur, quia nunquam accendebantur. — Pro *seposuisse* MSS plurimi *supposuisse*; sed alterum eleganter de iis, quæ destinantur ad usum aliquem. Vide nos ad Plinium, panegy. LVII, 4. — *Cinnamum* mittebat Æthiopia; Plinius, XII, 19. — De *bove* mactari cæpto conf. XV Metam. 129 sq.

733. Mira etymologia *libaminum* et *liborum*. Apud Plutarchum contra, Quæst. Rom. tom. VII, 161, ed. Reisk. nomen duxit Liber a *libis*, ἑταῖρον λεῖβῶν παρίσχειν, quia *liba* exhibuit. *Libis* lac et mella addebantur; Tibullus, I, VII, 54: «liba» dulcia Mopsopio melle. » Sic egreditur narratio in mellis inventionem, de qua variæ traditiones. Vide Intt. ad Virgilium, Georg. IV init. et ad versum 150.

737. *Satyri* et *Silenus* perpetui at-

que fideles Bacchi comites. — Eorum *manus ferebant cymbala*, *æra* concava, quæ inter se concussa *crepitum*, sive *tinnitum* acutum dabant. E tali sonitu voluptatem apes capere credebantur; Aristot. Hist. Anim. IX, 40; Plinius, XI, 22. Itaque et Curetum olim sonitum crepitantiaque æra secutæ erant; Virg. Georg. IV, 151. — *Pangæa*, mons Thraciæ, *florida* propter herbas apibus gratas. Heinsius ex V Trist. vi, 37, *florida Hybla* comparat. — De composito *concrepuere* vide Heins. Vulgo, *quum crepuere*. — *Actæ*, ductæ, impulsæ. Burmannus mallet *ictæ*, quia alterum posset de abactis, fugatis intelligi. — Burmanni conjecturæ deest auctoritas, quare nihil mutandum. Ed. — *In arbore claudit inani*. Etiam apud Virgil. Georg. IV, 64, apes cymbalorum tinnitu colliguntur, et in alvearia coguntur.

Liber; et inventi præmia mellis habet.

Ut Satyri, levisque senex tetigere saporem,

745

Quærebant flavos per nemus omne favos.

Audit in exesa stridorem examinis ulmo:

Adspicit et ceras; dissimulatque senex:

Utque piger pandi tergo residebat aselli,

Applicat hunc ulmo, corticibusque cavis.

750

Constitit ipse super ramoso stipite nixus;

Atque avide trunco condita mella petit.

Millia crabronum coeunt; et vertice nudo

Spicula defigunt, oraque summa notant.

Ille cadit præceps, et calce feritur aselli;

755

Inclamatque suos, auxiliumque rogat.

Concurrunt Satyri, turgentiaque ora parentis

Rident: percusso claudicat ille genu.

Ridet et ipse Deus; limumque inducere monstrat:

Hic paret monitis, et linit ora luto.

760

Melle pater fruitur; liboque infusa calenti

745. E comitibus nunc quoque Silenus partes primas agit, *senex levis*, id est calvus, *vertice nudo*, ut mox vocatur; quemadmodum et imberbes *leves* dicuntur Horatio IV, Od. vi; Tibullo I, ix, 31. — *Tangere*, gustare. — *Flavos favos*. Ut *ἑμοιστῖδεν* vitetur, Heins. et Taubernerus ex uno Vatic. *dulces favos* præferunt, quamquam ille et *niveos* suadet. Sed nil mutandum; talia enim optimo cuique poetæ exciderunt, ut ad II Metam. 398 monuimus. Conf. et infra VI, 553.

747. *Exesa*, quæ ante *inanis*, mox *cava*. — In *pandi aselli tergo* non fortiter hære Silenus solebat; IV 27. — Pro *nixus* Petav. pr. Ambrosianus et Læti *nexus*; hinc Heins. suadet *nexum*, ut ad asellum referatur.

Immo *constitit nixus* plenius quam, innixus est. — *Notare*, ut Tibullus, IV, III, 10: « hamatis crura nota » re rubis. — Pro *summa* olim vulgab. *prima*, quod Heinsius in *sima* mutari volebat. Puto, poetam de-nuo verticem indicare voluisse, spicula vertice defigunt, eumque notant.

757. *Concurrunt*. Heinsius, quia quatuor libri *occurrunt* præferunt, *accurrunt* suadet: sine causa. Satyri dispersi erant per nemus vers. 746; ad clamorem et casum Sileni jam *concurrunt*. — Etiam *limum inducere* bene se habet, dictumque, ut *inducere nubes, tenebras, pallorem, aurum*. Non igitur erat, cur Heinsius *limoque* mallet, ut e seqq. *ora* subintelligeretur, quod durum.



Jure repertori candida mella damus.

Femina cur præstet, non est rationis opertæ:

Femineos thyrsos concitat ille choros.

Cur anus hoc faciat, quæris? vinosior ætas

765

Hæc est, et gravidæ munera vitis amans.

Cur hedera cincta est? hedera est gratissima Baccho:

Hoc quoque cur ita sit, dicere nulla mora est.

Nysiades Nymphæ, puerum quærente noverca,

Hanc frondem cunis apposuisse novis.

770

Restat, ut inveniam, quare toga libera detur

Lucifero pueris, candide Bacche, tuo.

Sive, quod ipse puer semper juvenisque videris,

Et media est ætas inter utrumque tibi:

763. *Anus* liba illa præbebat. Nos-  
ter igitur separatim et de sexu et de  
ætate ejus quærit. Revocavi anti-  
quam lectionem *præstet*, id est ex-  
hibeat prætereuntibus; nam supra  
dixerat, *vocat ad sua liba*. Heinsius  
e MSS Ursin. Patav. et uno Patav.  
*presset* invexerat, quod vix hoc loco  
convenit. Quidam *pressit*, unde Ciof.  
*præsit* fieri volebat. — *Hoc faciat*.  
Burmamnus ad hoc intelligit libum,  
monetque *facere* esse verbum culi-  
narium. Immo: cur hoc faciat, ut  
liba præstet?

769. *Nysa*, urbs et mons Indiæ,  
ubi *Nysides Nymphæ*, quæ Bacchum  
in antro quodam educarunt; III Me-  
tam. 314. — Mitscherl. recepit *oppo-  
suere*, quod Mazarin. Zulich. Voss.  
Arond. primus Ambros. et unus Va-  
ticanus præferunt, quodque etiam  
Taubnerus probavit, quia Nymphæ  
id fecerunt pueri obtegendi causa:  
bene; sed et *apposuisse* defendi po-  
test. Bacchus diligere hanc frondem  
cæpit, quia sibi *apposita* erat. — *No-  
verca*, Juno.

771. Quatuor causæ, cur toga vi-  
rilis illo die detur. Quæ ut locum ha-  
berent, togam illam *liberam* potius  
dixit, quam virilem; *liberior* voca-  
tur IV Trist. x, 28. Datam eam sæ-  
pe esse Liberalibus, etiam e Cicero-  
ne ad Atticum, VI, Ep. 1, p. 691  
Ern. constat: « Quinto togam pu-  
» ram Liberalibus cogitabam dare;  
» mandavit enim pater. » — *Lucife-  
ro*. Taubnerus malebat cum Daniel.  
Heinsio et Bersm. e MSS quibus-  
dam legere: *Luce geri... tua*; ut *de-  
tur* sit, permittatur, et *geri* dictum  
sit pro, ut geratur. Sed *Lucifero* ha-  
bent Ursin. Mazar. Zulich. primus  
Ambrosian. et sex alii; neque hoc in-  
solens: etiam I, 46; II, 568, *Luci-  
fer* de die. — *Candidus* solemne Bac-  
chi epitheton ob virgineam oris pul-  
chritudinem.

773. IV Metam. 17: « tibi incon-  
» sumta juvenitas, Tu puer æter-  
» nus: » id quomodo intelligendum  
sit, ex nostro loco cognoscitur: *me-  
dia est ætas inter utrumque*. Etiam  
tempus, quo toga virilis sumebatur,

Seu, quia tu pater es, patres, sua pignora, natos 775

Commendant curæ numinibusque tuis :

Sive, quod es Liber, vestis quoque libera per te

Sumitur, et vitæ liberioris iter.

An, quia, quum prisci colerent studiosius agros,

Et patrio faceret rure senator opus, 780

Et caperet fascēs a curvo consul aratro,

Nec crimen duras esset habere manus,

Rusticus ad ludos populus veniebat in urbem?

Sed Dīs, non studiis ille dabatur honos.

Luce sua ludos uvæ commentor habebat, 785

Quos cum tædifera nunc habet ipse Dea.

Ergo ut tironem celebrare frequentia possit,

medium erat inter pueritiam et iuventutem.—*Patres* omnes Dii dicebantur, sed Bacchus inprimis; idem *Liber Pater*. Sed Noster de utroque nomine separatim loquitur. — *Numina* sæpe de uno Deo; III Metam. 290, *Stygii numina*. Coniungi autem cum mutatione illa togæ, ut re gravissima, religiones solebant.

778. *Liberioris*, quum, custode remoto, suo arbitrio vivunt.

779. De hoc studio priscorum Romanorum confer I, 204 sqq. — *Patrio*, a maioribus hæreditate accepto, nullis accessionibus aucto; Horatius, I, Od. 1, 11; Epod. II, 3. — *Opus facere* præcipue de agricolis dicitur. — *Ab aratro*, stans ad aratrum, innixus aratro, aut, posito, relicto aratro: I, 207; Florus, I, XI, 12: « Lucius Quinctius, ille dictator ab aratro . . . patricium virum innixum aratro suo lictor in ipso opere deprehendit. » — Seriore tempore duræ manus crimini erant; sed Seneca de Vita beata cap. 7, virtuti callosas manus tribuit. — De rusticis ad ludos

in urbem venientibus confer Horatium, Art. Poet. 210 sqq. — *Studiis*, arti poeticæ et musicæ. — *Tædifera Dea*, Ceres, quæ tædam præ se ferens raptam filiam quæsit; IV, 417 sqq; V Metam. 442. — *Tiro*, puer qui accipit togam virilem, unde et dies ille sollemnis *dies tirocinii* dictus est. — Eum *celebrat frequentia*; magna cognatorum, amicorum, clientum multitudo honoris causa deducit, aut comitatur in forum, et inde domum, qui dicebantur *in officio togæ virilis* esse. Ea frequentia id sine incommodo suo maxime tempore ludorum facere poterat. Cæterum Taubnerus post togæ signum interrogationis posuit, atque omnem hunc locum inde a vers. 779 ita iungit, ut una periodus sit, cuius apodosis verbis *ergo ut* incipiat. At Ovidii ingenium respuit periodos tam longas, neque eas hoc carminum genus patitur. — Verba *Sed Dis* . . . *honos* obiter tantum, et quasi per parenthesin addita. — Cæterum *tironem* Heinsius dedit ex MSS Ursin.

Visa dies dandæ non aliena togæ.

Mite, pater, caput huc placataque cornua vertas;

Et des ingenio vela secunda meo.

790

Itur ad Argeos, qui sint, sua pagina dicet,

Hac, si commemini, præteritaque die.

Stella Lycaoniam vergit proclinis ad Arcton,

Milvus: hæc illa nocte videnda venit.

Quid dederit volucris, si vis cognoscere, cælum;

795

Saturnus regnis ab Jove pulsus erat.

Concitat iratus validos Titanas in arma;

Quæque fuit fatis debita, poscit opem.

Matre satus terra, monstrum mirabile, taurus

Parte sui serpens posteriore fuit.

800

Hunc triplici muro lucis incluserat atris

Mazar. Polit. atque tertio Medic. in quo sic pro diversa lectione. Castigavit ita et Gronovius, Obs. II, 21, hunc locum; probavit Burmannus; sed vulgo *tironum*.

789. Preces, sis mihi mitis et placatus, formæ Bacchi accommodare voluit, cui a poetis *cornua*, potentis symbolum, eaque parva tribuebantur; IV Metam. 19. Heinsius hoc loco suadebat *pacata*. Dii et *pacari* et *placari* dicuntur, et plerumque hæc duo in MSS confusa sunt; vid. Lambinum ad Lucretium, I, 9.—*Et des* etc. sic et Propert. III, xv, 2: «Da» mihi bacchato vela secundapater.»

791. Liv. I, 21, de Numa: «Mul» ta alia sacrificia locaque sacris faciendis, quæ Argeos pontifices vocant, dedicavit. Cur ita dicta sint, certo dici nequit. Vide Conrad. ad Gellium, Noct. Attic. X, 15, ubi flamen *ire ad Argeos* dicitur.—Verbum *commemini* Heinsius optimorum scriptorum auctoritatibus tueur; alii, *sicut memini* aut, *si quid*

*memini*.—*Sua pagina dicet*, suo loco dicetur; *pagina* de fastis imprimis ponebatur. Vide Schwarz. ad Plinium, panegy. 92.

793–808. *Milui sideris origo*. De eo Plinius, XVIII, 65: XV Kalend. April. Italia Milvum ostendi.—*Proclinis*, vocab. vix alibi obvium Heinsius ex uno Mediceo et uno Farnesiano dedit, quia sic *acclinis*, *declinis*, *reclinis*; sed Mitscherl. maluit cum Ursino, Vossiano, primo Ambrosiano, Læti, primo Farnesiano *proclivis*; vulgo *declivis*.

796. Sequitur pars Titanomachis, celebratæ olim Eumeli, Thamyridis, Lini carminibus. Secundum Hyginum, fab. 150, Juno Titanas in arma concitat, ut regnum, Jove pulso, Saturno restituant.—*Pro poscit alii tentat*.—Heinsius *fuit* mutari vult in *sibi*.

801. Etiam Æneid. VI, 549 apud inferos *mania* (locus) *triplici circumdata muro, quæ Phlegeton flammis ambit torrentibus*. Ibi Tisiphone



Parcarum monitu Styx violenta trium.  
 Viscera qui tauri flammis adolenda dedisset,  
 Sors erat, æternos vincere posse Deos.  
 Immolat hunc Briareus facta ex adamante securi; 805  
 Et jam jam flammis exta daturus erat.  
 Jupiter alitibus rapere imperat : adtulit illi  
 Miluus ; et meritis venit in astra suis.  
 UNA dies media est ; et fiunt sacra Minervæ ;  
 Nominaque a junctis quinque diebus habent. 810  
 Sanguine prima vacat ; nec fas concurrere ferro :  
 Causa, quod est illa nata Minerva die.  
 Altera tresque super strata celebrantur arena :

sedem habet. — *Sors*, vaticinium.

805. *Briareus*, unus e Centimanis, quem propter fortitudinem generum sibi sumsit Neptunus; Hesiodus, Theog. 816. — *Adamus*, ferrum. Etiam Saturno Terra dedit ἀδάμαντος ἄσπερον; Apollodorus, I, 1, 3.

809 – 850. *Quinquatrus* aut *Quinquatria*, festum Minervæ, inde a XIV Kalend. April. sive d. 18 Martii. Ovidius exponit, quid illis diebus fieri soleat, quæritque, 837–846, unde Minervæ cognomen *Capitæ* sit inditum.

*Et fiunt*. Heinsius malit, *ut fiant*, aut cum MS Helmst. *post fiunt*; sine causa. — Varro et Festus putant, quinquatrus nomen habere inde, quod celebrata sint hæc solemnia post diem quintum Iduum, similiterque apud Tusculanos *Triatrus*, *Septimatrus*, et apud Faliscos *Decimatrus* dictos. Heinsius suadet *Nomina quæ*, ut melius hæc jungantur antecedentibus, vel, quum Moreti codex *Muneraque adjunctis* det, *munera quæ junctis* etc. *quæ sacra munera gladiatoria habent*, et quidem *junctis*, sese excipientibus, *quinque*

*diebus*. Utrumque et Taubnerus vulgatæ præfert. Equidem spreverim *munera*; partim quia non est credibile, Ovidium nihil de nomine horum sacrorum admonere voluisse, partim quia *munera* non omnibus illis diebus edita. Krebsio placet, *Nomina quæ a junctis*.

812. Illa die *nata Minerva*, quatenus ei templum in Aventino dedicatum, quod notat Verrius. Etiam Kalendarium Vindob. *N. Minervæ*. Vide Gesenii Symbolas, pag. 32. — *Sanguinis* pro ludis gladiatoriiis. Idem denuo dicit, *concurrere ferro*, (quibus vocibus non, ut Neapolis putabat, prælusiones respexit, quæ rudibus fiebant), et tertio, *super strata arena*; in amphitheatris enim solum *stratum* erat *arena*; II Trist. 282: « Martia quum durum sternit arena » solum. » Neapolis eo refert, quod principes quidam circum chryso-colla constraverint. At hoc serius factum, ab insanis tantum imperatoribus. Suetonius Calig. 18. Plures MSS hoc loco *rasa*, ut sit æquata. De altera die Noster ait etiam IV Trist. x, 13: « Hæc est armiferæ

Ensibus exsertis bellica læta Dea est.  
 Pallada nunc pueri, teneræque ornate puellæ : 815  
 Qui bene placarit Pallada, doctus erit.  
 Pallade placata, lanam mollire puellæ  
 Discant, et plenæ exonerare colos.  
 Illa etiam stantes radio percurrere telas  
 Erudit; et rarum pectine denset opus. 820  
 Hanc cole, qui maculas læsis de vestibis aufers;  
 Hanc cole, velleribus quisquis ahena paras :

» festis de quinque Minervæ, Quæ  
 » fieri pugna prima cruenta solet. »  
 — Quarto variavit ludorum notio-  
 nem *ensibus exsertis*, strictis.

815-834. Diebus illis plurimi Minervam precibus exposcebant, ut operum, quibus præesset, successus sibi daret. Sic multi eloquium et famam Demosthenis aut Ciceronis sibi totis Quinquatribus orabant; Juvenalis, Sat. x, 118. Hinc pendet hæc excitatio, quam poeta in fine exemplo suo comprobatur. — *Ornate* nempe coronis, quod fieri solebat diebus festis; Tibullus, II, 1, 54: « Ornatos ante Deos carmen dice-  
 » re. » Male igitur in editis quibusdam *orate*. — *Doctus*, peritus operis in suo genere.

817. Propter multitudinem inventorum Athenienses primi Minervam Ἐργασίαν cognomento appellaverunt; Pausanias Attic. cap. 24; Diodorus Siculus, tom. I, pag. 340. Hinc eam et Arnobius adv. Gentes, III, pag. 118, « Magisteriis artium » et disciplinarum varietatibus eruditam » appellat. Eam ob causam opifices ei supplicasse, observat Lactantius de fals. Relig. I, XVIII, 23. Inde pendet locus sq. In iis artibus prima est ὑφαντική, texendi ars; Ælianus, Histor. Anim. VI, 57. Qua-

propter *operari Minervæ* dicuntur puellæ operi textorio operam dantes; Tibullus, II, 1, 65. — *Mollitur* lana, quum trahitur ut tenuior fiat, hoc loco, quum trahitur in stamina. — Pro *plenæ* Heinsius mallet *enetas* aut *impletas*; quod Burmannus merito improbat. Etiam Heroid. III, 76: « Et minuent plenæ stamina » nostra colos; » Tibullus, I, 111, 86: « Deducat plena stamina longa » colo. » — Præterea Heinsius dedit, *mollite, puellæ: Discite jam*. Hoc posterius *Discite jam* sane Mazarin. duo Farn. et totidem alii præferunt.

819. Confer VI Metam. 54, sqq. — *Tela*, trama staminum, series duplex staminum, *der Aufzug*. Dicitur *stans* et alibi *pendula*, quia stamina ad perpendiculum extendebantur. — *Radius*, *das Webschiff*. Ejus ope in transversum immittitur subtemen, *der Einschlag*. — Tum *opus* adhuc *rarum pectine*, *der Kammlade*, feritur, ut *densum* fiat. — *Denset*, non *densat*, habent vetustiores, et est forma antiqua et poetica. Vide Giphanii Ind. Lucret. in *densere*.

821. Descriptio fullonis, qui et *læsas* sive sordidas vestes lavando atque calcando purgabat, et, creta sive cimolia adhibita, candidas reddebatur. — In *ahenis* infectores fucos

Nec quisquam invita faciat bene vincula plantæ

Pallade : sit Tychio doctior ille licet ;

Et licet antiquo manibus collatus Epeo

825

Sit prior ; irata Pallade mancus erit.

Vos quoque, Phæbea morbos qui pellitis arte,

Munera de vestris pauca referte Deæ.

Nec vos turba Deam censu fraudata magistri

Spernite : discipulos adtrahit illa novos ;

830

ad lanam imbuendam coquere solebant ; VI Metam. 61, ubi *Tyrium athenum*.

823. *Vincula plantæ*, calceamenta. Secundum Plinium, VII, 56, *Tychius*, Hyla Bæotius, *sutrinam* invenit. Ab Homero, II. II, 221, idem *στυτόμων ὄχ' ἄριστος* vocatur, qui Ajacis scutum fabricaverit ; confer. Strabo, IX, pag. 408. Nempe *στυτόμων*, quicumque coria tractat, sutor, lorarius, ephippiarius. Sed librarii, quum hoc nomen ignorant, novum sutorem crearunt *Titium* aut *Pitium*.—Porro *Epeus* monitu Minervæ equum Trojanum miræ magnitudinis fecisse traditur. Virgilius, *Æn.* II, 264 ; Hyginus, fab. 108. Paulo aliter Plinius, VII, LVII, pag. 416 ; « Equum (qui nunc aries » appellatur) in muralibus machinis » Epeus ad Trojam » reperit.—*Manus*, opera manuum ; qui iis minus valet aut excellit, *mancus* dicitur.—*Irata*. Multi *invita*, quod Heinsius posthabuit, quia modo præcessit.

827. Etiam Minerva medicæ arti præerat, unde et ipsa *Medica* dici solebat, quod Neapolis e marmore quodam Placentino comprobatur.—*Nec vos... Spernite*. Hanc lectionem etiam Burmanno probatam non dubitavi e tribus MSS recipere, et *censu fraudatam* intelligi pauperem. Nam *fraudatus* omnino est privatus,

destitutus, et *census*, opes ; sic omnia mihi clara videntur. Vos magistri, licet pauperes sitis, ne dubitate Deæ munera afferre ; adtrahet illa novos discipulos, atque ita pietatem vestram remunerabit. Nihilo tamen minus hic locus valde vexavit interp. Vulgatur : *Nec vos turba feri censu fraudata magistri Spernite*. Neapolis ex Macrobiani I, Saturn. II, notabat, hoc mense solutum esse didactrum a discipulis ; deinde fingeat, pueros, qui illud didactrum sibi a parentibus datum tempore feriærum ludis et bellariis impenderint, postea metu et pudore non ausos esse ad scholam accedere ; sic magistros *censu*, stipendio, esse fraudatos et Ovidium eos propterea consolari. Gronovius, de Pec. vett. IV, 2, emendabat : *Nec vos ture feri censum fraudare magistri Spernite* ; Heinsius corrigebat : *Nec vos ære brevem censum fraudare magistri Spernite*, vel etiam *ære brevi*, i. e. stipe exigua novorum discipulorum ; eam magistros Quinquatribus Minervæ consecrassent nomine Minervalis. Taubnero arridebat et ratio Neapolis, et lectio *sensu fraudata* ; etenim *feros* magistros ferme esse *sensu fraudatos*, et in parvo honore fuisse plagosos Orbilius. Hinc satis intelligi arbitror, quo falsa lectio viros etiam doctos deducat.



Quique moves cælum ; tabulamque coloribus uris ;

Quique facis docta mollia saxa manu.

Mille Dea est operum : certe Dea carminis illa est ,

Si mereor , studiis adsit amica meis.

Cælius ex alto qua mons descendit in æquum ,

835

Hic ubi non plana est , sed prope plana via est ;

Parva , licet , videas Captæ delubra Minervæ ,

Quæ Dea natali cœpit habere suo.

Nominis in dubio causa est : capitale vocamus

Ingenium sollers : ingeniosa Dea est.

840

An , quia de capitis fertur sine matre paterni

Vertice , cum clypeo prosiluisse suo ?

An , quia perdomitis ad nos captiva Faliscis

Venit , et hoc ipsum litera prisca docet ?

An , quod habet legem , capitis quæ pendere pœnas

845

Ex illo jubeat furta reperta loco ?

831 sq. Sculptores , pictores , marmorios complectitur. — *Cælum* , instrumentum sculptorum , quamquam et aliorum artificum. Vide Heynium in *Antiq. Aufsatzen* , P. II , pag. 136. Sed Taubnerus de cæli sphaera arte facta , qualis fuerit Archimædia , cogitabat. — *Encaustæ tabulam urebant coloribus* , h. e. ceras inurebant expansas super loco pingendo ; Plinius , XXXV , 4. — *Mollia* signa etiam Cic. Brut. 18 , sunt bene elaborata , polita.

835. *Cælius* mons , quem urbi addidit Tullus Hostilius ; Livius , I , 30. Ibi Minervæ *Captæ* delubrum fuisse , etiam P. Victorius de Regionibus testatur. — *Nominis causas* Ovidius miras proponit , et Heinsius miratur , eum non et capti Palladii meminisse. — *Capitalis* , ingeniosus , etiam Cic. ad Quint. frat. II , 12. Vide Mureti Varr. Lect. II , 11. —

*De capitis* etc. Arnob. adv. Gent. IV , pag. 137 : Minerva , « cui Coryfasiæ » nomen est , vel ex Coryfiæ matris » signo , vel quod ex vertice summo » Jovis parmam ferens emicuit , atque » armorum accincta terroribus. »

843. *Falisci* se Camillo dediderunt ann. u. c. 361 ; Livius , V , 24. *Capta* urbe quadam , Dii ejus deduci solebant ; ibid. 22. — *Litera prisca* , libri antiqui , annales. Krebs. vertit : *die alte Benennung*. — *An , quod habet legem* etc. Locus difficilis atque haud dubio corruptus. *Reperiri* esse deprehendi , satis docuit Heinsius : sed quid est *ex loco reperiri* ? Illis verbis melius convenit vulgat. *recepta*. Neque apparet , quis *locus* intelligatur. Denique durissimum est illud : *furta reperta pendere pœnas capitis*. Festus habet hæc : « Capitalis lucus ; ubi si » quid violatum est , capite violato- » ris ( duo MSS *vigilantis* , quod

A quacumque trahis ratione vocabula, Pallas,

Pro ducibus nostris ægida semper habe.

Summa dies e quinque tubas lustrare canoras

Admonet, et forti sacrificare Deæ.

850

Nunc potes ad solem sublato dicere vultu;

Hic here Phryxæ vellera pressit ovis.

Seminibus tostis sceleratæ fraude novercæ,

Sustulerat nullas, ut solet, herba comas.

Mittitur ad tripodas, certa qui sorte reportet,

855

Quam sterili terræ Delphicus edat opem.

» melius ) expiatur. » Itaque Burmannus conjicit voc. *vigil* latere in illis *ex illo*, pro quibus in plurimis cod. *exilio*. Præterea e Mazar. *pænis* recipiendum putat, et subintelligend. *fures*; fures pendere sua furta pœna capitis.—*A quacumque ratione*, undecumque.

849. *Tubilastrum* X Kal. Aprilis sive die 23 Martii etiam in Kalendario notatur. Lustrabantur autem tubæ secundum Varronem et Festum in atrio Sutorio. — Pro *Deæ* Ursin. Mazarin. et a manu prima Zulich. *Deo*, ut Mars intelligatur, cui sacra fuerint hæc priora tubilustria, ut altera mensis Maii Vulcano. Ei lectioni sane aliquantum auctoritatis addunt Verrius et Lydus, quorum ille, *Feria Marti*, hic, *Καθαρὰς ταλπίδας, τιμὰν Ἀρίως καὶ Νερίνης*. Itaque Gesen. p. 33 non dubitat eam præferre vulgatæ: sed vir doctus in Ephem. Halens. ann. 1808, n. 74, hanc tuetur, ut *fortis Dea* sit vel Minerva, vel potius Nerine, Martis uxor. Eam enim e propria nominis sui Sabini potestate *fortem Deam* dici posse. Lydus; *νερίνη γὰρ ἡ ἀνδρία*. — *Summa*, ultima.

851–876. *Sol ingreditur arietem*. Hujus sideris origo narratur. Ino,

Cadmi filia, Athamantis uxor, quum Phryxum et Hellen, quos Athamas ex Nephele genuerat, odio haberet, dolis malis effecit, ut illi ad aram deducerentur immolandi. Ereptis Nephele mater dat arietem aureo vellere, quo per freta avehantur. Is, ubi litus attingit, fit sidus, vellusque ejus aureum deportatur in Colchida.

*Nunc*. Non est, ut Neapolis putabat, primo Quinquatruum die, sed ultimo, de quo in proximis sermo. Ergo *heri* est XI Kal. et Æquinoctium, quod vs. 877 memoratur, in VIII Kal. Aprilis, sive in diem 24 Martii incidit. Sic Noster consentit cum Kalend. vet. et Plinio, XVIII, 26. — *Sol premit loca*, ad quæ accedit, XIV Metam. 416, atque adeo sidera, quæ ingreditur; IX Metam. 286, quum *decimum premeretur sidere signum*.

853. Hæc de *seminibus tostis* Noster jam II, 628, attingit. Ino mulieres impulit, ut clam maritis fruges, quas in sementem darent, torrerent, ne nascerentur, ita ut civitas tota fame periret. — *Nullas sustulerat comas*, non creverat in aristis; Apollodorus *καρπὸς ἐκείνους γὰρ οὐκ ἀνιδίδου*. Nuntio, quem eam ob causam Athamas Delphos misit, Ino

Hic quoque corruptus, pro semine nuntiat Helles

Et juvenis Phryxi funera sorte peti.

Utque recusantem cives, et tempus, et Ino

Compulerunt regem jussa nefanda pati;

860

Et soror, et Phryxus, velati tempora vittis,

Stant simul ante aras; junctaque fata gemunt.

Adspicit hos, ut forte pependerat æthere, mater;

Et ferit attonita pectora nuda manu:

Inque draconigenam nimbis comitantibus urbem

865

Desilit; et natos eripit inde suos.

Utque fugam rapiant, aries nitidissimus auro

Traditur: ille vehit per freta longa duos.

præcepit, ut falsum responsum referret. Hinc *corruptus* vocatur, et quidem e vulgat. lectione, *cum semine*, quem Ino æque corruerat, ac ante semina: quod durum. Burmannus igitur unius cod. lectionem recepit, *pro semine peti funera*, semina recte surrectura esse, si Phryxus et Helle mactentur. Mitscherl. servavit alteram. Probavit et Krebs. — *Cives* Athamanta cogunt etiam apud Apollodorum, sed juxta Hyginum Phryxus ultro ac libens pollicetur se unum civitatem ærumna liberaturum. — *Utque* recepit Heinsius e MSS duobus, sed et *usque* servari potest, quod et Krebs. monuit. — *Pro vittis* Heinsius ex Ursin. Nauger. Mazarin. Zulich. Arondel. primo Ambros. et primo Farnes. *ramis* dedit. Non male; constat enim victimas coronari etiam solitas. Sæpius tamen *vittarum* mentio fit in victimis; VII Metam. 429, boves mactandi « vincti cornua vittis; » XII, 151: « Pallada vittatæ placabat » sanguine vaccæ; » XV, 131: « vittis præsignis et auro Sistitur ante » aras; » Æn. II, 132, Sinoni jam-

jam mactando « circum tempora vittæ; » Lucretius, I, 88: « infula » virgineos circumdata comtus. » Contra *rami* nunquam a Nostro sic memorantur.

863. *Mater*, Nephele, quæ latinis mythographis *Nebula* dicitur. — *Nebulæ* aut *nubes pendere* dicuntur; Virgilius, Georg. I, 214. — *Pro sorte* Mitsch. *sorte*. Apud Hyginum nuntius misericordia adolescentis tactus Inus consilium Athamanti aperit. — Quos Cadmus in condenda urbe socios habuerat, e satis serpentis dentibus nati tradebantur; III Metam. 161 sqq. Hinc ibidem vs. 531, Thebani *anguigenæ* vocantur, atque nunc urbs eorum *draconigena*; VII Metam. 212, *serpentigena* legitur. — *Desilire*, ut *delabi*, de Diis in terram descendantibus.

867. *Rapient* pro *capiant* Burmannus sumsit ex tribus MSS, quia passim *rapere viam*, *iter*, *fugam* ad declarandam celeritatem. Silius, IX, 33: « Dux sibi quisque viam rapito, » ubi vide Intt. Itaque hoc loco *fugam rapient* non minus graviter dictum, quam quod Cicer. III, Or. 40, ex



Dicitur infirma cornu tenuisse sinistra

Femina, quum de se nomina fecit aquæ.

870

Pæne simul periit, dum vult succurrere lapsæ

Frater, et extentas porrigit usque manus.

Flebat, ut amissa gemini consorte pericli,

Cæruleo junctam nescius esse Deo.

Litoribus tactis Aries fit sidus : at hujus

875

Pervenit in Colchas aurea lana domos.

TRES ubi Luciferos veniens præmiserit Eos,

Tempora nocturnis æqua diurna feres.

INDE quater pastor saturos ubi clauscrit hædos,

Canuerint herbæ rore recente quater ;

880

Janus adorandus, cumque hoc Concordia mitis,

Et Romana Salus, araque Pacis erit.

LUNA regit menses : hujus quoque tempora mensis

Finit Aventino Luna colenda iugo.

Ennio tantopere laudat : « oculis po-  
» stremum lumen radiatum rape. »

Mitscherl. vero *capiant* servavit. —  
*Nitidissimus auro*, χρυσόμαλλος. Jam  
Hesiodus et Pherecydes ei aureum  
vellus dederant; Hygin. Poet. Astr.  
dicto loco. Apud eundem, fab. 3,  
mater arietem inauratum adducit,  
Neptuni et Theophanes filium. Pur-  
pureum illud vellus Acusilaus vocat  
in Schol. ad Apollonium, IV, 1147.  
Vide Vossii *Mytholog. Briefe*, tom. I,  
pag. 254 : Apollodoro et Tzetze in  
Lycophr. pag. 7, auctoribus, aries  
dorso impositus *venit* non *per freta*,  
sed per aera. Omnino hæc fabula  
maxima varietate relata est.

877. *Æquinoctium vernum* VIII  
Kalend. Aprilis. Vide ad vers. 851.  
Plinius, XVIII, 66 : « *Æquino-*  
» *ctium vernum* ad diem VIII Kal.  
» Aprilis peragi videtur. » Varie au-

tem olim æquinoctia constitueban-  
tur : Columella, IX, 14, « Nec me  
» fallit Hipparchi ratio, quæ docet  
» solstitia et æquinoctia non octa-  
» vis, sed primis partibus signorum  
» confici. Verum in hac ruris disci-  
» plina sequor nunc Eudoxi et Me-  
» tonis, antiquorumque fastos As-  
» trologorum, qui sunt aptati pu-  
» blicis sacrificiis. »

879. Circumloquitur V Kalend.  
Aprilis sive diem 27 Martii, quo die  
*Festum Jani, Salutis, Concordiæ,*  
*Pacis.* — *Salus*, valetudo. Augustus  
tres statuas posuit Ὑγιῆς θεοσύνης,  
καὶ Ὁμολογίας καὶ Ἐστέρνης Zonaras,  
X, 34. — De *ara Pacis* vide I, 709.

883. *Lunæ* ædes in *Aventino*. Li-  
vius, XL, 2; Rufus in Regione XII.  
Etiam Tacitus Annal. XV, 41, tem-  
plum *Lunæ* memorat, quod Servius  
Tullius condiderit.

# LIBRI QUARTI

## ARGUMENTUM.

Invocatio Veneris, 1-18. Germanici nobilitas et origo a Venere per Æneam; causa, cur Aprilis olim secundum locum habuerit, 19-60. De nomine Aprilis duæ sententiæ; de potentia Veneris, 61-132. Festum Veneris et Fortunæ Virilis; Venus Verticordia, 133-162. Occasus Scorpii, 163-164. Pleiadum occasus et numerus, 165-178. Megalensia; omnis mythologia de Matre Deûm, et quomodo e Phrygia Romam arcessita, 179-372. Fortunæ Publicæ ædes dedicata; Victoria Cæsaris de Juba; Libræ et Orionis occasus; imbres, 373-388. Cereris ludi et merita; raptus Proserpinæ, 389-620. Jovi Victori templum, et Libertati atrium datum, 621-624. Grando; Victoria Cæsaris ad Mutinam, 625-628. Fordicidia; eorum ritus et origo inde a Numa, 629-672. Augustus Imperator dictus, 673-676. Hyadum occasus, 677-678. Vulpium in Circensibus combustio, 679-712. Solis transitus ex Ariete in Taurum, 713-720. Palilia, 721-806. Natalis Urbis; ejus origo et Remi occasus, 807-862. Vinalia; auxilium Mezentii Turno latum, 863-900. Ver medium, Arietis occasus; imbres; exortus Canis, 901-904. Robigalia, 905-942. Floralia et Vestæ in Palatium translatio, 943-954.

# PUBLII OVIDII NASONIS

## FASTORUM

### LIBER QUARTUS.

ALMA, fave vati, geminorum mater Amorum :

Ad vatem vultus rettulit illa suos.

Quid tibi, ait, mecum? certe majora canebas :

Num vetus in molli pectore vulnus habes?

Scis, Dea, respondi, de vulnere : risit ; et æther

5

Protinus ex illa parte serenus erat.

Saucius, an sanus, numquid tua signa reliqui?

1-18. *Invocatio Veneris et colloquium poetæ cum Dea.* Paulo petulantius hoc est, at convenientissimum poetæ, qui, amoribus deditus, familiaritatem quamdam cum Venerere contraxit. Sensus : Te semper canere soleo ; olim in rebus ludicris te cecini, nunc in seriis de te cogito ; et justa mihi nunc causa te implorandi, tuus enim mensis describitur. — *Amores gemini*, Cupido, Ἔρως, et Jocus, Ἰουκός. Hesiodus, Theog. 201 ; Anacr. LI, 26. Inde Horatius, I, Od. 11, 33 : « Quam Jocus circumvolat et Cupido. » Sed interpr. Gallicus hic Amorem inhonestum et impurum reperit, neque latius vult explicare, quæ *la décence ordonne de taire*. Lenzius aut Amorem cælestem et terrestrem e Platone vult intelligi, aut Amorem utriusque sexus. — *Vati* bene Heinsius ex quatuor MSS pro *dixi* revocavit.

*Vatem* se in hoc opere Ovidius sæpe vocat, ut I, 25, et 101 ; III, 177. *Dixi* contra nunc inepte et importune intrusum ; Krebsius putat, ellipsin ejus hoc loc. fore admodum duram : minime. — *Vultus rettulit*, quod alibi *respezit* ; vid. ad III, 608. Nam etiam h. l. duo libri, *sustulit*.

3. *Certe* dubitanter affirmat, putabam te canere ; Horatius, I, Sat. IX, 67 : « Certe nescio quid secreto » velle loqui te Aiebas mecum. » — *Pectus* ad amorem proclive bene *molle* vocat ; quo *mollius* corpus, eo facilius *vulneratur*. — *De vulnere*, quod attinet ad vulnus, id scis. Vide Grævium ad Cic. Ep. ad Div. I, 2. Heins. volebat, *Scin Dea?* — *Æther serenus*. Hanc vim habet etiam in Jove serenitas oris ; Virgil. Æn. I, 255, ubi « vultu, quo cælum tempestatesque serenat, » oscula nata libat. — *Sanus*, integer, illæsus ; nam



Tu mihi propositum, tu mihi semper opus.  
Quæ decuit, primis sine crimine lusimus annis :

Nunc teritur nostris area major equis.

10

Tempora cum causis, annalibus eruta priscis,

Lapsaque sub terras, ortaue signa cano.

Venimus ad quartum, quo tu celeberrima, mensem :

Et vatem, et mensem scis, Venus, esse tuos.

Mota Cytheriaca leviter mea tempora myrto

15

Contigit; et, cœptum perface, dixit, opus.

Sensimus; et subito causæ patuere dierum :

Dum licet, et spirant flamina, navis eat.

Si qua tamen pars te de Fastis tangere debet,

Cæsar, in Aprili, quo tenearis, habes.

20

opponitur *saucio*. — *Tua signa reliqui*; Tibullus, II, VI, 6, ad Cupidinem : « iterum errorem sub tua » signa voca. » Militabat Noster sub Venere, atque in militiam ejus sacramento adactus erat. Itaque et canens scribensque de ea semper cogitabat.

8. *Propositum* et *opus*, materia, quam tracto; abstracta sic solent de personis dici; exempla collegit Drakenb. ad Silium, XVI, 504. Sed pro *opus* unus Vaticanus *honus*, quod Heinsio placet. — Primos ætatis annos *decere* putabant talem lasciviam; Amorum III, xv, 4 : « Nec me de- » licæ dedecuerunt meæ. » Horatius, I, Ep. xiv, 36 : « Nec luisse pudet, » sed non incidere lusum. » Mitsch. e MSS Ursin. et Ambros. uno *Qua decuit*; sed oppositio est in *nunc* et in *primis annis*. Iis luit, quæ decuit ludere. — Operam suam etiam II, 360, cum decursu in circo comparat, cujus spatium *area* dicitur; III Amorum, xv, 18, tragediam scribere aggressurus ponit hæc : *Pul-*

*sanda est magnis area major equis.* — *Tempora...cano.* Hæc repetita e lib. I, i seqq.

15. Ut puellæ petulantes amatorem re levi, quam manu tenent, feriunt, sic Venus Ovidium *myrto contigit*; qui tactus vim institutionis habebat. Neque adeo erat, cur poetam ita instrueret, ut Janus, lib. I. Similem autem vim in animo poetæ, III Art. Amat. 53, folium habebat et grana de Veneris myrto data. — Formam *Cytheriaca* pro *Cytheræa* Heinsius ex Zulichem. et quatuor aliis dedit.

19-60. *Cæsari* Germanico, cui hoc opus consecratum, supra I, init. nobilitatem suam commendat, et causam simul aperit, cur Aprilis olim secundum locum habuerit. Hic seriem intexuit regum et Trojanorum et Albanorum. Locus est historicus et tenuiter scriptus. — *Aprilis* Veneri sacer, cujus nepos Iulus, a quo originem repetebat Julia gens, in cujus *nobilitatem adoptatus* erat Augustus, post etiam Cæsar Ger-

Hic ad te magna descendit imagine mensis;

Et fit adoptivā nobilitate tuus.

Hoc pater Iliades, quum longum scriberet annum,

Vidit; et auctores rettulit ipse suos.

Utque fero Marti primam dedit ordine sortem,

Quod sibi nascenti proxima causa fuit;

Sic Venerem, gradibus multis in gente repertam,

Alterius voluit mensis habere locum:

Principiumque sui generis, revolutaque quærens

Sæcula, cognatos venit ad usque Deos.

Dardanon Electra nesciret Atlantide cretum

manicus, I, 10. Interpres Gallicus illum nunc intelligit; sed rectius hunc intelliges. Cæsari enim Germanico totum opus poeta consecravimus, eundemque etiam vers. 81 alloquitur.—*Descendit ad te*, serie majorum deducitur ad te, apparet ad te quoque illum mensem pertinere. Sumtum hoc vocabul. nunc a stemmate, quod a primo gentis auctore descendit ad posteros. In stemmate Cæsaris nomen erat Veneris, quod, quia maximam nobilitatem dabat, poeta e sermone Romano *magnam imaginem* dixit. Aprilis igitur præ cæteris carus Cæsari esse debebat. Sed illud carum esse expressit verbis *tangere et teneri*, quæ passim oblectationis notionem habent. Itaque Hein-sius *quo tenearis* recte prætulit alteri lectioni *quod tuearis*; sed idem sine causa *tangere*, ductu codicis Mazar. (in quo *dicere*), in *ducere* mutari volebat.

23. *Pater Iliades*, Romulus, Iliæ filius, hoc vidit, respexit, spectavit. Non igitur verti debebat, *das sah der Vater*.—*Scriberet*, describeret in menses.—*Longus* solemnne anni epitheton.—*Auctores suos*, quos vs.

57, *parentes suos* vocat, Martem et Venerem.—Burmanno elegantior videbatur lectio in cod. Francofurt. *prætulit*, prodidit; tradidit posteris ordine illo et instituto parentes suos; Vers. 59: *Neve secutari possent nescire nepotes*, *Tempora Dis generis continuata dedit*.—*Ferus* ut *sævus*, bellatorum sunt epitheta.—*Sortem*, locum.—*Gradibus multis*; ut a Venere prognatum se reperiret, per gradus multos adscendendum erat in stemmate. Cæterum de hac sententia confer Macrob. I, Saturn. 12, cujus verba ad vers. 61 dedimus.

29. Non a Venere tantum, sed longius adeo ab ipso Jove repetit Romuli originem.—Principium generis *quærebat* sic, ut sæcula præterlapsa *revolveret*, per ea rediret ad principium; Æn. X, 256: «*revoluta ruebat dies*, » revolvebatur, redibat. De gentis Juliæ progenitoribus Trojanis confer Virgil. Georg. III, 35, ubi *demissa ab Jove gens* vocatur. Fons autem illius genealogiæ est Homer. Il. XX, 215. E superioribus adde Apollodorum, III, XII, 1.—A *Jove* et *Electra*, *Atlantis* filia, (vide vs. 174), omnes regum Tro-

Scilicet; Electram concubuisse Jovi?

Hujus Erichthonius: Tros est generatus ab illo:

Assaracon creat hic: Assaracusque Capyn:

Proximus Anchisen; cum quo commune parentis

35

Non dedignata est nomen habere Venus.

Hinc satus Æneas, pietas spectata per ignes,

Sacra, patremque humeris, altera sacra, tulit.

Venimus ad felix aliquando nomen Iuli,

Unde domus Teucros Julia tangit avos.

40

Postumus huic; qui, quod silvis fuit ortus in altis,

Silvius in Latia gente vocatus erat.

janorum stirpem repetunt.—*Dardanius*, relicta Samothrace, in Asiam trajecit, ubi a *Teucro*, Scamandri et Idææ Nymphæ filio, exceptus, partem regni accepit, urbemque Dardaniam aut Dardanon condidit. Teucro mortuo, omnis illa terra Dardania dicta. Dardano successit *Erichthonius*, ejus filius, rex opibus clarus. A *Troe* rege illa Troja dicta. Is Ilium, *Assaracum* et Ganymedem genuit. Ex Ilo Laomedon et deinceps Priamus, qui non pertinebant ad consilium nostri poetæ; Æneas enim ab *Assaraco*, cujus filius *Capys Anchisen* genuit. Itaque et apud Virgil. *Assaracus* potissimum memoratur inter Æneæ majores; Æn. I, 284; VI, 650; IX, 259, 643. Anchisæ δὲ ἱερῶτα ἐν ἱερῶτα Ἀφροδίτη ἐνὶ Ἰλίου, Ἀντίοχος ἱερῶτα. Apollod.

37. De hac pietate Æneæ confer I, 527. Nunc ipso graviter pietas vocatur. Bene *spectata per ignes*; etenim Æn. III, 148: «phrygii penates, Quos mecum a Troja, mediis» que ex ignibus urbis Extuleram.» —Pro hinc unus Vaticanus hoc, quod Heinsius malit, aut huic: sed non video quare. — Unde, per quem. —

*Teucrorum* nomen apud Homerum non occurrit, nec frequentatur cæteris græcis poetis; latinis vero poetis admodum usitatum. Vide de eo paulo ante ad vers. 31; Livius, I, 3, ubi de Ascanio, Æneæ successore, loquitur: «Haud nihil ambigam, » hiccine fuerit Ascanius, an major, » quam hic, Creusa matre Ilio incolumi natus, comesque inde paternæ fugæ, quem Iulum eundem » Julia gens auctorem nominis sui » nuncupat. » Majorem fuisse etiam Virgilius et Dionysius, I, 65, volunt. Ea origine valde lætabatur *Julia domus*; Virgilius, Æneid. I, 288: «Julius, a magno demissum nomen » Iulo. » Confer Dionysium, I, 70.

41. Seriem regum Albanorum habes etiam XIV Metam. 609 aqq. De ea vide Ryckii Dissert. XI, p. 453. — *Postumus* ille *Silvius* secundum Dionysium, I, 70, erat Ascanii frater, ex Lavinia post obitum Æneæ natus. Lavinia quum eum utero ferret, metueretque Ascanium, a pastore regio in *silvas* desertas deducta est, ubi *Silvium* clam peperit, quod nomen omnibus deinceps ejus posteris adhæsit. Livius vero eum vo-



Isque, Latine, tibi pater est : subit Alba Latinum :

Proximus est titulis Epitos, Alba, tuis.

Ille dedit Cappyi recidiva vocabula Trojæ ; 45

Et tuus est idem, Calpete, factus avus.

Quumque patris regnum post hunc Tiberinus haberet,

Dicitur in Tuscæ gurgite mersus aquæ.

Jam tamen Agrippan genitum, Remulumque nepotem

Viderat ; in Remulum fulmina missa ferunt. 50

Venit Aventinus post hos ; locus unde vocatus,

cat Ascanii filium, casu quodam in silvis natum. — *Isque, Latine* etc. Ovidius hic et Metam. dicto loco, *Æneam Silvium* omisit, patrem Latini. — *Subit*, succedit *Alba Latino*. — *Epitos Livio Atys*, Dionysio *Capetus* dicitur.

45. *Recidiva*, quæ, antea jam usurpata, ad rem novam adhibentur. — *Cappys* olim nominatus erat non modo *Æneæ* avus, Assaraci filius, sed et unus e sociis *Æneæ* ; *Æn.* I, 183. De vocabulo *recidivus*, Heinsius qui id valde amabat, latius egit ad Claudianum, XLIV, 66. Hoc loco, recepit ex primo Ambrosiano et tribus aliis ; in quatuor aliis pro diversa lectione scriptum erat. Cæteri habent *repetita*, ut XIV Metam. 611 : « tenuit repetita Latinus Nomina, » quamquam et ibi Heins. e conject. alterum volebat. Idem, hoc loco, totum versum sic constituendum putabat : *Edidit ille Capyn, recidiva vocabula Trojæ*, vel : *Ille Capyn genuit*. — Pro *Calpete* hic et XIV Metam. 613, *Capete*, atque ita et Livius ; sed Neapol. metri causa hoc loco e Dionysio et Eusebio invexit *Calpete*. — *Tusca aqua*, Albula fluvius, qui inde Tiberis nomen accepit ; confer II, 389. — Vers. antecedens, *Quumque patris* etc. Hein-

sio nec sic, nec ut in multis MSS. legitur, *Accipiens regnum post hunc Tiberinus ab illo*, nitori Ovidiano respondere videbatur, nisi legere-tur : *Accipiens...Tiberinus avitum*.

49. De Agrippa et Remulo aut Romulo sic etiam Livius : « Agrippa in- » de, Tiberini filius ; post Agrippam » Romulus Silvius, a patre accepto » imperio, regnat. » Dionysius Remulum *Alladem* vocat, nec memorat cujus filius fuerit. Sed Ovidius a se ipso XIV Metam. 616 dissentit, ubi Remulus et Acrota sunt fratres, Tiberini filii. Remulus natu major, homo ferox, prior regnat, eique succedit moderatior Acrota. Itaque Gronovius ad Livium d. l. hunc locum emendabat, *Remulumque priorem* ; Heinsius vero *Remulumque ferocem*. Verum apparet, Ovidium nunc alios auctores esse secutum. Illo altero loco Remulus *imitator fulminis* vocatur ; quod Dionysius pluribus narrat, hunc contemptorem Deorum, tyrannum Diis invisum, machinas excogitasse, quibus fulmina imitaretur, hominesque, tamquam Deus, terreret, sed inter imbres et fulmina diluvio ipsum periisse cum domo.

51. De monte, ubi Aventinus sepultus est, consentiunt rerum scri-

Mons quoque : post illum tradita regna Procæ;  
Quem sequitur duri Numitor germanus Amulî :

Ilia cum Lauso de Numitore sati :

Ense cadit patruo Lausus ; placet Ilia Marti ;

55

Teque parit , gemino juncte Quirine Remo.

Ille suos semper Venerem Martemque parentes

Dixit ; et emeruit vocis habere fidem.

Neve secuturi possent nescire nepotes ,

Tempora Dîs generis continuata dedit.

60

Sed Veneris mensem Graio sermone notatum

Auguror ; a spumis est Dea dicta maris.

ptores : sed de alio loco , aut , ut unus Heinsii , Moreti et quinque alii habent, *lacu*, silent , etiam Ovidius Metam. d. I.—Pro unde Mitsch. inde e MSS quibusdam.—*Numitorem* Dionysius et Eusebius omittunt. Secundum Livium , eo pulso , *Amulius* regnat ; etiam apud Plutarchum Rom. 3, Numitor prior regnat. Amulius, III, 49, *contemptor æqui* vocatur, nunc *durus*, aut, quod Heinsius ex quinque MSS prætulit, *dirus*. Sed prius mihi vocab. satis grave videtur. Vide Metam. XIV, 244, « inextorabile durus Exerces odium. » Frequentat tamen Noster et alterum.—*Lausus*, Dionys. lib. I, 76, Ægistus, quem in venatu Amulius ex insidiis interfici jusserit. — *Placet Ilia Marti*; vide III, 9 sqq.—Paulo post pro *nepotes* alter Moreti pro varia lectione *minores*; ita in Æneid. I, 733, Dido optat, hunc diem velis « nostros meminisse minores. » De re ipsa vide ad I, 39. — Regii codices *nepotes*; codex B male a manu prima *parentes* ex repetitione. Ed.

61. De nomine Aprilis duæ erant veterum sententiæ , quum aliis a nomine Veneris græco *Aphrodite*,

aliis a verbo *aperire* ductum videretur ; vide ad I, 39. Non mirum est , Nostrum , etiam Juliæ gentis causa , priorem amplexum esse , eamque acriter defendisse. Ne autem quis objiceret , parum credibile videri , antiquissimis temporibus græcum nomen mensi Romano impositum esse , catalogum struit Græcorum , qui olim in Italiam migraverint. — De ortu Veneris e *spuma maris* locus classicus apud Hesiodum Theogon. 190 , sqq. Illa spuma circumdabat testiculos Saturni resectos et in mare dejectos. Inde Venus non modo Ἀφροδίτη; sed et Πρωτία Ἀνδροσπινη dicta. De hac autem , quam Noster affert , etymologia confer Macrobium Saturn. I, 12 : « Secundum » mensem nominavit ( Romulus ) » Aprilem , ut quidam putant , cum » adspiratione , quasi Aprilem a spuma , quam Græci vocant ἀφρόν , » unde orta Venus creditur. Et hanc » Romuli asserunt fuisse rationem , » ut primum quidem mensem a patre suo Marte , secundum ab Æneæ » matre Venere nominaret , et hi » potissimum anni principia servarent , a quibus esset nominis Ro-

Nec tibi sit mirum Graio rem nomine dici :

Italia nam tellus Græcia major erat.

Venerat Evander plena cum classe suorum;

65

Venerat Alcides; Graius uterque genus.

Hospes Aventinis armentum pavit in herbis

Claviger; et tanto est Albula pota Deo.

Dux quoque Neritius: testes Læstrygones exstant;

Et, quod adhuc Circes nomina litus habet.

70

Et jam Telegoni, jam mœnia Tiburis udi

Stabant, Argolicæ quod posuere manus.

» mani origo. » Cæterum pro *Graio* hic multi MSS *Græco*; sed alteram formam amarunt etiam Virgilius et Horatius. Posteriore loco Heinsius sine causa malebat *patrio nomine*, nempe quia Italia Græciæ nomine insignita erat.

64. Non omnis Italia, sed ejus ora *Græcia major*, scil. *magna* dicta, quæ, a colonis Græcis occupata, amplitudine Hellada, scil. Græciam proprie sic dictam, superabat. De coloniis græcis in eam Italiæ partem deductis vide Heynii Prolusiones XV in Opusculis Acad. vol. II. Sed Ovidius viros tantum quosdam insignes, a poetis celebratos, memorat. — De *Evandri* et *Herculis* adventu vide I, 470 sqq; I, 543; V, 643. *Evander* sexaginta annos ante bellum Trojanum Arcadum coloniam in Latium deduxit, oppidumque in Palatino monte condidit; Dionysius Halic. I, 31. *Hercules* non ibi consedit, tantum boves Geryonis per illa loca egit. *Albulam*, scilic. Tiberim (vers. 48), *armentum* præ se agens nando trajecit, locoque herbido, ut boves *pabulo* læto reficeret, procubuit; Livius, I, 7.

69. *Neritius*, Ulysses, a *Nerito*, monte Ithacæ, a quo et tota insula

dicta; Homerus, Od. IX, 22. Is et ad *Læstrygonas*, Gigantes et Androphagos, Formias Campaniæ incolentes, pervenit, atque ex sociis ejus unus devoratus est ab Antiphate rege; Homerus, Od. X, 120 sqq; conf. XIV Met. 233 sqq. — *Circen*, Æetæ sororem; Homerus, Od. X, 135, juxta litus Italiæ collocat, ubi postea *Circæum* promontorium. Ea ex Ulyssis sociis quosdam in suos mutavit. Confer XIV Metam. 244.

71. Omnium prope urbium Italicarum origines Romani repetebant a Græcis. Ad *Telegonum*, Ulyssis a Circe filium, Tusculi initia referebant. Is Ithacam petiit, sed, quum inscius patrem occidisset, redux in Italiam urbem illam condidit; Hyginus, fab. 127. Inde Horatius, III, Od. xxix, 8: « Telegoni parricidæ » juga, » Tusculum in colle situm. Apud eundem II, Od. vi, 5: « Tibur Argeo positum colono. » Nempe Tiburnus, Catillus et Coras fratres eo deduxerunt coloniam Argivorum; Plinius, XVI, 44; Heynius Exc. 8 ad Æn. VII. *Udum Tibur* etiam Horatius, III, Od. xxix, 6, propter Anienem, rivos et fontes; ibi igitur et « uda mobilibus pomaria rivis » I, Od. vii, 13.



Venerat Atrides fatis agitatus Halesus ;

A quo se dictam terra Falisca putat.

Adjice Trojanæ suasorem Antenora pacis ,

75

Et generum OEniden, Appule Daune, tuum.

Serus ab Iliacis, et post Antenora, flammis

Adtulit Æneas in loca nostra Deos.

Hujus erat Solimus, Phrygia comes exsul ab Ida,

A quo Sulmonis mœnia nomen habent.

80

73. *Halesus* ex posteris *Atræi*, Agamemnone interfecto, patriam reliquit, Faleros in Italia condidit, atque incolas Junonia sacra docuit; III Am. XIII, 31. — Ut hic *Atrides*, sic Æn. VII, 723, *Agamemnonius* vocatur; quod tamen non ad patrem referendum, nam X, 417, a patre vate in silvis eductus traditur. Burmannus ex Ursini, Naugerii, multisque aliis MSS hoc loco malit *Atridæ*, ut *fata Atridæ* sint cædes Agamemnonis, aut ut fata et infortunia Agamemni. in posteros ejus transiisse dicantur; ei obsecutus est Mitscherl. Non male. Eum autem *Faliscorum* in Etruria conditorem faciunt etiam Solinus cap. 8; Servius ad Æn. VII, 695. Eorum oppidum *Falerii*, quod nomen facile ex *Haleso* fieri potuit. Vide Spanhemium de Usu et Præstant. Num. Diss. II, p. 107; Heynii Excurs. VIII ad Æneid. VII, p. 139.

75. De *Antenore* et *Ænea* etiam Livius, I, 1, « pacis reddendæque Helenæ semper auctores fuerant. » Adde Horatium, I, Ep. II, 9. Orationem, qua id suadet, habet Homerus, II. II, 348 sqq. Is cum multitudine Henetum in intum maris Hadriatici sinum venit, ibique Patavium condidit; Æn. I, 242. — *Daunus*, rex Apuliæ, Diomedis socer; Strabo V, 283 sq. Ab eo Apu-

lia *Daunias* dicta Horatio I, Od. XVI, 14; III, Od. XXX, 11. — Diomedes *Ænides*, Ænei, regis Cætolix, nepos, Tydei filius. In Apulia olim *Diomedis campi*, item *Diomedea insula* contra litus Apulum, Diomedis tumulo et delubro nobilis; Plinius, III, 30; X, 61. — *Æneas* venit *serus*. Secundum Virgilium, septem fere annos per maria et terras erravit. Vide Heynii Excursum II ad Æn. III, quamquam Virgilius ipse in tot annos ejus errores digessit. — *In loca nostra*. Burmannus venustum judicat, quod codex Bononien. habet, *loca tuta*; sed notio primaria hoc loco est, *ad nos* venit. — Regii tres nostri codices habent *loca nostra*; quod epitheton hoc loco non otiosum servari bene suadet Gierig, etsi *tuta* alibi non invenustum; quare nihil sollicitandum est. *Ed.*

79. Sulmonis origines. *Sulmo*, metropolis Pelignorum, distans ab urbe millia novies decem passuum, parva, sed irriguis salubris aquis; Trist. IV, x, 4; infra vs. 685 sqq; Amorum II, 16, init. Eam conditam esse a *Solimo*, aut, ut alii quos Mitscherl. secutus est, scribunt, *Soly-mo*, Æneæ comite, narrat et Silius IX, 70, sqq. Glossæ in MSS Vaticæ. addunt, hunc Solum uxorem duxisse filiam Æneæ; sed Cluverius, Ital. Antiq. II, 14, fictam monet

Sulmonis gelidi, patriæ, Germanice, nostræ.

Me miserum! Scythico quam procul illa solo est!

Ergo ego tam longe? sed supprime, musa, querelas;

Non tibi sunt mæsta sacra canenda lyra.

Quo non livor abit? sunt qui tibi mensis honorem 85

Eripuisse velint, invideantque, Venus.

Nam, quia ver aperit tunc omnia, densaque cedit

Frigoris asperitas, fœtaque terra patet,

Aprilem memorant ab aperto tempore dictum;

Quem Venus injecta vindicat alma manu. 90

hanc fabulam e vocabulorum similitudine.—*Gelidus Sulmo* etiam apud Silium VIII; *gelidæ* Sulmonis unde IV Trist. x, 3. Commode delatus est rerum serie ad patriam; commode etiam ea gemitum expressit, quum in exilio hæc retractaret.—*Scythico solo*; I Trist. III, 61: «Scythia est, quo mittimur»; III Trist. x, 55: «Quid mihi cum Siculis inter Scythiamque Getasque?» Apopsiopesin seq. constitui e Zulich. et Mazar. quam lectionem etiam Heinisius elegantem iudicavit. Editi, vel *Ergo ego?* vel *Ergo age*, et mox *tam longas sed supprime* etc.

85. Altera etymologia Aprilis mensis assertur, quam poëta *invidia* tribuit. Macrobius vero I Saturn. 12, narrat, Cincium et Varronem argumentis non contemnendis Veneri hunc honorem eripuisse, quum nullum sacrificium insigne ei per hunc mensem a maioribus institutum esset, et quum nomen ei sub regibus nec græcum, nec latinum fuerit: «sed, quum fere ante æquinoctium vernum triste sit cælum et nubibus obductum, sed et mare navigantibus clausum; terræ etiam ipsæ aut aqua, aut pruina, aut nivibus contegantur, eaque

» omnia verno hoc mense aperiantur; arbores quoque, nec minus » cætera, quæ terra continet, aperire se in germen incipiant, ab his » omnibus mensem Aprilem dicimur » rito credendum, quasi Aperilem: » sicut apud Athenienses ἀπριλιος » idem mensis vocatur ab eo, quod » hoc tempore cuncta florescant.»—*Quo abit*, quousque progreditur; XV Metam. 111: «Longius inde nefas » abiit.»—*Honor mensis*, honor, quo tibi mensis consecratus est; vers. 115, «titulus mensis.»—*Quia ver...* patet. Frigus hibernum omnia densat et constringit; verno autem tempore solvitur terra, ut semina, quibus repleta est, e gremio ejus facile exire possint. Non probro, quod Mitscherl. e tribus MSS *terra parit* recepit. Causam nonnullis *Aprilis* reddere vult poeta; ea est non in eo, quod terra *parit*, sed quod *patet* aperta.—*Fœta* autem, ut sup. I, 162: *seminibus fœtus ager*.—*Injectio manus*, ritus quo Romani utebantur in vindiciis agendis; Servius ad *Æn.* X, 419: «Manus injectio, quotiens, » nulla judicis auctoritate expectata, rem nobis debitam vindicamus.» Suavitas autem est in *livore* grammaticorum et in hac *vindi-*

Illa quidem totum dignissima temperat orbem ;

Illa tenet nullo regna minora Deo ;

Juraque dat cælo, terræ, natalibus undis ;

Perque suos initus continet omne genus :

Illa Deos omnes, longum enumerare, creavit ;

95

Illa satis causas, arboribusque dedit ;

Illa rudes animos hominum contraxit in unum ;

Et docuit jungi cum pare quemque sua.

Quid genus omne creat volucrum, nisi blanda voluptas ?

Nec coeant pecudes, si levis absit amor.

100

*catione* Veneris ; cui et vers. 115 *spoliare* bene convenit.

91. Argumentum a *dignitate* Veneris. Lætitiâ veris veteres Veneri tribuebant, quæ tunc terram revisere, choros agere, atque omnia exhilarare credebatur ; Horatius, I, Od. iv, 7. Etiam Macrobius I Saturn. 21 : « Quum sol vernalis æquinoc-  
» tii transgreditur fines, augendo  
» diem, tunc et Venus læta, et pul-  
» chra virent arva segetibus, prata  
» herbis, arbores foliis ; ideo majo-  
» res nostri Aprilem mensem Ve-  
» neris dicaverunt. » Secundum Hesiodum, Theog. 120, in principio rerum Chaos erat et *Eros*, qui omnium Deorum omniumque hominum animos domat ; inde seniores effecerunt Venerem. Inprimis Lucretius, I, 1—24, hanc vim Veneris celebravit, quem locum longe suavissimum Noster ante oculos habuit. — *Temperat*, regit, ut Jupiter « ma-  
» re temperat ac terras variisque  
» mundum horis ; » Horatius, I, Od. xii, 15. Et mox pro eo *jura dare*. — *Natalibus*, unde ipsa orta ; vers. 131, « materna æquora. » Dat autem illa jura amoris voluptate, quam omnibus cæli, terræ, undarum incolis instillat, qua eos *init*, perfundit,

implet, et ad coitus impellit. *Inire* etiam mox de re venerea. Sed apud Lucretium, dicto loco, adventum notat. — *Continere* de conservatione rerum etiam apud Ciceronem legitur. Lucretius : « Quæ mare navi-  
» gerum, quæ terras frugiferentes  
» Concelebras ; per te quoniam ge-  
» nus omne animantium Concipitur  
» visitque exortum lumina solis...  
» per maria ac montes, fluviosque  
» rapaces, Frondiferasque domos  
» avium, camposque virentes, Oin-  
» nibus incutiens blandum per pe-  
» ctora amorem, Efficis, ut cupide  
» generatim sæcla propagent... re-  
» rum naturam sola gubernas, Nec  
» sine te quidquam dias in luminis  
» oras Exoritur, neque sit lætum, ne-  
» que amabile quidquam. » — *Lectionem longum enumerare* Hein-  
sius ex uno Vaticano accepit ; vulgo, *longum est narrare*. — *Causa*, ea, unde aliquid oritur aut alitur ; vide Heynium, Observat. ad Tibullum, II, iv, 29.

97. *Contraxit in unum*, amore conjunxit ; latiore sensu *contrahere* homines est vs. 811. — *Levis amor* etiam Tibullus, I, vii, 44, ut *levis Venus* ibid. I, i, 73, quia amor levem ætatem decet. — Etiam *jocosa* eandem



Cum mare trux aries cornu decertat ; at idem

Frontem dilectæ lædere parcit ovis.

Deposita taurus sequitur feritate juvencam ,

Quem toti saltus , quem nemus omne tremit.

Vis eadem , lato quodcumque sub æquore vivit , 105

Servat ; et innumeris piscibus implet aquas.

Prima feros habitus homini detraxit : ab illa

Venerunt cultus mundaque cura sui.

Primus amans carmen vigilatum nocte negata

Dicitur ad clausas concinuisse fores ; 110

Eloquiumque fuit duram exorare puellam :

Proque sua causa quisque disertus erat.

Mille per hanc artes motæ ; studioque placendi ,

Quæ latuere prius , multa reperta ferunt.

Hanc quisquam titulo mensis spoliare secundi 115

Audeat ? a nobis sit procul iste furor.

ob causam dicuntur quæ ad amorem pertinent. De vi amoris in bestiis confer Virgilium, Georg. III, 217 sqq. — Pugna *taurorum*, quæ ibi et *Æn.* XII, 715 sqq., describitur, ostendit, quam *tremendi* illi sint. — *Parcit lædere*, elegantius quam, non lædit; sic *parce nocere* Tibullus, III, v, 6. — Pro *tremis* Heinsius dedit *tremunt*, quia sic cod. Vossii. Ego alterum revocavi propter codd. reliquorum consensum. Etiam Bentleius ad Horat. IV, Od. xi, 9, eo nomine vituperat Heins. quod ubique plurales numeros introduxerit.

107. Venus adducit artes. — *Habitus*, ad externam vivendi rationem, vestitum, supellectilem pertinet. Horatius, I, Od. x, 2, Mercurio hoc tribuit, quod « feros cultus » hominum voce formavit et decoræ » more palæstræ. » Elegancia, quæ agresti illi et inhumanæ negligentiae

opponitur, *munditia*, *mundus cultus*, et hoc loco *cultus*, *mundaque cura sui* dici solet; namque et *cura* de studio ornandi corporis adhibetur. Vide Gronovii Observat. p. 143. — *Carmen vigilatum*, nocte vigilata decantatum, ut I Trist. I, 108, « vigiliati labores. » — *Nox negatur* iis, qui noctu non admittuntur ab amata. Ab iis ad fores clausas *κλεισθῆναι* canebatur, quale XIV Metam. 718, legitur. — *Pro sua causa*, non, ut oratores forenses, pro aliena. — *Moveri* etiam incipere notat; III, 11; hinc artes *moverentur*, quando initia capiunt, inveniuntur. Sed pro *motæ* primus Ambrosianus *initæ*, quod nec ipsum Heinsius damnat, qui et *nata* suadet. — Regii tres nostri dant *notæ*; ita plerique; non displiceret *nata*, si codicum auctoritate fulciretur. *Ed.* — *Titulo mensis*; denominationis mensis a Venere.

Quid? quod ubique potens, templisque frequentibus aucta,  
Urbe tamen nostra jus Dea majus habet.

Pro Troja, Romane, tua Venus arma ferebat,

Quum gemuit teneram cuspide læsa manum; 120

Cælestesque duas Trojano iudice vicit:

Ah! nolim victas hoc meminisse Deas!

Assaracique nurus dicta est, ut scilicet olim

Magnus Iuleos Cæsar haberet avos.

Nec Veneri tempus, quam ver, erat aptius ullum: 125

Vere nitent terræ; vere remissus ager:

Nunc herbæ rupta tellure cacumina tollunt;

Nunc tumido gemmas cortice palmes agit:

Et formosa Venus formoso tempore digna est;

Utque solet, Marti continuata suo. 130

Vere monet curvas materna per æquora puppes

117—124. Veneris merita de Romanorum majoribus.—*Potentes Dii*, qui summa religione coluntur: *Venus diva potens Cypri*; Horatius, I Od. III, 1. Itaque interpretationem habent *verba templis frequentibus aucta*; nam *augetur Dea templis*, ut homo honoribus, commodis, augeri dicitur.—*Urbe*, scil. in.—*Jus* poscendi cultum.—*Tua Troja*, quæ ad te quoque pertinebat, quia inde originem ducis; vide ad III, 9.—*Veneris*, quum Æneæ periclitanti opem ferret, *manum* summam Diomedes hasta vulneravit; quo vulnere accepto, valde illa clamavit; Homerus, II. E, 335 sqq. Causa, cur pro Trojanis staret, quod *cælestes duas*, Junonem et Minervam, forma vincere *judicata* erat a Paride, qui inde *fatalis iudex* ab Horatio III, Od. 3, vocatur. Hoc iudicium Junoni in primis alta mente repositum manebat, Æn. I, 27; unde magnæ cala-

mitates, etiam Æneæ; et verendum erat, ne odii illius vis etiam ad Cæsares aliquando redundaret; hinc illa averruncandi formula, *Ah! nolim* etc.—De *Assaraco* vide versum 34.

125—332. Argumentum a veris suavitate.—*Nitere* de læto colore et jucunda facie terræ verno tempore: Plautus Truc. II, 4, de puella: «Ver » vide; ut tota floret! ut nitide ni » tet! » Confer et infra V, 207. De herba, *nitere* est XV Metam. 202; Horat. I, Ep. x, 19.—*Remissus*, qui remittit, relaxat sinum suum, quem frigus contraxerat. Cum sqq. confer III, 238—240.—*Tumido* etc. ut Virgilius, Ecl. VII, 48: « læto turgent » in palmitē gemmæ, » idemque Georg. II, 363: « se lætus ad auras » Palmes agit. »—De *continuata* vide versum 60.—*Vere monet* etc. A III Iduum Novemb. ad VI Iduum Martii, maria clausa erant, id est, non navigabant veteres, navibus in litus

Ire ; nec hibernas jam timuisse minas.

Rite Deam Latiae colitis matresque nurusque,

Et vos , quīs vittae longaue vestis abest.

Aurea marmoreo redimicula solvite collo :

135

Demite divitias : tota lavanda Dea est.

Aurea siccato redimicula reddite collo :

Nunc alii flores , nunc nova danda rosa est.

Vos quoque sub viridi myrto jubet illa lavari ;

Causaque , cur jubeat , discite , certa subest.

140

Litore siccatat rorantes nuda capillos :

Viderunt Satyri , turba proterva , Deam.

Sensit , et opposita textit sua corpora myrto.

subductis. Vere redeunte , siccās carinas machinae trahebant in mare ; Horatius , I Od. iv , 3. Et quia Venus e mari orta , propterea imperium quoddam in mare ei tribuebatur. — Tempestates etiam Virgilius *minas caeli et maris* dicit.

133—162. *Festum Veneris et Fortunae Virilis Kalend. Aprilis* ; quod etiam in Calendario vet. memoratur. Hoc est illud ipsum , quod veteres nonnulli docebant , Aprilem a Venere nomen traxisse ; Plutarchus , Numa , cap. 19. — *Quis vittae* etc. Ita meretrices etiam II Trist. 248 , et ex Ponto III , 117 , 54 , circumloquitur. Eae togam gestabant , non *longam vestem* , nempe stolam , vestem matronarum usque ad talos demissam , cujus oram limbus aut instita cingebat ; Tibullus , I , vi , 67 : « Sit » modo casta , doce , quamvis non » vitta ligatos Impediat crines , nec » stola longa pedes. » — Pro *abest* plures codd. *adest* , et Neapolis dubitabat , utrum verius esset ; frustra. Illae enim quibus longa vestis *adest* , non differunt a matribus nuribusque , hoc est honestis matronis. In uno

adeo Kalend. meretrices solae memorantur , quae se sub myrto laverint.

135. De *lotionibus* statuarum divinarum , et ornamentis , quibus illae tectae apud Graecos vide Spanhem. ad Callim. hymn. Pallad. init. Etiam in Calendario Romano plures lotiones ejus generis notatae. De hoc Veneris festo Plutarchus Num. 19 , tantum : *Σύνυσι τῇ θεῷ* : sed addit : *ταῖς καλάνδαῖς ἐπιτεφανωμέναι αἱ γυναῖκες μυστρίν λούονται*. — *Redimicula* , fimbriae aut fasciae e mitra descendentes , quae subter mentum colligari solebant ; Aen. IX , 616. Vide Servium ad Aen. IV , 216. — Male MSS plures *tota juvanda* aut *levanda* , et mox *levari* pro *lavari*. — *Divitiarum* , ornamenta pretiosa , quibus Veneris statua locupletata fuisse videtur ; confer Lenzium.

139. *Sub myrto* male cepit interpretes Gallicus ; vertit enim : *un raisseau , que le myrte couronne*. Immo , myrto coronatae lavabantur , ut e Plutarchi dicto loco apparet. — *Siccare capillos* solemne negotium Deorum marinarum , etiam aliarum post lotionem. — *Opposita* ; Heinsius e



Tuta fuit factō; vosque referre jubet.  
 Discite nunc, quare Fortunæ tura Virili  
 145 Detis eo, calida qui locus humet aqua.  
 Accipit ille locus posito velamine cunctas;  
 Et vitium nudi corporis omne videt.  
 Ut tegat hoc, celetque viros, Fortuna Virilis  
 Præstat; et hoc parvo ture rogata facit. 150  
 Nec pigeat niveo tritum cum lacte papaver  
 Sumere, et expressis mella liquata favis.  
 Quum primum cupido Venus est deducta marito;  
 Hoc bibit: ex illo tempore nupta fuit.  
 Supplicibus verbis illam placate: sub illa  
 155 Et forma, et mores, et bona fama manet.  
 Roma pudicitia proavorum tempore lapsa est:

primo Ambrosiano, Læti et novem aliis *apposita* dedit. Sæpe hæc duo verba inter se permutata sunt a librariis, ut III, 770; et interdum perinde est, utrum præferas; sed arbor, post quam quis latere vult, non bene *aponi* dicitur. — *Referre*, re-petere, ut I, 618; II, 512.

145. *Fortuna* sub variis cognominibus Servius rex plura templa posuit, *Virili* unum in ripa Tiberis: Plutarchus, Quæst. Rom. tom. VII, p. 135; Dionysius Halicarn. IV, 27. Anco Martio consecrationem illius templi Plutarchus de Fortuna Roman. p. 265, tribuit. — Mox dubites, utrum *calida* an *gelida* præferas, quum non constet, quo loco illa lotio facta sit. *Calida* debemus Hein-sio, qui sic ex Ursin. Mazar. prim. Farnes. et duodecim aliis maluit. — Sed *accipit* melius est, quam aliorum *adspicit*. *Accipere* nos locus dicitur quem adimus. — Pro *parvo*, Heins. suadet *parco*; vide II, 538.

157. De *Veneri Verticordia* obiter.

Anno u. c. 639, M. Acilio Balbo, M. Porcio Catone coss. Elvia virgo, Elvii, equitis Romani filia, equo vehens fulmine icta est, ut non modo ipsa cum equo expiraret, sed et utriusque corpus nudum, omnibus tegumentis et ornamentis disjectis, reperiretur. Vates consulti responderunt, eo infamiam virginum Vestalium, equitumque Romanorum portendi; et mox servus quidam indicavit, Vestales tres, Æmiliam, Liciniam et Martiam, diu jam consuetudinem cum equitibus quibusdam incestam habuisse. Patres inde non supplicia modo ab illis sumserunt, sed et libros Sibyllinos consuli iusserunt. Ii vero monebant, ut mali avertendi causa, primum peregrinis quibusdam Diis duo Græci totidemque Galli vivi defoderentur, deinde *Veneri Verticordia* simulacrum consecraretur, quo facilius mulierum mentes a libidine ad pudicitiam converterentur. Simulacrum dedicavit Sulpicia, Fulvii Flacci uxor, quæ

Cumæam, veteres, consuluistis anum.

Templa jubet Veneri fieri : quibus ordine factis,

Inde Venus verso nomina corde tenet.

160

Semper ad Æneadas placido, pulcherrima, vultu

Respice; totque tuas, Diva, tuere nurus.

Dum loquor : elatæ metuendus acumine caudæ

Scorpios in virides præcipitatur aquas.

Nox ubi transierit, cælumque rubescere primo

165

Cœperit, et tactæ rore querentur aves;

Semustamque facem vigilata nocte viator

omnibus aliis sanctitatis laude antecellebat; vid. Plutarch. Quæst. Roman. tom. VII, pag. 144; Plinius, Hist. Nat. VIII, 35; Valerius Maximus, VIII, 15; Julius Obsequens cap. 97; Orosius, VI, 12.

*Roma... lapsa est*, Romani aut Romanæ a pudicitia lapsæ sunt; mores eorum corrupti sunt ad libidinem. *Labi* de rebus, quæ in deterius mutantur; Cicero, Leg. II, 15: *mores lapsi ad mollitiem*; Livius præfat. « labente paulatim disciplina, » et paulo post: « ut mores magis magisque lapsi sint. » Neque *labi a pudicitia* vitiose dictum; Plinius, V, Epist. 10: *ab hoc archetypo labor et decido*. Sic igitur ferri hæc lectio potest. — Multo minus offendere quemquam debet apostrophe, quæ est in voce *veteres*. Burmannus vero fatetur, nescire se, quo illud *veteres* referendum sit, nec sibi intelligi antecedentia *Roma* etc. Quum igitur est a libris quibusdam absit, suadet: *Roma, pudicitia... lapsa, Cumæam haud temere consuluistis anum*. Namque *Roma consuluistis* eleganter et ex more Ovidiano esse dictum pro: Romani consuluistis. Ego vero elegantiam illam non intelligo, atque conjectura *haud temere* temeraria

mihi videtur. — De *Cumæa anu* vide ad XIV Met. 101. — *Jubet*, nempe Sibylla. — *Ordine*, rite. Cæterum Pausanias Bæot. cap. 16, pag. 742, perantiquum signum Veneris Apostrophiæ memorat, additque, eam sic dictam, ut homines a libidine in-concessa impurisque factis averteret.

163. *Occasus Scorpii matutinus*. Occidere cœperat jam ad diem XVII Kal. Aprilis; vide III, 711. De hoc sidere accommodate ad scorpii animalis naturam loquitur. Cauda enim ejus elata in curvatam cuspidem desinit, et semper in motu est, ne quando desit occasioni; Plinius, XI, 25. Etiam II Metam. 199: *vulnera curvata minitatur cuspide*. — Pro, hoc ipso die, maluit varietatis causa, *dum loquor*.

165. IV Nonar. *Pleiadum occasus vel heliacus, vel vespertinus*. Illud vult Neapolis, hoc Taubnerus, qui heliacum post tertium demum diem fieri contendit. — *Pleiades*, latine *Vergiliæ*, septem stellæ in dorso Tauri, Atlantis filiæ; Hyginus, fab. 192.

*Nox... opus*. Pluribus tempus matutinum designat. — *Queri de cantu avium*; Horat. Epod. II, 26, *Queruntur in silvis aves*. Etiam de molli et suavi tibiæ sono dicitur; Lucre-

Ponet; et ad solitum rusticus ibit opus :  
 Pleiades incipiunt humeros relevare paternos ;  
 Quæ septem dici, sex tamen esse solent. 170  
 Seu quod in amplexum sex hinc venere Deorum ;  
 Nam Steropen Marti concubuisse ferunt ;  
 Neptuno Halcyonen, et te, formosa Celæno ;  
 Maian, et Electran, Taygetenque Jovi.  
 Septima mortali Merope tibi, Sisyphe, nupsit : 175  
 Pœnitet; et facti sola pudore latet.  
 Sive quod Electra Trojæ spectare ruinas  
 Non tulit; ante oculos opposuitque manum.  
 TER sine perpetuo cælum versetur in axe ;  
 Ter jungat Titan, terque resolvat equos : 180

tius, IV, 588; Horatius, III, Od. VII, 30.—De *facibus* viatorum vide ad II, 500. — *Humeros* etc. Atlas, Pleiadum pater, humeris gestat cælum. Ubi igitur filiæ occidunt, paterni humeri relevantur. Contra, quum novum sidus cælo additur, *Atlas sentit pondus*; IX Metam. 273. Quæ jam de nominibus et numero Pleiadum memorantur, in iis consentit Noster cum reliquis mythologis et astronomis; vide Hyginum, fab. 192; Poet. Astr. II, 21, et, quæ ad priorem locum Munkenus collegit. Hyginus ipse: « Nec unquam ullius oculis certum est, sex an septem existimentur. » Schol. Pindari ad Nem. 13, ait κατὰ τὴν ἱστορίαν esse septem, sed κατὰ τὴν ὁπώραν sex. Inde hoc sidus etiam ἰσχυρῶς dictum. Omnes porro dubitabant, obscurata stella Electra esset, an Merope.—*Sterope* nonnullis *Asterope* scribitur. — *Quod Trojæ spectare ruinas non tulit*, aut, quod, moriens Ilii excidium, a choreis sororum se removit, atque in circulo

Arctico passis capillis constitit, unde ei Cometæ nomen inditum; Hyginus. — Pro *opposuit* hic quoque tres MSS *apposuit*.

179–372. *Megalensia* aut *Megaleisia* in honorem Matris Deum *pridie Non.* Hic primum sacra illa describit 181–188; tum a musa edoctus originem rituum in illis repetit, 189–244; post, unde cultus Deæ apud Romanos venerit, enarrat 247–349. Adduntur alia nonnulla de ritibus 350–372. De Matre Deum ejusque cultu confer Lucretium, II, 598–623; Virgil. *Æneid.* III, 104; VI, 785; X, 252. Sed loca classica sunt apud Strabonem, lib. X, pag. 466; Diodorum, V, cap. 64; Dionysium Halicarn. II, 19; unde apparet, prætores Romæ ista sacra quotannis instituisse, et Phrygios solos, non Romanos peregriasse.

*Ter... equos.* Ab initio non hoc die, sed pridie Idus celebrabantur, auctore Livio, XXIX, 14, quamquam Neapol. ibi quoque *pridie Nonas* scribi vult. — *Cali* *versationem*



Protinus inflexo Berecynthia tibia cornu

Flabit; et Idææ festa parentis erunt.

Ibunt semimares, et inania tympana tudent;

Æraque tinnitus ære repulsa dabunt.

Ipsa sedens molli comitum cervice feretur

185

Urbis per medias exululata vias.

Scena sonat, ludique vocant: spectate, Quirites;

Et fora Marte suo litigiosa vacent.

aut inversionem et alii poetæ habent ad temporis decursum notandum; *Æn.* II, 250: *Vertitur interea cælum*. Vide Heynii Excurs. II.—*Perpetuum axem* Noster etiam currui tribuit *XV Metam.* 522.

181. In medium festi strepitum nos rapit.—*Idæa Parens* aut *Mater passim* vocatur. Lucretius, dicto loco: « Hanc variae gentes antiquo » more sacrorum Idæam vocitant » matrem. » Sed *Ida* mons et Cretæ et Trojæ; nec satis constat, ab utro sit dicta. Etenim aut in Cretam sacra ejus Dactyli Idæi transtulerunt e Phrygia, aut Phryges acceperunt religiones illas a Curetibus ex Creta. Omnino Cretenses et Phryges communes habuerunt origines. Vide Heynii Excurs. V ad *Æneid.* III. Sed eadem et in *Berecynio*, Phrygiæ monte colebatur, unde et ipsa *Berecynthia mater*, *Æneid.* VI, 785, et *Berecynthia tibia* in sacris ejus adhibita; Horatius, IV, Od. I, 24. Ea erat tibia Phrygia, inventa a Mida rege, incurva, cornu addito; quo sonus ejus augebatur; XI. Met. 16; Horatius, I, Od. XVIII, 13, *Berecynthia cornu*. Sonus ejus erat acer et veluti pungens, unde vers. 341, *furiosa* vocatur. Vide Vulp. ad Catullum, LXII, 22. — *Semimares*, Galli, sacerdotes exsecti; vide vers. 242.—Ab iis et *tympana*, orbes in-

teni corio maxime bobulo, (hinc vers. 342 *taurea terga*) manibus tundeantur, unde sonus raucus, et æra ære, cymbala concava inter se, concutiebantur, quæ *tinnitum* acutum dabant; vide Bentleium ad Horatium I, Od. XVI, 8. Sonum et vim horum instrumentorum bene expressit Lucretius II, 618–620. Eadem in sacris Bacchicis adhibebantur; III Metam. 532 sqq. Et omnino multæ religiones utrique numini communes.

185. Vir Phrygius et mulier Phrygia circumferebant Cybeles signum, (Dionysius, II, 19), idque a turba concursante cum *ululatu*, *ἰαχῇ*, *ᾠδῇ*, furibundo clamore, excipiebatur; Herodianus, I, x, 5. Signum autem erat ipse ille lapis, quem Attalus miserat, inclusus muliebris oris argento; Arnob. p. 253; Prudent. Perist. X, 156; de quo lapide vide ad vers. 276.—*Mollem* cervicem Lenzius eo refert, quod Galli semimares vers. 243, *molles ministri* dicuntur. Potest et naturam cervicis exprimere; vers. 342 *molles manus*. — De ludis scenicis consentit et Livius, XXIX, 14, et XXXVI, 36, ubi *hos primos scenicos* fuisse monet. — *Marte suo*, disceptationibus forensibus. Hæc quoque postrema concursationem et studia populi bene notant.

Quærere multa libet : sed me sonus æris acuti

Terret , et horrendo lotos adunca sono.

190

Da , Dea , quas sciter , doctas , Cybeleia , neptes.

Audit ; et has curæ jussit adesse meæ.

Pandite , mandati memores , Heliconis alumnæ ,

Gaudeat assiduo cur Dea magna sono.

Sic ego : sic Erato ; mensis Cythereius illi

195

Cessit , quod teneri nomen amoris habet :

Reddita Saturno sors hæc erat : optime regum ,

A nato sceptris excutiere tuis.

Ille suam metuens , ut quæque erat edita , prolem

Devorat ; immersam visceribusque tenet.

200

Sæpe Rhea quæta est toties secunda , nec unquam

Mater , et indoluit fertilitate sua.

Jupiter ortus erat : pro magna teste vetustas

Creditur : acceptam parce movere fidem.

189. *Quærere* e Dea , ut in libris superioribus , e Jano , Marte et Venere. — *Lotos* , tibia e loti , Libycæ inprimis , arundinibus. Vide Gronovium , Observat. IV , 15. In illo strepitu bene sibi consulit poeta. — *Neptes* , Musæ , nam Cybele eadem , quæ Rhea , Jovis mater. Uthic *doctæ neptes* , sic V Metam. 255 , Musæ , *doctæ sorores*. — *Cura* , cupido cognoscendi causas illorum rituum. — *Cybeleia* a monte Phrygiæ , qui et *Cybelus* , et *Cybele* , et *Cybelon* scribitur ; notissimus fuit Matris Deûm religione. Vide Hemsterhus. ad Lucianum , tom. I , pag. 308 sqq , edit. Bipontinæ.

195. *Erato* a Virgilio , Æn. VII , 37 , pro quacumque Musa invocatur ; sed Noster de industria eam elegit , ejusque delectus causam reddit probabilem. Propter *nomen amoris* eamdem et Art. Amat. II , 16 , sibi

adesse vult. — *Sortem* illam Cæli et Terræ , antiquissimorum vatum , qua fatale *Saturno* erat a filio domari , habet Hesiodus Theog. 464 ; confer Apollodorum , I , 1 , 3. — *Excute sceptris* , ut XV Metam. 524 , *excute curru*. — *Immergere* , *demergere* , *mergere* , solemnia de cibis , qui devorantur ; vide ad VI Metam. 646. Devoravit autem Saturnus Vestam , Cererem , Junonem , Plutonem , Neptunum.

203. I Metam. 400 : « Quis hoc » credat , nisi sit pro teste vetustas ? » ubi adi not. — *Magna* , gravi. Sic Heinsius ex uno Patavino ; Krebsius stat pro vulgat. *magno*. — *Fides* etiam id , quod facit , ut aliquid pro vero habeamus , inde hoc loco , traditio. — *Ea movetur* , quando dubia redditur. — *Parce* , noli. — *Veste...* *sed* ; in re nota usus est summa brevitate. Pro Jove Rhea saxum ei ob-

Veste latens saxum cælesti viscere sedit :

205

Sic genitor fatis decipiendus erat.

Ardua jamdudum resonat tinnitibus Ide,

Tutus ut infanti vagiat ore puer.

Pars clypeos sudibus, galeas pars tundit inanes :

Hoc Curetes habent; hoc Corybantes opus.

210

tulit, quod ille devoravit. Sed poeta pro antecedente posuit consequens, *viscere sedit*; *viscere* Heinsius ex uno Zulich. dedit; sed Mitsch. vulgatum *guttur* revocavit. Mihi vero Saturnus parum placet, cui lapis, ut os lupo apud Phædrum, *guttur* sedet; Krebsius putat, *guttur sedit* simpliciter esse, devoravit. At *sedere* notionem durationis involvit. Si quid mutandum esset, equidem cum Mazarinæo et duobus aliis *gurgite* præferrem. Cum *gurgite* enim non male componitur venter, qui tot jam liberos hausit. Sic *vorago ventris* VIII Metam. 843. — *Veste latens saxum* Hyginus, fab. 139, *lapidem involutum* vocat, Græci λίθον ὑπὸ γαστρὶ καμμένην. Præverat Hesiodus Theog. 485. Nomine proprio lapis ille dictus βραχίονος et *Abadir*. Vide Burmannum.

207. De Jovis patria disputabant veteres, quum et Cretenses et Arcades ejus natales ad se traherent, quin et Phryges in certaminis societatem venirent. Ne Cretenses quidem de monte consenserunt; namque aliis in Dicta, aliis in *Ida* natus dicebatur; unde mox Dictæus, mox Idæus vocatur. Fluctuat etiam Callimachus hymno Jov. IV, 6. Hanc litem nonnulli ita dirimere voluerunt, ut Jovem in Dicta natum, in *Ida* educatum esse contenderent. Et jam apud Hesiodum Theog. 482, primum absconditur in antro Lycti, deinde educatur in Ægeο, qui fuit

collis montis Idæi. Sed et ambiguitas vocis *Ida* magnam in omni hac fabula confusionem peperit. Vide Spanhem. ad Callim. dicto loco. — *Jamdudum*, continuo.

210. *Curetes* nonnulli eosdem cum *Corybantibus* et Idæis Dactylis faciebant, alii pro cognatis habebant. Vide quos Spanhem. ad Callimachum hymn. Jov. vers. 52, et Munckerus ad Hygini fabul. 139 laudant. Eorum historiam Epimenides Cretensis carmine complexus erat. Primi armatam saltationem instituerunt, quam Græci πυρρίχην vocant: Dionysius Halicarn. II, 70; VII, 72; Strabo, X, p. 466; Callimach. hymn. Jov. 52, ibique Spanh. — *Clypeos* ἡνὶ δόρατι, ἐγχειρῖδις, *hastis* pulsasse Apollodoro I, 1, 3; Dionysio, II, 70; Hygino fab. 139 dicuntur. Apud Nostrum dubia est lectio: olim vulgabatur *clypeos manibus*, quod ferri non potest; *manibus* enim tympana potius pulsabant. Mazar. et Zulich. *rudibus*, quod Burmannus recepit, quia, ut veteres clypeos gladiis soliti sint pulsare in veræ pugnæ prolusione, ita credibile sit Corybantas in simulacro pugnæ *rudēs* sive hebetes enses adhibuisse. Sed potuere et *sudibus* uti, quæ arma antiquissimorum hominum seriore tempore in exercitiis bellicis et ludicris certaminibus usurpabantur: vide Cortium ad Sallustii Bellum Civile LVI, 3. Et *sudibus* habent non modo MSS, prim. Am-



Res latuit patrem; priscique imitamina facti,

Æra Deæ comites raucaque terga movent.

Cymbala pro galeis, pro scutis tympana pulsant:

Tibia dat Phrygios, ut dedit ante, modos.

Desierat; cœpi: Cur huic genus acre, leones,

215

Præbent insolitas ad juga curva jubas?

Desieram; cœpit: Feritas mollita per illam

Creditur: id curru testificata suo est.

At cur turrita caput est ornata corona?

brosianus, Læti, unus Vaticanus, sed etiam Lactantius, Inst. I, 21 ubi hos versus laudat. Hoc ergo prætuli. — *Inanes*, non capiti impositas.

211. Res mansit, tantum instrumenta sunt mutata. Lactantius, Inst. XXI, 39: « Quidquid est gestum in » abscondendo puero, id ipsum per » imaginem geritur in sacris. » Vide tamen et Lucretium, II, 640 sqq. Taubnero non displicet cum multis MSS et Lactantio, *Res latuit priscique manent imitamina facti*. Sed *patris* mentio hic male desideraretur; ejus enim fallendi causa res instituta. Tum facile subintelligi potest, quæ sint *imitamina*, ad imitationem. Hoc elegantius, quam alterum IV Metam. 445: « Pars alias artes » celebrant, « antiquæ imitamina vitæ, » idque faciunt ad imitationem prioris vitæ. — *Terga*, tympana, quibus rancus sonus. — *Phrygios modos*; Lucretius dicto loco, « Phrygio stimulat » numero cava tibia mentes; » Tibullus, II, 1, 86: « Phrygio tibia » curva sono. » Nullos autem ille sonus modulos habebat. Aristot. Probl. XIX, §. 49. Vide ad XI Metam. 162, ubi *barbaricum carmen* est cantus Phrygius. — De *tibia* illa dictum supra ad versum 181.

215. Insignia Deæ, de quibus con-

sule Pignorii libr. de Magnæ Deûm matris et Attidis initiis. — De *leoni-bus* Lucretius dicto loco: « Hanc ve- » teres Graium docti cecinere poetæ » Sublimem in curru bijugos agitare » leones, » causamque addit hanc: « Adjungere feras, quia quamvis » effera proles Officiis debet molliri » victa parentum. » Aliis Cybele symbolum naturæ videtur, cujus vim *leones* indicent. — *Genus acre*, *leones* dedit Heinsius ex Ursin. uno Vaticano et Nauger. MSS, atque ex edit. Bersm. Prætulerim tamen vulgat. *genus acre leonum*, quod apud Lucretium, V, 860 legitur, unde Ovidius sumsisse videtur, ut Virgilius, Georg. II, 151, *sæva leonum semina* ex eodem III, 741. — *Præbent* dedi cum Mitscherlich. quod etiam Taubnero probabatur, quia interrogatio directa præstat; Heinsius vero e MSS plurimis *præbeat* tamquam mollius, receperat.

219. Magna Mater est Terra, cui curæ *turrigenæ* urbes (Æn. X, 253), quas sustinet, unde et ipsa *turrita* dicitur Æneid. VI, 786; Lucretius dicto loco: « Muralique caput sum- » mum cinxere corona, Eximiis mu- » nita locis quod sustinet urbeis. » Pro *turrita* ante Heinsium vulgabatur *turrisfera*. Sed alterum satis usu-

An Phrygiis turres urbibus illa dedit?

220

Annuit : Unde venit, dixi, sua membra secandi

Impetus ? ut tacui, Pieris orsa loqui :

Phryx puer in silvis, facie spectabilis, Attis

Turrigeram casto vinxit amore Deam.

Hunc sibi servari voluit, sua templa tueri;

225

Et dixit, Semper fac puer esse velis.

Ille fidem jussis dedit; et, Si mentiar, inquit,

Ultima, qua fallam, sit Venus illa mihi.

Fallit; et in Nympha Sagaritide desinit esse,

tatum de hac Dea. Etiam Servius ad Æn. III, 113 : « Quod autem tur-  
» ritam gestat coronam, ostendit  
» superpositas esse terræ civitates,  
» quas insignitas turribus constat. »  
— Tum dubites, an non antiquio-  
rum editorum lectio præstet : *ca-*  
*put est onerata*, quæ *turritæ* conve-  
nire videtur.—*Phrygiis* Heinsio pla-  
cuit ex Ursini libro et uno Vaticano;  
cæteri *primis*.

221. Lubricam de *mutilatione* Gal-  
lorum quæstionem Musæ virgini  
proponit; neque tamen illa dubitat  
eam expedire. Initium fit ab *Atti*,  
puero Phrygio, de quo confer Pau-  
san. Achaic. p. 566; Lucianum de  
Syria Dea 15; Arnobium adv. Gen-  
tes, I, p. 24; V, p. 159 et 184. Car-  
mine etiam celebratus est a Catullo.  
— In MSS quibusdam male *Atthys*  
scribitur. Pausaniæ et Luciano est  
Ἄττις. Hesych. Ἄττις, τὸν λείγοντες Ἄτ-  
την οἱ Λόκωνες. Arnobius nomen de-  
ducit a Phrygia voce *attagus*, hircus.  
Fabula de eo varie narratur. — In  
*facie* ejus consentiunt scriptores;  
fuit ei πάλλος πλῆν ἢ κατὰ εἶδος ἀνδρώ-  
πῃ. Pausan.—*Lydam* eum facit Lu-  
cianus, sive e frequenti illarum gen-  
tium confusione, (confer Neapol.),  
sive, quia Attis, ut Hermesianax in

elegis scripserat, adultus in Lydiam  
migravit, ibique Matris Idææ my-  
steria docuit. — In *silvis* educatus  
est, et a capella nutritus.—Formu-  
lam *vincere amore* comprobatur Hein-  
sius.—*Hunc sibi servari*, hunc absti-  
nere ab amore aliarum, suo cultui  
addictum. De conjuge fida VII Me-  
tam. 735 : *Ego uni servor, ubicumque*  
*est*. — *Templa tueri*, non est : *die*  
*Tempel schützen*, sed ædituum esse,  
ut VIII Metam. 707, 710. Secun-  
dum Lucianum dicto loco, primus  
orgia Rheæ docuit. — *Esse velis* ur-  
banius quam, sis. — *Paer*, castitatis  
notionem nunc habet. In versione  
german. mirum est votum : *O wün-*  
*sche doch immer Knabe zu bleiben!*

228. Heinsius e MSS nonnullis  
dederat, *quam fallam*. Ego revocavi  
*qua*; concubitus, quo *fallam fidem*,  
sit mihi ultimus. Formulæ solem-  
nes jurantium, *si mentiar, si sciens*  
*fallam*.—*Sagaris* id. quod *Sangarius*,  
amnis ex Adoreo monte per Phry-  
giam fluens; Solinus, cap. 43 : « Sa-  
» garis fluvijs, dictus a plerisque  
» Sangarius. » Apud Pausan. et Ar-  
nobium, Nana Sangarii amnis filia,  
mater est Attidis, quem miro modo  
concepit, quum amygdali, ex viri-  
libus Agdestis resectis enatæ, fru-

Quod fuit : hinc pœnas exigit ira Deæ.  
Naĩda vulneribus succidit in arbore factis.

230

Illa perit : fatum Naĩdos arbor erat.  
Hic furit ; et , credens thalami procumbere tectum ,  
Effugit , et cursu Dyndima summa petit.  
Et modo , Tolle faces ; Remove , modo , verbera , clamat :  
Sæpe Palæstinas jurat adesse Deas.

236

Ille etiam saxo corpus laniavit acuto ;  
Longaque in immundo pulvere tracta coma est ,  
Voxque fuit , Merui : meritas do sanguine pœnas.

Ah pereant partes , quæ nocuere mihi !  
Ah pereant ! dicebat adhuc : onus inguinis aufert ;  
Nullaque sunt subito signa relicta viri.

240

ctus in sinum collegisset ; sed et reliqua ab his Ovidianis discrepant.—*Hinc* Heinsius mutavit in *huic*, auctoritate Ursini, primi Ambros. Mazar. et trium aliorum. Nympha fuit una ex Hamadryadibus, quæ una cum arboribus suis interire credebantur ; VIII Met. 761—773. Igitur et hæc, vulnerata arbore, *succiditur ipsa*. — *Arbor fatum erat*, fatum ejus pendebat ab arbore.

233. *Furorem* ei iniecit secundum Pausan. et Arnobium Agdestis, qui ante amore ejus arserat, eo quidem tempore, quo Attis Pessinunte erat, Midæ regis filiam ducturus. — *Palæstinas Deas* Furias intelligi vix dubium est ; earum enim sunt *faces* et *verbera*, scilicet flagella ; sed quaeritur, quo jure sic sint dictæ. Marsus e codice antiquo Julii Cæsaris ostendit, *Palæsten* urbem fuisse Epiri ; in Epiro autem Furias habuisse templum. Equidem vocabulum *Palæstinas* corruptum arbitror ; codices vero non adjuvant nos ad verum inveniendum. Neque facile sit con-

jectura consequi, quo vocabulo furens puer usus sit. Unus Heinsii *Palæstrinas* ; Ambrosian. *Palatinas*. — *Ille etiam*, idem, ponitur quum de eodem plura prædicantur ; sine causa igitur Burmannus *Inde etiam* suadebat. — *Saxo acuto*. Apud Arnobium *testulam* rapit. — *In immundo* etc. Talia fere leguntur de iis, qui humi jactantur ; Æneid. XII, 611 : « Canitiem immundo perfusam pul- » vere turpans. » Ibid. 99 : « Semi- » viri Phrygiæ fœdare in pulvere cri- » nes. » — Et *Attis longa* coma conspicuus erat. — Heinsius sine causa *do in dem* mutavit, quia unus Mediceus *dum* habet. Neque paulo post Burmanno assentior legenti : *dicebat*. *Ad hoc*, aut *ad hæc*, quum hæc diceret. Vulgatum enim rei peractæ celeritatem bene exprimit. Interdum *adhuc* omittitur ; V Met. 294 : « Musa loquebatur. Pennæ sonue- » re » etc. — *Onus*, quidquid gestatur, etiam pars corporis. — *In subito* hærebatur Heinsius, forte quia negationi additum ; suadebat : *subi-*



Venit in exemplum furor hinc, mollesque ministri  
 Cædunt jactatis vilia membra comis.  
 Talibus Aoniæ facunda voce Camenæ 245  
 Reddita quæsi causa furoris erat.  
 Hoc quoque, dux operis, moneas, precor; unde petita  
 Venerit: an nostra semper in urbe fuit?  
 Dindymon, et Cybelen, et amœnam fontibus Iden  
 Semper, et Iliacas mater amavit opes. 250  
 Quum Trojam Æneas Italos portaret in agros,  
 Est Dea sacriferas pæne secuta rates.  
 Sed nondum fatis Latio sua numina posci  
 Senserat; adsuētis substiteratque locis.  
 Post, ut Roma potens opibus jam sæcula quinque 255

*to viro*, quod recte refutatum a Burmanno. Hermesianacte auctore, ipsa mater Attin filium sic mutilavit. Apud Arnobium ipse sub pinu genitalia sibi desecat; hinc Mater Deum in solatium mœroris sui pinum consecrat.

243. *Veniunt in exemplum*, quæ ab aliis imitatione exprimuntur. Heinsius sine causa malebat, *ivit in exemplum*. Alibi, *ire per exempla* aut *ire exemplis*, idem vel pati, vel facere, quod alii; vide ad IV Metam. 430. — *Molles* sæpe cinædi, pathici, nunc semimares. — *Vilia*, quæ vilia ipsis videntur, quia cædunt. Non erat, cur Heinsius *lævia* suaderet. — A Lucretio dicto loco alia hujus mutilationis causa affertur: « Gallos attri-  
 » buunt, quia numen qui violarint  
 » Matris, et ingrati genitoribus in-  
 » venti sint, Significare volunt in-  
 » dignos esse putandos, Vivam pro-  
 » geniem qui in oras luminis edant. »

247. *Cybele Romam deducta*. Confer Livium, XXIX, 11, 14; XXXVI, 36; Valerium Maximum, VIII, xv,

3; Herodianum, I, 11; Arnobium advers. Gentes, VII, pag. 253; et e poetis Silium, XVII, initio. Conf. etiam similis deductio Æsculapii XV Metam. 622—744. — *Petita venerit* plenius quam, arcessita sit; Horatius, I, Sat. iv, 79: « Unde peti-  
 » tum Hoc in me jacis? » — *Ide a fontibus nobilis*; II Met. 218, ubi vide not. — *Iliacas opes*, regnum Trojanum. Hic mirari quis poterat, quod non Æneam secuta sit. — *Quum Trojam* etc. ex Æn. I, 68: « Ilium  
 » in Italiam portans, victosque Pe-  
 » nates, » et vers. 6: « dum infer-  
 » ret Deos Latio. » — *Sacriferas*, quæ Penates et Vestam ferebant.

255. Anno 549, P. Cornelio Scipione, P. Licinio Crasso coss. tempore belli Punici secundi, quum crebrius de cælo lapidatum esset, in libris Sibyllinis id carmen inventum est: « Quandoque hostis alienigena  
 » terræ Italiæ bellum intulisset, eum  
 » pelli Italia vincique posse, si ma-  
 » ter Idæa a Pessinunte Romam ad-  
 » vecta foret. » Hinc patres id cō-

Vidit, et edomito sustulit orbe caput,  
Carminis Euboïci fatalia verba sacerdos

Inspicit : inspectum tale fuisse ferunt :  
Mater abest ; matrem jubeo, Romane, requiras :

Quum veniet, casta est accipienda manu. 260

Obscuræ sortis patres ambagibus errant,  
Quæve parens absit, quove petenda loco.

Consultitur Pæan ; Divûmque arcessite matrem,

Inquit : in Idæo est invenienda jugo.

Mittuntur proceres : Phrygiæ tum sceptrâ tenebat 265

Attalus : Ausoniis rem negat ille viris.

Mira canam : longo tremuit cum murmure tellus ;

Et sic est adytis Diva locuta suis :

Ipsa peti volui : ne sit mora ; mitte volentem :

Dignus Roma locus, quo Deus omnis eat. 270

Ille soni terrore pavens, Proficiscere, dixit ;

gitare, quæ ratio transportandæ Romam Deæ esset, præsertim quum Delphicus quoque Apollo monuisset, magnam victoriam adesse populo Romano. Legati Asiam petentes in itinere oraculum Delphicum denuo consuluerunt, a quo responsum tulerunt : « Per Attalum regem » compotes ejus fore, quod peterent. Quum Romam Deam devexissent, tum curarent, ut eam, qui vir optimus Romæ esset, hospitio exciperet. » Sic Livius, a quo in nonnullis dissentit Ovidius. — *Carmen Euboicum*, libri Sibyllini. Nota erat Sibylla Cumæa ; vide vers. 158. Cumæ autem originem trahebant a Chalcide Euboica ; vide ad Metam. XIV, 155. — *Sacerdos*, Decemviri.

261. *Ambages* sæpe de oraculorum ambiguitate ; vers. 668 ; VII Metam. 761. — Non erat, cur Heins. errant in hærent mutari vellet ; namque et

errare de dubitatione et fluctuatione animi dicitur ; Livius, I, 24 : « in » re tam clara nominum error manet ; » IX, 15 : « Sequitur hunc » errorem alius error, Cursorne Papius » etc. Vide et ad vers. 669. — *De consulto Pæane* modo dictum ad versum 255.

265. *Proceres* illi erant M. Valerius Lævinus consularis, M. Cæcilius Metellus prætorius, Sulpicius Galba ædilitius, et duo quæstorii. — *Attalus*, Pergami rex, quocum propter commune adversus Philippum bellum cœpta jam Romanis erat anticitia, legatos comiter acceptos Pessinuntem in Phrygiam deduxit, sacrumque iis lapidem, quem Matrem Deam incolæ esse dicebant, tradidit ; Livius. — *Phrygiam* Noster latiore sensu ponere potuit, sed, quum Attalum rem negasse Romanis ait, alios auctores secutus est. Nec mi-

Nostra eris : in Phrygios Roma refertur avos.  
Protinus innumeræ cædunt pineta secures

Illa, quibus fugiens Phryx pius usus erat.  
Mille manus coeunt : et picta coloribus ustis

275

Cælestum matrem concava puppis habet.  
Illa sui per aquas fertur tutissima nati ;

Longaque Phryxæ stagna sororis adit ;  
Rhœteumque rapax , Sigeaque litora transit ;

Et Tenedum , et veteres Eetionis opes.

280

ror , miraculum ab eo in hac narratione prælatum.

272. *Nostra eris*, scilicet sic quoque. Quod supra vers. 32 sqq docuit, a Phrygiibus originem suam repetere Romam, id hic repetit. Etiam Herodianus, I, 11, ait, Romanos, propter τὴν συγγένειαν καὶ τὴν αἰσ' Ἀνίτου τοῦ Φρυγὸς ἐς αὐτοὺς διεσχεῖν, facile impetrasse Cybeles simulacrum. Secundum Livium Romanæ naves Matrem deduxerunt ; sed Ovidius eam maluit suæ arboris nave avectam. Respexit autem *Æn.* IX, 80 sqq, ubi Dea *Æneæ*, *Phrygi pio*, quum classe indigeret, pineam silvam sibi sacram dedit, Jovem precata, ut ne naves inde factæ vento ullo vincerentur ; conf. XIII Metam. 535. Et Ida magnum habebat materiæ proventum. *Idæis navibus* etiam Paris vehitur apud Horatium I, Od. xv, 2.—Sæpe *picta* navis occurrat ; hoc loco explicatur, qualis pictura illa fuerit. Nempe ceræ liquefactæ et colore tinctæ penicillo illinebantur navibus ; Plin. XXXV, 41 : « Tertium accessit, resolutis igni » ceris penicillo utendi, quæ pictura » in navibus nec sole, nec sale, ventisque corrumpitur. » — Quid autem Attalus miserit Romanis, narrat Arnobius, p. 253 : « Ex Phry-

gia nihil quidem aliud scribitur » missum rege ab Attalo, nisi lapis » quidem non magnus, ferri manu » hominis sine ulla impressione qui » posset coloris furvi, atque atri, angellis prominentibus inæqualis. »

277. Iter describitur.—Pro *tutissima* Heinsio ex MSS quibusdam *cultissima* placebat, ut a Diis marinis culta esse diceretur. Burmannus conjicit *lætissima*. Ego tueor vulgat. In tot enim tantisque navigationis periculis non mirum est hoc moneari, *tutissimam* fuisse Neptuni favore illam navem ; IX Met. 590 : « tuto » mari decurrere ; » XI, 747 : « Tum » via tuta maris. » — *Longaque* etc. Hellespontus, sic dictus ab Helle, *Phryxi sorore* : III, 870. Ejus sinus quidam non longe ab Ilío litus incurvabat.—Ibi *Rhœteum* et *Sigæum*, duo promontoria cum oppidis cognominibus ; confer XI Met. 197.—Sigæo adversa protenditur *Tenedos* insula, XL stadiis a continente distans ; Strabo, XIII ; Plinius, V, 39.—*Eetion*, Andromaches pater, Theben habebat, a Troade ad austrum versus Adramyttum sitam ; Hom. II. A, 336 ; Z, 395 ; X, 480.—Ante *veteres* cum Taubnero et recepimus, quod Burman. omiserat. Heinsius scripserat *Et Theben*,



Cyclades excipiunt, Lesbo post terga relictæ ;

Quaque Carysteis frangitur unda vadis.

Transit et Icarium, lapsas ubi perdidit alas

Icarus, et vastæ nomina fecit aquæ.

Tum læva Creten, dextra Pelopeïdas undas

285

Deserit ; et Veneri sacra Cythera petit :

Hinc mare Trinacrium, candens ubi tingere ferrum

Brontesque, et Steropes, Acmonidesque solent,

Æquoraque Afra legit, Sardoaque regna sinistris

Prospicit a remis ; Ausoniamque tenet.

290

Ostia contigerat, qua se Tiberinus in altum

Dividit, et campo liberiore natat.

*veteres Eetionis opes* ; sed non credibile est, Nostrum *Tenedum* notissimam fama neglexisse in hoc catalogo. Quum igitur MSS in eo nomine conspirent, nil mutandum.

282. *Carystus* in litore australi Eubœæ insulæ. Ex Hellesponto autem venientibus Eubœa prius adeunda, quam *Cyclades*. — De *Icaro* et *Icario* scilicet mari, vide VIII Metam. 183 sqq. — Pro *lapsas*, plurimi codd. *lassas*, quod Mitscherl. placuit ; Ber-smanno *laxas*, id est, a sole laxatas. Verum *lassitudine* minime victus est Icarus audaci volatu gaudens ; sed *labi* dicuntur, quæ vel intereunt, vel in pejus mutantur. Itaque alæ, quarum ceræ liquefactæ sunt a sole, bene et *dilapsæ* et *lapsæ* dici possunt ; VII Metam. 550 : *dilapsa liquescunt*, putredine dissolvuntur ; XIV Met. 825 : *corpus per auras dilapsum* ; Virgil. Georg. III, 557 : *dilapsa cadavera tabo*. Cæterum etiam Art. Amat. III, 238, pro *lapsas comas* alii *lassas*, alii *laxas* habent. — *Vasta aqua* circumlocutio maris. — *Cythera* insula eo ipso loco, quo Pelopeïdes undæ adeuntur.

287. Nomina Cyclopum etiam Hesiodus Theog. 140, habet, sed tertius ei est *Arges* ; sic et Callimachus, hymn. Dian. 68 ; Apollodorus, I, 1, 2 ; Plinius, XXXV, 36. Qui *Pyræmon* Virgilio Æn. VIII, 425, Nostro *Acmonides* dicitur aut *Agmonides*, id est, Acmonis filius. — *Tingentes* ferra lacu sæpe Cyclopes et fabri inducuntur, ut docet Heinsius ; igitur posthabenda est lectio unius Bononiensis et unius Vaticani, *stingere ferrum*. — Quum non auderent illi fretum Siculum transire, legunt *æquora Afra*. *Legere æquora* æque recte dici ac *legere litora*, contra Heinsium docet Burmannus.

291. *Ostia* Lensius Ostiam urbem intelligit ; sic insolenter locutus esset Ovidius ; Livius, XXIX, 14, de hac ipsa re : « postquam navis ad ostium amnis Tiberini accessisset. » — Idem Lensius verbum *dividit* ad duo ostia refert, quibus Tiberis se exoneravit in mare. Putem, etiam fluvium, qui ex unius ostii angustiis exeat, et jam latius diffundatur, *dividere se in altum* dici posse. Quod nisi voluisset poeta, non addidisset

Omnis eques, mixtaque gravis cum plebe senatus  
Obvius ad Tusci fluminis ora venit.

Procedunt pariter matres, natæque, nurusque; 295  
Quæque colunt sanctos virginitate focos.

Sedula fune viri contento brachia lassant:

Vix subit adversas hospita navis aquas.

Sicca diu tellus fuerat; sitis usserat herbas:

Sedit limoso pressa carina vado. 300

Quisquis adest operi, plus quam pro parte laborat;

Adjuvat et fortes voce sonante manus.

Illa velut medio stabilis sedet insula ponto:

Attoniti monstro stantque paventque viri.

Claudia Quinta genus Clauso referebat ab alto; 305

Nec facies impar nobilitate fuit.

*in altum, nec campo liberiore* (ut I Metam. 41) *natat*. Vide omnino ad versum 330. — Advenienti navi omnem effusam fuisse civitatem obviam, etiam Livius dicto loco narrat; nam Valerius, unus ex legatis, prægressus, actutum Deam in Italia fore nuntiaverat. — *Os*, de ostio fluvii non minus, quam de fonte dicitur; Virgilius, Georg. IV, 292.

297. Studium Romanorum in attrahenda nave copiosius describendum erat, quo magis miraculum in Claudia editum elucesceret. — *Hospita*, peregrina. — *Sitis usserat herbas*; marcidas herbas, quibus succi adempti, describit. Virgil. Georg. I, 77, *urit lini campum seges*, exsiccatur. — *Pressa* navigia alias sunt mercibus onerata, ut Virg. Georg. I, 303; nunc potius impressa limo, hærentia in limo; sic *pressum aratrum* alibi, impressum. Heinsius e MSS quibusdam *fessa*, et e conjectura sua *prensa*, malebat. Immo vulgat. huic loco accommodatissimum. — *Quam*

*pro parte*; Liv. VII, 7: « plus sibi, » quam provirili parte, adnitendum » scirent. » Vide Bauer. ad præfat. p. 2. — *Monstrum*, mira res prodigii vim habens.

305. Locus satis moratus sequitur, idemque singula diligenter persequitur. — *Atta* aut *Attus Clausus*, quinto a regibus ejectis anno, Regillo in Sabinis Romam migravit, ubi inter patres lectus est; tum *Appio Claudio* ei fuit nomen; Livius, II, 16. — *Alli* et antiqui et nobiles dicuntur. — *Referebat*, repetebat. Erat Appii Cæci neptis, ut docet Abram. ad Ciceronem pro Cælio, 14. Virgo e *Clausorum* gente etiam infra V, 155, occurrit. — Vocabula *par* et *impar* etiam ablativo jungi, docet Burmannus. Quæ de *Claudia Quinta* hic narrantur, ea et Livius, dicto loco attingit: « Matronæ primores » civitatis, inter quas unius Claudiae » Quintæ insigne est nomen, signum » accepere: cui dubia, ut traditur, » antea fama, clariorem ad posteros

Casta quidem ; sed non et credita : rumor iniquus

Læserat , et falsi criminis acta rea est.

Cultus , et ornatis varie prodisse capillis ,

Obfuit ; ad rigidos promptaque lingua senes.

310

Conscia mens recti famæ mendacia risit :

Sed nos in vitium credula turba sumus.

Hæc ubi castarum processit ab agmine matrum ,

Et manibus puram fluminis hausit aquam ,

Ter caput irrorat , ter tollit in æthera palmas ;

315

Quicumque adspiciunt , mente carere putant :

Submissoque genu , vultus in imagine Divæ

Figit , et hos edit , crine jacente , sonos :

Supplicis , alma , tuæ , genitrix fecunda Deorum ,

Accipe sub certa conditione preces.

320

Casta negor : si tu damnas ; meruisse fatebor ;

Morte luam pœnas iudice victa Dea.

» tam religioso ministerio pudici-  
» tiam fecit. » Pudicitia ejus etiam a  
Cicer. Harusp. 13 memoratur , et  
a Suetonio , Tib. 2 , ubi multa de  
ejus gente. Cum sqq confer Silium ,  
XVII , 33. — *Læserat* famam ejus ,  
infamiam contraxerat ; Horatius , I ,  
Sat. iv , 78 : *lædere gaudes*. — *Ag-*  
*ream* , accusari.

309. *Varietas* illa ornatus erat a  
positu capillorum ; II Metam. 412 :  
*positu variare comas* ; Medicam. Faci-  
eiei , 19 : *odoratos positu variare ca-*  
*pillos* ; II Amor. viii , 1 : *Ponendis*  
*in mille modos perfecta capillis*. Hæc  
adversantur alteri lectioni , quam  
hoc loco nonnulli habent , quamque  
Taubnerus laudat , *ornatos varie fu-*  
*disse capillos*. Etiam *prodire* in pu-  
blicum maxime ad rem pertinet ,  
quum castæ mulieres fere essent do-  
misedæ. — *Prompta* , præceps , libera  
et ad quælibet expedita ; Livius ,

XXII , 44 extr. « Videret , ut qui-  
» bus lingua tam prompta ac teme-  
» raria , æque in pugna vigerent  
» manus. » Sallustius Catil. X , 5 :  
« in lingua promptum habere. » Ci-  
cer. Planco , 14 : « et vultu prom-  
» tum habuit et lingua. » — *Ad rigi-*  
*dos* , apud severos. — *Nos turba su-*  
*mus* , ex ironia Socratica , turba est ;  
Horat. I , Ep. II , 27 : *Nos numerus*  
*sumus* ; Art. Poet. « Maxima pars  
» vatum decipimur specie recti. »

314. *Parum* , quod habet vim puri-  
ficandi ; vide I , 338. In rebus puris  
etiam aqua fluvialis propter sanctita-  
tem fluviorum. Aqua autem lastralis ,  
qua Deos adituri caput et vestes  
conspargere solebant , *ros* diceba-  
tur ; I Metam. 371 : « ubilibatos ir-  
» roravere liquores Vestibus et ca-  
» piti ; » ubi vide not. et infra ad vs.  
778. — *Crinis* in collo *jacens* signum  
amentitiæ ; Heroid. XV , 140 : « Illuc



Sed, si crimen abest, tu nostræ pignora vitæ

Re dabis; et castas casta sequere manus.

Dixit; et exiguo funem conamine traxit:

325

Mira, sed et scena testificata loquar:

Mota Dea est; sequiturque ducem, laudatque sequendo.

Index lætitiæ fertur in astra sonus.

Fluminis ad flexum veniunt: Tiberina priores

Ostia dixerunt, unde sinister abit.

330

Nox aderat: querno religant a stipite funem;

Dantque levi somno corpora functa cibo.

Lux aderat: querno solvunt a stipite funem;

Ante tamen posito tura dedere foco.

Ante coronatam puppim sine labe juvencam

335

» mentis inops, ut quam furialis  
» Erichtho Impulit, in collo crine  
» jacente feror; » II Metam. 673,  
de muliere vaticinantis furore correpta,  
» utque vagi crines per colla  
» jacebant. » *Jacentibus* opponitur  
*adstricti* III Art. Amat. 146.

323. *Pignus*, argumentum, signum, quo comprobatur aliquid. — *Vitæ* Gronovius, Obs. II, 21, in *vittæ* mutari volebat, quia *vitta* insigne pudicitiae et erat, et a Nostro I Art. Amat. 33 vocatur. Sed durissimum, meo quidem sensu, *pignus vittæ*. — In paremno illo *castas casta* vis inest. — *Scenicam* fabulam fuisse, qua argumentum illud esset tractatum, ex hoc loco apparet. Acta forsitan Megalesibus. — *Sequitur ducem*, facit, ut navis pareat mulieris trahentis conamini, *laudatque* eam, sequendo dat testimonium pudicitiae ejus. *Laudationes* etiam in judiciis testimonia dicebantur. — *Sonus*, acclamatio adstantium. — *Index lætitiæ*, ut Liv. VII, 37: « Clamor omnium assensus index; » XXIII,

46, « Clamor favoris index. »

330. *Sinister abit* bene dictum, flexus ad sinistram latus relinquit terram et in mare exoneratur. Nempe Tiberis per duos alveos in mare effluit, dextrum et sinistram. Navigantes priscis temporibus cum maxime, qui mare prospectanti *sinister* esset, frequentasse videntur, ita ut hic potissimum *Ostia* diceretur; vide Wernsdorf. ad Rutillii Itin. I, 179. *Tiberina Ostia* tamquam nomen proprium sæpe; XV Metam. 728; Virgil. Æn. I, 14; Plinius, Hist. Nat. III, 6, 12; Pomponius Mela, II, VII, 181. — *Querno religant a stipite*, quum alias saxa perforata, *ῥοῦδς*, ejicerent, atque ab iis funes religarent; Homerus, Il. A, 436. Nota similitudinem, quæ est in versibus 331 et 333.

335. *Coronatam puppim* prætulit cum Mitscherlichio, quia sic quinque MSS, quia vulgat. *coronarunt* et Ambrosiani *coronarum* facile ex illa lectione oriri potuerunt, et quia *coronata puppi* non nisi e conjectura

Mactarunt, operum conjugiiue rudem.  
 Est locus, in Tiberin qua lubricus influit Almo,  
 Et nomen magno perdit ab amne minor.  
 Illic purpurea canus cum veste sacerdos  
 Almonis dominam sacraque lavit aquis. 340  
 Exululant comites, furiosaque tibia flatur;  
 Et feriunt molles taurea terga manus.  
 Claudia præcedit, læto celeberrima vultu;  
 Credita vix tandem teste pudica Dea.  
 Ipsa sedens plaustro porta est invecta Capena; 345  
 Sparguntur junctæ flore recente boves.

Heinsii fluxit. Krebs. defendit *coronantur*. Nostra lectio brevitatis commendationem habet et convenit antecedenti *posito foco*. *Coronari* autem puppis in re læta aut sacra, salvo redditu, die festo solebat; Virg. Georg. I, 304.—*Operum rudis*, nullum jugum passa. — *Conjugium* de coitu; vide ad I Metam. 490 et 660.

337. *Almo*, fluviolus, quem Tiberis recipit prope Romam; XIV Metam. 329, *cursu brevissimus* vocatur. Hunc Cybele Phrygiæ amnibus prætulisse fertur; Claudian. XV, 119. — *Lubricus* omnino annuum epitheton; VI, 238, *lubricus Tiberis*. Adde III Amor. vi, 81.—*Perdit a magno*, perdit propter magnitudinem ejus, in quem influit. *A* sæpe causam indicat. Vid. Ern. Gloss. Liv.—*Canus sacerdos*, Archigallus senex, quem *purpurea veste* indutum fuisse Neapolis docet. — Per *dominam* et *sacra* Neapolis et Taubnerus eandem rem intelligunt, ipsam Deam, ipsum illum lapidem sacrum. Sed *sacra* sæpe sunt, quæ cultui Deorum inserviunt, Diis consecrata sunt.—Ex Ammiano, XXIII, 4, apparet, et simulacrum et carpentum Ma-

gnæ Matris abluisolitus; *lotio* enim illa quotannis repetebatur Phrygio more in Almone, quo Dea essedo vehebatur; Prudentius Perist. X, 156; Silius, VIII, 365. Vide omnino Cluverium Ital. Antiq. II, x, p. 718, ubi et de Almone, et de hoc festo agit. Adde Spanhemium ad Callimachum Pal. init. — *Furiosa*, furorem incutiens.—*Molles manus*; vide ad vers. 185, ubi *mollis cervix* comitum.—*Taurea terga*, tympana.

345. *Capena porta* ea, unde via Appia ducebatur.—*Boves* jungi solebant Matri Deum. Orpheus hym. XIII, 2, ubi *ταυροφόρον ἄμα* ejus.—De *floribus* sparsis Lucretius, II, 627: « Ningunt rosarum Floribus, » umbrantes Matrem comitumque » catervas. — Secundum Livium, XXIX, 14, P. Cornel. Scipio, adolescens nondum quæstorius, quem virum bonorum optimum in tota esse civitate judicarent (ad vs. 255) cum omnibus matronis obvius ire jussus Deæ, signum ejus a sacerdotibus accepit, extulitque in terram. Perlatum est in ædem Victoriæ, quæ erat in Palatio, pridie Idus Aprilis, isque dies festus fuit. Le-

Nasica accepit ; templi tunc exstitit auctor.

Augustus nunc est ; ante Metellus erat.

Substitit hic Erato : mora fit, si cætera quæram.

Dic, inquam, parva cur stipe quærat opes ?

350

Contulit æs populus, de quo delubra Metellus

Fecit, ait : dandæ mos stipis inde manet.

Cur vicibus factis ineant convivia, quæro,

Tum magis, indictas concelebrentque dapes.

ctisternium et ludi fuere, Megalesia appellata. Anno seq. M. Cornelio Cethego, P. Sempronio Tuditano cons. ædem ei faciendam ex senatusconsulto locaverunt censores, quam tredecim annis post dedicavit M. Junius Brutus. Ludi ob eam dedicationem facti, quos primos scenicos fuisse, Antias auctor fuerat ; Megalesia appellata ; Livius, XXXVI, 36. — *Templi exstitit auctor*. Fortasse eo auctore senatusconsultum factum est de templo exstruendo ; Burmannus suadebat : *Templi pater exstitit auctor* ; ut hæc Claudia fuerit filia Claudii Neronis censoris, qui cum collega Livio locavit ædem ; sed proxime, hoc loco, præcessit *Nasica*, non *Claudia* ; Krebsius defendit antiquam lectionem *non perstitit auctor*, non mansit solus. — *Augustus* de se ipse in Mon. Ancyr. « *Ædem* » Matris Magnæ in Palatio feci. » — *Metellum* ; puto L. Metellum Dalmaticum intelligi, an. u. c. 634 cos. eundemque censorem, a quo et porticus et Castoris ædes exstructa. Cæterum de P. Scipione, viro optimo, sacra illa sanctissimis manibus accipiente, vide Ciceronem, Harusp. 13 ; Valerium Max. VII, 5 ; VIII, 15 ; Silium, XVII, 5.

349. Olim edebatur *sic cætera quæro*. Sed hæc potius a librario perfecta videntur, quam elegantiora

illa, *si cætera quæram*. — *Stipem* vir Phrygius et mulier Phrygia, Deam circumferentes, et imagunculas pectori alligatas gestantes, colligebant ; quod proprio verbo *ματρυργεῖν*, de quo vide Ruhnkenium ad Timæi Gloss. pag. 6. Meminit Noster hujus *stipis* etiam I ex Ponto, 1, 40, ubi addit : « Unde tamen vivat, vaticinator habet. » Non adeo *parvam* illam stipem facit Lucretius, II, 626 : « *Ære atque argento sternunt iter* » omne viarum, *Largifica stipe ditantes*. » Sed errat Ovidius, quum inde *dandæ stipis morem mansisse* ait ; etenim *ἀγχιπτεῖν* *σιῶ*, stipem Deo alicui colligere, admodum solempne erat, ut apparet e Ruhnkenii dicto loco.

353. Megalensibus principes civitatis *mutua* inter se convivia agitare solebant, quod verbo proprio *mutitare* dictum ; Gellius, Noct. Attic. II, 24, ubi lex sumtuaria memoratur mutitantibus olim lata. Cato apud Cicer. de Senect. 13 : « *Sodalitates autem, me quæstore, constitutæ sunt sacris Idææ Magnæ Matris acceptis*. » Epulabar igitur cum sodalibus modice. » Vocem propriam etiam hoc loco Heinsius dare volebat, quum *tum magis* in *mutuita* mutaret ; sed Gronovius ad Gellii dict. locum negat hoc adjectivum in usu fuisse. Foggin. ad Ver-



Quod bene mutarit sedem Berecynthia, dixit;

355

Captant mutatis sedibus omen idem.

Institeram, quare primi Megalesia ludi

Urbe forent nostra: quum Dea, sensit enim,

Illa Deos, inquit, peperit: cessere parenti,

Principiumque dati mater honoris habet.

360

Cur igitur Gallos, qui se excidere, vocamus,

Quum tanto Phrygia gallica distet humus?

Inter, ait, viridem Cybelen, altasque Celænas

Amnis it insana, nomine Gallus, aqua.

Qui bibit inde, furit: procul hinc discedite, quīs est 365

Cura bonæ mentis: qui bibit inde, furit.

Non pudet herbosum, dixi, posuisse moretum

rium *mutita* adeo malebat, quia Verrius convivia illa *mutitationes cænarum* vocat. Assentitur Gesenius in Symb. pag. 53; male. Ea enim lectione recepta, verba *vicibus factis* redundarent. Iis ipsis circumloquitur Ovidius mutitationes cænarum. Adde, quod correctio illa hiatum efficit. Tum *magis* intellige, eo festo potius, quam alio tempore. — *Indictas*, ad quas non vocantur, sed quas ipsi convivæ indicunt; vide Burmannum.

357. *Institeram*, institueram, quæ-rere volebam. — *Deos peperit*, nempe sex Deos majorum gentium; Virgilius, *Æn.* VI, 787: « Lætæ Deûm » partu, centum complexa nepotes, » Omnes cælicolas, omnes supera » alta tenentes. »

361. *Se excidere*, virilia sua exsecuerunt. — *Tanto Phrygia pro tantum a Phrygia* recepit Heinsius ex Ursino, Petaviano et alio. *A* abest etiam ab aliis. — *Viridis* epitheton ornans montium; Hor. I, Od. XXI, 8: *viridis Cragus*. — *Celæne* mons

et urbs, caput quondam Phrygiæ, e cuius arce summa Mæander fluvius oriebatur; nec procul inde Marsyas amnis. Fama tenebat, Celænis Marsyam cum Apolline tibiarum cantu certasse; Livius, XXXVIII, 13; Strabo, XII, p. 612. — *It*, decurrit; plenius II Metam. 456, *labens ibat rivus*. — *Gallum*, Phrygiæ fluvium Plinius, XXXI, 5, auctore Callimacho, in iis numerat, qui calculus medeantur. Tum addit: « Sed » ibi in potando necessarius modus, » ne lymphatos agat. » Vibius Sequester de Flumin. « Gallus in Phrygia, unde qui bibit, insanit more » fanatico. » Inde Gallos nomen accepisse, testatur etiam Stephanus Byzantinus ubi de hoc fluvio agit: ἀπὸ λατίου γὰρ τοῦς τιμωμένους τὰ ἑσθία Γάλλους καλοῦσιν.

367. *Moretum*, *μύττωτος*, edulii rustici genus ex allio, apio, ruta, coriandro, bulbo, caseo, oleo et aceto confectum, quo stomachus vellicaretur; vide Scholiast. Aristophan. ad Vesp. 312, et Virgilii Mo-

In dominæ mensis? an sua causa subest?

Lacte mero veteres usu memorantur, et herbis,

Sponte sua si quas terra ferebat, ait.

370

Candidus elisæ miscetur caseus herbæ,

Cognoscat priscos ut Dea prisca cibos.

POSTERA quum cælo motis Pallantias astris

Fulserit, et niveos Luna levarit equos,

Qui dicet, quondam sacrata est colle Quirini

375

Hac Fortuna die Publica, verus erit.

TERTIA lux, memini, ludis erat: at mihi quidam

retum. Etiam Neapolis hoc loco quædam de hoc cibo collegit.—*Sua*, justa aut propria.—*Si quas* non dubitantis est, sed affirmantis pro, quas.—*Elisæ*, contritæ pastillo. Vide Heinsium. In temporis antiqui memoriam multa servata sunt in sacris veterum.

373–388. Hæc quoque ad tempus Megalensium pertinent, ad dies V et VI Aprilis, obiterque res duas narrant olim istis diebus gestas: *dedicationem templi Fortunæ Publicæ*, et *victoriam Cæsaris de Juba*, tum *Libræ imbres* et *Orionis occasum*.

*Pallantias*, Aurora; IX Metam. 420. Ea oriente *diffugiunt stellæ*, II Metam. 114; pro quo nunc *moventur*, scil. statione in cælo expelluntur, ut hostes *moveri* dicuntur quum e castris ejiciuntur; vide Drakenb. ad Liv. X, 4.—*Levare* scilicet jugo, solve. — An. u. c. 549 Sempronius cos. principio pugnae adversus Hannibalem, ædem *Fortunæ Primigeniæ* vovit, eamque decem annis post, *colle Quirinali* sacravit, dedicavit Q. Martius Ralla duumvir ad ipsum creatus; Liv. XXIX, 36; XXXIV, 53; sed Noster etiam V, 720, VIII Kalend. Jun. *Fortunæ Publicæ* templum datum narrat; at-

que ita, et eodem die Kalendarium vetus, ubi FORTVN. PVBLIC. PR. IN COLL. id est, Fortuna Publica Primigenia in colle. Hinc Neapolis conjicit, duas Fortunas intelligi, quarum altera *Publica* tantum sit dicta, altera et *Primigenia* et *Publica*; hujusædem mense Maio esse dedicatam, illius Aprili. Verrius: *Ludi Fortunæ Publicæ citeriori in colle*. Foggin. supplet *citeriori*, idque refert ad *Fortunam*; *Fortunam* autem *citeriorem* intel. eam, quam Plutarchus, Quæstion. Roman. ex voce latina *Brevis Epigra* vertit. — Male *Quirini* Heinsius in *Quirino* censet mutandum, quia sic etiam XIV Met. 836; Horat. II, Ep. 11. — Pro *colle* multi MSS ex melioribus *valle*, quod respuunt, quia et Liv. dicto loco, *collem Quirinalem* memorat, et Festus Rufus de Regionibus Urbis: *ædes Fortunæ Publicæ in colle*. Sed si duæ *Fortunæ Publicæ* cultæ sunt, alterius templum in *valle* esse potuit, alterius in *colle*.

377. Locum seq. bene explicuit Masson. in Vita Ovidii ad an. u. c. 732. *Tertia lux*, dies tertius Megalensium sive 6 dies Aprilis, non autem tertius ab ipsis Nonis. Is erat

Spectanti senior, contiguusque loco,  
 Hæc, ait, illa dies, Libycis qua Cæsar in oris  
 Perfida magnanimi contudit arma Jubæ.  
 Dux mihi Cæsar erat, sub quo meruisse tribunus  
 Glorior: officio præfuit ille meo.  
 Hanc ego militia sedem, tu pace parasti,  
 Inter bis quinos usus honore viros.  
 Plura locuturi subito seducimur imbre:  
 Pendula cælestes Libra movebat aquas.  
 Ante tamen, quam summa dies spectacula sistat,  
 Ensiger Orion æquore mersus erit.  
 PROXIMA victricem quum Romam inspexerit Eos,

380

385

*Iudis*, eo edebantur ludi scenici. Victorie, quæ jam commemoratur, memoria non celebrabatur Romæ. Ovidius tamen commodè eam repetere voluit, itaque figmento ingenioso usus est.—*Contiguus*, pro quo multi *continuus*, bene se habet. Ut *contingere* aliquem propinquitate, amicitia dicimur, sic et *loco*; Claudianus, VIII, 481: *aquas contiguas hostibus*; V, 219: *Parcite contigno hosti*.—*Jubam*, regem Mauritanie fidelissimum partibus Pompeii, et Scipionem Cæsar vicit ad Thapson. Post cladem acceptam Juba magnifice epulatus est cum Petreio, fugæ comite, atque inter pocula se interficiendum ei præbuit; Florus, IV, 2, 69; quamquam rem paulo aliter refert Hirtius Bello Afric. 94. Inde *magnanimus*, fortiter procurrens ad mortem.—*Contudit*, debellavit; Virgilius, Æn. I, 264: *populosque feroces Contundet*; sed sic et historici; Liv. XXVII, 2: *ferocem victoria Hannibalem contudisset*; Tacit. Annal. XII, 31, *prælio contusus*. Plura vide ad versum 628.

383. *Sedem*, non in Quatuorde-

cim, ut Lipsius putabat, hanc enim Ovidius ex equestri ordinis jure obtinuisset, sed in orchestra; quam sedem ipse sibi *paraverat* munere *decemviratus*, quo forte anno ætatis 21 aut 22 functus est. Vigintiviratus erat gradus ad senatum. Inde tres viri erant rerum capitalium, tres signandæ pecuniæ, quatuor viarum curatores, decem judiciis centumviralibus præfecti, atque inde litibus judicandis dicti.

385. Plinius, XVIII, 66: *Cæsari VI Id. significatur imber Libra occasu*; Columella, IX, 2: *IV Id. Aprilis, sole oriente, Libra occidere incipit, interdum tempestatem significat*. Hunc imbrem ingeniose poeta memoravit. — In theatris Romani sub dio spectabant. *Seducimur*, separamur, Heinsius e MSS quibusdam dedit. Sed et alterum *subducimur* defendi potest, si *imbri* legas. — *Pendula* bene *Libra* dicitur. — *Summa dies*, ultima Megalensium, quæ in Kaleudario quodam vetere finiuntur IV Id. — *Ensiger* meliores, ut et II Art. Amat. 55; vulgo *ensifer*.

389-620. *Cereris ludi*. Hunc lo-



Et dederit Phæbo stella fugata locum,  
Circus erit pompa celebrer, numeroque Deorum;

390

cum ita tractat, ut primum ludos ipsos 391-393; tum Cereris merita et cultum, 394-416; tandem raptum Proserpinæ 417 usque ad finem narret. Quum olim vers. 393 ederetur: *Hinc Cereris*, quidam, etiam Taubn. in notis ad Kalend. vetus, putarunt, *Circenses* hos ludos fuisse diversos a *Cerealibus*; illos editos esse per biduum, hinc secutos esse Cereales per octo dies. Verum ita Ovidius non indicasset, in cuius honorem Circenses sint exhibiti. Deinde, satis constat, Cereales fuisse Circenses; Tacitus, Annal. XV, 53: «Circensium ludorum die, qui Cereri celebratur;» idem, cap. 74, decretum, ut «Circensium Cerealium» ludicrum pluribus equorum cursibus celebraretur. » Dio, lib. 47, inter prodigia refert, quod ædiles Cereri, loco Circensium et equestrium, gladiatorios exhibuerint. Ergo et nunc Circenses et Cereales iidem intelligendi. Hac re motus Heinsius *hinc*, quum Ursinus et tres alii *hic* præferant, in *hi* mutavit. Forte sine causa; nam et *hinc* commode potest explicari, ab hoc die, quo circus celebrer pompa, incipiunt ludi Cereris. Scio quidem, in Kalendario quodam veterè ad diem prid. Id. notatos esse *ludos Cereris*, et biduo ante *ludos in Circo*, sed alia Kalendaria nostram tuentur sententiam. Quæritur porro, *quo die* initium horum ludorum fuerit. Plerique intelligunt prid. Idus sive 12 April. quia sic Kalendaria nonnulla, et quia versu 377 *tertiam lucem* non recte ceperunt. Eam rationem Lipsius ad Tacit. Hist. II, 55, eo etiam adjuvari putat, quod ibi, Othone interfecto, *Cereales ludi* non

interrupti, *sed ex more spectati* esse narrantur; mortem autem Othonis incidisse in XII Kalend. Maii, sive diem 20 April. ad quem duraverint illa ludicra. Broterius vero, approbante Ernestio, ad Taciti Annal. XV, 53, e Kalendaris docere conatus est, initium illorum ludorum fuisse XIII Kalend. Maii, seu die 19 Aprilis. Quæ ratio diserte ab Ovidio ipso refellitur. Etenim vers. 621, demum ad *Idus*, et 629, ad *lucem tertiam post Veneris Idus* progreditur. Nos cum Massono vers. 377, *tertiam lucem* tertium diem Megalensium, sive diem 6 Aprilis recte intellexisse nobis videmur. Ergo *proxima hæc Eos* diem 7 Aprilis, VII Idus indicat. Atque huic eidem diei Kalend. unum ludos Cereales assignat.

*Inspicere* etiam ex alto despicere; Æneid. II, 47: *machina inspectura domos*, de equo Trojano.—*Pompam Circensem* diligenter descripsit Dionysius Halicarn. VII, 72. Eam ducebant viri summi a Capitolio per forum in circum. Primi erant eorum filii adolescentuli equis insidentes. Hos sequebantur quadrigarii, bigarii, equorum singularium agitadores, athletæ, saltatorum chori, tibicines, citharistæ, alii. Pompam cgebant plurimorum *Deorum* simulacra, quæ hominum humeris portabantur; inde sane *celebritas* circi. De simulacris Deorum in pompa, locus jucundus est III Amor. 2. Pro *celeber* novem MSS et ed. quædam *celebris*, quod et ipsum rectum esse Burmannus monet. — Regii tres nostri codices habent *celeber*, quæ forma primi casus est usitatior. Ed. — *Ventosi* audacter di-

Primaque ventosis palma petetur equis.

Hi Cereris ludi : non est opus indice causæ :

Sponte Deæ munus , promeritumque patet.

Messis erant primis virides mortalibus herbæ , 395

Quas tellus , nullo sollicitante , dabat :

Et modo carpebant vivaci cespite gramen ;

Nunc epulæ tenera fronde cacumen erant.

Postmodo glans nata est : bene erat jam glande reperta ;

Duraque magnificas quercus habebat opes. 400

Prima Ceres homini , ad meliora alimenta vocato ,

Mutavit glandes utiliore cibo.

ctum , ventos post terga relinquentes ; Silius , XVI , 336.

393. Heinsius e MSS ediderat *indice causa* , eumque reliqui editores secuti sunt. Ego vero priorem lectionem revocavi , quam mens poetæ postulat. Is supra passim Deos invocavit , ut sibi *causas rerum indicarent* , sed nunc *indice* divino hujus *causæ* opus non erat ; *sponte* enim e poetis et mythis Græcorum patebat , cur Cereri ludi fierent ; sic et Krebsius. — *Promeritum* , meritum. — *Patet* plerique codices. Heinsius autem ex uno Mediceo *patent* dederat.

395-400. Alimenta ante Cere-rem. Vulgaris traditio erat , glandibus primos homines esse pastos ; sed nunc poeta , a victu etiam inhumaniore et infeliciore rem repetit ; confer II , 293 ; Amor. dict. loc. et Art. Amat. II , 475 , ubi rem verbo tetigit , dum *herbas cibum* fuisse dixit. Pro *cibo* nunc *messem* exquisitius posuit ; XI Metam. 113 , Midas *arentes Cereris decerpit aristas* : *Aurea messis erat*. Bene igitur Heinsius hoc vocab. e Zulich. et Mazarin. a manu prima , tum Patavino uno et

Francof. pro vulgari *panis* recepit. — *Nullo sollicitante* ; I Metam. 103 , sic *nullo cogente* ; et Virg. Georg. I , 128 , *nullo poscente*. Ut nauta mare *sollicitat* remis , Georg. II , 503 , sic rusticus tellurem *sollicitat* aratro , ibid. 418 ; nam *sollicitare* est sæpius movere. — *Vivax* , qui non facile enecatur aut marrescit. — *Cacumen tenera fronde* , teneræ frondes arborum. — *Bene esse* ei dicitur qui com- mode aut laute vivit ; V Trist. XII , 41 : « Non adeo est bene nunc , ut » sit mihi gloria curæ. » Vide Casaub. ad Persium , IV , 29. Huic bene convenit alterum *magnificas* quod Heinsius male in *munificas* mutari volebat.

400. De hoc merito Cereris confer III , Amor. 20 ; V Metam. 342 sqq ; Virg. Georg. I , 147 : quæ loca omnia , quasi ex composito , ordiuntur verbis *Prima Ceres*. — *Vocavit hominem ad meliora* , quom modum monstravit mitia sibi alimenta comparandi per agriculturam , cujus partem , arationem , mox circumloquitur. — *Mutavit* , permutavit ; doctius et ornatus Virg. Georg. I , 8 : Cereris munere tellus « Chaoniam pin-

Illa iugo tauros collum præbere coegit :

Tum primum soles eruta vidit humus.

Æs erat in pretio ; chalybeia massa latebat :

405

Heu ! quam perpetuo debuit illa tegi !

Pace Ceres læta est : at vos optate, coloni ,

Perpetuam pacem , perpetuumque ducem.

Farra Deæ micæque licet salientis honorem

Detis, et in veteres turea grana focos :

410

Et, si tura aberunt, unctas accendite tædas :

Parva bonæ Cereri, sint modo casta, placent.

A bove succincti cultros removete ministri ;

» qui glandem mutavit arista. » — *Eruta*, versa aratro. — *Soles vidit*; Georg. I, 48 : *solem et frigora sensit*. — Cæterum paulo ante *homini* Heinsius e Mazar. Zulich. Vossian. prim. Ambros. et tribus aliis recepit, quum cæteri *homine* habeant. Idem paulo audacius suadet : *Prima Ceres hominum victu ad meliora vocato*, quia τὰ *alimenta* a tribus abest.

405. *Æneis* tum instrumentis agricolæ utebantur; Hesiodus *Ægy.* 150 : χαλκῷ δ' ἐργάζετο μίλας δ' οὐκ ἔσκε σιδερέος. Ferri Noster præstantissimum genus nominat, a gente *Chalybum* ad Thermodoonta fluvium, dictum; Virgil. Georg. I, 58. — *Debuit tegi*, nempe propter abusum ejus in bello; confer vers. 923 sqq. Sed ante, *ære* sic abutebantur, et ante æs repertum unguibus, pugnis et fustibus; Horatius, I, Sat. III, 101. Scilicet non chalybeia massa in culpa est, sed rabies hominum, sed historiæ stultitia, quæ, quum vastatores terrarum *Magnos* mentiri amet, funestam illam rabiem accendit. — *Pace læta est*, ut, qui aravit, idem metat; Callimach. hymn. Cerer. 138. Vide locum pulcherri-

mum apud Tibullum I, x, 45 sqq. — *At vos dedit* Heinsius ex Arond. Vossian. et tribus aliis, nam reliqui *et vos* exhibent. Taubnerus sic capit: at non pro pace modo, sed et pro ducis perpetua vita vota faciatis. Malim: si cæteri bella serunt, vos saltem coloni etc. *At* eleganter sic cum pronominiibus personæ ponitur; Lælius, III, 17, *at vos veremini Deos vestros*. — *Perpetuum* præstat alteri lectioni *pacificum*, quia Ovidius et alibi optat, ut dux cum pace perennet; I, 289, 721; III, 428.

409-416. Cultus Cereris. *Farra* etc. confer I, 338. — *Veteres focos*; Horatius, Epod. II, 43: *Sacrum vetustis exstruat lignis focum*. — *Tædarum* usus in sacris Cereris, quia ipsa, quum filiam quæreret, tædam accendit. Tres h. l. *faces*. Utrumque Burmann. putat glossam esse ejus, quod Patavin. habet, *pinus*. — *Unctas*, pice oblitās; *Æneid.* VIII, 91: *uncta abies*. — *Parva*, ut Manibus, II, 535. — *Castā*, puro animo oblata. — *Ministri*, popæ, victimarii, qui, quum victimas mactarent, *succincti* esse solebant; vide ad I, 319. — De bove aratore non mactando vide ad



Bos aret : ignavam sacrificate suem :

Apta iugo cervix non est ferienda securi ;

415

Vivat, et in dura sæpe laboret humo.

Exigit ipse locus, raptus ut virginis edam :

Plura recognosces ; pauca docendus eris.

Terra tribus scopulis vastum procurrit in æquor

Trinacris ; a positu nomen adepta loci.

420

Grata domus Cereri : multas ibi possidet urbes,

In quibus est culto fertilis Henna solo.

I, 362. — De *sue*, lib. I, vers. 349.

417. *Raptus Proserpinæ* pars gravissima hymnorum in Cererem, idemque multis carminibus celebratus. Confer V Met. 341 sqq. Nam ibi quoque Noster eum copiosissime cecinit. Antiquissimus auctor fuerat Pamphus, quem hymni Homerici in Cererem auctor secutus esse videtur. Confer et Callim. hymn. Cerer. init. Apollodor. I, v, 1 ; Pausan. I, 38 sqq ; Anton. Liberal. 24 ; Hygin. fab. 146, 147 ; Arnob. adv. Gentes, V, p. 173 sq. Sed in multis illi inter se dissentiunt. Eum raptum putabant allegoricam seminis in terra reconditi significationem habere. Arnobius, V, p. 183.

*Exigit ipse locus*, hac occasione narrandus est mihi raptus. Verum si abesset, non magnopere desideraretur, quum hic de munere tantum et promerito Cereris agatur. — *Edere*, indicare, narrare. Vide ad II Metam. 43. — Mox Heinsius malit, *recognoscis* ; non video quare ; I, 7 : *Sacra recognosces* et paulo post *invenies*. Nonnulli MSS *recognoscens*, quod Burmanno non improbabatur. Immo sunt duo membra divisa.

419. In hym. Homérico in Cerer. 17, Proserpina e campo Nysæ, quod

Carinæ oppidum, rapitur. Vid. et Strabo, XIV, p. 969. Alii in Attica, aut in Cyllene Arcadiæ monte, aut in Creta id factum esse narrabant. Vide Schol. Hesiodi, pag. 303, et Spanhem. ad Callimachum Cerer. 9. Noster hic et Metam. V, *Siciliam* prætulit. Sic plurimi, ut Cicero, Verr. IV, 48, qui e monumentis Græcis huic traditioni fidem addit, et Claudianus. De nomine Siciliæ Plinius, III, 14 : « Sicilia, Sicania » Thucydidi dicta, Trinacria pluribus, Triquetra a triangula specie. » — *Scopuli*, *ἄραι*, promontoria, quæ versu 479 memorantur. — *Positus*, ut alibi *situs*, forma. — *Grata domus Cereri* ; Cicero, dicto loco : « Vetus » est hæc opinio, quæ constat ex antiquissimis Græcorum literis atque » monumentis, insulam Siciliæ totam esse Cereri et Liberæ consecratam. Nam et natas esse has in » his locis Deas, et fruges in ea terra » primum repertas arbitrantur, et » raptam esse Liberam ex Enne-sium nemore. » — *Dii urbes*, in quibus præcipua religione coluntur, possidere, ibique habitare dicuntur. Sic et Ilium *divum domus*, Æn. II, 241. — *Henna* aut *Enna*, quia in media insula sita, *umbilicus Siciliæ*, *ὀμφαλὸς Σικελίας*, dicta. Cic. dicto lo-

Frigida cælestum matres Arethusa vocarat :

Venerat ad sacras et Dea flava dapes.

Filia, consuetis ut erat comitata puellis,

425

Errabat nudo per sua prata pede.

Valle sub umbrosa locus est, adspergine multa

Uvidus ex alto desilientis aquæ.

Tot fuerant illic, quot habet natura, colores;

Pictaque dissimili flore nitebat humus.

430

Quam simul adspexit; Comites, accedite, dixit;

co; Callimach. Cerer. 15; Diodorus Sicul. V, p. 287.—Pro *culto* Neapolis ex suo MS *celso* laudat, quia *Henna* loco excelso sita; Cic. dicto loco; Livius, XXIV, 37; sed τῶν *fertilis* melius convenit *culto*; merito autem poeta ex urbibus Siciliæ *Hennam* potissimum nominavit. *Hennensis* enim *Ceres* per totam Siciliam mira religione, privatim ac publice, colebatur; Cicero, dicto loco.

423. Absente matre rapta est virgo.—De *Arethusa*, *frigido* fonte Syracusarum vide Met. V, 409. Ejus fontis Nympha sacra faciebat Deabus, ut Virgil. Georg. IV, 380, Cyrene Oceano; supra II, 247, Phœbus Jovi; et omnino Dii minores majoribus.—Qui sacra faciunt, *vocare Deos* dicuntur; Horat. I, Od. xxx, 2: *vocans ture te multo*.—Vocati *veniebant ad dapes*, de quibus ad II, 362, dictum.—*Flava* sæpe *Ceres* vocatur a colore maturi frumenti.

425. Locum, unde rapta Proserpina, ex ingenio suo describit V Metam. 385 sqq; e rei natura Cic. dicto loco: « In loco summo est æquata » agri planities, et aquæ perennes. » Tota vero ab omni aditu circumcisa atque dirempta est: quam circa » lacus lucique sunt plurimi, et lætissimi flores omni tempore anni. »

Conf. et Diodor. Sicul. V, p. 287.—Florum genera, quos collegit, recensentur in hym. Homer. vs. 5 sqq. Noster suaviter *colores* vocat, eique voci bene convenit *picta*. Heinsius hic suadet *Tot vernant illic*, et mox, *flore renidet humus*; utrumque perplacuit Taubnero. *Vernare* eleganter quidem sic ponitur; sed MSS invitis omnibus non obtrudendum est auctori, qui simplicius scribere maluit. *Nitere* vero nunc non minus eleganter dictum, quam *renidere*; VI Metam. 65: « In quo diversi niteant quum mille colores; » XV, 202: « herba nitens. » Neque ager tantum cultus *nitidus* dicitur, Cic. Verr. III, 18, sed et in *picturis*, unde nunc sumta verba, alia *nitida* sunt, alia horrida; Cic. Orat. I, 18.—*Dissimilis* varius.

431. Pampho auctore, quem deinceps cæteri secuti sunt, rapta est παῖζουσα καὶ ὄνθη συλλέγουσα. Mores autem et studia comitum bene hic notata, ut V Metam. 391 sq, ipsius Proserpinæ sedulitas.—*Comites* et in hymno Homer. vers. 5, dantur Oceani filiæ, sed vers. 424, Minerva et Diana adduntur, quæ et ipsæ virgines; sic et Diodorus Sicul. V, p. 332; Pausan. Arcad. 31, et alibi; Hyginus d. l. et Claudianus, Rapt.

Et mecum vestros, flore replete sinus.

Præda puellares animos prolecat inanis,

Et non sentitur sedulitate labor.

Hæc implet lento calathos e vimine textos ;

435

Hæc gremium, laxos degravat illa sinus.

Illa legit calthas ; huic sunt violaria curæ ;

Illa papavereas subsecat ungue comas.

Has, Hyacinthe, tenes : illas, Amarante, moraris :

Pars thyma, pars casiam, pars meliloton amant. 440

Proserp. I, 227, et II, 155qq, etiam Venerem memorant. — *Vestros flore* etc. Sic Heinsius ex MSS nonnullis. Cæteri æque bene *plenos flore referte sinus*. — *Præda inanis* jucunde de floribus decerpitis. — *Prolecat* exemplis comprobatur Heinsius e Petaviano et Ursino recepit, quamquam idem et alii quidam voluerunt, in quibus *projectat* legitur. Vulgo *oblecat*. — *Non sentitur* etc. VI Met. 60, *studio fallente laborem*.

435. De *calathis* ad IV Met. 10. In iis etiam Virg. Ecl. II, 46, Nymphæ flores ferunt. — Pro *textos* vulgo *nexos* ; sed *texere viminibus* aut *virgis* formula solemnis. — *Gremium* et *sinus*, ut grammatici docent, ita differunt, ut *sinus* sit inter pectoris et brachiorum, *gremium* inter femorum complexum. — *Laxos sinus* habebant *Saxones*, ut a poetis græcis vocantur, et ipsæ Proserpinæ comites hymn. Homer. vers. 5. Quidam *lapsos*, de qua varietate vid. Heynii Observat. ad Tibul. I, v1, 18. — *Caltha* in floribus passim memoratur, ut Virgil. Eclog. II, 50 : « Mollia luteola pingit vaccinia caltha, » ubi vide Martin. Plinius, XXI, 15, postquam e violis luteis marinam descripsit et calathianam minuto folio, pergit : « Proxima ei

» caltha est concolori amplitudine.  
» Vincit numero foliorum mari-  
» nam, quinque non excedentem.  
» Eadem odore superatur, est enim  
» gravis calthæ. » Esse eam et ipsam e genere violarum lutearum, ibi docet Harduin. — *Violaria*, loca violis consita, nunc ipsæ violæ. — *Comæ*, folia et flores plantarum dicuntur ; Calpurn. Ecl. II, 32 : « At mihi hi Flora comas parienti gramine » spargit, » ubi vid. Wernsdorf. — *Tenere et morari* oblectationis notionem habent. — De *hyacintho* veterum vide ad X Met. 212, ubi de ejus origine ex Hyacintho juvene. — De *amaranto*, flore purpureo, nunquam marcescente, Plinius, XXI, 8. Sed primus Ambrosian. et Læti *Narcisse* ; atque etiam Claudianus, Rapt. Proserp. II, 130, *Hyacinthum* et *Narcissum* propter similem originem conjungit. Itaque et nunc altera illa lectio placere possit, præsertim quum *narcissus* in hac fabula a cæteris poetis diserte memoretur.

440. *Casia*, non Arabiæ frutex hujus nominis, sed herba coronaria nunc intellig. quam Martin. ad Virgil. Eclog. II, 49, Thymelæan esse docet. Hanc *casiam* debemus Ursini libro et Nauger. unde Heinsius recepit. Antea vulgab. *rorem* ; quem



Plurima lecta rosa est; et sunt sine nomine flores:

Ipsa crocos tenues liliaque alba legit.

Carpendi studio paulatim longius itur;

Et dominam casu nulla secuta comes.

Hanc videt, et visam patruus velociter aufert; 445

Regnaque cæruleis in sua portat equis.

Illa quidem clamabat: Io, carissima mater,

Auferor! ipsa suos abscederatque sinus.

Panditur interea Diti via; namque diurnum

Lumen inadsueti vix patiuntur equi. 450

At chorus æqualis cumulatis flore canistris,

Persephone, clamant, ad tua dona veni.

Ut clamata silet, montes ululatibus implent;

Etf eriunt mæsta pectora nuda manu.

admodum Virgil. dicto loco, *casias roremque*, nempe marinum, conjunxit, quamquam Heynius ibi dubitat, an *ros* simpliciter ita dicatur. — *Meliloton*, etiam *sertula campana*, in Campania frequens, sertis conficiendis adhibebatur, et odore et flore similis croco, *προκίτων καὶ ἐνὶ ὄσφρ*; Dioscor. III, 48; Plinius, XXI, 29.

442. *Ipsam* Pamphus tradiderat non violis, sed narcissis deceptam esse; Pausan. Bæot. pag. 773. Sic et auctor hymn. Homer. in Cerer. qui vers. 8—14, narcissi illius pulchritudinem, amplitudinem et odorem describit. Hos duces deseruit Noster hic et V Metam. 392.

445. Cicero dicto loco: « Propter » est spelunca quædam conversa ad » aquilonem, infinita altitudine, qua » Ditem patrem ferunt repente cum » curru exstitisse, abreptamque ex » eo loco virginem secum asportas- » se, et subito non longe a Syracu- » sis penetrasse sub terras, lacum-

» que in eo loco repente exstitisse. » Confer V Metam. 395—408. — *Cærulei*, nigri, *κυανοπράσις* Orpheo. Nomina eorum habet Claudianus Rapt. Pros. I, 282. — *Patru* cor, Venere impellente, Cupido sagitta acutissima vulneraverat, quum Siciliæ fundamina ambiret et exploraret; Metam. dict. loco, 355 sqq. — In hymno Homer. vers. 3, Jupiter eam dat fratri; ibi et multa de *clamore* raptæ. — *Abscederat*, disciderat. Multi, *exsciderat*. Metam. V, 398, *ut summa vestem laniarat ab ora*. — *Namque* Heinsius unius sui cod. auctoritate in *jamque* mutavit.

451. *Æqualis*, æqualium, comitum. Argutatur Neapolis qui ex hoc nomine docere vult, comites ejusdem fuisse ætatis. — *Ad tua dona* bene se habet, ad flores, quos tibi donare volumus. Heinsio vero *ad tua vota* venustum videbatur, quod in primo Ambros. exstabat. — Mox revocavi veterem lection. *mæsta manu*. Taubnero placebat, *mæstæ... manu*,

Adtonita est plangore Ceres; modo venerat Hennam; 455

Nec mora, Me miseram! filia, dixit, ubi es?

Mentis inops rapitur, quales audire solemus

Threicias passis Mænadas ire comis.

Ut vitulo mugit sua mater ab ubere raptō,

Et quærit fœtus per nemus omne suos; 460

Sic Dea; nec retinet gemitus; et concita cursu

Fertur; et e campis incipit, Henna, tuis.

Inde puellaris nacta est vestigia plantæ,

Et pressam noto pondere vidit humum.

Forsitan illa dies errori summa fuisset,

465

Si non turbassent signa reperta sues.

Jamque Leontinos, Amenanaque flumina cursu

quod non satis poeticum. Heinsius de suo scripsit, *mæsta... manus*. — Regii tres *mæsta manu*. Ed.

457. Hymn. Homérico 43, mater divulsis vittis, cyaneoque velamento injecto, *rapitur*, ὥστε οἶκός ἐστι τραπεζῆς τε καὶ ὑγρὴν μακρομένη. Hoc, quod vers. 482 expressum et ornatum est, melius, quam comparatio cum *Mænadibus Threiciis*, quarum furor et jactatio comarum XI Metam. init. describitur. Burmann. hic prætulit *fusis comis*, quod melius, quam *passis*, Mænadibus congruat. Hoc non puto; IV Met. 520, Ino furens *passis fugit male sana capillis*; VI, 531, Philomela insaniens *passos laniat capillos*; V, 513, Ceres *Ante Jovem passis stetit invidiosa capillis*. — *Mugit* etc. Similia Remed. Amor. 183; sonant *silvæ mugitibus altæ*, *Et queritur vitulum mater abesse suum*. Atque etiam hoc loco, unus Vaticanus *queritur*; sed verbo *quærere* inest notio desiderii et doloris e jactura aliqua; II Metam. 239. Desiderium autem illud

matris vitulum quærentis egregie notavit Lucretius, II, 352-365.

463. *Notum pondus*, corpus filię, cujus vestigia matri nota. — *Summa*, ultima. — *Errori* Heinsius non nisi ex uno Zulichemiano dedit. Nauger. *errorum*; cæteri *erroris*. — *Sues* melius poeta omisisset in hac narratione. — *Turbare*, confundere; VIII Metam. 160, Dædalus *turbat notas*.

467-480. Catalogus locorum Sicilię, quę Ceres præterierit. Conf. Virgil. Æneid. III, 687, qui locus paulo ornatius est scriptus. Non autem putandum est, Ovidium justo ordine iter aliquod designasse, aut, quę erat interpretis gallici opinio, serie locorum neglecta, perturbationem animi, qua Ceres erraverit, indicare; sed satis habuit, quod et in Met. opere aliquoties fecit, plura loca memorabilia congerere; Diodorus Siculus, V, p. 288, Cererem narrat ἐπελθὼν ἐπὶ πολλὰ μίση τῆς εἰκουμένης. — *Leontini* aut *Leontium*, urbs in ora maris Siculi inter Catanam et Syracusas; Plinius, III, 14. — *Ame-*

Præterit, et ripas, herbifer Acî, tuas :  
 Præterit et Cyanen, et fontem lenis Anapi;  
 Et te, vorticibus non adeunde Gela. 470  
 Liquerat Ortygien, Megareaque, Pantagienque,  
 Quaque Symætheas accipit æquor aquas,  
 Antraque Cyclopum positis exusta caminis,  
 Quique locus curvæ nomina falcis habet,  
 Himeram et Didymen, Acragantaque, Tauromenonque,  
 Sacrorumque Melan pascua læta boum. 476

*nanus* prope Catanam, de quo flu-  
 vio XV Metam. 279. — *Acis* ex Æt-  
 na profluens undas suas gelidissimas  
 magno cum impetu in mare devol-  
 vit; Plinius, dict. loc. — *Anapus* aut  
*Anapis*, ubi *Cyanen* recepit, in por-  
 tum Syracusarum majorem se exo-  
 nerat; V Metam. 412. — *Gelas* flu-  
 vius, ad cujus ostium Gela urbs; vi-  
 de Dorvil. Sic. p. 129. Virgil. Æn.  
 III, 702: *Immanisque Gela fluvii co-*  
*gnomine dicta*. A vorticibus Phœni-  
 cibus *bela* dictus putatur. Bochart.  
 Chan. I, 29.

471. *Ortygie*, insula, in qua pars  
 Syracusarum sita, ubi et fons Are-  
 thusa; V Metam. 499. — *Megara* aut  
*Megarîs*, quæ et Hybla minor, urbs  
 prope Syracusas ad mare; Stephan.  
*Μεγαρίς ἐν Σικελίᾳ, ἡ πρότερον Ὑβλᾱ;*  
 Plinius, IV, 7. De scriptura nomi-  
 nis vide Pintian. ad Melam, II, VII,  
 152. — *Pangies* aut *Pantagias*, par-  
 vus fluvijs prope Leontinos; Plin.  
 III, 14; Vibius Seq. Cluver. Sic.  
 I, 11; Virgilius, Æneid. III, 689,  
*ostia Pantagiæ, Megarosque sinus*  
*Thapsumque conjungit*. — *Symæthus*  
 (Σύμαθος) fluvijs in orientali Sici-  
 liæ parte ultra Catinam; Strabo lib.  
 VI, p. 272; Plin. d. l. Cluver. I, 10.

473. Etiam Plinius, dicto loco, in  
 parte Siciliæ orientali *Cyclopum sco-*

*pulos* collocat; aliter Homerus. —  
*Exusta*, sicut Horatius, I, Od. iv,  
 8. *Dum graves Cyclopum Vulcanus*  
*ardens urit officinas*. — *Curvæ falcis*.  
 Messana olim Zancle dicta a forma  
*falcata*, quam promontorium habet  
 urbis portum includens ad fretum  
 Siculum; XV Metam. 290. Fortas-  
 se tamen *Drepanum* innuit quum  
 δρεπανον ut ζάγκη falcem denotet,  
 quod antiquum retinebat adhuc no-  
 men. — *Himera*, quam Hannibal di-  
 ruit, in parte septentrionali Sici-  
 liæ ad ostium fluminis cognominis.  
 Revocavi autem *Himeram*, quum re-  
 centiores edd. *Himera* præferrent.  
 Vide Harduin. ad Plinium, dicto  
 loco; Bochart. Chan. I, 27. Possis  
 et *Hieram* legere, quæ fuit, ut *Di-*  
*dyme*, una ex insulis Æoliis ex ad-  
 verso promontorii Tyndarii; Plin.  
 III, 9. — *Acragas*, Agrigentum, in  
 parte meridionali inter Pachynum  
 et Lilybæum, in monte cognomini;  
 Virgil. Æn. III, 703: « Arduus in-  
 » de Acragas ostentat maxima longe  
 » Mœnia. » Libri variant inter *Acra-*  
*gas* et *Aragas*. Vide Heinsium. —  
*Tauromenon*; Plin. dicto loco, *colo-*  
*nia Tauromenium, quæ antea Nazos;*  
 Græcis Ταυρομένιον. Sita in parte  
 orientali infra Messanam.

476. *Melas* fluvijs e finibus Mes-



Hinc Camerinan adit, Thapsonque et Heloria Tempe;

Quaque patet zephyro semper apertus Eryx.

Jamque Peloriaden, Lilybæaque, jamque Pachynon

Lustrarat, terræ cornua prima suæ.

480

Quacumque ingreditur, miseris loca cuncta querelis

Implet; ut amissum quum gemit ales Ityn:

Perque vices, modo Persephone, modo Filia, clamat;

Clamat, et alternis nomen utrumque ciet.

Sed neque Persephone Cererem, neque filia matrem 485

Audit, et alternis nomen utrumque perit.

Unaque, pastorem vidisset, an arva colentem,

Vox erat, Hac gressus si qua puella tulit?

sanensium versus septemtriones profluens. Inde non longe aberant *My-læ*, oppidum, hodie *Milazzo*, in peninsula. Ea regio *pascua* habebat miranda. Hinc *boves sacri* Solis ibi fuisse tradebantur; Theophr. Hist. Plant. VIII, 3; Bochart. Chén. lib. I, cap. 27. De *pascuis lætis* vide Bentleium ad Horat. III, Od. XI, 9.—*Camerina* aut *Camarina* in litore meridionali inter Agrigentum et Pachynum. — *Thapsus* peninsula haud procul a Syracusis sinum Megarensem includens.—*Helorum* oppidum ad ostium *Helori* amnis non procul a Pachyno; Plinius, III, 14, *flumen Elorum*; sed Stephanus Ἐλω-  
*ρῆς*. — *Eryx*; Solinus, cp. 5: «Emi-  
» net Sicilia montibus *Ætna* et *Eryx*  
» ce: *Vulcano* *Ætna* sacer est, *Eryx*  
» *Veneri*. » Mela VI, 7: «Montium  
» *Eryx* maxime memoratus ob de-  
» lubrum *Veneris* ab *Ænea* condi-  
» tum. » — Finem catalogi faciunt  
*cornua*, *ἀκραι*, promontoria, quo-  
rum *Pelorus* Italiam spectat, *Pachy-  
num* aut *Pachinus* Græciam, *Lily-  
bæum* Africam. *Pelorus* scribitur  
etiam *Pelorum*, *Peloris* et *Pelorias*.

Vid. Gronovium ad Melam, II, VII, 143. Heinsius quem deinde alii secuti sunt, *cornua trina* e conjectura Ulitii dedit; MSS omnes *prima*, quod nos revocavimus. Promontoria, quæ longissime in mare procur-  
runt, bene dicuntur *prima* insulæ. Vidit hoc et Krebsius.—Hic, ut fere  
semper, rejiciendæ conjecturæ. Ed.

482. *Itys* Terei et Procnès filius a matre occisus et patri appositus; Metam. VI, 620 sqq. Mater vocatur  
*ales*, quia in hirundinem mutata; ibid. 667. — In seqq. *Perque vices...*  
*perit* ludit ingenium Ovidianum. Repetito verbi *clamat*, in qua nulla vis,  
mihi non placet. Editt. plurimæ, sed invitis MSS, *modo filia*, *mater Clamat*,  
quod Burmannus sequentibus non male convenire putat. Sed si  
poeta hæc sequentibus satis accom-  
modare voluisset, etiam in priore  
hujus versus membro *Cereris* no-  
men ponendum fuisset.—*Ciet*, ex-  
clamat; Livius, XLV, 38: *trium-  
phum nomine ciete*, exclamare Io  
triumphe! — *Perit* nomen, quod non  
auditur. — *Si qua*, an qua. Editt.  
antiq. *cequa*.

Jam color unus inest rebus; tenebrisque teguntur

Omnia : jam vigiles conticuere canes.

490

Alta jacet vasti super ora Typhoeos Ætne,

Cujus anhelatis ignibus ardet humus.

Illic accendit geminas pro lampade pinus ;

Hinc Cereris sacris nunc quoque tæda datur.

Est specus exesi structura pumicis asper ;

495

Non homini regio, non adeunda feræ.

Quo simul ac venit, frenatos curribus angues

Jungit ; et æquoreas sicca pererrat aquas.

Effugit et Syrtes, et te, Zanc læa Charybdi ;

Et vos, Nisæi, naufraga monstra, canes ;

500

Adriacumque patens late, bimaremque Corinthon.

Sic venit ad portus, Attica terra, tuos.

489-494. Etiam in hymno Homérico 48, errat αἰθμίνης δαΐδας tenens, easque λαμπάδας apud Diodor. Sicul. V, p. 288, quoque ἐκ τῶν κατὰ τὴν Ἄετλην προερχομένων accendit, et apud Cicer. dicto loco, *iis ignibus, qui ex Ætnæ vertice erumpunt*. Ibi *tædæ* vocantur, sed hoc loco et Metam. V, 442 *pinus*, et Claudiano, Rapt. Proserp. III, 376, *cupressus*. Hinc *tæda* in Cereris sacris adhibebatur; etenim multi ritus memoriam facti alicujus, mimice illud exhibendo, servabant.—De *Typhoeo*, monstro immani, Jovis fulmine vulnerato, et Ætna monte obruto vide ad III Metam. 303; V, 321, 348. —Pro *anhelatis* Cantabrigiensis *ab elatis*; sed et Æn. VIII, 421, *for nacibus ignis anhelat*. —Paulo ante *canum* non satis commode mentio facta. —Cum altero *color unus* etc. comparari potest Virgillii Æn. VI, 272 : *rebus,nox abstulit atra colorem*.

495-498. De *anguibus* vel alatis, vel non alatis, quibus Ceres vehie-

batur, dictum ad V Met. 642 : vide et Voss. in Epist. mythol. II, p. 123. Apud cæteros auctores iis non utitur in quærenda filia; at nunc *specus* inaccessus et mare locum dant iis adhibendis. — *Pumex*, omnis lapis aut rupes excavata; unde poetis etiam saxa sic dicuntur, quibus Deorum Nympharumque antra constructa; etiam saxa erosa in ædificiis ad imaginem specus arte reddendam; Plinius, XXXVI, 21. *Exesus* solemnne in hac re; Virgil. Georg. IV, 418 : « Est specus ingens Exesi latere in » montis. »

499. De *Syrtibus* ad VIII Metam. 120; de *Charybdi* et *Scylla* ad VII, 63 dictum. Scyllæi nunc vocantur *Nisæi*, quia Scylla Nisi filia; ibid. VIII, initio. — *Naufraga*, ad quæ naufragia fiunt.—De *binari* Corintho ad V Metam. 407.

502. Errantem Cererem in *Atticam*; in Eleusinos quidem agros venisse, in eo consentiunt quos supra laudavi, scriptores. Quamquam

Hic primum sedit gelido mœstissima saxo :

Illud Cecropidæ nunc quoque triste vocant.

Sub Jove duravit multis immota diebus ,

505

Et lunæ patiens , et pluvialis aquæ.

Fors sua cuique loco est : quo nunc Cerealis Eleusin ,

Dicitur hoc Celei rura fuisse senis.

Ille domum glandes , excussaque mora rubetis

Portat , et arsuris arida ligna focis.

510

Filia parva duas redigebat rupe capellas ;

Et tener in cunis filius æger erat.

Mater , ait virgo , mota est Dea nomine matris ,

Quid facis in solis incommitata jugis ?

et alii populi Cereris adventum , sanctionisque principium ad æ traherant , Argivi , Arcades , Siculi . — Prope Eleusinem consedit in saxo sub olea juxta puteum mœstissima . Saxum Cecropidæ vocarunt *Αἰδέσσειον* , (Apollod. Hesych.) quod Noster *triste* interpretatus est . Ad puteum , haud dubie eundem , postea mulieres chorum instituerunt , dixeruntque *Καλλιχαρπον* ; vide Ilgen . ad hymn. Homeric. vers. 99 .

507. A *Metanira* , *Celei* uxore , excipitur etiam in hymno Homérico , 105 sqq , præeunte Pampho ( Paus. I , 39 ) et apud Apollodorum . Alii , ut Hyginus , Eleusinum regem substituant . Etiam Celeum cæteri faciunt regem , Noster rusticum . Secundum Arnobium , Eleusinum agrum tum Triptolemus , Dysaules , Eubuleus et Eumolpus incoluerunt , quorum primus boum jugator , alter caprarius , tertius porcorum custos , quartus opilio fuerit . In hymno Homer. vers. 153 sq , Triptolemus , Dioclus , Polyxemus , Eumolpus , Dolichus et Celeus , procures terræ , nominantur . — *Fors* ad vicissitudines rerum

referenda . — *Eleusinem* urbem Eleusin heros condidit , cujus ætas incerta erat ; Pausanias , Attic. p. 93 . — *Quo... hoc* scilicet loco . — *Dicitur* pro *dicuntur* , quod exemplis comprobatur Heins. qui lectionem hanc e MSS composuit ; nam antea vulgabatur : *Qui nunc Cerealis Eleusis Dicitur , hic Celei rura fuisse senis* . — *Glandes* : vide vers. 399 . — *Excussere* omnino demere , amovere ; Fast. V , 215 : *foliis excussa praina* , nempe radiis solis . — *Rupe pro monte* habent quidem non nisi Ursinus et unus Patavinus ; sed bene Heinsius recepit , quia sæpe apud poetas capellæ *de rupe pendere* , aut *in rupe pasci* dicuntur .

513 sqq . Hæc omnia aliter , sed perquam jucunde priscæque ætatis moribus convenienter in hymn. Homer. 105 sqq , narrantur . Ibi a Celei filiabus ad Metaniram matrem Dea deducitur , ejusque filiolum unicū Demophonta educandum et alendum recipit ; sic et Apollodorus . — *Juga* in agro Eleusino me offendunt . Recepit hoc nomen Heinsius ex Vossiano et nonnullis aliis ; cœ-



Restitit et senior, quamvis onus urget; et orat, 515

Tecta suæ subeat quantulacumque casæ.

Illa negat; simularat anum, mitraque capillos

Presserat; instanti talia dicta refert:

Sospes eas, semperque parens; mihi filia rapta est.

Heu! melior quanto sors tua sorte mea! 520

Dixit: et, ut lacrymæ, neque enim lacrymare Deorum est,

Decidit in tepidos lucida gutta sinus;

Flent pariter, molles animi, virgoque, senexque.

E quibus hæc justî verba fuere senis:

Sic tibi, quam raptam quereris, sit filia sospes: 525

Surge; nec exiguæ despice tecta casæ.

Cui Dea; Duc, inquit; scisti, qua cogere posses.

Seque levat saxo, subsequiturque senem.

Dux comiti narrat, quam sit sibi filius æger;

Nec capiat somnos, invigiletque malis. 530

Illa soporiferum, parvos initura penates,

Colligit agresti lene papaver humo.

teri locis, quod præferendum videtur. Etiam VII Met. 819, *loca sola*.

517. *Simularat anum*. In hymno Homérico sedet γρηὶ παλαιόντι ἐναλγέως. Sic et apud Pamphum; sed apud Hyginum nutricem lactantem simulavit.—*De mitra*, vetularum insigni, ad III, 669.—*Presserat*, texerat. — *Semper parens*, nunquam amittas liberos.

521. *Neque lacrymare* etc. Confer II Metam. 622. Alibi in luctu Deorum lacrymis substituuntur gemitus, hoc loco *lucida gutta*. — *Molles animi*. Homines ut interdum *corpora*, sic et *animi* dicuntur; I, 297: *felices animi*. Male Taubner. hoc loco *animi* pro genitivo haberi volebat, quemadmodum *dubius animi* legitur. Vulgo, *animis*. — *Flent pariter*;

vis sympathiæ. — *Justus*, frequens epitheton senis; Heroid. I, 29; VIII Metam. 704.—*Sic tibi* etc. Precor te per salutem filiæ raptæ, ut surgas. *Sic* ponitur ita in obtestationibus, quibus alteri quo fortius eum impellamus ad aliquid faciendum, grata quædam precamur; Tibullus, II, v, 121: «Adnue; sic tibi sint intonsi, Phœbe, capilli.» Celeus igitur et graviter et humaniter urget Cererem.

531–536. De jejunio diuturno Cereris in illo errore consentiunt veteres. In hymno Homérico primum respuit cibos Metaniræ delicatiores; tum vers. 210, cinnum (Γύχωνα) hibit. Similiter fere V Met. 450, et Arnob. dicto loco, qui e Clemente addit, in Mystarum symbolis fuisse,

Dum legit, oblito fertur gustasse palato,  
Longamque imprudens exsoluisse famem.

Quæ quia principio posuit jejunia noctis,

535

Tempus habent mystæ sidera visa cibi.

Limen ut intravit, luctus videt omnia plena:

Jam spes in puero nulla salutis erat.

Matre salutata, mater Metanira vocatur,

Jungere dignata est os puerile suo.

540

Pallor abit, subitæque vigent in corpore vires:

Tantus cælesti venit ab ore vigor!

Tota domus læta est: hoc est, materque, paterque,

Nataque: tres illi tota fuere domus.

Mox epulas ponunt, liquefacta coagula lacte,

545

Pomaque, et in teneris aurea mella favis.

Abstinet alma Ceres, somnique papavera causas

Dat tibi cum tepido lacte bibenda, puer.

*Jejunavi atque ebibi cyceonem.* Apud Servium ad Georg. I, 212, *papavera* sumit ad oblivionem doloris. — *Mystæ*, initiati mysteriis minoribus, quæ in honorem Proserpinæ celebrabantur. Ab iis diversi *Epoptæ*, initiati mysteriis majoribus in honorem Cereris; vid. Meursius de Eleusiniis, item Fisch. in indice Æsch. ad vocem *μυσταί*.

539. Nomen *Metanira* librarii corruperant in *Melalina*, *Menalia*, *Melania*, *Materna*; sed Heinsius e græcis scriptoribus verum nomen restituit. Iis accedit hymn. Homeric. 161 auctoritas. Apud Pausaniam corrupte *Meganira*; corrupte etiam in Marmore Arondel. I, 23, *Neaira*. Alia nomina mulieris habet Munckerus ad Hygini fabulam 147. — *Jungere*, alii *tangere*; æque bene.

541. *Subitæque vigent.* Hanc Vaticanæ codicis lectionem, ut elegantio-

rem, recepit Burmannus. Cæteri, *subitasque vident*. — Verba *hoc est* Heinsius in *domus est* mutari volebat. Ita vox *domus* in duorum versuum ambitu ter legeretur, quod est nimium. — *Tres illi* etc. ut VIII Metam. 636: *Tota domus duo sunt*. — De *coagulis* consule notam ad Met. XIII, 830. Ea sumenda dilui solebant lacte. — *Teneris*, vulgo *ceris*. Heinsius conjicit *coreis*; sed hoc foret satis otiosum epitheton favorum. — Regii nostri habent lect. vulgat. *et in ceris aurea mella suis*, quæ bene se habet. *Ed.*

547. Ceres puerum, quum mortalem reddere vellet, noctu in igne posuit, et quod ignis absumserat, id interdiu inungendo corpus ambrosia restituit: sic ille quotidie mirifice crescebat. Mater quum e thalamo suo observans, filium igni impositum videret, ejulavit. Quo

Noctis erat medium, placidique silentia somni;

Triptoleum gremio sustulit illa suo:

550

Terque manu permulsit eum; tria carmina dixit,

Carmina mortali non referenda sono:

Inque foco pueri corpus vivente favilla

Obruit, humanum purget ut ignis onus.

Excutitur somno stulte pia mater; et amens,

555

Quid facis? exclamat; membraque ab igne rapit.

Cui Dea; Dum non es, dixit, scelerata fuisti,

Irrita materno sunt mea dona metu.

Iste quidem mortalis erit; sed primus arabit,

Et seret, et culta præmia tollet humo.

560

Dixit: et egrediens nubem trahit, inque dracones

Transit, et aligero tollitur axe Ceres.

facto, Ceres ignem exstinxit, matri stultitiam exprobravit, puero Demophonti, quum immortalem reddere jam non posset, honorem in corruptum promisit, sibique sacra institui jussit. Sic hymn. Homeric. vers. 235-274; sic fere et Apollod. Secundum illum *Triptolemus* æque ac *Celeus*, fuit incola Atticæ, vers. 155; secundum hunc senior *Metaniræ* filius. Hunc plurimi arationis et sationis auctorem in Græcia faciebant; hordeum ab eo in agris Rhario satum esse, Pausanias I, 38, narrat.—*Carminum*, id est formularum quarundam, quarum magnus usus erat et in rebus magicis; VII Met. 137; X, 397. — *Mortali* etc. conf. III, 323 sq. — *Purget ut ignis onus*; Burmannus ex uno Heinsii codice *opus* mallet; corpus enim humanum opus esse, ut anima, celeste; quod est paulo argutius; XIV Met. 149: « consumptaque membra senecta Ad » minimum redigantur onus. » Et *obruere igne* de hac eadem re etiam

Hyginus, Servius et Lactant. usurparunt.

557. Hoc oxymoron Ovidius, III Metam. 5; IX, 408, sic expressit: « factio pius et sceleratus eodem. » Quamquam scelerata *non es*, quia unice amas filium, æque tamen ei nocuisti, ac si eum odisses. Pro *es* alii *vis*, quod fluxit ab iis, qui non cepere vim acuminis.

561. Apud Apollodorum, *ἰατρὴν ἰγίττιον*, se exhibuit Deam, idque in hymn. Homeric. 275, fecit deposita senectute, resumta forma augusta, odore grato et splendore quodam. Hic *nubem trahit*, id est, attrahit, et incedit circumdata nube. — *Inque dracones* etc. Heinsius malebat *inde dracones Scandit*; male. Nube circumdata in currum transit, cui dracones juncti. De sacris ei jam ab Eleusiniis institutis, de quibus hymnus multa habet, Noster nihil tradit, sed catalogum rursus locorum struit, quæ Dea pererraverit; amabat enim tales catalogos.



Sunion expositum, Piræaque tuta recessu

Linqvit, et in dextrum quæ jacet ora latus.

Hinc init Ægæum, quo Cycladas adspicit omnes; 565

Ioniumque rapax, Icariumque legit.

Perque urbes Asiæ longum petit Hellespontum;

Diversumque locis alta pererrat iter.

Nam modo turilegos Arabas, modo despicit Indos,

Hinc Libys, hinc Meroe, siccaque terra subest. 570

Nunc adit Hesperios, Rhenum, Rhodanumque, Padumque,

Teque future parens, Tibri, potentis aquæ.

Quo feror? immensum est erratas dicere terras:

Præteritus Cereri nullus in orbe locus.

Errat et in cælo; liquidique immunia ponti 575

Alloquitur gelido proxima signa polo:

Parrhasides stellæ; namque omnia nosse potestis,

Æquoreas nunquam quum subeatis aquas;

Persephonen miseræ natam monstrate parenti.

563. *Sunion* promontorium a portu *Piræo* XLV millia passuum abest, (Plinius, IV, 11) finitque id litus *Hellados*, quod spectat orientem; *Mela*, II, 111, 99. — *Expositum* fluctibus, procurrens in mare. *Plinius*, *Æneid*. X, 694: *rupes exposita ponto*. — *Init* ... *legit*. De cursu in aere locutus est, ut de navigatione in mari. — *Ioniam* sic absolute poni solet. Vide *Bentleium* ad *Horatii* *Epod.* X, 19: non autem hic intelligas mare, quod vulgo *Ionium* dici solet, inter Græciam et Italiam, sed quod *Ioniam*, Asiæ partem alluit, a quo non longe abest *Icarium*. Neque IV *Metam.* 534, vulgari sensu legitur. *Krebsius* hoc loco totum mare intelligit quod inter Græciam, Siciliam, Phœnicen et Ægyptum patet. Immo angustiore sensu capi

debet, quippe positum inter *Ægeum* et *Icarium*. — *Diversum locis iter*, diversa loca.

570. *Meroe*, insula Æthiopum, quam Nilus facit; *Mela*, I, 1x, 10: « Nilus, quum diu simplex sævus » que descendit, circa Meroen late » patentem insulam in Æthiopiam » diffunditur. » Adde III, 1x init. — *Hesperios* sive occidentales fluvios; sic etiam II *Met.* 259, conjungit, ubi addit: « cuique fuit rerum pro » missa potentia, Thybrin. »

575. Etiam XIII *Met.* 293, *immunem æquoris Arcion*. Jam *Homerus*, II. 2, 489: *Ὅτι δ' ἄμμορος ἵασι λαστρῶν Ὀνειαυότα*. In Ursam majorem *Callisto* mutata, *Lycaonis* *Arcadiæ* filia; *Arcadia* autem olim *Parrhasia* dicta. — *Namque*; etiam *Homerus* et *Virgilius* post appellationem ope

Dixerat : huic Helice talia verba refert :

586

Crimine nox vacua est : Solem de virgine rapta

Consule , qui late facta diurna videt.

Sol aditus ; Quam quæris , ait , ne vana labores ,

Nupta Jovis fratri tertia regna tenet.

Questa diu secum , sic est affata Tonantem ;

585

Maximaque in vultu signa dolentis erant ;

Si memor es , de quo mihi sit Proserpina nata :

Dimidium curæ debet habere tuæ.

Orbe pererrato , sola est injuria facti

Cognita : commissi præmia raptor habet.

590

At neque Persephone digna est prædone marito ,

Nec gener hoc nobis more parandus erat.

Quid gravius victore Gyge captiva tulissem ,

Quam nunc , te cæli sceptrâ tenente , tuli ?

Verum impune ferat ; nos hæc patiamur inultæ :

595

Reddat , et emendet facta priora novis.

particularum γὰρ et namque rationem eorum quæ secutura sunt, præmittunt. Vide Ernest. ad Od. M, 320; Heynium ad Æneid. I, 731.

580. De *Helice* dictum ad III, 108. In hymno Homérico, Ceres decimo erroris die primum ex Hecate, lunam tenente, de filia quærit; tum, quum illa rem ignoraret, vers. 62, ad *Solem* contendit : *Σείων πατρὸς ἡδὲ καὶ ἀνδρῶν*; V Metam. 487 sqq, ex *Arethusa* raptum discit; apud *Apollo*dorum ex *Hermionensibus*. Adeo hæc variata sunt. — *Qui late* etc. Sol *παρδίραξ*. — Codex Bononiens. *furta diurna*, quod Burmanno valde placet; altera lectio latiore sententiam. — Hymno Homérico 69, Ceres *Solem* ita alloquitur : *Σὺ γὰρ δὴ πᾶσιν ἐπὶ γένους καὶ κατὰ πόλιν Αἰθίοψις ἐκ δίης καταδίδραται δακτύλους*. Ra-

ptum *Sol* ita indicat, ut fomentum matri dolenti adferat : *Nupta Jovis fratri* etc.

585. Confer cum oratione seq. V Metam. 512 sqq, quæ ei simillima. Ibi stat ante Jovem *toto nabilia vultu*, et *passis invidiosa capillis*, rogatque, *neu sit tibi cura vilior illius*. — Burmannus quum dubitaret, an *injuria facti* recte diceretur, malebat *injuria matri*; Taubnerus contra ex Æneid. I, 31, *spreta injuriam formæ* comparat.

591. Pro *prædone* quidam *raptore*; sed etiam Metam. dicto loco, *non prædone marito filia digna*. Et præda de rapina dici solet. Etiam lupi *prædari* dicuntur Virgilio. — *Gyges* unus ex *Centimanis*; Hesiodus, Theog. 149; *Apollo*dor. I, 1. Sed hoc loco inter Gigantas relatus est, qui cum

Jupiter hanc lenit, factumque excusat amore;

Nec gener est nobis ille pudendus, ait.

Non ego nobilior : posita est mihi regia cælo;

Possidet alter aquas ; alter inane chaos.

600

Sed si forte tibi non est mutabile pectus,

Statque semel juncti rumpere vincla tori,

Hoc quoque tentemus, siquidem jejuna remansit :

Sin minus ; inferni conjugis uxor erit.

Tartara jussus adit sumtis Caducifer alis ;

605

Speque redit citius, visaque certa refert.

Rapta tribus, dixit, solvit jejunia granis,

Punica quæ lento cortice poma tegunt.

Haud secus indoluit, quam si modo rapta fuisset

Mæsta parens ; longa vixque refecta mora est.

610

Atque ita, Nec nobis cælum est habitabile, dixit ;

Jove de imperio certarunt. Magna igitur vis et plurimum acerbitalis est in hac comparatione. Scaliger malebat hoc loco *Gye* ; sine causa. Vide Heinsium ad II Amor. 1, 12 ; Bentleium ad Horatii II, Od. xvii, 14 ; Munker. ad Hyginum, p. 2.

598. Hymn. Homérico, 83, Sol Cererem sic solatur : οὐτοι ἀνταῖς Γαμβρός ἐν ἀθηνάταις κάλυσημέντορ Ἄιδωνίος. — *Non ego nobilior*. Se cum uno Plutone comparare debebat ; sed placuit obiter et alterum fratrem addere. — *Pro regia cælo* Heinsius suadebat, *regia, cælum*. Immo in altera lectione intelligitur *in* ; I Metam. 174, de Diis, ibi, in cælo, *clari suos posuere penates*. Hoc loco Gottorph. codex *cessit mihi regia cæli*, quod fluxit ex aliis locis, ubi Noster sic loquitur, ut IV Metam. 532 ; V, 368. — *Inane*, in quo inanes umbræ ; IV Metam. 509 ; *inania regna Ditis* ex Virgilio, Æncid. VI, 269.

603. Metam. dicto loco additur : *nam sic Parcaram fœdere cautum*. Erat lex fatorum, ut nemini ab inferis redire liceret, qui ibi aliquid gustasset. Pluto igitur Proserpinam prius, quam dimitteret, granum punicei mali, ῥιπέης κόκκου, edendum dedit ; hymn. Homer. 335 ; 371-412 ; Apollodorus, dicto loco. Sed Metam. dicto loco, Proserpina ambulans sponte septem grana comedit. Eam autem ob causam Thesmophoriazusæ abstinébant a malis puniceis. Cæterum ejus generis arbores etiam Homerus, Od. A, 589, apud inferos finxit. — *Caducifer* in hymno Homer. vs. 335, in Erebum mittitur, ut Plutodem deliniat, Proserpinamque inde reducat.

611. Taubnerus sic distingui vult, *Atque, Ita nec nobis* etc. Sed *atque ita* nunc quoque potest esse, quo facto, tum, ut sæpe. — *Non habitabile*, obstinatum mihi est non am-



Tænaria recipi me quoque valle jube.  
 Et factura fuit; pactus nisi Jupiter esset,  
 Bis tribus ut cælo mensibus illa foret.  
 Tum demum vultusque Ceres, animumque recepit; 615  
 Imposuitque suæ spicea sarta comæ.  
 Largaque provenit cessatis messis in arvis;  
 Et vix congestas area cepit opes.  
 Alba decent Cererem; vestes Cerealibus albas  
 Sumite: nunc pulli velleris usus abest. 620  
 OCCUPAT Apriles Idus cognomine Victor  
 Jupiter: hac illi sunt data templa die.  
 Hac quoque, ni fallor, populo dignissima nostro

plius habitare in cælo; hymn. Homer. 331: Οὐ μὲν γάρ ποτε φάσαι θνῶ-  
 δτος Οὐλύμποιο πρὲν γ' ἐπιβήσεται, πρὲν  
 γ' ἴδωι ἐφ' ὅσων μοῖσιν ἔην ἰνώπειθα κούρην.  
 —Mox olim edebatur *Tartarea*; sed  
*Tænara* pro *Tartara* poni, docent  
 Heinsius et Burmannus. — *Pactus  
 esset*, promississet. Perdidisset Ceres  
 totum genus humanum, nisi *Jupiter*  
 succurrisset. Is, quum frustra Deos  
 deinceps omnes Eleusinem misisset  
 ad Deam arcessendam, tandem per  
 Rheam ei offert conditionem hanc,  
 ut filia tertiam cujusque anni par-  
 tem cum Plutone sit, duas reliquas  
 cum matre in cælo; hymn. Homer.  
 305 sqq., 445; sic et Apollod. Sed *bis  
 tribus mensibus* est etiam Metam.  
 dicto loco, et Hygino, fab. 146.

615. Mater, filia recepta, ἤϊξ',  
 ἥϊυτι μαινὰς ὄρος κατὰ δάσκειν Ὀλῆς, nec  
 filiae gaudium minus; hymn. 385  
 sqq. — *Cessatis in arvis*, nam antea  
 apud Siculos, perfregerat aratra,  
 occiderat colonos cum bubus, arva  
 jusserat fallere depositum, semina-  
 que vitiaverat, ut fertilitas cassa ja-  
 ceret; V Metam. 476; conf. hymn.  
 Homer. 305. — *Alba decent* etc. Cau-

sam poeta ipse V, 357 reddit, *quia  
 maturis albescit messis aristis*. De  
 matura segete I Met. 110, *canere*;  
 alibi fere *flavescere*; verba colorum  
 a veteribus satis vage usurpantur.  
 Burm. conjicit *festis Cerealibus alba  
 Sumite*, quia inconcinnum sit eo-  
 dem versu *alba* et *vestes albas* di-  
 cere; quod ego non video. — Codex  
 Regius A habet, ut multi, *vestis...  
 albas*; unde Burmannus conjecit  
*festis... alba*; repetitio τοῦ *alba* non  
 displiceret si codic. auctoritas ades-  
 set. Ed. — *Nunc pulli velleris* etc.  
 Itaque in luctu publico sacra Cere-  
 ris Romæ intermittebantur, quia  
 lugentes matronas iis interesse ne-  
 fas habebatur: Livius, XXII, 56;  
 XXXIV, 6; vide Spanhem. ad Cal-  
 limachum Cer. 18.

621–624. *Idibus Jovi Victori tem-  
 plum, et Libertati atria data*. — *Vic-  
 tori* anno 457, Q. Fabius Maximus  
 antequam ad castra Samnitium per-  
 geret, ædem vovit; Livius, X, 29.  
*Libertatis ædem* Tiberii Gracchi,  
 qui tempore belli Punici secundi  
 vixit, pater in monte Aventino fa-  
 ciendam curavit dedicavitque; Li-

Atria Libertas cœpit habere sua.

LUCE secutura tutos pete, navita, portus :

625

Ventus ab occasu grandine mixtus erit.

Sit licet et fuerit, tamen hac Mutinensia Cæsar

vius, XXIV, 26. Quod forte factum circa annum 515, quo ille consulatu functus est. *Atrium Libertatis* anno u. c. 559, a Pæto et Cornelio Cethego censoribus resectum est; Livius, XXXIV, 44. In eo erant tabellæ publicæ, certe Tib. Gracchi tempore; Livius, XLIII, 16. Etiam Asinius Pollio *atrium Libertatis extruxisse* a Suetonio August. 29 narratur, quod haud dubie ad institutionem ejus et exornationem referendum.

625–628. *Die 14 Aprilis, grando. Eodem die Antonius victus ad Mutinam.* Etiam Columella, XI, 2; XVIII *Kalend. Maii ventosa tempestas et imbres, nec hoc constanter.* — Consilium illud *tutos pete portus* jucundius Virgil. Georg. I, 456 expressit: *non illa quisquam me nocte per altum Ire, neque a terra moneat concellere funem.*

*Mutinensia arma.* Antonius, quum Decimum Brutum *Mutinæ* obsideret, a senatu, Cicerone inprimis auctore, hostis patriæ judicatus est, missique sunt contra eum ann. u. c. 710, Hirtius et Pansa cons. atque Octavianus Cæsar proprætor. Priori prælio Pansa vulneratus est, posteriori Hirtius eodem die fortiter pugnans cecidit: quo facto quum Octavianus victoria uti vel nesciret, vel nollet, Antonius ad Ligures elapsus est; Appianus de Bell. Civ. III, 50 sqq; Dio Cassius, XLVI, 39 sqq. Nimis igitur poeta Cæsarem laudat, quum eum *contudisse arma Mutinensia* ait. Nonnullis tamen inter-

pretibus ne hoc quidem verbum satis grave visum est, itaque prætulerunt, tamquam fortius, *perculit*, quod Voss. Ambrosianus, Mazarinæus, Zulich. Ursinus Petav. et alii habent. Laudat hoc vir doctus in Ephem. Lips. anno 1807, n. 97. Improbatur vir doctus in Ephem. Heidelb. vol. XI, p. 397. *Percellere*, quod proprie subvertere, evertere (vide Gronov. ad Livium, III, 30) sane passim de devictis et a conatu resistendi dejectis legitur; Cicer. Catilin. II, 1: « se perculsum atque abjectum sen- » tit. » Sed etiam *contundere* est verbum et grave et elegans, de quo vide Drakenb. ad Silium, VIII, 321; Curtium ad Sallustium, Jug. 43; Ernest. ad Tacitum Annal. XII, 31. Nec scio, an satis bene dicatur *arma percellere*; at *arma contundere* sæpe legitur, etiam apud nostrum supra vs. 380; VI, 361; I ex Ponto III, 69; Propert. IV, x1, 52. Bene autem hanc victoriam cum tempestate illius diei conjunxit verbis *Sit licet et fuerit*, sit ita, ut eo die interdum grando cadat, *et fuerit* ita et olim. Hanc igitur lectionem antiquam et vulgatam, etiam Taubnero probatam, quum sensum fundet optimum, revocare non dubitavi. Burmannus ex Mazar. Zulich. primo Ambros. Vossian. Arondel. et aliis invexerat *Sit licet ut fuerit*. Heinsio cum quibusdam MSS placebat *Scilicet ut fuerit*, quamvis fuerit. Hoc igitur Gesenius in Specimine suo recepit, eique tribuit vim digito quasi intendendi ad sequen-

Grandine militia contudit arma sua.

TERTIA post Veneris quum lux surrexerit Idus,

Pontifices forda sacra litate bove.

630

Forda ferens bos est, secundaque, dicta ferendo :

Hinc etiam fetus nomen habere putant.

Nunc gravidum pecus est; gravidæ nunc semine terræ :

Telluri plenæ victima plena datur.

Pars cadit arce Jovis : ter denas Curia vaccas

635

Accipit; et largo sparsa cruore madet.

Ast ubi visceribus vitulos rapuere ministri,

Sectaue fumosis exta dedere focis,

Ignem cremat vitulos, quæ natu maxima, Virgo;

tia, ecce.—*Militia*, monente Burmanno vel expeditione sua, vel militibus suis; sed de die restat aliqua difficultas. Galba enim apud Ciceronem ad Div. X, 30, prius prælium XVIII Kal. Maii commissum scribit. Itaque aut erravit Ovidius aut, quod et Gesenius monuit, apud Ciceronem numerus corruptus est.

629–672. *Die 15 Apr. Fordicidia*. Hic nomen explicat, sacra ipsa describit, originemque eorum repetit inde a Numa. *Forda bos*, vacca prægnans. Festus: « Fordicidiis boves » fordæ, id est gravidæ, immolantur, dictæ a fetu. » Varro de Ling. Lat. V: « Fordicidia a fordis » bubus. Bos forda, quæ fert in ventre. » Glossæ *fordas* explicant *ἐγκυμονούσας*, et *fordicidia* *θυσίας ἐγκυμονούσας βοῶν*. De vaccis peculiariter hoc vocab. dictum monet Bentleius ad Horatium, III, Od. 27; Festus et Varro de Re Rust. II, 5, scribunt et *horda* atque *hordicidia*; vide omnino Schneider. ad Varronis dictum locum.—*Litare*, grato sacrificio satisfacere Diis, placare Deos. Negat quidem Servius, *litare sacra* recte

dici; sed vide Schwarz. ad Plinium, pan. LII, 3.—*Ferens* nempe in utero. Ab antiquo *feo* putant fluxisse vocabula *fero*, *fetus*, *secundus*, *forda*. Vir doctus in Ephem. Heidelb. d. I. voc. *fordus* deducit a græco, *φορῶς*, *φορέδης*, laudatque in eam rem Vossii Etymol.

633. Tempori accommodatum hoc sacrum. *Tellus* cur hic commemoretur e vs. 665 patet; adde I, 671–674. Hostia ei propria erat sus prægnans; Macrobius, I, Sat. 12. *Plenæ*, gravidæ seminibus, *plena*, gravida, victima datur; *plenus uterus* III Metam. 73; *plena patris thalamis excidit* X, 469. — *Arx Jovis*, delubrum Jovis in Capitolio; VI, 18; vide ad I, 85; II, 70. — *Curia*, Varro de Ling. Lat. V: « Ea die publice immolantur boves prægnantes in curiis » complures. » Erant autem Romæ, quod constat, curiæ triginta.—*Ministri*, victimarii, ut vers. 413. — *Rapuere*, quia celerissime ea res peragebatur.—*Natu maxima Virgo* eadem dignitate maxima erat, unde a Plinio, IV, Epist. II, 6, *maxima vestalis* vocatur; ubi vide notam



Luce Palis populos purget ut ille cinis. 640  
 Rege Numa, fructu non respondente labori,  
 Irrita decepti vota colentis erant.  
 Nam modo siccus erat gelidis aquilonibus annus;  
 Nunc ager assidua luxuriabat aqua.  
 Sæpe Ceres primis dominum fallebat in herbis; 645  
 Et levis obsesso stabat avena solo:  
 Et pecus ante diem partus edebat acerbos;  
 Agnaque nascendo sæpe necabat ovem.  
 Silva vetus, nullaque diu violata securi,  
 Stabat, Mænalis sacra relictæ Deo. 650  
 Ille dabat tacitis animo responsa quieto  
 Noctibus: hic geminas rex Numa mactat oves.

nostram. — *Luce Palis*, Palilibus, de quibus mox vers. 721 sqq. — *Purgare*, expiare lustrando. De *purgaminibus* II, 35. In *his cinis* etiam apud alios populos. Vide Spencer. de legibus ritualibus Hebr. tom. II, p. 77.

644. *Ager assidua luxuriabat aqua* posset esse, ob aquam assiduam segetes oneratæ fertilitate procumbebant; Plinius, XVIII, XLIV, 2. Verum huic malo succurri potuisset depascendo; Virgil. Georg. I, 112. Ergo *luxuriare aqua*, nimia aquæ copia laborare: *luxuries* omne nimium; Plinius, IX, 1, *humoris luxuria*. — *Primis in herbis*. Pro eo Virgilius, Georg. I, 113, *tenera in herba*, *Quam primum sulcos æquant sata*. — Quæ sic plenam messem pollicebantur, ea cæli humore degenerabant in *avenam* folliculis vacuis; Plinius, XVIII, XVII, 1. De *avena* illa *levi* aut inani vide intt. ad Virgilium, Georg. I, 154, ubi *infelix lolium* et *steriles avenæ* conjunguntur. — *Stabat obsesso solo*, stabat sic, ut omne solum repletum teneret. —

*Acerbus* a pomis immaturis translatum ad alia immatura, ( Nonius, IV, 41 ) nunc ad partus immature editos. Sed ita redundare videtur *ante diem*. Possis igitur putare, *acerbos* dictum pro *acerbe*, cujus explanationem in versu sequenti *necabat* habeat. Malim tamen partus pecori dolores adferentes intelligere.

649. Locus sq pendet a Virgilio, Æn. VII, 81 sqq, ubi prope Albuneam lucus, in quo Fauni fatidici oraculum, a quo gentes Italæ dubiis in rebus responsa petebant, ita quidem, ut cæsis ovibus sub nocte silenti, pellibus incubarent stratis, somniaque expectarent. De ea re verbum proprium *incubare*, ἰνκοῦμεν θύει. — *Sileam sacram*, ut hic, sic etiam III Met. 28, circumloquitur; vide ibi notam. — *Mænalis Deus*, Faunus, quem passim poetæ latini cum Pane, Deo Arcadum, confundunt. De *Fauno* autem vide III, 84 et 291 sqq, quo loco et ipse Numa ei sacra facit. — *Animo quieto* dativo casu, animis quiescentibus,

Prima cadit Fauno ; leni cadit altera Somno :

Sternitur in duro vellus utrumque solo.

Bis caput intonsum fontana spargitur unda ; 655

Bis sua faginea tempora fronde premit.

Usus abest Veneris : nec fas animalia mensis

Ponere ; nec digitis annulus ullus inest.

Veste rudi tectus supra nova vellera corpus

Ponit , adorato per sua verba Deo. 660

Interea placidam redimita papavere frontem

Nox venit , et secum somnia nigra trahit.

Faunus adest ; oviumque premens pede vellera duro ,

in somnis. — *Somno* etiam Romanos sacra fecisse , hinc videmus. Nunc Numa facit , quia in somnis oraculum expectabat.

654–660. Qui somnia expectabant , ita se præparare solebant , ut abstinerent ab omnibus , quæ ventrem gravare , sanguinis motum accelerare , atque phantasiam excitare possent , a Venere , ab usu carniū , tum ut aqua viva se lavarent. Vide Potteri Archæol. I , pag. 682 , edit. Ramb. — *De fontana aqua* vide ad vs. 778. — *Intonsum* , quia tum nondum tonderi solebant Romani ; II , 30 ; *intonsus* Numa est VI , 264. — *Fago* religio quædam erat ; Plinius , XVI , 14 ; Festus « Fagutal , sacellum Jovis , in quo fuit fagus arbor , quæ Jovi sacra. » — *Premitt* , quod Heinsius ex Voss. Mazarin. et aliis prætulit , elegantius sane vulgato *legit* ; legitur sic etiam vs. 517 , et alibi. — *Digitis annulus*. Nempe incubantes soluti esse debebant omni vinculo cinctus , calceorum , annulorum. — *Rudis* , e lana rudi contexta vestis nocturna. — *Tectus* ( scil. Numa ) revocavi , quia sic MSS in quibus *Veste rudi*. Nam alii *Vesper*

*ubi est , tectum* ; Heinsius , qui *veste rudi tectum* dedit , corpus subintelligebat. — Regii tres nostri dant , *Vesper ubi est textus , supra nova* etc. *Ed.* — *Nova* , recentia. — *Sua verba* , solemnities in tali re ; II , 542.

661. Plenius Noctis adventum describit Tibullus , II , 1 , 87 ; ubi in ejus comitatu incerto *Somnia nigra pede*. *Μελανόπυρρος ὄνειρος* sunt apud Euripidem , Hec. 71. Sed nunc Somniorum usus nullus , quandoquidem Faunus ipse responsa dabat. — *Papaver* , nigrum imprimis , quia vim soporificandi habet , Somno tribuebatur ; XI Met. 605 ; Sil. Italicus , X , 353 ; Statius , II Theb. 143 ; ergo et *Nocti*. Non autem nunc illud effundit e cornu , sed frontem eo redimitam habet. — *Trahit* bene de comitatu ; I Met. 219 , « traherent » quum sera crepuscula noctem. »

663. *Durum* Gesenius interpretatur corneum. Talis pes sane Fauno dabatur , quando confundebatur cum Pane , ut II , 361. Sed et pes humanus , quo premimus , calamus aliquid , *durus* dici solet , ut II Metam. 852. Similiter XII Metam. 140 , « genibusque premens præ-

Edidit a dextro talia dicta toro :

Morte boum tibi, rex, Tellus placanda duarum; 665

Det sacris animas una necata duas.

Excutitur terrore quies; Numa visa revolvit;

Et secum ambages cæcaque jussa refert.

Expedit errantem nemori gratissima conjux;

Et dixit, Gravidæ posceris exta bovis. 670

Exta bovis dantur gravidæ: felicior annus

Provenit, et fructum terra pecusque ferunt.

Hanc quondam Cytherea diem properantius ire

» cordia duris. » — *A dextro*, quia propitius monet, quid agendum sit. — *Mox unus Medic. Det satis*, id est, frugibus, quod Heinsio non displicebat. — *Pro necata multi juvenca*; supra I, 380, *mille animas una necata dedit*. — In tribus Regiis legitur: *Detque sacris animas una juvenca duas*; pauci tantum habent *necatu*; unus *satis*; ego nihil mutaverim. *Ed.*

667. *Multi visa resolvit*. Male. *Æn.* II, 101, *ingrata revolve*, retracto. Confusa autem sæpe hæc duo esse, docet Drakenb. ad Silium, I, 369. — *Ambages et cæca jussa*, obscurum responsum; I *Metam.* 388, « cæcis » obscura latebris verba datæ sortis. » *Ambages* sic et III, 337, et IV, 261, ubi *obscuræ sortis Patres ambagibus errant*. Et ibi, et hoc loco Heinsius *errare in hære* mutari volebat. Immo *errare* sæpe est fluctuare, dubitare. — *Dubitans expeditur*, quum certior redditur, edocetur. Sæpe autem oraculorum ambages interprete indigebant. — *Conjugis Egeiæ* ope Numa etiam III, 275, sqq, utitur. — *Annus*, proventus annuus; vide Schwarz. ad Plin. Pan. XXIX, 3. — *Felicior ex Zulichemiano* et quatuor Vaticanis Heinsius dedit

pro *secundior*, quia *felix* ita dicitur.

673-676. *Die 15 Aprilis, Augustus Imperator dictus*. De triplici sensu vocis *Imperator* vide Casaub. ad Suetonium Cæsar. 76. Ob res feliciter gestas numerumque hostium occisorum lege definitum Augustus semel et vices a victore exercitu Imperator salutatus est; Tacitus, An. I, 9; sed Julius Cæsar primus cepit hoc nomen, ut prænomen, ita sibi arrogare, ut eandem, quam *ἀυτοκράτορ* et *κύριος*, vim haberet, summumque imperium indicaret; Dio, XLIII, 22. Hinc etiam Augustus ann. u. c. 724, quum ex Ægypto rediisset, idem prænomen eodem sensu assumpsit, atque inde imperii sui annos numeravit; Dio, LII, 41 extr. — In honore lætitiæque illius societatem *Cytherea* in primis venire debebat, a qua gens Julia genus ducebat (supra vers. 20), quapropter et apud Virgilium, Georg. I, 28, eandem Augusti cælum intrantis tempora myrto cingit. — Qui cupide sollemnia læta expectat, ei dies antecedens tarde decedere videtur. Eundem igitur sensum, ut transitus ad sequentia ingeniosus esset, nec vulgaris, poeta Veneri tribuit; quæ vero diem illum *properantius*



Jussit, et ætherios præcipitavit equos;  
 Ut titulum imperii quam primum luce sequenti 675  
 Augusto juveni prospera bella darent.  
 SED jam præteritas quartus tibi Lucifer Idus  
 Respicit: hac Hyades Dorida nocte petunt.  
 TERTIA post Hyadas quum lux erit orta remotas,  
 Carcere partitos circus habebit equos. 680  
 Cur igitur missæ vinctis ardentia tædis  
 Terga ferant vulpes, causa docenda mihi.  
 Frigida Carseolis, nec olivis apta ferendis,  
 Terra, sed ad segetes ingeniosus ager.

*ire non modo cupit, sed, ut Dea, etiam jubet.* — Quum autem *ætherios equos*, equos Solis, *præcipitat*, festinanter decurrere jubet, Phæbi partes sibi vindicat. Pro *ætherios* Neapolis ex uno MS *admissos* affert. Sic *admitti* de celeri cursu equorum, VI Metam. 237, et *admisso passu sequi*, I Metam. 532. *Præcipitare* verbum in hac re solemne, inprimis tamen de occasu, ubi præceps Solis via; IV Metam. 91, « lux » tarde decedere visa, Præcipitatur » aquis. » Æn. II, 9: « Nox cælo » præcipitat. » Cæterum simile figmentum habemus V, 545. — Mox Burmanno ex uno Patav. *titulum imperii, sua præmia*, placet. Immo *quam primum* optime convenit cupiditati Veneris. — *Juveni*. Natus tum erat annos triginta tres.

677. *Die 17 Aprilis*, sive *die XV Kalend. Maii Hyades occidunt*; sic et Cæsar Germ. apud Plin. XVIII, 26.—Plerique veteres MSS *quartus ubi*; vulgo *ubi quartus*. Sed Heinsius prætulit *tibi* e primis edd. tum MSS Mazar. Petav. aliisque nonnullis.—*Doris*, filia Oceani, conjux Nerei, mater quinquaginta Nym-

pharum; Hesiod. Theog. 240: nunc pro ipso mari, ut *Thetys* alibi.

679-712. *Die 19 April. vulpes in Circencibus comburuntur*; cujus rei causam ab hospite cognitam poeta narrat. — *Carcere...equos*, in circo decurrunt equi, antea duodecim *carceribus* distenti. — *Partitus* passivo sensu. Intelliguntur autem Circenses Cereris pridie Idus, vs. 390, cœpti et ad hunc usque diem continuati, quod etiam Kalendaria docent. — *Missæ*, emissæ in circum. — *Ferre terga*; vide ad II, 284. — *Vinctis* dedit Heinsius cum Ursini libro; vulgo *junctis*, æque bene; quinque *unctis*, ut vers. 411.

683. Ut rerum graviorum causas a Diis, sic levem hanc fabellam a rustico Carseolano sibi traditam varietatis causa fingit. *Carseoli* ad viam Valeriam, quæ Roma ducebat ad Pelignos. Heins. e conjectura dedit *Carseoli*, ut esset appositio. Etiam in Tuscis « cælum hieme frigidum » et gelidum myrtos et oleas adspersum » naturæ ac respuit; » Plinius, V, Ep. vi, 4. — *Ingenium sæpe de natura et indole cujuscumque rei*; nunc tamen nove *ingeniosus*, na-

Hac ego Pelignos, natalia rura, petebam, 685

Parva, sed assiduis humida semper aquis.

Hospitis antiqui solitas intravimus aedes :

Demserat emeritis jam juga Phœbus equis.

Is mihi multa quidem, sed et hæc narrare solebat,

Unde meum præsens instrueretur opus : 690

Hoc, ait, in campo, campumque ostendit, habebat

Rus breve cum duro parca colona viro.

Ille suam peragebat humum : sive usus aratri,

Sive cavæ falcis, sive bidentis erat.

Hæc modo verrebat stantem tibicine villam ; 695

Nunc matris plumis ova fovenda dabat :

Aut virides malvas, aut fungos colligit albos ;

Aut humilem grato calfacit igne focum.

tura sua aptus, *ad segetes* ferendas. Cæterum hæc terræ Carseolanæ notatio nihil ad rem pertinet, obiter tantum adjecta est. Quod valet etiam de *Pelignis*, qui sic ab aquarum salubritate et copia et alibi commendantur, ut II Amor. xvi, 1 : « Pars me Sulmo tenet Peligni terra ruris, Parva, sed irriguis ora » salubris aquis. » Adde III Amor. xv, 11. Heinsius h. l. maluit *avida aquis*; sed non nisi unus Oxon. sic pro diversa lectione; multi *obvia*; quod ego non spreverim; Plinius, II, Epist. xvii, 25, de Laurentino suo : « quocumque loco moveris humum, obvius et paratus humor » occurrit. » Talis terra bene *obvia aquis* dici potest.

687. *Solitas* bene se habet, causam enim continet, cur nunc intraverit; neque audiendi sunt MSS qui *fidas* præferunt. — *Emeriti*, qui cursum diurnum absolverunt; conf. III, 43. — *Multa quidem, sed et hæc*; græco more, cum multa, tum hæc.

— *Instrueretur*, exornaretur, augeretur. — *Breve*, exiguum. — *Durus*, laboribus perferendis adsuetus; XII Metam. 515, *duri humeri*. Sic *duri* messorum, juvenum etc. — *Grata sequitur imago diligentis et coloni et colonæ*. — *Peragere humum* mihi non satis placet; codd. tamen nihil varietatis suppeditant. — *Sive usus* etc. ita ut nunc aratro uteretur, nunc falce. — *Falcis* usus erat etiam ad premedas umbras ruris opaci; Virgil. Georg. I, 155 sqq; unde apparet, describi hic diligentissimum colonum. — *Cavæ*, quod Heinsius ex pr. Ambros. Læti, pr. Farnes. et sex aliis, tum a manu prima Mazar. et Zulich. recepit, ingeniosius sane est, quam *curvæ*, quod Krebsius retineri vult. — *Bidens*, rastrum duobus dentibus, quo glebæ confringebantur.

695. *Tibicines*, rectæ in ædificiis trabes, quibus tecta ruinam minitantiâ sustententur; vide Neap. VIII Met. 700, *furcæ* dicuntur. — *Malvæ* in cibis rusticis etiam Horat. Epod.

Et tamen assiduis exercet brachia telis ;  
 Adversumque minas frigoris arma parat. 700  
 Filius hujus erat primo lascivus in ævo ;  
 Addideratque annos ad duo lustra duos.  
 Is capit extremi vulpem sub valle salicti :  
 Abstulerat multas illa cohortis aves ;  
 Captivam stipula fœnoque involvit , et ignes 705  
 Admoveret : urentes effugit illa manus.  
 Qua fugit , incendit vestitos messibus agros ;  
 Damnosis vires ignibus aura dabat.  
 Factum abiit ; monumenta manent : nam vivere captam  
 Nunc quoque lex vulpem Carseolana vetat. 710  
 Utque luat pœnas gens hæc , Cerealibus ardet ;  
 Quoque modo segetes perdidit , ipsa perit.  
 POSTERA quum veniet , terras visura patentes ,  
 Memnonis in roseis lutea mater equis :  
 E duce lanigeri pecoris , qui prodidit Hellen , 715

58 : « gravi malvæ salubres corpori , » ubi rustica « Sacrum vetustis ex- » struit lignis focum Lassi sub ad- » ventum viri. » — *Exercet*, occupa- » tata tenet. Ut hic lanifica , sic XV Metam. 471, ovis « horriferum con- » tra Borean arma ministrat. »

703. *Extremi ... salicti*, in extrema vallis parte salicto obsita. Vulgo *convalle* ; quidam *in convalle* : nonnulli *de valle*. — *Cohors*, cors. Varr. de Re Rustica, III, 3 : *in plano cohors*, in qua pascebantur gallinæ. Gallinæ nunc *aves* dicuntur ut *spætes* ; Græcis.

709. Facti illius diu præteriti *monumenta manent*. *Monumenta* autem legem intelligit, cui factum originem dedit, quæque adeo memoriam ejus servat. Pro *manent* Heinsio ex uno Moreti *patent* non displicebat ; sed major oppositio est in *abiit* et *manent*.

713-720. XII *Kalend. Maias* sive die 20 April. *Sol ex Ariete in Taurum transit*, quod Gassendus pridie fieri docet. Male autem, ut Neapolis jam monuit, octo hi versus post vers. 678 collocati in libris nonnullis leguntur. — Aurora etiam XIII Metam. 579, *Memnonis lutea mater*, et passim, ut VII Met. 703, *lutea*, scilicet. crocea, vocatur a *luto*, herbæ genere, cujus succo flavæ inficiuntur vestes. Tum *in roseis fulgebat lutea bigis* etiam Æneid. VII, 26. — Respectu siderum despectantium *terræ recte patentes* dicuntur. — *Arietis* signum descripsit ex mytho, quem III, 867 sqq., habes ; sed quum *Tauri* sidus *victimam majorem* vocat, quia taurus animal in victimis majoribus est, argutatur. — *Prodidit*, non, ut vulgo fit, *perdidit*



Sol abit : egresso victima major adest.

Vacca sit, an taurus, non est cognoscere promptum :

Pars prior apparet : posteriora latent.

Seu tamen est taurus, sive est hoc femina signum,

Junone invita munus amoris habet.

720

Nox abiit, oriturque Aurora : Palilia poscor.

legendum esse, Heinsius evicit non optimorum modo MSS fide, sed aliorum etiam scriptorum auctoritate, qui arietem illum *prodidisse Hellen* constanter dicunt, aut *proditorem Helles* vocant. Nempe hoc inde est, quia equi sessorem, quem excutiunt, *prodere* dicuntur.

717. Tauri signum, ut hodie, ita et olim sic pingebatur, ut priores tantum ejus partes expressæ apparerent. Putabant veteres hoc ideo fieri, quia sexus ejus incertus esset, quum alii Io vaccam, alii taurum, qui Europam in Cretam transvexerit, inter sidera relatum existimarent; Eratosthius, cap. 18; Hygin. Poët. Astr. II, 21. Hoc igitur et Ovidius secutus est tam hic, quam V, 619 sq, ubi hujus sideris origo narratur; utrumque autem animal et Jovis *amori* inservierat, et *muneris* causa, *Junone invita*, in cælo collocatum dici poterat. — MSS Puteanus, Bernensis, quinque alii, *Posteriorque latet*; Taubnerus dubitat, utrum verius.

721–806. XI Kal. Maias *Palilia Pales*, Dea antiquissima pastorum, quamquam nonnulli masculini generis ministrum Jovis ac villicum intelligi volebant; Arnobius adv. Gentes, lib. III, p. 123; Servius ad Virgilium, Ecl. V, 35. Ejus sacra et *Palilia* dicebantur, et *Parilia* vel a partu Iliæ, vel quod eo tempore arbores et herbæ parturiunt, pariuntque, vel denique per mutationem

literarum. Vid. Charisius, lib. I; Victorin. in Arte Gram. lib. I; Probus ad Virgilium, Georg. III, 1; quorum verba Broukhusius ad Propertium, IV, iv, 71, dedit. Apud scriptores veteres utraque scriptura occurrit. Etiam h. l. MSS utroque trahunt; certe Petav. et Mazarin. *Parilia* præferunt. Sed nunc utique altera forma præstat, quia additur, *si favet alma Pales*. Et si Ovidius *Parilia* dedisset, sine dubio aliquid de hoc etymo addidisset. Eorum ipsorum sacrorum (sive ante jam receptorum, sive tunc primum institutorum) die, Romulus urbi condendæ manum admovit. Id diserte tradunt Dionysius Halicarn. I, 88; Plutarchus, Rom. 12; Cicero de Div. II, 47; Tibullus, II, v, 28; Propertius, IV, iv, 71; Velleius, I, viii, 4. Hic itaque dies, Romanis simul Natalis patriæ, γενέθλιον τῆς πατρίδος, summa religione lætitiæque celebrabatur. Non mirum igitur videri debet, Ovidium in his sacris cœnendis esse satis longum. Canit autem ita, ut, 1º Deam invocet, seque excitet 721–730; 2º suffimen illius diei memoret 731–734; 3º lustrationes 735–642; 4º dapes et Deæ et rusticorum 743–745; 5º preces ad Deam et saltum per ignem 746–782; 6º originem illorum solemnium 783–862: qui locus postremus in originem urbis precesque pro Romani imperii incolumitate desinit.

721. *Abiit, oriturque*. Duo MSS

Non poscor frustra, si favet alma Pales;  
 Alma Pales, faveas pastoria sacra canenti,  
 Prosequor officio si tua festa pio.  
 Certe ego de vitulo cinerem, stipulasque fabales,  
 Sæpe tuli plena, februa casta, manu.  
 Certe ego transilui positas ter in ordine flammæ;  
 Virgaque roratas laurea misit aquas.

725

*abit exoriturque*, quod Taubnerus metri causa malit. — *Poscor*, ordo rerum jubet me Palilia canere. *Posci* verbum solemne de iis, qui canere aut dicere jubentur; V Met. 333, *Poscimus Aonides*; Horatius, I, Od. xxxii, 1, ad lyram, *Poscimus*; vide ibi Bentleium. — *Non poscor frustra*, idoneus sum iis canendis. Burmannus suadebat *non poscar*; sine causa. — *Pro pastoria alii pastorum*; Tibullus, dicto loco, vers. 87: « Sua festa Palilia pastor Con- » cinet. » Porro multi habent, *persequor officio*. Nempe *officium* nunc cernitur in describendis illis sacris. Qui autem singulas cujusdam rei partes ordine explicat, is eam et *persequi* et *prosequi* oratione dicitur; vide ad II, 15, ubi eadem varietas. Quoniam autem *officio* nunc simul honoris habendi notio inest, propter ea *prosequor* præferendum videtur.

725. Inprecationibus veteres, ut flecterent Deos, pietatis suæ signa commemorare solebant, quod ex Homero, multisque deinceps poetis notum est. Nunc quidem poeta ea signa jactat, quæ ad hæc ipsa sacra pertinent, et in sqq repetuntur. — Vocabæ *si* varietatis causa nunc substituit certe. — De *cinere* illo vituli vide supra 637 sqq; adhibebatur, ut et *stipulæ fabales* scil. fabalia, suffiminis loco, vers. 733 sq; sed addit *februa*, piamina, II, 19, quia illa

ipsa suffimenta vim purgandi habebant. Jam Romulus, quum id ageret, ut urbem conderet, ignes ante tentoria accendi, populumque expiationis causa transilire flammæ jussit; Dionysius dicto loco. Idem ergo et post tenuit, ut sacris epulisque peractis (vers. 781 sqq), stipularum et fœni acervi accenderentur transiliendi. Varro: « Palilia tam » publica, quam privata sunt. Et est » genus hilaritatis et lusus apud rusticos, ut congestis cum fœno stipulis, ignem magnum transiliant, » his Palilibus se expiari credentes. » Alia dabimus ad vers. 781. Heinsius *stipulaque fabali* legi volebat. *Faballium* siliquarumque *cinerem* in medicamentis quidem Plin. XXII, 69, memorat, sed eundem etiam in suffimentis aut febris fuisse non alibi me legere memini. — *Lauro* autem hunc usum fuisse, quum vis averruncandi ei inesse crederetur, docet Casaub. ad Theophrast. charact. 16. Et ramo lauri adspargere se solebant aqua lustrali; infra V, 677: *Uda fit hinc laurus: lauro sparguntur ab uda*. Quamquam olivæ etiam rami eandem in rem adhibebantur; Æneid. VI, 229: « Idem ter socios » pura circumtulit unda, Spargens » rore levi et ramo felicis olivæ. » Etiam hoc loco MSS *uda*, quod vero Heinsius in *virga* mutavit. Forte alterum revocandum. — De *roratis*

Mota Dea est; operique favet: Navalibus exi,

Puppis; habent ventos jam tua vela suos.

730

I, pete virginea, populus, suffimen ab ara;

Vesta dabit: Vestæ munere purus eris.

Sanguis equi suffimen erit, vitulique favilla;

Tertia res, duræ culmen inane fabæ.

Pastor, oves saturas ad prima crepuscula lustra:

735

Unda prius spargat, virgaque verrat humum.

Frondebis et fixis decorentur ovilia ramis;

*aquis* vide ad vers. 778.—Pro *spargere* nunc est *mittere*.

729. Hic poeta operam suam cum navigatione rursus comparat; conf. I, 4, et Cerdam ad Virg. Georg. II, 41. — *Suos*, secundos, ut *sui Dii* sunt propitii. — *Tua* est e Mazarin. Zulichem. et, qui sic pro diversa lectione, Voss. pro *mea*; hinc Heinsius etiam *exit* in *exi* mutavit. Sane Ovidius apostrophen mirum in modum amat. Krebsius vero veterem lectionem retineri vult.

731. Suffimina e Vestæ templo et a Vestalibus petebantur, vs. 639. — Pro *eris* quidam *abis*, unde Heinsius *abi* conjicit. Melius poeta indicat, quid futurum sit. — Nominativus *populus* pro vocativo hic, ut I, 319, offendisse librarios quosdam videtur; itaque *populo*, aut *populis* aut *popule* scripserunt; Horatius, Art. Poet. 292: *Vos, o Pompilius sanguis*.—Pro *purus*, quod frequentissimum in hac re, alii *mundus*, *tutus* aut *totus*. Inde Burmannus male conjicit *lotus*; febris enim, quæ jam nominantur, lavari non solebant.—*Sanguis equi*. Neapolis observat, hinc refelli Solinum, qui id servatum tradat: « Ne qua hostia » Parilibus cæderetur, ut dies iste » a sanguine purus esset. » Verum

*equus* non eo die cæsus est, sed *sanguis* intel. qui de cauda *equi*, mense octobri in campo Martio Marti immolati, destillaverat, et in Vestæ templo servabatur; vide Festum in *Equus October*. Referunt huc etiam verba Propertii, IV, 1, 29: « An » nuaque accenso celebrare Palilia » fæno, Qualia nunc curto lustra » novantur equo. » — *Culmen* pro culmo. — *Inane*, demtis fabis.

735. Lustrabantur et oves et ovilia sub noctem. Etiam in Calendario vetere hæc lustratio notata. — Pro *unda* Heinsius non nisi ex Ulltii conjectura et Læti codice invenit *uda*. ut ad *virgam* referretur, quia V, 677: *Uda fit hinc laurus, lauro sparguntur ab uda Omnia*. Equidem puto *undam* et *virgam* nunc melius separari. — Ritus *verrendi* in omni sacro lustrali usitatum fuisse, Neapolis monet. Quum Patav. et a manu prima Zulich. *vergat* præferant, Heinsius suadet *tergat*. Immo *verrere* solemne in hac re; sic et *verrere templum crinibus*, quod in summo luctu fiebat; Lipsius Elect. II, 6. Et *everræ* purgationes domus dicebantur.—*Frondes* et *fixos ramos* posse Lenzius putat umbracula intelligi ante ovilia collocata, ex Tibullo, II, v, 97; verum sub um-



Et tegat ornatas longa corona fores.

Cærulei fiant vivo de sulphure fumi,

Tactaque fumanti sulphure balet ovis.

740

Ure mares oleas, tædamque, herbasque Sabinas;

Et crepet in mediis laurus adusta focis.

Libaque de milio milii fiscella sequatur;

braculis illis potius discumbebant rustici. — *Longæ*, e postibus dependentes, *festons*. — *Tegere*, ut *velare*, verbum in hac re proprium.

739. *Sulphuris* usus præcipuus in lustrationibus; Homerus, Od. x, 481; Tibullus, I, v, 11: « Ipseque » ter circum lustravi sulphure puro. — *Vivum* quid sit sulphur, explicat Plinius, XXXV, 50, ubi quatuor sulphuris genera recenset; « Vivum, quod Græci apyron vocant, » nascitur solidum, hoc est gleba. « Cætera liquore constant et conficiuntur oleo incocta. » Sed Gesenius negat, illud nunc intelligi posse, quia Plinius addat: « Vivo » solum ex omnibus generibus meriti dici utuntur, » se igitur, si lectio sana sit, *vivum* capere de celeritate, qua sulphur a flamma corripitur soleat, ut *vivacia sulphura* III Metam. 374. Hæc verò Plinius ipse dicto loco refellit. Ubi enim monuit, *vivum sulphur* vitiliginis tollere, pergit: « Habet et in religionibus locum ad » expiandas suffutis domos. » Cæterum *vivo* Heinsius ex Voss. Aron. del. Mazar. Zulich. et aliis accepit, quum cæteri *puro* habeant, quod Burmannus lustrationi non male convenire putabat. Et *purum sulphur* est Tibulli, I, v, 11; *pura unda* Æneid. VI, 229: *sal purum* apud Nostrum supra I, 338. Sed hoc loco tueor *vivo*, quod facile a librariis in notius *puro* mutari potuit. *Sulphur cæruleum* in purgationis descriptio-

ne habet Claudianus, XXVIII, 325. — *Tangere* verbum solenne in hac re, ut Heinsius exemplis docuit; sic et vers. 790.

741. *Oleæ* æque ac lauri usus in purgationibus; Æneid. VI, 230. — Arbores etiam Plinius XVI, 19, in *mares* et *feminas* dividit. Idem XII, 32, ubi de *turæ masculo* agit, addit: « Religioni tributum, ne sexus alter » usurparetur. » Sed Mitscherlich. e Mazarin. Zulichem. aliisque MSS *maris raris*, Gesenius e Naugerii libris *maris rorem* prætulit. *Maris ros*, sive rosmarinus, græce *λεβανωρίς*. Laudant hujus lectionis defendendæ causâ Virgil. Cul. 402, ubi *ros marinus* et *herba Sabina* iidem coniunguntur. Sed altera lectio doctior est, quam ut a librario proficisci potuerit. — *Pinum* in lustrationibus esse adhibitam, supra II, 25, vidimus. Nunc cognata arbor memoratur, *tæda*, pinus silvestris, quam Plinius XVI, 19, « flammis ac lumen » mini sacrorum gratam » vocat. — De *herbis Sabinis* et de *crepitante lauro* dictum ad I, 343.

743. *Sacra Deæ* non cruenta et obvia. — E *milio* Itali panem prædulcem faciebant, Plinius, XVIII, 24, sed et *liba*; Festus: « Suffimenta » dicebant, quæ faciebant ex faba » milioque mellito, mulso sparso. — *Fiscella* aut *fiscina*, calathus, quem rustici otiosi e juncis et viminibus texebant varium in usum; Virgil. Georg. I, 266; Tibullus, II,

Rustica præcipue est hoc Dea læta cibo.

Adde dapes mulctramque suas; dapibusque resectis, 745

Silvicolam tepido lacte precare Palen.

Consule, dic, pecori pariter pecorisque magistris;

Effugiat stabulis noxa repulsa meis.

Sive sacra pavi, sedive sub arbore sacra;

III, 15. — *Est hoc Dea læta cibo.* Hanc lectionem vetustiore cum Mitscherl. revocavi; placuit etiam Krebsio. Quoniam Mazarin. vocem *est* his habet, etiam in fine, propterea Heinsius fecerat, quo *Dea læta cibo est.*

745. Hæc verba negotium fecere intt. qui omnes *dapes* intellexere de sacris Deæ oblati. Heins. conjicit, *Adde dapi mulctramque suas*; verum e Tibull. II, v, 99, discimus, rusticos, sacris peractis, sibi *dapes* parasse: « At sibi quisque dapes et festas exstruet alte Cespitibus mensas, cespitibusque torum. » Eadem convivia etiam Propert. IV, iv, 74, memorat, « Quum pagana madent ferula deliciis, » et Noster in Terminalibus, II, 657. Neque credibile est, Ovidium illa omisisse. Inter cibos etiam *mulctra* apponebatur lacte repleta. Tunc *suas* in *tuas* mutandum arbitror — In *resectis* MSS valde variant: habent enim *relictis*, *paratis*, *remotis*, *resectis*; Ciofanus *resectis* explicat, divisis; Lenzius, parte dapum libata; Burmann. conjicit *peractis*; Schirachius præfert *paratis*, sed id interpretatur, peractis. Ego lego *resectis*; ita sensus oritur optimus. Ex *resectis* primum factum est *resectis*, inde *resectis*. Quod quum offenderet, alius aliud ex ingenio suo substituit. — Regius codex A habet *dapibusque paratis*; codex B *dapibusque relictis*; C *dapibusque resectis*: hoc postremum in

pluribus legitur. *Ed.* — Pro *mulctramque* olim edebatur in utrumque, quod Daniel Heinsius non spernebat. Sed nec locum nunc illa habent, nec vas potum continens abesse ab his debebat. Crateris loco adstabat *mulctra*. — *Silvicolam*; quia in silvis pecudes pascuntur. — *Tepido lacte*, scil. sparsu, libato; Tibullus, I, I, 36: « placidam soleo spargere lacte » Palem. » Inter libandum preces fiebant. Ordo autem rituum est hic: primum Deæ cibus apponitur; tum sibi dapes parant pastores; iis resecti, lotis manibus (vide ad vers. 778), libant lac; mox preces faciunt; tandem ipsi se proluunt lacte et sapa, vers. 779 sq.

747-776. Carmen precationis. — *Magister* omnino præfectus, ergo et præfectus pecori, de quo Varro *Re Rust.* I, 2. *Magister regii pecoris* Livius, I, 4. Sequitur magnus catalogus delictorum, quibus sacra violari Deoque offendi superstitio veterum credebatur. — *Sacra pavi*; Neapol. *invenit sacra*, in loco consecrato, quod approbat Burmannus. Sed iusto durior est omisso præpositionis, et in loco sacro pascere, vers. 750 sequitur. Revocavi ergo vulgat *sacra*, quamquam Taubnerus putat, adjectivum incommode versu his dici. Immo vis inest ei repetitioni, sacra sub arbore si pavi, sub sacra si sedi. Solebant autem pastores, dum greges in pascuis errabant, sub arbore sedere, ut e bu-

Pabulaque in bustis inscia carpsit ovis;  
 Seu nemus intravi vetitum, nostrisve fugatæ  
 Sunt oculis Nymphæ, semicaperve Deus:  
 Seu mea falx ramo lucum spoliavit opaco,  
 Unde data est ægræ fiscina frondis ovi:  
 Da veniam culpæ: nec, dum degrandinat, obsit  
 Agresti fano supposuisse pecus.  
 Nec noceat turbasse lacus: ignoscite, Nymphæ,

750

755

colicis notum. — De *bustorum* religione vide Kirchmannum de Funeribus, III, 21. Religiosum erat *busto insullare armentum*; Horatius, III, Od. III, 40. In *bustis* carpere pabula Burmannus æque eleganter dictum putabat ac *bibere in Nilo*. Sed hæc differunt. Ovis vel incedens in *bustis*, vel nascentia in *bustis* pabula carpit. Neapolis e libro perantiquo scribi e *bustis* volebat.

751. *Seu pro si* Heinsius ex uno Vaticano dedit, atque etiam vers. 753, eandem vocolam substituit. — *Vetitum*, quippe Deo sacrum. Qui forte in talem locum deferebantur, pavido murmure, ut noxam a se averterent, Faveas mihi! dicere solebant; VI Metam. 327. — *Nostris oculis fugatæ* bene dictum, fugientes nostrum adspectum. — *Semicaper* et V, 101; XIV Metam. 515. — *Lucos* ferro temerare grave scelus; VIII Metam. 743. Id tamen fieri Cato permisit, sacrificio prius facto; Re Rust. cap. 139; Plinius, XVII, 28. Qui lucum *ramo spoliabat opaco*, eum, auctore Festo, *sublucare* (veluti subtus lucem mittere) dicebant, et, qui ipsas arbores succidebat, *conlucare*. — *Fiscinæ* illæ *frondariæ* vocabantur; Plinius, XVIII, 74: « Unus frondator quatuor frondarias fiscinas complere in die justum habet. » — Pro *ægræ* Neapolis no-

tat et *teneræ* legi. Nil interest, utrum præferas; nam et teneris et ægris ovibus frondes adferebantur.

755. *Degradinat* vix alibi legitur; itaque disputant de ejus vi. Heinsius vituperat eos, qui explicant, desinit grandinare. Potest sane et pro simplici *grandinare* positum esse, ut *depluere* pro *pluere*, et finem grandinis notare; namque etiam *detonare* est desinere tonare, unde Quintilian. XII, ix, 4, consuetudinem quandam ait inter plausores suos *detônuisse*, desiisse. Burmannus qui posteriore sensu sumebat, *degrandinet* malebat, quia *dum* pro donec subjunctivum postulet: quod vero non semper fit. Heinsius cui verbum insolens *degrandinat* displicuisse videtur, suadebat, *dum*, *Dea*, *grandinat*. — *Agreste fanum*, non modo Silvani, ut Dan. Heins. volebat, sed et cujuscumque Dei templum in agris. Veteres plerique *agresti Fauno*, et ita Scaliger legendum putabat. Burmannus addit lectionis confirmandæ causa, *agrestem Faunum* etiam II, 193 legi. Bene; sed hoc non impeditur poetam, quo minus alibi *agreste fanum* commemoraret. Idem ex III, 730, *supposuisse Jovi* adfert; at vera lectio ibi est *seposuisse*, et ibi de primitiis sermo est. *Pecus* autem *supponere Fauno* sensum turpiter ambiguum habet;



Mota quod obscuras ungula fecit aquas.

Tu, Dea, pro nobis Fontes fontanaque placa

Numina: tu sparsos per nemus omne Deos.

760

Nec Dryadas, nec nos videamus labra Dianæ;

Nec Faunum, medio quum premit arva die.

Pelle procul morbos: valeant hominesque gregesque;

Et valeant vigiles, provida turba, canes.

Neve minus multas redigam, quam mane fuerunt;

765

Æn. VI, 24; VII, 283.—*Mota ungula* bene se habet; describitur enim pastor per lacus aut in lacus sacros pecora agens; VI Met. 363: « ipsos » etiam pedibusque manuque Tur- » bavere lacus; imoque e gurgite » mollem Huc illuc limum saltu mo- » vere maligno. » Sic et volantes æra *morent pennas*, navigantes mare remis; Heinsius vero, quum Aron- del. *nota* præberet, *lofa* malebat, ut lotio ovium in lacu intelligeretur. Quam rationem etiam Lenzius et Gesenius secuti sunt; sed quando lectio omnium prope codd. sensum bonum suppeditat, non opus est conjecturis; neque induci possum, ut credam Ovidium lotionem ovium ita elocutum fuisse. — *Obscura* aqua opponitur limpida.

759. *Fontes et fontana numina* non differunt. Prætulerim e codice Farnesiano *montanaque*; etiam XIV Met. 326 sq. *montana et fontana numina* junguntur.—*Proplaca* Mazar. Zulichem. et duo alii *præsta*, quod Heinsius non improbat, nulla tamen causa addita. Nempe *præstare* etiam absolute sic ponitur, ut sit exhibere aut reddere talem, qualis haberi velit aut debeat; Schwarz. ad Plinii p. negyr. LXXXIII, 3. — Regii nostri codices habent *placa*, quod recte et bene contra Heinsium defendit Gierig. Ed. — *Nec Dryadas*

etc. Prisco sæculo mortales impune cernere poterant Deas, etiam nundas; Propertius, III, xi, 38, ibique Broukhusius. Seriore pœna afficiebantur, qui Deos invitos viderant. — *Labra Dianæ* etiam ibide 479; *labra* vasa majora variis rebus recipiendis, ut musto expresso, inservientia; Virg. Georg. II, 6; sed erant et labra balnearia, in quibus lotio fiebat. Itaque Cicero ad Div. XIV, 20, curari vult, ut *labrum* sit in balneo. Nunc fontes intelliguntur, in quibus Diana venatu fessa virgineos artus liquido perfundere rore solebat, qualem Noster III Metam. 161 describit. *Dianæ* autem potissimum *labra* memorat propter miserum Actæona. Heins. conjicit etiam *Dryadum*; sed *Dryadum labra* non erant memorabilia. — *Premat arva*, cubat in arvis; Pan enim το μυσμ- βρονες ἀπ' ὄψεως κικρυαλὸς ἀμυμύεται Theocritus, Id. I, 15.

763. Incipiunt preces ad mala averruncanda et ad bona advertenda. Simile precationis carmen verbis vetustis conceptum habet Cato Re Rust. 141. — *Minus multas* scil. oves; quod non satis commode omissum. Heins. ex pluribus MSS *minus multo* recepit, eumque Mitscherlichius secutus est; sed ita nihil lucratur. Lenzius suadet, *neve minus* (scilicet ovium) *multro redigam*. — Regii

Neve gemam referens vellera rapta lupo.  
 Absit iniqua fames; herbæ frondesque supersint;  
 Quæque lavent artus, quæque bibantur, aquæ.  
 Ubra plena premam; referat mihi caseus æra;  
 Dentque viam liquido vimina rara sero. 770  
 Sitque salax aries; conceptaque semina conjux  
 Reddat: et in stabulo multa sit agna meo.  
 Lanaque proveniat, nullas læsura puellas,  
 Mollis, et ad teneras quamlibet apta manus.  
 Quæ precor, eveniant; et nos faciamus ad annum 775  
 Pastorum dominæ grandia liba Pali.  
 His Dea placanda est: hæc tu conversus ad ortus

codic. dant minus multo; sed minus multas facilius capitur. Ed.—*Gemam referens*; Sarravii MS et quinque alii, *gemens referam*; fortasse ex interpretatione.—*Rapta*, erepta. Felicior est rusticus apud Horatium, Epod. II, 60, qui comedit *hædum ereptum lupo*. Etiam Tibullus dicto loco precatur: «a stabulis tunc procul este lupi.»—*Iniqua*, damno-sa.—*Lavent artus* nempe ovium; solebant enim *balantum gregem fluvio mersare salubri*; Virgil. Georg. I, 272; III, 445 sqq; Varro Re Rust. II, 1, 23. Quæ lotio in Calendario antiquo notatur mense Maio.

769. *Ubra premere*; XV Metam. 472: «Ubra manibus pressanda:» Virgil. Eclog. III, 98: «si lac præceperit æstus, Ut nuper, frustra pressabimus ubera palmis.»—*De ære ex caseo*, Ecl. I, 35: «Quamvis... Pinguis et ingrata premere» tur caseus urbi, Non unquam gra-vis ære domum mihi dextra redibat.»—*Vimina*, fiscinæ in usum cogendi lactis; Tibullus, II, III, 15: «Tunc fiscella levi detexta est vimini ne junci, Raraque per nexus est

» via facta sero;» Calpurn. Eclog. IX, 33: «Ipse ego nec molli junco, nec vimine lento Perfeci calathos cogendi lactis in usus.» Conf. XII Metam. 436.—*Reddat*, enitatur. Sacra illa fiebant *περί γυνῆς τετρακίδου* Dionysius dicto loco.—*Lanam mollem* bene circumloquitur etiam Tibullus, II, 1, 61: «teneris curam exhibitura puellis.»—*Lædere*, secare, dolores creare; Tibullus, IV, III, 8: «teneras lædere velle manus.»—Lenzius monet jungendum *quamlibet apta*, i. e. aptissima; sic et Gesenius. Ego jungo *quamlibet teneras*, adeo mollis, ut ne teneras quidem manus lædat. *Quamlibet*, quantumvis; vid. Longolius ad Plinii Epp. X, LXXXVII, 2.—Verba *quæ precor, eveniant* vim habent Christiani *amen*; Tibullus, II, 1: «Eventura precori.»—*Ad annum*, anno præterlapso.—Heins. suadebat, *evenient; at nos*. Non video quare.

777. *Ad ortus* ex more antiquo atque etiam a Christianis recepto; vide Hildebrand de sacris publicis, p. 18. Etiam Krebsius nonnulla de hoc

Dic ter, et in vivo perlue rore manus.  
 Tum licet, apposita, veluti craterē, camella,  
 Lac niveum potes, purpureamque sapam :  
 Moxque per arduas stipulæ crepitan-  
 tis acervos  
 Trajicias celeri strenua membra pede.

780

ritu ejusque origine adfert.—*Dic ter* recepit Heinsius ex Læti cod. et primo Ambrosiano; cæteri, *dic quater, et vivo*. Immo *ternarius* numerus sacer erat; II, 573; V, 435; VI, 155. —*In vivo rore* Lenzius vertit *imfrischen Abendthau*; quod non est; immo *ros, rorata aqua, ῥοσὶς*, est aqua lustralis; Valken. ad Euripid. Hippolytum, p. 180. Et *irrorare* de iis dicitur qui se lustrant aqua; Æn. VI, 230; *rore levi spargens socios*; vide ad vers. 315. Neque *vivus* est recens, ut et Gesenius explicat, sed fluvialis aut fontanus; Æn. II, 719: « donec me flumine vivo Abluero, » pro quo IV, 635: *fluviali spargere lympa*; Liv. I, 45: « Quin tu ante » vivo perfunderis flumine? infima » valle præfluit Tiberis. » Supra vers. 655, est *fontana aqua*. Krebsius hoc epitheton, etiam quum *sulphuri* et *saxo* additur, semper vertit *lebend*; non bene. Tali aqua templum ingressuri, preces aut sacra facturi vel vestes, vel *manus* caputque lavare solebant. Qui *manus* laverant, *puris manibus* accedere dicebantur. *Perluerē* amat Ovidius in hac re; III Met. 173: « dum ibi perluitur solita Titania lympa; » IV, 310: « fonte suo formosos perluit artus. » Etiam infra V, 435, plurimi libri: *Terque manus puras fontana perluit unda*; sed Burmannus qui ibi *perluit* tuetur, hoc loco ex uno Sarra-  
*prolue* dedit, eumque secutus est Mitscherl. Putant, *perluerē* esse penitus madefacere, *proluere*, leviter

adspargere; Drakenborchius ad Silium XVII, 300. Sed hoc est nihili; Virgilius, Georg. I, 481: Eridanus « Proluit insano contorquens vortice silvas; » III, 543: « naufraga » corpora fluctus Proluit. »

779. In mensis veterum *crater* stare solebat, sed in his conviviis ejus loco *camella*, vasis lignei genus; de qua voce rariore vid. Varro Fragm. pag. 240 Bip. et Turneb. Advers. XXVI, 7. A Gellio Noct. Att. XVI, 7, inter singularia Laberii refertur; Tibullus dicto loco 98, de his epulis, « coronatus stabit et ante calix. » — *Sapa* quid fuerit, docet Plinius, XIV, 11: « Siræum, quod alii hepsema, nostri sapam appellant, in genii, non naturæ opus est, mus » to usque ad tertiam partem mensuræ decocto: quod ubi factum ad dimidiam est, defrutum vocamus. » Varro vero et Nonnius mustum ad mediam partem decoctum *sapam* vocant. Potionem e sapa et lacte compositam veteribus dictam esse *burhanicam*, Neapolis docet. Festus; « Burrhanica potio, lac comistum sapa, a rufo colore, quem burrum vocant. » — De saltu per flammam conf. ad vers. 727; transiliebant bene poti; Tibullus, dict. loco 89: « Ille levis stipulæ solennes » potus acervos Accendit, flammam » transilietque sacras. » Propertius, dicto loco: « Quumque super raros » fœni flammantis acervos Trajicit » immundos ebria turba pedes. » Heins. hoc loco scribi volebat: *Mox*.



Expositus mos est : moris mihi restat origo.

Turba facit dubium, cœptaque nostra tenet.

Omnia purgat edax ignis, vitiumque metallis 785

Excoquit : idcirco cum duce purgat oves.

An, quia cunctarum contraria semina rerum

Sunt duo discordes, ignis et unda, Dii,

Junxerunt elementa patres ; aptumque putarunt

Ignibus et sparsa tangere corpus aqua ? 790

An, quod in his vitæ causa est ; hæc perdidit exsul ;

His nova fit conjux : hæc duo magna putant ?

*que ter ... Transilias celeri strenua  
turba pede ; sine causa.*

783. Moris origo. Hic *turba*, multitudo causarum eum reddebant dubium, et cursum orationis retinebant ; V, 6, *copia ipsa nocet*. Multa hic et mira cumulat. — *Ignis* propter vim *purgandi* jam apud antiquissimos in lustrationibus locum habebat ; Plutarchus, Quæst. Rom. 1 : τὸ πῦρ καθάρει, τὸ ὕδωρ ἀγνίζει. — *Excoquit*, ut Virg. Georg. I, 89 : agris « omne per ignem Excoquitur vitium. » — *Ducem gregis* apud poetas ubique, etiam apud Ovidium esse vel arietem, vel hircum, vel taurum, non autem pastorem, atque etiam hoc loc. arietem intelligi, observat Heynius ad Tibull. I, x, 10. Pastor potius *sequitur* oves ; VI, 14 ; sed quia Palilibus non grex modo, sed pastor quoque purgabatur, nunc quidem hunc intelligere possis ; Tibullus, I, 1, 35 : « Hic ego pastor remque meum lustrare quotannis, » Et placidam soleo spargere lacte » Palem. »

787. *Semina rerum*, elementa, etiam I Metam. 9. Vim *contrariorum* illorum *seminum* declarat ibid. vs. 432 : « Quumque sit ignis aquæ pugnax ; » vapor humidus omnes Res creat,

» et discors concordia fetibus apta » est, » ubi vide notam. — *Discordes* Heinsius in *dissortes* mutari volebat. Non assentior ; veteres enim de *discordi concordia* rerum disputabant. Neque *aptum* mutari debet, quamquam Burmanno non ineptum videbatur cum MS Pembroc. a manu secunda *sanum* legere, aut *faustum*. — De *tangere* vide ad vers. 740. — *An, quod* etc. Festus tradit aquam et ignem interdicti solere damnatis, permitti vero nuptis ; « videlicet » quia hæc duæ res humanam vitam » maxime continent ; » Servius ad Æneid. VII : « Ad facienda fœdera » aqua et ignis adhibentur, unde » contra, quos arcere volumus e nostro consortio, eis aqua et igni interdici- » mus, id est rebus, quibus » consortio copulamur. » Interdictio autem illa, quam auctore Dionysio Halic. II, 53, Romulus jam instituit, hanc vim habebat, ut intra fines imperii romani nemini liceret exsuli vel aquam, vel ignem præbere. — *Properdidit* Heinsius malit, *perdit et* ; male : qui in exsilio est, is jam *perdidit* illa. Hinc exsules interdum hac circumscriptione vocantur, quibus aqua et igni interdictum est ; non, interdicitur. — *Nova con-*

Vix equidem credo : sunt qui Phaethonta referri

Credant, et nimias Deucalionis aquas.

Pars quoque, quum saxis pastores saxa feribant,

797

Scintillam subito prosiluisse ferunt :

Prima quidem periit; stipulis excepta secunda est :

Hoc argumenti flamma Palilis habet.

An magis hunc morem pietas Æneia fecit,

Innocuum victo cui dedit ignis iter?

800

Hoc tamen est vero propius, quum condita Roma est,

Transferri iussos in nova tecta Lares :

Mutantesque domum tectis agrestibus, ignem

Et cessaturæ supposuisse casæ ;

Per flammam saluisse pecus ; saluisse colonos ;

805

*jux* et maritus aquam et ignem tangebant, quia secundum Plutarch. Quæst. Rom. 1, his duobus omnia gigni credebantur. Adde Varronem de Ling. Lat. IV, 10.

793. Verba *vix equidem credo* Lenzius et interpr. gallicus ad seqq referunt; equidem ad antecedentia refero, eique rationi interpunctionem accommodavi. — *Referri*, exprimi, adumbrari. — *Credant*, quia *credo* præcedit, Heinsius in *edant*, aut *prodant*, aut *tradant* mutari vult; sed vide ad I, 245. — Eidem et Burmanno displicet *nimias aquas*. Hic ergo suadet *tamidas*, ille *veteres*, quia unus codex *veras*. Me vero *nimia aqua* minime offendunt, iis enim bene diluvium Deucalionem declarat.

795. Revocavi *feribant* (pro *feriebant*) quod etiam Lenzius et Gesenius præferunt. Namque *terebant* est non nisi a manu Heinsii, quia MSS plerique *feriebant* habent. Sæpe quidem *lapidem lapide terere* apud veteres legitur; sed inde non sequi-

tur, etiam pastores illos idem fecisse; potuerunt enim casu lasuve *ferire saxa saxis*. — *Stipulis* pro fomite; Æneid. I, 174: « silici scintillam excudit Achates, Suscepitque ignem foliis, atque arida circum » Nutrimenta dedit, rapuitque in » fomite flammam. — *Hoc argumenti habet*, hoc indicat, hoc sibi vult: *argumenti* recepit Heinsius e MS Juniano; vulgo, *argumentum*. — *Innocuum* etc. quem ignis tutum se transire passus est, qui incolumis per incendia Trojana abiit; vide supra ad vers. 37. — Non video cur Heinsius *cui* in *cum* mutari voluerit.

801. *Hoc tamen* verum esse puto; quibus verbis Ovidius, postquam multa dubitanter protulerat, tandem aliquid certius subjicere volebat; idem et Krehns præfert. Multi MSS *Nunc tamen*, unde Heinsius *Num tamen* fecit, quod Lenzius tueretur. — *Saluisse* pro *salsisse* Heinsius auctoritate et Prisciani lib. I, pag. 906, et meliorum codd. reposuit. — Jam debebat dicere: Quod fit nunc

Quod fit natali nunc quoque, Roma, tuo.  
Ipse locus causas vati facit : urbis origo

Venit : ades factis, magne Quirine, tuis.  
Jam luerat pœnas frater Numitoris ; et omne

Pastorum gemino sub duce vulgus erat. 810  
Contrahere agrestes, et mœnia ponere utrique

quoque Palilibus ; sed melius dixit : *natali Roma, tuo*. Ita enim commode transit ad *originem urbis*, quæ in Palilium diem incidebat, ut jam ad vers. 721 admonitum. — *Ipse locus* etc. Sic Heinsius e MSS Ursino, uno Vaticano, Patavino, et Naugeriano dedit. Hoc sic explicant : ipse locus carminis dat causas canendi, quæ jam sequuntur. Ita hæc ex parte similia forent illis versus 417 : *Exigit ipse locus, raptus ut virginis edam*. Sed non video, cur ea quæ jam sequuntur, *causas* appellarit. Antea *causas* commemorarat, cur Romani aquam et ignem in lustrationibus adhibeant ; atque hinc pergit : *Ipse locus causas vati facit*. Hæc verba igitur, si sana sunt, equidem ad antecedentia refero : quid ego altius *causas* illius ritus arcesso, quum *ipse locus*, quem incolimus, aut, si ita mavis, in quo tractando jam versor, eas mihi suppeditet ? Id si cui displicet, videat an ex altera lectione meliorem sensum fingere possit. Olim enim edebatur, *Ipse locum vati casus facit*, quod Marsus interpretatur, quasi casu venimus in hunc locum, ut de initiis urbis agendum sit. Immo ordine rerum in illum locum deducebatur. Lectionem autem illam MSS veteres plerique confirmant, quamquam in iis ordine inverso, *casus vati*. Heinsius scribi vult, *Ipse locus casu vati facit*, atque adiri notam suam ad II, Epist. 39, ubi do-

cet, *facere alicui dici pro facere ad aliquem*.

807-862. *Natalis urbis*. Hic de muris positus et Remi interitu. Heinsius ex ingenio invexerat *festis*, quamquam et *fastis* aut *sacris* suadebat. Ego non dubitavi *factis* revocare. Urbis originem canere vult ; ergo non  *festa* aut *sacra*, sed *facta* Romuli. In urbis origine desinit etiam locus vers. 857. — *Pænas* Amulii jam attigit poeta III, 67 ; nunc festinat. De Romuli Remique dissidiis atque hujus nece, variæ erant Romanorum traditiones, quas apud Dionysium Halicarn. I, 85, Plutarchum Vit. Rom. 9 sq, et reliquos rerum romanarum scriptores habes. Admodum credibile est, quod Dionysius tradit, multitudinem omnem in duas divisam fuisse partes, quarum altera Romulum ducem sequeretur, altera Remum ; hinc et fratrum animos dissociatos esse, eorumque dissidia maxime patuisse, quum locus urbi condendæ quæreretur. — *Pastores* constanter primi Romæ incolæ vocantur, quibus mox, asylo aperto, convenæ accesserunt ; Livius, II, 1. Et erat regio illa pastoribus imprimis opportuna ; Dionysius, II, 2. Zulichem. *pastoris* ; hinc Heins. suadet, *pastores... erant*.

811. Qui urbes condunt, eorum est « dissipatos homines in societatem vitæ convocare ; » Cicer. Tuscul. V, 2 ; aut « dispersos homines » unum in locum congregare ; »



Convenit : ambigitur, mœnia ponat uter.  
Nil opus est, dixit, certamine, Romulus, ullo.

Magna fides avium est : experiamur aves.

Res placet : alter init nemorosi saxa Palati ;

815

Alter Aventinum mane cacumen adit.

Sex Remus ; hic volucres bis sex videt ordine : pacto

Statur ; et arbitrium Romulus urbis habet.

Apta dies legitur, qua mœnia signet aratro.

Sacra Palis suberant : inde movetur opus.

820

Fossa fit ad solidum ; fruges jaciuntur in ima ;

Orat. I, n. 33. — *Convenit*, complacet ex pacto. De syntaxi vid. Heins. et Burmann. ad Remed. Amor. 471. Nisi hoc loco malis per conducit interpretari. — *Mœnia ponat* agnoscunt Ursinus, Petavian. et multi alii ; cæteri nomina ponat. Dubitare possis, utrum verius. Livius, I, 6 : « Quoniam gemini essent, nec ætatis verecundia discrimen facere » posset, ut Dii, quorum tutelæ ea » loca essent, auguriis legerent, qui » nomen novæ urbi daret, qui conditam imperio regeret. » Dionysius, I, 85 : ambigebant, ἀπορίσθαι χρὴ τῶν ἀποδείκνυσι λέγεσθαι καὶ τῶν ἡγουμένων λέναι. Ennius : « Certabant, » urbem Romamne Remamne vocarent. » Nunc forsitan *mœnia* jure præfertur ; ubi enim Romulus vicit, *apta dies legitur, qua mœnia signet aratro*, vers. 819.

813. Ab avo admoniti, auspiciis rem dirimendam committere voluerunt ; Dionys. dicto loco. — *Experiamur*, consulamus ; Plinius, II, Ep. xx, 4 : haruspex, « quem sum » frequenter expertus. — *Init...adit* ; alii MSS ordine inverso, *adit...init*, quem ordinem Mitsch. prætulit. — *Aventinus* ab eo dictus *Remuria*, aut, ut Græci scribunt Ρωμυρία. — *Volu-*

*cres*, nempe vultures, quibus, quoniam nec pecori, nec satis nocent, Romani in auspiciis plurimum tribuebant ; Plutarch. dicto loco. In auspiciis illis aliquid fraudis commissum esse a Romulo, Dionysius prolixè narrat ; inde contentionem esse ortam, quam multitudo accenderit ; in pugna utrumque multos cecidisse, etiam Remum et Faustulum, quum iram dirimere vellet. Sed Ovidius famam sequitur, quam Livius, dicto loco vulgatiorem vocat, ex qua Remus, muris jam positus, periit. — *Arbitrium urbis habet*, pendet ab eo jus ponendæ urbis, quocumque loco vellet. — *Qua mœnia* ; Lenzius e Juniano et sex aliis præfert *quæ*, scilicet dies.

821. Ritus, quibus urbs condita. Ritus et illos et alios Romani ab Etruscis sumserunt. Festus : « Rituales nominantur Etruscorum libri, in quibus perscriptum est, » quo ritu condantur urbes, aræ, » ædes sacrentur, » etc. Varro de Ling. Lat. IV : « Oppida condantur in Latio Etrusco ritu multa, » id est junctis bubus, tauro et vacca, interiore aratro circumagebant sulcum. » Plenius illos ritus memorat Plutarchus dicto loco. —

Et de vicino terra petita solo.

Fossa repletur humo, plenæque imponitur ara;

Et novus accenso finditur igne focus.

Inde premens stivam designat mœnia sulco : 825

Alba jugum niveo cum bove vacca tulit.

Vox fuit hæc regis : Condenti, Jupiter, urbem,

Et genitor Mavors, Vestaque mater, ades;

Quosque pium est adhibere Deos, advertite cuncti :

Auspicius vobis hoc mihi surgat opus ! 830

*Fossam* illam mundum vocabant, in eamque et primitias omnium rerum et particulas terræ, ex qua quisque regione venerat, commixtas deferebant. Tum conditor æneo vomere, junctisque bubus, mari et femina, profundum ducebat sulcum, et, ubi porta designanda erat, ibi exempto sublatoque vomere, spatium relinquebat. Qui eum sequebantur, ii excitatas aratro glebas intro vertebant. Adde Columellam, VI præf. — *Ad solidum* Lenz. interpretatur, in loco solido, locum enim illum maxima ex parte fuisse palustrem; sed quid fiet his locis? Valerius Maximus, II, 1: « Fundamentorum consti- » tuendorum gratia, terram ad so- » lidum fodere. » Columella, IV, 30: « salices » deponere eo usque, « dum ad solidum demittantur. » Iis locis fossæ altitudo innuitur, qua res demissæ firmum fundamentum habent. Noster XI Metam. 72: « in » solidam detrusit acumine terram. » Mitscherlich. prætulit *ad solitam*, quod plurimi veterum agnoscunt.

824. *Finditur* revocavi, quia sic vetustiores plerique; *findi* enim solum æstu solet; II Metam. 159: « Fissa tellus agit rimas; » vs. 211, Phæbus « findit vaporibus arva. » Virgil. Georg. II, 353: « findit Ca-

» nis æstifer arva. » Heinsius vulg. *fungitur* defendit, quia *fungi* dicantur, quæ officium suum præsent; nonnulli *funditur* aut *fungitur*. — *Stivæ*, german. *die Sterze*, lignum per burim in dentale descendens, cujus ope arator flectebat aratrum; Virg. Georg. I, 179. — *Premens*, ut vomer alte descendat; profundum enim sulcum, ἀνταρὰ βαθεῖον, faciebant.

827-832. Preces Romuli, de quibus historici nihil habent; victimam tamen ejus Dionysius memorat. — De *Vesta* Latio illata vide III, 426. — *Mater* commune Dearum epitheton, ut *pater* Deorum. — *Adhibere* in auxilium, implorare; etiam apud Florum, I, 1, 6, Romulus urbem conditurus, *Deos adhibet*, nempe auspiciis. — *Advertite* Taubnerus explicat, animadvertite. Immo deest, *numina vestra*, quod interdum additur, ut Æn. IV, 611. Et passim hoc verbum absolute ponitur; Drakenborch. ad Silium, I, 288. — *Auspicius vobis*, vestro auxilio, ductu, consilio; unus MS *auspiciisque bonis*, ut I, 513, *bonis avibus*; plures, *auspiciisque bonis*. — *Surgere* sic et apud Virgil. ut in illo: « O fortunati, quorum jam mœnia sur- » gunt! » *Æternitas* imperii et *potentia* rerum ubique Romanorum

Longa sit huic ætas, dominæque potentia terræ;

Sitque sub hac oriens occiduusque dies.

Ille precabatur : tonitru dedit omina lævo

Jupiter ; et lævo fulmina missa polo.

Augurio læti jaciunt fundamina cives ;

835

Et novus exiguo tempore murus erat.

Hoc Celer urget opus, quem Romulus ipse vocarat ;

Sintque, Celer, curæ, dixerat, ista tuæ :

Neve quis aut muros, aut factam vomere fossam

Transeat ; audentem talia dede neci.

840

Quod Remus ignorans, humiles contemnere muros

Cœpit ; et, His populus, dicere, tutus erit ?

Nec mora, transiluit : rutro Celer occupat ausum.

Ille premit duram sanguinolentus humum.

animis obversabantur. — *Domina*, quæ habet imperium in omnes ; vide vers. 859. — *Dies* pro regione.

833. Etiam apud Dionysium, II, 4, quum Romulus, ut rex declararetur, victimas mactaret, precesque faceret, ἀστραπή διεῖλθιν ἐκ τῶν ἀστεριῶν ἐπὶ τὰ θεῖα tum latius disputat, cur fulmina a læva ad dextram tendentia Romanis fausta sint habita. Breviter Plin. II, 55 : « Læva » fulmina prospera existimantur, » quoniam læva parte mundi ortus » est. » Ex interpretatione fluxit, quod hoc loco quidam habent, læto aut læta ; unus dextra. Etiam Æn. II, 692 : « subitoque fragore Intonuit lævum. » Sed supra III, 369, aliter Jupiter promissis fidem addit : *Ter tonuit sine nube Deus, tria fulgura misit.*

837. *Celer*, unus e sociis Romuli et præfectus operi, τῆς τῶν ἰσχυρῶν ἐξ ἐκστράτης τῶν ἔργων, secundum Plutarch. et Dionysium. — *Is urget opus* ; itaque Lenzius putat, eum a

celeritate operis perfecti nomen accepisse ; Plutarchus contra auctor est, veloces ab eo dictos esse *celer*es. — In vocc. *factam vomere fossam* variant MSS : *factos sulcos, versam terram, pressam terram.* — Regii codices habent *factam fossam* ; hanc lect. vulgat. mutare temerarium putavit Burmannus, quia paulo ante *fossa fit ad solidum.* Ed. — Remus, indignans, quod dolo circumventus esset a fratre, et risit, et impedivit, et transiluit muros ; Dionysius dicto loco. Secundum eundem *Celer* tum forte stabat in muro. — *Rutrum*, rusticum instrumentum et ad fodiendum et ad subigendum, de quo Nonius et Varro. *Rutro* Remum esse occisum, et alii auctores narrant, quos laudant Neapol. et Heinsius ; Dionysius ταυρίτις aut ταυρίτις habet. Noster in Ibide 635, pro *rutro* omnino *rustica tela* memorat. — *Occupat*, ut I, 675, *Occupat Alcides clava* ; et XII Met. 343 : « conantem » stipite querno *Occupat Ægides.* »



Hæc ubi rex didicit, lacrymas introrsus obortas

845

Devorat, et clausum pectore vulnus habet.

Flere palam non vult, exemplaue fortia servat;

Sicque meos muros transeat hostis, ait.

Dat tamen exsequias: nec jam suspendere fletum

Sustinet; et pietas dissimulata patet.

850

Osculaque applicuit posito suprema feretro;

Atque ait: Invito frater adempte, vale.

Arsurosque artus unxit; fecere, quod ille,

Faustulus et mœstas Acca soluta comas.

Tum juvenem nondum facti flevere Quirites;

855

Ultima plorato subdita flamma rogo.

845. Etiam Floro, I, 1, 6, *dubium* videtur, *an jussu fratris* occisus sit. Apud Livium contra Romulus ipse iratus eum interficit, additis verbis, quæ Ovidius, 848, respexit: « Sic » deinde, quicumque alius transi- » liet mœnia mea. » Noster id sedulo agit, ut facinus illud velet, Romulumque a ferocia defendat. Non ita Cicero, Off. III, 10: « Species enim » utilitatis animum pepulit ejus; cui » quum visum esset utilius, solum » quam cum altero regnare, fra- » trem interemit. » Cum sqq autem confer V, 451, ubi hoc argumentum continuatur. — Verbis *lacrymas... devorat* Noster vim gravissimi doloris etiam XI Met. 635 descripsit. Mœrore illo actus Romulus semetipsum interfecisset, nisi eum Laurentia precibus deterruisset; Dionysius dicto loco. — *Exempla fortia servat*; sequitur exemplum virorum fortium in devorandis lacrymis et in dolore intus claudendo. Interp. gallicus aberravit a mente poetæ, quum Romulum putat exemplum legis servandæ proponere voluisse. — Dubitat Heinsius an veteres

*dare exsequias* dixerint; suadet igitur aut *dat inferias*, aut *it exsequias*, quia in cod. Mazarin. erasa erat vetus lectio, et restabat litera *I*. De *inferiis* quidem sermo hic esse non potest: tum nimis tenue esset, eum *isse exsequias*; melius ipse eas instituit; *dare* autem pro facere, parare, concedere ponitur.

852. *Ademptus*, qui invito ereptus est; sic *ademptus Hector* Horatius, II, Od. IV, 10; et *ademptus mystes* Od. IX, 10. — De *unctione artuum* vid. Bentleium ad Horatium, Epod. XVII, 11. — *Faustulus* secundum alios in certamine periit. — *Acca*, Laurentia, quæ a Plutarcho *Acca Larentia* vocatur; vide ad III, 55. — *Nondum facti Quirites*. Sic solet Ovidius res aut homines ab iis, quæ serius evenerunt, designare; II Met. « nondum Cægius Hæmus. » — *Ultimam* Lenzius explicat ultimo loco, post reliquos exsequiarum ritus; immo *ultima*, *suprema*, *sera* dicuntur, quæcumque fiunt in honorem mortui; sic paulo ante *suprema oscula*. Humatus autem Remus est in Remuria monte.

Urbs oritur, quis tunc hoc ulli credere posset?

Victorem terris impositura pedem.

Cuncta regas; et sis magno sub Cæsare semper;

Sæpe etiam plures nominis hujus habe:

860

Et quoties steteris domito sublimis in orbe;

Omnia sint humeris inferiora tuis.

Dicta Pales nobis: idem Vinalia dicam:

Una tamen media est inter utramque dies.

Numina vulgares Veneris celebrate puellæ:

865

Multa professorum quæstibus apta Venus.

Poscite ture dato formam, populique favorem;

Poscite blanditias, dignaque verba jocò:

Cumque sua dominæ date grata sisymbria myrto,

857. Confer I, 515 sqq. — *Victorem ... pedem*, cui terræ subjectæ erunt et parebunt. Sumta formula a consuetudine antiquissima; qua victores victis pedem imponere solebant, quam etiam Turnus in exanimum Pallanta servat; conf. Virg. *Æn.* X, 495. — *Et quoties* etc. Insignis est proceritas ejus, qui non capite tantum, sed *humeris* quoque supereminet omnes, ut Diana Nymphas, Musæus (*Æneid.* VI, 668) reliquam turbam. Hoc idem translatum ad urbis Romanæ altitudinem declarandam.

863–900. IX. *Kalend. Maias Vinalia* in honorem Jovis, aut, ut vulgo putabant, Veneris. Masurius apud Macrobius, *Saturn.* I, 4: «Vinaliorum dies Jovi sacer est, non, » ut quidam putant, Veneri. » Varro de Ling. Lat. V: «Vinalia a vino: » hic dies Jovis, non Veneris. » Errore illo Græcis dicta sunt *Ἀφροδισία* et Plutarcho, *Quæst. Rom.* p. 115. Reisk. — *Veneralia*. Noster, ubi meretrices excitavit ad festum illud in

Erycinæ Veneris templo celebrandum, originem festi narrat.

866. *Professorum*. Hoc referunt eo, quod feminis Romanis vulgare corpus licebat, ubi id *professæ* erant apud *Ædiles*, quo facto, inter togatas numerabantur, de quibus supra vers. 134. Vide Sueton. *Tiber.* 35; Tacit. *Annal.* II, 85, ibique Lipsium; sed Herald. ad Arnobium adv. Gentes, pag. 133, conjungit *multa professorum*, monetque *multa* et τὰ πολλὰ dictas esse voluptates venereas. Non tamen hoc approbavit Heinsius, qui aut *multa Venus* conjungit, aut *multa* in *culta* mutari vult; quæ conjectura non mala est. Celebrate Venerem, nam *culta*, si celebratur, apta est quæstibus. — *Ture dato* maxime coli solebat Venus; Horatius, I, Od. xxx, 2. — *Poscere* solemne de precantibus. — *Joco*, lusu Venereo. Passim apud Nostrum *verba apta joco*. Hoc loco vulg. loco, quæ varietas etiam I, 395. — *Sisymbrium* etiam thymbræum appellatum. Quod in sicco nascitur,

Textaque composita juncea vincla rosa.

870

Templa frequentari Collinæ proxima portæ

Nunc decet : a Siculo nomina colle tenent.

Utque Syracusas Arethusidas abstulit armis

Claudius, et bello te quoque cepit, Eryx :

Carmine vivacis Venus est translata Sibyllæ ;

875

id odoratum est, et a veteribus coronis inserebatur ; Plinius, XX, 91. De coronis e *myrto*, Veneri sacra, res nota ; Horatius, I, Od. IV, 9 ; xxxviii, 5 ; II, Od. VII, 8 ; Tibullus, I, x, 27.—De *junci* generibus vide Plinium, XXI, 69 sqq. In iis quædam odorata, quorum odor vicinus nardo. — Iis *vinciebantur* et *rosæ* in sarta. Sertis autem et Dii ante rem sacram ornabantur ; Horatius, III, Od. xxiii, 15 : « Parvæ » coronantem marino Rore Deos » fragilique myrto. » Cæterum poeta hic cumulavit verba, et sono imitari voluit illud Virgilii, « Mollia » luteola pingit vaccinia caltha ; » Eclog. II, 50.

871. Tempulum Erycinæ Veneris prope *Collatinam portam* Ovidius etiam Remed. 549 memorat ; atque illud ipsum, bello Ligustino a Lucio Porcio cons. votum, a L. Porcio, L. F. Licinio duumviro, ad portam Collinam dedicatum fuisse Livius, XL, 34, narrat. Adde Strabonem, lib. VI. Eadem autem dea in *Eryce*, monte Siciliae supra Drepanum, templum habebat nobilissimum a Trojanis conditum ; Æn. V, 759 ; de quo locus classicus apud Diodor. Siculum, lib. IV, extr. Vide Heynii Excurs. II ad illum Æneid. librum. E Sicilia autem Erycina Venus jam prius *translata* erat Romam, tempore belli Punici secundi. Ann. u. c. 535 enim, quum peccatum esset a C. Flamínio cos. decemviri *libros Si-*

*byllinos* adire jussi sunt, ut quæ piacula iræ Deorum essent, cognosceretur. Ii, inspectis libris fatalibus, inter alia retulerunt et hæc : « ædes » Veneri Erycinæ ac Menti vovendas esse ; » Livius, XXII, 9. Mox ædes illæ votæ sunt. Veneris Erycinæ ædem Q. Fabius Maximus dictator vovit, Mentis T. Otacilius prætor ; ibid. 10. Iidem viri anno 537, duumviri creati sunt ædibus illis dedicandis ; Menti Otacilius, Fabius Veneri Erycinæ dedicavit. Ambæ in capitolio erant, canali uno discretæ ; Livius, XXIII, 31. Jam Neapolis putat, Ovidium duo templum Veneris diversa confudisse, quasi templum ad Collinam portam jam tempore belli Punici dedicatum esset. Mihi vero distinxisse distinguenda videtur. Primum de templo ad Collatinam portam loquitur, deinde obiter de prima illius Deæ translatione. Sed et alius erroris Ovidium Neapolis coarguit. Templum antiquius anno 537 dedicatum est ; sed *Syracusæ* anno 540 demum a *Claudio* Marcello captæ ; Livius, XXV, 31. Fortasse tamen Noster, more poetarum, a parte bellum Punicum secundum indicare voluit. — *Tenent*, pro *tenet* ex plurimis. — *Abstulit*, cepit et militi diripiendas dedit. — *Eryxe* primo maxime bello notus ; inde enim Hamilcar præsidium, quod ibi clausum, deducere coactus fuerat ; Livius, XXI, 10, 41.—De *vinace Si-*



Inque suæ stirpis maluit urbe coli.  
 Cur igitur Veneris festum Vinalia dicant,  
 Quæritis, et quare sit Jovis ista dies?  
 Turnus, an Æneas Latiae gener esset Amatae,  
 Bellum erat : Etruscas Turnus adoptat opes. 880  
 Clarus erat, sumtisque ferox Mezentius armis;  
 Et vel equo magnus, vel pede major erat.  
 Quem Rutuli Turnusque suis adsciscere tentant  
 Partibus : hæc contra dux ita Tuscus ait :  
 Stat mihi non parvo virtus mea : vulnera testes ; 885  
 Armaque, quæ sparsi sanguine sæpe meo.  
 Qui petis auxilium, non grandia divide mecum

*dylla* vide ad III, 534; *Cumæa anus* vocatur IV, 158.

879. Cum *Ænea* advena Latinus rex mature et pacem junxit et affinitatem, Lavinia filia in matrimonium data. *Turnus*, Rutulorum rex, cui *Amata*, Latini conjux, favebat, sponsam sibi ereptam dolens, arma infesta Latino intulit, victusque ad *Mezentium*, Etruscorum regem aut Lucumonem (στρατηγὸν Plutarchus vocat) confugit. Cære ille (olim Agylla) imperitabat, oppido haud longe a Tiberi opulento, quod Dionys. Halicarn. III, 58, εὐδαίμων καὶ πολυσύνθρωνον vocat, unde Tarquinii Prisci tempore magnus exercitus exierit. Sed et nunc *equo*, equitibus, et *pede*, peditibus, valens erat; conf. Livii I, 2, qui et ipse de magnis Mezentii opibus agit. Virgil. *Æneid.* VIII, 478 : « Saxo incolitur fundata vetusto Urbis Agyllæ lineæ sedes : ubi lydia quondam » Gens, bello præclara, jugis indit Etruscis. Hanc multos florentem annos rex deinde superbo Imperio et sævis tenuit Mezentius armis. » Vid. et Dionys. Halicarn.

I, 64 sq; Justinum, XLIII, 1. — *Adoptat*, adsciscit, sibi adjungit, vi propria vocis *optare*, quæ eligere significat. Id autem Heinsius ex uno Zulichemiano adoptavit. Nam cæteri *adorat* exhibent, quod et ipsum ferri posse Taubnerus censet. Eidem placet, quod Junianus habet, *vel equo dubium, vel pede*. — *Testes* a manu prima Mazar. et tres alii habent, idque elegantius Heinsio videbatur vulgato *testor*, quod Mitscherlich. revocavit, et quod minus durum Taubnerus judicat. Alterum Heinsius locis pluribus testatur.

887. Memoria exilis rei servata est inter veteres, sed varie. Plinius, XIV, 14 : « M. Varro auctor est, » Mezentium, Etruriæ regem, auxilium Rutulis contra Latinos tulisse, vini mercede, quod tum in Latino agro fuisset. » Secundum L. Cæsarem et A. Postumum, quos Auctor de Orig. Gent. Roman. cap. 14 sqq. laudat, et secundum Dionysium, I, 65, Mezentius Latinos Lavinii obsessos ita in deditionem accipere voluit, ut omne vinum Latini agri quotannis sibi inferretur.

Præmia, de lacubus proxima musta tuis.

Nulla mora est operæ : vestrum dare ; vincere nostrum est.

Quam velit Æneās ista negata mihi !

890

Annuerant Rutuli. Mezentius induit arma :

Induit Æneas ; alloquiturque Jovem :

Hostica Tyrrheno vota est vindemia regi ,

Jupiter, e Latio palmite musta feras.

Vota valent meliora : cadit Mezentius ingens ,

895

Atque indignanti pectore plangit humum.

Venerat Autumnus calcatis sordidus uvis :

Redduntur merito debita vina Jovi.

Dicta dies hinc est Vinalia : Jupiter illam

At Ascanii, qui patri successerat, auctoritate, vino ex omni vindemia Jovi voto consecratoque, Latini urbe eruperunt, interfectoque Lauso, Mezentium fugarunt. Quæ hi de Ascanio narrant, ea Plutarchus, Quæst. Rom. pag. 115, ad Æneam refert. Macrobius, Saturn. III, 5, e Catonis Origg. rem sic narrat: « Mezentium Rutulis imperasse, ut » sibi offerrent, quas Diis primitias » offerebant, et Latinos omnes, si- » milis imperii metu ita vovisse: Ju- » piter, si tibi magis cordi est, nos » ea tibi dare potius, quam Mezen- » tio, ut ei nos victores facias. » Hinc addit, illum propterea a Virgilio contemptorem Deorum esse dictum. Vide omnino Heynii Excurs. III ad Æneid. VIII.

888. *Lacus*, vas torculari suppositum, in quod mustum defluit; Plinius, IX, Ep. xx, 2, « gustare » de lacu mustum. » — *Nulla... opere*, ne diu fluctuetis, quid faciendum sit. Olim edebatur *operi*. — *Quam velit* etc. argumentum grave movendi. Simile est illud Æn. II, 104: « Hoc Ithacus velit, et magno

» mercentur Atridæ! » Cf. II, 694.

894. Heins. ex uno Petaviano *feras* prætulit, quia voventis est; cæteri *feres*. Etiam futurum in votis poni solet; quin hoc præstare Krebsius putat. — *Ingens* vel corpore, quali sunt heroes veteres, vel opibus. — *Plangit humum*; sic passim de morientibus e vulnere; III Met. 125: « sanguineam trepido plangebant » pectore matrem; » Æn. X, 720: « calcibus atram Tundit humum ex- » spirans. » Apud Dionys. Halicarn. dict. loc. Mezentius, pace impetrata, in Latinorum amicitia constanter permansit; sed Æneid. X, extremo, « Undanti animam diffundit in arma cruore. » — Pro *sordidus* Arondel. Petavian. et tres alii *horridus*. Hoc sane opponitur culto, nitido; sed illud melius. Etiam II Met. 21, hæc ipsa verba *calcatis sordidus uvis* leguntur; Virg. Georg. II, 8: « tingere crura musto. » — Noli *vina* ex Ambrosian. Gott. et duobus aliis in *vota* mutare. — Quæ quis vovit, ea *debere* dicitur; Horatius III, Od. xxvii, 30: « debita Nymphis corona; » Tibullus, IV, iv, 23: *Quam*

Vindicat, et festis gaudet inesse suis.

900

SEX ubi, quæ restant, lucas Aprilis habebit;

In medio cursu tempora veris erunt.

Et frustra pecudem quæres Athamantidos Helles;

Signaque dant imbres; exoriturque Canis.

Hac mihi Nomento Romam quum luce redirem,

905

Obstitit in media candida pompa via.

*debita reddet Certatim sanctis latus uterque focus.* Cæterum Plutarchus dicto loco, etiam hoc tradit, illo die multum vini effundi ad templum Veneris.

901-904. VII Kalendas Maias, siue die 25 Aprilis, Ver medium, Arietis occasus, imbres, exortus canis. Plura igitur memorabilia habet ille dies.—*Sex ubi, quæ restant* etc. id est, quo sex dies Aprilis restant. — *Ver medium* Columella in ipso Palilium die XI Kalend. ponit; initium ejus die 9 Februarii; II 150. Arietem hic quoque, ut vers. 715, e fabula circumloquitur, quam III, 851 sqq. narravit. — *Signa dant*, ostendunt se, cadunt, ut I, 315.—*Canem* hoc die non exoriri, sed occidere et Ovidium lapsum esse, certatim monuerunt interprett. Columella XI, 2: *Pridie Kalendas Maias Canis se vespere celat.* Farnesianus tamen cod. hoc loco, *occidit atque Canis*, pro quo Taubnerus malit, *occideritque Canis.* Neapolis vero aliter succurrere huic loco volebat, quum suaderet, *effugietque Canis.*

905. *Robigalia* ad avertendam a frugibus robiginem. De his Plinius, XVIII, 69, §. 3: «Tria tempora fructibus metuebant» prisci, «propter quod instituerunt ferias dies» que festos, Rubigalia, Floralia» (de quibus mox vers. 943) «Vinalia» (quæ vers. 863) «Rubigalia

» Numa instituit anno regni sui XI, » quæ nunc aguntur ad VII Kalend. Maii, quoniam tunc fere segetes rubigo occupat. Hoc tempus » Varro determinat sole Tauri partem decimam obtinente, sicut » tunc ferebat ratio; sed vera causa » est, quod post dies undeviginti ab » Æquinoctio verno per id quadri- » duum, varia gentium observatio- » ne, in IV Kal. Maii Canis occidit; sidus et per se vehemens, et » cui præoccidere Caniculam necesse sit. » Varro de Ling. Latin. V, pag. 47: «Robigalia dicta a Robigo. » Secundum segetes huic Deo sacrificatur, ne rubigo occupet segetes. » Adde eundem de Re Rust. I, 1, 6; Columellam X, 343; ad quæ loca vide Schneider. Disputant autem utrum *rubigo*, an *robigo* scribendum sit. Pro *Robigine* Dea, alii *Robigum* Deum habent, ut Varro, Festus, ac Servius ad Georg. I, 151, ubi hæc notat: «Inde et Robigus » Deus, et sacra ejus septimo Kalend. Maias Robigalia appellantur.» Cæterum Græci Deos *ἰσχυρίους* habebant ad avertendam robiginem.

*Hac mihi... via.* Similia figmenta vers. 685, et III, 541.—*Nomentum*, Sabinorum oppidum, a quo via Nomentana dicta, quæ incipiebat a Viminali porta; Servius ad Æn. VI, 773; VII, 712. Ea ducebat in *lucum Robiginis*.—Olim candida turba cede-



Flamen in antiquæ lucum Robiginis ibat,

Exta canis flammis, exta daturus ovis.

Protinus accessi, ritus ne nescius essem.

Edidit hæc Flamen verba, Quirine, tuus :

910

Aspera Robigo, parcas Cerealibus herbis ;

Et tremat in summa læve cacumen humo.

Tu sata sideribus cæli nutrita secundi

Crescere, dum fiant falcibus apta, sinas.

Vis tua non levis est : quæ tu frumenta notasti,

915

Mœstus in amissis illa colonus habet.

Nec venti tantum Cereri nocuere, nec imbres ;

batur, quam Neapolis de flaminibus capiebat, quorum fuerint vestes candidæ ; sed sive *turba* legas, sive cum Heinsio e MSS, primo Ambrosian. Mazar. et septem vel octo aliis *pompa*, omnis cœtus intelligitur ad sacra procedentium ; etiam Tibullo, II, 1, 15, *candida turba* est familia, quæ agnum in Ambarvalibus ad aram comitabatur ; vide ad I, 79 ; II, 65½. — *Antiquæ*, inde a Numæ temporibus cultæ. — De immolatione *canum* vide ad I, 389. In Robigalibus catulus rufus et lactens offerebatur ; Columella, X, 342, qui nil de ove habet. Etiam ante Catulariam portam ad placandum Caniculæ sidus, frugibus inimicum, rufas canes esse immolatas, e Festo discimus. — *Flamen* autem *Quirinalis* hæc agebat, ut Flamen Dialis Lupercalia II, 282.

911. Accedit Ovidius, dum Flamen precationis carmen peragit, quod ita est conceptum, ut omnes festi illius causas indicet. Tales precum formulas plures et Noster et Tibullus habent ; æque substitui poterant rudibus priscorum carminibus ; confer cum his I, 675 sqq. — *Aspera* et 921, *scabræ* manus Robiginis

ab effectu, quia et fruges et ferrum *scabrum asperumve* reddit ; Virgil. Georg. I, 495 : « Exesa inveni et sca- » bra robigine pila. » Confer supra I, 687. — *Cereales herbæ*, ut *Cereales culmi*, Virgil. Georg. II, 517. — *Tremunt culmi*, quos ventus mulcet. — *Læve*. sive *leve* recte Heinsius pro *lene* MSS nonnullorum auctoritate restituit. *Lævia* opponuntur scabris. Unus Moreti interpretatur *sine robigine*. — *Secundi*, quod Arondel. Francofurt. et plerique vetustiores agnoscunt, melius est, quam cœterorum *secundis*, quod Gesenius servavit.

915. In morbis segetum etiam Virgil. I, Georg. 150, *malam robiginem* memorat, et Plinius, XVIII, 45, « maximam segetum pestem » vocat. Est autem *robigo*, ῥοιβις, μῦθος, pulvis rufus et glutinosus culmos adedens et enecans, quod vitium in vitibus et arboribus *cambunculus* dicitur. — *Notare* et inficere, et lædere significat. — *Vim mali* Noster per comparisonem adeo illustrat. *Venti* ; Virgilius, Georg. I, 444 : « Urget ab alto Arboribusque » satisque Notus pecorique sinister ; »

Nec sic marmoreo pallet adusta gelu ;  
Quantum , si culmos Titan incalfacit udos.

Tum locus est iræ , Diva timenda , tuæ.

920

Parce , precor , scabrasque manus a messibus aufer ;

Neve noce cultis : posse nocere sat est.

Nec teneras segetes , sed durum contere ferrum :

Quodque potest alios perdere , perde prior.

Utilius gladios , et tela nocentia carpes :

925

Nil opus est illis : otia mundus agit.

Sarcula nunc , durusque bidens , et vomer aduncus ,

et viderat idem ipse vs. 318: « Om-  
» nia ventorum concurrere prælia ,  
» Quæ gravidam late segetem ab  
» radicibus imis Sublime expulsam  
» eruerint. — *Urere* de frigore I ,  
680 , in precibus similibus , quas  
cum his conferas. Unde malum fru-  
gibus frigore illatum et *uredo* dici-  
tur. — *Marmoreum* propter colorem  
album pruinae , et niveum. — *Pallere*  
de colore flavo , quem trahunt fru-  
ges frigore morsæ ; I , 688 , de hac  
robigine , « Nec vitio cæli palleat  
» ægra seges. » — *Si culmos* etc. ip-  
sam robiginem intellige ; Plinius ,  
XVIII , 68 , 3 : « Plerique dixere ,  
» rorem inustum sole acri frugibus  
» rubiginis causam esse , et carbun-  
» culi vitibus : quod ex parte falsum  
» arbitror , omnemque uredinem  
» frigore tantum constare , sole in-  
» noxio. » Humorem tamen non ex-  
cludit ; nam ib. 20 , §. 3 : « ros robigi-  
» nem facit , » et 44 , §. 2 : « Fre-  
» quantissima hæc in roscido tractu  
» convallibusque , ac perflatum non  
» habentibus. »

921. *Aufer* , retine ; veteres , quæ  
mala remota esse a se cuperent , ea  
in alios detestabantur ; Horatius , I ,  
Od. XXI , 13. Hoc igitur sensu duc-  
tus , etiam Ovidius Robiginem pre-

catur , ut vim suam in *ferro* potius  
exserat propter abusum illum , de  
quo ad vers. 405 , et propter quem  
crebro in ferrum invehitur. Sed du-  
bites , utrum *contere* , an *amplectere*  
præferas. Illud Burman. ex primo  
Ambros. et Læti cod. recepit , ut sit  
græcum *ἀμύξω* , hoc cæteri tuentur ,  
defendit Krebs. atque Mitscherl. et  
Gesenius servarunt ; neque Taub-  
nero displicebat. Mihi vero *ample-*  
*ctere* nunc nimis lene , neque verbis  
*noce* , *perde* et *inquinet* satis conve-  
niens esse videtur. — *Prior* habent  
duo Vatic. Ursin. et Statii ; vulgo  
*prius* ; alii , *precor*. — *Carpere* bene de  
robigine , paulatim absumere , ro-  
dere. — *Otia agere* , pace frui , bona  
locutio ; I , 68 : sed revocavi *agit* ,  
qui modus optantis etiam Taubnero  
magis placebat , quam vulgatum *agit*.  
Generaliter nunc loquitur ; neque  
mundus semper otia agit. Adde ,  
quod conjunctivi modi sequuntur ,  
*niteant* , *inquinet* etc.

927. Similia apud Tibullum , I ,  
XI , 49 : « Pace bidens vomerque ni-  
» tent ( alii *vigent* ) ; at tristia duri  
» Militis in tenebris occupat arma  
» situs. » — *Sarculum* instrumentum  
rusticum , quo purgantur agri , I ,  
699. — *Durus* , gravis , ut Horatius ,

Ruris opes, niteant : inquinet arma situs :

Conatusque aliquis vagina ducere ferrum,

Adstrictum longa sentiat esse mora.

930

At tu ne viola Cererem ; semperque colonus

Absenti possit solvere vota tibi.

Dixerat : a dextra villis mantele solutis,

Cumque meri patera turis acerra fuit.

Tura focus vinumque dedit, fibrasque bidentis,

935

Turpiaque obscænæ, vidimus, exta canis.

Tum mihi, Cur detur sacris nova victima, quæris ?

Quæsieram : causam percipe, Flamen ait.

Est canis, Icarium dicunt, quo sidere moto

Tosta sitit tellus, præcipiturque seges.

940

I, Satyr. I, 28, *durum aratrum*. A gravitate noti *bidentes*, sive rastri ; Terentius Heaut. I, 1, 40. — *Situs* pro robigine. — *Vomer* ; unus *vomis*, quæ varietas et alibi. — *Ducere*, educere, quod plurimi MSS habent. — *Adstrictum*, robigine adhærens vaginæ. Cæterum confer cum hoc loco I, 699-704.

933. *Mantele*, erat laneum, habebatque in superficie texti *villos*, sive lanuginem, cirros, unde *villosa mantelia* commemorantur, *ἀντία χειρῶν*. Nobiliores curabant, ut mantele, *villis tonsis*, esset læve ac molle. Talia mantelia Aristæo Nymphæ ferunt germanæ apud Virgil. Georg. IV, 377. — Pro a dextra Prisciani lib. VI, p. 681, *ad dextram* ; ita et unus Neapolis cod. Quidam *at dextra*. — *Fibræ* omnino exta. — *Obscænæ* canis nunc non dicitur ab ululatu, qui mali in auspiciis omnis, (quamquam Virgil. Georg. I, 470, sic capi potest) sed quia canis veteribus symbolum impudentiæ. Hinc et exta ejus *turpia*. Etiam Plin.

II, 5. *Obscænæ animalia*. — *Nova*, inusitata.

936. *Icarus*, sive *Icarius*, Atheniensis, Erigone, ejus filia, et Mæra canis inter sidera relati sunt, ita ut Icarus Bootes, Erigone Virgo et Mæra Canicula sive Procyon esset ; Hyginus, fab. 130 ; Poet. Astron. II, 4 ; Apollod. III, xiv, 7. Jam terra australis, Sirio inprimis, stella in Cane majore, *moto*, id est, orto, æstu intolerabili premitur ; Virgil. Georg. IV, 425 : « Jam rapidus torrens sitientes Sirius Indos Ardebat. » Et ad Sirium placandum plures populi sacra faciebant ; Apollonius Rhodius, II, 500. Vide Interp. ad Virgil. Georg. I, 14. Sed illam vim torrendi etiam Caniculæ, sive Procyoni poetæ tribuunt ; Horatius, III, Od. xiii, 9 : « Flagrantis atrox hora Caniculæ ; » XXIX, 18 : « Jam Procyon furit. » — *Tosta* multo gravius, quam, quod alii habent, *tota*. — *Præcipi* dicitur *seges*, quando ante maturitatem arescit : quam formulam Heins. Columellæ



Pro cane sidereo canis hic imponitur aræ ;

Et, quare pereat, nil nisi nomen habet.

QUUM Phrygis Assaraci Titania fratre relicto ,

Sustulit immenso ter jubar orbe suum :

Mille venit variis florum Dea nexa coronis ;

945

Scena joci morem liberioris habet :

Exit et in Maias sacrum Florale Kalendas.

exemplis confirmat ; Calpurnius , Eclog. IV, 115, sic *præfocari* dixit : « nec præfocata malignum Messis » habet lolium. » Vide VVernsdorfium ad Gratii Cynege. vs. 388. Male igitur alii *præripitur*. Et Gesenius etiam alteri lectioni eandem vim tribuit, ut *præcipitur* sit, quasi præcipitur agricolæ. Fruges a Canicula affectæ *φυτὰ ἀσπροβόλητα* dicebantur, affectio ipsa *ἀσπροβόλη* et *sideratio*.

943-954. IV Kalend. Maias sive die 28 Aprilis, Floralia incipiunt, et Vesta in palatium translata est. De Florilibus Plin. XVIII, 29 : « Ita » que iidem Floralia IV Kalend. » ejusdem Maii instituerunt, urbis » anno 516 ex oraculis Sibyllæ , » ut omnia bene deflorescent. » Numeros anni corruptos esse, Neapol. et Harduinus docuerunt ; Velleius enim, I, XIV, 8, ubi narravit, Torquato Sempronioque cons. colonos missos esse Brundisium, et post triennium Spoletium, addit : « quo » anno Floraliū ludorum factum » est initium. » Id ergo incidit in annum 513.

Quum ... relicto. Similiter fere I, 461 : « Proxima prospiciet Tithono » nupta relicto. » Nunc Titania vocatur Aurora, quia Hyperionis, Titanum unius, filia, Phæbi et Lunæ soror. Tithonus, conjux ejus, secundum Diodorum Sicul. Hygin. fab. 270, Apollod. et alios, fuit Lao-

medontis filius ; secundum Servium ad Æn. VI, 493, ejus frater. Laomedontis pater fuit Ilus, Assaraci frater. Sic ergo apparet, quo sensu hoc loco *fratris* nomen capiendum sit ; sed Assaracum inserere voluit, qui ille in Æueæ, atque adeo et Augusti majoribus erat : vide ad vers. 34 et 123. Olim autem hoc loco edebatur, non Titania, sed Tithonia. Aurora sane Tithonia conjux vocatur III, 403 ; Æneid. VIII, 384 : sed non simpliciter Tithonia dici potest ; sic enim patronymice capiendum esset. Heinsius igitur et hic et multis aliis locis, ubi hoc occurrit, Titania substitui voluit ; et hoc loco Puteanus et unus Moreti ejus conjecturam confirmant. — Immenso orbe ; sex, immenso ore ; Puteanus emerso orbe ; Heins. legi vult emerso ore. quod et mihi placet ; Ulitius legebat emenso. — Necti coronis, ornari coronis nexis ; Æneid. V, 309 : « Flavaque nectentur oliva. » Sed de hac Dea, de Florilibus, de joci liberioribus vide V, 183 sqq, in quem locum poeta illa omnia distulit. Liberiorēs joci potius lascivi erant, ut ad V, 331, videbimus. — Exeunt in tempus quoddam, quæ ad id durant ; Plinius, II, Epp. XI, 18 : « Exierunt probationes in tertium » diem. » Floralia durarunt in diem tertium Maii. Exire sic etiam V, 189, pro quo 185, transire positum.

Tunc repetam ; nunc me grandius urget opus.

Aufert Vesta diem : cognato Vesta recepta est

Limine : sic jussi constituere patres.

950

Phœbus habet partem ; Vestæ pars altera cessit :

Quod superest illis , tertius ipse tenet.

State Palatinæ laurus , prætextaque quercu

Stet domus : æternos tres habet una Deos.

— *Sacrum* habent vetustiores ; cæteri *festum*.

949. Anno u. c. 741 , die 6 Martii , Augusti titulus honos pontificis maximi accessit ; III , 415 sqq. Sed quum ita esset institutum , ut pontifex maximus in domo publica juxta Vestam habitaret , Augustus palatii sui partem publicam esse jussit , atque Vestæ hoc die dedicavit ; Dio Cassius , LIV , 27 : vide et Lipsium de Vesta , cap. 4. — *Aufert* , sibi vindicat. — *Cognato* , quod Arondel. et quatuor alii agnoscunt , magis poeticum est , quam reliquorum *cognati*. Lucem autem hoc epitheton accipit ex III , 425 : « Ortus ab Ænea tangit cognata sacerdos Numina : cognatum , Vesta , tuere caput. » Plurimus esse voluit poeta in laudando Augusto. — *Constituere patres* ; factum enim hoc ex senatusconsulto ; Verrius ad hunc diem : « Feriæ ex S. C. quod eo die ædes » et Vestæ in domu Imp. Cæsaris » Aug. pontificis maximi dedicata

» est Quirinio et Valgio coss. » — Pro *jussi patres* undecim habent *jussi senes* , multi *justi senes*. Inde Mitscherlichius quem Gesenius secutus est , *justi patres*. Equidem non ausim dicere , utrum verius ; etenim poeta et memorare potuit , patres id *jussos* fecisse , et laudare patres a justitia. — *Phœbus habet partem* , in alia palatii parte templum est Apollinis Palatini , quod longe celeberrimum ; vide Propertium , II , 23. — De *lauris* et *corona querna* ante fores palatii , I , 614. — *Prætexta* dictum ut V , 567 : « Augusto prætextum nomine templum. » Quæ enim in anteriore parte ornata sunt aliqua re , ea *prætexta* dicuntur ; Seneca , Epp. 89 : « Fluminum ripas » ædificia prætexunt. » Plinius , panegy. 52 , 1 : « postibus prætexi ; » de iis , quorum statuæ ante fores collocantur : vide ibi Schwarzium. — *Æternos Deos* ; III , 421 : *Ignibus æternis æterni numina præsent Cæsaris* , ubi vide notam.

# LIBRI QUINTI

## ARGUMENTUM.

Tres sententiæ de nomine Maii , 1-110. Ortus Capellæ et origo , 111-128. Præstites Lares , eorumque ara constituta , 129-146. Bonæ Deæ templum , 147-158. Argestes ventus et Hyadum tam ortus , quam origo , 159-182. Ludi Florales , fata , potentia , cultus Floræ apud Romanos , ratio Floraliū ; his inserta fabula de Martis ortu , 183-378. Centauri sideris ortus et fabula de Chirone , 379-414. Lyræ et Scorpīi ortus , 415-418. Lemuria nocturna et Remi sepultura , 419-492. Orionis occasus , natales , relatio inter sidera , 493-544. Templum Martis Ultoris , Crassi clades , signa a Parthis relata , 545-598. Pleiadum ortus et ætatis initium , 599-602. Tauri sideris ortus et origo , 603-620. Simulacra scirpea de ponte mittuntur ; Hercules in Latio , 621-662. Hymnus in Mercurium ; ejus festum : preces mercatorum ad eum , 663-692. Sol transit in Geminos ; horum origo , Pollucis et Castoris pugna cum Lynceo , 693-720. Agonalia iterum ; Canis sideris ortus , 721-724. Tubilustria ; 725 , 726. Quatuor notæ in Kalendario , 727 , 728. Fortunæ Publicæ templum , 729-732. Bootes occidit , Hyades oriuntur. 733 , 734.



# PUBLII OVIDII NASONIS FASTORUM

## LIBER QUINTUS.

QUÆRITIS, unde putem Maio data nomina mensi?

Non satis est liquido cognita causa mihi.

Ut stat, et incertus qua sit sibi nescit eundum,

Quum videt ex omni parte viator iter:

Sic, quia posse datur diversas reddere causas,

5

Qua ferar, ignoro; copiaque ipsa nocet.

Dicite, quæ fontes Aganippidos Hippocrenes,

Grata Medusæi signa tenetis equi.

1-110. Missa præfatione, statim de *Maii nomine* dicit; resumit autem et latius tractat, quod I, 41, verbo tetigerat. Quæstioni huic grammaticæ plurimum dignitatis et gratiæ addidit. Musas invocat, ut sibi nominis causam aperiant, et, quum tres potissimum causæ ferrentur, ipsas Musas inter se dissentientes fingit, et tres ita inducit, ut sententiam deinceps dicant; ipse autem sub finem iudicium suum cohibet: ita loco huic dramatis formam dedit. Simile ei est exordium lib. VI.

1. *Quæritis ... mensi?* Sic et alibi viam sibi pandit ad argumentum aliquod tractandum; II Metam. 512, Juno ad Deos marinos, « Quæritis, » æthereis quare regina Deorum Se-

» dibus huc adsim? »—*Liquido*, certo, ut nil dubitationis restet. Etiam Macrob. I, Sat. 12, fatetur, de nomine *inter auctores latam dissensionem esse*.—Quod IV, 784, tenuiter dixit, *Turba facit dubium, cæptaque nostra tenet*, id nunc similitudine quadam exornat, *Ut stat* etc.—Pro qua alii quo, solemni varietate.—*Posse datur*, res talis est, ut possim; facultas mihi est.

7. Pegasus, e sanguine Medusæ ortus, (IV Metam. 784) Hippocrenen ungula rupit. Ibid. V, 275. Interpr. gallicus hunc fontem et Aganippida (sic ille) pro eodem habet. Immo Aganippe alius fons Musarum et Apollinis in Helicone, isque ad Musarum lucum tendentibus ad

Dissensere Deæ; quarum Polyhymnia cœpit

Prima: silent aliæ; dictaque mente notant:

10

Post chaos, ut primum data sunt tria corpora mundo,

Inque novas species omne recessit opus;

Pondere terra suo subsedit, et æquora traxit;

At cælum levitas in loca summa tulit.

Sol quoque cum stellis nulla gravitate retentus,

15

lævam; Pausan. Bæot. p. 766. Itaque V Metam. 312: *Fons Medusæus* et *Hyanthea Aganippe* diserte distinguuntur. Inde Musæ *Aganippides* dicuntur, et *Aganippis Hippocrene* nil est, nisi Hippocrene Musis sacra. — *Signa*, vestigia. — *Grata* Heinsius in *Gratia* mutari volebat; sed locorum, quos conjecturæ confirmandæ causa adtulit longe alia est ratio. Et *grata* optime se habet, quibus oblectantur, unde hauriunt Musæ. Eidem mox rectius videbatur, quod MSS Junianus et Bernensis habent, *Adsensere Deæ*, quia sequitur, *silent aliæ*. Male; omnis locus sequens *dissensum* Musarum habet. *Aliæ silebant* tantum, quamdiu *Polyhymnia* canebat. Francof. *dissedere*, quod Burmanno ut elegantius placebat. Porro Heinsius *Polymneia* scribi volebat, quia Græci Πόλυμνητα et Πόλυμνεια quod idem et apud Horatium, I, Od. 1, 33, Aldo et Cruquio videbatur. Verum et ibi, et hoc loco atque vers. 53, MSS in *Polyhymnia* conspirant, (nisi quod postremo loco Francof. et Voss. *Polyimnia*) atque etiam grammatici veteres illa sic laudant. Apud Virgil. Cir. 55, tamen edd. vett. *Polymnia*, quod ibi Heynio doctius ac verius videtur, ut Musa sit memoriæ rerum servandæ invigilans. — *Mente notant*, qui cupide aliquid audiunt, ut teneant; III, 178: *memori pectore*

*dicta nota*; XIII Metam. 788: « ausibus ausi Talia dicta meis, auditaque mente notavi. »

11-54. Prima sententia, qua Maius a *Majestate*, Honoris et Reverentiæ filia, nomen habet. Macrobi. Saturn. I, 12: « Sunt, qui hunc mensem ad nostros Fastos transisse commemorent, apud quos nunc quoque vocatur Deus Maius, qui est Jupiter, a magnitudine ac majestate dictus. » Hæc igitur Noster ingenioso figmento allegorico, quod haud dubie poetæ antiquiori debet, exornavit.

*Post chaos ... equi*. Ab initio rerum, a prima origine mundi, quam nobis per partes ostendit, ut I, 103; I Metam. 189qq; XV, 239. Confer et Tibullum IV, 1, 19-23. *Post chaos*, postquam e rudi illa mole mundus effictus erat. In illis locis Ovidius quatuor corpora aut species, id est, elementa, cum Empedocle numerat, nunc *tria*; æra enim et æthera cæli nomine complectitur. — *Opus*; quidam *onus*, quod non spernendum arbitror; intelligitur enim chaos, quod I Metam. 8, *pondus iners* vocatur. Id *recessit*, sectum est. Pro his supra I, 107: *Ut semel hæc rerum secessit lite suarum, Inque novæ abiit massa soluta domos*. Pro *subsedit*, dicto loco, *sederunt medio terra fretumque solo*; Tibullus, dicto loco, « in immenso desedit ære

Et vos Lunares exsiluistis equi.

Sed neque terra diu cælo, nec cætera Phœbo

Sidera cedebant: par erat omnis honos.

Sæpe aliquis solio, quod tu, Saturne, tenebas,

Ausus de media plebe sedere deus.

20

Et latus Oceano quisquam deus advena junxit;

Tethys et extremo sæpe recepta loco est:

Donec Honos, placidoque decens Reverentia vultu

Corpora legitimis imposuere toris.

» tellus. » Hæc XV Metam. 241, plane explicantur, « Pondere in » inferius feruntur. » — De sole et luna *exsilire*, ut I Metam. de igne *emicare*.

17. Omnes pares erant dignitate. Hic miscet partes mundi et deos; illæ enim e cosmogonia antiqua personæ erant divinæ. Lenzius putat, describi hic paritatem in conviviis deorum, et respexisse poetam mores Romanorum in triclinio; quod ego non arbitror. Hoc unum vult, sedebant promiscue in convitiis. — De *plebe* Deorum, id est, Diis secundi ordinis, vide ad I Metam. 173. — *Oceanus*, unus ex Titanibus, Cæli et Terræ filius, adeoque *Saturni* frater. Ipse adeo et *Tethys* conjux in antiquissimis erant diis, quorum reverentia sæpe deos movit; II Metam. 510. Antiquis terrarum incolis opponebantur, cum contemptu plerumque, *advenæ*, id est, peregrini. Itaque poeta diis quoque antiquis *advenas*, novos et humiliores deos, opposuit. Lenzius putabat, plebeios ideo, *advenas* dici, quia longius a Jovis palatio habitarent; I Metam. 173. Verum illa cæli domiciliorumque cælestium descriptio Saturni tempore nondum erat; neque a regis domo longius remoti

*advenæ* dici possunt. Heinsius metuebatur, ut hic vers. esset ab Ovidii manu; Mazarin. *Nam latus Oceano quis quando leve tegebat*; multi *Nec latus*. Itaque idem legi volebat, *Nec latus Oceano, quamvis grandæva, tegebat Tethys*. Audacter, nec satis feliciter. Ut paulo ante *Saturnus* et unus *de plebe*, sic nunc *Oceanus* et *advena* bene sibi opponuntur. Burmannus legeret: *Et latus Oceano, quamvis deus advena, junxit*, addita hac interpretatione: licet et esset minorum gentium et adscititius quasi deus, qui longe stare ab Oceano deberet, sedit ille tamen eodem ordine, quo Oceanus. — *Recepta est*, sedes ei relicta est, cæteris jam considentibus.

23–34. Paulatim *honore* afficiebantur, *reverenterque* colebantur dii muneribus et meritis insignes; atque ita *majestas* illis accessit; ex hac sententia præclara allegoria effluit. *Reverentia* bene describitur; ei enim *placidus vultus* convenit, isque *decorem* quemdam conciliat. — *Toros legitimus*. Lenzius intelligit lectos triclinares pro sua cuique dignitate convenientes. Krebs. vertit: *bis Ehre und die würdige Achtung mit gefaelligem Blicke die Körper auf schickliche Sitze laegerten*.



Hinc sata Majestas ; hos est dea censa parentes ;

25

Quaque die partu est edita , magna fuit.

Nec mora ; consedit medio sublimis Olympo

Aurea , purpureo conspicienda sinu.

Consedere simul Pudor , et Metus : omne videres

Numen ad hanc cultus composuisse suos.

30

Protinus intravit mentes suspectus honorum :

Fit pretium dignis ; nec sibi quisque placet.

Putem , his verbis concubitus le-  
gitimum , conjugium describi. —  
Neapolis præferebat *composuere* ;  
non bene.—*Hinc* , ex eo matrimo-  
nio , *sata Majestas*. — *Censeri ali-*  
*quid* , in censum deferre , atque  
adeo possidere , habere ; I ex Ponto,  
II, 138 : « Est inter comites Marcia  
» censa suas , » habuit inter comites.  
Ita et Cicero pro Flac. 32 et alibi.  
Male igitur et hoc loco interp. qui-  
dam , et Lipsius ad Taciti Annal. I,  
5 , putarunt , passivum *censeri* poni  
pro activo. Vide Gronovii Obs. IV,  
3. Hanc nostram autem lect. Mazar.  
unus Farnesian. Mediceus et forsan  
Zulichem. a manu prima exhibent.  
Cæteri : *quæ mundum temperat om-*  
*nem* ; quæ sine dubio profecta sunt  
ab eo , qui aut veram lectionem non  
intelligebat , aut in exemplari suo  
erasam reperiebat. Krebsio tamen  
hæc lectio verior videbatur , altera  
glossa.—*Quaque die* etc. Nempe ma-  
jestas non crescit ab exiguis initiis.  
—*Medio* , in arce Olympi , inde *su-*  
*blimis*. — *Aurea* etc. de hoc ornatu  
vide ad II, 310 , ubi *Mæonis aurato*  
*conspicienda sinu*.

29. Qui majestate ornatus est ,  
eum *metuunt* cuncti , id est , reve-  
rentur , coram eo timent aliquid fa-  
cere *pudore* dignum ; Livius, XXII,  
3 : « non modo Patrum majestatis ,

» sed ne deorum quidem satis me-  
» tuens. » Hinc *Majestati* assident  
*Pudor* et *Metus*. Lenzius comparat  
Hesiodi *Épy.* 200 ; ubi *Αἰδώς καὶ Νέ-*  
*μεισις* , Pudor et Nemesis , relictis  
hominibus , deos adeunt. Confer  
ad versum 45. — *Cultus* Heinsius ex  
Ursini codice recepit pro , *vultus* ;  
utraque lectio bona est. *Vultus* di-  
citur *componi* , quando affectionem  
quamdam animi præ se ferre inci-  
pit , idem animus affectionem illam  
sumens ; exempla dedimus ad Plin-  
ium , Epist. VII , 1 , 6 , ubi : « ad  
» abstinentiam animum vultumque  
» composui. » Sed et *cultus* , id est ,  
vestitus , bene dicitur *componi* ; Plin-  
ius , IV , Ep. XI , 3 : « Postquam se  
» composuit , circumspexitque ha-  
» bitum. » Jam , qui alios reveren-  
ter adeunt , ii et vultum suum et  
cultum componunt , ut decorus sit.  
Etiam hoc figmentum egregium est.  
Krebsius *cultus composuisse* vertit :  
*ihre Sitten nach ihr einrichten* ; at *vul-*  
*tus composuisse* quod verius putat ,  
*ihr Antlitz nach ihr stellen* ; utrum-  
que male.

31. *Suspectus* , admiratio. — *In-*  
*trare* , ut alibi *subire* . de iis , quæ  
oriuntur in animo.—*Fit* ; duo , fert ,  
quod Heinsio eleganter dictum vi-  
debatur , ut Tacit. Annal. XI , 6 :  
« Ut , quemodo vis morborum pre-

Hic status in cælo multos permansit in annos;  
 Dum senior fatis excidit arce deus.  
 Terra feros partus, immania monstra, Gigantas 35  
 Edidit, ausuros in Jovis ire domum.  
 Mille manus illis dedit, et pro cruribus angues;  
 Atque ait: In magnos arma movete deos.  
 Exstruere hi montes ad sidera summa parabant,  
 Et magnum bello sollicitare Jovem. 40  
 Fulmina de cæli jaculatus Jupiter arce,  
 Vertit in auctores pondera vasta suos.  
 His bene Majestas armis defensa deorum  
 Restat; et ex illo tempore firma manet.  
 Adsidet illa Jovi; Jovis est fidissima custos; 45

» tia medentibus, sic fori tabes pe-  
 » cuniam advocatis ferat.»—*Status*,  
 rerum conditio. — *Dum senior* etc.  
 donec Saturnus in tartara missus  
 est.—*De fatis*, ex quibus id factum,  
 vide ad IV, 197.

35. De *Gigantibus*, Terræ filiis,  
 I Metam. 151 sqq. — *Pro feros* qui-  
 dam *ferox* aut *ferax*; sed *feros* bene  
 se habet. Etiam Seneca, *Œdipo*,  
 90: *feri Gigantes*; I Metam. 185,  
 iidem *ferus hostis*, et Græcis ὄφιοι.  
 — *Ausuros*, deposita reverentia,  
 spretaque Jovis majestate. — *Ire in*  
*aliquem* etiam de hostili impetu. Ma-  
 tre impellente, regnum cæleste illi  
 affectabant, et « centum quisque  
 » parabant Injicere angipedum ca-  
 » ptivo brachia cælo » I Metam. 183.  
 — Sed hoc loco illa descriptio *Mille*  
*manus* etc. numeros Ovidianos pa-  
 rum referre Heinsio videbatur, licet  
 eam etiam Scholiast. Statii ad V  
 Theb. 569, sic exhibeat. Mallet er-  
 go *Mille manus et mille dedit pro*  
*cruribus angues*. Parum tamen abe-  
 rat, quin crederet, totum disti-

chon ab interpolatoris manu esse;  
 potest sane salvo sensu abesse. Idem  
*Atque ait* mutari vult in *Ite, ait*. Sed  
 illud *atque* etiam vs. 212, et in Met.  
 aliorum verbis sic præponitur, ut  
 II, 426. — *Pondera vasta*, montes  
 congestos, quos Jupiter vertit in  
*auctores suos*, eos, qui congesse-  
 rant; unde illi *mole sua* obruti ja-  
 cebant I Metam. 156.

43. Sic salva mansit majestas deo-  
 rum, nec quisquam postea spernere  
 eam ausus est. Ergo bene additur  
*firma manet*, aut, ut quatuor MSS  
 habent, *tuta*; nec erat, cur Taub-  
 nerus vulgat. *culta* præferret. — *Ad-*  
*sidet* etc. Συμῆροντες Jovi est, ut apud  
 Æschylum Cœph. 243, Κράτος καὶ  
 Δίκη, quibus ille mundum regit;  
 apud Callimach. hymn. Jov. 67,  
 Βίη καὶ Κράτος, quibus imperium de-  
 bet; et apud Horatium, I, Od. xii,  
 20, *Pallas*, quam in consilium ad-  
 hibet. — *Pro custos* male quidam  
*conjux*, pro quo Heinsius *consors*  
 mallet. *Custos* vocab. satis dignum.  
 Etiam dii tutores et conservatores

Et præstat sine vi sceptrâ tremenda Jovi.  
 Venit et in terras : coluerunt Romulus illam  
 Et Numa ; mox alii, tempore quisque suo.  
 Illa patres in honore pio matresque tuetur ;  
 Illa comes pueris virginibusque venit ;  
 Illa datos fasces commendat, eburque curule ;  
 Illa coronatis alta triumphat equis.  
 Finierat voces Polyhymnia : dicta probarunt  
 Clioque, et curvæ scita Thalia lyræ.  
 Excipit Uranie : fecere silentia cunctæ ;  
 Et vox audiri nulla, nisi illa, potest :  
 Magna fuit quondam capitis reverentia cani,

50

55

rerum hominumque *custodes* dicuntur ; Horatius, I, Od. xxxvi, 3. — Pro *illa* Taubnero aliorum *inde* non displicebat ; sed jam antea adsederat. — *Præstat* etc. facit, ut omnes sola reverentia moti, metuant Jovem, neque ille vim, fulmina, rursus adhibere cogatur. — *Tremenda* ; multi ex melioribus *timenda* : vulgo, *tenenda* ; nonnulli *tenere* ; qui græcismus Burmanno et Taubnero non displicebat. Immo hoc satis languidum est ; *præstat tremenda* contra egregie summam Jovis majestatem declarat.

47. Etiam in terra regibus, magistratibus, aliisque hominibus majestas tribuitur. Ac *Romulus* quidem, ut leges latæ generi hominum agresti sanctæ essent, « se ipse venerabilem insignibus imperii fecit, et cum cætero habitu augustiorem, tum maxime licitoribus ; » Livius, I, 8. — *Coluerunt*, magni eam fecerunt, putarunt multum ea effici. — *In honore pio*. Aliorum *in honore suo* Burmannus ex vers. 58, *in suo pretio* illustrat. Nostra lectio melior ; majestas parentum *pietatem*

liberis instillat ; eundem sensum Lenzius etiam sqq. *Illâ comes*. . . . *venit* inesse putat. Dubito an vere ; etenim nec verba hoc permittunt, nec loci series. Reges, magistratus, patres matresque, pueri ac virgines, triumphantes denique eodem modo commemorantur, ita quidem, ut iis majestas quædam adesse dicatur. In pueris quidem hoc urgeri nolim. — *Alta*, sublimis in curru triumphali. — *Scita*, perita ; plurimi *docta*. — Duo e nostris Regiis *docta*, quod malim. *Ed.*

55-78. Altera sententia, quæ fuit Fulvii Nobilioris. Macrobius, Sat. dicto loco : « Fulvius Nobilior in » Fastis, quos in æde Herculis Musarum posuit, Romulum dicit postquam populum in majores minoresque divisit, ut altera pars consilio, altera armis rempublicam tueretur, in honorem utriusque partis hunc Maium, sequentem Junium mensem vocasse. » Eam sententiam Ovidius, I, 41, amplexus est, et infra 527.

57. Priscis temporibus senectus in summo honore ponebatur, quia re-



Inque suo pretio ruga senilis erat.

Martis opus juvenes, animosaque bella gerebant;

Et pro dis aderant in statione suis.

60

Viribus illa minor, nec habendis utilis armis,

Consilio patriæ sæpe ferebat opem:

Nec nisi post annos patuit tunc curia seros;

Nomen et ætatis mite senatus erat.

rum gravissimarum scientia non nisi diuturno usu comparari poterat. Ὁ γὰρ χρόνος διδάσκει περικλιώτατον, Euripid. Belleroph. fragm. 22. Honestissimum ejus domicilium Lacedæmone erat; Cic. Senect. 18, ubi id agit, ut senectutis honoratæ auctoritatem in luce collocet. Noster quum dicit *canum caput* et *ruga senilis*, ut poeta et e sensu vulgi loquitur; Cicero contra dicto loco, ut philosophus: « Non cani, non rugæ repente auctoritatem arripere possunt, » sed vita superior bene acta. Juventutem et senectam etiam Aristotel. Polit. VII, 9, sic comparat: ἡ μὲν δύναμις ἐν νεωτέροις, ἡ δὲ εὐφροσύνη ἐν πρεσβυτέροις ἵστίη. Inde cuique sua tribuebant munera. Eurip. Melan. fragm. 17: Παικίως αἶνος Ἔργα μὲν νεωτέρων, Βουλὰς δ' ἔχουσι τῶν γεραιτέρων κράτος. — In ἔργοις erat imprimis *Martis opus*, quod etiam ab Homero Ἄρτας ἔργον dicitur. — *Animosæ*, ubi milites animos suos declarant. Ut hoc eorum opus commendaret, addidit: *pro dis aderant in statione suis*, pugnabant pro aris et focis. *Statio*, locus, ubi milites stant ejus defendendi causa. In *statione* igitur *adesse* aut est, ut Florus, I, 1, 15, de his ipsis juvenibus ait, « ad subita belli excubare, » aut latiore sensu, bella gerere.

61. Non statim apparet, quo referendum sit pronomen *illa*. Itaque

Heinsius vers. sequenti *sæpe* in *turbæ* mutari volebat, aut simile quid; Burmannus *juventus* vult intelligi, quod lateat in voce *juvenes*; sed lapsus est; de senectute enim nunc est sermo. Taubnerus ad *rugam* referebat paulo durius. Equidem senectutem intelligo, cujus vis latet in *ruga*. — *Habendis*, tractandis. — *Consilio* etc. Cicero. Senect. 6: « Consilio, auctoritate, sententia res magne geruntur, quibus non modo non orbari, sed etiam augeri senectus solet. » Adde reliqua, quibus docet, maximas res publicas ab adolescentibus esse labefactas, a senibus sustentatas.

64. Senatus dictus est a nomine *mitis*, sive maturæ ætatis. *Juventus* est *servida*, senectus *mitis*; XV Metam. 209: « Excipit autumnus, posito fervore juventæ, Maturus mitisque, inter juvenemque senemque Temperie medius. » Dionysius Halicarn. II, 12, incertum relinquit, utrum ob senectutem, an ob virtutem *γεροντίας* sive *senatus* nomen acceperit; non ita dubitavit Cicero Senect. 6: « Consilium, ratio, sententia nisi essent in senibus, non summum consilium majores nostri appellassent senatum. » Apud Lacedæmonios quidem ii, qui amplissimum magistratum gerunt, ut sunt, sic etiam nominantur senes. » Sic et Plutarchus

Jura dabat populo senior : finitaque certis

65

Legibus est ætas , unde petatur honos.

Et medius juvenum , non indignantibus ipsis ,

Ibat ; et interior , si comes unus erat.

Verba quis auderet coram sene digna rubore

Dicere ? censuram longa senecta dabat.

70

Romulus hoc vidit ; selectaque pectora Patres

Dixit : ad hos urbis summa relata novæ.

in Romulo , 13 , et alii. — *Finitaque* etc. Jam primis reipubl. roman. temporibus matura ætas spectabatur in magistratibus creandis. Hinc anno u. c. 539 , Cornelio Scipioni ædilitatem spectanti obstiterunt tribuni plebis , quod nondum ad petendum legitima ætas esset ; Livius , XXV , 2 ; sed serius Villius , trib. plebis legem annalem tulit , qua anni singulorum honorum definiti sunt. Vide Ducker. ad Livium dicto loco. *Finita* igitur , definita.

67. Non modo in republica , privatim quoque honorabatur senectus ; Cicero Senect. 18 : « Hæc ipsa » sunt honorabilia , quæ videntur » levia atque communia , salutari , » appeti , decedi , assurgere , deduci , » reduci , consuli : quæ et apud nos , » et in aliis civitatibus , ut quæque » optime morata ita diligentissime » observantur. » — Locum *medium* fuisse apud Romanos aliosque populos honoratissimum , etiam ex Sallustio , Jugurt. XI , 3 , et Minuc. Octav. 4 , apparet. Reliqui duo *latus* *medii tegere* dicebantur. — *Juvenum* , inter juvenes. — *Non indignantibus ipsis* ; forte per *ἡλικίαν* dictum , quum illi libenter id honoris concederent. Sic major est reverentia. — *Interior* , Horatius , II , Sat. v , 17 : « Ne tamen illi Tu comes exterior , si postulet , ire recuses ; »

ibi Gesnerus : « *Interior* de duobus una euntibus est , qui ad parietem it , sive dexter , sive sinister ; *exterior* , qui ab illa exteriori parte , qua non ita munitus est , latus illi claudit vel tegit. » — *Censura* , jus castigandi turpiter vel loquentes , vel agentes cum respectu tamen ad censoris munus. Longa senecta quemque reddebat quasi morum magistrum ; conf. Plutarchi Institut. Lacon. s. 3 et 4.

71. *Selecta* , præstantia. *Pectora* , *capita* et *corpora* ponunt Latini , ubi nos personas , homines dicimus. Vulgo legitur *corpora* ; sed Heinsius *pectora* prætulit , quia de consilii , non virium præstantia agitur. *Selecta* ; alii *delecta*. Velleius , I , 8 , de Romulo : « Hic centum homines electos , appellatosque Patres » instar habuit consilii publici. » Quæsitum jam olim , cur *Patres* dicti ; Sallustius Catil. VI , 6 : « Hi » vel ætate , vel curæ similitudine » Patres appellati. » Plutarcho in Romulo , 13 , credibile videtur , Romulum hoc nomine admonuisse et senatores , ut paterno affectu cives amplecterentur , et plebem , ne vel horrerent illos , vel inviderent iis. Quid Ovidius senserit , loci series indicat. Romulus *hoc vidit* , spectavit , effici voluit , ut plebs revereretur senatores. — *Summa urbis* in se est vel summum imperium ur-

Hinc sua majores posuisse vocabula Maio

Tangor, et ætati consuluisse suæ.

Et Numitor dixisse potest; Da, Romule, mensem

75

Hunc senibus; nec avum sustinuisse nepos.

Nec leve præpositi pignus successor honoris

Junius, a juvenum nomine dictus, habet.

Tum sic, neglectos hedera redimita capillos,

Prima sui cœpit Calliopea chori:

80

bis, vel urbs universa, vel id, unde salus urbis pendet. Quid Romulus ad senatores retulerit, e rerum scriptoribus patet; secundum Dionys. Halic. II, 12, elegit, quibuscum rempublicam administraret, μεθ' ὧν πρῶτον τὰ κοινὰ ἔμελλεν. Eutropius, I, 1: « quorum consilio omnia » ageret. »

73. Pro *posuisse* vulgo *tribuisse*. — *Tangor*, inducor, ut credam. — *Ætati consuluisse suæ*, ætati suæ hunc honorem habuisse. — *Non sustinet* alterum, qui non potest non satisfacere ejus precibus; XIV Met. 788: « nec Nymphæ justa petentem » Sustinuere deam; » Liv. XXXI, 13: « Senatus querentes eos non sustinuit. » — Plures MSS *avo*, quod Heinsius non de nihilo putat, ut *negare*, vel simile quid, intelligatur. — *Nec leve* etc. eandem etymologiam satis confirmat et hoc, quod mensis sequens Junius a juvenibus nomen habet. Sed *Junii* quoque nomen ambiguum; VI init. — *Pignus*, quidquid rem certam facit aut tutam, ergo et argumentum. Junius *succedit* ordine, ergo et *honore*; sic Lenzius. Potest tamen *honoris* cum *pignus* conjungi, quod melius puto. Lectionem autem nostram Heinsius composuit: *præpositi* habuit e MSS quinque; *successor* ex Zulichemiano, Mazarinæo a manu pri-

ma, tum ex uno Farnesiano et Mediceo; *habet* denique ex Mazarin. Zulichem. Ursin. et aliis. Idem nec *præposito* honori spernebat, quod Læti codex, primus Ambros. Francfurt. et tres alii exhibent; Taubernerus vero minus aptum putabat. Antea vulgabatur: *Nec leve præposito pignus successit honoris: Junius, a juvenum nomine dictus, adest.* — Regii tres libri lectionem vulgatam et meliorem meo judicio, habent. *Ed.*

79-110. Tertia sententia, ex qua mensis a Maia, Mercurii matre, dictus. Macrobius dicto loco: « Cincius mensem nominatum putat a » Maia, quam Vulcani dicit uxorem; » argumentoque utitur, quod flamen Vulcanalis Kalendis Maiis » huic deæ rem divinam facit; » et mox: « Contendunt alii, Maiam, » Mercurii matrem, mensi nomen » dedisse » etc. — Calliope *prima chori*, quia præerat epico carmini; V Met. 662, *maxima* Musarum vocatur; et ibid. 339, canere incipit: « immissos hedera collecta capillos. » Mulieres domi sedentes capillos in faciem immissos, aut sparsos per humeros et defluentes habebant; II, 772; cantaturæ colligebant eos nodo, ut dicturi togam componebant. — *Hedera* doctarum frontium decus.



Duxerat Oceanus quondam Titanida Tethyn,

Qui terram liquidis, qua patet, ambit aquis.

Hinc sata Pleione cum cælifero Atlante

Jungitur, ut fama est; Pleiadasque parit.

Quarum Maia suas forma superasse sorores

85

Traditur, et summo concubuisse Jovi.

Hæc enixa jugo cupressiferæ Cyllenes,

Ætherium volucris qui pede carpit iter.

Arcades hunc, Ladonque rapax et Mænalos ingens

Rite colunt, luna credita terra prior.

90

Exsul ab arcadiis latios Evander in agros

Venerat; impositos adtuleratque deos.

Hic, ubi nunc Roma est orbis caput, arbor et herbæ,

Et paucae pecudes, et casa rara fuit.

8a. *Qui terram* etc. I Met. 187: «qua totum Nereus circumtonat orbem.» Sed Heinsius hoc loco *Quæ* malit. Sane *Tethys* æque bene pro mari ponitur, ut *Amphitrite*, Neptuni uxor I Met. 14.—*Oceanus*, Cæli et Terræ filius, unus ex Titanibus, *Tethyn* sororem habuit, Iapetum fratrem. Iapeti filius *Atlas Pleionem*, Oceani filiam, duxit, quæ in Cyllene, omnium montium Arcadiæ altissimo, *Pleiadas* enixa est; Apollodorus, I, 1, 3; II, 3; III, x, 1.—*Atlas τοῖς ὕμναις τὸν ὠκεανὸν ἔχων* dicebatur; hinc passim a poetis latinis *cælifer* vocatur, quod Heinsius exemplis docet. Hoc ergo et nunc præferendum aliorum *stel-lifero*.—De *Pleiadibus* IV, 169 sqq.—Pro *concubuisse* Francos. *succubuisse*, quo Burmannus putat infirmas ejus vires adversus Jovem indicari.—Maia eo ipso in monte, in quo mater Pleiadas, Mercurium peperit, qui inde *Cyllenius* dicitur.—Arcadiæ montibus alias *pineta* tri-

buuntur; II, 275; I Metam. 217; sed nec *cupressi* in Arcadia infrequentes; Pausanias, p. 646; idem, pag. 519 et 633, de *cultu* Mercurii apud Arcadas agit.—*Ladon rapax* etiã II, 274; *Ladon* et *Mænalos* eum colunt, quia ad illum et in hoc templa habebat.—De Arcadibus *luna prioribus* ad I, 469 dictum.—Pro *credita* tres *condita*, non impro-bante Burmanno. Immo illud verum propter priorem illum locum.—Regii tres *credita*.

91. Mercurii cultus mature in Italiam translatus; itaque mensis a matre ejus dici potuit.—De adventu *Evandri* et vaticinio Carmentis matris I, 499 sqq.—*Arcadiis*, scilicet agris maluit Heinsius quam *Arcadia*, quod ante eum vulgabatur.—*Impositos*, scilicet navi suæ; quos deos Latio *adtulerit*, Dionysius Halicarn. I, 3a sqq, narrat.—*Hic, ubi* etc. Hoc Ovidius sæpius repetit et inculcat; confer I, 515; II, 280; III, 71.—*Rara*; Junian. *parva*;

Quo postquam ventum; Consistite, præscia mater, 95

Nam locus imperii rus erit istud, ait.

Et matri et vati paret Nonacrius heros;

Inque peregrina constitit hospes humo.

Sacraque multa quidem, sed Fauni prima bicornis

Has docuit gentes, alipedisque dei. 100

Semicaper, coleris cinctutis, Faune, Lupercis;

Quum lustrant celebres vellera secta vias.

At tu materno donasti nomine mensem,

Inventor curvæ, furibus apte, fidis.

Vossian. *pauca*. — *Nonacrius*; vide ad I, 478; II, 167. — *Heros*, quia Mercurii et Nymphæ filius; I, 471. *Paret* Carmentæ duabus ex causis, quia *et mater*, *et vates*. — Pro *hospes* Vossian. Junian. et sex alii *exsul*; sed melius nunc cogitatur *hospes*.

99. *Sacra multa*. Dionysius Halic. I, 32, ubi plures deos ab Evandro et Carmenta allatos enumeravit, pergit: πολλὰ δὲ καὶ ἄλλα τεμνὴν καὶ βαμοὺς καὶ βρήτη θείων καθίσταται. — *Alipedem deum* ille non nominat, sed quidni Evander patris sui cultum invexerit? — *Faunus* hic obiter tantum memoratur, quia *Lupercalia*, (de quibus II, 267–449), celeberrima. De *Fauno* dictum ad II, 267, ubi et *bicornis* vocatur. — *Semicaper*, ut IV, 752; XIV Metam. 515. Pro eo II, 361, *cornipes*. — *Cinctuti* quo sensu Luperci dicantur, apparet e Plutarcho, Quæst. Rom. tom. VII, p. 131, ubi currunt ἐν περιζώμασι, cincti subligaculis. Plurimi MSS *succinctis*. — *Vellera*, pelles caprarum mactatarum, quas Luperci sectas manibus tenebant, quibusque mulieres obvias verberabant; Plutarchus dicto loco, et in Rom. 21. Confer supra II, 425 sqq. — *Lustrant*, Lupercalia

enim erant καθάρσιαι, lustralia. — Pro *vellera* veteres plerique *verbera*. Heinsius cum duobus *tergora* malit, et, quum multi libri scripti in fine *manus* præferant, totum versum sic refingendum putat: *Quum lustrant steriles tergora secta manus*, quia steriles mulieres se obtulerunt Lupercis feriendas; male: illa enim verberatio mulierum non erat *lustratio*. — *Materno donasti* etc. Hoc quidam inde maxime probabant, quod hoc mense mercatores omnes Maïæ pariter atque Mercurio sacrificabant; Macrobius, I, Saturn. 12; confer infra vers. 671 sqq. — *Inventor* etc. Horat. I, Od. x, 6: «Cur» vælyræ parens; » item: «callidus, » quidquid placuit, jocosio Condere » furto, » ubi vide Jani Excurs. qui philosophatur super Mercurii attributis, docetque eum fuisse symbolum rationis et orationis; eum adeo præfuisse omnibus, quæ multa ingenii solertia opus habeant; fuisse etiam deum doli ac fraudis, non inhonestæ, sed ejus, quæ leporis et acuminis plena animi causa committitur; inde eum *furem* et *faribus aptum* esse dictum; et quoniam veteres crediderint, ad formandos mores plurimum valere musicam,

Nec pietas hæc prima tua est : septena putaris ,  
Pleiadum numerum , fila dedisse lyræ.

105

Hæc quoque desierat ; laudata est voce sororum.

Quid faciam ? turbæ pars habet omnis idem.

Gratia Pieridum nobis æqualiter adsit ;

Nullaque laudetur plusve minusve mihi.

110

AB JOVE surgat opus : prima mihi nocte videnda

propterea eum etiam *lyræ inventorem* esse habitum. Primum lyram e testudine , intensis nervis vel ovium vel boum Apollinis abactarum fecit ; Homer. hymn. Mercur. 25 ; Apollodor. III , x , 2. Lyra major *septem* chordarum erat ; quem numerum Mercurius Pleiadibus dedisse ingeniose dicitur ; sic ille *pius* in sorores ; nunc *pietas* in matrem accessit. De ejus attributis plura infra 663 sqq. Et de *Pleiadibus* IV , 169 sqq. — Pro *numerum* vulgo *numero*.

107. Quatuor MSS *laudataque* ; inde Heinsius fecerat *laudataque voca sororum est* ; sed nos cum Mitscherlich. veterem lectionem servavimus. Mox paulo obscurius scripsit Ovidius , itaque dissentire interptt. videas in his verbis explicandis. *Marsus* : quasi unaquæque Musa habet idem in me juris , et quum singulæ singulis rationibus innitantur , nescio , quam magis adfirmem. Taubnerus : unaquæque Pieridum idem nunc habet sive existimat , quod jam Calliope dixerat ; ergo nunc fas est , me quoque assentiri. Lenzius : quæque trium illarum canentium *habet idem turbæ* , id est , æqualem numerum sibi assentientium , nempe binas ; ergo non audeo quidquam decernere. Sensus verborum *Gratia ... mihi* certus est : nolo in hujus vel illius Musæ sententiam ire , quia omnes mihi favere volo. Qui sensus

confirmatur etiam verbis VI , 97-99 , in fine similis figmenti , ubi res clarius indicata est. Ergo etiam in prioribus explicandis *turbæ pars* etc. Lenzio assentior. Major pars nihil decernere poterat ; vota erant paria. Sic et Krebsius. Cæterum alibi poeta Uraniæ assentitur , ut vers. 427 ; I , 41.

111-128. *Kalendis Maiis Capella ortus* vel heliacus , ut vult Neapolis , vel , quod Taubnero magis placet , matutinus. Secundum Plin. XVIII , 66 , in VIII Iduum Maii incidit. Ad latus septemtrionale viæ lacteæ situs est Heniochi , in cujus humero sinistro stella clarissima fulget , cui *Capella* nomen inditum ; idemque manu *duos hædos* tenet duabus stellis formatos ; Geminus , p. 45 ; Hyg. Poet. Astron. III , 12. Harum stellarum origo hic narratur ; sed magna varietate olim hæc res tractata est , ut apparet ex Eratosth. cap. 13 ; Hygino , Poet. Astron. II , 13 ; Apollodoro , I , 1 , 3 ; II , VII , 5.

*Ab Jove* , a Capella , Jovis nutrice. Sed maluit alterum , ut sententiam assimilaret illis : « A Jove » Musarum primordia » apud Arat. et Ζηνὸς τὶ λάλον ἀειδέν , apud Galimach. hymn. Jov. 1. — *Surgat* elegantius quam , incipiat ; II Trist. 559 : « Surgens ab origine prima » mundi opus. » — Pro *Jovis* Saravii MS et quinque alii *Jovi*.



Stella est in cunas officiosa Jovis.

Nascitur Oleniæ signum pluviale Capellæ :

Illā datī, cælum, præmia lactis habet.

Naïs Amalthea, Cretæa nobilis Ida,

115

Dicitur in silvis oculuisse Jovem.

Huic fuit hædorum mater formosa duorum,

Inter Dictæos conspicienda greges,

Cornibus aeriis atque in sua terga recurvis,

Ubere, quod nutrix posset habere Jovis.

120

Lac dabat illa deo : sed fregit in arbore cornu ;

Truncaque dimidia parte decoris erat.

Sustulit hoc Nymphe ; cinctumque recentibus herbis,

113. Musæus tradiderat, Jovem a Themide et *Amalthea* Nympha esse educatum ; hanc capram habuisse in deliciis, quæ lac præberet. Theon. ad Arat. 64, ubi poeta 'Ὠλενίην ἀνὰ μὲν memorat, *Amaltheam* facit *Oleni* filiam. Parmeniscus, qui et ipse in Aratum commentatus erat, scripserat, ad Melissei, regis *Cretensium*, filias (quas *Adrasteam* et *Idam* *Apollodoros* vocat) Jovem nutriendum esse delatum ; eas vero, quum lac non haberent, capram admisisse *Amaltheam* nomine ; eam *geminos hædos* illo tempore esse enixam, qui cum matre inter sidera sint relati. Vide scriptores modo laudatos.

*Nascitur*, oritur. — *Pluvialis Capella* etiam Plinius, XVIII, 26, quia ortu suo pluviam nuntiat ; III Metam. 594 : « Oleniæ sidus pluviale Capellæ ; » itaque et hoc loco quidam *sidus*, non *signum* habent ; sed sidera eleganter *signa* vocantur ; vide Ernest. Clav. Cicer. hac voce. Eadem *cælum habere* dicuntur ; I Art. Amat. 557 : *Munus habet cælum*. — Post *Cretæa* nonnulli addunt *et aut que* ; inde Heinsius conjicit *Cre-*

*teide* aut *Curetide*. — Copula *et aut que* abest a nostris Regiis.

119. *Aeria*, in aera se adtollentia, alta ; sic *aerii montes*, *aeriæ arbores* apud poetas. — *Posset* ; Francosurt. *debet*, non improbante Burmanno ; alterum melius. — *Trunca*, privata ; IX Metam. 1, *frons trunca*, cui alterum cornu revulsum. Ib. 98, hæc revulsio *ablati jactura decoris* vocatur. — *Serta ex herbis* aut floribus frequentior ornatus apud veteres. Pherecydes, qui in hac fabula nihil de capella habuerat, *Amaltheam*, *Hæmonii* filiam, tradiderat *cornu* habuisse, quod potulenta et esculenta largiter præberet ; *Apollodor.* II, VII, 5. Et veteres cornibus varie utebantur, etiam ad fruges servandas ; IX Met. 91, *Nympha fert totum prædivite cornu Autumnum*. Hoc igitur fundamentum fabulæ fuisse videtur ; *cornu* fecit, ut mox *capella* interponeretur. — Olim edebatur *cinxitque decentibus herbis* ; quidam *virentibus*, multi *decoribus*, quod Heinsius exemplis illustrat, ubi adjectiva *decor* et *indecor* occurrunt. Sed *recentibus* est e Patavino, Ma-

Et plenum pomis ad Jovis ora tulit.  
 Ille, ubi res cæli tenuit, solioque paterno 125  
 Sedit, et invicto nil Jove majus erat;  
 Sidera nutricem, nutricis fertile cornu,  
 Fecit; quod dominæ nunc quoque nomen habet.  
 Præstitibus Maiæ Laribus videre Kalendæ  
 Aram constitui, signaque parva deùm.  
 Voverat illa quidem Curius: sed multa vetustas 130  
 Destruit, et saxo longa senecta nocet.  
 Causa tamen positi fuerat cognominis illis,  
 Quod præstant oculis omnia tuta suis.

zarjn. Zulich. primo Ambrosiano, Læti et duodecim aliis. Et equidem recentia sarta passim memorantur. *Cinctumque* non nisi unus Vaticanus agnoscit.

125. *Res cæli*, imperium cæli, ut Livius, I, 32, *res ad Patres redit*, aut cælum ipsum; II Metam. 513, Juno: *pro me tenet altera cælum*. Heinsius vero, quum Arondel. *rex cælum* præferret, conjicit *rex rerum*. — *Fertile*, quia plenum pomis. Neapolis in uno cod. *et nutricis* reperit.

129-147. *Kalendis iisdem Laribus Præstitibus ara constituta*. De *Laribus* vide ad II, 615; de *Laribus præstitibus* conf. Plutarch. Quæst Rom. tom. VII, Opp. p. 119, Reisk. qui *παιστικὰς* vocat, narratque non modo *canem* iis adstare, sed caninis etiam pellibus eos amiciri, ejusque rei causam adfert duplicem: 1º eandem, quam Ovidius, eos præesse ædibus, curam canum agere, et terrere alienos, qualis et sit natura canum; 2º Lares esse genios diros ad puniendum factos.

*Curius*. Haud dubie Manius ille Curius Dentatus, qui Sabinos vicit, et de Pyrrho rege triumphavit.

Cultus tamen Larium Romæ antiquior, ut ad II, 615, vidignus. Olim autem edebatur: *Ara erat illa quidem Curibus*; in quibus forte vera lectio latere potest. Nam primus ædem Laribus extruxisse T. Tattius, Sabinorum rex, a Varrone traditur. Alteram tamen lectionem jam Ciofanus e MSS laudavit. Neapoli placebat e libro vetere: *Struxerat illa quidem Curius*. — *Multa pro longa* recte ex Mazarinæo, Zulich. multisque aliis Heinsius dedit. Ut vetustas multa destruit, ita et saxis nocet. Destructa esse illa signa, vs. 144 diserte dicit; nunc vero sententia generali utitur, cui similis est alia apud Plinium, paneg. LV, 9: « Arcus enim et statuas, aras etiam » templaque demolitur et obscurat » oblivio. — *Senecta* pro vetustate.

134. Comparat Neapolis e Martiano Capella hæc: « Specialis singulis mortalibus genius admovetur, » quem et Præstem, quod præsit » gerundis omnibus, vocaverunt. » Sed in vocabulis *Quod præstant*... *auxiliumque ferunt* multum redundantiæ est; singulæ enim formulæ eodem redeunt; namque etiam præ-

Stant quoque pro nobis, et præsunt mœnibus urbis,

Et sunt præsentes, auxiliumque ferunt.

135

At canis ante pedes, saxo fabricatus eodem,

Stabat : quæ standi cum Lare causa fuit ?

Servat uterque domum, domino quoque fidus uterque.

Compita grata deo ; compita grata cani.

140

Exagitant et Lar, et turba Diania fures ;

Pervigilantque Lares ; pervigilantque canes.

Bina gemellorum quærebam signa deorum,

Viribus annosæ facta caduca moræ :

Mille Lares, Geniumque ducis, qui tradidit illos,

145

Urbs habet ; et vici numina trina colunt.

Quo feror ? Augustus mensis mihi carminis hujus

Jus dabit : interea diva canenda Bona est.

*sentia* dei in auxilio cernitur, quod nobis fert. *Præsunt mœnibus urbis* ; erant enim etiam publici Lares, ut ad II, 615, admonitum.

138. *Stabat*, nempe ad Curii aram. — *Grata deo*, inde Lares Compitales dicti, et in compitis culti ; Dionysius Halicarn. IV, 24. — *Grata cani* ; in compita enim purgamenta et sordes abjiciebantur ; Erhard. Symb. in Petronium, 134. Inde apud Phædrum, I, fab. XXVII, 11 : *Canis trivio conceptus*. — Lares dea Mula gemellos pepererat ; II, 615. Eorum signa a Curio posita quum quæreretur Ovidius, non reperit eadem, quippe caduca facta, alios vero *Lares mille* vidit. Erant enim Romæ 265 compita Larium, auctore Plinio, III, s. 9, p. 156 Harduini. Jam, quoniam Augustus *Compitales Lares ornare bis anno instituit, vernis floribus et æstivis*, (Suetonius August. 31) propterea hic quoque poeta occasionem captat ei adulandi. Lares et *Genii* sæpe conjungun-

tur ; *Genius* enim deus, in cujus tutela quisque vivit. *Genium* Cæsaris cives romani colere solebant. Minuc. Felix in Octav. XXIX, 6 : « Sic » ejus nomen vocant, ad imagines » supplicant, genium, id est dæ- » monem ejus implorant. » Horatius, IV, Od. v, 34, ad Augustum : *Laribus tuum Miscet numen*. Atque etiam nunc *dux* est Augustus ; etiam Persius, Satyr. VI, 48, *deos geniumque ducis* nominat. — *Numina trina* ; ita et IV extr. Palatium *æternos tres deos* habebat, in quibus et ipsis Augustus.

148-158. *Kalendis Maiis etiam Bonæ deæ ædes dedicata*. Etiam de hac dea, quæ Græcis *Θεὸς γυναικεία* dicta, variæ erant veterum opiniones. Cornelius Labeo auctor erat, Maiæ ædem Kalendis Maiis dedicatam esse sub nomine Bonæ Deæ ; eandem deam et Faunam, Opem, Fatuam dictam ; Macrobius, I, Saturn. 12, ubi et aliæ sententiæ recensentur. Varro Fauni filiam tra-



Est moles nativa; loco res nomina fecit:

Appellant saxum; pars bona montis ea est.

150

Huic Remus institerat frustra, quo tempore fratri

Prima Palatinæ signa dedistis aves.

Templa Patres illic, oculos exosa viriles,

Leniter adclivi constituere jugo.

Dedicat hæc veteris Clausorum nominis hæres,

155

Virgineo nullum corpore passa virum.

Livia restituit; ne non imitata maritum

Esset, et ex omni parte secuta virum.

diderat, adeo pudicam, ut extra gynæceum nunquam sit egressa, nec nomen ejus in publico fuerit auditum, ut nec virum unquam viderit, nec a viro sit visa; unde factum sit, ut viro templum ejus ingredi non licuerit; sed locus classicus de hac dea ejusque sacris est apud Plutarchum in Vita Caesaris, cap. 9; secundum eum Phryges eam sibi vindicarunt domesticam, Midæ matrem, Romani autem Fauni conjugem dixerunt.

*Est moles etc.* Templum intelligi, in monte Aventino positum, certum est; ei enim monti *Remus institerat* aves consulturus; Livius, I, 6. Negat tamen Neapolis, qui putat designari alteram deæ ædem in regione duodecima. — *Signa* dedit Heinsius ex MSS Ursin. uno Patavino et Nauger. Sone aves augurales *signa dare* aut mittere dicuntur; Græcis *εὐχμῖνεν*, *προσημῖνεν*. Sed in Romuli aves bene *regna dare* cadit, quod cæteri libri præferunt; infra vers. 461, Remus dicit: *si volucres habuissem regna jubentes*; Livius, I, 6: « ut dii auguriis legere rent, qui conditam urbem imperio regeret. » — *Regna* in tribus nostris libris, et hoc bene defendit

*Gierig*. Ed. — Pro *huic* Zullichem. a manu prima *hunc*, quod et ipsum recte dicitur. — *Oculos exosa viriles*, quia viris accessus non dabatur; Plutarchus dicto loco *ἄνδρα δὲ προσελθεῖν οὐ θίμει, οὐδ' ἐπὶ τῆς οὐκίας γένεσθαι τῶν ἱερῶν ὀργισσόμενον*. Noster, III Art. Amator. 637: « quum fuget a templis oculos Bona diva virorum. » Quicumque vir illa sacra vel imprudens adspexisset, eum oculis orbari credebant; Tibullus, I, VI, 24. Causam ejus rei reddidit Varro, loco modo allato. — De *Clausorum* gente, et de Claudia Quinta, virgine sancta, illius nominis herede, vide ad IV, 305; quamquam nunc et alia virgo intelligi potest Claudia. — In codice Farnesiano pro diversa lectione *nullum passa nefas* vocatur; quod Heinsio rectius videtur, quia mox sequitur *secuta virum*, nisi *suum* ibi malis, ut ad *maritum* referatur. Præterea Sarravian. Mazarinæus, et plurimi alii, *est omni*; hinc Heinsius conjicit *ut est omni parte*. Taubn. vulgatam negat tautologię vitio laborare, majus enim esse omni ex parte sequi, quam imitari. Quidam *est*, ut *et vim explicandi* habeat, et quidem. — *Livia* autem opus etiam I, 649, laudatur.

POSTERA quum roseam pulsas Hyperionis astris

In matutinis lampada tollit equis ;

160

Frigidus Argestes summas miscebit aristas ,

Candidaque a calabris vela dabuntur aquis.

At simul inducunt obscura crepuscula noctem ,

Pars Hyadum toto de grege nulla latet.

Ora micant Tauri septem radiantia flammis ,

165

Navita quas Hyadas graius ab imbre vocat.

159-182. *Die secundo, aut VI Nonarum Argestes ventus surgit, et Hyades oriuntur.*

*Hyperionis* et *Thiæ* filia *Aurora* ; ei *lampas* tribuitur, sive *fax* et quidem *rosea* ; eum enim colorem omnia referunt, quæ *Auroræ* sunt. — *Tollit in equis*, vecta equis, nempe bigis ; *Æneid.* VII, 26, « *Aurora* » in roseis fulgebat lutea bigis ; » *Tibullus*, I, III, 93 : « *Luciferum* ro- » seis candida portat equis. » — *Argestes*, ventus ab occasu solstitiali, hoc est, septemtrionali, et *frigida* parte occidentis, flans, qui idem et *Corus* ; *Plinius*, II, 47 ; sed *Seneca Nat. Qu.* V, 16, discrimen facit : « A solstitiali occidente *Corus* » venit, qui apud quosdam *Argestes* » dicitur. *Mihi non videtur* ; quia » *Cori* violenta vis est, et in unam » partem rapax ; *Argestes* fere mol- » lis est, et tam euntibus commu- » nis, quam redeuntibus. » In nostrum *Argestem* convenit, quod ille de *Coro* dicit ; sed et *Plin.* XVIII, 77 : « *Corus* flat ab occasu solstitiali » et occidentali latere septemtrionis, » a Græcis dictus *Argestes*, ex frigidissimis et ipse. » — *Miscebit*, quod et *Burmanno* placebat, e *Sarav.* et quatuor aliis recepimus. Dicitur enim de vehementioribus motibus tam ventorum, quam civitatum ; *XI Metam.* 491 : « venti freta

» indignantia miscent. » Ita et apud *Virgil. Æneid.* I, 124, 133 ; IV, 160 : *pontum, terram, cælum miscent.* Sed *mulcebit*, quod cæteri omnes habent, *Zephyri* potius lenitatem decet. — *Burman.* etiam vidit a *calabris* legendum esse, non, a *Capreis*, quamquam sic plurimi MSS, quia paucae naves a *Capreis* solvebant, plurimæ contra e *brundusino Calabrorum sinu* ; sed quum idem putat, *calabras aquas* dictas esse pro quibuscumque, fallitur. *Argestes* enim, qui idem et *lapyx*, secundus fuit e *brundusino* portu Græciam petentibus, quod vel ex *Horatio*, I, Od. III, constat, et quod situs illarum terrarum docet.

163. *Hyadum ortus.* Secundum alios non post solis occasum oriuntur, sed matutino ; *Plinius*, XVIII, 66, 1 : *VI Nonas Maii Cæsari Succulæ matutino oriuntur* ; *Aetio* id faciunt uno die ante : *Μὴν Ἀπριλίῳ, τῇ ἑστῇ Μαιῶν διὰ τῶνδε ἀμὰ ἡλίου ἀνατολῆς ἰατρῆλλοντες.* — *Taubner.* monet, pro *latet* æque bene cum *Bersm.* *pattet* legi, modo hæc de vespertino crepusculo intelligantur, et vs. 165 pro mera *Hyadum* descriptione habeatur. — *Pars nulla* pro nulla simpliciter ; II, 156, *pars una chori*, una ex choro. — *Crepuscula inducunt noctem*, ut I *Metam.* 219, *trahunt.* — *Hyades*, septem stellæ in ore

Pars Bacchum nutrisse putat; pars credidit esse

Tethyos has neptes, Oceanique senis.

Nondum stabat Atlas, humeros oneratus olympos,

Quum satus est forma conspiciendus Hyas.

170

Hunc stirps Oceani maturis nisibus Æthra

Edidit, et Nymphas; sed prior ortus Hyas.

Dum nova lanugo, pavidos formidine cervos

Terret; et est illi præda benigna lepus.

At postquam virtus annis adolevit, in apros

175

Audet et hirsutas cominus ire leas.

Dumque petit latebras fetæ catulosque lænæ;

Ipse fuit libycæ præda cruenta feræ.

*Tauri.* De origine earum variæ veterum opiniones, quas Hyginus fab. 182, 192; Poet. Ast. II, 13, collegit. *Bacchi* eas *nutrices* fuisse, *Phercydes* secundum Schol. Homeri ad II. 5, 486, dixerat, quem et Apollodorus, III, IV, 3, secutus est. Male veteres Romani *Suculas* eas appellarunt, quia Græcis *Συες* sues sunt; vide Gellium, Noct. Attic. XIII, 9. Ex ea opinione etiam Noster *gregem Hyadum* dixit. Nonnulli nomen inde derivabant, quia in modum γ litteræ positæ sunt; sed certum est, eas a verbo *βίβω*, *pluvio*, appellatas, quia ortu suo pluvias adferre credebantur.—*Pro flammis* tres MSS *stellis*; vide ad vers. 167.—Nonnulli *putant*, quod Heinsio venustius visum est, et a Mitscherl. receptum.—*Putant* in nostris codicibus A et C; quod præferenti Heinsio adsentior. *Ed.*

168 sqq. Hæc et Hyginus Poet. Astron. dicto loco habet.—*Oceani* filius *Atlas*, de quo vide ad IV Met. 630, 656.—*Æthra* ab aliis *Pleione* vocatur.—Unus, *maternis nisibus*, quidam *maturis mensibus* ex-

hibent.—*Nova*, prima.—*Formido* nunc non est metus, sed funis venatorius, versicoloribus plumis distinctus, quo cervi territi in plagas extensas irruerant; Seneca Hippol. 46: « Picta rubenti linea penna Vano cludat terrore feras. »—*Præda benigna*; acquiescit illa præda, majorem non appetit.—*Pro annis plurimi annos*, nonnulli *animis*, quod posterius Taubnerus non improbat. Immo *annis* melius est; opponitur enim *nova lanugini*. Neque assentior Heinsio, *audet* in *gaudet* mutari volenti; adversus apros enim et leones *audacia* inprimis opus est; X Metam. 544, Venus ad Adonin, cui Hyas similis: *in audaces* (feras) *non est audacia tuta*.—*Leas* pro *feras* non nisi unus codex habet, sed recte, ut jam Gebhard. ad Propert. II, 19, vidit; namque *apri* et *feræ* non bene sibi opponuntur. Sed mox *Heinsius* e pluribus MSS bonæ notæ *feræ* prætulit, quum antea *leæ* rursus ederetur. Et *libycæ feræ* satis leonem designat; Africa enim *leonum arida nutritrix* Horatio, I, Od. 22.—*Fetæ*, quæ modo enixa est.



Mater Hyan, et Hyan mœstæ flevere sorores,

Cervicemque polo suppositurus Atlas.

180

Victus uterque parens tamen est pietate sororum :

Illa dedit cælum : nomina fecit Hyas.

Mater, ades, florum, ludis celebranda jocosis :

Distuleram partes mense priore tuas.

Incipis Aprili ; transis in tempora Maii :

185

Alter te fugiens ; quum venit, alter habet.

Quum tua sint, cedantque tibi confinia mensum,

Convenit in laudes ille vel ille tuas.

Circus in hunc exit, clamataque palma theatri :

180. Ad tædium usque repetit illud, Atlantem cælum portasse ; verss. 83, 169.—*Victus est pietate*, minus pius est. Major pietas sororum fecit, ut inter sidera referrentur. Sed si nauta græcus Hyadas ab imbre vocavit, ut vers. 166 recte admonitum est, quid opus erat idem nomen etiam ex mythis repetere ? Ita et poetæ sententia secum pugnat.

183–378. *Floralia*, de quibus ad IV, 943, ubi eorum initium. Post invocationem deæ usque ad vs. 192, ejus origo et potestas narratur 195–274 ; tum cultus usque ad finem. — *Matres* earum rerum dicuntur deæ, quibus præsent. — *Ludi* illi impudici verius quam *jocosi*, ut ad vers. 331 videbimus. — Pro *celebranda* plerique MSS *celebrata*, quod Taubnero non displicebat, et quod Mitscherlichius recepit. — *Partes* alibi officium alicujus ; quia persona, quam histrio agendam suscepit, ejus *partes*. Nunc etiam ea intellig. quæ Flores debentur, quod omnis locus sequens docet. Substituit aliquis *laudes*, quod inde in tres codd. migravit. — *Incipis*, ludi tui incipiunt. — *In tempora Maii*, in diem tertium ; hinc

in Kalendariis ad omnes illos dies *Ludi* notantur. Hoc memorabile Ovidio visum est et lusu dignum ; itaque ei rei inhæret per quatuor versus. — *Fugiens*, *μῆν γέγωνος*, ad exitum vergens. — *Mensum* pro *mensium* etiam infra 424, et VIII Met. 500. — *Cedant*, sacra tibi sint. — *Ille vel ille* tuetur Burmannus quia et alibi sic occurrit ; sed Heinsius e melioribus *vel iste* malebat, idque etiam Mitscherlichius prætulit.

189. Et ludi Circenses et scenici in hunc *exeunt*, durant, ut IV, 947. *Circus* Floræ proprii in regione sexta ut e Sexto Rufo apparet. — In ludis artificibus præstantissimis *palma* id est plausus maximo *clamore a theatri*, spectatoribus, dabatur ; de clamore illo Arnobius adv. Gentes IV, p. 152 : « conclamant et adsurgunt theatra, cavæ omnes concrepant fragoribus atque plausu. » Sed interp. gallicus longe alia dedit : *Mais le cirque en ce mois s'ouvre aux sceniques jeux ; La palme est proclamée aux sons de la trompette.* Etiam Lenzius putabat, posteriora sic capi posse, palma palam a præconibus renuntiata spectatoribus.

Hoc quoque cum circi munere carmen eat.

190

Ipsa doce, quæ sis; hominum sententia fallax:

Optima tu proprii nominis auctor eris.

Sic ego; sic nostris respondit diva rogatis;

Dum loquitur, vernas efflat ab ore rosas:

Chloris eram, quæ Flora vocor: corrupta latine

195

Nominis est nostri litera græca sono.

Chloris eram, Nymphe campi felicitis, ubi audis

Verum nec ludiscenici in circo fuer-  
re, nec hic mos romanis fuit, ut  
ad clangorem tubæ palma renun-  
tiaretur. — *Munus* etiam de ludis et  
spectaculis. Ernest. Clav. Cicer. hac  
voce, observat semper de gladiato-  
riis dici; Ovidium autem, quum  
hoc loco *circi munus* dixerit, locu-  
tum esse ut poetam. Verum in Flo-  
ræ circo etiam venatorii ludi daban-  
tur; vers. 371. — *Cum circi munere  
carmen eat* Lenzius interpretatur:  
carmen meum tibi offeratur, tam-  
quam munus, una cum Circensib-  
us. Equidem malim accipere, ut  
II, 2: *Alter ut hinc mensis, sic li-  
ber alter eat.* — *Auctor*, interpres. —  
*Rosas*, odorem rosarum, qui odor  
mansit etiam, ubi discessit; vs. 376.

195-274. Jucundissima narratio  
de *Floræ origine et potestate*. Secun-  
dum Varronem de Ling. Lat. IV,  
10, fuit antiqua Sabinorum dea,  
cujus cultum T. Tatius rex Romam  
transtulit. Scriptores ecclesiastici,  
Minuc. Felix, XXV, 9, Lactantius  
Inst. I, xx, 6, Arnobius adversus  
Gentes III, p. 113, parum hones-  
tam ei dant originem. Ex arte enim  
meretricia quum magnas opes quæ-  
sivisset, populum romanum scripsit  
hæredem, certamque pecuniam re-  
liquit, cujus ex annuo sœnore na-  
talis suus celebraretur ludis; sed se-  
natus, ut pudendæ rei dignitas quæ-

dam adderetur, finxit deam, quæ  
floribus præset, eamque oportere  
placari, ut fruges cum arboribus vi-  
tibusque florescerent. Quæ traditio  
ludorum, quibus Flora colebatur,  
lascivia confirmari videtur. Longe  
alia autem Ovidius habet; eo enim  
auctore, nympa fuit in campis for-  
tunatis, olim *Chloris* dicta, quam  
Zephyrus duxit, et magna in flo-  
res potestate auxit, quamque Mars,  
quum ei ortum suum deberet, deam  
romanam fecit. Lenzius e Catulli  
carmine de Berenices coma colli-  
git, fabulam de Chloride, Zephyri  
uxore, fuisse antiquam; eam poe-  
tas alexandrinis ad Arsinoen, Pto-  
lemæi Philadelphi uxorem, transtu-  
lisse, et Ovidium forte e Callimachi  
carmine *Altea* hausisse.

*Chloris eram* etc. *Flora* nomen  
aperte habet a floribus; sed Ovidius  
hæc finxit, ut e Chloride Floram  
facere posset. — *Pro corrupta*, cum  
Horatio Art. Poet. 53, *parce detor-  
ta* dicere potuisset. — *Chloris* est a  
græco χλωρίς, viridis, vicens, flo-  
rens, ut adeo hæc duo nomina sen-  
su non multum inter se differant.  
— *Campi felicitis*; intellige insulas  
fortunatas, quas præeunte Hesiodo  
Égy. 170 sqq, Horatius, Ep. XVI,  
41, describit, quamquam etiam Ho-  
merus, Od. Δ, 563, simile quid de  
campo elysio ad fines terræ tradi-

Rem fortunatis ante fuisse viris.

Quæ fuerit mihi forma, grave est narrare modestæ;

Sed generum matri repperit illa deum.

200

Ver erat; errabam: Zephyrus conspexit; abibam:

Insequitur; fugio: fortior ille fuit;

Et dederat fratri Boreas jus omne rapinæ,

Ausus Erechthea præmia ferre domo.

Vim tamen emendat dando mihi nomina nuptæ;

205

Inque meo non est ulla querela toro.

dit. In illis insulis, Μακάρων νῆσοις, juxta oceanum profundum, beati heroes, ὀλβιοὶ ἥρωες, sine curis habitant, iisque terra ter quotannis dulcem fructum profert. Auctore Plutarcho in Vita Sertorii, cap. 8, duodecies centena millia passuum ab Africa distant; et Barbari olim credebant campos ibi elysios et sedem fortunatorum fuisse, quam Homerus laudaverit. Putant designatas esse istis insulas, quæ hodie *Canariæ* dicuntur; vid. Heynii Opuscul. Acad. vol. I, p. 395, et Mitscherlichium ad Horatium dicto loco. — Ante Lenzius conjungit cum *viris*, ut οἱ πρὶν, οἱ πρόσθεν intelligantur. Ego jungo cum *fuisse*, olim fuisse, nempe ea ætate, quam Hesiodus heroicam vocat; sic infra vers. 222, ante erat.

199. Observa modestiam, qua formam suam laudat.—*Grave*, molestum. — Pro, maritum mihi repperit, maluit, ut minus vulgare, *generum matri repperit*. Similiter fere II Metam. 746, Mercurius ad sororem virginis, quam petebat: tu velis « prolis meæ matertera dici. » — In verbis *ver erat... fuit*, exemplum insigne habemus incisorum, sive brevium orationis membrorum. *Errare* de ambulantiis. *Fortior*, ve-

locior; deest *cursu*, quod III Met. 219, additum. Zephyrus velocior erat, quippe ventus, et pennis Amoris adjutus, ut Phœbus I Met. 540. Interp. gallicus admiratur gratiam decoram in hac Floræ confessione. — Excusationem etiam marito repperit: *Et dederat* etc. vim et rapinam licere sibi putabat ad exemplum fratris.—De *Borea* Orithyam, *Erechthei*, regis atheniensis, filiam rapiente, VI Met. 677 sqq. Raptum formula lenissima exprimit *præmia ferre*, namque *præmium* etiam de præda dicitur; VI Metamorph. 518: « spectat sua præmia raptor; » et Horatius, Epod. II, 36: « jucunda captat præmia. »

205. *Vim emendat*, vim illatam compensat et honore et beneficiis. — Pro *nuptæ* alii *Nymphæ*. — Tum Heinsius etiam *numina* cum uno Patavino malit; sed *Nymphæ* Chlores jam ante fuerat, vers. 197; et in *nuptæ* satis honoris est: nam cæteri dii virgines, quibus pudorem rauerant, non amplius curabant. — *Querela*. Douza observat, alluisse poetam ad formulam in epitaphiis obviam *vixerunt sine querela*. — Jam felicitatem suam efferre incipit. *Nitidissimus annus* etiam vs. 265 legitur. Hoc loc. prim. Patavinus, Far-



Vere fruor semper : semper nitidissimus annus :

Arbor habet frondes, pabula semper humus.

Est mihi secundus dotalibus hortus in agris :

Aura foveat ; liquidæ fonte rigatur aquæ.

210

Hunc meus implevit generoso flore maritus ;

Atque ait : Arbitrium tu, dea, floris habe.

Sæpe ego digestos volui numerare colores ;

Nec potui : numero copia major erat.

Roscida quum primum foliis excussa pruina est,

215

Et variæ radiis intepuere comæ,

Conveniunt pictis incinctæ vestibus Horæ ;

nes. Mazar. et a manu prim. Zulich. alique, *lepidissimus*. Sane *tepor* de calore verno dicitur, sed *nitidissimus* magis commendat felicitatem Floræ. *Nitere* enim bene dicitur de læto colore et jucunda facie terræ, ut jam ad IV, 126 et 430, admonitum. — *Annus* ut alias de proventu terræ annuo legitur ( Virgil. Georg. II, 516 : « pomis exuberat annus ; » Plinius, paneg. XXIX, 3 : « messibus nostris annus exuberat » ) sic nunc de superficie terræ. *Semper nitidissimus* ; Burmann. *per me nitidissimus*, quia sic Zulich. Bernens. et duo alii, et quia sic solent dii beneficia sua jactare, ut I Met. 516 ; sed illud *per me* rectius versu 228 legitur, ubi Flora munera sua enumerat. Nunc autem felicitatem suam extollit. Neque, quæ proxime sequuntur, *arbor habet frondes* et *pabula humus*, Floræ opera efficiuntur ; sed unus Stroz. habet *vere*, et unus Moreti *vere est*, unde Heinsius *veri nitidissimus* conjicit. Sane *ver* hic optime repetitur ; vere semper fruor, vere nitidissimus est annus, etenim humus tum semper habet pabula.

209-228. De hortulo suo et floribus narrat facunde et suaviter. *Dotales agri*, ut XIV Metam. 459 : *dotalia arva*. — *Implevit* ; Zephyrus enim flores provocat. — Pro *generoso* Francius volebat, *numero* ; male ; *generosa* excellentissima in suo quæque genere dicuntur ; XIII Metam. 818, *pruna generosa* ; XV, 710, *generosos palmitum colles* ; Virg. Æneid. X, 174, *insula generosa metallis*. — *Arbitrium*, potestas, imperium, ut III, 316 ; IV, 818. — *Colores* ; confer IV, 439. — *Digestos*, apte dispositos. — *Roscida pruina*, ros. — *Excussa* nil nisi amota, siccata. — *Comæ*, ut IV, 438 : *comæ papaveræ*. — Figmentum hoc de *Horis* et *Gratiis* aptum et ad horti præstantiam, et ad Floræ felicitatem declarandam. *Horæ*, Jovis et Themidis filiæ, Eunomia, Dice, et Irene, hominum operibus venustatem addunt ; Hesiod. Theog. 900 sqq. ; vide Grævium. Itaque et Epy. 73, cum *Gratiis* adsunt ad Pandoram floribus vernis coronandam. Quin ab iis ipsis pulchritudo Græcis dicta est *ῥαῖα*. Incedunt *pictis* *vestibus incinctæ*, ut apud Orpheum hymn.

Inque leves calathos munera nostra legunt.

Protinus arripiunt Charites; nectuntque coronas,

Sertaque cælestes implicitura comas.

220

Prima per immensas sparsi nova semina gentes:

Unius tellus ante coloris erat.

Prima Therapnæo feci de sanguine florem:

Et manet in folio scripta querela suo.

Tu quoque nomen habes cultos, Narcisse, per hortos: 225

Infelix, quod non alter et alter eras!

Quid Crocon, aut Attin referam, Cinyraque creatum;

42, 6: πέλους ἐνυμέναι ὄροσερός ἀν-  
θῶν πολυτίκῳ. Heinsius hoc loco,  
intellig. vestes e floribus contextas,  
et tres MSS habent *pictis floribus*.  
Equidem malim de vestibis capere,  
quales in Cyprio carmine, quod  
Neapolis laudavit, describuntur. Ibi  
Gratiæ vestes factas ἔθαψαν ἐν ἀνθεσιν  
ἐναιρησίν, ubi additur, οἷα φοροῦσ'  
Ὡρα. — *Leves*; nempe e vimine  
lento textos; IV, 435. — *Arripiunt*  
dedit Heinsius ex uno Zulichemia-  
no; Mazarinæus *accipiunt*, quod  
mihi melius placet; non enim vi-  
deo, cur Gratiæ tam cupide *arri-*  
*puerint* flores. Vulgo, *accedunt*.

221. Merita Floræ. Florum ex  
hominibus natorum creationem sibi  
vindicat, quia ejus opera interces-  
serat. — *Gentes*; alii *terras*. Solent  
hæc duo promiscue usurpari a poe-  
tis; Moret. *innumeras gentes*. — *The-*  
*rapnæo de sanguine flos* est hyacin-  
thus, factus ex Hyacintho, juvene  
lacedæmonio, quem Apollo sibi ca-  
rissimum imprudens disco percus-  
sit, et in florem cognominem mu-  
tavit; X Metam. 162. Is mox *Amy-*  
*clides* vocatur, mox *Æbalides*, nunc  
*Therapnæus* a Therapnis, urbe La-  
coniae, quamquam nunc omnino  
lacedæmonium eo nomine indicari

puto. Ita Callisto Arcas nunc *Te-*  
*geæa* vocatur, nunc *Menalia*, nunc  
*Parrhasis* et *Nonacrina*; vide ad II,  
167. Ita V, 89, Evander *Nonacrius*,  
qui fuit Pællanteo ortus; vide et ad  
I, 478. De hyacintho veterum dic-  
tum ad X Metam. 211; ibi quoque  
Phœbus suos gemitus foliis inscribit,  
*et ai ai Flos habet inscriptum funesta-*  
*que litera ducta est*. Intelligunt non-  
nulli Delphinium Ajacis (*eine Art*  
*Rittersporn*) cujus folium candidum  
figuras AJ cæruleo colore refert;  
confer XIII Metam. 395.

225. *Narcissus* Thespiensis, juve-  
nis pulcherrimus, suæ ipsius ima-  
ginis, quam in fonte quodam con-  
spexerat, insano amore correptus,  
atque tabescendo in florem sui no-  
minis mutatus est; III Metam. 339  
sq. — *Alter et alter* argute, tu et  
is quem amabas, non eratis diversi  
juvenes, sed unus idemque. — Fa-  
bula de *Croco* juvene in crocum flo-  
rem mutato minus celebrata est;  
attingitur IV Metam. 283. — *Attis*,  
juvenis phrygius, de quo supra IV,  
223. Is, X Metam. 104, a Cybele in  
pinum transformatur, hoc loco in  
florem, nempe violam; vide Arnob.  
advers. Gentes, V, p. 160. Heinsius  
legi vult *Attyn*; MSS quidam *Atym*

De quorum per me vulnere surgit honor?  
 Mars quoque, si nescis, per nostras editus artes:  
 Jupiter hoc ut adhuc nesciat, usque precor. 230  
 Sancta Jovem Juno, nata sine matre Minerva  
 Officio doluit non eguisse suo.  
 Ibat, ut Oceano quereretur facta mariti;  
 Restitit ad nostras fessa labore fores.  
 Quam simul adspexi; Quid te, Saturnia, dixi, 235  
 Adtulit? exponit quem petat illa locum;  
 Addidit et causam: verbis solabar amicis;  
 Non, inquit, verbis cura levanda mea est:  
 Si pater est factus neglecto conjugis usu  
 Jupiter, et nomen solus utrumque tenet: 240  
 Cur ego desperem fieri sine conjuge mater;

aut *Atya*; et varie hoc nomen scribitur; olim edebatur *Acin*. Ille vero non in florem, sed in fluvium mutatus; XIII Metam. 753. — *Cinyra creatus*, Adonis, ab apro percussus Veneris beneficio in anemonen florem mutatus est; X Metam. 735. — *Honor*, flos, ut jam alibi notatum. — *Vulnere*; olim edebatur *sanguine*. Alterum agnoscunt veterrimi MSS maxima ex parte; atque etiam XIII Metam. 396: «*Œbalio de vulnere natus.*»

229. Mars a Junone sine Jove Floræ opera editus. Hæc commode inserta, quia causam habent, cur Flora sit dea romana, et quia vim ejus maxime illustrent. Fabulam autem hanc verbo attingit etiam Festus in *Gradivi* etymo: «*vel, ut alii dicunt, quia gramine sit ortus.*» Sed secundum Homerum, II E, 896; Hesiodum, Theog. 921; Apollodorum, I, III, 1, Jupiter cum Junone Martem genuit. Quamquam aliis Enyo mater Martis erat; Scholiast.

ad Homerum dicto loco. Vulcanum contra alii sine patre ex Junone natum fingeant; Hesiodus, Theog. 925. — *Precor*, opto.

231. De Minerva sine matre nata III, 842. — Ad *Oceanum* senem auxilii aut consilii petendi causa descendebant interdum dii, etiam Juno II Metam. 509; via igitur occidentali per Floræ hortum descendit. — *Facta mariti*. Heinsius ex altero Petaviano *Furta* dedit. Sane *furtum* omne clandestinum, et *furta Jovis* sæpe clandestini ejus amores; sed de illis nunc non est sermo. Etiam Mitscherlich. servavit *facta*, quamquam id Taubnero minus aptum videbatur. — Regii nostri codices habent *facta*; Heinsii tamen lectio quibusdam magis placet. *Ed.*

241. Quum tres MSS habeant *despicerem*, propterea Heinsius conjicit *despuerim* aut *respuerim*; sine causa. Ad rem, quæ hic speratur, interp. gallicus comparat librum recentiore: *Lucina sine concubitu*.



Et parere intacto, dummodo casta, viro?  
 Omnia tentabo latis medicamina terris;  
 Et freta, Tartareos excutiamque sinus.  
 Vox erat in cursu: vultum dubitantis habebam: 245  
 Nescio quid, Nymphæ, posse videris, ait.  
 Ter volui promittere opem, ter lingua retenta est:  
 Ira Jovis magni causa timoris erat.  
 Fer, precor, auxilium, dixit; celabitur auctor:  
 Et Stygiæ numen testificatur aquæ. 250  
 Quod petis, Oleniis, inquam, mihi missus ab arvis  
 Flos dabit: est hortis unicus ille meis.  
 Qui dabat, Hoc, dixit, sterilem quoque tange juvencam,  
 Mater erit: tetigi; nec mora, mater erat.  
 Protinus hærentem decerpsi pollice florem: 255  
 Tangitur; et tacto concipit illa sinu;  
 Jamque gravis Thracen, et læva Propontidos intrat;

—*Viro* nempe meo. *Dummodo casta*, non cum alieno concubens. — *Latis* nunc melius quam *lætis*, quod Mazarin. et Zulichem. præferunt. — *Sinus*, recessus remotiores. — *Excutiam*, perquiram.

245. Verba *vox erat in cursu* et ad Junonem et ad Floram referri possunt. Si ad illam, sensus: plura loqui volebat, ut VI, 362, *spes erat in cursu*, longius progredi posse videbatur. Sed interpret gallicus ad Floram retulit, *Ma bouche allait s'ouvrir*; sed *in cursu* esse potius notionem continuationis habet. Non autem audiendus est Taubnerus qui deam putat hæc locutam esse, quum curreret. — *Dubitare*, deliberare, ut *Æneid.* IX, 190: « Percipe quid » dubitem. »

251. Qualis flos intelligatur non constat. — *Olenus* et Achaïæ et Bœotiæ oppidum. — Quidam, *tibi mis-*

*sus*; alterum tuentur longe plurimi codd. — Mox olim edebatur, *Qui dabat hunc, dixit*; Neapolis ex suo codice, *Cui dabat hunc*. Sed Heinsio debemus nostram lectionem. — *Mater*, grvida. — *Hærente* frondes et poma dicuntur in arbore, flores in caule plantæ; ergo *hærentem* nunc plenitudinis tantum causa additum. — *Tangitur*; Neapolis legit, *Tangit et intacto*. Eum vituperat Heinsius, quia de Junone agitur, non de juvencæ; sed Burmannus monet, non adeo ineptam esse hanc lectionem; eam capiendam esse de Junone, quæ tangat florem à Flora decerptum, et statim concipiat; se tamen inalle: *Tangit ut, intacto concipit*. Neapolis lection. probat et Taubn.

257. *Gravis*, grvida. — In *Thracia* Mars natus; Vegetius, I, 28. Vulcani vinculis solutus in *Thraciam* migrat; Homerus, II. 8, 361.

Fitque potens voti; Marsque creatus erat.  
 Qui memor accepti per me natalis; Habeto  
 Tu quoque Romulea, dixit, in urbe locum. 260  
 Forsitan in teneris tantum mea regna coronis  
 Esse putes: tangunt numen et arva meum.  
 Si bene floruerint segetes, erit area dives:  
 Si bene floruerit vinea, Bacchus erit:  
 Si bene floruerint oleæ, nitidissimus annus; 265  
 Pomaque proventum temporis hujus habent.  
 Flore semel læso pereunt viciæque sabæque;  
 Et pereunt lentes, advena Nile, tuæ.

Ibisedet alto in vertice Hæmi; Cal-  
 limachus Del. 63. Thracia ad *leva*  
*Propontidos* sita.—*Potens voti*, quum  
 fit quod optamus, etiam VIII Met.  
 80 et 409; *votum potens*, ibid. 745;  
*jussi potens*, postquam effecerat,  
 quod jussa erat, IV Metam. 509.  
 Hoc loco in Francos. *potens uteri*,  
 quod IX Metam. 315 legitur, sed  
 ab hoc loco alienum est.

261–274. Floræ potestas et re-  
 gnum quam late pateat. Omnia am-  
 plectitur, quibus *flos* tribuitur. Hinc  
 Floralia, auctore Plinio XVIII, 29,  
 instituta, « ut omnia bene deflores-  
 cerent. » — *Coronas* posuit pro flo-  
 ribus. — *Tangere* nos dicuntur om-  
 nia quæ animum quocumque mo-  
 do, etiam cura et sollicitudine com-  
 movent; *tangunt* ergo Heinsius non  
 male ex Erford. et uno Patavino  
 vulgato *tangit* prætulit, id est, ad-  
 tingit, pertinet ad arva. — Pro *nu-  
 men* Mitscherlich. *nomen*. — *Area*  
*dives*, quia in *area*, soli data agri par-  
 te, frumenta exterebantur et inde  
 in granaria transferebantur; Hora-  
 tius, lib. I, Od. 1, 10: « Quidquid  
 de libycis verritur areis; » Virgilius,  
 Georg. I, 190: « magna veniet tri-

tura. » — *Oleæ flos* non copiam tan-  
 tum olei, sed omnino *nitidissimum*  
*annum* portendebat, ut et flos abun-  
 dans amygdali; Virgil. Georg. I,  
 187. *Nitidissimus annus* etiam vers.  
 207; pro eo vers. 327: *si bene flo-  
 reat annus*. — Olim edebatur: *Poma*  
*quoque eventum temporis hujus ha-  
 bent*; Heinsius vero ex Naugerii,  
 Ursin. et uno Patavino codice al-  
 terum dedit, quia *proventus anniæ-*  
*pe* legitur. Sensus: pomorum pro-  
 ventus, copia, pendet a tempore,  
 quo florent. — In tribus Regiis codi-  
 cibus reperitur lectio vulgata: *Poma*  
*quoque eventum* etc. Hanc ego non  
 mutaverim; sensus idem est. *Ed.*

267. *Lædi florem* omnium frugum  
 putabant, si plenilunium in Flora-  
 lia incideret; Plinius dicto loco. —  
*Nilus advena*, ut II, 68, *Tibris ad-  
 vena*, quia ex alia terra decurrit. —  
*Nili lentes*, quia magna earum et  
 copia et præstantia in Ægypto; Mar-  
 tialis, XIII, 9: « Accipe Niliacam,  
 » Pelusiam munera, lentem. » Virgil.  
 Georg. I, 228, ubi et ipse hæc tria  
 frugum genera conjungit: « Si vero  
 » viciamque seres, vilemque fase-  
 » lum, Nec Pelusiæ curam asper-

Vina quoque in magnis operose condita cellis

Florent; et nebulæ dolia summa tegunt.

270

Mella meum munus; volucres ego mella daturas

Ad violam, et cytisos, et thyma cana voco.

Nos quoque idem facimus tunc, quum juvenilibus annis

Luxuriant animi, corporaque ipsa virent.

Talia dicentem tacitus mirabar: at illa,

275

Jus tibi discendi, si qua requiris, ait.

Dic, dea, ludorum, respondi, quæ sit origo.

Vix bene desieram; rettulit illa mihi:

Cætera luxuriæ nondum instrumenta vigeant;

» nabere lentis. » — Quæ de *vino* sequuntur, ea melius abessent. *Flos* enim et *nebula* vini est spuma tenuis in summo vino natans; Plinius, XIV, 27: « Flos vini candidus pro- » batur; rubens triste signum est, » si non is vini colos sit. » Columell. XII, 30: « Si vinum florere inci- » piet, sæpius curare oportebit. » — *Operose*, diligenter.

271. *Mellis* donum rectius sibi vindicat propter succos, quos floribus indidit apibus colligendos. — *Violam*; itaque et Virgil. Georg. IV, 31, præcipit: circum alvearia *irriguum bibant violaria fontem*. — De *thymo* res nota; et fuit proverbium: *dum thymo pascentur apes*; Virgil. Ecl. V, 77. — *Cytisus* fruticis genus, jucundo foliorum et sapore et odore, quo tam capellæ quam apes delectantur; Virg. Ecl. X, 30: vide Martin. ad Georg. II, 431. — *Nos quoque idem facimus*: meum quoque munus est, quum juvenes florent. Male interpr. gallicus: *Comme elles, des plaisirs nous butinons la fleur*. Verbis *luxuriant* etc. describitur is, quem Horatius florente juvenia fervidum vocat. — *Virent* Heinsius e

Mazarin. et Zulichem. a manu prima laudavit, et Burmannus in textum recepit, quia mox *vigebant* sequitur. Et sane, *viriditas*, ut τὸ χλωρὸν, de vigore juvenili etiam in soluta oratione bene dicitur. Mitscherlichius tamen vulgatam *vigent* servavit. *Luxuriare* alias de succulentis et vegetis membris dicitur, ut VII Metam. 292; Virg. Georg. III, 81. Hoc loco de animorum vigore.

275–330. Ludorum Floraliū origo ad veritatem historicam narratur. Anno u. c. 513, ut jam ad IV, 943, admonitum, Publicii Malleoli fratres, ædiles plebis, quum multi cives in publico pascere, peculatus eos condemnarunt, atque pecunia multatitia ludos Floræ instituerunt; ii vero diu intermissi, tandem anno u. c. 580, L. Postumio Albino, M. Popillio Lænatæ coss. a C. Servilio instaurati sunt, et quotannis deinceps celebrati; vide Spanhem. de Usu et Præstant. Num. tom. II, p. 146.

279. *Instrumenta luxuriæ*, quæ serviunt luxuriæ, ei alimenta ministrant; Plinius, IX, 13: « Pollio, » sagacis ad luxuriæ instrumenta in-



Aut pecus, aut latam dives habebat humum. 280  
 Hinc etiam locuples, hinc ipsa pecunia dicta est :  
 Sed jam de vetito quisque parabat opes.  
 Venerat in morem populi depascere saltus ;  
 Idque diu licuit, pœnaque nulla fuit.  
 Vindice servabat nullo sua publica vulgus : 285  
 Jamque in privato pascere inertis erat.  
 Plebis ad ædiles delata licentia talis  
 Publicios : animus defuit ante viris.

» genii. » Sallustius, Catilin. xxv, 2 : « psallere, saltare et multa alia, » quæ instrumenta luxuriæ. » Adde Justinum, xxx, 1 ; Cicero Catilin. II, 5, *instrumenta virtutis* similiter. — *Vigebant* dictum, ut Horat. I, Satyr. III, 61 : *vigent ubi crimina*. — *Latam humum*, latos agros. — *Hinc etiam* etc. Sic et Plinius XVIII, 3 : « Hinc et locupletes dicebant, » loci, hoc est agri plenos. Pecunia » ipsa a pecore appellabatur. » Columella VI præf. « Nomina pecuniæ et peculii tracta videntur a » pecore, quod non solum veteres » possederunt, sed adhuc apud quasdam gentes unum usurpatur divitiarum genus. » Paulo aliter Plinius XXXIII, 3 : « Signatum est » nota pecudum : unde et pecunia » appellata. » — *Sed jam* iis temporibus, quibus, judice Livio in præf. quanto rerum minus, tanto minus cupiditatis erat, nitebantur in *vetitum*.

283. *Saltus*, pascua ; vide Clav. Cicer. in hoc vocab. Et nunc publica pascua intelliguntur. Talia pascua habebat multa populus romanus, unde luculentum vectigal, quum, qui pascere in iis vellent, pro singulis pecoribus certam pecuniam solverent. Jus pascendi habebant,

postquam nomina sua detulerant, atque apud publicanum subscriperant, unde vectigal illud *scriptura* dicebatur, quod diu unum vectigal fuit ; vide Clav. Ciceron. hoc vocab. atque Burmannum de Vectigalibus, cap. IV. Sed multi se subtrahebant ei oneri, conniventibus iis, quibus ejus rei cura data, atque clam armenta illuc abigebant. Itaque *vulgus*, populus, *sua publica servabat nullo vindice*, sic habebat, ut nemo depascendi morem coerceret. *Licentia* illa eo progressa est, ut tamquam *inertes*, timidi, riderentur, qui in privato pascere. Tamen *publica* Burmannus bene tuetur adversus eos, qui ex interpretatione aut *pascua*, aut *pubula* præferunt. Illud enim recte *privato* opponitur. — Pro *servabat* Heinsius ex uno Patavino *servabant* recepit.

287. Ad *ædiles plebis* cura pascuorum pertinebat. *Publicios* ; Festus Lucium et Marcum Publicios Maleolos vocat. — *Delata* e Naugerii libris recepit Heinsius : Taubnerus vulgat. *perducta* non damnat. *Deferre* nunc est indicia, qui rem ædilibus notam facit, ut eam ad populum perferant. — *Animus defuit ante* ; tamen Livius, X, 23 et 47, narrat jam anno u. c. 457, ædiles plebis,

Rem populus recipit : mulctam subiere nocentes ;

Vindicibus laudi publica cura fuit :

290

Mulcta data est ex parte mihi ; magnoque favore

Victores ludos instituere novos.

Parte locant clivum , qui tunc erat ardua rupes :

Utile nunc iter est ; Publiciumque vocant.

Annua credideram spectacula facta ; negavit ;

295

Addidit et dictis altera verba suis :

Nos quoque tangit honor : festis gaudemus et aris ;

Turbaque cælestes ambitiosa sumus.

Sæpe deos aliquis peccando fecit iniquos ;

Et pro delictis hostia blanda fuit.

300

et an. 462, ædiles curules e multa-  
titia pecunia, quam pecuariis dam-  
natis exegissent, vel ludos fecisse,  
vel viam stravisse. *Pecuarios* Dra-  
kenb. et Burmann. publicanos intel-  
ligunt; Stroth. et Ernest. in Glossar.  
Liviano, homines qui conductis pas-  
cuis publicis e re pecuaria quæstum  
faciebant. Sed non apparet, cur ab  
his mulctam exegerint. Sine dubio  
hoc nomine illis locis iisdem desi-  
gnantur, quos Ovidius hoc loco no-  
tat. — *Recipit* iudex nomen et cau-  
sam, quæ ad eum deferretur; *rem*  
*populus recipit*, quia res in iudicio  
populi acta est, quod ex alio Livii  
loco XXXIII, 42, patet: «Ædiles  
» plebis multos pecuarios ad populi  
» iudicium adduxerunt, ex eorum  
» multititia pecunia ædem in insula  
» Fauni fecerunt.» — *Vindices*, qui  
rem detulerant ad populum. — Ab  
hac *publica cura* Lenzius putat Pu-  
blicos fratres nomen traxisse.

291. Floræ pars multæ data, quia  
et arva atque pascua ejus numen  
tangebant, vers. 262. Data autem  
ei pars duplex, namque auctore Ta-  
cito, Annal. II, 49; « juxta circum

» maximum ædes Floræ ab L. et M.  
» Publiciis ædilibus constituta est, »  
quam Tiberius instauravit. — *Victo-  
res* in illa causa; Heinsius malebat  
*ultores*; unus ex ejus cod. *auctores*. —  
De *clivo* munito consentiunt Varro  
de Ling. Lat. IV, et Festus in hoc  
vocab. Ille enim hæc habet: « Clivus  
» Publiciis ab ædilibus plebis Pu-  
» blicii, qui eum publice ædifica-  
» runt. » Festus addit, eum a Pu-  
bliciis munitum esse, ut in Aven-  
tinum vehiculæ venire possent. —  
*Locant*, quum muniendum redem-  
tori addicunt, verbum in hac re  
solemne.

295. Ludi illi semel tantum exhi-  
biti. — *Tangit*, oblectat, suaviter  
afficit: contra VIII Metam. 279,  
ubi Dianæ aræ cessant: *Tangit et*  
*ira deos*. — Ut hic *turba ambitiosa*,  
quæ cultum studiose affectat, ut ho-  
nore valeat, sic VIII Metam. 277,  
*honor* ille ipse in plurimis MSS *am-  
bitiosus* dicitur. — *Iniqui* dii sunt  
irati, æqui faventes. — Vocab. *blan-  
dus* solemne de placatione deorum,  
ita ut nunc sacra facientibus, nunc  
eorum victimis aut precibus tribua-

Sæpe Jovem vidi, quum jam sua mittere vellet

Fulmina, ture dato sustinuisse manum.

At si negligimur, magnis injuria pœnis

Solvitur, et justum præterit ira modum.

Respice Thestiaden; flammis absentibus arsit :

305

Causa est, quod Phœbes ara sine igne fuit.

Respice Tantaliden; eadem dea vela tenebat :

Virgo est; et spretos bis tamen ulta focos.

Hippolyte infelix, velles coluisse Dionen,

Quum consternatis diripereris equis !

310

Longa referre mora est correcta oblivia damnis :

Me quoque romani præteriere Patres.

Quid facerem, per quod fierem manifesta doloris ?

tur; vide Benth. ad Horat. III, Od. xxiii, 18. — *Sustinere*, retinere.

303. Vis iræ divinæ exemplis comprobatur.—*Solvitur injuria*, quando expiatur, quum pœnæ solvuntur ob injuriam factam.—*Præterit modum*, non servat, excedit modum. Diana, quum Ceneus, Ætoliæ rex, ipsius aras sine ture reliquisset: « At non » impune feremus; Quæque inhonorate, non et dicemur inultæ; » vid. Metam. VIII, 280. Tum agris calydoniis immisit aprum terribilem, ad quem interficiendum ex omni Græcia viri fortissimi concurrerunt. In ea venatione Meleager, Thestii, ex Althæa matre nepos, matris fratres interficit. Mater, ut fratrum cædem accipit, stipitem fatalem, in quo filii vita continebatur, comburit, eoque absumto Meleager, quamquam *absens*, extinguitur; VIII Met. 260-545. — *Tantalides*, Agamemnon, Tantali pronepos, cujus *vela*, classem in Aulide congregatam, Diana ob interfectam cervam sibi sacram irascens, vento

adverso immisso, diu *tenebat*, retinebat; XII Metam. 1-38. Nonnulli *tela* legebant, atque de Niobe cogitabant, cujus filias Diana telis suis transfixit, ut Apollo filios; VI Met. 288 sqq.—*Virgo*, cui mitior animus convenit.—*Hippolytus*, furiis directus equorum, jam supra III, 265, memoratus. Is, quum Dianam et studio venandi et castitate coleret, *Dionen*, sprevisse nunc dicitur, ut ad eam ejus interitus referri posset. *Dione*, Ætheris et Terræ filia, mater Veneris ex Jove, nunc ipsa Venus.—*Corrigere*, castigare, punire. *Oblivia*, neglectus deorum, *damnis*, calamitatibus immissis, punita sunt. Sed *vi correcta* primus Daniel Heinsius dedit, quum antea *collecta* ederetur, quod Fanens. et Burmann. per hypallagen dictum putabant, collecta damna oblivione; paulo durius. Quidam *collata*. — Regii tres *correcta*.

312. *Præteriere*. ludos fœcos intermiserunt; VIII Met. 278: *Præteritæ Letoidos aræ*.—*Manifesta do-*



Exigerem nostræ qualia damna notæ?  
 Excidit officium tristi mihi : nulla tuebar 315  
 Rura, nec in pretio fertilis hortus erat.  
 Lilia deciderant; violas arere videres,  
 Filaque punicei languida facta croci.  
 Sæpe mihi Zephyrus, Dotes corrumpere noli  
 Ipsa tuas, dixit : dos mihi vilis erat. 320  
 Florebant oleæ; venti nocuere protervi :  
 Florebant segetes; grandine læsa Ceres :  
 In spe vitis erat : cælum nigrescit ab Austris,  
 Et subita frondes decutiuntur aqua.  
 Nec volui fieri, nec sum crudelis in ira : 325  
 Cura repellendi sed mihi nulla fuit.  
 Convenere Patres; et, si bene floreat annus,  
 Numinibus nostris annua festa vovent.  
 Adnuimus voto : consul cum consule ludos

*loris*, manifestans dolorem.—*Qualia damna exigere* ? quales pœnas sumerem ? quales calamitates immitterem ? Sed vocab. *notæ* varie interpret. acceperunt. Plerique ignominiam aut injuriam Floræ illatam intellexerunt ; Taubnerus, reprehensionem, castigationem. Sed rectius cum Burmanno hæc verba interpretaberis : quæ quidem a nobis profecta facile cognoscerentur. Vide eum ad Petronium, 83. — *Excidit officium mihi*, desii curare rura et hortos.—*Croco fila* tribuuntur et capillamenta, unde Græci eum *κροκόφυλλον* dixerunt ; vide Salmasium ad Solinum, pag. 749. — *Dotes* ; vide ad vers. 209.—Sequentia, *Florebant oleæ* etc. respondent iis, quæ inde a versu 263 leguntur. — *Ceres*. Sic Heins. ex primo Ambrosian. et sex aliis ; vulgo, *seges*, quod Taubnerus præfert, ut sit epiphora, sive

verbi ejusdem in fine repetitio. — *Pro decutiuntur* primus Farnesianus et quinque alii *executiuntur*, quod sane Nostro usitatus ; III Art. Amat. 162 : « excutiens frondes Boreas ; » X Metam. 738 : florem « male hærentem, et nimia levitate cadu- » cum Executiunt venti ; » XIV ibid. 764 : « nec excutiant rapidi florentia venti. » Sed et *decutere* bene se habet ; Virgilius Georg. II, 404 : « silvis aquilo decussit honorem. » — *Pro frondes* alter Puteanus *flores*, ut supra 264 : *si bene floruerit vinea*. — *Crudelis in ira*, ut Ceres rapta Proserpina sæviens V Metam. 478–486.—*Repellendi ventos*, grandinem, pluvios austros.

327. *Annus*, arbores, vites, fruges illius anni. — *Adnuimus voto*, feci id, cujus causa illi votum nuncupaverant ; Claudianus, XXIV, 212 : « votisque senatus Adnue,

Postumio Lænas persolvere mihi.

330

Quærere conabar, quare lascivia major

His foret in ludis, liberiorque jocus :

Sed mihi succurrit, numen non esse severum,

Aptaque deliciis munera ferre deam.

Tempora sutilibus cinguntur tota coronis :

335

» diva, tui. » — *Consules L. Postumius Albinus et M. Popilius Lænas* anno u. c. 580, instituerunt ut quotannis ludi Florales exhiberentur. Primus autem exhibuit C. Servilius, ædilis plebis, quod nummus testatur; vide Spanhemium ad vs. 275 laudatum. — *Persolvuntur* proprie vota, hinc etiam res, quæ fiunt ex voto, aut instituuntur.

331–354. Unde *lascivia* in illis ludis? Celebrabantur illi cum omni obscenitate. Nam præter verborum licentiam, sono tubæ meretrices producebantur, quæ nudatis pudendis discurrent, saltarent, lascivosque motus darent; et spectatores in theatra veniebant e lupanaribus; Lactantius, *Inst.* I, xx, 6; Arnobius adversus Gentes, III, p. 113; VII, p. 238; Schol. Juvenalis ad VI, 249. Aliquando, quum Cato illis ludis interesset, populus ut nimæ nudarentur postulare erubuit. Cato igitur discessit e theatro, ne præsentia sua spectaculi consuetudinem impediret: quem abeuntem ingenti plausu populus prosecutus, priscum morem jocosum in scenam revocavit; Valerius Maximus, II, 10. Postea ille librum de re Floria scripsit, qui a Gellio, *Noct. Attic.* IX, 12, laudatur. Obscenitatis illius causam multi repetunt inde, quod Flora olim meretrix fuerit, ut ad vers. 195 vidimus. Sed Ovidius lenius de ea re judicat: est dea *deliciis*, id est, voluptati inserviens,

vultque sua sacra et plebi patere.

335. Non ea jam recenset quæ Floralibus facta sint; sed Floram deliciis munera ferre quovis tempore docet; *coronæ* enim, quibus illa flores ministrat, non a tristibus et severis, sed a lætis et voluptati indulgentibus sumuntur. *Sutiles coronæ*, in quibus mera folia rosarum consuta, quum *paciles* de multiplici flore texerentur; Plinius, XXI, 8: « Summa auctoritas pacili coronæ. » Sutiles Saliorum in sacris invenimus, et solemnibus cænis. Transiere deinde ad rosaria: eoque luxuria processit, ut non esset gratia, nisi mero folio: sutilibus mox petitis ab India, aut ultra Indos. » Rosas eas consutas esse, etiam e Martiali, V, 65; IX, 91, 94, discimus, ubi *tempora rosas sutilibus et sutilis rosa* leguntur. Quidam hoc loco *tortilibus*, *nexilibus* etc. — Tum valde arridet Heinsii conject. *tota in pota*, id est, ebria, mutantis; omni enim hoc loco id urgetur, coronas inservire non nisi iis, qui genio indulgeant, aut *ebriis*; nihil contra ad rem pertinet, *tota tempora cingi*. — Taubnero non displicet *pinguntur* e codd. multis atque edd. Gryphii et Neapolis. Id illustrari possit e Nemesiani Eclog. I, 20: « dat pictas » Flora coronas. » Pictis coronis *pinguntur* etiam tempora; *cingi* tamen solemne in hac re. — Codex Regius B habet *Tempora tortilibus pinguntur tota coronis*; duo alii *sutilibus cin-*

Et latet injecta splendida mensa rosa.

Ebrius incinctis philyra conviva capillis

Saltat, et imprudens utitur arte meri.

Ebrius ad durum formosæ limen amicæ

Cantat : habent unctæ mollia sarta comæ.

340

Nulla coronata peraguntur seria fronte ;

Nec liquidæ vinctis flore bibuntur aquæ :

Donec eras mixtus nullis, Acheloe, racemis,

Gratia sumendæ non erat ulla rosæ.

Bacchus amat flores : Baccho placuisse coronam

345

Ex Ariadnæo sidere nosse potes.

*guntur* : non placet *pinguntur*. Ed. — *Latet mensa* etc. Immensa interdum florum copia et mensæ et convivæ obruebantur, e tecto etiam desuper dejectorum. Vide Salmasium ad Spärtac. *Ælium Verum*, cap. 5.

337. *Saltatio* Romanis non omnino honesta ; Cornelius Nepos in Epaminonda, I ; vide Cortium ad Sallustium Catil. XXV, 2. — In conviviis *ebrii* fere saltabant. — *Philyra*, tenuis tiliæ membranula inter corticem et lignum, qua utebantur ad nectendas coronas convivales ; Plinius, XVI, 14 ; XXI, 3. Etiam Horatius, I, Od. XXXVIII, 2 : *nexæ philyra coronæ*. — Neapolis scribi volebat, *incinctus capillos* ; male. — *Merum* varias addōcet *artes* ; Horatius, I, Ep. v, 18. Possis hoc loco de facundia capere, quæ *imprudenter* reeludit arcana. Sed alii hoc quoque ad saltationem referunt, et *imprudenter* Lenzius explicat titubantem, incertis pedibus utentem. — *Utitur* Burmannus dedit e pluribus MSS et edd. Nam cæteri *vertitur*, quod et Mitscherlichius servavit. — *Ad durum* etc. Tales occationes ( *παρὰ-καρσιθώρα* ) frequentes erant. In iis

convicia faciebant januæ, eamque *duram* vocabant, quia puella *dura*, inexorabilis, quæ eos excludebat ; Tibullus, I, II, 5 sqq. Eamdem vero et *ungere* atque *sertis* velare solebant ; Lucretius, IV, 171 : « At la- » crymans exclusus amator limina » sæpe Floribus et sertis operit, po- » stesque superbos Unguit amara- » cino. » Vide et Sagittar. de Januis, cap. 37. Itaque nihil certius mihi videtur emendatione Heinsii, *unctæ mollia sarta fores*.

342. *Liquida* nunc ponitur pro : cui nihil vini admixtum. Meri aqua temperandi auctores plures nominantur ; vide Harduin. ad Plinium, VII, p. 415. In iis Cerasus *Ætolus*, qui *Acheloi* aquam adhibuisse in eum usum traditur ; Hyginus, fab. 274. Unde et Virgilius, Georg. I, 9 : « Poculaque inventis Acheloia » miscuit uvis » tellus ; ubi vide interpp. — Pro *vinctis* Taubner. malit *junctis*, quod nonnulli exhibent ; sine causa ; XI Met. 165 : « caput lauro » Parnaside vinctus. » — De *corona Ariadnæa*, III, 513, unde apparet, eam, quum non esset florida, parum commode hic esse memoratam.



Scena levis decet hanc : non est, mihi credite, non est  
Illa cothurnatas inter habenda deas.

Turba quidem cur hos celebret meretricia ludos,

Non ex difficili causa petenda subest. 350

Non est de tetricis, non est de magna professis :

Vult sua plebeio sacra patere choro.

Et monet ætatis specie, dum floreat, uti ;

Contemni spinam, quum cecidere rosæ.

Cur tamen, ut dantur vestes Cerealibus albæ, 355

Sic est hæc cultu versicolore decens ?

An quia maturis albescit messis aristis ;

Et color et species floribus omnis inest ?

Adnuit ; et motis flores cecidere capillis,

Accidere in mensas ut rosa missa solet. 360

347. *Hanc* ; respicit ad vers. 334, nam reliqua quasi per parenthesis interjecta, ut jam supra notatum. — *Levis* sæpe est et histrionum et scenæ epitheton, ut quæ voluptati inserviat ; Cicero Orat. I, 5 : *levis histrionum ars et scena*. Nunc autem hac voce respicitur ad ludos jocularis et lascivos, quibus tragœdiarum gravitas opponitur, quæ, quæ delectantur deæ, *cothurnata* hic dicuntur. Taubnerus in Ind. non bene deas majores et superiores interpretatur. Cæterum similem sententiam habemus infra versu 598, de Marte : *Non visa est fortem scena decere deum*. — Mox Heinsius celebrant non nisi ex primo Bononiensi edidit. — *Ex difficili petenda*, difficulter invenienda. *Subesse causa* sæpe dicitur, quod Heinsius exemplis docet. *Petenda* idem e duobus MSS sumsit ; plures habent *petita subest* ; plurimi *petita fuit*. Olim edebatur *cognita causa fuit* ; alii aliter. — Regii nostri habent *petita fuit*.

351. *Tetricus*, severus, horridus ; Livius, I, 18 : « Tetrica et tristis » Sabinorum disciplina. — *Plebeius chorus*, ille ipse meretricum saltantium et discurrentium cœtus. — *Species*, pulchritudo, decor, quem gignit juventutis vigor.

355. De *vestibus illis albis* confer IV, 619. — *Culta decens est*, habet vestem, eamque decoram. De *versicolore* vestimento Floræ ad vs. 217. Tali amictu uti mulieribus romanis interdictum erat lege Oppia ; Livius, XXXIV, 1. — Pro *Et color* primus Ambrosian. Læti, Mazarin. Zulichemian. et duo alii *At color*, quod placet Heinsio. Etiam *et bene* se habet, quia ad duplicem quæstionem respondetur. — *Accidere*, cadere, verbum bonæ notæ, ut Heins. ad hunc locum, et ad Silium, IV, 238, docuit ; et reperitur in MSS veteribus plerisque : vulgo autem *decidere* editur. Rosas dejectas esse in mensas convivantium jam vers. 336 vidimus. Hac igitur similitudine,

Lumina restabant, quorum me causa latebat;

Quum sic errores abstulit illa meos:

Vel quia purpureis collucent floribus agri,

Lumina sunt nostros visa decere dies:

Vel quia nec flos est hebeti nec flamma colore,

365

Atque oculos in se splendor uterque trahit:

Vel quia deliciis nocturna licentia nostris

Convenit; a vero tertia causa venit.

Est breve præterea, de quo mihi quærere restat,

Si liceat, dixi: dixit et illa, Licet.

370

Cur tibi pro libycis claudantur rete lænis

Imbelles capræ, sollicitusque lepus?

rosarum e Floræ capillis cadentium multitudo declaratur.

361–368. Faces accensæ.—*Me latebat*; Burmanno latinius videtur, quod Mazarin. habet, *mihi latebat*. Vide Gronovium ad Senec. *Œdip.* 295. — Burm. accusativum *me* per græcismum excusari putat; quidvis ad hoc dicat, ego illi non assentior. *Ed.* — *Error*es, incertitudinem, ut supra aliquoties. Fluctuationem poetæ referunt versus seqq. usque ad *Convenit*. Tum Flora eum interpellat et certiore reddit verbis: *a vero tertia causa venit*. — *Purpurei* flores poetis omnino sunt pulchri, colore splendido. *Collucent agri* hominum operibus dixit Cicero Nat. Deor. II, 39; sed nunc cum vi positum, quia *luminum* ratio redditur. — Pro *floribus* Marsus edidit *ignibus*, atque ita et unus Heinsii codex. *Ignes* autem posse flores igneis coloribus intelligi Burmannus exemplis docet. — *Hebes* color est obscurus, non lucidus; unde et *hebetare* pro obscurare ponitur. — *Causa venit*; unus Mediceus *fuit*: Heinsius conjicit *fluit*.

371. Venatorii ludi, haud dubie

in circo Floræ. Eorum meminit et Martialis, VIII, 67: « *Floralitias* » lasset arena feras. » Venatoriis ludis plerumque inserviebant belluæ *libycæ*, pantheræ inprimis, quæ et simpliciter *africanæ* dicebantur; Plinius, VI, Ep. xxxiv, 3. Sed in Floralibus mitia animalia committebantur; Cælius Rhodiginus Antiq. lect. XXV, 30: Galba prætor « commissione ludorum *Floralium* » novum spectaculi genus, elephantos funambulos edidit. » In circo autem venationes esse editas et aliunde constat; Suetonius Calig. 18: « *Edidit et Circenses*, interjecto modo » africanarum venatione; » Claud. 21: « *permisit Circensium gratia* » africanas importari. » — *Rete pro reti*. Feræ in arena ita agitabantur, ut in retia incurrerent; Plinius, Panegyr. LXXXI, 3, feras *emissas colligere* dixit. — *Cur claudantur*, scilicet quærere restat, e primo Ambrosiano, Læti et quatuor aliis Heins. dedit, ut superiora illa *si liceat* etc. ut est in Erford. per parenthesin legantur; cæteri *clauduntur*. — Regius unus a manu prima, *pro libycò*

Non sibi, respondit, silvas cessisse, sed hortos,

Arvaque pugnaci non adeunda feræ.

Omnia finierat : tenues secessit in auras :

375

Mansit odor ; posses scire fuisse deam.

Floreat ut toto carmen Nasonis in ævo,

Sparge, precor, donis pectora nostra tuis.

NOCTE minus quarta promet sua sidera Chiron

Semivir, et flavi corpore mixtus equi.

380

Pelion Hæmoniaë mons est obversus in Austros ;

Summa virent pinu ; cætera quercus habet.

*leone.* — *Silvas cessisse*, ut IV Met. 532, Neptuno *proxima cælo cessit potestas*. — *Flora tenues secessit in auras*, ut IX Æneid. 657, Apollo *in tenuem ex oculis evanuit auram* ; et, ut dearum comæ aut totum corpus divinum quemdam odorem spirare solebant, sic Flora, cujus loquentis ex ore rosæ exibant, vers. 194, merito florum odorem reliquisse fingitur. — *Floreat* etc. aptum votum, quia omnia, quibus flos tribui solet, hujus deæ arbitrio subjecta sunt. — *Dona Floræ sunt deliciis apta* vers. 334 ; Lenzius juvenilem florem et vigorem intelligit.

379-414. *V Nonarum*, sive die tertio, *Centaurus oritur*. Ejus sideris origo narratur, ut hic, ita et ab Hygino, Poetic. Astron. II, 38. Fuit Chiron Centaurus tempore Argonautarum, multosque artium suarum habuit discipulos, in quibus Achilles ; Clemens Alex. Strom. I, p. 360. — *Nocte minus quarta*, nocte tertia a Kalendis. — *Semivir*, et II Metam. 633 *semifer* ; alibi etiam *geminus* et *biformis* vocatur ob naturam Centaurorum. Dejeo est locus classicus et ad hæc nostra intelligenda aptissimus Orphei in Argon. 375 sqq. Ibi Peleus Argonautis os-

tendit *Pelion* umbrosum, in cujus jugo medio *antrum* habeat Chiron, *justissimus* Centaurorum, qui et morbis sanandis operam det, et mox citharam Phœbi pulsans, mox phorminga Mercurii, vicinis jura reddat, Achillemque puerum educandum acceperit. His dictis ingrediuntur antrum. Ibi prope Chirona stat Achilles manibusque lyram tangit. De hac Achillis educatione vide etiam Apollonium, IV, 812 ; Pindarum N. III, 75 sqq. ; et de *antro* Chironis in *Pelio* monte, Callimachum, hymn. Del. 104. — *Justitiam* ejus Ovidius hoc loco bis laudat, vers. 384 et 413. Non igitur erat cur Heinsius et vers. 379, *minus* in *pius* mutari vellet, quamquam Chiron apud Euripid. Iphigen. Aul. 926, ab ipso Achille *ἰσθίετατος ἀνὴρ* vocatur, atque apud Hyginum dict. loco : « Non modo cæteros Centauros, sed homines quoque justitia » superasse, tum pietate sua effecisse ut inter astra numeraretur. — Pro *obversus* Sarravianus et unus Heinsii *conversus*, unus *aversus*. Sed *obversus* bene se habet ; XIII Met. 725, *obversa* *Pachynos ad Austras*. — Tum Heinsio ex uno suo et uno Mediceo *viret* placet, ut sit græci-



Phillyrides tenuit : saxo stant antra vetusto ,

Quæ justum memorant incoluisse senem.

Ille manus , olim missuras Hectora leto ,

385

Creditur in lyricis detinuisse modis.

Venerat Alcides exacta parte laborum ;

Jussaque restabant ultima pæne viro :

Stare simul casu Trojæ duo fata videres ;

Hinc puer Æacides , hinc Jove natus erat.

390

Excipit hospitio juvenem Philyreius heros ,

Et causam adventus hic rogat , ille docet.

Perspicit interea clavam spoliūque leonis ,

Virque , ait , his armis , armaque digna viro.

Nec se , quin horrens auderent tangere setis

395

Vellus , Achilleæ continuere manus.

Dumque senex tractat squalentia tela venenis ,

smus. Burman. vero *virent* tuetur , quia *cætera* sequitur. — *Phillyrides*. Etiam ab Orpheo , vers. 480, *φίλλυριδης* vocatur a Philyra matre , quam cum Saturnus , sumta equina forma , congressus habuit ; Apollonius Rhodius , II , 1236 ; Virgil. Georg. III , 92. — *Missuras* etc. Achilles ; Homerus , II. I , 186 sqq. — *Detinuit* , occupatas tenuit , adeoque exercuit. Etiam Statius Achilleid. I , 116 , de Chirone : « monstrare lyra » veteres heroas alumno. » Plures heroas a Chirone instituti memorantur. Achilles non musicam tantum , sed et mores integros , artem venandi , inprimisque artem medicam ab eo accepit ; confer Claudianum , VII , 60 sqq. Et exstabat olim Chironis institutio ad Achillem verbis consignata ; Pausanias , Bæot. p. 772. In arte medica plura et magistri et discipuli inventa a Plinio memorantur.

387. *Exacta* habent quidam vestustiores cum primo Ambrosiano ; vulgo *exhausta*. Sic V Metam. 149 : *Plus tamen exhausto superest*. Sed et *exigi* dicuntur , quæ ad finem perducuntur. — *Duo fata* , duo viri urbi trojanæ fatales ; Hercules , Laomedontis perfidiam ulturus , Ilium expugnavit ; Apollodorus , II , VI , 4 ; Hyginus , fab. 89. — *Philyreius heros* etiam II Metam. 676. A Philyra est *Φιλυραῖος* , et inde per diæresin *Φίλυρῆος*.

393. *Perspicit* est e Zulichemiano et quatuor aliis. Qui rem diligenter spectat , tractat , examinat , eam *perspicere* dicitur ; vulgo *respicit* ; primus Ambrosian. *prospicit*. — *Auderent*. Namque Achilles puer admodum ad Chironem deductus erat. — *Continuere* ; Moret. et Stroz. *Sustinuere*. — *Squalentia* , tincta ; Virg. Georg. IV , 91 , adeo , *squalentes auro maculæ*. Cæterum non de Chi-

- Excidit, et lævo fixa sagitta pede est.  
 Ingemuit Chiron, traxitque e corpore ferrum;  
 Adgemit Alcides, Hæmoniusque puer. 400  
 Ipse tamen lectas Pagasæis collibus herbas  
 Temperat, et varia vulnera mulcet ope.  
 Virus edax superabat opem; penitusque recepta  
 Ossibus, et toto corpore pestis erat.  
 Sanguine Centauri Lernææ sanguis Echidnæ 405  
 Mixtus ad auxilium tempora nulla dabant.  
 Stabat, ut ante patrem, lacrymis perfusus Achilles;  
 Sic flendus Peleus, si moreretur, erat.  
 Sæpe manus ægras manibus fingebat amicis;  
 Morum, quos fecit, præmia doctor habet. 410

rone, sed de Pholo hæc narrant Philarg. ad Virgil. Georg. II, 456; Servius ad Æneid. VIII, 294. — *E corpore*; alii *e vulnere*, quod Taubn. prætulit. — *Adgemit* dedit Heinsius e tribus MSS. Quidam *ingemit*; vulgo, *Et gemit*; sed *adgemere* Heinsius comprobat similibus verbis *adstridere*, *adstupere*, *adtemere*, *admutare*, etc. Confer et Bentleium ad Horatium, Art. Poetic. 101.

401. *Pagasæ*, oppidum Thessaliæ ad Pelion montem, postea Demetrias dictum. In ejus portu Argo navis fabricata; Hyginus, Poetic. Astron. II, 37, ibique Munckerus. Sed nunc *Pagasæus* omnino Thessalicus. Thessalia autem ferax herbarum medicarum; VII Metam. 221. — *Temperare*, miscere herbas, et succos adhibere ad medicamen componendum. — *Mulcere*, ut *fovere*, gratam refectionem et curam indicat. — *Varia* bene se habet; sed vulg. *vana* respuenda est. Cura Chironis hic describitur; vanam fuisse eam in sqq. demum monetur.

403. Secundum Plinium, XXV, 30, Chiron superavit ope virus: « Cen- » taurio curatus dicitur Chiron, » quum Herculis excepti hospitio » pertractanti arma sagitta cecidisset » in pedem. » — Veneno *Echidnæ Lernææ* periit et Nessus, IX Met. 130, et ipse Hercules ibid. vs. 158. — *Dabunt* pro *dabat* ex optimo Patavino et sex aliis Heinsius recepit. Quam locutionem ille in primis elegantem vocat, eaque vitari *παρρησια*, quum *stabat* sequatur. Vid. ad I Metam. 320. — Affectus Achillis pueri in magistrum egregie hic notatus. *Sic flendus Peleus erat*; sic flendus pater: quasi dicat, non aliter patrem morientem flevisset. *Ed.* — *Fingere*, leviter tergere, mulcere; Heroid. XX, 133: « Me » miserum! quod non medicorum » jussa ministro, Effingoque manus, » insideoque toro. » Virg. Æn. VIII, 635, de lupa: « Mulcere al- » ternos, et corpora fingere lingua. » Olim hoc loco edebatur *mulcebat*. — Heinsius valde metuit, ne versus

Oscula sæpe dedit : dixit quoque sæpe jacenti ;

Vive, precor; nec me, care, relinque, pater.

Nona dies aderat; quum tu, justissime Chiron,

Bis septem stellis corpora cinctus eras.

HUNC Lyra curva sequi cuperet; sed idonea nondum 415

Est via : nox aptum tertia tempus erit.

SCORPIOS in cælo, quum cras lucescere Nonas

Dicimus, a media parte notandus erit.

HINC ubi protulerit formosa ter Hesperus ora,

Ter dederint Phæbo sidera victa locum ;

420

Ritus erit veteris, nocturna Lemuria, sacri ;

Inferias tacitis Manibus illa dabunt.

410, *Morum* etc. sit grammatici alij, aut pædagogi commentum, quum oscitantia librarii genuinus Ovidii esset omissus; sed eum habere frigus et lenitatem semibarbaram. Ab eo Schirachius plane dissentit, negatque et versum frigere, et *facere mores* esse phrasin barbaram. Hoc certum est, sententiam esse veram, nec alieno loco adhibitam. Itaque vers. merito defenditur etiam ab Heinzio in Opusc. p. 234, cui et Krebsius assentitur.—*Jacenti*, ægrotanti. — *Vive* etc. vera vox teneræ ætatis in tali discrimine. — *Bis septem*. Schol. Germanici XX, Eratosth. et Hygin. Poet. Ast. III, 37, quatuor et viginti stellas in Centauro numerant, quæ tamen non omnes in conspectum nostrum prodeunt. — Cod. Nauger. et alii *tempora cinctus*, quod forsitan verius.

415. *Lyra* III *Nonas* oritur ortu acronichio, sed Aetio pridie. *Μὴν ὅτι αὐτῶν δ' Ἀφροί ἱερὸς ἐκτελλεῖ.*

417. *Scorpii pars altera pridie Nonas occidit cosmice*. Sic et Columella : « Pridie Nonas Maias Nepa mens dius occidit. »

419-492. *Lemuria inde a VII Id.* per triduum, sed non continuatum, ut e vers. 491 et Kalendario vetere apparet. *Lemures*, interprete poeta nostro vers. 483, sunt animæ Silentium; auctore Nonio, larvæ nocturnæ et terrificationes imaginum et bestiarum. Ii his sacris placari credebantur, ut Feralia mense Februario ad placandos Manes valebant II, 533 sqq. Ovidius illius sacri ritus 421-444, et inde ejus originem describit.

*Protulerit* dictum ut III, 345. Alii, *sustulerit*, *prætulerit*, *pertulerit*. — *Victa*, quia diffugiunt, oriente Phæbo.—Pro *nocturna* quidam veteres *celebrare*, unus *celebrate*. Hinc Heinzius vellet : *Ritus eunt veteris, celebrate, Lemuria sacri*. Immo bene *nocturna* sacra statim ab initio notantur. Neque *celebrates* sic interpositum esset more Ovidiano.—*Inferiæ*; sacrificia quæ Manibus ad sepulcrum offerebantur, *dari*, *ferri*, *mitti* dicuntur. — *Taciti* Manes, ut alibi et apud cæteros *silentes* Umbrae. Mitscherlichius haud dubie operarum errore *facilis* dedit.



Annus erat brevior; nec adhuc pia februa norant;

Nec tu dux mensum, Jane biformis, eras:

Jam tamen extincto cineri sua dona ferebant;

425

Compositique nepos busta piabat avi.

Mensis erat Maius, majorum nomine dictus,

Qui partem prisci nunc quoque moris habet.

Nox ubi jam media est, somnoque silentia præbet;

Et canis, et variæ conticuistis aves:

430

Ille memor veteris ritus, timidusque deorum

Surgit; habent gemini vincula nulla pedes;

Signaque dat digitis medio cum pollice junctis;

Occurrat tacito ne levis umbra sibi:

Terque manus puras fontana perluit unda:

435

423-428. Olim Maio, mense anni tertio, Feralia celebrabantur, quæ postea in Februarium translata sunt. Hinc eodem mense nunc Lemuria peraguntur. — Per *pia februa*, de quibus II, 19 sqq, Februarium notat. — *Norant* scilicet homines. Quidam *norat*, nempe annus. — *Mensum*, ut vers. 187. — *Extincto cineri*; II, 534, *in extinctas munera ferte pyras*. — *Locus*, in quo mortuus et combustus et sepultus est, *bustum* dicitur; vid. Kirchmannum de Funeribus pag. 312. *Piare busta*, ad busta placare Manes; VI Met. 569, *placulum* de inferiis. — *Compositi*, conditi.

429. Ritus in his sacris; confer II, 571, de sacris Tacitæ; VII Metam. 179 sqq, de Medæ arte magica, et quæ ibi laudavimus. — Peragi illa solebant *media nocte*. (Horat. Epod. V, 51) quæ a poetis solet ita, ut hoc loco describi; VII Met. 185: «*Ho-*» mines volucresque ferasque solve-  
» rat alta quies. » Virg. Æneid. IV, 522: «*tacent pecudes pictæque vo-*

» lucres; » inde Noster *variæ*, versicolores, *aves*. — Pro *somnoque* etc. vulgat. minus eleganter, *somnosque silentia præbent*.

431. *Memor* est et is, qui retinet aliquid et imitatur. — *Timidus deorum*, religionibus deditus. — *Vincula*, calcei. Apud Virgilium, dicto loc. 518: *Unum exuta pedem vinculis*; VII Metam. 183, *nuda pedem*. — *Digitorum* usus varius in arte magica. *Digitis* pectinatim inter se junctis impediabant aliquid; IX Met. 299; sed nunc crepitus intellig. quem digitus medius pollicis junctus et deinde celeriter in palmam depressus edit. — *Levis*, tenui et umbratico corpore induta; Horatius I, Od. x, 18: *levis turba*. — *Tacito*, nudis pedibus et sine rumore incedenti. Tibullus, I, ix, 4: «*Sera tacitis Pœ-*» na venit pedibus. »

435. Metam. dicto loco, Medea «*Ter se convertit; ter sumtis flu-*» mine crinem lroravit aquis. » Apud Horatium, Epod. V, 25, *Candida* per totam domum spargit. *Aver-*

Vertitur, et nigras accipit ore fabas;  
Aversusque jacit; sed dum jacit, Hæc ego mitto;

His, inquit, redimo meque meosque fabis.  
Hoc novies dicit, nec respicit: umbra putatur

Colligere, et nullo terga vidente sequi. 440

Rursus aquam tangit, Temesæaque concrepat æra;

Et rogat, ut tectis exeat umbra suis.

Quum dixit novies, Manes exite paterni;

Respicit, et pure sacra peracta putat.

Dicta sit unde dies, quæ nominis exstet origo, 445

Me fugit: ex aliquo est invenienda deo.

Pleiade nate, mone, virga venerande potenti;

*nales aquas.* Confer Æn. IV, 512.

— Rursus disputant, ut IV, 778, utrum *perluit* legendum sit, an *proluit* cum aliis; Mitscherlichius *proluit*, sed plurimi MSS alterum tuentur. Olim edebatur: *Quumque manus pure*. Alterum Heinsius codd. auctoritate adoptavit, et præterea mallet, *ubi perluit* aut *proluit*. — De *fabis* confer II, 576, ubi anus *septem nigras versat in ore fabas*. Etiam hoc loco alii, *accipit ore fabas*. Sed Burmanno veri non videbatur simile, timidum illum deorum ore fabas sumsisse, quas manibus jaceret. Itaque *ante* recepit, quod multi ex antiquis exhibent, sed Heinsius improbaverat. — *Redimo me*, ne domum meam turbetis et vexetis; Varro de Vita populi Romani: « Qui-  
» bus temporibus in sacris fabam  
» jactant noctu, ac dicunt se Le-  
» mures extra januam ejicere. » Festus: « Fabam nec tangere, nec no-  
» minare Diali flamine licet; quod  
» ea putatur ad mortuos pertinere:  
» nam et Lemuralibus jacitur lar-  
» vis, et Parentalibus adhibetur sa-  
» crificiis; et in flore ejus luctus li-

» teræ apparere videntur. » — *Col-  
ligere* nempe fabas.

441. Heinsius ex uno Mazarinæo invexit *aqua tangit*, scilicet *æra*; sed hic ritus non aliunde notus est. Revocavi igitur *aquam*, quod etiam τὴ *rursus* confirmare videtur, respicere enim nos jubet vers. 435. — *Temesa*, urbs Bruttiorum jam Homeri ætate æris fodinis clara; Strabo, VI, p. 393; etiam VII Met. 207, *Temesæa æra* in usu magico. Æris autem tinnitum aptum esse habitum ad spectra ejicienda, docet Neapolis. — Pro *concrepat* primus Ambrosianus et Læti *concutit*. Sic I Metam. 143: « crepitantia concutit ar-  
» ma. » Sed id nunc uno verbo expressum. — *Pure*, quod alias *rite*.

445. Nominis origo, ad quam inveniendam, more suo poeta deum invocatur, et quidem Mercurium, cui res infernæ sunt notissimæ, et qui hoc mense colebatur; vers. 663; Plutarchus, Quæst. Roman. p. 148. — *Invenire*, perscrutari. — Pro *virga* Gottorp. *lingua*. Sane Mercurius *facundus* est nepos Atlantis, (Horatius, I, Od. x, 1) et *lingua* opus

Sæpe tibi Stygii regia visa Jovis.  
 Venit adoratus Caducifer : accipe causam  
 Nominis : ex ipso cognita causa deo est. 450  
 Romulus ut tumulo fraternas condidit umbras ,  
 Et male veloci justa soluta Remo :  
 Faustulus infelix , et passis Acca capillis  
 Spargebant lacrymis ossa perusta suis.  
 Inde domum redeunt sub prima crepuscula mœsti , 455  
 Utque erat , in duro procubuerunt toro :  
 Umbra cruenta Remi visa est adsistere lecto ,  
 Atque hæc exiguo murmure verba loqui :  
 En ego dimidium vestri parsque altera voti ,

erat ad exponendam nominis originem ; sed et alterum *virga* , in quo reliqui MSS omnes conspirant , hoc loco aptissimum ; *virga* , insigne Mercurii *potens* , quo multa efficere potest , quo etiam umbras ad *Stygii Jovis* , sive Plutonis regiam deducit *ψυχοπαρκός* Horat. dicto loco , vers. 17. — *Adoratus* , imploratus a me.

451. Etiam Porphyrio ad Horatium , II , Ep. 11 , 209 : « Lemures » dictos esse putant quasi Remures » a Remo , cujus occisi umbram frater Romulus quum placare vellet , » Lemuria instituit , id est Parentalia , quæ mense Maio per tri-duum celebrari solent ante additum anno mensem Februarium : » ob quam rem Maio mense religio » est nubere. » Hæc secunda Ovidii phantasia sic exornavit , ut Remi umbram nutritoribus suis in somnis adsistentem atque festum diem sibi poscentem fingeret. Cohærent autem hæc cum IV , 810–856 , ubi de Remi nece et exsequiis , atque de Faustuli et Accæ erga eum pietate. — *Condedit* ; sepulto corpore , *umbra* aut anima *sepulcro condi* dice-

batur ; Plinius , VII , Ep. XXVII , 11 : « Domus rite conditis Manibus caruit. » Vide et Servium ad Æn. III , 67. — *Male* , in suam ipsius perniciem.

455. *Sub prima crepuscula*. Ergo illæ exsequiæ tempore pomeridiano factæ , quum serius funera indictiva mane , tacita noctu instituerentur. Festus in vocab. *Vespillones*. — *Torus durus* , sponda non strata ulvis aut aliis rebus mollibus ; vide ad I , 200 ; et mox vers. 519. *Ut erat* sine apparatu. Ambrosian. primus et Læti , *daro solo* , ut IV , 654 ; sed id nunc spernit Burmannus , quia *lectus* sequitur. Arondel. et Puteanus , *Sicut erant*. — *Visus est adsistere* aut *adesse* formula solemnis de iis , qui in somnis apparent. — *Dimidium* et *pars vestri voti* , alter alumnorum vestrorum ; de *votis* parentum VIII Metam. 499. Eadem et nutricum erant ; Horatius , I , Ep. IV , 8 : « Quid voveat dulci nutricula majus alumno ? » *Dimidium* autem et *pars voti* dictum ut in illis : *animæ dimidium meæ* Horatii , I , Od. III , 8 ; et *animæ nostræ majore*



Cernite, sim qualis; qui modo qualis eram!

460

Qui modo, si volucres habuissem regna jubentes,

In populo potui maximus esse meo.

Nunc elapsa rogi flammis, et inanis imago;

Hæc est ex illo forma relicta Remo.

Heu! ubi Mars pater est? si vos modo vera locuti,

465

Uberaque expositis ille ferina dedit?

Quem lupa servavit, manus hunc temeraria civis

Perdidit: o quanto mitior illa fuit!

Sæve Celer, crudelem animam per vulnera reddas;

Utque ego, sub terras sanguinolentus eas.

470

*rem partem*, Stat. Silv. III, 1, 7. — *Qualis eram* Heins. ex multis, iisque melioribus, prætulit, quia *qualis* pro *quantus* ponitur. Ante Heinsium *talis* edebatur, quo Taubnerus quasi digito nutritores monstrari putabat, talis, quales etiamnum vos estis; Puteanus *tantus eram*. — Regii nostri codices habent *talis*, quod bene fuit rejectum; hoc loco enim non friget modo, sed sensu caret. *Ed.*

461. *Regna jubentes* dictum, ut Salust. Jugurth. 84, 1: « Postquam ei » provinciam populus jussit. » Aves autem *jubent*, dum portendunt, id est, divinitus significant. Atque ita Livius, I, 8, de Romulo: aves, quæ augurio regnum portenderant; ibidem 12, Romulus: *Jupiter, tuis, inquit, jussus avibus hic prima urbi fundamenta jeci*. — *Inanis imago*, umbra exsanguis sine carne et ossibus. Ea levitate sua bene dicitur *elabi* flammis. Plurimi, *sum elapsa*, — Pro *Remo* Regius et alii quatuor, *viro*; sed nomen proprium cum virtute sic ponitur.

465. *Ubi est* vox ejus, qui indignantur, cessare aut negligi aliquid;

Phædrus, I, fab. 9: « Ubi perni- » citas illa est? » — *Modo*; quidam *mihî*, quod non improbat Taubnerus. Sed et Phaeton in simili re: « si modo sum cælesti stirpe creatus. » — *Ille dedit ubera*, illius impulsu lupa dedit ubera. De Marte nunc sermo est; ad eum bene refertur illa nutritio. Hoc non intellexerunt librarii, qui *illa* dederunt; nec erat, cur *Ulitius ulla*, Heinsius vero *silva* conjicerent. De re confer III, 53. — *Mitior*; Livius, I, 4, lupam « submissas infantibus adeo » mitem præbuisse mammæ, ut » lingua lambentem pueros magister regii pecoris invenerit. »

469. De *Celere* vide ad IV, 837. — *Per vulnera reddere animam*, ut IV, 150: *per vulnera animam expellere*. Gravis autem hæc imprecatio. Servius ad Æneid. IV: « Phy- » sici dicunt, eos, qui morte vi- » lenta concidissent, non recipi in » originem suam, donec errantes » legitimum fati tempus comple- » vissent. » — *Sanguinolentus* autem Remus humum premit IV, 844. Ibi et de *pietate* Romuli, qui primum *lacrymas* devorat, mox autem

Noluit hoc frater : pietas æqualis in illo est :

Quod potuit, lacrymas in mea fata dedit.

Hunc vos per lacrymas, per vestra alimenta rogate,

Ut celebrem festo signet honore diem.

Mandantem amplecti cupiunt, et brachia tendunt : 475

Lubrica prensantes effugit umbra manus.

Ut secum fugiens somnos abduxit imago ;

Ad regem voces fratris uterque ferunt.

Romulus obsequitur, lucemque Remuria dixit

Illam, qua positis justa feruntur avis. 480

Aspera mutata est in lenem tempore longo

Litera, quæ toto nomine prima fuit.

Mox etiam Lemures animas dixere silentum ;

Is verbi sensus, vis ea vocis erat.

Fana tamen veteres illis clausere diebus ; 485

Ut nunc ferali tempore operta vides.

Nec viduæ tædis eadem, nec virginis apta

fundit. — *Æqualis*, æque magna ac in me est ; Heins. volebat aliquando, *ah qualis*, aut *at*, aut *di*, aut denique *en qualis*. — Lacrymas dat in rem, qui eam lacrymis suis honestat. Vulgo editur : *lacrymas manibus ille dedit*. — *Honore signare* formula exquisita, honestare ; Plinius, V, Ep. 1, 11 : « factum meum nobili honore signavit. » Similiter paneg. xxiii, 1 : « honore nominum » signare. » Ergo et nunc sensus, hunc honorem huic dici habeat, ut eum festum esse jubeat. Honoris illius notionem pluribus verbis expressit ; neque vero est, cur festo primi Ambrosiani et Læti codd. auctoritate in *nostro* mutemus.

476. Etiam Virg. Georg. IV, 501, Orphea inducit « prensantem ne » quidquam umbras » Eurydices,

quæ, « ceu fumus in auras Com- » mixtus tenues, fugit. » Ibi unus cod. male *pressantem*, ut hoc loco tres *pressantes*. Noster X Met. 58, de eodem Orpheo : « Brachiaque » intendens prendique et prendere » captans, Nil nisi cedentes infelix » arripit auras. » Cedentem et summi instar tactus fugientem *lubricam* nunc vocat.

477. Multi MSS *Visaque consurgens*. — *Positi*, qui vers. 426 *compositi* dicuntur. — *Lemures* in glossis explicantur *υπερθεων δαιμονια*. — *Fana claudabantur* Feralibus quoque ; confer II, 563.

487. Hic quoque mos Lemuriis et Feralibus communis ; II, 557. Etiam Plutarchus, Quæst. Roman. p. 147, vol. VII, narrat, mense Maio non facile matrimonia contrahi ; sed in

Tempora : quæ nupsit, non diuturna fuit.

Hac quoque de causa, si te proverbia tangunt,

Mense malas Maio nubere vulgus ait.

490

Sed tamen hæc tria sunt sub eodem tempore festa

Inter se nullo continuata die.

Quorum si mediis Bæotum Oriona quæres ;

Falsus eris : signi causa canenda mihi.

Jupiter, et, lato qui regnat in æquore, frater

495

Carpebant socias, Mercuriusque, vias.

Tempus erat, quo versa jugo referuntur aratra ;

Et pronum saturæ lac bibit agnus ovis.

Junium differri ; ejusque rei causas plures adfert, etiam hanc, quod tunc mortuis parentent. Idem pag. 161, auctor est, publicis feriis *virgines* non nubere, sed *viduas*. — *Non diuturna fuit*, non diu vixit. — *Pro proverbia duo convivio* ; inde Heinsius conjicit *ne te convicia tangant* ; male. — *Inter se nullo* etc. Consentit Kallend. vetus. — *Tempore* ; Mazarin. et septem alii *nomine* ; sic et edit. Neapolis.

493-544. V *Idus Orion occidit*. Hic Orionis procreatio et relatio inter sidera narratur. Fabulam hanc absurdam et obscenam habent etiam Apollodor. I, IV, 3 ; Palæphat. 5 ; Eratosthius, *Κατακρ.* 7 et 37 ; Anton. Liberalis, 25 ; Schol. Homeri ad Il. 2, 486 ; Hyginus, fab. 195 ; Poet. Astron. II, 26 et 34, alique. E recentioribus eam tractavit Furmontius in Comment. Acad. Paris. tom. XIV, p. 16-41. Veteres magna varietate eam prodiderunt. Est autem *Orion* prope viam lacteam sidus egregium, cui hodie 78 stellæ tribuuntur.

*Bæotum* dedi, non *Bæoton*, quia omnes MSS sic exhibent. *Oriun-*

*dus* autem erat Tanagra, oppido Bæotiae ; Palæph. Sed Pindarus in dithyrambis patrem ejus Chium fecerat ; Aristomachus Thebanum ; Hyginus, II, 26. — Plurimi MSS etiam *quæris* ; I, 313 : *frustra quærantur brachia Cancræ* ; sed II, 77 : *Dumque Lyræ quæres* etc. Et futurum nunc præstat propter *eris*. — *Falsum esse*, errare ; Terent. Eun. II, II, 43 : *ut falsus animi est* ! Hoc loco non invenire quod quæris. — *Jupiter* et *Mercurius* sæpius ambulant una in terris ; nunc accessit *Neptunus*, quem tamen alii apud Hyginum, II, 34, omiserunt, et cui Tzetzes ad Lycophr. Cassand. 328, Apollinem substituit.

497. Tempus vespertinum describit fere ut Horatius, Epod. II, 61 : « Juvat pastas oves Videre prope- » rantes domum ! Videre fessos vo- » merem inversum boves Collo tra- » hentes languido ! » Sed oves alia imagine exornavit, in qua tamen dubites, utrum *pronum* cum Mazarin. et Zulichemiano unde Heinsius accepit, an cum longe plurimis *pronus* præferas. *Pronum lac*, defluens ex ubere submisso ; *pronus*



Forte senex Hyrieus, angusti cultor agelli,

Hos videt, exiguum stabat ut ante casam.

506

Atque ita; Longa via est, nec tempora longa supersunt,

Dixit, et hospitibus janua nostra patet:

Addidit et vultum verbis; iterumque rogavit.

Parent promissis; dissimulantque deos:

Tecta senis subeunt, nigro deformia fumo;

505

Ignis in hesterno stipite parvus erat.

Ipsē genu posito flammās exsuscitat aura,

Et profert quassas comminuitque faces.

*agnus* contra, caput submittens ad ubera ore pressanda. Unus *promptum*, quod parum aberat, quin Taubnero placeret. Immo reliquæ duæ lectiones exquisitiores sunt.

499. *Hyrieus*. Varie hoc nomen corruptum est in MSS; sed Ursini codex veram scripturam servavit. Græcis est Ἰρύριος. Eum regem nonnulli faciunt, Noster pauperculum, et alterum Philemona, cuius fab. VIII Metam. 626 sqq; cum hac comparanda est. Interp. gallicus nescit, utrius exornationem præferat. Ego alterius in Metam. facile præfero; est enim multo et uberius et suavius tractata. — *Tempora longa* diei. — *Hospitibus*. Etiam a Palæphato φιλοξενώτατος vocatur. — *Addidit vultum*, vultu hilari adjuvit hæc verba; Met. dicto loco: « super omnia vultus Ac- » cessere boni. »

506. Pro *parvus* Heinsius volebat *parcus*; sed *parva* scintilla est etiam VII Metam. 80. — *Hesterno* ex MSS nonnullis jam Ciofanus recepit; Mitscherl. servavit *extremo*, quod et Neapoli placebat: multi *externo*. *Hesterno* possis tueri ex Met. dicto loco 641: « foco tepidum cinerem di- » movit, et ignes Suscitāt hester- » nos, » quos Baucis « ad flammās

» anima producit anili. » Pro *anima* nunc est *aura*. — *Ignis in hesterno* etc. Sic explicat, quod Græci una voce Ζώρυγον. Regius A habet *extrema*; alii *hesterno*. Ed. — Formulam *exsuscitare ignem* multis exemplis comprobatur Heinsius. Etiam Virg. Æn. VIII, 410: « cinerem et sopitos » suscitāt ignes. » Male Taubnerus ait etiam vulgat. *excussit ab aura* bene se habere. — Tum *genu posito* pro *genu nixus* ex Læti, uno Farnesiano et primo Ambrosiano dedit Heinsius. Utrumque apud Nostrum occurrit; VI Metam. 346: « posito » genu terram pressit; » VIII Met. 182: « nixus genu. » Burmannus vero *Ipse* in *Inde* mutari volebat, nempe a stipite illo. — *Et profert* etc. Metam. dicto loco, Baucis « Mul- » tidasque faces, ramaliaque arida » tecto Detulit et minuit. — *Quassæ* sunt non integræ, quas porro minuit, in fragmenta minuta concidit. Sarravianus et alius *siccās*; unus *cassas*, quæ varietas etiam III Metam. 508, ubi Burmannus *cassas* interpretatur resectas et aridas. — *Profert* recepi, quia sic multi e melioribus, et quia *promit* versu 518 rectius legitur. — Pro *comminuit* Taubnero e duobus *continuitque* fa-

Stant calices : minor inde fabas, olus alter habebant ;

Et fumant testu pressus uterque suo.

510

Dumque mora est, tremula dat vina rubentia dextra :

Accipit æquoreus pocula prima deus.

Quæ simul exhausit ; Da, nunc bibat ordine, dixit,

Jupiter : audito palluit ille Jove.

Ut rediit animus, cultorem pauperis agri

515

Immolat, et magno torret in igne bovem :

Quæque puer quondam primis diffuderat annis,

Promit fumoso condita vina cado.

Nec mora ; flumineam lino celantibus ulvam,

Sic quoque non altis, incumbere toris.

520

Nunc dape, nunc posito mensæ nituere Lyæo :

Terra rubens crater, pocula fagus erant.

*ces placet. — Regii nostri habent quassas comminuitque faces.*

509. *Calices* nunc vasa in quibus cibicoquebantur.—*Habebant* Heinsius e Strozziæ libro, et *fumant* e multis dedit; cæteri singularem in utroque verbo præferunt.

517. *Diffundere* verbum proprium de vino, quando in dolia transfunditur condendum; Horatius, I, Ep. v, 4: *Vina bibes iterum Tauro » diffusa.* » Non igitur erat, cur Heinsius *defuderat* præferret. Nec eum sequor in eo, quod *promit* auctoritate Mazarini. unius Patavini, et Gottorph. in *prodit*, tamquam elegantius, mutavit; *promere* solemne de rebus, quæ conditæ et servatæ proferuntur; Horat. Epod. II, 47: « *horna dulci vina promens » dolio;* » I, Od. IX, 7: « *benignius » Deprome quadrimum Sabina merum diota.* » Cadi apud veteres in fumariis reponerentur, ut fumo maturitatem contraherent; Tibullus, II, 1; 27: *fumosos veteris proferte*

» *Falernos Consulis.* » Horat. III, Od. VIII, 11: « *Amphoræ fumum » bibere institutæ consule Tullo.* »

519. Metam. dicto loco: *In medio torus est de mollibus ulvis;* confer supra I, 200. *Ulvam lino celabat torus;* ulva, linteo tegumento inclusa, imposita erat toro. Taubnero ex uno cod. *lino celante dat ulvam* magis perspicuum videbatur.—*Alti* tori erant in ædibus beatiorum hominum; Æneid. II, 2.—Duo veteres *discubere*, quod Mitscherlichius recepit. Ita *discumbere toris* VIII Metam. 565; Virgil. Æneid. I, 700, 708. — Mox Heinsius *testa*, operculo, *rubens* legi volebat, quia *crater* semper fuerit ex ære. Immo crater pauperiorum erat fictilis; Metam. dict. loc. 668, apponebantur « *Omnia fictilibus;* » post hæc cælatus eadem Sistitur argilla crater, fabri- » cataque fago Pocula, » ubi vide notam. Et *pocula fagina* etiam Virgilio, Ecl. III, 37; Tibullo, I, 1, 38, memorantur.

Verba fuere Jovis : Si quid fert impetus, opta ;

Omne feres ; placidi verba fuere senis :

Cara fuit conjux, primæ mihi cura juventæ

525

Cognita : nunc ubi sit, quæritis ? urna tegit.

Huic ego juratus, vobis in verba vocatis,

Conjugio, dixi, sola fruire meo.

Et dixi, et servo ; sed enim diversa voluntas

Est mihi : nec conjux, et pater esse volo.

530

Adnuerant omnes : omnes ad terga juvenci

Constiterant : pudor est ulteriora loqui.

Tum superinjecta texere madentia terra :

Jamque decem menses ; et puer ortus erat.

Hunc Hyrieus, quia sic genitus, vocat Uriona :

535

523. *Fert impetus*, cupis ; I Met. 1, *fert animus*. — Pro *opta* Francofurt. *ede*. Palæphatus : Ὁ δὲ ἄτερος ὧν ἦν ἐν τῷ πατρὶ. Id Noster ut poeta exornavit. — *Primæ juventæ*. Burmannus nesciebat, an satis latine diceretur : *Cara conjux fuit cura, cognita mihi prima juvena*. Ipse, si per libros veteres liceret, libentius legeret : *primæ mihi flore juventæ Cognita* ; certe vitium latere putabat. Taubnerus lectionem *primæ juventæ* tuetur, atque sensum sic constituit : cara fuit conjux, cognita a me, quam ut ducerem prima mihi juvena curandum putabam. Sunt et aliæ quædam varietates. Multi : *prima mihi cara juvena*, quod Krebsius præfert, monetque vim esse in repetita voce *cara*. Ursini liber : *caræ mihi prima juventæ* ; Bernensis, *cara mihi prima juvena* ; Junianus, *prima mihi grata*. Denique pro *cognita* Mazarin. Zulichemian. primus Farnes. et quatuor alii *condita*, quod Heinsius ad urnam referebat, sed male. Ego *condita* præfero atque cum sequentibus

sic jungo : quæritis, ubi illa nunc abdita lateat, quum eam non cernatis ? *Cura* autem vel homo, quem amamus, vel res, qua oblectamur ; Virgil. *Æn.* I, 476, Anchises *cura deum* ; III Metam. 136, vallis *cara Dianæ*, ubi Burmannus sine causa conjicit *cara*. — *Vocat deos in verba*, qui eos testes facit verborum suorum ; Virgilius, *Æneid.* V, 234 : *divos in vota vocare*, ubi vide Heynium. — *Sed enim*, at vero. — *Et pater* ; vulgo, *sed pater*. Taubnerus malit *at*, quia *sed* modo adfuit, et quia enuntiata sint adversa. Equidem sic capio, *et non conjux, et pater*. Notum est, *nec...et sæpe legi*.

531. Unus Farnesianus *constiterunt* ; tum Heinsius etiam *annuerunt* legi vult ; sed plusquamperfectum bene se habet, indicatque paratissimos fuisse deos ad ista facienda ; vide Clark. ad Homerum, II. A, 37, p. 10. — Heinsius etiam putat, vacuam a diis esse initam, ideoque *juvencæ* dedit. Immo sumserunt : τὴν τοῦ ἱερουργήσαντος αὐτοῖς θεοῖς βύρ-



Perdidit antiquum litera prima sonum.

Creverat immensum : comitem sibi Delia sumsit :

Ille deæ custos, ille satelles erat.

Verba movent iras non circumspecta deorum :

Quam nequeam, dixit, vincere, nulla fera est. 540

Scorpion immisit Tellus : fuit impetus illi

Curva gemelliparæ spicula ferre deæ.

Obstitit Orion : Latona nitentibus astris

Addidit ; et, Meriti præmia, dixit, habe.

SED quid et Orion, et cætera sidera mundo 545

αὐτὸν Παλæφάτ. *Mercurius de tauro, quem Hercules ( forte Hyrieus ) ei immolarat, corium protulit*; Hyginus, fab. 195. Reliqua idem Poet. Astron. II, 34, Pindari dithyrambis (Strabo, X, p. 620), sic narrat : « et quod fecerant urinæ in corium infudisse, et id sub terra » poni jussisse : ex quo postea natum puerum, quem Hyrieus e facto Uriona nomine appellaret : » sed vetustate et consuetudine factum est, ut Orion vocaretur. » Παλæφάτῳ dictus est Ὀυρίων, διὰ τὸ οὐρήσαι ὡς περ τοὺς θεοὺς ἵππετα κατ' ἰσχυρισμὸν, ὧρίων. Sic et alii, ut Servius ad Æneid. I, 539, qui putat, Dorica lingua ου mutatum esse in o. Cæterum Pherecydes et Hesiodus Oriona Neptuni fecerunt ex Euryale, Minois filia, filium, atque adeo honestiorem ei dederunt originem. Nomen autem ab Oreo monte, in quo educatus, accepisse legitur apud Strabonem, X, p. 632.

537. *Creverat immensum.* Apollodorus dicto loco : τοῦτον γηγενὴ λέγουσιν ὑπερμεγέθη τὸ σώμα. Secundum Eratosthium, Παλæφάτ. et Theon. ad Arat. p. 80, Orion vim inferre voluit Dianæ venanti, illa vero irata scorpionem e terra protulit ; a quo

ictus Orion periit, sed a Jove inter sidera relatus est. Alii cum Callimacho narrabant, confixum eum esse sagittis Dianæ ; Hyginus, II, 34. Inde etiam Horatius, III, Od. IV, 71 : « integræ Tentator Orion » Dianæ, Virginea domitus sagitta. » Sed traditioni, quam Ovidius secutus est, similem fere habet Hyginus, II, 26. — *Gemellipara dea* Latona etiam VI Metam. 315 vocatur, et videtur hoc nomen ab ipso Ovidio compositum esse. — *Ferre deæ*, immittere spicula sua in deam ; Burmannus comparat *ferrum jugulo ferre* apud Silium, IX, 519. — *Pro meriti* Mazarinæus *meritis*.

545–598. IV *Idus, sive die 12, Ludi Circenses in honorem Ultoris*, cui Augustus in Foro suo templum posuit, votum illud in bello Philippensi ; Suetonius August. 29. Vide Masson. in Vita Ovidii ad annum 752. Poeta ludos verbo tangit, sed forum et templum describit 553–568 ; tum verba voventis memorat 569–577. Hinc commode ad cladem Romanorum a Parthis acceptam transit, quam et ipsam Mars per Augustum ultus est, quum illi signa Romanis ademta redderent.

*Sed quid Orion* etc. Ipsa sidera et

Cedere festinant, noxque coartat iter?

Quid solito citius liquido jubar æquore tollit

Candida, Lucifero præveniente, dies?

Fallor, an arma sonant? non fallimur; arma sonabant:

Mars venit; et veniens bellica signa dedit.

550

Ultor ad ipse suos cælo descendit honores,

Templaque in Augusto conspicienda foro.

Et deus est ingens, et opus: debebat in urbe

Non aliter nati Mars habitare sui.

Digna Giganteis hæc sunt delubra tropæis:

555

Hinc fera Gradivum bella movere decet;

Seu quis ab Eoo nos impius orbe lacesset;

sol cupide expectant initium illorum solemniū. Simile figmentum habes IV, 673. *Orionis* autem nexus causa, cæterum non satis commode, mentio facta; occiderat enim jam vesperi.—*Mundo* non nisi Saravianus et tres alii exhibent, unde Heinsius accepit; cæteri *cælo*, quod forte rectius, certe usitatius. Sed quoniam *mundo* interdum positum videtur pro *cælo*, ut Drakenborch. ad Silium, XII, 336, et Heinsius ad II Met. 157, monuerunt, propterea servavi *mundo*.—*Cedunt mundo*, occidunt; XI Metam. 511, *excedere olympo*; Virgilius amat sic *decedere*, ut Georg. I, 222, 450, et alibi.—*Coartatur iter* alias, quando montibus aut silvis occurrentibus fit angustius. Nunc brevius iter intel. Itaque nec hoc: *die Laufbahn schmälern*, nec prius: *aus der Welt weichen*, cum int. germanico verterim.—*Pro liquido* alter Mazarin. pro diversa lectione *vitreo*.—*Præveniente Lucifero*; stella Veneris, quæ prænuntiat diem. *Ed.*

549. Incipit cum sonitu armorum, fere, ut IV, 181. *Sonabant* Hein-

sius in *sonarunt* mutari voluit; sine causa. Dii evocari solebant carminibus *ἄλκταις*, ut *venirent*, sacrisque suis adessent.—*Signa dedit*, ut Jupiter I Metam. 220: « signa dedi » venisse deum. » — *Ad ipse*. Præpositiones sic solent interdum transponi, ut I Metam. « in domino » dignos everti tecta Penates, » ubi vide notam.—*Forum suum Augustus* extruxit, quia duo hominum et judiciorum multitudinē non sufficiebant: ideoque festinantius, nondum perfecta Martis æde, publicatum est; Suetonius dicto loco. Insigne hoc templum fuisse, vel ex hoc loco apparet. Jam Julius Cæsar: « Marti templum, quantum nusquam esset, extruere » voluit; Suetonius Jul. 44.

555. *Digna... decet*. Hæc lucem accipiunt e verbis Suetonii dicto loco, de Augusto: « Sanxit ergo, ut » de bellis triumphisque hic consu- » leretur senatus; quique victores » redissent, huc insignia triumphorum inferrent. » Etiam hoc loco pro *tropæis* primus Ambros. et Læti *triumphis* habent.—*Pro impiis* Pem-

Seu quis ab occiduo sole domandus erit.  
 Prospicit Armipotens operis fastigia summi;  
 Et probat invictos summa tenere deos. 560  
 Prospicit in foribus diversæ tela figuræ,  
 Armaque terrarum milite victa suo.  
 Hinc videt Æneam oneratum pondere sacro,  
 Et tot Iuleæ nobilitatis avos.  
 Hinc videt Iliaden humeris ducis arma ferentem, 565  
 Claraque dispositis acta subesse viris.

broc. *impetus*. — *Fastigia summa* templorum ornari solebant simulacris deorum; II Metam. 3: « ebur nitidum fastigia summa tenebat, » ubi vide notam. — *Invictos*, quia Roma invicta. Interpres gallicus putat Jovem, Herculem, ipsumque Martem intelligi. — Vulgo bis *perspicit*; sed Heins. *prospicit* e melioribus MSS recepit. *Prospicere* est, e longinquo spectare; *perspicere*, singula diligenter contemplari. Vide ad versum 393. Vides igitur, utrumque nunc habere locum. — *Tela* Neapolis intelligit insignia triumphorum, de quibus Suetonius dicto loco; verum hæc non potuerunt *in foribus* esse. Intellige *tela* foribus vel insculpta, vel præfixa. — In verbis *arma victa* non debebat hære Burmannus; sunt utique arma victarum terrarum. In Puteano erat *facta*, unde Heinsius *fracta* faciebat, non improbante Burmanno, quia arma sic præfigi solita sint; quamquam ipse etiam *fixa* legi posse putabat. — In nostro Regio C legitur *facta* male; in duobus aliis *victa* autem, quod verum iudico. *Ed.*

563. Et statuis et tabulis pictis Augustus Forum suum instruxit; Suetonius August. 31: « Proximum a » diis immortalibus honorem me-

» moriæ ducum præstitit. Itaque et » opera cujusque, manentibus titulis, restituit: et statuas omnium » triumphali effigie in utraque Fori » sui porticu dedicavit. » Ac *titulis* quidem forum ejus prænituisse, etiam Velleius, II, 39, narrat. Plinius, XXXV, 10, ubi Apellis tabulas quasdam nominavit, pergit: « Quas utrasque tabulas divus Augustus in Fori sui partibus celebratimis dicaverat simplicitate moderata. » In istis simulacris non mirum est fuisse etiam *Iuleæ nobilitatis avos*, de quibus IV, 29 sqq. — *Æneam sacra et, sacra altera, patrem humeris ferentem* sæpius Noster memorat; I, 527; IV, 37; XIII Metam. 625. Pro eo nunc, *oneratum pondere sacro*, id est, et patre et penatibus. Bene igitur Heins. e primo Mediceo et Thuaneo *sacro* recepit, quum cæteri *caro* præferant. — *Iliades*, Romulus Iliæ filius, *ducis*, regis, Cæninensis, a se obtruncati, *arma*, spolia, retulit. Redux Jovi Feretrio templum vovit, sedem spoliis opimis; Lælius, I, 10. — *Claraque* etc. Statuæ virorum illustrium ordine quodam collocatæ in basi habebant titulos, sive indicem rerum præclare ab iis gestarum; vide quæ modo ad versum 563 dedimus.



Spectat et Augusto prætextum nomine templum,

Et visum, lecto Cæsare, majus opus.

Voverat hoc juvenis tunc, quum pia sustulit arma :

A tantis princeps incipiendus erat.

570

Ille manus tendens, hinc stanti milite justo,

Hinc conjuratis, talia dicta dedit :

Si mihi bellandi pater est, Vestæque sacerdos

Auctor, et ulcisci numen utrumque paro :

Mars, ades ; et satia scelerato sanguine ferrum ;

575

Stetque favor causa pro meliore tuus.

Templa feres ; et, me victore, vocaberis Ultor.

Voverat ; et fuso lætus ab hoste redit :

Nec satis est meruisse semel cognomina Marti :

567. Templum in fronte *Augusti nomen* ex more inscriptum ostentabat. Quæ in fronte rei aut in margine sunt, ea *prætexta* vocantur ; Plinius, paneg. XII, 2 : *postibus prætexti*, statuas suas ante fores templi ponere. Seneca, Epist. 89 : « Fluminum ripas ædificia prætexunt. » — *Lecto Cæsare*, lecto Cæsaris nomine, visum majus, quia tanto a viro dedicatum. Succurrit illud Gnathonis apud Terentium, Eun. III, 1 : « Læta est non tam ipso quidem » dono, quam abs te datum esse : id » vero serio triumphat ! » — De tempore templi voti consentit Suetonius, 29 : « Ædem Marti bello Philippiensi pro ultiore paterna suscepto voverat. » — *Princeps incipiendus erat*, principalis dignitas a tantis rebus proficisci debebat.

571. Ipse vovens inducitur. *Hinc stanti* etc. Hæc lectio valde se commendat et auctoritate optimorum cod. et sensus bonitate. Ante Heinisium edebatur *Adstanti milite justo In conjuratos*. Neapolis ex antiquis

legi volebat *instanti* ; id Marsus explicat, quum instaret secum militia, quæ justa arma gerebat. — De Julio Cæsare, *Vestæ sacerdote*, interfecto vide III, 699. — *Numen utrumque*, patris et pontificis maximi. Similiter fere supra vers. 97 : *Et matri et vati pareat*. Prior igitur lectio est dignior, posterior argutior.

579. Anno u. c. 699, M. Crassus a Parthis erat occisus, Orode regnante, exercitusque ejus partim deletus, partim captus. Postea Antonius cladem ab iisdem hostibus accepit. Sed anno u. c. 734, quum Augustus in Asia versaretur, Phraates, rex Parthorum, et metuens, ne bello ab eo peteretur, et suis diffidens, signa Romanis olim adempta ei sponte remisit. De ea re tantquam de victoria insigni, mirum in modum lætatus est Augustus, in gaudii societatem venientibus Romanis, qui eam et nummis et carminibus celebrarunt ; Justin. XLII, 5 : « Plus Cæsar magnitudine nominis sui fecit, quam armis alius

Persequitur Parthi signa retenta manu.

580

Gens fuit et campis, et equis, et tuta sagittis,

Et circumfusus invia fluminibus.

Addiderant animos Crassorum funera genti,

Quum periit miles, signaque duxque simul.

Signa, decus belli, Parthus romana tenebat;

585

Romanæque aquilæ signifer hostis erat.

Isque pudor mansisset adhuc, nisi fortibus armis

Cæsaris ausoniæ protegerentur opes.

Ille notas veteres, et longi dedecus ævi

» imperator facere potuisset. » Vide Dionem, LIV, 8, qui et hujus templi meminit : Νεῶν Ἀρεως Τιμαροῦ ἐν τῷ Καπετωλίῳ κατὰ τὸ τοῦ Διὸς φερτρίου ζήλωμα, πρὸς τὴν τῶν σημείων ἀνάθεσιν καὶ φερεισθῆναι ἐκέλευσε, καὶ ἐποίησεν. His verbis atque varia forma, quam Martis Ultoris templum in nummis habet, ( vide Patin. ad Suetonii dictum locum ) moti nonnulli putarunt, duo templa Augustum huic deo posuisse, alterum Ultori in Foro suo, alterum, receptis signis, in capitolio Marti Bisultori. Sed nec Ovidius, nec alius scriptor hanc opinionem confirmat. Itaque Masson. et Reimar. monent, apud Dionem verba ἐν τῷ Καπετωλίῳ ad ζήλωμα pertinere, aut corrupta esse; nummos autem non diversa templa, sed varias ejusdem templi facies exhibere. Quo jure poeta hæc Parthica addiderit, dixi ad versum 545.—Nonnulli legunt *meruisse sibi*, quod non displicet Taubnero: immo consilium poetæ *semel* flagitat. — Mox Heinsius *Partha* dederat de suo, quia *Parthus*, ut *Persus*, *Maurus* et alia, interdum adjective legitur; sed adversantur MSS et, ut Taubnerus bene monuit, vocabula tria in *a* desinentia offendent aures:

quidam *Parthis*. Art. Amat. I, 180, hæc ipsa signa *barbaricas non bene passa manus* vocantur.

581. Amplificatur Augusti honor. Quo difficilius aditu illa gens, quo ferocior rebus suis secundis, quo tristior ignominia Romanis inde illata, eo major Augusti gloria receptis signis.—Parthi *equis* metuendi ac *sagittis*, quibus e simulata fuga retro missis, hostem incaute persequentem obruebant; Horatius, I, Od. xix, 11; II, Od. xiii, 17; Justinus, xli, 2. *Campi* eorum immensi et equis alendis; et præliis equestribus committendis inserviebant. — *Crassorum*, patris et filii; Florus, III, 11: « Cupiditas Crassi, » dum parthico inhiat auro, unde- » cim strage legionum et ipsius ca- » pite multata est. Filium ducis » pœne in conspectu patris telis ope- » ruere. » Justinus, XLII, 4: « Oro- » des Crassum imperatorem cum » filio et omni exercitu romano de- » levit. » — E signis militaribus maxima *decora* erant *aquilæ* argenteæ legionum.—*Pudor*, idem quod *mox nota*; Plinius, paneg. xci, 2, *notam pudoremque* conjungit.

589. *Notas*, ignominias, *veteres*, quæ per triginta amplius annos inul-

Sustulit : agnorunt signa recepta suos.

590

Quid tibi nunc solitæ mitti post terga sagittæ,

Quid loca , quid rapidi profuit usus equi ,

Parthe? refers aquilas : victos quoque porrigis arcus :

Pignora jam nostri nulla pudoris habes.

Rite deo templumque datum , nomenque bis ulto , 595

Et meritis votis debita solvit honos.

Solemni ludos circo celebrate, Quirites :

Non visa est fortem scena decere deum.

tæ manserant. — Ipsi *signis* vitam et sensum tribuit , ut Plinius , paneg. I , 4 , tectis : « sentire et lætari videntur , quod niteant. » — *Quid tibi* etc. Hæc exacte respondent superiori vers. 581. MS Erford. *solitas sagittas* ; hinc Heins. conjicit ; *Quo tibi nunc solitas mitti post terga sagittas* ? quod laudat Taubnerus quia verbum *profuit* sic magis conveniat , et quia *mitti sagittas* pro subjecto haberi possit. Infra VI , 467 , ubi res repetitur : *Parthe, quid exsultas* ? etc. — In nummis quibusdam Parthus flexo genu porrigit Augusto altera manu signa , altera suos *arcus* et pharetras ; inde Horatius , I , Ep. XII , 27 : « jus imperiumque Phraates Cæsaris accepit genibus minor. » Sic illi *victi* dici poterant , quia victarum gentium erat arma sua *porrigere* victori , ut I , 646 : *Germania crines suos porrigit*. In duobus est *pictos* ; solebant sane arcus et pharetræ *pingi* , id est , distinguere auro , argento , ebore ; sed id vix est hujus loci. Mazarin a man. prim. *victor* , quod Burman. si *victor modo* legatur , defendi posse monet : qui olim victor eras , Crasso nimirum et Antonio superatis ; *victores* eosdem Parthos etiam Justinus , XLI , 1 , vocat : « Parthi Romanis quoque trinis bel-

» lis , per maximos duces , florentis-  
» simis temporibus lacessiti , soli ex  
» omnibus gentibus non pares so-  
» lum , verum etiam victores fuere. » Sed in nostro loco nihil mutandum puto. — *Pignora pudoris* , quæ testantur ignominiam nostram pudendam ; ignominiam illam describit Horatius , III , Od. 5.

595. *Bis ulto* dedit Heinsius e Zullichemiano , Mazarinæo et plurimis aliis ; nonnulli *bis ultum* : vulgo *Bis-ultor* , quod servari posse Burmannus docet , quia et alibi nominativus sic ponitur , ut *ætas* , cui *fecimus aurea nomen*. — *Meritis* etc. Augustus votis suis honorem meritis solvit debita. Multi *voti* , quod Taubnerus non improbat , ut *voti debita* conjungantur. — *Solemni circus* bene dicitur in quo ludi exhibentur. Ita II Metam. 712 : *festæ arces* ; III , 111 : *festæ theatra* , et I Art. Amat. 133 : *sollemnia theatra* ; ita autem hoc loco Mazarin. Zulich. et Hamburg ; sed olim edebatur *Sollemnes ludos circi* ; Heinsio etiam e plurimis MSS *Sollemnes ludos* , *circum* placebat , ut esset appositio. Burmannus legendum putabat : *Solemni circum ludo celebrate* ; quia *celebrare theatra* passim. — *Scena decere* ; conf. vers. 347. Augustum



PLEIADAS adspicies omnes, totumque sororum

Agmen, ubi ante Idus nox erit una super.

600

Tum mihi non dubiis auctoribus incipit æstas;

Et tepidi finem tempora veris habent.

IDIBUS ora prior stellantia tollere Taurum

Indicat: huic signo fabula nota subest.

Præbuit, ut taurus, Tyriæ sua terga puellæ

605

Jupiter, et falsa cornua fronte tulit.

Illam jubam dextra, læva retinebat amictus;

Et timor ipse novi causa decoris erat.

Aura sinus implet; flavos movet aura capillos.

Sidoni, sic fueras accipienda Jovi!

610

Sæpe puellares subducit ab æquore plantas;

naumachia exhibita templi illius dedicationem celebrasse, narrat Vel-leius, II, 100.

599-602. III *Idus* sive die 13 *Pleia-des oriuntur heliace*, et *Æstas incipit*. De *Pleiadibus* vide IV, 169 sqq. Earum ortu et occasu jam Hesiod. *Ἔργ.* 383, opera rustica definiebat. Ortum alii die 44, alii 48 ab æquinotio verno contingere putabant; Varro, I, 28; Columella, XI, 14. Vid. Petavius Varr. Dissert. lib. II, cap. 9, ubi eos tuetur, qui diem 48, inter 14 et 15 diem Maii constituerunt, atque Ovidium, qui 13 diem habet, errasse ostendit. Plinius, XVIII, 29: « Virgiliarum ( id est, Pleia- » dum) exortu æstas incipit, occasu » hiems. » Sic et Aratus.

603-620. *Pridie Idus Tauri caput oritur*. De hoc sidere IV, 717. Tauri et Europæ fabulam Noster etiam II *Metam.* 383 ad finem, narravit, ubi et alios auctores laudavimus. — *Ora stellantia* supra vs. 165, *ora septem radiantia flammis* vocantur. Euro-pa, Agenoris, regis Phœnicum filia,

mox *Tyria*, mox *Sidonis* a poetis ap-pellatur.—*Falsum* passim in *Metam.* de forma aliena, quam quis fallendi causa ad tempus sumsit, aut in quam mutatus est a deo aliquo.

607. Hæc fortasse e tabula anti-qua expressa sunt. Etiam Lucianus *Dialog. Zephyri et Noti*, tom. II, pag. 125: ἡ δὲ τῇ λαίᾳ μὲν ἔρχετο τοῦ κέρματος, ὡς μὴ ἀπολεισθάνοι, τῇ ἑτέρᾳ δὲ ἡνιμομένην τὸν πίπλον ξυνοίχε. *Met.* dicto loco, *dextra cornu tenet, altera dorso imposita est*.—*Juba* nunc tri-buitur *tauro*, ut III *Amor.* V, 24. — De illo *novō decore* vide ad II, 757. — *Aura sinus implet*; *Metam.* dicto loco: « tremulæ sinuantur fla- » mine vestes. » — *Accipienda*, sci-licet dorso tauri, habent non nisi primus Ambrosianus, et duo alii, unde Heinsius sumsit; cæteri forte verius *adspicienda*, ut et Krebsius voluit, aut *conspicienda*.—Pro *sub-ducit* Heins. e Puteano et Douzæ *Excerpt. subducit*, propter *demittit*; sed Mitscherlich. alterum servavit. *Metam.* dicto loco: « Ipsa videbatur

Et metuit tactus adsilientis aquæ.

Sæpe deus prudens tergum demittit in undas ,

Hæreat ut collo fortius illa suo.

Litoribus tactis stabat sine cornibus ullis

615

Jupiter ; inque deum de bove versus erat.

Taurus init cælum : te , Sidoni , Jupiter implet ;

Parsque tuum terræ tertia nomen habet.

Hoc alii signum Phariam dixere juvencam ;

Quæ bos ex homine est , ex bove facta dea.

620

Tum quoque priscorum virgo simulacra virorum

Mittere roboreo scirpea ponte solet.

Corpora post decies senos qui credidit annos

Missa neci , sceleris crimine damnat avos.

» terras spectare relictas , Et comi-  
» tes clamare suas , tactumque ve-  
» reri Adsilientis aquæ , timidasque  
» reducere plantas. »

615. *Litoribus*, nempe Cretæ. Ibi  
» posita fallacis imagine tauri Se con-  
» fessus erat » Jupiter ; Metam. III,  
1. — *Hoc alii* etc. conf. IV, 717 ; Hy-  
ginus, Poet. Astron. II, 21. — *Pha-  
riam juvencam*, Io, Inachi filiam,  
cujus duplicem transformationem  
*ex homine in bovem et in Deam ex  
bove* habes Met. I. *Phariam*, Ægypti-  
am. Amat hanc vocem Claudianus.  
— Verba *Quæ bos* etc. etiam Heroid.  
XIV, 86, leguntur, atque adeo pla-  
cuisse videntur Ovidio.

621–662. Eodem die pontifices et  
virgines vestales scirpea virorum si-  
mulacra in Tiberim projicere sole-  
bant ; cujus rei causæ adferuntur.  
Vide Dionys. Halicarn. I, 19 et 38 ;  
Plutarchum, Quæst. Rom. p. 102,  
Reisk. Macrobius, I, Saturn. 7 et  
11 ; Varronem de Ling. Lat. VII,  
3 ; Festum in voc. *Depontani* et *Ar-  
gei* ; Arnobius advers. Gentes, II,

p. 91 ; Lactantium, Inst. I, XXI, 6.

*Tum*, Idibus Maiis, sacrificio ante  
peracto, pontifices, vestales, præ-  
tores aliique cives, simulacra ad hu-  
manæ formæ similitudinem facta,  
numero triginta, de ponte sublicio  
in Tiberim mittebant ; Dionysius,  
qui simulacra illa vocat *ἱερὸν ἀν-  
δρῶν*, *κατασφηνῶν τὸν αὐτὸν ἱαίνοντες  
εἶπον*. *Scirpea* fuisse, testatur etiam  
Varro, qui tantum viginti quatuor  
numerat. Dicta autem sunt *Argei*.  
— *Roboreus*, sublicius ; a Dionysio  
sacer, a Plutarcho ligneus, *ξύλινος*,  
vocatur. — *Corpora post decies* etc.  
Falsa fama improbatur. Sexagenarii,  
Oscorum lingua *casnares* diceban-  
tur. Varro : « Vix effatus erat, quum  
» more majorum ultro casnares ar-  
» ripiunt, de ponte in Tiberim de-  
» turbant. » — Pro *credidit* Puteanus  
et Bernensis *condidit*, quod Bur-  
manno melius placet, ut respiciat  
auctorem aliquem, qui hoc memo-  
riæ prodidit. — Regii Codices A et  
C *credidit*, at B *condidit*, quod be-  
ne laudat Burmannus. *Ed.*

Fama vetus : tum, quum Saturnia terra vocata est, 625

Talia fatidici dicta fuere dei :

Falcifero libata seni duo corpora, gentes,

Mittite, quæ Tuscis excipiantur aquis.

Donec in hæc venit Tirynthius arva, quotannis

Tristia Leucadio sacra peracta modo. 630

Illum stramineos in aquam misisse Quirites :

Herculis exemplo corpora falsa jaci.

Pars putat, ut ferrent juvenes suffragia soli,

625. Pelasgis Dodonæ oraculum erat editum: Στείχτε μαίεμενοι Σικελῶν Σατουρνίαν αἶαν, ἢ δ' Ἀβορηνείων Κοτύλην, εὐ νῆστος ὀχεῖται. Οἷς ἀναμειχθέντες θανάτην ἐκπέμψατε Φοῖβον, καὶ κεφάλας Ἄδῃ, καὶ τῷ πατρὶ πέμπετε φῶτα. « Itæ quærentes Sicularum Saturniam terram, atque Aboriginum Cotylen, ubi insula natat. Quibus permixti decimam mittite Phæbo, et capita Diti, et patri mittite virum; » Dionysius.—*Dei* ex Mediceo Heins. dedit, ut de Apolline agatur; et Arnobius dicto loco Apollinem diserte nominat: « quum ex Apollinis monitu patri Diti ac Saturno » humanis capitibus supplicaretur. » Quia vero, auctore Dionysio, Dodonæum fuit oraculum, propterea Heinsius *Jovis* mallet, quod Erford. a manu prima habet. Cæteri omnes *sonis*.—*Falcifero seni*, sive Saturno priscos Italiæ incolas homines obtulisse ita, ut eos pedibus manibusque vinctos in Tiberim projicerent, narrant et Dionys. et Lactant. d. l. — *Tusce aquæ*, Tiberis, et I, 500.

629. Omnes, quos supra laudavi, auctores in eo consentiunt, Herculem ex Hispania redeuntem abrogasse illum morem.—*Leucas* ad litus Acarnaniæ, olim peninsula, postea insula; XV Metam. 289; Plinius,

II, 90, ibique Harduinus. In ea insula scopulus erat, unde, ad exemplum Saphus, desilire solebant, qui amorem excuti e pectore suo aliisque injici vellent; Heroid. XV, 163 sqq; Athenæus, XIV, 3; Servius ad Virg. Eclog. IX, 57; Vossius ad Catullum. Inde hic scopulus amantium dictus est. Sed inde et in sacris Apollinis malefici quidam, quibus alæ illigatæ erant, dejiciebantur, ita quidem, ut exciperentur ab hominibus in cymbis dispositis; Strabo, X, p. 452.—*Modo* Heinsius e Naugeriano, Ursin. Mazarin. Zulichem. et duobus aliis dedit, quum antea *deo* legeretur. Etiam Lactantius dicto loco ubi hos versus laudat, *modo* habet. — *Quirites* Herculis tempore nondum erant. Suasit autem Hercules hominibus istius terræ: « Ut » faustis sacrificiis infausta mutant, inferentes Diti, non hominum capita, sed oscilla ad humanam effigiem arte simulata, et » aras Saturnias, non mactando viros, sed accensis luminibus exco- » lentes, quia non solum virum, » sed et lumina *φωτα* » (quod in oraculo occurrit) « significat; » Macrobius, Sat. lib. I, cap. 7; de Herculis adventu in Italiam.

633. Hæc opinio orta erat e prover



Pontibus infirmos præcipitasse senes.

Tibri, doce verum; tua ripa vetustior urbe :

635

Principium ritus tu bene nosse potes.

Tibris arundiferum medio caput extulit alveo ;

Raucaque dimovit talibus ora sonis :

Hæc loca desertas vidi sine mœnibus herbas :

Pascebat sparsos utraque ripa boves.

640

Et quem nunc gentes Tiberin noruntque timentque ,

Tunc etiam pecori despiciendus eram.

Arcadis Evandri nomen tibi sæpe refertur :

Ille meas remis advena torsit aquas.

Venit et Alcides, turba comitatus Achiva :

645

Albula, si memini, tunc mihi nomen erat.

bio male intellecto. Nonius : « Quum » in quintum gradum pervenerant, » atque habebant sexaginta annos, » tum denique erant a publicis nego- » tiis liberi atque expediti et otiosi : » ideo in proverbium quidam pu- » tant venisse, sexagenarios de pon- » te deijci oportere, id est, quod » suffragium non ferant, quod per » pontem ferebant. » Similia habet Festus : « Exploratissimum illud cau- » sæ est, quo tempore primum per » pontem cœperunt comitiis suf- » fragia ferre, juniores conclama- » vere, ut de ponte deijcerentur se- » xagenarii. » Alias causas Plutar- » chus dicto loco adfert, aut barbaros, » qui antiquissimis temporibus illa lo- » ca incolerent, Græcos si quos cepis- » sent, interfecisse, aut ipsum Evan- » drum, quum Argivi Arcadibus ini- » micissimi essent, istam odii memo- » riam secum in Italiam adtulisse.

637. *Arandine* cingi Flumina sole-  
bant; IX Met. 3, Achelous : « inor-  
» natos redimitus arundine crines. »  
— Pro *rauca* Heinsius *glauca* mal-

let; sine causa. *Raucum os*, unde  
*rauca* vox venit, ut II Metam. 484,  
*rauca* guttur. Sonus autem *raucus*  
aquæ commotæ tribui solet, XI Met.  
783. Itaque et V Metam. 600, Al-  
phæus fluvius ore *rauco* loquitur. —  
Pro *sparsos* quidam *paucos*. quod  
Taubnerus usitatius judicat. Verum  
*sparsi* non paucos indicat, sed in  
pascuis errantes, non gregatim in-  
cedentes. Possis tamen *paucos* tueri  
ex I, 244 : *Hic, ubi nunc Roma est,*  
*incœdua silva virebat : Tantæque res*  
*paucis pascua bubus erat.* — *Quem*  
*nunc* etc. II Metam. 259 : « Cuique  
» fuit rerum promissa potentia, Ti-  
» bria. » Propter illam potentiam  
gentes *Tiberin norantque timebant-*  
*que*. Non erat, cur Heinsius ali-  
quando *Tyberinum horrentque timent-*  
*que* mallet.

643. De *Evandri* adventu I, 471  
sq. — *Torquere*, alibi *verberare*. — De  
nomine *Albula* II, 389. — Pro *si me-*  
*mini*, unus *sic memini*, quod Taub-  
nero probabilius videbatur, quia res  
certa. Verum *si* non semper dubi-

Excipit hospitio juvenem Pallantius heros :

Et tandem Caco debita pœna venit.

Victor abit, secumque boves, Erytheida prædam,

Abstrahit : at comites longius ire negant.

650

Magnaque pars horum desertis venerat Argis :

Montibus his ponunt spemque Laremque suum.

Sæpe tamen patriæ dulci tanguntur amore ;

Atque aliquis moriens hoc breve mandat opus :

Mittite me Tiberi ; Tiberinis vectus ut undis

655

Litus ad Inachium pulvis inanis eam.

tantis est, sed etiam quandoquidem notat.—*Pallantius heros* supra vers. 97, *Nonacrius heros* vocatur. — De *Caco* ejusque pœna I, 551 sqq. — *Venire* et mali dicuntur quæ nobis accidunt, et bona, quæ contingunt; Phædrus, I, fab. II, 31 : *majus ne veniat malum*. Et apud Ciceronem Verres hæreditatem *sibi venisse* putabat. — *Erytheides* boves etiam I, 543. Hoc loco Turnebus, XIX, Adv. 17, legi vult : *boves Erithyidas ultor Abstrahit*; atque ita Vaticanus et duo alii.

651. Olim edebatur *desertis mansit in agris*; male. *Argis* venisse Herculis socios, et quosdam eorum mansisse in Italia, et aliunde constat. Hinc apud Virgil. *Æneid.* X, 779, Antores, Herculis comes : « Qui » missus ab Argis hæserat Evandro, » atque Itala consederat urbe. » Itaque Heinsius non male *Argis* dedit, quum Ursini liber, primus Ambrosian. Mazarin. Zulichem. et tres alii *venerat agris* exhiberent. Ab *Argis* simulacra illa *Argei* dicta.—*Desertis*, scilicet a se, e copia poetica additum. Cæterum secundum Macrobius non sponte illi remanserunt, sed ab Hercule relictus sunt, vel irato, quod armentum non sa-

tis custodivissent, vel eo consilio, ut aram suam ab incursionibus tenerentur. — *Montibus* etc. « Quum a » latronibus infestarentur, occupato edito colle, Saturnios se nominarunt, quo ante nomine etiam » idem collis vocabatur; » Macrobius, I, 7. Idem, cap. 11, ex Epicado refert, Herculem ponte, qui post sublicius dictus, ad tempus instructo, hominum simulacra pro numero sociorum, quos casu peregrinationis amisisset, in fluvium dejecisse, ut aqua secunda in mare devecta pro corporibus defunctorum veluti patris sedibus redderentur.

653. Pro *tanguntur* Sarravianus *torquentur*, quod vero τῶν *dulci* non convenit : sed *tangi amore* elegans locutio. — Mox olim edebatur *Mittite me in Tiberim*. Quidam in non agnoscunt. Strozæ : *me Tiberis*; inde Heinsius fecit : *Mittite me Tiberi*, quia mox *Tibri jactatur imago*, et Virgil. *Æneid.* XI, *spolia conjiciunt igni*, in ignem. Eam lectionem Taubnerus, ut elegantem et suavem græcismum commendat. Bernensis, *me Tiberim*. — *Pulvis*, cinis corporis combusti; VIII Met. 496 : *Exiguus jacebimus pulvis*; Anacr. IV, 9 : ἀλεῖν κεισόμεσθα κόνας. Hora-

Displicet hæredi mandati cura sepulcri :

Mortuus Ausonia conditur hospes humo.

Scirpea pro domino Tiberi jactatur imago ,

Ut repetat graias per freta longa domos.

660

Hactenus : ut vivo subiit rorantia saxo

Antra ; leves cursum sustinuistis aquæ.

CLARE nepos Atlantis, ades ; quem montibus olim

Edidit arcadiis Pleias una Jovi ;

Pacis et armorum superis imisque deorum

665

Arbiter , alato qui pede carpis iter ,

Læte lyræ pulsu , nitida quoque læte palæstra ;

tius, IV, Od. VII, 16 : *Puleis et umbra sumus*. Neapolis verbis Scholiast. Lycophr. docet , solitos esse Græcos cineres amicorum extra patriam mortuorum arcis inclusos domum deportare. — *Sepultus* , quocumque modo conditus , etiam in aquam abjectus ; Cuperus in Observ. I, 7.

661. *Hactenus* locutus est Tiberis. — In foraminibus , unde fluvius exit , poetæ fingeant *antra* , in quibus dii fluviales habitarent. — *Rorare* dicuntur loca humida ; III Met. 177 : « intravit rorantia fontibus antra. » — *Vivum* , ut III Met. 159 : *pumex vivus* ; et V, 317 : *facta de vivo sedilia saxo*. — *Leves* , celeres. — *Ut* , non *et* , postulat series orationis.

663–693. *Idibus* Mercurio templum positum ; hinc ille dies mercatoribus inprimis festus. Præmittuntur Mercurii laudes ; sequuntur piamina et preces mercatorum.

*Clare nepos* etc. Expressit haud dubie Horatium , I, Od. x, initio : « Mercuri , facunde nepos Atlantis , » Qui feros cultus hominum recensum Voce formasti catus , et decore More palæstræ. Te canam » magni Jovis et deorum Nuntium ,

» curvæque lyræ parentem ; » tum in fine odarii : « superis deorum » Gratus et imis. » De virtutibus ejus confer vers. 103 et 447. Vide Bentleium ad dict. loc. cui displicebat hoc loco *una* Pleias , quia sponte intelligatur , non duabus matribus genitum esse Mercurium ; suadebat ergo *uda* , quia Pleiades passim poetis *agnosæ* , *madidæ* , *imbriferæ* dicuntur ; sed Burmannus ad Heroid. XV, 162 , docet *unam Pleiada* recte dici unam ex Pleiadi-bus. Et hoc loco incommode *uda* nobis Pleias exhiberetur. — *Montibus* , Cyllene monte.

666. *Arbiter* idem quod *interpres* , *μεσστής* ; is , per quem transigitur aliquid inter duos ; Lælius , II, 33 : « interpres arbiterque concordiae civium. » Mercurius pacis et armorum arbiter propter eloquentiam et prudentiam , qua excellit. Inde *Pacificus* in nummis vocatur. Vide Jani Excursum III, ad Horatium , Od. lib. 1. — De *lyra* ab eo inventa supra vers. 104. — *Nitida* vocatur palæstra et VI Metam. 241 ; et *uncta* Heroid. XI, 19 , quia luctantes oleo ungebantur. Francofurt. hoc loco *nuda*.



Quo didicit culte lingua favente loqui.

Templa tibi posuere patres spectantia circum

Idibus : ex illo est hæc tibi festa dies.

670

Te, quicumque suas profitetur vendere merces,

Ture dato, tribuas ut sibi lucra, rogat.

Est aqua Mercurii portæ vicina Capenæ :

Si juvat expertis credere, numen habet.

Huc venit incinctus tunicas mercator; et urna

675

Purus suffita, quam ferat, haurit aquam.

Uda fit hinc laurus : lauro sparguntur ab uda

Omnia, quæ dominos sunt habitura novos.

Spargit et ipse suos lauro rorante capillos;

Et peragit solita fallere voce preces.

680

Horatius d. l. *decora* maluit. *Palæstra* valebat ad corporis motus formandos roburque confirmandum. — *Lætus* poetis omnino, qui aliquid habet aut tractat. — *Culte*, facunde. — *Favente* Heinsius ex optimis MSS dedit; vulgo *docente*.

670. Anno u. c. 258, Idibus Maiis Mercurio ædesposita; quam, populo jubente, dedicavit M. Lætorius, primi pili centurio; Livius, II, 21 et 27; unde et apparet, eodem tempore collegium mercatorum esse institutum. Mercaturæ præerat Mercurius, quia illa multa ingenii solertia opus habet. Hinc in monumentis cum Fortuna jungitur, ancoram tenet, rostro navali insidet. Vide Jani dict. loc. — Pro *festa* Mazarin. Zulichem. Ursin. et alii *facta*; Heinsius conjicit *pacta*; multi *sacra*. Taubnerus non improbat *facta*, præsertim, si cum quatuor libris *tua* pro *tibi* legas. — De *aqua Mercurii* nihil apud alios auctores. — *Numen*, vis expiandi.

675. *Incinctus*, cinctus; Neapolis

monet, eum fuisse habitum mercatorum, ut e cingulo marsupium auri monetalis suspensum gestarent. — Vulgo *tunica*; Heinsius dedit *tunicas*, quia sic Mazarin. Zulichem. Læti, optimus Medic. primus Ambrosian. Vossian. et duo Farnesiani. *Tunicam* pro diversa lectione habet unus Moreti: quod nec ipsum Heinsius spernit. Sed plurale *tunicæ* sæpe de uno homine legitur, ut apud Plinium, II, Ep. xx, 10; IV, xvi, 2. — *Suffita* recepit Heinsius quia Ursini præstantissimus *suffitam*, optimus Medicus pro diversa lectione *suffitas*, alius *suffit aquam*. Antea *suffusa* edebatur. Est autem *suffita*, fumo, suffimine lustrata. De *suffimine* IV, 731; de *lauro* 728; de *voce rorare* ad vs. 778. — *Quæ dominos* etc. merces vendendæ.

680. Preces, quibus mercator nil nisi *perjuria* et *perfidiam* sibi condonari, et nova lucra dari petit. Quomodo tales preces *peractæ*, recitatae sint, ex Horatio, I, Epist. xvi, 58 intelligitur: « Quandocumque deos

Ablue præteriti perjuria temporis, inquit :

Ablue præterita perfida verba die.

Sive ego te feci testem, falsove citavi

Non audituri numina magna Jovis ;

Sive deum prudens alium divamve fefelli ;

685

Abstulerint celeres improba dicta Noti.

Et pereant veniente die perjuria nobis :

» vel porco, vel bove placat ; Jane  
» pater, clare ; clare quum dixit,  
» Apollo ; Labra movet metuens au-  
» diri ; pulchra Laverna, Da mihi  
» fallere, da justo sanctoque videri :  
» Noctem peccatis, et fraudibus ob-  
» jice nubem. » Hinc apparet quam  
mala fuerit mercatorum fama.— *Et  
peragit* ; olim edebatur *Incipit et*.  
Neapol. e multis etiam *dicere* pro  
*fallere* malebat. Sed *fallere* accom-  
modatius moribus, qui jam descri-  
buntur, et *peragere* verbum sollemne  
in hac re.— *Ablue*, condona, cum  
respectu ad purgationes.— *Præterita  
die*, præterito tempore, sive præte-  
riti temporis. Nescio, cur Burman-  
nus hæc ad vesperam tantum ejus  
diei referebat, quo mercator his sa-  
cris operatus sit. Neapolis e MSS  
quibusdam laudabat, *præterita fide*,  
ut intelligerentur verba ob fidem  
*præteritam*, neglectam, perfida :  
quod et ipsum Burmannus probat :  
quod vero mihi minus placet, quia  
*præterita* peccata hic urgentur ; et  
ad *venientem diem* mercator mox  
transit. Scaliger et Gruterus *præte-  
ritæ die*, id est, *diei*, scribi vole-  
bant. Heins. conjicit *præteritis deis*,  
id est, spretis, neglectis. Sane *præ-  
terire* ita dicitur, neque huic ratio-  
ni seqq. repugnant, ubi plures dii  
nominantur ; sed lib. MSS ei non  
favent. Schlichtenhorstius denique  
*præteren perfida verba die* legebat. —

*Citare testem* formula propria ; Pe-  
tronus, 2 : « Ne poetas quidem ad  
» testimonium citem. » Phædrus,  
I, fab. 17 : « lupus testis citatus. »  
Nam *citare* sensu primo est vocare.  
Ex interpretatione igitur fluxit alio-  
rum *vocari*.— *Falsove* ; duo *falsum-  
que*. — *Non audituri*, sperans eum  
non auditurum esse.—Olim *nomina*  
aut *numina vana* ; male. Tibullus,  
III, VI, 22 : « Qui timet irati ( Bac-  
» chi ) numina magna. » — *Prudens*,  
sciens, consulto. Terentius Eunuch.  
I, I, 27 : *sciens prudensque pereo*.  
Formula jurandi erat, *si sciens fal-  
lo*. Macrob. Saturn. I, 16 : « eum,  
» qui talibus diebus ( feriis ) impru-  
» dens aliquid egisset, porco piacu-  
» lum dare debere : prudentem ex-  
» piare non posse, Scævola ponti-  
» fex asseverabat. » — Res irritas  
venti *ferre*, *auferre* dicuntur, et quas  
quis ex animo ejicere vult, eas *tra-  
dit ventis* ; Horatius, I, Od. xxvi,  
2. De perjuriis amantum Tibullus,  
I, IV, 21 : « Veneris perjuria venti  
» Irrita per terras et freta summa  
» ferunt ; » III, VI, 49 : « perjuria  
» ridet amantum Jupiter, et ventos  
» irrita ferre jubet. »

687. *Pereant*, non puniantur. Sed  
Zulichem. Mazarin. Ursini, Vos-  
sianus, primus Farnesian. et decem  
alii *pateant*, id est, aditus mihi de-  
tur ad nova perjuria. Id Heinsio  
rectum videtur, ne poeta his idem

Nec curent Superi, si qua locutus ero.  
Da modo lucra mihi, da facto gaudia lucro :

Et face, ut emtori verba dedisse juvet. 690  
Talia Mercurius poscentem ridet ab alto,  
Se memor Ortygias surripuisse boves.

AT mihi pande, precor, tanto meliora petenti,

In Geminos ex quo tempore Phæbus eat?  
Quum totidem de mense dies superesse videbis; 695  
Quot sunt Herculei facta laboris, ait.

dixerit. At aditum ad perjuria non erat cur mercator a Mercurio peteret; quotidie enim ei patebat; sed culpam amoveri vult a se, quod est in voce *pereant*. Burmanno vero placebat, quod in Juniano et altero Puteano est, *perjuria noctis*, ut nec ipsa nocte fallere mercator desistat. Id vero mihi paulo argutius videtur. Eidem Burmanno etiam verbum *locutus* frigere videbatur; malebat igitur *jocatus*; illud enim genus hominum jusjurandum ut jocum habere. Immo ad *qua* repete *perjuria*. — Pro *face* multi *fac*. — *Poscentem*, precantem; Horatius, I, Od. xxxi, 1 : « Quid dedicatum poscit Apollinem Vates? » vulgo *poscentes*; sed de uno sermo est inde a vers. 675; optimus Patavin. Mazarin. et Zulichem. *poscenti*, quod Burmannus non facile rejecerit. Sic enim Virgil. Ecl. 4: *cui non risere parentes*. — Memor erat Mercurius, se *callidum*, *quidquid placuit*, *jocosum* *Condere furto*, Horatius, I, Od. x, 7, ubi hoc ipsum exemplum subjicitur de bubus Apollinis, quas *arte sua*, id est, calliditate qua excellibat, abegit. Res narratur II Met. 676 sqq. — *Ortygias*, Apollinis in insula Ortygia nati; vide ad I, Met. 694.

693-720. XIV Kalendas Junias sol

*in Geminos transit*. Ejus sideris origo narratur. Castor et Pollux, Tyndarei filii, quum Phæben et Hilairam, Lycippi filias rapuissent, Lynceo et Idæ, Apharei filiis, quibus virgines illæ desponsatæ erant, bellum moverunt, in quo Castor Lyncei ense trajectus, Lynceus Pollucis hasta transforatus, Idas Jovis fulmine necatus est. Pollux, quum Jupiter eum in cælum recipere vellet, rogavit, ut eum honorem partiri cum fratre sibi liceret; confer Pindar. Nem. X, 103 sqq; Theocritum, XXII, 137 sqq; Scholiast. ad illa loca; Lycoph. 546 sqq; Tzet. Chil. II, 48; Apollodorum, III, xi, 2; Hyginum, fab. 80, et Poet. Astron. II, 22. Hi variant in multis. — *At mihi* etc. Vers. 663, Mercurium rogaverat, ut sibi adesset. Eam appellationem oblitus erat in seqq; sed nunc ad eam redit, et rem discit a Mercurio. — *Tanto meliora* Burmannus explicat e formula laudandi *tanto melior*, de qua ipse ad Phædrum, III, v, 3. Comparantur nunc seqq cum precibus mercatorum, quæ antecedunt. Olim edebatur *multo meliora*. — Aut *facta laboris* sunt labores, aut *labor Herculeus* est Hercules ipse; sic Horatius, I, Od. III, 36: *Perrupit Acheronta Hercules labor*; eodem sensu



Dic, ego respondi, causam mihi sideris hujus.

Causam facundo prodidit ore deus :

Abstulerant raptas Phœben Phœbesque sororem

Tyndaridæ fratres, hic eques, ille pugil.

700

Bella parant, repetuntque suas et frater et Idas ;

Leucippo fieri pactus uterque gener.

His amor, ut repetant, illis, ut reddere nolint,

Suadet : et ex causa pugnat uterque pari.

Effugere OEbalidæ cursu potuere sequentes ;

705

Sed visum celeri vincere turpe fuga.

Liber ab arboribus locus est, apta area pugnæ.

Constiterant illic : nomen Aphidna loco.

Homerus, βίη Ἡρακλείη.—*Dic, ego.*  
Heins. malebat, *Dic age*, quia τὸ  
*ego*, a manu recentiore in Zuliche-  
miano erat, veteri lectione erasa.—  
Idem *prodidit* ex primo Ambrosian.  
Læti, et uno Patavino adoptavit,  
quum cæteri *reddidit* exhiberent ;  
Sarravianus *rettulit*.

699. *Phœbes soror* Elaira, Ilaira,  
Hilaira, Laira vocatur ab auctori-  
bus. Vera scriptura haud dubie est  
Ἰλάτεια. Lycippus, pater harum so-  
rorum erat frater Apharei Messenii,  
cujus filii Lynceus et Idas ; Apol-  
lodus, III, x, 3.—*Raptum* illum  
etiam Theocritus et Hygin. memo-  
rant ; sed Pindarus ob boves abactas  
pugnam ortam esse canit, quod lat-  
tius persequitur Apollodorus. Apud  
Schol. Pindari ad vers. 104, Tyn-  
daridæ inter ipsas epulas nuptiales,  
ad quas invitati erant, sponsas rapi-  
unt. — *Hic eques* etc. ex Homero  
II, Γ, 237, et Od. Α, 302 ; a quo  
alter ἱππόδαμος, alter πύξ ἀγαθός vo-  
catur. Auctor Cypriorum in Schol.  
Pindari ad vers. 144 : Κάτορά δ' ἱπ-  
πόδαμον, καὶ ἀειλόφωρον Πελοπίωνα. Ho-  
rat. I, Od. XII, 23 : « Hunc equis,

» illum superare pugnis Nobilem. »  
Illum ἱππόδαμον Apollodorus inter-  
pretatur, ἕσκει τὸ κατὰ πόλεμον.

705. *OEbalidæ*, Tyndaridæ, OEbali  
nepotes. Pugna autem eorum cum  
Apharei filius varie tradita. Secun-  
dum Pindarum, vs. 117, Lynceus  
Dioscuros videt in trunco quercus  
(δρυὸς ἐν στελέχει) latentes, visu  
enim maxime valebat. Hinc decur-  
rit ex monte et Castora interficit.  
Ea cæde commotus Pollux proruit  
e quercu atque Aphareidas perse-  
quitur. Hi restiterunt ad sepulcrum  
patris Apharei, atque inde saxum  
raptum pectori Pollucis injecerunt.  
Tum Pollux hasta trajecit Lyncei  
latera, Jupiter autem Idam fulmine  
feriit. Similiter fere auctor Cyprio-  
rum, et Apollodorus. Ad tumulum  
Apharei prælium esse commissum,  
etiam Theocritus tradit. Nostro area  
pugnæ fuit prope *Aphidnam*, urbem  
Laconiæ, unde Phœbe et Hilaira  
erant. Stephanus : Ἀρίδνα ὄνομα Ἀτ-  
τικῆς. Ἔστι καὶ τῆς Λακωνικῆς, ὅθεν  
ἦσαν αἱ Διοσκουρίδες Φοίβη καὶ Ἰλάτεια.  
Hyginus, Poet. Astron. II, 22, ha-  
bet in oppido Ariadnis ; sed et ibi

Pectora trajectus Lynceo Castor ab ense ,

Non expectato vulnere pressit humum.

710

Ultor adest Pollux ; et Lyncea perforat hasta ,

Qua cervix humeros continuata premit.

Ibat in hunc Idas , vixque est Jovis igne repulsus :

Tela tamen dextræ fulmine rapta negat.

Jamque tibi cælum , Pollux , sublime patebat ;

715

Quum , Mea , dixisti , percipe verba , Pater.

Quod mihi das uni , cælum partire duobus :

Dimidium toto munere majus erit.

*Aphidnis* legendum. Hoc loco autem non nisi unus Zulichemianus hoc nomen servavit ; nam cæteri : *Constiterant illo nomina fida loco.* — A *Lynceo* *Castora* esse interfectum plurimi tradunt. Apud Theocritum vero *Lynceus* cadit *Castoris* ense trajectus. In voc. *Lynceo* notanda syllaba secunda , quæ hoc versu longa , et brevis vers. 711.

712. *Premi* habent meliores ; vulgo *tegit*. *Premere* bene de confinio ; IV Met. 635 : *humum vicinia nulla premebat*. Apud Pindar. ἤλασε Λυγκίος ἐν πλειραῖσι χαλκόν. Tum insequitur *Idam* , a quo , Apollodoro auctore , lapide ita percussus est , ut oculorum caligo oboriretur : Βληθείς πέτρα κατὰ τῆς κεφαλῆς , πίπτει σκοτωθείς. Sed Jupiter Polluci opem tulit. Ζεὺς δ' ἐπ' Ἴδῳ πυρφόρον Πλάξῃ ψολόεντα κεραινόσιν Pindarus. Apud eundem Pollux rogat Jovem , ut se interficiat , quia nolit esse sine socio laborum. Jupiter unum Pollucem agnoscit filium suum , fratrem natum esse e Tyndareo. Tum optionem ei dat , utrum solus velit in cælo habitare , an sortem partiri cum fratre , ut dimidium tempus sit sub terra , dimidium in cælo. Pollux posterius præfert. Ita alterum diem cum Jove

in olympo , alterum in sepulcro ad Therapnas exigunt. Sed apud Homerum , Od. A , 302 , vivunt uterque sub terra , habentque hoc a Jove , ut per vices diem supra terram exigant , et divino honore fruantur. De dissensu veterum super hac re , quo alii statuunt , alternis alterum in inferis , alterum cælo esse , alii , utrumque simul alio die apud inferos , alio apud superos esse , vide Hemsterhus. ad Lucianum , Dialog. Deorum , tom. II , pag. 88 , edit. Bipont. Nostro diebus alternis stationem cæli inferorumque inter se mutant. Eustathius ad Homeri dictum locum fabulam transfert ad sidus Geminorum , qui , dum sunt sub terra , videntur mortui esse , dum oriuntur , vivunt. Aliter Macrobius , I , Saturn. 21 : « Gemini , » qui alternis mortibus vivere creduntur , quid aliud , nisi solem » unum eundemque significant , » modo descendentem in ima mundi , modo mundi in summam altitudinem resurgentem. » — Pro munere Bern. numine. de quo Burm. cogitandum putat ; sed munus sæpe de relatione inter deos. Etiam apud Hyginum , fab. 80 , Pollux rogat , ut sibi liceat munus suum cum fratre

Dixit ; et alterna fratrem statione redemit :

Utile sollicitæ sidus uterque rati.

720

Ad Janum redeat , qui quærit Agonia quid sint :

Quæ tamen in Fastis hoc quoque tempus habent.

Nocte sequente diem canis Erigoneius exit ;

Est alio signi reddita causa loco.

PROXIMA Vulcani lux es ; Tubilustria dicunt :

725

Lustrantur puræ , quas facit ille , tubæ.

QUATUOR inde notis locus est ; quibus ordine lectis ,

Vel mos sacrorum , vel Fuga regis inest.

NEC te prætereo , populi Fortuna potentis

Publica , cui templum luce sequente datum.

730

communicare.—*Alterna statione redemit*, impetravit, ut, quoties ipse ad inferos descendisset, frater inter ea cælesti honore frueretur. Etiam Virgil. *Æneid.* VI, 121 : « Si fratrem Pollux alterna morte redemit ; » quem locum Noster expressit. Male alii *recepit*.—*Mox uterque pro utrumque* habent Zulichem. primus Farnesian. et nonnulli alii. — *Utile sollicitæ rati* ; vim hujus sideris egregie notavit Horatius, I, Od. XII, 27 : « quorum simul alba » nautis Stella refulsit, Desluit saxis » agitated humor, Concidunt ventis, » fugiuntque nubes ; Et minax, » nam sic voluere, ponto Unda recumbit. » Erant enim gemini salutaria nautis numina, ἀρωγοναῦται οὐκίμοις.

721. *Agonia* iterantur, de quibus I, 317 sqq. — De *Cane Erigoneio* ad IV, 936 ; oritur X Kalend.

725. *Tubilustria* IX Kalend. Lustrabantur tubæ etiam X Kalend. Aprilis ; vid. III, 849. Varro : « Tubilustrium appellatur, quod eo die » in atrio sutorio sacrorum tubæ » lustrantur. » Sic ferme et Festus.

Olim edebatur *quam Lustria*. Ursini liber, tum Zulichem. Mazarin. optimus Patavinus, Helmst. et tres alii, *lux est, Ubilustria* ; sed optimus Medicus *Tabilustria*, quod et Scaliger suavit. Heinsius præterea *est in es* mutavit ; bene.—*Puræ tubæ*, tubæ sacrorum ; nisi malis, tubæ, ut sint puræ.

727. *Notæ* et literæ dicuntur, unde *notare* aut *enotare*, scribere. Vide ad Plinium, I, Epistol. VI, 1, et compendia vocum, a quibus *notarii* nomen habent. In kalendario antiquo legebantur notæ hæ, Q. R. C. F. quæ dupliciter legi poterant, vel, quando rex comitiavit fas ; vel, quando rex comitio fugit. Sermo autem est de rege sacrorum, cui non nisi hoc die comitium in foro adire licebat sacrorum causa, sacrisque peractis illico se inde proripiebat. Plutarchus, *Quæst. Rom.* p. 128, Reisk. Ἐστὶ γοῦν τις ἐν ἀγορῇ θυσία πρὸς τῷ λεγομένῳ Κομητίῳ πάντες, ἢ θύσας ὁ βασιλεὺς, κατὰ τάχος ἀπέρχεται ἐκ ἀγορᾶς.

729. De *Fortuna publica* dictum ad IV, 375. Aquila vesperi oritur.



Hanc ubi dives aquis acceperit Amphitrite,  
Grata Jovi fulvæ rostra videbis avis.  
Auferat ex oculis veniens Aurora Booten;  
Continuaque die sidus Hyantis erit.

— Pro *aquis* Heinsius *aquæ* legi vult. — Multi MSS *Amphitrites*. Ita et Regii codices, ut et tres alii nostri, *Metamorph. I, 14. Ed.*

733. VII Kalendas *Bootes* heliace fertur in occasum; et VI Kalend. *Hyadum*, de quibus vers. 164, ortus heliacus.

# LIBRI SEXTI

## ARGUMENTUM.

De nomine Junii tres sententiæ, 1-100. De Carna dea, ejus vi et sacris, 101-182. Templum Junonis Monetæ; Manlii supplicium, 183-190. Martis ædes ante portam Capenam; Tempestatis delubrum; Aquilæ ortus, 191-196. Hyades oriuntur, 197 et 198. Bellonæ templum; obiter aliquid de Appio, 199-208. Herculis Custodis templum in circo Flaminio, 209-212. De Sanco, Fidio aut Semone patre, Sabinorum deo, 213-218. Prior Junii pars nuptiis infausta, 219-234. Arctophylax occidit; Piscatorum ludi in Campo, 235-240. Mentis ædes, 241-248. Vestalia et multa, quæ ad Vestam ejusque cultum pertinent, quibus et de Sileni asello Priapique libidine fabella, et sphæræ Archimedis descriptio, et origo aræ, quæ Jovi Pistori posita, et Palladii historia intexta est, 249-460. Cal-laici cognomen Bruto inditum; Crassus devictus a Parthis, 461-468. Delphini ortus, 469-472. Matutæ (Græcis Leucothees, in quam Ino mutata, ut Melicertes in Palæmona aut Portunum) templum, et Matralia in ejus honorem, 473-562. Rutilius et Didius ceciderunt in prælio, 563-568. Fortunæ templum a Servio positum; Servii et interitus per Tanaquilem, et origo miraculosa, 569-636. Templum Concordiæ a Livia dedicatum, 637-648. Jovis ædes et Quinquatrus minores; tibicinum romanorum discessus et reditus; tibiæ inventio et Marsyæ supplicium, 650-710. Hyadum ortus; Vestæ templum purgatur, 711-714. Favonii ortus, 715 et 716. Orionis ortus; Postumii Tuberti triumphus de Volscis et Æquis, 715-724. Solis transitus in Cancrum; Palladis Aventinæ cultus, 725-728. Summani templum, 729-732. Ophiuchi ortus; Hippolyti fata, 733-762. C. Flaminius ad lacum Trasimenum cecidit, 763-768. Syphax victus et Hasdrubal occisus, 769 et 770. Sacra Fortunæ Fortis et de Servio rege quædam, 771-784. Orionis ortus, 785-790. Larium et Jovis Statoris ædes, 791-794. Quirini templum, 795 et 796. Ædes Herculis Musarum; Marcie laudes, 797-812.

PUBLII OVIDII NASONIS  
FASTORUM  
LIBER SEXTUS.

---

HIC quoque mensis habet dubias in nomine causas :

Quæ placeant , positis omnibus , ipse leges.

Facta canam : sed erunt qui me finxisse loquantur ,

Nullaque mortali numina visa putent.

Est deus in nobis : agitante calescimus illo ;

5

Impetus hic sacræ semina mentis habet.

1-100. Quæstio de origine nominis quod huic mense inditum ; vide I, 41. *Juvenum* de nomine eum dictum pronuntiaverat ; sed nunc e variis sententiis , quas Macrobius , I, Saturn. 12 , habet , tres pluribus exposuit , et ita , ut rem tenuissimam figmento poetico exornaret , fere ut IV initio. Drama fecit e quæstione grammatica : namque poetam in nemore meditantem tres deæ adeunt , e quibus *Juno* suam causam agit 21-64 ; *Hebe* alteram sententiam patrocinio suo defendit 65-88 ; *Concordia* tertiam 91-96 : quarum reverentia tactus poeta nihil decernit 97-100.

*Habet... causas.* Variæ causæ nominis adferuntur , de quibus dubitare et disputare licet. Novem MSS de nomine ; duo , sub nomine. — *Ipsæ leges* , ipse tibi eligas. — *Quæ placeant* , quæ tuearis. — *Ponunt* , qui

adferunt in disputatione id quod valet ad rem dijudicandam ; vide Ernest. Clav. Cic. hac voce. — *Facta* , adventum et disputationes dearum , opponit conjecturis ; duo *vera* , totidem *acta* , ut III , 370 : *acta loquor*. *Facta* autem et alibi mutatum est a librariis , ut III , 262.

5. Poetæ sunt *ἑβόται* , pleni deo ; III ex Ponto , rv, 93 : « deus est in » pectore nostro, Hæc duce præ- » dico vaticinorque deo. » Confer Art. Amat. 549. Deus autem ille se ostendit *calore* ( II Met. 641 ) aut *impetu* (supra I, 23) , entusiasmo , furore poetico. — *Hic* ; Burmannus cui Taubnerus assentitur , elegantius putat , quod unus Moreti habet , *hinc* , hinc fit , ut in illo calore sint semina sacra mentis. Sed et *hic* bene se habet , hic impetus indicat partem divinæ mentis nobis inesse ; I Metam. 80 , de creatione hominis :



Fas mihi præcipue vultus vidisse deorum ,  
 Vel quia sum vates , vel quia sacra cano.  
 Est nemus arboribus densum , secretus ab omni  
 Voce locus , si non obstreperetur aquis.  
 Hic ego quærebam , cæpti quæ mensis origo  
 Esset , et in cura nominis hujus eram.  
 Ecce deas vidi , non quas præceptor arandi  
 Viderat , Ascræas quum sequeretur oves ;  
 Nec quas Priamides in aquosæ vallibus Idæ

10

15

terra recens « seductaque nuper ab » alto Æthere cognati retinebat se- » mina cæli. » — Pro *deorum* Taubn. e Bernensi malit *dearum*, quia mox *deæ* prodeunt; sed Ovidius nunc generaliter loquitur. *Vultus deorum*, deos. — *Vel...vel*, partim, partim.

9. In nemore secreto, quale amant meditabundi, cogitat de nomine mensis. — *Voce*, sono. — Quoniam Strozæ liber non *aquis* habeat, sed *avis*, propterea Heinsius præferat, *obstreperetis aves*; Burmannus *obstreperetur avi*, idque laudat Taubnerus. Equidem arbitror, Ovidium ipsam avium vocem, quæ in nemoribus densis et secretis fere solæ strepunt, excludere voluisse. *Obstreperere* autem etiam de aquis et foliis arborum murmurantibus; Propertius, IV, 14, 4: « multaque nativis » obstrepat arbor aquis. » Horatius, Epod. II, 21: *Fontesque* ( nisi cum Markl. *frondesque* malis ) *lymphis obstrepunt manantibus*. — *In cura eram*, de eo cogitabam. Non bene Krebsius: *Ich war in Kammer*. Infra vers. 251, *in prece eram*.

13. Deas vidi, non Musas, quæ plerumque poetis adsunt; sed hoc docte variavit. — *Præceptor arandi*, Hesiodus propter carmen, quod

de Operibus et Diebus inscribitur. Etiam Propertius, II, xxv, 77: « Tu canis Ascræi veteris præcepta » poetæ » etc. Quum dicit *Ascræas quum sequeretur oves*, respicit Theog. 22, ubi Musæ nominantur, quæ olim Hesiodum egregium carmen docuerunt, agnos pascentem Helicone sub divino: ἄρνας ποιμαίνοντ' ἑλκῶνας ὑπὸ ζαήϊοιο. Eadem verba respexit etiam Art. Amat. I, 27: « Nec » mihi sunt visæ Clio Clisque so- » rores, Servanti pecudes vallibus, » Ascra, tuis. » Fuit autem *Ascra* vicus Bæotiæ, ubi Hesiodus, Cumis relictis, cum patre et Persa fratre vixit, agro colendo pecoribusque habendis operam dans.

15. Erant tres deæ, quæ coram Ovidio causam agebant, ut totidem quondam coram Paride egerant, atque ex his iisdem una et nunc aderat. Juno enim, Minerva et Venus, quum in convivio Thetidis et Pelei nuptiali, immisso ab Eride pomo, de forma concertarent, a Mercurio, jubente Jove, in *Idam* montem deductæ sunt ad Paridem, *Priami* filium, qui eas conferret, et inde de pulchritudine earum pronuntiaret; Hyginus, fabul. 92; Lucianus deorum Judic. tom. II, p. 20. Secundum hunc, iudicium latum est in

Contulit ; ex illis sed tamen una fuit :

Ex illis fuit una, sui germana mariti :

Hæc erat, agnovi, quæ stat in arce Jovis.

Horrueram, tacitoque animum pallore fatebar :

Quum dea, quos fecit, sustulit ipsa metus ;

20

Namque ait : O vates, romani conditor anni,

Ause per exiguos magna referre modos ;

Gargaro, Idæ vertice. Sed Noster secutus est Euripid. Iphig. Aulid. 1294, ubi locus sic describitur : ad aquas limpidas, ubi fontes Nympharum et pratium floridum. Quamquam idem Hel. 23, Idæum specum, Ἰδαίου περὶ μῶνα, et Androm. 274, Idæum nemus, Ἰδαίου νεύου, memorat. Locum illum inde Alexandriam dictum esse, Strabo et ex eo Stephanus Byzantinus atque alii narrarunt ; vide Hemsterh. ad Luciani dictum locum. Cæterum *contulit* Lenzius explicat, quæ se simul contulerunt ad Paridem. Immo iudicium Paridis per antecedens h. v. exprimitur. Qui iudicare vult, is ante *conferre* res, inter se comparare, debet. — De *Ida aquosa* vide ad II Metam. 218. — Pro *Nec quas* duo Farnesiani *Non quas*. — *Quæ stat*, similis statuæ in Capitolio collocatæ. — *Horror* ille sacer intelligendus qui et II, 502, III, 331 ; et describitur I, 92. — *Animum* nempe timidum, abjectum. — *Fateri* dicitur et is, qui inscius et invitus signis quibusdam animi motus prodit ; VI Met. 35 : *confessaque vultibus iram*. Ingeniose additum *tacito pallore*. Cæterum Ovidius in hoc opere jam satis ad sueverat numinibus videndis.

21. Oratio Junonis ; tuetur Cingii sententiam. Macrobius Saturn. I, 12 : « Junius Maium sequitur, » aut ex parte populi nominatus,

» aut, ut Cingius arbitratur, quod » Junonius apud Latinos ante vocatus, diuque apud Aricinos Prænestinosque hac appellatione in » Fastos relatus sit : adeo, ut, sicut » Nisus in commentariis Fastorum » dicit, apud majores quoque nostros hæc appellatio mensis diu » manserit, sed post, detritis quibusdam literis, ex Junonio Junius » dictus sit ; nam et ædes Junoni » Monetæ Kalendis Juniis dedicata » est. » Sic historici et grammatici. Sed Junoni causa aliter agenda, pluribusque argumentis pugnandum erat. Nobilitatem suam jactat, honores alios sibi habitos, inprimisque merita sua in populum romanum. Tota oratio Junonis mores bene exprimit. — *Condere* omnino ordinare, constituere ; Livius, I, 42, « Conditor omnis in civitate criminis ; » III, 58 : « Conditor » romani juris. » Itaque *conditores anni romani* proprie Romulus, Numa, Jul. Cæsar, qui annum ejusque tempora constituerunt. Sed nunc poeta sic dicitur, qui annum dispositum aut digestum carmine persequitur. — *Romani anni* ; unus Vaticanus *operosi anni*, quod Burmannus comparat cum I, 101 ; III, 177, ubi *vates operose dierum* ; sed aliud est *vates operosus*, aliud *annus*. — *Exigui modi* sunt elegi ; vide II, 3-8, unde et patet, quæ *audacia* sit

Jus tibi fecisti numen cæleste videndi,

Quum placuit numeris condere festa tuis.

Ne tamen ignores, vulgique errore traharis;

25

Junius a nostro nomine nomen habet.

Est aliquid nupsisse Jovi, Jovis esse sororem;

Fratre magis dubito gloriæ, annæ viro.

Si genus adspicitur, Saturnum prima parentem

Feci; Saturni sors ego prima fui.

30

A patre dicta meo quondam Saturnia Roma est;

Hæc illi a cælo proxima terra fuit.

in hoc. *Mæx numeri* vocantur; Horatius, Art. Poet. 211: « Accessit » numerisque modisque licentia major. » Differunt hæc duo sic, ut *numeri* cernantur in rhythmī alternatione, in ordine longorum et brevium temporum, *modi* autem melos vocis elevatæ et depressæ complectantur; vid. Vossius de Cantu et viribus rhythmī, p. 24. Itaque Krebsius alterum nunc vertit *Weise*, alterum *Tact*. Sed quoniam omnis pes est numerus, propterea *numeri* et pedes dicuntur atque omnino metrum; Cicero, Orator. 57, *dactylicus numerus*. Et quoniam poetæ passim musicorum vocabula ad se transferunt et carmina sua, etiam *modi* in eundem sensum capi possunt. — *Festa tuis*; unus Farnesian. et Mediceus *Jovis*; inde Burmann. *novis* conjicit, quia *novus* in Ovidii codd. cum *tuus* et *suus* permutatum sit. Sit ita; tamen hoc loco non factum est, nam in *novitate* numerorum causa est nulla, cur poeta jus sibi fecerit numina videndi.

27. Argumentum primum a nobilitate petitum. — Pro *adspicitur* Læli cod. *arguitur*; Burmannus malit *inspicitur*, ut vers. 61. Equidem nullam mutandi causam video; *ad-*

*spicere* sæpe de eo, qui spectat aliquid, ut eo moveatur, eo motus aliquid faciat credatve; Heroid. VII, 42: « Adspice, ut eversas concitet Euræ aquas; » I Amor. II, 51: « Adspice cognati felicia Cæsaris arma; » V Met. 190: « Adspice nostræ primordia gentis. » — *Sors*, quod sorte datur; tum omnino, quod alicui contingit; IV Trist. V, 1: « O mihi dilectos inter sors prima sodales. » Inde et prolem significat et sexum. IX Met. 675, *altera sors*, proles alterius sexus. Prima autem sors Saturni non Juno fuit, sed Vesta. Homer. hymn. Vener. 22, Ἰστὶν, ἣν ἀπὸ τῶν τέκτων Κρόνος; Hesiod. Theog. 454; Apollod. I, 1, 3: sed Noster etiam vers. 285 dissentit. — *Saturnia*; ante Herculis adventum mons Capitolinus Saturno sacer et *Saturnius* dictus; Dionysius, I, 34. Etiam urbem *Saturniam* ibi fuisse Varro tradit: « Antiquum oppidum in hoc » (monte Capitolino) fuisse *Saturniam* scribitur. Ejus vestigia etiam » nunc manent tria, quod Saturni » fanum in faucibus: quod Saturni » porta, quam nunc vocant Panda- » nam: quod post ædem Saturni in » ædificiorum legibus parietes poetici muri sunt scripti. » — *A cælo*



Si torus in pretio est, dicor matrona Tonantis;

Junctaque Tarpeio sunt mea templa Jovi.

An potuit Maio pellex dare nomina mensei?

35

Hic honor in nobis invidiosus erit?

Cur igitur Regina vocor Princepsque dearum?

Aurea cur dextræ sceptrâ dedere meæ?

An faciant mensem luces, Lucinaque ab illis

Dicar, et a nullo nomina mense traham?

40

Tunc me pœniteat posuisse fideliter iras

*proxima*, e cælo pulsus fugit in Latium; confer I, 233.

33. *In pretio est*, dignitatem adfert.—*Tonantis* maluit, quam Jovis, quia illud notionem majestatis summæ involvit.—*Matrona*, conjux; sed illud sonantius et dignius; etiam II Metam. 465: « Matrona magni Tonantis. » — *Dicor* recte receptum e duobus Putean. et Excerpt. Douzæ; cæteri dicar. — *Juncta templa*; in templo Capitolino tria delubra; medium Jovis, lævum Junonis; nec longe aberat aëdes Junonis Monetæ, de qua I, 638. — Huic argumento vim addit, dum se matronam comparat cum *pellice*. Similiter argumentatur apud Virgilium, *Æneid.* I, 39: « Pallasne exurere classem » Argivum, atque ipsos potuit submergere ponto. . . Ast ego, quæ » divum incedo regina, Jovisque » Et soror et conjux » etc. — *Invidetur* et ei, cui aliquid non conceditur; Horatius, I, Satyr. vi, 84: « neque ille Sepositi ciceris, nec » longæ invidit avenæ, » largiter dedit; Art. Poet. 55: *ego cur invidetur*, cur id mihi non conceditur? Vide ad Plinium, II, Epist. x, 2.

37. Hac dignitate passim gloriatur Juno. — *Juno Regina* a Camillo dictatore Veiis transvecta erat Ro-

mam; Livius, V, 21. *Reginæ* notionem exornat, dum *sceptrâ* memorat *aurea*. — *An faciant mensem* etc. quum ego a *lucibus*, diebus, quæ mensem faciunt, nomen *Lucinæ* habeam, cur non et a mense nomen traham? Frustra hic hæsit Burmannus, quia et anni lucibus, sive diebus constant; quum igitur unus Moreti *An faciam pueris lucem*, quidam *menses* præferant, de illo amplius cogitandum, et in hoc latere aliquid de gravidis putat, quæ, exactis mensibus, *Lucina* favente pariant. Sed Ovid. consilii sui oblitus parum accurate scripsit. Juno enim non a mense nomen habere, sed mensi nomen dedisse vult. Taubnerus ad hypallagen confugit. Etiam *Lucinæ* nominis varix causæ adferebantur, quum alii a *luce*, quam nascentibus dat, alii a *luco* derivarent; II, 449.—*Faciant* Heinsius ex primo Ambrosiano et octo aliis recepit; vulgo *facient*, multi *faciunt*.

41. Merita Junonis in Romanos, quum odium in *Æneæ* posteros conceptum posuisset, urbesque sibi carissimas subijci Romanis passa esset. — *Tunc*; Mitscherlich. *tum*. — *Iras posuit* secundum Horatium, III, Od. III, 17, mortuo Romulo; se-

In genus Electræ, Dardaniamque domum.  
Causa duplex iræ : raptō Ganymede dolebam ;

Forma quoque Idæo iudice victa mea est.  
Pæniteat, quod non foveo Carthaginis arces ;

45

Quum mea sint illo currus et arma loco :  
Pæniteat Sparten, Argosque, measque Mycenæ,

Et veterem Latio supposuisse Samon :  
Adde senem Tatium, Junonicolasque Faliscos,

Quos ego Romanis succubuisse tuli.

50

Sed neque pæniteat ; nec gens mihi carior ulla est :

Hic colar, hic teneam cum Jove templa meo.  
Ipse mihi Mavors ; Commendo mœnia, dixit,

cundum Virgil. *Æneid.* XII, 791, *Ænea* adhuc vivo. — De genere *Electræ* et *Dardania* domo, unde Romani per *Æneam*, IV, 31. — *Duplex* hæc *iræ causa*, nempe *judicium Paridis*, et *rapti Ganymedis honores*, etiam *Æneid.* I, 27, memoratur. *Ganymedem*, *Trois* filium, longe pulcherrimum inter mortales, ob ipsam pulchritudinem dii in cælum rapuere, ut *Jovi* esset pocillator ; *Homerus*, II, Y, 233. Non mirum, eo raptu *Junonem* doluisse ; displicuit etiam *Cicer.* *Tusc.* I, 26.

45. Virgil. *Æneid.* I, 15 : *Quam* ( *Carthaginem* ) *Juno fertur terris magis omnibus unam Posthabita coluisse Samo.* *Hic illius arma, hic currus fuit.* Hoc de curru fictum e moribus antiquorum heroum, qui currus suos, finito bello, certo loco reponebant. Deorum currus iis locis servari dicebantur, ubi ipsi summa religione coli solebant. *Junonis* currus ab *Homero* II, E, 720 sqq, memoratur. Etiam *arma* *Junoni* tribuebantur, inprimis *hasta* ; unde *Juno* *Curitis* apud *Sabinos*. Vide *Heynium* ad Virgil. dicto loco. —

*Foveo* *Heinsius* ex melioribus recepit ; *Farnesian.* prim. *foveam* : olim *fovi*, quod *Taubnerus* tuetur, quia *Carthago* illo tempore jam deleta ; sed ita nec *sint* sequi deberet. De re præterita, ut de præsenti, poeta locutus est. — *Sparten* etc. Etiam alibi, ut VI *Met.* 414, et jam apud *Homer.* hæc tres urbes sic junguntur, quippe *Junoni* inprimis caræ. — De templo *Junonis Samiæ* vide *Herodotum*, III, 60. — *Supposuisse*, subjecisse potestati Romanorum ; I, 306 ; IV *Trist.* VIII, 48 : « Nil ita » sublime est, ut non sit suppositum deo ; » pro eo mox est *succubuisse tuli* : non bene igitur *Krebsius* vertit : *dass ich nachsetze*.

49. *Juno* *Curis* dea præcipua Sabinorum ; itaque *Tatius*, quum *Sabinus* se junxissent Romanis, eidem in omnibus curiis mensas dedicavit, quæ *Augusti* adhuc tempore exstabant ; *Dionysius Halic.* II, 50. — *Falerios* in *Faliscis* olim *Argivi* mi-graverant. Ibi igitur templum *Junonis* ad similitudinem *argivi* positum in eoque sacra fiebant *argivo* ritu ; *Dionysius*, I, 21. — *Mavortii*

Hæc tibi; tu pollens urbe nepotis eris.

Dicta fides sequitur; centum celebramur in aris: 55

Nec levior quovis est mihi mensis honor.

Nec tamen hunc nobis tantummodo præstat honorem

Roma; suburbani dant mihi munus idem.

Inspice quos habeat nemoralis Aricia Fastos,

Et populus Laurens, Lanuviumque meum; 60

Est illic mensis Junonius: inspicere Tibur,

Et Prænestinæ mœnia sacra deæ;

Junonale leges tempus: nec Romulus illas

Condidit; at nostri Roma nepotis erat.

Finierat Juno; respeximus: Herculis uxor 65

Stabat, et in vultu signa dolentis erant:

Non ego, si toto mater me cedere cælo

etiam apud Horatium, III, Od. III, 30, graves iras in Æneadas redonasse dicitur. — *Dicta fides sequitur* etiam I, 319; III Metam. 527; et *vota fides sequitur* VIII, 711, quibus indicatur, factum esse, quod quis vel promiserat, vel optaverat. Ergo non debebat verti: *den Wörtern folgt Treue*; melius interp. gallicus: *Il m'a tenu parole, et les effets suivirent*. — *Centum* omnino multis. — *Mensis honor*, ut alibi *cæli* aut *templorum honor*.

57. Etiam vicini populi Junium mensem habent; quo argumento et alii usi sunt: vide ad versum 21. — Zulichem. et unus Patavin. *præstat* malebant. — *Suburbani* omnino non longe remoti ab urbe; vs. 723, *suburbanus triumphus* de Volscis. Quæ sequuntur oppida, omnia Latii erant. *Aricia* sub Albano monte; in ejus nemore culta Diana; III, 263: densæ ejus silvæ etiam XV Met. 488, memorantur. — *Laurenti* oppidi incolæ et *Laurentes* et *Laurentini* di-

cebantur; vide Cortium ad Plin. II, Epist. XVII, initio. — *Lanuvium* cultu Junonis sospitæ celebre. Ædes ejus et lucus communis erat Lanuvinis ac Romanis. — *Tibur* ad Anienem amnem. — *Prænestina dea* est Fortuna Prænestina, cujus templum pulcherrimum. — *Fastos* autem aliorum populorum Ovid. etiam III, 87, memorat. — *Lanuvium*, non *Lavinium* esse legendum vel metri causa, jam vidit Scaliger; accessit MSS nonnullorum auctoritas. — Pro *meum* Ursini cod. *nemus*, quod Heinsio placet, quia ibi ingens Junonis lucus, de quo Drakenb. ad Silium VIII, 282. — *Junonale* Neapolis ex edit. antiqua dedit, quum cæteri *Junonisque* exhibeant.

65-60. Hebe, Jovis et Junonis filia, Herculi nupta, Juventutis dea, prodit, atque Romulum *juvenum* nomen huic mensi indidisse contendit. Fuerat hæc sententia Fulvii nobilioris; Macrobi. I, Saturn. 12: « Fulvius nobilior in Fastis Romu-



Jusserit, invita matre morabor, ait.

Nunc quoque non luctor de nomine temporis hujus :

Blandior, et partes pæne rogantis ago ;

70

Remque mei juris malim tenuisse precando :

Et faveas causæ forsitan ipse meæ.

Aurea possedit socio Capitolia templo

Mater ; et, ut debet, cum Jove summa tenet.

At decus omne mihi contingit origine mensis ;

75

Unicus est, de quo sollicitamur, honor.

Quid grave, si titulum mensis, Romane, dedistis

» lum dicit, postquam populum in  
» majores minoresque divisit, ut  
» altera armis rempublicam tuere—  
» tur, in honorem utriusque partis  
» hunc Maium, sequentem Junium  
» vocasse. » Eandem sententiam  
Heben tueri voluisse, e versu 84  
sqq, apparet. Errat igitur Lenzius,  
quum putat Heben hoc nomen a se  
derivare, idque esse inventum ip-  
sius Ovidii ; immo Hebe, ut dea  
Juventutis, juvenum causam agit,  
et honorem illis habitum, sibi quo-  
que vindicat. Neque res aliter insti-  
tui poterat, quum deæ darentur hæ  
partes. Cæterum observa in hac ora-  
tione varios animi motus et sensus,  
dolorem, verecundiam, pietatem :  
cum matre enim certabat filia de  
honore unico.

Pro *dolentis* MSS plerique *vigo-  
ris* vel *doloris* ; quidam *decoris* ; duo  
*ruboris* ; unus  *pudoris*. Quæ singula  
defendi possent : doloris tamen sen-  
sus in animo deæ prævaluisse vide-  
tur ; etiam IV, 586 : *Maximaque in  
vultu signa dolentis erant*. Exordium  
vero summam pietatem spirat : si  
me mater vel e cælo pelleret, cede-  
rem. — *Non luctor*, quod Heinsio  
non displicet, si post *hujus* minor  
distinctio ponatur ; in altera lectio-

ne melior est oppositio. — *Rem te-  
nere*, rem obtinere, vincere ; *causum  
tenere* ap. Cic. passim. — Alii *faveat  
ipsa*, nempe Juno ; id Taubn. pro-  
babilius videbatur, non mihi : post  
orationem enim superiorem Ju-  
nonis favor vix exspectari poterat.

73-76. Argumentum ab æquo :  
matri satis dignitatis est ; non de-  
bet filiæ unicum, quem habet, ho-  
norem eripere. — *Possedit* Krebsius  
non recte vertit : *sic besass*. Etiam  
*possidere* est occupare, sibi vin-  
dicare. — *Capitolia*, sedem imperii  
romani, caput orbis terrarum, ea-  
que *aurea*, tanto ornatu fulgentia.  
— *Socium templum* non est templum  
Junonis Monetæ, sed lævum de-  
lubrum in ipso Capitolio ; illud enim  
*socium* dici non poterat. — *Origine  
mensis*, quod nomen mensis a juve-  
nibus originem habet : qui honor  
adeo me quoque, juventutis deam,  
tangit. Lapsi sunt Lenzius et Kreb-  
sius, qui hoc sit ceperunt : inde ab  
eo tempore, quo mensis Junius esse  
et dici cæpit, mihi hic honor debe-  
tur. Idem Lenzius *unicum* explicat,  
qui unice ad me pertinet ; malim,  
non nisi unus honor mihi contigit,  
et hic unus mihi eripitur.

77-82. Hercules de Latio merita.

Herculis uxori, posteritasque memor?

Hæc quoque terra aliquid debet mihi nomine magni

Conjugis; huc captas adpulit ille boves.

80

Hic male defensus flammis et dote paterna

Cacus Aventinam sanguine tinxit humum :

Ad propiora vocor; populum digessit ab annis

Romulus, in partes distribuitque duas;

Hæc dare consilium, pugnare paratior illa est :

85

Hæc ætas bellum suadet, at illa gerit.

Sic statuit, mensesque nota secrevit eadem;

Junius est juvenum, qui fuit ante, senum.

Dixit, et in litem studio certaminis issent;

Atque ira pietas dissimulata foret.

90

Venit Apollinea longas Concordia lauro

Nexa comas, placidi numen opusque ducis.

—*Grave* vel magnum, vel invidiosum. — *Titulum mensis* alicui dare, ab aliquo, aut in honorem alicujus mensem nominare; sic IV, 115, *titulo mensis spoliare*. — *Dedisti* pro *dedisti* Vossianus et duo Medicei, quia *Romane* collective positum, et quia *posteritas* sequitur. — De Herculis adventu in Italia et pugna cum *Caco* I, 543; et de hujus *dote paterna* vs. 571. Mazarinæus *arte paterna*, quod Heinsius ex glossa fluxisse putat. — *Adpulit*; I, 543: *boves illuc applicat*. Vossianus et Moreti hoc loco *adtulit*; Mazarin. *abstulit*. Tum unus Medicus *captos*; Livius, I, 7, hos boves in utroque genere memoravit: vide ibi Strothium.

83. *Propiora* sane hæc sunt; superiora figmento illi data, quo Hebe causam agens inducitur. — *Ab annis*, ita, ut annos, ætatem respueretur; confer cum his V, 59 sqq. — *Nota*, norma, nempe ætas. — His

dictis ambabus exarsit studium certandi. *Dissimulare*, occultare, ut non esse videatur. Itaque hoc loco pietas matris in filiam et filiae in matrem victa esset ad tempus, ni Concordia intervenisset. Ingeniose hic adventus fictus.

91–96. Concordia breviter sententiam dicit, ex qua Junius nomen a *junctis* Romanis et Sabinis invenit. Unde Ovidius hanc sententiam ineptam et in leges linguæ peccantem acceperit, non constat. Forsitan ipse reperit; neque male *Concordiæ* defendendam dedit. Alii putabant, a Junio Bruto nomen venisse; vide Macrobius dicto loco. *Concordia* cujus templum Tiberius, pace composita, refecit; I, 639. Hinc *lauro* coronata prodit; hinc *ducis*, Tiberii, *opus* et vel *numen*, vel, ut Hamb. Junianus et alter Petavianus habent, *munus* appellatur. — Quoniam Junius mensis jam Ro-

Hæc ubi narravit Tatium, fortemque Quirinum,

Binaque cum populis regna coisse suis;

Et lare communi soceros generosque receptos :

95

His nomen junctis Junius, inquit, habet.

Dicta triplex causa est; at vos ignoscite, divæ:

Res est arbitrio non dirimenda meo.

Ite pares a me; perierunt iudice formæ

Pergama: plus lædunt, quam juvet una, duæ.

100

PRIMA dies tibi, Carna, datur; dea cardinis hæc est:

Numine clausa aperit, claudit aperta suo.

Unde datas habeat vires, obscurior ævo

muli tempore erat, propterea ex illo ipso tempore concordie, sive conjunctionis exemplum repetendum erat. — *Lar*, sedes, urbs.

97. Finit hæc eadem modestia, qua V, 109, similem locum. — *Patres* Krebsius vertit: *gleichgesinnt*; melius intp. gallicus: *Souffrez qu'également je respecte vos droits*. — *Perierunt* etc. Ergo Ovidium quoque vestigia terrebant.

101–182. De *Carna*, dea Romanorum vernacula, quæ sit, unde et jus cardinis habeat, et vim spinæ ope pellendi noxas 101–130; quomodo illa vi olim usa sit in tuendo Proca a strigibus 131–168; cur larda et fabæ ei offerantur 169–182. — A Macrobio, I Saturn. 12, *Carnea* vocatur; a Cypriano de Idol. Van. II, 8, et ab Augustino de Civit. Dei IV, 8, *Cardea*; a Tertulliano de Cor. 13, et alibi *Carda*. Sunt, qui putent apud patres ecclesiast. corruptum legi nomen; quod non est; namque illi hoc nomen diserte a *cardine* deducunt, ut *Forculi* et *Limenini* nomina a *foribus* et *limine*. Diversa igitur ejusdem deæ nomina fuisse videntur, quum *Carna*

aut *Carnea* diceretur a *carne*, quia vitalibus præesset. Macrobius dicto loco, ubi narravit ex opinione nonnullorum Junium mensem a Junio Bruto nominatum esse, quod Kalendis Junii pulso Tarquinio, sacrum *Carneæ* deæ in Cælio monte voti reus fecisset, pergit: « Hanc » deam vitalibus humanis præesse » credunt. Ab ea denique petitur, » ut jecinora et corda, quæque sunt » intrinsecus viscera, salva conser- » vet. Et quia cordis beneficio, cu- » jus dissimulatione Brutus habe- » batur idoneus emendationi publi- » ci status exstitit, hanc deam, quæ » vitalibus præest, templo sacravit. »

103. *Vires* has, sive potestatem, habet et Janus I, 118 sqq; infra vs. 127, *Jus cardinis*. — *Unde datas habeat*, a quo datæ sint vires quas habet. Non erat, cur Heinsius hic hæreret, et *ratas* mallet; Horatius, I, Satyr. IV, 78: *unde petitum Hoc in me jaciis?* unde petiisti hoc, quod in me jaciis; II, Satyr. II, 31, *Unde datum sentis*, ubi vide Bentleium; nam ibi quoque Heinsius *ratum* mallebat. — Hic ut sæpius alibi Heinsii conject. auctoritate codicum eget;



Fama; sed e nostro carmine certus eris.  
 Adjacet antiqui Tiberino lucus Helerni; 105  
 Pontifices illuc nunc quoque sacra ferunt.  
 Inde sata est Nymphe, Granen dixere priores,  
 Nequidquam multis sæpe petita procis.  
 Rura sequi, jaculisque feras agitare solebat,  
 Nodosasque cava tendere valle plagas. 110  
 Non habuit pharetram; Phœbi tamen esse sororem  
 Credebant; nec erat, Phœbe, pudenda tibi.  
 Huic aliquis juvenum dixisset amantia verba,  
 Reddebat tales protinus illa sonos:  
 Hæc loca lucis habent nimis, et cum luce pudoris; 115  
 Si secreta magis ducis in antra, sequor.

Regii nostri habent *datas*. Ed. — Pro *certus* plures *doctus*; sed etiam II ex Ponto, VII, 28, sic *certus eris*.

105. *Tiberinus*, Tiberis fluvius, ut IV, 291; confer II, 389. — *Lucus Helerni* non aliunde satis notus; vulgo editur *Hilernæ*. Et ab Onuphrio Panv. in Topograph. Urbis, in regione tredecima *œdicula et lucus Hylerne* memorantur. Sed Heinsius cum primo Ambrosiano et duobus aliis *antiqui Helerni* maluit, quod idem et II, 67, reponi volebat: *Mazarinæus antiquus Tiberini lucus*. — *Sacra ferre* proprium est et sacrificantis, *Æn.* III, 19, et sacerdotis; hinc Georg. II, 446, *Musarum sacra fero*, sacerdos sum Musarum. *Mazarinæus* hoc loco, *sacra canunt*. Tunc *illuc* cum Puteano in *illic* mutandum. *Sacra canere, hymnos canere*, ut *Æneid.* II, 239.

107. Olim edebatur *Cranen*; sed ex altero orta est tertia lectio *Gramen*. — *Rura* etc. more earum, quæ conjugium spernebant, ut *Daphne* I Met. 475; *Syrinx* ibid. 694; *Cal-*

*listo*, II, 411. — *Sequitur* locum, qui voluptatis percipiendæ causa cum adit aut frequentat; vide ad *Plinium*, I, Epist. XXII, 6. — *Nodosæ plagæ* etiam III Met. 153, et alibi *nexiles*. — *Pharetra* et arcus aureus insignia Dianæ, quibus nymphis antestabat; I Metam. 697.

113. Hoc *dixisset* offendit liberrios; namque *Ambrosianus*, *Læti* et duo alii, *Huic si quis*; sed vocula *si* solet sic omitti; *Plinius*, I, Epist. XII, 8: « Dedisses huic animo par corpus, » ubi vide *Cortium*. Aliis displicuit etiam plusquamperfectum conjunctivum; *Thuaneus* et edit. *Gryphii aliquis juvenum si dixit*; *Puteanus quum dixit*. Et sic sane scribi debet e forma usitatissima; verum variari tempora tali modo, in primis a poetis, videmus.

116. *Secreta*; *Burmans* e duobus præfert *deserta*: non video quare; I Metam. 594, in re simillima, *nemorum secreta subibis*; etiam VII, 75, *secreta silva*. — *Sequor* pro *sequar* *Heinsius* e melioribus MSS tuetur.

Credulus antra subit; frutices hæc nacta resistit,

Et latet, et nullo est invenienda loco.

Viderat hanc Janus; visæque cupidine captus,

Ad duram verbis mollibus usus erat.

120

Nympha jubet quæri de more remotius antrum;

Utque comes sequitur, destituitque ducem.

Stulta, videt Janus quæ post sua terga gerantur,

Nil agis, en latebras respicit ille tuas;

Nil agis, en dixi! nam te sub rupe latentem

125

Occupat amplexu; teque potitus, ait:

Jus pro concubitu nostro tibi cardinis esto;

—Taubnero et Krebsio displicuit, quod idem Heins. *ante subit* MSS Reg. et primi Bononiens. auctoritate in *antra subit* mutavit: amorem enim *ante* debuisse subire. Immo, ubi comes non sequitur, sed resistit, alter non *ante* subit antrum, sed solus. Contra *antra* sic bene repetitum et more Ovidiano, de quo diximus in commentar. ad Metam. præf. Nonnulli, *ante iniiit*. — *Resistere*, subsistere, non longius progredi, de qua vi egit Schwarzius ad Plinium, paneg. X, 4. — *Loco* revocavi cum Mitscherlich. quia omnes MSS ita, præter unum unde Neapolis modo inveniit.

120. *Mollia verba* bene dicuntur blanditiæ ad *duram* puellam, quæ non sinit se flecti; Tibullus, III, IV, 76: « Ergo ne dubita blandas » adhibere querelas; Vincuntur molli pectora dura prece. » Paulo ante Thuanus *formæque cupidine*. — *Duo cupidine tactus*. — *Remotum* idem quod secretum, ut Horatius, II, Od. III, 6, *in remoto gramine*. — *Utque* etc. sequitur quidem primum ut comes, at mox deserit ducem.

123. Similiter III Metam. 432,

Narcissum adloquitur, et alios alibi. Olim edebatur *Nil agis, et latebras*; Heins. vero cum uno Arond. et in *en* mutavit; quod Taubnerus et Krebsius improbant. Mihi vero copula et nunc otiosa videtur; en contra non male positum post verba *videt Janus* etc.; II Metam. 283: « tostos en adspice crines; » ibidem vers. 296: « Atria vestra ruent; Atlas en ipse laborat. » Sæpe vera lectio in uno aut in paucis MSS servata est. — Pro *dixi* Heinsius *dixit*? malit. — *Occupat amplexu* nil nisi, amplectitur; ad hunc amplexum autem Neapolis notavit hæc: « Hui, » hui, tu ille Janus, de quo Augustinus, VII, Civit. Dei: De Jano » non mihi facile quidquam occurrat, quod ad probum pertineat; » et forte talis fuit, ut innocentius » vixerit, et a facinoribus et flagitiis remotius. » — *Teque potitus*; Heinsius ex Ursini et uno Patavino, *speque*, quia passim *spe* et *votis potiri* legitur; sed et alterum usitatum satis; IX Metam. 752: « Nec » tamen est potiunda tibi? » vs. 796: « potitur sua lanthe; » X, 569: « nec » sum potiunda. » — *Jus cardinis*

Hoc pretium positæ virginitatis habe.

Sic fatus, virgam qua tristes pellere posset

A foribus noxas, hæc erat alba, dedit.

130

Sunt avidæ volucres, non quæ Phineia mensis

Guttura fraudabant, sed genus inde trahunt;

Grande caput, stantes oculi, rostra apta rapinæ:

Canities pennis, unguibus hamus inest.

Nocte volant, puerosque petunt nutricis egentes,

135

Et vitiant cunis corpora rapta suis.

Carpere dicuntur lactentia viscera rostris,

Et plenum poto sanguine guttur habent.

etiam vim complectitur mala quæ-  
que depellendi a foribus, ut e sqq  
patet.

129. *Virgam* revocavi, quia sic  
omnes ferme MSS. Etiam vs. 165,  
*virga de spina alba*; sed Heins. *spi-*  
*nam* de suo dedit. Intellig. autem  
rhamnus, ῥαμνος, spina semper fron-  
difera; cujus alterum genus nigrum,  
alterum *album*; Theophrast. Hist.  
Plant. I, 15; III, 17. Tria genera  
memorat Dioscorides, I, 119; qui  
addit, frondes spinæ albæ foribus  
adpositas avertere maleficia: κλώνας  
αυτῆς θύραις ἡ θύραις προστιθέντας ἀπο-  
κρούειν τὰς τῶν φαμάκων κακουργίας.

131. *Striges* deformes et noxias,  
ad quas describendas jam progred-  
itur, non male cum Harpyiis com-  
parat, et genus earum inde ducit.  
Harpyiæ Homero (Od. A, 242, E,  
371) deæ sunt, quibus vis rapiendi  
homines. Post alæ iis sunt additæ;  
mox infæctæ aves fœdissimæ; Hy-  
ginus fab. 14; Tzetzes ad Lycophr.  
653. Tales etiam a Virgilio, Æneid.  
III, 212, descriptæ sunt, ubi vide  
Heynii Excurs. et confer Vossium,  
Epist. mythol. vol. I, p. 198 sqq.  
Fæ a poetis Argonaut. inprimis ad-

hibitæ in historia *Phinei*, vatis Thra-  
cici et excæcati, cujus ab ore cibos  
auferebant, reliquiasque fœdo odore  
implebant. *Strix*, Linn. *strix alucus*,  
*die Nachteule*, cujus caput grande  
plumisque velatum, color cinereus  
et albus, idemque maculis et lineis  
nigris distinctus; vid. Statius Mül-  
ler in Linnei Syst. Nat. tom. II, p.  
102. Hæ aves infantibus in cunissan-  
guinem extrahere, atque etiam ube-  
ra sua immulgere vulgo credebant-  
tur; Plinius, XI, 95, qui putat non  
constare, quæ sit avium.—*Stantes*;  
sex MSS *grandes*.—Pro *pennis* Vos-  
sianus et tres alii *plumis*: constat  
*pennas* esse alarum, *plumis* reliquas  
partes corporis velari; interdum ta-  
men *penna* est nomen generis.—  
Benè in Regiis nostris est *pennis*.

136. *Vitiare*, lædere, nomen ge-  
nerale, ut vers. 167, *violare cunas*.  
Mox ipse explicat, *carpere viscera*,  
et vers. 145: *pectora exsorbere*.—  
*Rapta* Krebsius vertit: *die geraub-*  
*ten*, et *carpere*, *verzehren*. Putem,  
*rapta* potius esse correpta unguibus,  
et *carpere*, lacerare, arrodere ro-  
stro, ut sanguinem inde exhauriant;  
vers. 148, *rigido ungue secare*.—Pro



Est illis strigibus nomen; sed nominis hujus

Causa, quod horrenda stridere nocte solent.

140

Sive igitur nascuntur aves, seu carmine fiunt,

Næniaque in volucres Marsa figurat anus;

In thalamos venere Procæ: Proca natus in illis,

Præda recens avium, quinque diebus erat:

Pectoraque exsorbent avidis infantia linguis.

145

At puer infelix vagit, opemque petit:

Territa voce sui nutrix adcurrit alumni;

Et rigido sectas invenit ungue genas.

Quid faceret? color oris erat, qui frondibus olim

Esse solet seris, quas nova læsit hiems.

150

Pervenit ad Granen, et rem docet; illa, Timorem

Pone; tuus sospes, dixit, alumnus erit.

Venerat ad cunas; flebant materque paterque:

Sistite vos lacrymas, ipsa medebor, ait.

Protinus arbutea postes ter in ordine tangit

155

*viscera* quidam *pectora*, plures *corpora*. — De nomine etiam Isidorus: « Strix, nocturna avis, habens non men de sono vocis, quando enim » clamat, stridet. » Græcis *σπίξ* a *σπίξω*, stridere. — Sed pro *horrenda nocte* cum Heinsio *horrenda voce* legendum arbitror; *horror* enim *vocis* ad rem pertinet, non *noctis*.

141. *Carmines*, incantatione. Hoc jam speciali notione exprimit, *Næniaque* etc. quod Krebs. male vertit: *eine alte Marserinn mag die Hexenlieder in Vögel umstellen*; conjunxit ergo *Marsa annus*, et *nænia* accepit ut neutr. plurale. Inde mira transformatio carminum in striges! Immo anus figurantur in volucres a Marsa ope *næniæ*. *Marsi* et Sabini ab arte magica famosi erant. *Nænia* *Marsa* etiam Art. Amat. II, 102;

Horat. Epod. xvii, 27. Et hoc loco *Marsa* se tuetur bonorum librorum auctoritate. Unus, quo Neapolis usus, *saga*; vulgo *falsa*. *Nænia*, omnino carminis formula. De tali anu figurata Noster I Amorr. viii, 13: « Hanc ego nocturnas vivam » volitare per umbras Suspicio, et » pluma corpus anile tegi. »

143. De *Procæ* vide IV, 52. — *Pectora* nunc substituit *visceribus* vs. 137, ne idem vocabulum repeteret.

149. Homines in calidiore regione viventes, quum timor eos invadit, flavescent. Flavum autem colorem trahunt etiam frondes atque segetes frigore tactæ; IV, 918. — *Faceret*; *Strozzum faciat*. — *Pro seris tres tardis*; paulo post Ambrosianus et Petavianus *pone tuam*.

155. *Arbutea fronde* utitur, sive

Fronde ; ter arbutea limina fronde notat ;  
Spargit aquis aditus , et aquæ medicamen habebant ,

Extaque de porca cruda bimestre tenet :  
Atque ita , Noctis aves , extis puerilibus , inquit ,

Parcite ; pro parvo victima parva cadit : 160  
Cor pro corde , precor , pro fibris sumite fibras ;

Hanc animam vobis pro meliore damus.  
Sic ubi libavit , prosecta sub æthere ponit ;

Quique sacris adsunt respicere illa vetat :  
Virgaque Janalis de spina ponitur alba , 165

Qua lumen thalamis parva fenestra dabat.  
Post illud nec aves cunas violasse feruntur ;

quia est spinosi fruticis , sive quia obvia erat ; IV , 656 , quo loco Numma : *bis sua faginea tempora fronde premit*. — *Notat idem quod tangit*. Pro hoc unus *textit* , pro illo duo *tegit* , ex quibus Heinsius *tergit et tērit* facere volebat. — *Et aquæ* ; hæc lectio antiqua bene se habet ; unus Vaticanus et alter Bononiensis *et quæ* ; hinc Heinsius edidit *sed quæ* ; Mitscherlichius *sed aquæ*. — *Extā* diis offerebantur et *cruda* , et cocta , et semicocta , et assa ; Arnobius advers. Gentes , II , p. 91. — *Bimestre porcello* curabatur et Genius ; Horatius , III , Od. xvii , 15. Inepte Petavii alter et Puteanus *bimatre* pro varia lectione.

159. Sacra strigibus facta. — *Extā* et mox *fibræ* , viscera. — *Pro parvo* tres , *puero* ; de qua varietate vide ad II , 385. Nunc utique præstat *parvo* , quia causam *parvæ* victimæ continet. — *Fibras* distinxisse videri possit a reliquis partibus , quum alias *fibræ* sint ipsa *extā* , in quibus et *cor* ; sed talia non urgenda sunt in talibus precibus. *Extā prosecta* , in partes secta , alias adolenda injici altari

solebant ; nunc *ponuntur sub æthere* , sub dio , devoranda strigibus. — *Respicere* , retro spectare ; vide V , 437.

165. *Janalis* , a Jano accepta , novum vocabulum quod propter insolentiam Heinsio et Burmanno displicebat. Bononiens. *Naialis* ; Heinsius conjicit vel *Malalis* , vel *ramalis* , virga ex ramo arboris. Burmannus addit , spinæ albæ ( *Weissdorn* ) posse ramos tribui , quum Columella , VII , 19 , eam inter arbores recenset. Idem et proponit *rhamnalem* , quia spinam illam Græci *ῥάμνον* dixerunt , quamquam ipse huic conjecturæ non multum tribuit. Quum Ovidius plura vocabula finxerit , non offendor eo quod hic legimus , quod rei indicandæ satis accommodatum , atque ei simillimum est , quod vers. 63 , legitur , *Junonalis*. — *Ponitur* recepi ex Arondel. Vossiano , et plurimis aliis vet. Placebat et Heinsio , quamquam is dubitabat , an non Jani Ulitii conjectura *subditur* præferenda esset. Immo lectio plurimorum MSS præstat. Vulgatum *sumitur* autem hoc loco parum convenit. — *Post illud* : Francof. *post illam*.

Et rediit puero, qui fuit ante, color.  
 Pingua cur illis gustentur larda Kalendis,  
 Mixtaque cum calido sit faba farre, rogas? 170  
 Prisca dea est, aliturque cibus quibus ante solebat;  
 Nec petit adscitas luxuriosa dapes.  
 Piscis adhuc illi populo sine fraude natabat,  
 Ostreaque in conchis tuta fuere suis:  
 Nec Latium norat, quam præbet Ionia dives, 175  
 Nec, quæ Pygmæo sanguine gaudet, avem;  
 Et præter pennas nihil in pavone placebat;  
 Nec tellus captas miserat ante feras.

Cæterum alia adversus has aves antidota Neapolis memorat, ut carmina, allium infantibus annexum.

169. Macrobius dicto loco: « Cui » (*Carnæ*) pulte fabaria et larido sa-  
 » crificatur, quod vires maxime his  
 » rebus corporis roborentur. Nam  
 » et Kalendæ Juniæ fabariæ vulgo  
 » vocantur, quia hoc mense adultæ  
 » fabæ rebus adhibentur. » — *Gustentur*, comedantur.—Burm. unius  
 Vatican. auctoritate cum mutavit in  
 cur; quia τῷ *mixta* recte jungitur  
 ablativus: Mitscherlichius servavit  
 cum, quod et nos fecimus. Heinsius  
 etiam legi volebat, si ... rogas.

172. *Adscita*, aliunde petita, peregrina. Heluones terra et mari conquirebant edulia, quos Varro jam in Satura notaverat, cujus notationis summam Gellius, Noct. Attic. VII, 16, dedit. Confer Plinium, Hist. Nat. IX, 54 sqq; Senecam, Epist. XCV, p. 718; Petronium de Mutat. R. 33 sqq. — In deliciis inprimis erant *pisces* rariores.—*Fraudem* Schirachius interpretatur damnum. Immo insidias intellige, quibus damnum infertur; II, 227; III, 853; III Met. 587, ubi *lino et ha-*

*mo decipere pisces*, ut Virgil. Georg. I, 139, *fallere visco aves*. Hoc loco nonnulli, *illis populis aut illic populi*, unde Heinsius aliquando putabat, *vilis populi*.

175. *Avis quam præbet Ionia*, est attagen, *das Haselhuhn*. Glossæ: *Gallina rustica*, ἀτταγὴν. Præstantissimas hujus nominis aves habebat *Ionia*; Horatius, Epod. II, 54, *attagen Ionicus*; Martialis, XIII, 61: « Inter sapes fectur alitum primus » *Ioniarum gustus attagenarum*. » A Gellio dicto loco, *Phrygia attagena* memoratur.—*Nec quæ* etc. grus; gruum autem carnibus et ipsis Romani delectabantur; Horatius, II, Satyr. viii, 87; Plinius, Hist. Natur. X, 33. Apud Gellium *Melica grues* laudantur, ex Melo insula advectæ. Verba *quæ Pygmæo* etc. respiciunt Homerum, II. I. initio, ubi grues avolant australes ad terras ἀνδραῖς Πυγμαῖοις φόνον ἀνδ' ἀἶρα φέρουσαι; ubi vide Heynium in Observatt.—*Pavones* primus Q. Hortensius in cœna augurali adposuit, M. Aufidius autem primus saginavit; Plinius, X, 20; Ælianus, Hist. Anim. V, 21. — *Tellus* scilicet ulla.



Sus erat in pretio : cæsa sue festa colebant :

Terra fabas tantum , duraque farra dabat.

180

Quæ duo mixta simul sextis quicumque Kalendis

Ederit ; huic lædi viscera posse negant.

Arce quoque in summa Junoni templa Monetæ

Ex voto memorant facta , Camille , tuo.

Ante domus Manli fuerant , qui gallica quondam

185

*Mittere* merces terra dicitur ubi magnus earum proventus. Taubnerus terram universam intelligit , ut hoc innuatur , undique a luxuriosis Romanis conquiri delicias : sed Hein- sio et Burmanno τὴ tellus sic absolute positum displicebat. Ille igitur pro *ante* malebat , aut *Afra* vel *Inda* , aut cum altero Puteano *arte* , ut leones , pantheræ , elephantis intelligantur Romam ad spectacula missi. Burmannus vero recte monet , non de spectaculis , sed de deliciis gulonum sermonem esse ; si quis *Afra* præferat , posse de gallinis africanis capi ; Horatius , Epod. II , 53 : *Non Afra avis descendat in ventrem meum* : (ipse Burmannus suadet : *Nec Delus capos miserat ante feros* ; ) circa *Deliacos capos* fuisse maximum luxum , cognosci ex Petron. 23 ; eos dici *ante feros* , quia , antequam castrarentur , feroces et pugnaces electi sint a Deliacis ; Columella VIII , 2 ; sed posse et legi *arte ferax* , quia , quum insula sterilis et saxosa fuerit Delos , arte hac castrandi gallos redditum sibi fecerit.

179. Pro *colebant* Puteanus , *carebant* : inde Burmannus conjicit *calebant* , quod esset elegans admodum. Equidem scio *calentes aras* sæpe legi apud poetas ; verum *festa calentia sue* mihi durissimum videtur. — De *fabis* Plinius , XVIII , 12 : « In » ter legumina maximus honos fa-

» bæ : quippe ex qua tentatus sit » etiam panis. Lomentum appella- » tur farina ea , aggravaturque pon- » dus illa... Frumento etiam mi- » scetur apud plerasque gentes... » Quin et prisco ritu fabacia suæ » religionis diis in sacro est , præva- » lens pulmentari cibo. » — *Sextæ Kalendæ* , sexti mensis sive Junii. Sic et *tertias* , *quartas Kalendas* occurrere , atque Junias dictas esse etiam *fabarias* Neapolis monet.

183. *Iisdem Kalendis , templum Junonis Monetæ dedicatum*. De eo templo I , 638. Locus autem hic plurimum lucis accipit a Livio , VII , 28 : « Camillus (dictator anno u. c. 409 , » in bello cum Auruncis , ) deorum » quoque opes adhibendas ratus , » inter ipsam dimicationem ædem » Junoni Monetæ vovit : cujus dam- » natus voti quum victor Romam » revertisset , dictaturæ se abdicavit. » Senatus duumviros ad eam ædem » pro amplitudine populi romani fa- » ciendam creari jussit. Locus in » arce destinatus , quæ area ædium » M. Manlii Capitolini fuerat. » — Recte autem Neapolis *ex summa* correxuit , ut editur.

185. De *M. Manlio* res notæ. De damnatione ejus Livius , VI , 20 : « Tribuni de saxo Tarpeio eum de- » jecerunt : locusque idem in uno » homine et eximiæ gloriæ monu- » mentum , et pænæ ultimæ fuit.

A Capitolino reppulit arma Jove.

Quam bene, dî magni, pugna cecidisset in illa

Defensor solii, Jupiter alte, tui!

Vixit, ut occideret damnatus crimine regni:

Hunc illi titulum longa senecta dabat.

190

Lux eadem Marti festa est; quem prospicit extra

Adpositum Tectæ porta Capena viæ.

Te quoque, Tempestas, meritam delubra fatemur;

Quum pæne est Corsis obruta classis aquis.

» Adjectæ mortuo notæ sunt: publica una; quod, quum domus  
» ejus fuisset ubi nunc ædes atque  
» officina (in qua nummi cudebantur) Monetæ est, latum ad populum est, ne quis patricius in arce  
» aut Capitolio habitaret etc. Confer Plutarch: in Camillo, 36.—Pro Capitolio Ovidius gravius Jovem Capitolinum, ejusque solium memorat.  
— De pugna illa lege Livium, V, 47.  
— Crimine regni, crimini ei dabatur, quod regnum adpetiisset. — Longa senecta; nam si prius esset extinctus, non incidisset in suspicionem regni adfectati.

191. Martis ædem ante portam Capenam etiam Livius aliquoties memorat, ut X, 23. Eam a L. Sulla restitutam esse et auctam Neapolis observat.—Quem prospicit, in cuius templum prospectus est ad Capenam portam stanti. — Tectæ: tres veteres, rectæ, unus dextræ. Et negotium fecit hæc via interpretibus. Burmannus de ea cum Cupero per literas egit; sed nec per hos ad liquidum res perducere potuit. Hoc inter eos convenit, fuisse semitam à Capena porta ad Martis templum, diversam illam a via Appia, quæ et ipsa incipiebat a Capena, sed in Campaniam ferebat. Hæc semita postea

via facta est per censores; Livius: « Viam sternendam a porta Capena » ad Martis templum locavere censores. » Vocatur vel recta, recta ducens ad templum, quum Appia per plures anfractus iret; vel dextra, ut bivium extra portam fuerit, et ad dextram viam positum templum, aut, ut Fabret. Dissert. I de Aquæd. vult, ut adpositum fuerit Viæ Appiæ, quam a dextra habuerit, quum a sinistra esset Latina, quæ ex Appia initium ceperit paululum a porta Capena; vel denique tecta, cuius epitheti ratio certa reddi non potest. Donatus in Roma vet. lib. III, cap. 13, porticibus eam aut fornicibus tectam fuisse conjicit; Burmannus vero putat, si ostendi posset, per hanc viam sacram pompam quamdam duci solitam, in quam ex ædibus despicere non licuerit, se malle tectam viam intelligere, ut velatas vias III Am. XIII, 12.

193. Tempestatis templum: id posuit, non Marcellus, ut Neapolis putabat, sed L. Scipio, Barbati filius, anno u. c. 495 eos, qui Corsicam cepit; id quod patet ex inscript. apud Reines. VI, 34. Hoc quoque templum extra portam Capenam fuit, ubi et lapis cum inscriptione illa effossus est.

Hæc hominum monumenta patent : si quæritis astra, 195

Tunc oritur magni præpes adunca Jovis.

POSTERA lux Hyadas, Taurinæ cornua frontis,

Evocat; et multa terra madescit aqua.

MANE ubi bis fuerit, Phœbusque iteraverit ortus;

Factaque erit posito rore bis uda seges ;

200

Hac sacrata die Tusco Bellona duello

Dicitur; et Latio prospera semper adest.

Appius est auctor, Pyrrho qui pace negata,

Multa animo vidit; lumine captus erat.

Prosperit a templo summum brevis area circum :

205

195. *Ortus Aquilæ vespertinus.* Plinius, XVIII, 27, §. 3 : « Tertio » Nonas Junii Cæsari et Assyriæ » Aquila vesperi oritur; » idem, cap. XXIX, 4 : « Quarto Nonas Junii » iterum Aquila exoritur vesperi. » Sic et Columella, XI, 2, qui addit : « tempestas ventosa et interdum pluvia. » — Aquila *Jovis præpes* etiam IV Metam. 713. — *Quæritis* Heinsius recepit ex Ursini et tribus aliis : cæteri, *quærimus*. — *Pro patent* Puteanus manent, quod bene de monumentis dicitur.

197-IV *Nonas Hyades oriuntur heliace.* De Hyadibus vide IV, 679; V, 164 sqq.

199-208. *Pridie Nonas Bellonæ templum sacratum.* — Mitscherlichius non *iteraverit* dedit, sed, sine dubio errore operarum, *intraverit*. Sol *iterat ortus*, altera vice oritur; vs. 59. — Heinsius malebat *tactaque erit*. Immo *tacta uda* male junguntur. — *Duellam* pro bello etiam apud Livium passim. De bello Etrusco, in quo Appius rem gessit, idem, X, 18 sqq : « Dicitur Appius in medio pugnae discrimine, ita ut inter prima » signa manibus ad cælum sublatis

» conspiceretur, ita precatus esse : » Bellona, si hodie nobis victoriam » duis, ast ego tibi templum voveo. » Etiam in inscript. quam Neapol. adtulit, *Bellonæ ædem fecisse* dicitur.

203. Obiter aliquid de Appio addit, quod in primis celebrabatur, et de quo Valer. Max. VIII, 12, similem sententiam habet : « Appius » Claudius fessus jam vivendo, letica se in curiam deferri jussit, » ut cum Pyrrho deformem pacem » fieri prohiberet. Hunc cæcum alius quis nominet, a quo patria, quod » honestum erat, per se parum certum, coacta est pervidere! » — Hoc loco ultra viginti codd. *lumine cæcus. Captus*, qui uti aliqua re non potest; Livius, II, 36 : *captus omnibus membris*; XXII, 2 : *captus oculis*, ubi vide Dukerum. Primus Ambrosian. et Læti, *cassus* forte e Virgilio, Æneid. II, 85, ubi *cassus lumine*, privatus vita.

205. Ante ædem Bellonæ *area* erat, et inde *circus* Flaminius, quem *summum*, cujus partem anteriorem, prospectabat area. — *A templo* Heinsius ex Ursini et uno Patavino recte recepit, quum ante *a tergo* inepte



Est ibi non parvæ parva columna notæ.  
 Hinc solet hasta manu, belli prænuntia, mitti,  
 In regem et gentes quum placet arma capi.  
 ALTERA pars circi custode sub Hercule tuta est :  
 Quod deus Euboico carmine munus habet.  
 Muneris est tempus, qui Nonas Lucifer ante est :  
 Si titulos quæris, Sylla probavit opus.  
 QUÆREBAM, Nonas Sanco Fidione referrem,  
 An tibi, Semo pater; quum mihi Sancus ait:  
 Cuicumque ex illis dederis, ego munus habebo :  
 Nomina trina fero; sic voluere Cures.

210

215

legeretur. — *Brevis*, angusta, exigua. — *Columna* illius meminerunt et alii. Festus in *Bellona*: « Ante » ejus templum erat columella, quæ » bellica vocabatur; supra quam » hastam jaciebant, quum bellum » indicebatur. » Victor. in Reg. IX: « Ædes Bellonæ versus portam Carmentalem: ante hanc ædem columna index belli inferendi. » Antiquis temporibus *hasta* mittebatur a Fetiali in terram hostilem; Livius, I, 32. — *Non parvæ notæ*, notabilis, memorabilis admodum. — Pro *capi* Moreti, et tres alii, *sequi*. In Regiis tribus *capi*.

209. Eodem die, pridie Nonas, *Herculis Custodis templum* in circo Flaminiio dedicatum. Kalend. vetus: « Herculi Magno custodi in circo Flaminiio. » Neapolis putat, in eo circo duo fuisse templa Herculis, alterum a senatu positum jussu carminis Cumani, alterum a Fulvio Nobiliore, instauratum a Philippo, de quo infra vs. 802. — *Quod*; multi *qui*: Junian. *quam* nempe partem. — De *carmine Euboico* IV, 257. — *Muneris tempus*, dies, quo munus dedicatum. — Pro *ante est* Heinsius vult

*anteit*. — *Probare* est et censoris, dum opus absolutum explorat. — *Tituli*, inscriptio. De *titulis* templorum vide Schwarzium ad Plinii paneg. LIV, 4.

213. *Nonæ Sanco sacræ. Sancus*, aut, ut alii scribunt, *Sangus* et *Sanctus*, primus Sabinorum rex et auctor gentis, post mortem inter deos relatus, ut Faunus apud Latinos; Silius, VIII, 422; Augustin. de Civit. Dei XVIII. Idem et *Fidius* et *Semo pater* dictus est. Neapolis duas inscriptiones adtulit, in quibus: « Sango Sancto Semoni deo » *Fidio sacrum*, » et: « Semoni Sango deo *Fidio sacrum*. » Festus in *Prædia*: « In æde Sanci, qui deus *Fidius* putatur. » Livius, VIII, 20, *Semonem Sangum* aut *Sangum*. Sunt, qui putent eundem et *Sabum* dictum esse. Sed secundum Catonem in Orig. *Sabus*, a quo nomen Sabinorum, Sanci filius fuisse traditur, atque etiam a Silio, dict. loco, a Sango distinguitur. Pro *Semo pater* hoc loco libri veteres constanter *Semi pater* quod Neapolis tuetur ex inscr. Reatina, in qua *Semi patri Sanco*. Quidam adeo *Semi caper*. — *Referre*,

Hunc igitur veteres donarunt æde Sabini;

Inque Quirinali constituere jugo.

EST mihi, sitque, precor, nostris diuturnior annis,

Filia, qua felix sospite semper ero.

220

Hanc ego quum vellem genero dare, tempora tædis

Apta requirebam, quæque cavenda forent.

Tum mihi post sacras monstratur Junius Idus,

Utilis et nuptis, utilis esse viris:

Primaque pars hujus thalamis aliena reperta est;

225

Nam mihi sic conjux sancta Dialis ait:

idem quod mox *dare*, dicere alicui sacrum esse.

217. *Sacellum Sancti versus ædem Quirini*, in quo anno u. c. 426, orbes ænei positi sint, etiam Livius d. l. memorat. Dionysius, IV, 58, de fœdere Tarquinii Superbi cum Gabinis icto: Τούτων ἑστὶ τῶν ἁγίων μνημεῖον ἐν Ρώμῃ κείμενον ἐν ἱερῷ Διὸς Πιστίου, ὃν Ρωμαῖοι Σάγκτον καλοῦσιν. Secundum eundem, IX, 60, hanc ædem, a Superbo Tarquinio exstructam, Spurius Postumius cos. Nonis mensis Junii in *Colle Quirinali* dedicavit. Is autem cos. fuit an. u. c. 290. Quum igitur Ovidius ait, *veteres donarunt Sabini*, forte nil aliud vult, nisi Sabinum deum esse.

219-245. Prior Junii pars nuptiis infausta, posterior apta: qualia et II, 257 sqq; III, 393 sqq, moventur. Hæc ita tractavit poeta, ut *filia* suæ memoriam ingeniose et commode intexeret. De *filia* sua IV Trist. x, 75: «Filia me mea bis, » prima secunda juvena, Sed non » ex uno conjuge, fecit avum. » De ea vide Masson. ad annum ætatis Ovid. 20 et 21. — *Sitque* etc. Krebs. *Häett' ich sie noch länger, ich fleh' es, für meine Jahre!* Immo: utinam mihi superstes sit! votum admodum

solemne parentum, romanorum inprimis; quibus magnum solatium, mori superstitibus suis. Vide ad Plinium, Epist. I, XII, 11.

223. Male Heinsius putabat, intelligi certam quamdam Junii diem, haud dubie diem ante XVIII Kalendaras Jun. itaque ei scribendum videbatur, *post actas Idus*; omnes enim dies postridianos fuisse atros. Immo, omnes dies Junii ante Idus sunt infausti nuptiis, post Idus incipiunt fausti. Neque adeo huc pertinet, quod Macrobius, I, Saturn. 15, notat, nuptiis copulandis Kalendaras, Nonas, et Idus religiosas fuisse. — *Sacræ Idus*, ut II, 121, *sacræ Nonæ*. Hæc enim Junoni, illæ Jovi sacræ.

226. A Flaminica, sive Flaminis *Dialis* uxore, hæc certissime scire poterat. Ea et maritus peculiaribus legibus matrimonialibus erant circumscripti, de quibus Gellius, Noct. Attic. X, 15. Ea inprimis *sancta* erat et esse debebat. Vide omnino Schwarzium ad Plinii panegy. 83. Male igitur Heinsius hic quoque, ut III, 397, *cincta* malebat. Ibi et MSS et vox *apicati* favebant huic lectioni; at non hoc loco. Cæterum Flaminica etiam II, 27.

Donec ab Iliaca placidus purgamina Vesta

Detulerit flavis in mare Tibris aquis;

Non mihi detonsos crines depectere buxo,

Non unguis ferro subsecuisse licet;

230

Non tetigisse virum; quamvis Jovis ille sacerdos,

Quamvis perpetua sit mihi lege datus.

Tu quoque ne propera: melius tua filia nubit,

Igneæ quum pura Vesta nitebit humo.

TERTIA post Nonas remove Lycaona Phœbe

235

Fertur, et a tergo non habet Ursa metum.

227. *Donec ... aquis*, id est, usque ad sacra Vestalia, de quibus inde a vs. 249. — *Purgamina*; Festus: « Stercus ex æde Vestæ XVII Kalendas » Julias deferitur in angiportum meridium fere clivi Capitolini: qui locus clauditur porta Stercoraria. » Tantæ sanctitatis majores nostri » esse judicaverunt. » Ab eo Noster dissentit, qui Tibri devehenda purgamina tradit.

329. Etiam alio tempore Dialis uxor *impexas debet habere comas*; III, 398. — *Buxus* aut *buxam* sæpe pro pectine buxæ. Olim hic edebatur *detonso buxo*. et id explicabant, rasili buxo. Heinsius suadebat *dentosa buxo*, id est, pectine buxæ, qui Martiali, XIV, 25, *buxus multifido dente* dicitur, et alibi *sectus* aut *densus dens*; et postea *dentoso* reperit in cod. Helmsl. Si cui *dentosa* insolentior videatur, posse et *detata* legi. Sed Burmannus indignam nitore Ovidiano vocem *dentosa* judicabat; quum igitur alii MSS *detonsum crinem*, alii *detonsos crines* præferant, hoc amplexus est; *detonsos* non esse penitus abrasos, sed ornatus causa tantum extrema parte detonsos, ne luxuriarent nimis; tales buxæ pectine *depecti* solitos esse;

et *depectere* plus esse, quam simplex *pectere*, diligenter et ornate pectere: posse tamen et *detonsa* aut *detonso* servari, ut pecten intelligatur ex buxæ ramo detonso, sive amputato ex arbore: *tonderi* enim aut *detonderi* arbores dici, quarum rami amputentur. — *Perpetua lege*. Lex antiqua apud Gellium dicto loco: « Matrimonium Flaminis, nisi morte, » dirimi non est jus. » Et ipsa Flaminica univira esse debebat; Tertullianus, Exh. ad Castit. 13. — *Vesta ignea*, templum Vestæ, in quo ignis alitur perpetuus. — *Pura humo*, æde illa purgata. Sic autem, ut edidimus, Scaliger emendavit; atque etiam in uno Farnesiano, et in alio quodam erat emendatum, quum cæteri haberent, *pura veste nitebit humus*. — Regii codices habent vulgatam, quæ bona erat. Ed.

235. VII Idus (die septimo) *Arctophylax occidit mane*. — *Lycaon* pro *Lycaonides*, Lycaonis nepos, Arcas, qui quum in eo esset, ut Callisto, matrem in ursam mutatam, telo figeret, Jupiter ambos cælo imposuit, sideraque vicina fecit ita, ut Ursa mater præcederet, Arcas filius Arctophylacis nomine *a tergo* sequeretur; II Met. 507. — Is dies festus



Tunc ego me memini ludos in gramine Campi

Adspicere; et didici, lubrice Tibri, tuos.

Festa dies illis, qui lina madentia ducunt,

Quique tegunt parvis æra recurva cibis. 240

MENS quoque numen habet: Menti delubra videmus

Vota metu belli, perfide Pæne, tui.

Pæne, rebellaras: et leto consulis omnes

Adtoniti Mauras pertimuerè manus.

Spem metus expulerat, quum Menti vota senatus 245

Suscipit; et melior protinus illa venit.

Adspicit instantes mediis sex lucibus Idus

Illa dies, qua sunt vota soluta deæ.

VESTA, fave: tibi nunc operata resolvimus ora,

piscatorum in campo Martio. — *In gramine Campi*; Horat. Art. Poet. 162: *Gaudet aprici gramine Campi*; III, Od. VII, 26: *Gramen Martium*; IV, 1, 39: *gramina Martii Campi*. — *Didici tuos*, quum quærerem, qui essent, cognovi tuos esse. Aliorum *dici* non improbat Taubnerus. — *Lubricus*, ut IV, 337. — *Pro parvis* Heinsius malebat *parcis*. — De hac *festâ* die Festus: « Piscatorii ludi » vocantur, qui quotannis mense » Junio trans Tiberim fieri solent a » prætore urbano pro piscatoribus » Tiberinis: quorum quæstus non » in macellum pervenit, sed fere in » arcam Volcani; quod id genus » pisciculorum vivorum datur ei deo » pro animis humanis. »

241-248. *Menti ædes vota*. In numinibus, quæ leges XII tabb. coli jubebant, erant et *olla*, propter quæ datur homini adscensus in cælum, *Mens*, *Virtus*, *Pietas*, *Fides*; Cicero, Legg. II, 8. Eam legem ridet Lactantius, Inst. I, 20. — Bello Punico secundo, post pugnam ad lacum

Trasimenum, decemviri, consultis libris Sibyllinis, retulerunt Veneri Erycinæ ac *Menti* ædes esse vovendas. *Menti* vovit T. Otacilius prætor, idemque duumvir dedicavit; Livius, XXII, 8, et 10; XXIII, 31. — *Rebellare*, novum bellum movere, redintegrare bellum: sic Livius, IV, 23, et alibi; IX Metam. 81, est novam luctam ingredi. — *Consulem* Flaminium Insuber eques in prælio lancea transfixit; Livius, XXII, 6. — *Manus* haud dubie vis: sæpe *manus* et *tela* pugnantium occurrunt. Sed Krebsius maluit *Schaaren* vertere. — In exercitu Hannibalis etiam *Mauri* erant; Livius, XXI, 22. — *Expulerat*; alii *abstulerat*. — *Pro suscipit* primus Ambrosianus *excipit*, quod Burm. illustrat ex Propertio, II, xx, 10. — *Adspicit* etc. inter illam diem, qua vota soluta sunt, et Idus interjacent mediæ sex lucis. Falso Neapolis putabat, Ovidium hoc disticho diem VI Idus exprimere voluisse.

249-460. V *Idus*, *Vestalia*: deam

Ad tua si nobis sacra venire licet.

250

In prece totus eram : cælestia numina sensi ;

Lætæque purpurea luce refulsit humus :

Non equidem vidi, valeant mendacia vatum,

Te, dea ; nec fueras adspicienda viro.

Sed, quæ nescieram, quorumque errore tenebar,

255

Cognita sunt, nullo præcipiente, mihi.

Dena quater memorant habuisse Palilia Romam,

invocat, ejusque auxilium sentit 249-256 ; templum ejus a Numa positum 257-264 ; causa, cur rotundum sit 265-282 ; cur dea virgineis a ministris colatur 283-294 ; in æde Vestæ nullum ejus simulacrum 295-298 ; unde vocabula Vestæ, focus, vestibulum 299-310 ; aselli pane coronantur 311-318 ; Sileni asinus et Priapi libido causa illius moris 319-348 ; de ara Jovis Pistoris post bellum gallicum posita 349-394 ; cur Vestalibus matronæ nudo pede in forum descendant 395-416 ; historia Palladii in æde Vestæ 417-454 ; votum pro Vestalibus 455-460.—De Vestæ confer I, 528 ; III, 417-428 ; vers. 697 sqq ; IV, 949.

*Tibi... ora* ; tua sacra cantaturus sum. *Resolve ora*, loqui, etiam I, 255 ; II Met. 282, et alibi. — *Operari* et sacra facere, et omnino operam dare ; VII Metam. 746, *studiis operata Dianæ* ; vide ad III, 261. Simile autem exordium IV, 723 : *Alma Pales faveas pastoria sacra canenti ; Prosequor officio si tua festa pio*.—*Lux* illa signum præsentis divinæ ; I, 94. — *Purpureus*, lucidus, splendidus. *Purpureum lumen* dixit etiam Virgilius, *Æneid.* VI, 641. Ab hoc lumine *lata* humus.

253. Dea casta non apparuit viro, ut eum ore doceret ritus suos, ut Janus, lib. I. Sed, quemadmodum

IV, 15, Venus myrto leviter admoda, sic nunc Vestæ lucis ope poetam numine suo implevit, ut sufficeret rebus canendis, *nullo præcipiente*, verbis.—*Valeant mendacia* Krebsius vertit : *es mögen gelten der Seher Lügen*. Immo, *valeant* de rebus, quas remotas cupimus ; itaque tres libri *pereant* ex interpretatione. Et *mendacia* poetarum sunt fictiones ; apud Horat. Arte Poetic. 151, ipse Homerus *mentitur*. Supra vers. 3 : *erant qui me finxisse loquantur*, *Nullaque mortali numina visa putent*. — *Nec adspicienda viro* ; confer vers. 450. — *Nullo* generalius quam aliorum *nulla*, aut, quod Heinsius olim ex Patavino probabat, Heinsius necessarium adeo putabat, *illa* ; vide ad vers. 7. — *Error* rursus incertitudo. *Teneri errore* æque bene, ac *trahi errore*, quod primus Farnesianus, Ambrosianus et Læti cum quatuor aliis tuentur, quodque V, 25, legitur. Ita *opinio*, *pudor* et alia quæ sunt in animo nostro, *tenere* nos dicuntur.

257-264. Primum Vestæ templum apud Romanos. Erant olim, qui contenderent, templum illud jam a Romulo esse conditum. Hos refellit Dionysius Halicarn. II, 65. Ipse cp. 64, *Numæ* hoc tribuit : *Ἀντὶς πρῶτος ἐπὶ τοῖς ἱερῶσιν οὖντο Ῥωμαῖοις Ἑστίας, καὶ παθρίους ἀποδίδως αὐτῇ θυγατρὸς*. Idem tradit Plutarchus,

Quum flammæ custos æde recepta sua est.

Regis opus placidi, quo non metuentius ullum

Numinis ingenium terra Sabina tulit.

260

Quæ nunc ære vides, stipula tunc tecta videres;

Et paries lento vimine textus erat.

Hic locus exiguus, qui sustinet atria Vestæ,

Tunc erat intonsi regia magna Numæ.

Num. 9 et 11, ubi narratur : τὸ τῆς Ἑστίας ἱερὸν ἱγνυκίον περιβαλίσθαι τῷ ἀσπίστῳ πυρὶ φρουράν. Adde Livium, I, 20. — *Palilia* describuntur IV, 721 sqq, et e vers. 727-732 apparet, cur hoc loco eorum mentio fiat. — *Dena quater*: Numa anno u. c. 38, regnum suscepit; ergo templum condidit anno regni sui secundo. — *Custodes flammæ* alias sunt Vestales; nunc ipsa dea *custos*; Velleius, II, 131, *perpetuorum custos Vesta ignium*; Cic. Nat. Deor. II, 27, *rerum custos intimarum*. Omnino dii vocantur *custodes* earum rerum, quibus præsent, ut Pan armenti II, 277. — Olim edebatur *æde recepta dea est*. Alterum prætulit Heinsius ex primo Ambrosian. et Læti libro. Burmann. etiam *æde* in *sede* mutari volebat; cod. vetus *urbe*. — Pro *Romam* Mazarin. Zulichem. plurimi alii *nomen*, non nulli *numen*; inde Heinsius volebat, *abiisse Palilia, numen Quum* etc. — Regii codices *nomen*; non ingrata foret Heinsii emendatio, si cod. auctoritas esset. *Ed.* — *Rex placidus*, quia pacis amans. — De *ingenio* ejus virtutibus temperato Livius, I, 18; Plut. 3. *Deorum metum* etiam suis injiciendum omnium prim. ratus est.

261. De ædificiis et moribus priscae ætatis confer I, 199 sqq; III, 183, et alibi. Seneca, Epist. XC: « Furcæ utrimque suspensæ fulciebant casam: spissatis ramalibus ac

» fronde congesta et in proclive disposita, decursus imbribus quamvis magnis erat. Culmus liberos » textit. » — Tatio regnante, etiam curia de *stipula* erat; Art. Amat. III, 118. — *Ære* Lipsius putat aurato. — *Vides... videres*. Sic Heinsius ex Ursini, Nauger. et tribus aliis dedit; antea vulgabatur: *Quæ nunc ære nitent, stipula tunc tecta virebant*. Quidam MSS *vides* habent, sed in altero membro *virebant*. — *Parietem vimine textum* Neapolis credit in nova æde esse servatum, et hunc esse *penum*, de quo Festus: « Penus vocatur locus in æde Vestæ intimus » tegetibus septus, qui certis diebus » circa Vestalia aperitur. »

263. Numæ regiam proxime fuisse ad ædem Vestæ, certum est. Plutarchus, Num. 14, sacerdotiis constitutis: ἰδεῖμα τοῦ πλησίον τοῦ τῆς Ἑστίας ἱεροῦ τὴν καλουμένην Πηγίαν, οἷόν τι βασιλείου ὄκημα. Solinus 2, Numa habitabat propter ædem Vestæ. Lipsius de Vestâ cap. 4, monet, Ovidium diversa confudisse; atrium Vestæ adjunctum fuisse regiæ. In atrio illo habitabant Vestales; Plinius, VII, Epist. XIX, 2, ubi vide notam nostram: conf. et supra II, 69. — *Intonsus*, priscus, ut II, 30, et alibi. III Trist. 1, 30: « Hic fuit antiqui regia parva Numæ; » nunc dicitur *magna* pro ratione illorum temporum aut propter magnitudinem regis.



Forma tamen templi, quæ nunc manet, ante fuisse 265

Dicitur : et formæ causa probanda subest.

Vesta eadem est, quæ terra ; subest vigil ignis utrique :

Significant sedem terra focusque suam.

Terra pilæ similis, nullo fulcimine nixa,

Aere subjecto tam grave pendet onus. 270

Ipsa volubilitas libratum sustinet orbem,

Quique premat partes, angulus omnis abest :

265. De forma templi rotunda, Plutarchus dicto loco, *ἑρὸν ἰσχυρότερον*. Qui monet, Numam hanc formam secutum esse, non ut assimilaret terræ figuram, tamquam ea dea esset, sed universi hujus mundi, cujus medium Pythagorei ignem esse arbitrentur. Dionysius Halicarn. dict. loc. terram et ignem conjungit ; Vestam, quum terrasit, quæ medium mundi locum teneat, accendere ex sese superiores illos ignes. Neque Noster sibi constat ; namque hic et vs. 460, Vestam facit *terram* ; vers. 291, *vivam flammam*. Euripid. Fragm. 178 : *Γαῖα μήτις ἔστιν δι' ἧς οἱ σαρκεῖ βροτῶν καλοῦσιν, ἡμῖν δὲ ἐν αἰθέρι*. — *Vigil*, æternus, perennis ; Virgilius, *Æneid.* IV, 200 : « *vigilemque sacraverat ignem.* » Florus I, 2, de his sacris : « *ut ad sidus mulacrum cælestium siderum custos imperii flamma vigilaret.* » — *Focus*, ignis. Terra et ignis forma illa rotunda significant, ibi esse sedem suam. Lenzius vero *suam* pro *ejus* positum putat, ut sensus sit : forma rotunda terræ et focus describunt templum Vestæ, sunt ei propria.

269. Festus : « *Rotundam ædem Vestæ Numa Pompilius, rex Romanorum, consecrasset videtur, quod eandem esse terram, quam vita hominum sustentaretur, cre-*

*diderit, eamque in pilæ formam esse, ut sui simili templo coleretur.* » — De *pendente* hoc onere in *aere subjecto* vide I Met. 12. — Versus sqq sex 271–276 non leguntur, nisi in Ursini libro et sex aliis ; a cæteris MSS absunt et a priscis edd. In uno Mediceo leguntur post vers. 280. Et videntur mihi spurii esse, namque 1º. quo referes vs. 273 *locata* ? ad *terram* vers. 269 ? at alia subjecta interposita sunt, *volubilitas* et *angulus*. Non ita negligenter Ovidius scribit ; 2º. sententia inest inepta ; quum in medio mundo sit, non esset in medio, nisi convexa foret ; 3º. eadem sententia, sed melius expressa, legitur vers. 279 sq. — *Ipsa volubilitas* etc. volubilitas globum sustinet in æquilibrio ; vide ad I Met. 13 ; Cicero Nat. Deor. II, 19 : « *Mundi volubilitas, quæ nisi in globosa forma esse non posset.* » Idem in Timæo c. 10, deus mundum *ad volubilitatem rotandasit*. Krebsius vertit : *Die Schnelligkeit erhält die Scheibe im Gleichgewichte, und jeglicher Winkel, der Theile verbergen könnte, ist entfernt*. Verum non orbis planus hic cogitandus est, sed *pila*, globus. Nec *angulus* depressus intelligendus, sed procurrens, prominens, ut vers. 281 diserte monetur. Eminentes autem partes *premunt* inferiora, quibus in-

Quumque sit in media rerum regione locata,

Et tangat nullum plusve minusve latus;

Ni convexa foret, parti vicinior esset;

275

Nec medium terram mundus haberet onus.

Arce Syracosia suspensus in aere clauso

Stat globus, immensi parva figura poli:

Et quantum a summis, tantum secessit ab imis

Terra: quod ut fiat, forma rotunda facit.

280

Par facies templi; nullus procurrit in illo

Angulus: a pluvio vindicat imbre tholus.

Cur sit virgineis, quæris, dea culta ministris?

Inveniam causas hac quoque parte suas:

Ex Ope Junonem memorant Cereremque creatas

285

nituntur.—*Nec medium* etc. non haberet molem terræ in medio.—*Onus* quidquid gestatur; IV, 241, *onus inguinis*. Hanc lect. autem Heinsius habuit ex Ursini, Læti et duobus aliis; vulgo legitur: *terræ mundus haberet onus*.

277. Archimedes syracusanus, ut multa, ita et sphaeram invenit, quæ motus solis et stellarum errantium referret, ita, ut tarditate et celeritate dissimillimos motus una regeret conversio. Cincta erat capsula vitrica, qua *aer clausus* motum illum efficere credebatur; Cicero, Tuscul. I, 25; Claudianus, Epigr. 68: *Jura poli, rerumque fidem, legesque deorum* (ordinem naturæ, systema mundi) *Ecce Syracosius transtulit arte senex. Inclusus variis famulatur spiritus astris, Et vivum certis motibus urget opus*. Lenzius putat, Archimedem usum esse eam in rem vi magneticam.—*Syracosia* etiam metri necessitate correxerat Heinsius quum libri omnes *Syracusia* haberent. Sic et poetæ græci Συρακόσιος. Idem ex

optimo Patavino et duobus aliis *arte* mutavit in *arce*; monetque, intelligi Achradinam, editiorem Syracusarum partem; ibi enim servatam esse illam sphaeram, ex Athenæo, V, xi, p. 207, apparere.—*Tholus*, tectum (proprie interius) rotundæ ædis in testudinem concameratæ.—*Pluvius imber* ut Tacitus, Histor. V, 23, *pluviales imbres*; qui et cum vi cadunt, et diu durant.—Cæterum apud Plutarchum, Sympos. VII, 4, quidam observat, mensam quoque terræ esse simulacrum, eamque, quia rotunda sit et stabilis, recte a quibusdam Vestam vocari.

283–294. Cur dea virgineis colatur ministris. Multi inter veteres ejus rei causam quæsierunt. Plutarchus, cap. 9, Numam putat aut puram incorruptamque ignis naturam impollutis Vestalium corporibus credidisse, aut infecunditatem et sterilitatem virginitati adsimilasse; conf. Cicero, Legg. II, 12. Etiam Ovidius duas causas adfert: in Græcia viduæ præerant sacris Vestæ.

Semine Saturni : tertia Vesta fuit.

Utraque nupserunt ; ambæ peperisse feruntur :

De tribus impatiens restitit una viri.

Quid mirum , virgo si virgine læta ministra

Admittit castas in sua sacra manus ?

290

Nec tu aliud Vestam , quam vivam intellige flammam :

Nataque de flamma corpora nulla vides.

Jure igitur virgo est , quæ semina nulla remittit ,

Nec capit ; et comites virginitatis habet.

Esse diu stultus Vestæ simulacra putavi :

295

Mox didici curvo nulla subesse tholo.

Ignis inextinctus templo celatur in illo :

Effigiem nullam Vesta , nec ignis , habent.

Stat vi terra sua ; vi stando Vesta vocatur ;

Causaque par graii nominis esse potest.

300

*Vesta* filia erat maxima natu Saturni et Opis ; vide ad vers. 30. — *Impatiens viri* ; ut I Metam. 479 : « impatiens expersque viri. » — *Lætus* eleganter de eo , qui habet aliquid , qui instructus est aliqua re ; Virgilius , *Æneid.* I , 275 , Romulus *lupæ tegmine lætus* ; et vs. 696 , *duce lætus Achate* ; Ovidius , II Metam. 634 : *divinæ stirpis alumno Lætus*. Etiam paulo ante Læti cod. *dea læta ministris* , sed ibi ex hoc loco irrepsisse videtur.

291. Hanc alteram causam etiam Lactantius , Inst. I , XII , 5 , ex hoc loco adfert : « Quia ignis inviolabile sit elementum , nihilque nasci possit ex eo , quippe qui omnia , quæ arripuerit , absumat. » — Pro *vivam* unus *castam* , alius *meram*. — *Habet* Ursini , Læti , primus Ambrosianus et novem alii præferunt ; vulgo *amat* , quod et Lactantius dicto loco agnoscit.

295. In templo nullum Vestæ signum erat , ut nec apud Græcos , ( Pausanias , Corinth. cap. 35 ) quod Ovidius adhuc ignorabat , quum III , 45 , scriberet. Sed extra templum effigies ejus varie exprimebatur ; vid. Lipsius de Vesta , cap. 3. — *Celatur* ; quinque *celebratur* , quod Burmannus non improbat , quia ignis ille perpetuus.

299. Arnobius adv. Gentes , III , p. 119 : « Terram nonnulli Vestam » esse pronuntiant , quod in mundo » stet sola , cæteris ejus partibus mobilitate in perpetuo constitutis. » Sic jam Plato in Phædon. *Μίση πέν ἔστιν ἐν θεῶν διατ μόνῃ*. Sed mira est hæc Ovidii etymologia ; melius Cicerone , Nat. Deor. II , 27 : « Vestæ » nomen a Græcis est ; ea est quæ » ab illis *ἔστιν* dicitur. Vis autem » ejus ad aras et focos pertinet. » Conf. idem Legg. II , 12. — *Causa graii nominis* , ut *ἔστιν* dicta sit ab



At focus a flammis, et, quod fovet omnia, dictus;

Qui tamen in primis ædibus ante fuit.

Hinc quoque vestibulum dici reor: inde precando

Adfamur Vestam; Quæ loca prima tenes.

Ante focos olim longis considerare scamnis

305

Mos erat; et mensæ credere adesse deos.

Nunc quoque, quum fiunt antiquæ sacra Vacunæ,

Ante Vacunales stantque sedentque focos.

Venit in hos annos aliquid de more vetusto:

Fert missos Vestæ pura patella cibos.

310

Ecce, coronatis panis dependet asellis;

Et velant scabras florida sarta molas.

ιστάται, ὃ ἵσταν τοῖς τοκοῖς ἰσχύεται

Et sic sane scholiastæ quidam. —

Quod fovet; id quoque ineptum. —

Primas ædes Krebsius intellexit adi-

utum templi. Immo de ædibus hu-

manis cogita, earumque vestibulo;

vide ad I, 137. Græci Vestæ primæ

sacra faciebant, prius etiam quam

Jovi; vidè Lipsium de Vesta, cap. 2,

cui Ovidius quoque his verbis eo ad-

lusisse videtur, quamquam ipse ad

vestibulum retulerit. Vulgo legitur:

inde precando Dicimus, o Vesta.

Multi: Quæ famur Vesta aut vestra

est; tres Adfamur Vestam, quod

Heinsius prætulit, qui tamen ma-

lit: precando Præfamur Vestam, aut

precamur Præfati Vestam; nam pre-

camur esse in plurimis MSS; præ-

fari deos autem sæpe occurrere. Bur-

mannus præterea inde mutari vult in

inque.

305. Etiam Virgilius, Æn. VII,

176: « Perpetuis soliti patres consi-

» dere mensis, » ubi vide Servium.

— De Vacuna, dea otii et vacan-

tium, vide Horatii interpp. ad I,

Ep. x, 49. — De more vetusto, scil.

considendi ante focos. Hinc cibi mit-

tebantur Vestæ, in focum Vesta-

lem. — Fert, continet. — Puram Nea-

polis nunc explicat, deterfam, mun-

dam; quamquam puram et omne

id, quod rebus sacris inservit. Tres

Vaticc. curva, unde Heinsius con-

jicit curta.

311. Diebus feriatis etiam ani-

mantia coronari solebant, ut juven-

ci I, 663, catuli etc. Vide Wern-

sdorf. ad Poetas minor. tom. I, pag.

253. Ad nostrum locum pertinet

Propert. IV, 1, 21, ubi de antiquis

temporibus: « Vesta coronatis pau-

per gaudebat asellis. » — Recte Nea-

polis putat, panem dependentem ha-

buisse formam coronæ; vers. 347:

de pane monilibus ornas. Lactantius,

Inst. I, XXI, 26: « asinum Vestali-

bus panibus coronari. » Quamquam

et flores addebantur; vs. 469. Erant

autem molitorii asini, quibus id ho-

noris habebatur; unde et molæ ad-

duntur. Eas et alibi scabras vocat;

Art. Amator. III, 290: « Ut rudis

ad scabram turpis asella molam; »

Medicam. Faciei, 58: « Lenta jube

scabra frangat asella mola. » Causa

hujus epitheti; e Seneca, Epist. 90,

Sola prius furnis torrebant farra coloni ;

Et Fornacali sunt sua sacra deæ.

Subpositum cineri panem focus ipse parabat ;

315

Strataque erat tepido tegula quassa solo.

Inde focum servat pistor, dominamque focorum,

Et quæ pumiceas versat asella molas.

Præteream, referamne tuum, rubicunde Priape,

Dedecus? est multi fabula plena joci :

320

Turrigera frontem Cybele redimita corona

Convocat æternos ad sua festa deos ;

Convocat et Satyros, et rustica numina, Nymphas.

patet, ubi de panificii inventione agit : aliquis « lapidem asperum as- » pero imposuit ad similitudinem » dentium. » Quamquam et aliæ molæ partes *scabræ*, id est, non læves, esse potuerunt. De *molis* tam manuariis, quam asinariis veterum vide Beckmann. in Symbolis ad historiam Invent. vol. II, p. 1, et qui ibi laudantur.

313. Confer cum his II, 519 sqq., et quæ ibi notata sunt de *farre*, de eo *torrendo* et de *Fornacalibus*. Ibi vs. 528, negatur Fornaci esse *stata sacra*; male igitur h. l. sic habent edd. primæ et quatuor MSS, quod idem et Neapolis in suis reperit pro *sua sacra*. Heinsius conjicit, *Hinc Fornacali sunt data sacra deæ* : Got- torph. *sua templa*. — Antequam *furni* usus repertus esset, *foco* calido veteres utebantur ad panem coquendum ; Seneca, Epist. 90: « Pa- » nem primo cinis calidus et fervens » testa percoxit : deinde furni pau- » latim reperti sunt et alia genera. » Panes illi placentæ formam habebant, nec nisi sub cœnæ tempus coquebantur ; vide Heynii Opuscul. Acad. vol. I, p. 374. — Krebsius Vos-

sium sequitur, qui *quassa* in *cassa* mutat, et *cavam* interpretatur. Sed *cassus* est inanis, aut privatus aliqua re ; non, cavus ; et *quassam tegulam* confirmat Seneca, dicto loco, qui *testam* memorat. Solum stratum erat *tegulis quassis*, sive testis. Gato de agric. cap. 74, libum in *foco calido sub testu coquere* jubet. Passim occurrit *curta testa* ; vide Heinsium ad II, 646. — *Pumiceas* : Heinsius in Opusc. p. 236, cum plurimis MSS *pumiceas* tuetur, id est, rubras. Immo *pumex* omnis lapis excavatus ; IV, 495, et infra vers. 381, *cava machina* mola vocatur.

319. Simillima fabula I, 391-440 ; et Noster ex una duas fecisse videtur, ut rem sibi gratissimam bis narrare posset. Sic, ut hic, sed breviter, repetita est a Lactantio, Inst. I, XXI, 25, qui eam ab ipso Ovidio fictam putat. *Multi fabula plena joci*, ut II, 304 : *antiqui fabula plena joci*. Hoc loco libri meliores magno numero *fabula parva*, non improbante Taubnero. — De *turrigera corona* IV, 219 sqq. Omnes fere MSS et edd. quædam *turrigeram*. — Pro *convocat* duo evocat. Evocat alterum ;

Silenus, quamvis nemo vocarat, adest.

Nec licet, et longum est epulas narrare deorum : 325

In multo nox est pervigilata mero.

Hi temere errabant in opacæ vallibus Idæ :

Pars jacet, et molli gramine membra levat.

Hi ludunt : hos somnus habet : pars brachia nectit,

Et viridem celeri ter pede pulsat humum. 330

Vesta jacet, placidamque capit segura quietem,

Sicut erat positum cespite fulta caput.

At ruber hortorum custos Nymphasque deasque

Captat ; et errantes fertque refertque pedes.

Adspicit et Vestam ; dubium, Nymphamne putarit, 335

An scierit Vestam ; scisse sed ipse negat.

Spem capit obscænam, furtimque accedere tentat ;

Et fert suspensos, corde micante, gradus.

Forte senex, quo vectus erat, Silenus asellum

Liquerat ad ripas lene sonantis aquæ. 340

Ibat, ut inciperet longi deus Hellesponti,

Intempestivo quum rudit ille sono.

Territa voce gravi surgit dea : convolat omnis

Turba : per infestas effugit ille manus.

qui eum aliunde ad se venire jubet.

— *Convocat* h. l. aptius est. *Ed.*

325. *Nec licet.* Recte Burmannus notat respici Tantalī fabulam, qui epulis deorum admotus, quum ibi acta narrasset, pœnam senserit. Itaque et improbat Heinsii conjecturam, *Nec libet.* — De *Ida* ejusque *vallibus* vers. 15 ; IV, 182. — *Nectere brachia*, implexis manibus in orbem saltare ; Horatius, II, Od. XII, 18 : « dare brachia Ludentem nitidis vir- » ginibus. » — *Pulsare humum* de saltante etiam Horat. I, Od. XXXVII, 1 ; idem, III, Od. 18, *pellere humum*, cum Lucretio : « Gaudet in-

» visam pepulisse fossor Ter pede » terram ; » quibus tripudium, ut et h. l. describitur. — Pro *nectit* Moreti codex *jactat*, quod Taubnero placet. — Mox nonnulli *posito cespite*, ut cespes de industria subpositus fuerit capiti.

335. *Dubium* non ad Priapum pertinet, sed hæc sunt verba Ovidii interposita. — Cum verbis *fert suspensos* etc. confer I, 425-429.

344. Edit. Neapolis *effugit illa*, ut Vesta dicatur Priapi manus effugisse : quod placet Taubnero, sed non mihi : immo *ille* Priapus effugit per manus, quas dii convolantes ei in-



Lampsacos hoc animal solita est mactare Priapo : 345

Apta asini flammis indicis exta damus :

Quem tu , diva memor , de pane monilibus ornas.

Cessat opus : vacuæ conticuere molæ.

Nomine , quam pretio celebratio , arce Tonantis ,

Dicam , Pistoris quid velit ara Jovis. 350

Cincta premebantur trucibus Capitolia Gallis :

Fecerat obsidio jam diuturna famem.

Jupiter , ad solium Superis regale vocatis ,

Incipe , ait Marti ; protinus ille refert :

Scilicet ignotum est , quæ sit fortuna meorum , 355

Et dolor hic animi voce querentis eget.

Si tamen , ut referam breviter mala juncta pudori ,

jicere volebant. — *Lampsacos* etc. Sic et I, 439; et Lactantius, dicto loco : « Hac de causa Lampsacenos » asellum Priapo, quasi in ultionem » mactare consuevisse : apud Ro- » manos vero eundem Vestalibus » sacris, in honorem pudicitiae, pa- » nibus coronari. » Inde patet Lactantius, qui diserte monet, se ex Ovidii Fastis hanc fabulam repetere, hoc quoque distichon habuisse in suo cod. quod Heinsius ab homine male feriato præter rem inculcatum esse putabat; sed nec potest abesse propter sqq; nam *quem* refertur ad asinum. Burmannus hæc sic refingi volebat : *Lampsacos hinc animal solita hoc mactare Priapo : Hinc asini flammis indicis exta damus*; quia *hinc asini* est in multis edd. — *Memor*; aliter judicat Lactantius : « Quid turpius? quid flagitiosius, quam si Vesta beneficio » asini virgo est? » — *Cessat opus* nempe die Vestalium.

349-394. Digressio ad *aram Jovis Pistoris*, quæ non pertinet ad rem,

quamquam in hac fabula etiam Vestæ partes quædam fuere. Forte vs. 318 sqq hæc inserendi poetæ occasionem dedere. Summam rei habet Livius, V, 48 : « Quum identidem » Galli ( Romanis in Capitolio in- » clusis ) famem objicerent, eaque » necessitate ad deditionem vocarent, dicitur avertendæ ejus opinionis causa multis locis panis de » Capitolio jactatus esse in hostium » stationes. » Id consilium ad deos auctores postea relatum et ab Ovidio exornatum est. — *Arx Tonantis*, Capitolium. — *Trucibus*; etiam Livius, VI, 28 : « species Gallorum truces. »

354. *Incipere* etiam vs. 341 absolute positum : h. l. supplend. referre. — *Scilicet* gravem indignationem cum irrisione quadam exprimit, negatque ignotum esse id, quod jam additur. — Post *eget* sustuli signum interrogandi, quod in tali oratione locum non habet. — *Meorum* bene se habet, quamquam codd. meliores magno numero *malorum*. Unus

Exigis : alpino Roma sub hoste jacet.

Hæc est, cui fuerat promissa potentia rerum,

Jupiter ? hanc terris impositurus eras ?

360

Jamque Suburbanos, etruscaque contudit arma.

Spes erat in cursu : nunc Lare pulsa suo est.

Vidimus ornatos, ærata per atria, picta

Veste, triumphales occubuisse senes.

Vidimus Iliacæ transferri pignora Vestæ

365

Sede : putant aliquos scilicet esse deos.

*locorum*, alius *deorum*, tertius *viarum*. In Erfc. pro varia lectione, *quo sit romana loco res*, quod fluxit ex interpret. nostræ lectionis. — *Jacere* de victis : Mazarinæus *sub hoste fuit*, unde Heinsius *ruit* conjicit.

359. *Illā promissā potentia* etiam I, 517 ; II Met. 259, occurrit. Confer Virgilium, *Æneid.* I, 257 sqq. — *Imponi* de dominis ; Livius, XLV, 36 : « Si domini milites imperatoribus imponantur. » — *Pro contudit*. Ambrosianus *perculit* ; de qua varietate dictum ad IV, 628. Etiam apud Virgilium dicto loco, *Roma populos feroces contundet*. — *In cursu esse* legitur de voce V, 245 ; de furore Remed. 119 ; de fortuna X Met. 401 ; de dolore XIII, 508. — *Lare*, sede sua, deleta urbe Roma.

363. Galli, quum in urbem defensoribus nudam penetrassent, in ædium vestibulis sedentes repereunt senes consulares et triumphales, eosque splendidis vestibus ornatos, quos in sedibus suis trucidaverunt ; Livius, V, 41. Secundum Plutarchum in Camillo, 21 et 22, id factum in foro ; apud Florum, I, 13, in foro viri illi se diis Manibus consecrant ; inde in suas quisque ædes regressi in sellis curilibus considunt. Et *atria* et vestibula Livius

in hac re memorat. *Ærata* atria explicant, in quibus statuæ æneæ dispositæ ; Krebs. vertit : *in den bronzebelegten Hallen*. At priscae ætatis atria vix ita ornata fuerunt. Taubnerus adeo cum duobus codd. *aurata* malebat ; Lipsius, quem Bersmann. sequebatur, *cerata* suadebat, in quibus cereæ imagines. Duriter ! mihi Heinsii conjectura placet, *re-serata* ; etenim Livius dicto loco, *potentia atria principum* ; Florus *patentes domos* ; Valerius Maxim. III, 117, *apertas januas* habet. — *Vestes* eorum Plutarch. vocat *ἱεράς καὶ λαμπράς* ; Florus *trabeas* ; Livius, *quæ augustissima vestis est thesauri ducentibus triumphantibusve, ea vestiti medio ædium sedere* ; ea erat purpurea, auro intexto *picta* ; Plin. VIII, 48 ; IX, 60. — *Occubuisse*, quatuor *suocubuisse* : quidam *procubuisse*, quod Taubnerus non respuit.

365. Plutarchus in Camillo, 20 : *Τὸ πῦρ τῆς ἑστίας αἱ παρόντες μετὰ τῶν ἱερῶν ἀρπασάμεναι τῆρον*. Sacra religiosissima tum partim in dollis defossa, partim plaustris deportata sunt ; Livius, V, 40 ; Florus, I, 13. — Etiam post *deos* signum interrogandi mutavi, et *scilicet* capiendum ut vers. 355. Hoc sibi vult : stulti illi adhuc putant deos *esse aliquos*, qui

At si respicerent, qua vos habitatis in arce,

Totque domos vestras obsidione premi;

Nil opis in cura scirent superesse deorum,

Et data sollicita tura perire manu.

370

Atque utinam pugna pateat locus! arma capessant;

Et, si non poterunt exsuperare, cadant.

Nunc inopes victus, ignavaque fata timentes,

Monte suo clausos barbara turba premit.

Tum Venus, et lituo pulcher trabeaque Quirinus,

375

Vestaque pro Latio multa locuta suo.

Publica, respondit, cura est pro mœnibus istis,

Jupiter: et pœnas Gallia victa dabit.

Tu modo, quæ desunt fruges, superesse putentur,

Effice; nec sedes desere, Vesta, tuas.

380

vim habeant et curam gerant rerum humanarum; VI Metam. 542: « Si » tamen hæc Superi cernunt; si nuna mina divum Sunt aliquid. » Æque recte autem dicitur *aliquem*, ac *aliquid* esse de iis, qui potentia, dignitate, auctoritate valent. — *Qua vos habitatis*, Capitolium, ubi vos multis templis et aris colimini. Omnes fere dii ibi colebantur, et jam illo ipso tempore; apud Livium, VI, 16, Manlius: « Jupiter, Junoque » regina, ac Minerva, cæterique » dii deæque, qui Capitolium arcemque incolitis. » — *Nil opis esse in cura*, non opem esse expectandam a cura. — *Tura perire*, frustra accendi, *manu sollicita*, manu hominum de salute sua sollicitorum.

372. Pro *poterunt* primus Vatican. et quinque alii *poterint*; Taubnerus suadet *possint*: sine causa. — *Inopes victus* ambigue dictum, ut et Burmannus notavit; possunt enim intelligi et Romani victu destituti, et victus exigui, inopia, ut I Metam.

« Illos longa domant inopi jejunia victu. » Heinsius in ora cod. *inopes*, *victosque*. Burmannus porro monet, elegantius (immo gravius) fore *monte tuo*, quia mons capitolinus Jovi sacer. — In tribus Regiis legitur *inopes*: interp. gall. vertit: *Mais, hélas! dans leurs murs, assiégés par la faim, Du lâche qui se rend ils craignent le destin.*

375. De *trabea Quirint* vide ad I, 37; II, 504. — *Lituo* Romulus usus erat in condenda urbe; Virgil. Æn. VII, 187: « Ipse Quirinali lituo, » parvaque sedebat Succinctus trabea. » Utibi *succinctus*, sic hoc loco *pulcher* etiam ad *lituum* refertur.

377. *Curam* Scaliger putat dictam pro curatore. Potest et sic capi: hæc cura nobis omnibus communis esse debet, aut, pertinet non ad rem privatam, sed ad publicam; Livius, II, 41, *publica sollicitudo* de republica; III, 48, *publica indignatio* de reipublicæ damno. — *Seves tuas*; primus Ambrosianus et Læti, *Latum*



Quodcumque est Cereris solidæ, cava machina frangat;  
 Mollitumque manu duret in igne focus.  
 Jusserat : et fratris virgo Saturnia jussis  
 Adnuit ; et mediæ tempora noctis erant.  
 Jam ducibus somnum dederat labor : increpat illos 385  
 Jupiter ; et sacro, quid velit, ore docet :  
 Surgite, et in medios de summis arcibus hostes  
 Mittite, quam minime perdere vultis, opem.  
 Somnus abit, quæruntque novis ambagibus acti,  
 Perdere quam nolint, et jubeantur, openi. 390  
 Ecce, Ceres visa est : jaciunt Cerealia dona :  
 Jacta super galeas scutaque longa sonant.  
 Posse fame vinci spes excidit : hoste repulso,  
 Candida Pistori ponitur ara Jovi.  
 Forte revertebar festis Vestalibus illac, 395

*tuum* ex interpretatione.—*Ceres solida*, grana solida.—*Frangat*, ea contundantur saxis sibi illis aut pilo. Id quoque verbo *molere* expresserunt veteres ; vide Heynii Opusc. Acad. vol. I, p. 367.—*Mollitum* pro *mollitam* recepi ex Heinsii conjectura ; præcessit enim *quodcumque*. *Mollitum manu*, subactum manu, adpersa aqua.—*Duret focus* ; vide ad vers. 315 sq.

383. Heinsius suadet, *at fratris*, et paulo post, *tempora noctis eunt*. — *Increpare*, impellere, excitare, quod posterius unus Moreti habet ; Virgil. Georg. IV, 71 : « morantes » Martius ille æris rauci canor in- » crepat ; » Æn. I, 738, ubi *increpitans* est adhortans, aut, ut Servius explicat, inclamans. — *Perdere vultis* ; hanc lectionem primæ editionis quatuor MSS prætulit Burmannus ; sed Heinsio non discipiebat ex Ursini, Vossiano et uno Patavino mit-

*tere*, quam repetitionem non invenustam putabat ; vulgo *tradere*. Mihi *perdere* etiam propterea verum videtur, quia idem verbum mox a Romanis repetitur, quod fieri debebat a deliberantibus ; sine causa ibi Heinsius *prodere* legi vult.

389. *Novis ambagibus acti* non bene verum : *von sonderbaren Zweifeln geängstiget*. *Ambages* vocantur monita obscura ; IV, 261 : *ambages sortis obscuræ* ; Ibid. 379 : *ambages oris obscuri* ; XIV Met. 57 : *obscurum verborum amage novorum*. — *Ceres visa est* ; conjectando eo delati sunt, ut crederent *Cererem*, id est, panem, intelligi.—*Ecce* recepit Heinsius ex Ursini, Naugeriano, et octo aliis. Non deterior vulgata est *Esse*. — *Scuta longa*, sed ad amplitudinem corporis parum lata etiam Livius Gallis tribuit.

395. Cur sacris Vestalibus matronæ pede nudo in forum descendant.

Qua Nova romano nunc via juncta foro est.  
 Huc pede matronam vidi descendere nudo;  
 Obstupui; tacitus sustinuique gradum.  
 Sensit anus vicina loci; jussumque sedere  
 Adloquitur, quatiens, voce tremente, caput: 400  
 Hoc, ubi nunc fora sunt, udæ tenuere paludes;  
 Anne redundatis fossa madebat aquis.  
 Curtius ille lacus, siccas qui sustinet aras,  
 Nunc solida est tellus, sed lacus ante fuit.  
 Qua Velabra solent in circum ducere pompas, 405  
 Nil præter salices, cassaque canna fuit.  
 Sæpe suburbanas rediens conviva per undas

Interpreti gallico hunc locum inseruisse Ovidius videtur, ut Velabrum describere posset. Quod non est; Velabri enim non nisi obiter et breviter fit mentio.—*Festis* servavimus Mitscherlichio; nam Burmannus e tribus MSS *sactis* invexit, quia *festis Vestalibus* ei ut κακίμπτου aut κακόςουον displicebat; sic et Taubnerus sensit. Ego vero arbitror, repetitionem similium sonorum romanis auribus gratam adeo fuisse; vide ad I Met. 299; III, 60. Quod nî esset, non placuissent iis et illa, manus manum lavat, homo hominem odit, aut quæ infra vers. 440 occurrunt, ignibus ignes, flammæ flamma. — *Illac* Heinsius e libris plerisque pro *illa* recepit. — Ad *Novam viam* sedes erat Vestæ; Livius, V, 32.—Burmanno elegans videbatur lectio, quam Neapolis in suo cod. reperit, *revertabar*, quam recepisset, nisi sequeretur *jussumque sedere*, unde eum pede iter fecisse colligatur. Nec credibile est, poetam tempore sacrorum circumvectatum esse ædem deæ.—*Descendere* de iis qui in forum eunt, quia cives honestiores in

montibus habitabant. — *Gradum*, plures *gradus*; inde Heinsius facit, *tacitos sustinuique gradus*.

399. Simile figmentum IV, 685 sqq.—*Loci*, alii *loca*.—*Fossa*, omnino locus profundus; ibi *lacus*, qui vel bello Sabino a *Metto Curtio*, vel serius a *M. Curtio*, juvene egregio, quum se in specum illum immisisset, nomen invenit; Liv. I, 13; VII, 6; « Redundatæ flumine aquæ » etiam II Trist. 51. Hoc loco pluri ex vetustioribus *Mane redundanti*. Paulo ante: *Hic... tumere paludes*. Eo autem loco erat *ara Saturni*.

405. *Velabrum*, planities inter capitulinum, palatinum et aventinum montem. — *Pompas* intp. gallicus triumphales intelligit; tu vero Circenses intellige, satis illas splendidas, de quibus III Amorr. 2, et Suetonius passim. Quamquam et triumphantes Velabrum prætervehantur; Sueton. Cæsar. 39. *Velabra ducunt pompas*, pompæ procedunt per Velabra. — *Cassa*, inanis, vid. Heins. qui hoc ex Farnes. et Mazar. a manu prima accepit pro *crassa*. Stagnum autem Velabri et

Cantat : et ad nautas ebria verba jacit.

Nondum conveniens diversis iste figuris

Nomen ab averso ceperat amne deus.

410

Hic quoque lucus erat , juncis et arundine densus,

Et pede velato non adeunda palus.

Stagna recesserunt , et aquas sua ripa coercet ;

Siccaque nunc tellus : mos tamen inde manet.

Reddiderat causam : Valeas , anus optima , dixi ;

415

Quod superest ævi , molle sit omne , tui.

Cætera jam pridem didici puerilibus annis ;

Non tamen idcirco prætereunda mihi.

Mœnia Dardanides nuper nova fecerat Ilus :

Ilus adhuc Asiæ dives habebat opes.

420

Creditur armiferæ signum cæleste Minervæ

Urbis in Iliacæ desiluisse juga.

Cura videre fuit : vidi templumque locumque ;

alii memorant ; Propert. IV, 1x, 5 : Hercules venit « Qua Velabra suo » stagnabant flumine , quaque Nautæ per urbanas velificabat aquas ; » Tibullus , II , III, 33 : « At qua Velabri regio patet , ire solebat Exiguus pulso per vada linter aqua. » Illa sæpe gregis ditis placitura magistro Ad juvenem festa est vecta puella die. » — Pro *verba* Heins. mavult *dicta* , id est , dicteria ; sed *τὸ ebria* satis definit rationem *verborum* istorum. De verbis , quibus lædimus aut lacessimus alterum , usitatum est *jacere* ; Cic. Sul. 7 , *jacere contumeliam* : quamquam interdum et simpliciter edere significat.

409. Vertumnus intelligend. Propertius , IV , II , 7 , de foro romano : « Hac quondam Tiberinus iter » faciebat ; et aiunt Remorum auditos per vada pulsa sonos. At postquam ille suis tantum concessit

» alumnis , Vertumnus verso dicor » ab amne deus ; » idem vers. 21 , *convenientem diversis figuris* describit : « Opportuna mea est cunctis » natura figuris : In quamcumque » voles verte , decorus ero ; » id quod latius exornavit Ovidius , XIV Met. 642 sqq. — Paulo post *inde* pro *ille* Heins. ex primo Bononiensi dedit.

419. De *Palladio* , sive signo Palladis , quod e cælo delapsum , *δεῖτα* , summa religione in arce Iliaca colebatur , quodque in multis nummis Juliæ gentis expressum cernitur. Historiam ejus habet Apollodorus , III , XII , 3 , ubi vide Heynium. — *Dardanus* 200 s. 150 ann. ante Trojæ excidium Dardaniam , urbem ad Idam montem , condidit. Ejus pronepos *Ilus* autem *nova mœnia fecit* , Ilion. — *Juga* ; multi *jugo* , quod Mitscherlichius prætulit : Douza malebat *jugum*. — *Cura* etc. Iter



Hoc superest illi : Pallada Roma tenet.

Consulitur Smintheus ; lucoque obscurus opaco

425

Hos non mentito reddidit ore sonos :

Ætheriam servate deam ; servabitis urbem :

Imperium secum transferet illa loci.

Servat , et inclusam summa tenet Ilus in arce ;

Curaque ad hæredem Laomedonta venit.

430

Sub Priamo servata parum : sic ipsa volebas ,

Ex quo iudicio forma revicta tua est.

Seu genus Adrasti , seu furtis aptus Ulixes ,

Seu pius Æneas , eripuisse datur.

olim Ovidium fecisse in Asia , magnificasque ejus urbes perspexisse , ex I Trist. II , 77 , II ex Ponto , x , 21 , apparet.—*Templum* illud bis deletum est , bello Mithridatico et a Fimbria . Prius instauravit Lysimachus , posterius alius.—*Illi* Burmannus in *III* . id est , *Illii* mutari volebat . *Illii* autem Heinsius ex Ursini cod. habuit , cui et Frcf. accessit ; cæteri *illie* . — Regii codices *illie* , sed præstat *illi* .

425. *Smintheus* , Σμινθίος , Apollo Sminthius , haud dubie a Sminthe sive Smintho , urbe Troadis , sic dictus ; Heyn. in Observat. ad Hom. II. A , 39. — *Mentitos* præfert alter Puteanus ; alterum melius . Ita X Metam. 19 , *falsum os*. — *Ætheream* , ex æthere delapsam. — *Servabitis* etc. Pignus imperii describitur . Disputant , utrum eadem fuerit , cujus in arce Ilii positæ genibus peplum trojanæ mulieres apponunt , II. 2 , 273 , an ab ea diversa ; vide Heynii excurs. IX ad Æneid. II.

431. Servavi cum Mitscherlichio lectionem antiquam ; nam Heinsius invexit e MSS quibusdam *volebat* et *mox suo*. — De iudicio Paridis vide

vers. 15.—De Palladio rapto variæ erant traditiones . Secundum alios , Diomedes et Ulysses abstulerunt ante Trojam captam ; Æn. II , 164sq. : secundum alios , ab Antenore proditum est Achivis.—*Genus* ; plurimi MSS *gener* , quod damnat Taubnerus ; immo utrumque locum habet . Diomedis pater Tydeus Deipylen *Adrasti* filiam duxit , et Diomedes ipse Ægialeam , aliam *Adrasti* filiam ; Apollodorus , I , VIII , 6 ; III , VI , 1 ; quamquam Heynio ad loc. pr. probabilius videtur , Ægialeam Adrasti neptem fuisse ex Ægialeo filio. — *Furta* . res clandestinæ ; XIII Met. 104 , de Ulysse : « furtis incautum decipit hostem . » Thuan. hoc loco *furtis notus* ; Virgilius , Æneid. II , 44 , *sic notus Ulixes* ? Sed Burmannus inde facit *natus* , quia XIII Met. 110 , de Ulysse : « timidæ natæque ad furta sinistræ . » — Nonnulli tradebant , Græcos simulacrum ad verisimilitudinem eripuisse , *Æneam* autem rei gnarum adtulisse verum ; Dionys. Halicarn. II , 66.—*Datur* , id est , narratur , Heins. ex uno Sarraviano dedit ; nam vulgatum *ferunt ferri* non poterat .

Auctor in incerto : res est romana ; tuetur  
 Vesta, quod adsiduo lumine cuncta videt.  
 Heu quantum timuere Patres, quo tempore Vesta  
 Arsit, et est adytis obruta pæne suis !  
 Flagrabant sancti sceleratis ignibus ignes ;  
 Mixtaque erat flammæ flamma profana piæ. 440  
 Adtonitæ flebant, demisso crine, ministræ :  
 Abstulerat vires corporis ipse timor.  
 Provolat in medium, et magna, Succurrite, voce,  
 Non est auxilium flere, Metellus ait :  
 Pignora virgineis fatalia tollite palmis, 445  
 Non ea sunt voto, sed rapienda manu.  
 Me miserum ! dubitatis ? ait : dubitare videbat,  
 Et pavidas posito procubuisse genu.  
 Haurit aquas ; tollensque manus, Ignoscite, dixit,

435. Locus mihi sanus videtur. Quicumque Palladium rapuerit, certe Romæ est, ibique servatur in æde Vestæ, quæ id tuetur, quia in igne perpetuo templi sui omnia videt; sed Heinsius corrigebat : *præses romana tuetur*; quod *adsiduo lumine juncta* (ut Gronovius suaserat) *videt*; quod videt junctum Vestæ Palladium, nempe quod eodem templo est sub Vestæ tutela. Suadebat etiam, *Præstes romana*, quemadmodum *Lares præstiles* dicuntur, Minerva *præstes* etc. Denique totum distichon interpolatoris manu procusum esse censebat; in quo ei assentiebat Taubnerus.

437. De hoc incendio tempore belli Punici secundi, et de Metelli studioservandi Palladium conf. Dionys. Halic. II, 66; Livii Epitom. 19; Valerium Maxim. I, 4; Senecam, Controv. IV, 2; Plin. Histor. Natur. VII, 43, s. 45.—*Adytis* habuit

Heins. e primo Ambrosiano et Læti; vulgo *tectis*.—*Flagrabant* etc. Lusus ineptus, sed Ovidio consentaneus.

441. *Ministræ* apud Dionysium fugiunt.—L. Cæcilius *Metellus*, qui, Carthaginiensibus in Sicilia devictis, 138 elephantos in triumpho duxit, pontifex maximus erat, ideoque præfectus Vestalibus et Vestæ sacris. Is, neglecta sua salute, utilitatis publicæ causa, summo cum periculo est ausus in ardens penetrare irrupere et sacra deserta a virginibus ex ipso incendio eripere. — *Provolat*; Francof. et quinque alii *pervolat*, probante Taubner.—Farnesian. et tres alii *viva voce*, quod Heinsius comprobatur, sed alienis locis. *Magna vox* est clara; etiam apud Livium, I, 48, Servius rex clamat *magna voce*.—*De pignoribus imperii* vide III, 422.—*Fatalia*, unde pendet fatum imperii.

449. *Haurit aquas*, quibus se lu-

Sacra : vir intrabo non adeunda viro.  
 Si scelus est, in me commissi pœna redundet :  
 Sit capitis damno Roma soluta mei.  
 Dixit, et irrupit : factum dea rapta probavit ;  
 Pontificisque sui munere tuta fuit.  
 Nunc bene lucetis sacræ sub Cæsare flammæ :  
 Ignis in Iliacis nunc erit, estque, focus :  
 Nullaque dicetur vittas temerasse sacerdos  
 Hoc duce ; nec viva defodietur humo.  
 Sic incesta perit ; quia, quam violavit, in illam  
 Conditur ; et Tellus Vestaque numen idem est.  
 Tum sibi Callaico Brutus cognomen in hoste

450

455

460

straret ante, quam sacra adiret.—  
*Viris* interdiu patebat templum Vestæ ; sed ad ejus intima penetrare ne pontifici quidem maximo licebat ; Dionysius Halicarn. dicto loco ; hinc Lucanus, I, 503, de Vestali : « Trojanam soli cui fas vidisse Minervam. »

453. *Irrumpere* verbum in hac re proprium, ut docet Burmann. ; alii *eripuit*, *arripuit*. Passus est Metellus id damni, ut incendio usum oculorum amitteret ; sed senatus id compensavit magnis honoribus, quos Dionysii adhuc ætate statua in Capitolio ei posita testabatur ; Plinius dicto loco : « Tribuit ei populus ro- » manus quod nunquam ulli alii ab » condito ævo, ut, quoties in sena- » tum iret, curru veheretur ad Curiam. Magnum et sublime, sed » pro oculis datum. »

455. Desinit hic locus in votum. *Cæsar* vel Augustus, vel, ut Lenzius vult, Tiberius. Augustus quidem Vestalium commoda inprimis auxit ; Suetonius August. 31.—*Temerare* plus est, quam polluere ; II Metam. 592, *patrium temerasse cu-*

*bile*.—*Vittæ* virginæ pro ipsa virginitate.—De incestu Vestalium earumquesupplicio vide Plinium, IV, Epist. 11, et quæ ibi notavimus.

461—468. *Eodem die Brutus Callaici cognomen invenit, Crassus autem devictus est a Parthis*. Hæc quo arctius jungerentur superioribus, interposuit versu 467, *deam*, nempe Vestam.—*Gallæci*, populus Lusitanæ inter Minium et Durium amnes ; hos vicit anno u.c. 618, *Decimus Brutus* ; Florus, II, XVII, 12 : « D. Brutus aliquanto latius Celti- » cos Lusitanosque, et omnis Gallæ- » ciæ populos, formidatumque mili- » tibus flumen Oblivionis : peragra- » toque victor Oceani litore, non » prius signa convertit, quam ca- » dentem in maria solem, obrutum- » que aquis ignem, non sine quo- » dam sacrilegii metu et horrore de- » prendit. » Adde Velleium, II, v, 1. Sic apparet, meruisse eum *Gallæci* nomen ; sic illud apud Plinium, Florum, Velleium constanter scribitur ; sed hoc loco non nisi unus Neapolis cod. *Gallæco*, quod haud dubie verum. Sed quia omnes



Fecit, et hispanam sanguine tinxit humum.

Scilicet interdum miscentur tristia lætis,

Ne populum toto pectore festa juvent.

Crassus ad Euphraten aquilas, natumque, suosque 465

Perdedit, et leto est ultimus ipse datus.

Parthe, quid exsultas? dixit dea: signa remittes;

Quique necem Crassi vindicet, ultor erit.

AT simul auritis violæ demuntur asellis,

Et Cereris fruges aspera saxa terunt; 470

Navita puppe sedens, Delphina videbimus, inquit;

Humida quum pulso nox erit orta die.

JAM, Phryx, a nupta quereris, Tithone, relinqui:

Et vigil Eois Lucifer exit aquis.

Itē, bonæ matres; vestrum Matralia festum; 475

reliqui libri, scripti et editi, in *Caltaico* conspirant, nolui hoc movere. — *In hoste* Heinsius ex Ursini, et Zulichemiano sumsit; cæteri *ab hoste*: utrumque recte dicitur. — *Scilicet* in principio sententiarum excitat mentem legentis, ut III Met. 135. — Mox Scaliger suadet. *Nec... juvant*, adprobante Daniel. Heinsio; et Taubnerum facile consentientem habuisset, si codd. auctoritas adesset. Mihi alterum magis placet, ut causa illius mixturæ indicetur.

465. De *Crassi* perniciē et *ultore* vide V, 580 sqq.

466–472. IV *Idus Delphini ortus vespertinus*; sic et Plinius, XVIII, 27. — *Violæ*, coronæ, de quibus versu 310. — *Auritus* debetur Afranio, quem Virgil. Georg. I, 308, secutus, *auritos lepores* dixit. De *asino*, quem Phædrus, I, 11, *auritulum* vocavit, legitur etiam II Art. Amat. 547. Puteanus, et Arondel. hoc loco *auratis*, quo Taubnerus ad auratam hostiam respici putat; male; cor-

nua hostiarum inaurari solebant, non asini. — *Saxa terunt*, quæ die superiore cessabant; vers. 348. MSS quidam, *dementur et terent*.

473–562. III *Idus Matulæ templum positum est et Matralia in ejus honorem celebrantur*. Primum poeta indicit sacra 473–480; tum ipse hujus loci partes 481, 482 indicat; quæ dea sit, narratur 485–550; quare famulas arceat, 551–558; cur liba tosta petat, 531–534, quibus in fine 559, additur illud, cur eam matres non adorent pro stirpe sua.

De *Tythone Phryge*, ejusque conjuge *Aurora*, vide I, 461; III, 403. — *Exit aquis*, ut II ex Ponto, V, 50: « Qualis ab Eois Lucifer exit aquis; » quamquam ibi plurimi, *ortus aquis*; IV Met. 92, *aquis nox surgit ab isdem*. Verum Pembroc. Putean. Frcf. et tredecim aliī, *exit equis*, quod sine causa damnat Burmannus. Lucifer vel equo solitario vehabatur, vel curru et equis jugilibus; Tibullus, I, 1x, 62, ibique

Flavaque thebanæ reddite liba deæ.  
 Pontibus et magno juncta est celeberrima circo  
 Area, quæ posito de bove nomen habet.  
 Hac ibi luce ferunt Matutæ sacra parenti  
 Sceptraferas Servî templa dedisse manus.  
 Quæ dea sit; quare famulas a limine templi  
 Arceat, arcet enim, libaque tosta petat;  
 Bacche, racemiferos hedera redimite capillos,  
 Si domus illa tua est, dirige navis iter:  
 Arserat obsequio Semele Jovis; accipit Ino  
 Te, puer; et summa sedula nutrit ope.  
 Intumuit Juno, rapta quod pellice natum

480

485

Heynius; hinc XV Met. 189, *quumque albo Lucifer exit Clarus equo*. — De libis vers. 531. — *Thebana* Ino in hanc *deam* mutata est.

477. *Area*, forum boarium, ubi *positus* erat *bo* ex ære Æginetico; Tacit. Annal. XII, 24, forum boarium, « ubi æreum tauri simulacrum ad » spicimus; » Plinius, XXXIV, 2, s. 5, de ære Æginetico; « Bos æreus » inde captus in foro boario est Romæ. » Fuit autem id forum in regione octava, ut ex Victore constat. Ibi ædem fuisse *Matutæ matris*, etiam ex Livio, XXXIII, 27, constat; idem, V, 19, ubi Camillus vocet, se Veiiis captis, eam esse refecturam, et cap. 23, dedicat, addit eam jam pridem dedicatam esse a *Servio Tullio* rege; confer Plutarchum Camill. 5.

483. Invocat *Bacchum*, qui ex eadem familia, et a Matuta olim educatus. — Pro *redimite* Taubnero non displicet ex Mazarin. Zulichemiano, primo Farnesiano, Patavino et Statio ad Theb. VII, 150, *distincte*. Potuisset comparare III Metam. 665: « gravidis distinguunt vela corym-

bis; » verum de coronatis non facile occurrit hæc vox, at sæpissime *redimitus*; IX Met. 3 et 238; XIV, 654. — *Domus*, familia, nempe Cadmea; male Krebsius: *wenn jenes deine Behausung ist*. — *Dirige navis iter*, ut I, 4; ita autem Heinsius ex uno Mediceo et Juniano dedit, et *iter* etiam e Thuaneco; cæteri omnes *dirige vatis opus*, quod Taubnerus ac Krebsius præferunt. Ac ille quidem in altera lectione nexum desiderat; referri hæc ad verba *Quæ dea sit*; hoc vero non esse *iter navis*. Id nibili est; potius propter multitudinem codd. *vatis opus* revocandum videtur.

485–498. Has fabulæ partes III Metam. 260–315, IV, 416–529, copiosissime narravit. — *Obsequio*, ut III Metam. 293: « peritura amanti Obsequio Semele. » — Pro *accipit* primus Ambrosianus et Læti, *excipit*, cui adscripsit Heinsius, ut obstatrix cadentem quasi de matre excipit. — *Educet*, atque adeo eo alumno superbiat; IV Met. 416. — *Rapta* mihi non placet; veteres plurimi *raptum*, quod Taubnerus præfert,

Educet : at sanguis ille sororis erat.

Hinc agitur furiis Athamas et imagine falsa :

Tuque cadis patria, parve Learche, manu.

490

Mœsta Learcheas mater tumulaverat umbras ;

Et dederat miseris omnia justa rogis.

Hæc quoque, funestos ut erat laniata capillos,

Prosilit; et cunis te, Melicerta, rapit.

Est spatio contracta brevi, freta bina repellit,

495

Unaque pulsatur terra duabus aquis.

Huc venit insanis natum complexa lacertis;

Et secum e celso mittit in alta jugo.

Excipit illæsos Panope, centumque sorores,

Et placido lapsu per sua regna ferunt.

500

Nondum Leucothee, nondum puer ille Palæmon

ut intellig. *genetricis ab alvo ereptus*, III Met. 311; sed *pellice* potius ad *natum* pertinet, et ita *raptum* foret otiosum. Heins. scribi volebat, *partum quod pellice natum*; Krebs. contra mythol. vertit: *den Sohn einer entführten Buhlerin*. — *Sanguis*; ita V Metam. 515, Ceres Proserpinam *sanguinem* suum et Jovis vocat. Ple-nior forma est IV Met. 788: « matris de sanguine natos. »

489. *Furiis*, furore Tisiphones, quæ, excitata a Junone, Athamanti et uxori, admoto serpente, graves animas inspiravit. Hinc Athamanti objecta *imago*, ut uxorem et duos filios pro læna haberet cum gemina prole, *Learchum*, autem, alterum filiolum, raptum de sinu matris saxo illideret. Mox mater quoque furore correpta cum Melicerta, filio altero, e scopulo se præcipitat in mare; Ovidius, dicto loco. — *Tumulaverat umbras*; sepulto corpore, anima aut *umbra sepulcro condi* dicebatur; vide ad V, 451.

495. Isthmus Corinthiorum describitur; ibi Moluris scopulus, unde Ino se cum filio præcipitasse credebatur; Pausanias, Attic. p. 108. — *Breve*, angustum, non latum. — *Contracta spatio*, contracta in spatium; scholiast. Statii ad Thebaid. VI, 10, legit *concreta*; primus Ambrosian. *contacta*; Sarravii, *contenta*, quod Burmanno non displicebat, ut esset a *continueo*. — Tum olim edebatur *e summo jugo*; quidam, *excelso*.

499. Hanc fabulæ partem Metam. d. I. paucissimis verbis attigit et aliter narravit. Nunc id agit, ut Ino cum filio in Italiam deferatur, ibique in Matutam deam, Melicertes autem in Portunum mutetur. Illa Græcis *Leucothee*, hic *Palæmon*. — *Panope*, una ex quinquaginta Nereidibus, quarum omnium nomina Hesiodus, Theog. 240, habet. — *Lapsus* bene de ea, quæ more Nereidum per mare natat. — *Nondum Leucothee* etc. Ea, quæ nondum



Vorticibus densi Tibridis ora tenent.

Lucus erat : dubium , Semelæ Stimulæne vocetur ;

Mænadas ausonias incoluisse ferunt.

Quærit ab his Ino , quæ gens foret : Arcadas esse 505

Audit ; et Evandrum sceptrâ tenere loci.

Dissimulata deam , latias Saturnia Bacchas

Instimulat fictis insidiosa sonis :

O nimium faciles , o toto pectore captæ ,

Non venit hæc nostris hospes amica choris : 510

Fraude petit ; sacrique parat cognoscere ritum.

Quo possit pœnas pendere , pignus habet.

Vix bene desierat ; complent ululatibus auras

Thyades effusis per sua colla comis ;

Injiciuntque manus , puerumque revellere pugnant. 515

Leucothee dea erat , is , qui nondum Palæmon , jam tenebant ora , ostium , Tibridis.—*Densis* Heinsius mutavit in *densi* ; *densus* idem quod frequens.

503. *Semelæ* lucus etiam Romæ fuit ; vide Neapol. et Heinsium qui lucum *Faunæ Fatuæ* sive *Bonæ deæ* intelligit. Semelen enim a Bæotis Fauni filiam esse habitam. *Similæ* lucum habet Livius , XXXIX , 12 : « Ex » promeret sibi , quæ in luco Simi- » læ Bacchanalibus in sacro noctur- » no solerent fieri. » Porro *Stimulæ* deam etiam Augustin. de Civit. Dei , memorat , ejusque *lucum* scholiast. Juvenalis ad Sat. 11 , 3 : « Sa- » cra Bacchanalia ex SC damnata » sunt , quum probatum esset sena- » tui , honestissimas feminas ad Sti- » mulæ deæ lucum fœde adultera- » ri. » Burmannus putat , *Stimules* vel *Stimulæ* lucum a vulgo corrupta pronuntiatione pro *Semeles* appellatum. Vide et Gronov. ad Livii dictum locum. Olim autem hoc loco

edebatur *Semele Stimulene* ; Neapolis ex suis proferebat et laudabat *Stimelene* ; quidam MSS *Semeles Stimulesne*. Inde facta est forma latina , quam certe *Stimula* postulat. Heinsius suadet , *Semelæ Stimulæ* dictus.

509. *Faciles* ad credendum , credulæ. In altero *toto pectore captæ* hæserunt interpp. Schirachius : « hæc » dictio si quam habet vim , eam , » habet : vos totæ deditæ aliis , ut » ironice hic sit adhibita ; » Krebsius : *ganz mit der Seele Bezauberte*. Immo , ut vers. 204 , *lumine captus* est usu oculorum privatus , ita *pectore captæ* sunt , privatæ usu pectoris sive sensu , stolidæ. Unus *cæco pectore* , quod Taubnerus non improbat , sed ita *captæ* aliter explicandum foret.—*Petit* , invadit vos , decipere vos vult ; verbum sumtum a gladiatoribus , qui *petere* dicuntur quum ictum inferunt.—*Pignus* amoris , filium.

514. Confer III Metam. 725 ; omnes fere MSS *in sua colla*.—*Revel-*

Quos ignorat adhuc, invocat illa deos :

Dique, virique loci, miseræ succurrite matri!

Clamor Aventini saxa propinqua ferit.

Adpulerat ripæ vaccas Œtæus iberas :

Audit; et ad vocem concitus urget iter.

520

Herculis adventu, quæ vim modo ferre parabant,

Turpia femineæ terga dedere fugæ.

Quid petis hinc, cognorat enim, matertera Bacchi?

An numen, quod me, te quoque vexat, ait?

Illa docet partim; partim præsentia nati

525

Continet: et furiis in scelus isse pudet.

Rumor, ut est velox, agitat pervolat alis;

Estque frequens, Ino, nomen in ore tuum.

Hospita Carmentis fidos intrasse penates

Diceris, et longam deposuisse famem.

530

Liba sua properata manu Tegeæa sacerdos

Traditur in subito cocta dedisse foco.

*lere*; alii *avellere*: sic Cic. pro Font. 17: « De matris complexu avellere. »—Tum plurimi *tentans*.—Mox cum Mitscherlichio prætuli *virique*, pro quo Heinsius non nisi ex uno Mazarinæo *deæque* dederat. Quidni mulier in summo discrimine *viros* et deos appellaverit? Et mox accurrat *vir*.

519. De Herculis cum *vaccis iberis* adventu, tempore Evandri, vide I, 543 sqq. *Œtæus* hic vocatur per prolepsin, qui serius se combussit in Œta monte; IX Met. 230. Unus *Tirynthius heros*.—*Concitus*, ἑρμῆς, qui ruit celerrime; IV, 461. — Pro *cognorat* Mediceus *agnorat*; tres, *cognovit*.

526. *Continet*, coercet, reprimit, impedit; Cicero, Harusp. Resp. I, *Exsultantem continui*. — Mox

Heinsius non bene volebat *provolat*, ut vers. 443; at ibi *provolare in medium*, nunc *pervolat* scilicet omnia loca; Claud. XXII, 408: « Jam Fama loquacibus ales Pervolat ocea- » num linguis; » ibi quoque *Fama alata*. Minus graviter Noster VI Met. 147, *per oppida facti Rumor it*.

529. Læti cod. *Carmentæ*; et *Carmenta* et *Carmentis* dicta Evandri mater; vide Victor. de Orig. R. 5. — De *Tegeæa* vid. I, 645. — *Liba*: testuata intelliguntur; Varro: « Te- » stuatium, quod in testu caldo co- » quebatur; ut etiam nunc *Matra-* » libus id faciunt matronæ. » Ea quomodo ex caseo, farina siliginea et ovo facta sint, atque in foco caldo sub testu leviter cocta, docet Cato de Agric. 75. — *In subito*; sic meliores; sed Taubnerus vulgatum et su-

Nunc quoque liba juvant festis Matralibus illam:

Rustica sedulitas gratior arte fuit.

Nunc, ait, o vates, venientia fata resigna,

535

Qua licet: hospitiiis hoc, precor, adde meis.

Parva mora est: cælum vates ac numina sumit,

Fitque sui toto pectore plena dei.

Vix illam subito posses cognoscere; tanto

Sanctior, et tanto, quam modo, major erat.

540

Læta canam: gaude, defuncta laboribus, Ino,

Dixit; et huic populo dextera semper ades.

Numen eris pelagi: natum quoque pontus habebit;

In vestris aliud sumite nomen aquis.

Leucothee Graiis, Matuta vocabere nostris:

545

In portus nato jus erit omne tuo.

*bilo* præfert. *Subitus* focus est subito calefactus.

535. *Resignare* bene de vate, qui prodit latentia. — *Qua licet* recte se habet; Vossianus et tres alii, *Qua libet*; unus, *Quæ libet*: Heinsius conjicit *Quamlibet*. — Taubnero placet cum uno *hospitiis tuis*; Mediceus *officiis tuis*: alius, *officiis meis*. Si *meis* propter consensum tot codd. tuemur, interpretabimur, quibus ego a te excipior. — *Meis*, quod etiam habent Regii codices, bene interpretatur *Gierig*. Ed. — Ut *sumere* animum, vires dicimur, quibus vel commovemur, vel implemur: sic vates nunc *sumit numina* et *cælum*, sive vim cælestem. Servavi autem hoc verbum cum Mitscherlichio; Burmannus contra ex uno Puteano in-*venit sensit*, quod mihi ex interpret. fluxisse videtur. Neque tempus perfectum hic locum habet, quia sequitur *fit*. Si placet hoc verbum adoptare, certe, ut et Taubn. vidit, cum edit. Jansonio-Wæsb. *sensit*

legendum erit. — *Sanctior*, augustior; ita apud Plinium, pan. VIII, 3, Nerva « repente fit solito major et augustior, » quasi forma divina indutus.

542. *Dextera* pro *prospera* Heinsius ex quatuor MSS. recepit, quia etiam I, 67, ad Janum: *Dexter ades ducibus*; Metam. dicto loco Neptunus, Veneris precibus commotus, natantibus his in mari « nomenque » simul faciemque novavit: Leucotheeque deum cum matre Palæmona dixit. » Hos cuncta Græcia venerabatur; Cicero, Nat. deor. III, 15. Fons fabulæ ex Homeri Od. E, 335 sqq. — Eandem esse *Matutam* Romanorum, etiam Cicero, Tusc. I, 12, narrat: « Quid? Ino, Cadmi filia, nonne Leucothea nominata a Græcis, Matuta habetur a nostris? » De *Matuta* Nonius Marcel. « Manum dicitur clarum, » unde etiam mane post tenebras noctis diei pars prima. Inde *Matuta*, quæ græce Leucothea. » —



Quem nos Portunum, sua lingua Palæmona dicet :

Ite, precor, nostris æquus uterque locis.

Adnuerant : promissa fides : posuere labores ;

Nomina mutarunt ; hic deus, illa dea est.

550

Cur vetet ancillas accedere, quæritis ? odit ;

Principiumque odii, si sinat ipsa, canam :

Una ministrarum solita est, Cadmei, tuarum

Sæpe sub amplexus conjugis ire tui.

Improbis hanc Athamas furtim dilexit : ab illa

555

Comperit agricolis semina tosta dari.

Ipsa quidem fecisse negat, sed fama recepit :

Hoc est, cur odio sit tibi serva manus.

Non tamen hanc pro stirpe sua pia mater adoret,

Ipsa parum felix visa fuisse parens.

560

Alterius prolem melius mandabitis illi,

Utilior Baccho quam fuit ipsa suis.

Hanc tibi, Quo properas, memorant dixisse, Rutili ?

Neapolis dubitabat, utrum *Portunus*, an cum suis MSS *Portumnus* scribendum sit ; sine causa : Cicero, Nat. deor. II, 26 : « Ut Portunus a portu, sic Neptunus a nando. » — *Pro locis* Heinsius suadet *focis*.

550. *Promissa fides* ; ut *vota fides* sequitur passim, etiam in his Fastis, legitur, quum fit, quod quis optaverat ; sic *fides promittitur*, quum quis promittit se aliquid facturum esse ; III, 366 : *Pollicitam dictis adde fidem* ; Pseudo-Lact. de Pasch. 65 : « pollicitam redde fidem ; » VII Metam. 323 : « promissa postquam Exhibuere fidem. » Heinsius, quum Patavinus *fide* exhibeat, coniecit *adnuerunt promissa fide*. Quamquam et suadebat : *Adfuertat promissa fides*.

551. Confer Plutarchum, Quæstion. Roman. tom. VII, p. 83 : Δι-

λεις τὸ τῆς Διουκοθείας ἐπὶ τὸν ἄνατον, qui addit, unam ancillam introduci a matronis, colaphisque verberari. — *Cadmei* habet cod. Læti, atque ita etiam a manu prima in Mazarin. fuisse videtur ; tres *Cadmeia* : vulgo *Cadmæa*. — *Sub amplexus ire* etiam VII Metam. 616. — *De seminibus* illis *tostis* vide II, 628 ; III, 853. — Illam *unam* fuisse Ætolam gente, Antipheram nomine, et inde apud Chæronenses ædituum ante ædem Leucothees cum flagello stantem dicere : Ne quis servus intret, ne qua serva, ne quis Ætolus, ne ulla Ætola, Plutarch. dicto loco narrat.

559. Matutam non invocasse matres pro suis, sed pro sororum liberis, propter causam hic additam, narrat et Plutarch. dicto loco p. 84.

563-568. Eodem, quo Matralia

Luce mea Marso consul ab hoste cades.  
 Exitus accessit verbis; flumenque Tolenum  
 Purpureo mixtis sanguine fluxit aquis.  
 Proximus annus erat: Pallantide cæsus eadem  
 Didius hostiles ingeminavit opes.  
 Lux eadem, Fortuna, tua est, auctorque, locusque;

565

die, anno u. c. 663, in bello Marsico *Rutilius*, et anno proximo *Didius* occisus. *Marsicum* bellum est sociale, quod ortum a Marsis traderunt Strabo et Diodor. Siculus, quamquam Velleius, II, 16, potius ab Asculanis ortum, deinde a *Marsis* exceptum narrat. Itaque et Ovidius *Marsum* (id est, Marsicum, ut Horatius, I, Od. 1, 28, *Marsus aper*) potissimum hostem memorat. Eo bello *P. Rutilium Lupum* cos. periisse certum est; Velleius, dicto loco: « Tam varia atque atrox fortuna italici belli fuit, ut per biennium continuum duo romani consules *Rutilius*, ac deinde Cato » Porcius ab hostibus occiderentur. » Florus, III, XVIII, 12, *fasces* tantum *Rutilii* copias memorat. Nexus causa non male Ovidius Matutam deam inducit *Rutilio* fata prædicentem. — De *Toleno* amne vide Cluver. Ital. Ant. II, 10. Plerique antiquiores libri *Toleni*; quidam *Toloni* aut *Telonum*: etiam apud Appianum, Orosium et alios variatur in hoc nomine.

567. *Titus Didius* unus ex prætoribus in bello Marsico, ut ex Appiano constat; sed eundem in eodem bello periisse, nullus veterum tradidit. Immo Velleius d. l. eum potius cum Minatio Magio Herculanum cepisse narrat, et paulo post, ut modo vidimus, *Rutilium* et *Catonem Porcium* nominat, qui per biennium continuum ab hostibus

cæsi sint. Florus d. l. *Julium Cæsarem* nominat: « Nam ipse Julius » Cæsar, exercitu amisso, quum » in urbem cruentus referretur, miserabili funere mediam etiam urbem perviam fecit. » Neapolis igitur pro *Proximus annus erat* legi volebat, *Annus erat decimus*, quo Didium stragem accepisse putabat a Sertorio juxta Bætin in Hispania. Sed apud Plutarchum in Sertor. 12, cujus auctoritate Neapolis hoc credebatur, duo quidem libri *Didius* habent; verum hoc nomen ibi corruptum esse constat. MSS hoc loc. nos nihil juvant. Vossian. et Mazarin. *Vidius* habent, Ambros. alter pro diversa lectione *Tullius*, Erford. *Didius*: Heinsius legi volebat *Julius*, ut L. Julius Cæsar intelligeretur, qui cum *Rutilio* cos. fuerit; Burm. *Porcius* legi vult, qui sane secundum Velleium et Livium, Epitom. 75, proximo anno cæsus est, atque, ut fasti docent, eo anno consulatum gessit. — Quum excerpta Douz. et quatuor codd. pro *cæsus* exhibeant *victus*, Taubnerus legi vult *victor*, ut sensus sit: Didium effecisse victoria sua, ut hostes copias suas augerent; suadet etiam *Didius* mutare in *Lucius*, nempe Cato. Equidem arbitror Ovidium lapsam esse in nomine. — *Pallantide eadem*, ut IV, 373, *Postera Pallantias*.

569-636. Eodem die *Servius rex* *Fortunæ* templum dedicavit, in quo regis statua togis tecta cernebatur.

Sed superinjectis quis latet æde togis?

570

Servius est : hoc constat enim; sed causa latendi

Discrepat; et dubium me quoque mentis habet.

Dum dea furtivos timide profitetur amores,

Cælestemque homini concubuisse pudet;

Arsit enim magna correpta cupidine regis,

575

Cæcaque in hoc uno non fuit illa viro :

Nocte domum parva solita est intrare fenestra;

Unde Fenestellæ nomina porta tenet.

Nunc pudet, et vultus velamine celat amatos;

Oraque sunt multa regia tecta toga.

580

An magis est verum, post Tullì funera plebem

Confusam placidi morte fuisse ducis?

Nec modus ullus erat : crescebat imagine luctus,

Eorum tegumentorum causas adfert tres, atque ita immiscet partem rerum ad Servium pertinentium. *Lux eadem, auctorque, locusque*, idem Servius, qui Matutæ templum dedit (vers. 480) tibi quoque eodem loco, in foro boario, eodemque die, ædem dedicavit. Servium Fortunæ diversis sub nominib. templum dedisse, jam ad IV, 145, e Plutarcho, *Quæst. Roman.* p. 135 ed. Reisk. docuimus. Huc imprimis pertinet Dionys. Halicarn. IV, 27, ubi tradit, Servium Tullium Fortunæ, qua omnem per vitam secunda usus fuerit, templum duo ædificasse, alterum scilicet in boario foro, alterum ad ripam Tiberis, eandemque deam Virilem eum appellasse. Idem, cp. 40, addit, in altero fuisse statuum ejus ligneam et inauratam; statua illa duabus togis superinjectis tecta erat. Varro de Vita populi romani apud Nonium Marc. narra-  
verat, hoc signum in *Virginis* (forte *Virilis*) *Fortunæ æde* duabus un-

*dulatis togis esse opertum*. Plinius, *Hist. Natur.* VIII, 74 : « factam ab » ea ( *Tanaquile* ) togam regiam un- » dulatam in æde Fortunæ, qua » Servius Tullius fuerat usus. » — Pro æde Neapolis non improbat *iste*; et Heinsius ex quatuor libris adfert : *quid iste*.

572. *Discrepat*, non uno modo adfertur.—*Dubius mentis*, ut Livius, I, 7, *incertus animi*.—Quia Servius Fortuna semper usus erat secunda, inde fluxit fabella hæc, quam etiam Plutarchus de *Fort. Roman.* tom. VII, p. 279 Reisk. refert : Ὡς τε καὶ συνῆναι ὅτι ἐν αὐτῇ τῇν τύχην διὰ τινος θυρίδος καταβένουσιν εἰς τὸ δωμάτιον, ὃ νῦν Φειστίλλαν πύλην καλοῦσιν. Conf. idem, *Quæst. Rom.* pag. 106.

581. Altera causa : etiam Dionysius, IV, 40, narrat, ingentem tumultum et ululatum ob Servii mortem ortum esse per totam urbem.—*Placidus dux*; Dionysius, *ἐπιτελής καὶ μέτριος ἀνὴρ*. Et *plebis* imprimis voluntatem sibi conciliaverat; Li-



Donec eam positis occuluere togis.

Tertia causa mihi spatio majore canenda est :

585

Nos tamen adductos intus agemus equos.

Tullia, conjugio, sceleris mercede, peracto,

His solita est dictis exstimulare virum :

Quid juvat esse pares, te nostræ cæde sororis,

Meque tui fratris, si pia vita placet?

590

Vivere debuerant, et vir meus, et tua conjux,

Si nullum ausuri majus eramus opus.

Et caput, et regnum facio dotale parentis :

Si vir es ; i, dictas exige dotis opes.

vius, I, 46. — *Occuluere*; Heinsius malebat *involvere*, quia Vossianus pro diversa lectione *evolvere*.

585. Tertia causa, quæ habet partem memorabilem historiæ romanæ.—*Nos tamen* etc. de hac formula vide ad IV, 16. — Pro *adductos* Pembroc. *admissos*.—*Tullia* minor ferox nupserat Arunti Tarquinio, mitis ingenii juveni; *Tullia* major vero, modesta et patris amans, Lucio Tarquinio, cui animus ardentior. Sed illa sic quoque Lucium celeriter suæ temeritatis implevit; « L. » Tarquinius et *Tullia* minor prope » continuatis funeribus, quum domos vacuas novo matrimonio fecissent, junguntur nuptiis; » Livius, I, 46. — *Exstimulare* gravius est, quam aliorum *sollicitare*: apud Livium: « nec nocte, nec interdiu » virum conquirere patitur, ne » gratuita præterita parricidia essent. » Conf. Dionysium, IV, 28.

589-596. Si placuerit hæc cum Livio, I, 47, comparare, hunc videbis multo superiorem. Ibi quot verba, tot pondera, quibus multo acrius instigatur juvenis animus. — Pro *pia vita placet*, alii *pia vota pla-*

*cent*; duo et edit. prim. atque Græphii, *pia jura placet*, quod arridet Heinsio et Taubnero, quia et VIII Met. 499, *pia jura parentum*; sed ibi verior haud dubie lectio *pia vota*. Hoc loco singulæ lectiones habent, quo se tueantur. *Pietas* autem nunc est eorum, qui nihil audent in patrem; sed *pietatis* imaginem nunc non bene Tulliæ tribuit poeta: melius Livius, « Eo nunc pejus mutata est res, quod istic cum ignavia est scelus. »

593. Apud Livium jus regni a Tarquinii patre repetit, hoc loco a se suoque conjugio; sic et Dionys. 29: illud melius. Lectio *Et caput* etc. mihi omnium optime placet, nec erat, cur Heinsius suaderet, *sit caput, ut regnum, faxo dotale*. Olim edebatur, *factum est*: quidam *facto*; unus *facias*: alius *faciam*. Etiam vers. 594, satis bona est lectio, quam Heinsius ex MS Strozæ recepit: nam illud *i* convenit animo commoto (ut Horatius, I, Ep. vi, 17; II, 11, 76) et *dicere dotem* aut *doti* esse formulam solemnem, quum *dicere* etiam polliceri, addicere, assignare, constituere significet, do-

Regia res scelus est : socero cape regna necato ; 595

Et nostras patrio sanguine tingue manus.

Talibus instinctus solio privatus in alto

Sederat : adtonitum vulgus ad arma ruit.

Hinc cruor ; hinc cædes ; infirmaque vincitur ætas :

Sceptra gener socero rapta superbus habet. 600

Ipse sub Esquiliis, ubi erat sua regia, cæsus

Concidit in dura sanguinolentus humo.

Filia, carpento patrios initura penates,

Ibat per medias alta feroxque vias.

Corpus ut adspexit, lacrymis auriga profusis 605

Restitit ; hunc tali corripit illa sono :

Vadis ? an expectas pretium pietatis amarum ?

Duc, inquam, invitas ipsa per ora rotas.

Certa fides facti : dictus Sceleratus ab illa

cuit Heinsius. Neque tamen vulgat. *indictas* omnino spreverim ; sed *erige* pro *exige* vix locum habet.—Cum verbis, *Regia res scelus est*, Neapolis comparat ex Seneca, Thyest. vers. 217 : « Sanctitas, pietas, fides, » Privata bona sunt : qua juvat, reges eant. »

597. Apud Livium, I, 48, Servius Tarquinio : « Qua tu audacia, » me vivo, ausus es in sede consistere mea ? » — Neapol. non desinebat, utrum *instinctus*, an aliorum *instructus* verius esset : immo *instructus* hoc loc. nimis languidum ; Livius : « muliebribus instinctus furis. » — *Adtonitum* ; Livius : « Con- » cursus populi fiebat in curiam, » apparebatque regnaturum, qui » vicisset. » — Pro *ad arma* plures in *arma*, quod placuisset Heinsio, nisi in præcederet. — Regii tres nostri bene, *ad arma*. — *Gener socero* : cum vi hæc sic junguntur etiam a

Livio, I, 49 : « Socerum gener sepultura prohibuit. »

601. Secundum Livium, I, 48, Tullia a curia in collem Esquilium se recipiens, pervenit ad summum Cyprium vicum : ibi quum auriga carpentum dextra in Urbium clivum flecteret, regem trucidatum in via jacentem vidit.—In *Esquiliis* Servium habitasse, etiam ex Solini Polyh. II, constat.—T<sup>h</sup> *alta* non retulerim ad carpentum, quo veheretur, sed ad superbiam animi ; VI Metam. 169, Niobe pedibus incens, *ut oculos circumtulit alta superbos*.

605. Auriga hic *lacrymas profundit* ; a Liv. melius *pavidus* inducitur. — *Amarum*, grave : apud Dionys. Tullia aurigæ correptum pedum scabellum infligit. Læti cod. habet *amaræ*, quæ mihi amara, molesta est : quidam *iniquum*. — *Fides* potest argumentum intelligi, quo confirma-

Vicus, et æterna res ea pressa nota. 610  
 Post tamen hoc ausa est templum, monumenta parentis,  
 Tangere: mira quidem, sed tamen acta loquar.  
 Signum erat in solio residens sub imagine Tullì:  
 Dicitur hoc oculis opposuisse manum.  
 Et vox audita est; Vultus abscondite nostros, 615  
 Ne natæ videant ora nefanda meæ.  
 Veste data tegitur: vetat hanc Fortuna moveri;  
 Et sic e templo est ipsa locuta suo:  
 Ore revelato qua primum luce patebit  
 Servius, hæc positi prima pudoris erit. 620  
 Parcite, matronæ, vetitas adtingere vestes;  
 Solemni satis est voce movere preces:  
 Sitque caput semper romano tectus amictu,  
 Qui rex in nostra septimus urbe fuit.

tur aliquid; Livius, *monumentoque locus est; Sceleratum vicum vocant*. Dionys. auctore, ille vicus, quum antea *Orbius* (sive *Urbius*) appellaretur, Scelerati nomen accepit. Sine causa Burmannus emendabat: *fides, facto dictus Sceleratus ab illo Vicus*. — *Æterna nota*; Krebsius, *mit dem Zeichen der Ewigkeit*. Putem *notam* hic esse ignominiam, aut nomen ignominiosum; Livius, IV, 29: « Imperioso Manlio cognomen inditum; Postumius nulla tristi nota est insignitus; » idem XXXI, 44, *notam ignominiamque conjungit*. *Ignominia* autem, ut *culpa*, recte dicitur hominem aut rem *premere*. De cognomine *nota* legitur etiam I, 596.

612. Alii *loquor* e solempni variatione in tali formula.

620. *Positum pudorem* alii a Servio intelligunt, quem Ovidius sic neget unquam positurum esse pu-

dorem, alii profligatum ex urbe pudorem. Immo *pudor* intelligend. quo tenebantur Romani propter Servium impie et nefarie interfectum, qui retinebat eos, ne os ejus revelarent; si revelasset, patuisset pudorem illum ab iis esse positum. — *Solemni*, quod Heinsius ex bonis MSS protulit, sane melius est, quam *solempnes*. — In *movere preces* hæsit Neapolis quia non credibile sit ad Servium, tanquam deum, preces esse factas. Burmannus monet posse illas preces referri ad Fortunam. *Septimus*; ut Tattius adnumeretur regibus romanis quod fecit et Solinus, II. Plurimi cod. quibus Neapolis usus, tum unus Moreti et Farnes. *sextus*. Quum Noster Tatii regis passim mentionem fecerit, ut supra vers. 49; I, 262; II, 135; I Amor. VIII, 38, non mirum videri debet, eundem et nunc esse numeratum



Arserat hoc templum : signo tamen ille pepercit

625

Ignis ; opem nato Mulciber ipse tulit.

Namque pater Tullì Vulcanus , Ocrezia mater ,

Præsignis facie , Corniculana fuit.

Hanc secum Tanaquil , sacris de more paratis ,

Jussit in ornatum fundere vina focum.

630

Hic inter cineres obscæni forma virilis

Aut fuit , aut visa est ; sed fuit illa magis.

Jussa loco captiva fovet : conceptus ab illa

Servius , a cælo semina gentis habet.

Signa dedit genitor tum , quum caput igne corusco

635

Contigit , inque coma flammeus arsit apex.

625. De incendio illius templi confer Dionysium , IV , 40 , qui , quum doceret , Servium diis fuisse carum , narrat , in Fortunæ templo , quod ipse posuerit , ligneam ejus statuam , orto incendio , cæteris omnibus absumtis , solam mansisse integram ; itaque et suo tempore illam retinere formam operis antiqui ; adde Valerium Maxim. III , 4. — Fabulam de Servii origine , in annalibus latinis lectam esse , testatur Dionysius , IV , 2 : eam repetiit etiam Arnobius adversus Gentes , V , p. 169. — *Ocrezia* ab aliis *Ocrisia* scribitur , ut et apud Græcos *Ὀκρίσια* et *Οκρίσια*. Itaque hoc loco et apud alios variant libri : Heinsius nunc *Ocrezia* prætulit , quia sic in tabula quadam ænea , et in vetere saxo apud Gruterum. — *Præsignis facie* ; etiam a Dionysio καλλίστη τε καὶ παρρησιότης τῶν ἐν Κορινθίῳ γυναικῶν vocatur. — *Corniculum* , urbs Latii , cujus princeps Tullius , vir regii sanguinis qui , quum urbs a Romanis caperetur , pugnans cecidit. — *Tanaquil* , ut vulgo Etrusci , cælestium prodigiorum peritissima mulier ; Li-

vius , I , 34. — *Paratis* habuit Heins. ex Bononiensi et uno Farnesiano : vulgo *peractis* , quod ferri non potest. — *Ornatum* , apparatus. Erat autem *focus* juxta regiam , in quo Romani quum alia sacra faciebant , tum cœnarum primitias sacrabant ; Dionys.

633. *Loco fovet* ; olim , *foco sedet* : sed primus Heinsius ex duobus Farnesianis et uno suo *fovet* dedit , nempe membrum virile. Verum quum non credibile esset , eam id ad ignem calefescisse , Burmannus etiam *foco* mutavit in *loco* , et quidem auctoritate Reg. Moreti et quatuor aliorum MSS ; *locus* enim etiam pars illa dici solet , quæ feminæ sexum indicat ; Arnobius , « feminam divos inseruisse genitali ; » Dionysius , εἰς ὁμιλίαν αὐτῶ συνελθῆν. Idem narrat , *obsœnum* illud ab aliis *Vulcani* , ab aliis *Laris* cujusdam familiaris esse habitum. — *Ignis* ille *coruscus* fuit haud dubie lumen electricum ; eo *caput* pueri *arsisse* refert Livius , I , 39 ; Dionysius : φλόξ κατέκλυψε πρὸς ὅλην τὴν χειρᾶν. Pro *arsit* plurimi veterum *exit* ; Sarravianus pro diversa lectione *hæsit*. — *Apex* , ut X Met.

Te quoque magnifica, Concordia, dedicat æde  
Livia, quam caro præstitit illa viro.

Disce tamen, veniens ætas, ubi Livia nunc est

Porticus, immensæ tecta fuisse domus.

640

Urbis opus domus una fuit; spatiumque tenebat

Quo brevius muris oppida multa tenent.

Hæc æquata solo est, nullo sub crimine regni,

Sed quia luxuria visa nocere sua.

Sustinuit tantas operum subvertere moles,

645

Totque suas hæres perdere Cæsar opes.

Sic agitur censura, et sic exempla parantur,

Quum vindex, alios quod monet, ipse facit.

Nulla nota est, veniente die quam dicere possis :

279, flamma *apicem per æra duxit*,  
ubi vide notam nostram.

637-648. *Eodem IV Idus templum Concordiæ a Livia dedicatum*; confer I, 639.—*Dedicantur* non modo templa, sed dii quoque, qui inter deos recipiuntur, positus in eorum honorem templis, aut, quibus jam receptis nova tantum appellatione nova ædes instituitur; vid. Mitscherlichium ad Horatium, I, Od. xxxi, 1. — Prima ædes Concordiæ jam anno u. c. 449, dedicata: Livius, IX, 46.—*Liviæ porticum* Augustus ædificavit, eo loco, ubi immensa Vodii Pollionis, hominis luxuriosi (Seneca de ira III, 40) domus steterat, quam sibi legatam propter nimiam magnitudinem solo æquaverat; Dio lib. 54. — *Urbis opus*, opus tantum, quanta urbs.

643. *Nullo sub* etc. Sensus horum verborum recte explicuit Burmannus. Non, quia arcis speciem præbebat, et ita regni adfectati reum posset possessorem facere, sed quia luxuriæ exemplum aliis præbere pos-

set. *Sub* causam indicat; vide Schulting. ad Senecam, Suas. VII. Fortasse poeta respexit ea, quæ Valerio quondam acciderunt: Livius, II, 7.—*Pro subvertere* Burmannus cum uno Heinsii cod. *submittere* mallet, quod convenientius sit, destructioni non violentæ, nec qualis in urbibus captis fieri soleat, sed quæ fiat opera fabrorum; argutatur. Dio, κατὰλλειν.—*Sic agitur censura*; Krebsius: *so führt man das Urtheil aus*. Immo munus censoris intelligend. Suetonius, August. 27: « Recepit et morum legumque regimen. » — De vi hujus *exempli* recte judicat Plinius, paneg. 45: « Vita principis censura est, eaque perpetua; » ad hanc dirigimur, ad hanc convertimur: nec tam imperio nobis opus, quam exemplo. — *Vindex*; sic etiam I Metam. 89: *quæ, vindice nullo, fidem rectumque colebat*.

649. *Die sequenti*, in Calendario *nulla nota*, nihil notatum est, quod *dicere*, carmine enarrare, possis. Heinsius ex Vossiano et decem aliis

Idibus Invicto sunt data templa Jovi.

650

Et jam Quinquatrus jubeor narrare minores

Nunc ades ô! cœptis, flava Minerva, meis.

Cur vagus incedit tota tibicen in urbe?

Quid sibi personæ, quid stola longa, volunt?

Sic ego; sic posita Tritonia cuspidē dixit;

655

Pace velim doctæ verba referre deæ:

Temporibus veterum tibicinis usus avorum

Magnus, et in magno semper honore fuit.

Cantabat fanis, cantabat tibia ludis:

*ducere* invexerat. Est quidem *ducere* notam formula obvia, sed hoc loco sensum non habet commodum: revocavi igitur *dicere*, quod et Taubernerus probavit, et Krebs. expressit.

650. *Idibus Junii* et *Jovi ædes dedicata*, et *Quinquatrus minores celebrantur*. Quoniam *Jovis Invicti* templum nullum a veteribus commemoratur, propterea Neapol. monet, *Invicto* nunc esse epitheton, non cognomen.

651. De *Quinquatribus* majoribus vide III, 809; de his minoribus Varro, de Ling. Lat. lib. V: « Quinquatrus minusculæ dictæ Juniae Idus » ab similitudine majorum, quod » tibicines tum feriati per urbem » vagantur, et conveniunt ad ædem » Minervæ. » Festus: « Minusculæ » Quinquatrus appellabantur Idus » Juniae, quod is dies festus erat » tibicinum, qui Minervam colebant. »

653–692. Hæc de tibicinum discessu et reditu similiter refert Plutarchus, Quæst. Roman. pag. 122. Paulo aliter Livius, IX, 30, in rebus anno u. c. 443 gestis, et Valerius Maximus, II, 5.—*Vagus incedit*; et Varro et Livius habent, *per urbem vagantur*.—Quam MSS tam

*toga*, quam *stola longa* præferant, Neapol. illud tuetur, quia *toga* antiquitus fuerit vestis etiam feminarum, et additum esse *longa*, ut matronalis significaretur: sed Heinsius rectius e Zulichem. Mazarin. Patavino, duobus Farnesianis *stola* recepit. Plutarchus ἱερῆτας γυναικείας habet, et paulo post ἐν ἱερῆται ἀνδρῶν καὶ γυναικῶν. Melius igitur hoc loco vestis memoratur mulieribus propria, et in theatro etiam tibicinibus; XI Met. 165 sqq; Horat. Art. Poet. 215.—*De cuspidē posita* III, 7.—*Pace velim*; sic Heins. ex uno Vaticano: vulgo, *Possem utinam*, æque bene.—Plurimi: *pactæ deæ*.

658. *Honor* ille fuit ex instituto Numæ religionis causa; Plutarchus dicto loco: Anno u. c. 443, « tibicines, qui prohibiti a proximis » censoribus erant in æde Jovis vel sci, quod traditum antiquitus erat, » ægre passi, Tibur una agmine » abierunt. » Livius dicto loco. Secundum Plutarchum dicto loco, honore suo privati sunt a tribunis militum cons. potestate, penes quos imperium erat inde ab anno u. c. 310. Scriptor de Viris Illustr. 34, unum Appium Claudium « epulan-



Cantabat mœstis tibia funeribus.

660

Dulcis erat mercede labor; tempusque secutum,

Quod subito graiæ frangeret artis opus.

Adde quod ædilis, pompam qui funeris irent,

Artifices solos jusserat esse decem.

Exsilio mutant urbem, Tiburque recedunt:

665

Exsiliū quodam tempore Tibur erat:

Quæritur in scena cava tibia; quæritur aris;

Ducit supremos nœnia nulla toros.

» di decantandique jus tibicinibus  
» ademisse » refert. — *Graiæ* pro  
*gratæ* dedit Heinsius ex Patavino,  
primo Farnesiano, Mazarin. Arond.  
aliisque. — De altera causa, quam No-  
ster adfert, silent cæteri scriptores.  
Erat lex antiqua de funeribus: « Tria  
» si volet ricinia, et vincula pur-  
» puræ, et decem tibicines, adhibe-  
» to. » Ea translata est in XII Ta-  
bularum cum hoc additamento: « Hoc  
plus ne facito; » Verrius Flac. in voc.  
*reicinium*, et Cicero, Legg. II, 23.  
Eam legem, quum male observa-  
retur, *ædilis* quidam revocasse et  
severe exercuisse videtur: hunc ædi-  
lem fuisse Appium Claudium anno  
u. c. 440, censet Pighius. Gothofr.  
ad Legg. XII Tabbarum emendat: *Ad-  
de, quod edictis, pompa qui funeris  
irent, Artifices solos jus erat esse  
decem.* Improbatur hæc Burmannus  
ideo, quod *edicti* nomen nunquam  
legibus duodecim Tabbarum tribuitur.  
— *Pompam* pro *pompa* dedit Hein-  
sius ex Ursini et Strozziæ codd. ut  
simile sit illi *exsequias ire*. Ipse et  
suadet *pompæ*, ut ipsi tibicines in-  
telligantur.

665. E discessu eorum Ovidius  
*exsiliū* fecit; et quum *Tibur* Latii  
oppidum esset idemque amœnum  
cum miti solo, ubi Horatius (II,

Od. vi, 6) sedem senectæ suæ esse  
volebat, propterea mirabundus, for-  
san et suum inter Getas exsiliū  
respiciens, exclamat *Exsiliū* etc.  
De loco autem, quo recesserunt,  
consentiunt Livius et Plutarchus. —  
*In scena*: Demster. ad Rosin. Anti-  
tiq. III, 31, contendit legendum  
*in cœna*, quod et Marsus in Anno-  
tatt. habet; immo repetit Ovidius  
triplicem illum tibiæ usum, quem  
jam vers. 659 sqq. commemoravit.  
De hujus usu in scena Livius, VII,  
2: « Ludiones ex Etruria acciti ad  
tibicinis modos saltantes. » Quam-  
quam et in epulis jam priscis tem-  
poribus adhibebatur; Cicero, Tusc.  
I, 2. — *Quæritur*, desideratur, abes-  
se cum dolore sentitur: vide ad Pli-  
nium, VI, Ep. 11, 1. — *Nœnia*, au-  
ctore Festo, « carmen, quod in fu-  
» nere laudandi gratia cantatur ad  
» tibiam. » — *Tori*; lecti, in quibus  
mortui efferebantur: et in uno fu-  
nere sæpe plures lecti adhibebantur,  
quamquam id in XII Tabbarum prohibi-  
tum: « neve plureis lectos endo fer-  
to. » In funere Marcelli Augustus  
sexcentos præferri jussit. Multivete-  
rum *choros*: quod respuit Burman-  
nus quia præficæ non choros egerint;  
præfert Taubn. quia *toros* ducere ni-  
hil significet, neque *choras* semper

Servierat quidam, quantolibet ordine dignus,

Tibure; sed longo tempore liber erat.

670

Rure dapes parat ille suo; turbamque canoram

Convocat: ad festas convenit illa dapes.

Nox erat; et vinis oculique animique natabant,

Quum præcomposito nuntius ore venit:

Atque ita, Quid cessas convivia solvere? dixit;

675

Auctor vindictæ jam venit, ecce, tuæ.

Nec mora: convivæ valido titubantia vino

Membra movent; dubii stantque labantque pedes.

At dominus, Discedite, ait; plaustroque morantes

Sustulit: in plaustro sirpea lata fuit.

680

saltantium cætum notet. At *ducere* etiam dicuntur, qui præcedunt aut præferuntur: Horat. Epod. viii, 11: «funus atque imagines Ducant triumphales tuum;» ubi vide Mitscherlich. Quod si quis *choros* retineri velit, possit id defendere Dionysii (VII, 72, p. 1492) auctoritate: is enim tradit, in illustrium virorum funeribus vidisse se *Satyricos choros* qui torum præcederent, atque siccinnem saltationem saltarent: *προηγούμενους τῆς κλήνης τοὺς σατυριστὰς χοροὺς κενουμένους τὴν σικίννην ὄρχησεν* moxque addit, post istos choros multos citharistas et multos tibicines ivisse. *Toros* tamen verius puto, et tueor. — Unus Vatic. *Ducit funereos*; non bene: *supremum* aut *extremum*, quidquid ad mortuos pertinet; Broukhuis ad Propertium, I, xvii, 23.

669. Hic nonnulla supplenda sunt ex Livio: «Ut nemo in urbe esset, » qui sacrificiis præcineret. Ejus rei » religio tenuit senatum; legatosque » Tibur miserunt, ut darent operam, ut hi homines Romanis restituerentur. » Tum Tiburtini, aliis frustra tentatis, homines vino

oneratos sopiunt, atque ita in plaustro conjectos Romam deportant. Sed etiam Plutarchus dicto loco id ad hominem quemdam libertinum refert: Ἀνὴρ ἀπειλεύθερος κρύφα τοῖς ἄρχουσιν ἐπηγγεिलाτο κατὰξεν αὐτούς. — *Dapes*, epulas post sacrificium; Plutarchus: *θροῖν ἀφθονοῦ*, ὡς τεθυκὼς θροῖς. — Pro *convenit* unus Mediceus *convocat*, unde Heins. volebat *convolat*, quod egregie aviditatem tibicinum, qui genio libentissime indulgeant, ostendat; itaque et adagio notari, *tibicinam vitam agere*. Sic sane et Liv. hos homines notavit «vino, cujus avidum ferme genus est.»

676. *Auctor vindictæ tuæ*, patronus, qui te per vindictam remisit; Plutarchus: ὡς τοῦ πάτρωνος ἐπόντος αὐτόν. *Vindicta* et alibi pro libertate. *Tuæ* habent meliores; cæteri *suæ*.

680. *Sirpea*; sic emendavit Neapolis; *sirpeam* enim esse, quod colligatum sit, τὸ πλίγμα, et intelligi tegitulum e vimine textam, qua plastrum circumdatum; atque repperit hoc vocab. in MSS quibusdam; sed Heinsius nescit, an-

Alliciunt somnos tempus, motusque, merumque;

Potaque se Tibur turba redire putat.

Jamque per Esquilias romanam intraverat urbem;

Et mane in medio plaustra fuere foro.

Plautius, ut possent specie numeroque senatum

685

Fallere, personis imperat ora tegi;

Admiscetque alios; et, ut hunc tibicina cœtum

Augeat, in longis vestibibus ire jubet.

Sic reduces bene posse tegi; ne forte notentur

Contra collegæ jussa redisse sui.

690

Res placuit; cultuque novo licet Idibus uti;

Et canere ad veteres verba jocosa modos.

substantive occurrat. Vulgo legitur *scirpea lata*, unde Scaliger et Muræus *scirpea matta* fieri volebant; at *matta* senioris ævi vox est. Gryphii edit. in margine, *scirpea larva*; Heinsius conjicit *scirpea strata fuit*. De *scirpea* Varro de Ling. Lat. IV: « quæ virgis sipatur, id est » colligendo implicatur, in qua ster- » cus aliudve quid evehitur. » Scirpeamigitur Heinsius ait, nunc plau- stro internendam fuisse, ne vec- tores essent conspicui, et ut com- modius sternerent. Plutarch. notat ἀμάξας δὲ ῥῆσι κύκλῳ περικαλυπτομένας, plaustra pellibus circumquaque ob- tecta. Sic deportati sunt, « nec prius » sensere, quam, plaustris in foro » relictis, plenos crapulæ eos lux » oppressit; » Livius.

685. *Plautius* est e conjectura Pighii, probata etiam Heinsio, ut Plautius intellig. collega Appii Clau- dii, qui operam dederit, ut tibici- nes restituerentur: olim edebatur *Claudius*; codd. nonnulli: *Callidus* aut *cautius*. Pighius etiam *posset* in *possent* mutavit, et præterea *sana- tum* suavit a nominativo *sanates*,

qui ad sanam mentem redierunt. Rejicit hoc Vossius, quia primam syllabam producit: tuetur Hein- sius, quia quum tibicines per se- natum repetiti sint, non opus fue- rit *senatum falli*. Verum etiam se- quentia docent, Ovidium secutum esse auctorem, secundum quem ti- bicines caute fuerint reducendi, in- scio etiam senatu: aliter sane Li- vivius. Puteanus *deorum* exhibet, ut personati deorum figuram gesse- rint.—*Tibicina* pro plurali.—*Longis* sive muliebribus *vestibus* plerique jam ante, quam deportarentur, erant amicti propter comessatio- nem; Plutarch.—*Ire* pro *esse* Hein- sius ex duobus codd. et edit. Gry- phii recepit.—Idem mox cum Ham- burg. *libet* invexit, quamquam et *juvat* cum Oxoniensi et uno Va- ticano volebat; ego *licet* revocavi. Livius: « impetratoque, ut mane- » rent, datum, ut triduum quotan- » nis ornati, cum cantu atque hac, » quæ nunc solemnis est, licentia » per urbem vagarentur. » Secun- dum Plutarchum, id decretum est a *senatu*, ἰσορίαν, τὴν ἡμέραν ἰσι-



Hæc ubi perdocuit : Superest mihi , discere , dixi ,

Cur sit Quinquatrus illa vocata dies.

Martius , inquit , agit tali mea nomine festa ;

695

Estque sub inventis hæc quoque turba meis.

Prima terebrato per rara foramina buxo ,

Ut daret , effeci , tibia longa sonos.

Vox placuit : liquidis faciem referentibus undis ,

Vidi virgineas intumuisse genas.

700

Ars mihi non tanti est : valeas , mea tibia , dixi.

Excipit abjectam cespitem ripa suo.

Inventam Satyrus primum miratur ; at usum

Nescit , et inflatam sentit habere sonum.

ἡν οὕτως ἀμπεχομένους σοβῆν διὰ τῆς  
πάλαιας.

695. *Martius* ; vide III , 809 , ubi causa nominis redditur. — *Agit* habent meliores , non *habet*. — *Tibiam* , nempe rectam , Minerva reperisse credebatur , et quidem ex hinnulorum ossibus ; Bion. Idyl. III , 7 ; Callimachus in Dianam , 244 , ibique Spanhemius. Sed ob deformitatem vultus ex flatu intumescens a dea abjecta est : abjectam excepit Marsyas ; VI Met. 385 ; Hyginus , fab. 165. Fons fabulæ Herodot. VII , 26. In sensum ejus subtiliter et copiose inquisivit vir doctus in Museo Attico , vol. I. — *Turbam* Marsus intelligit tibicinum , qui *sub inventis* Minervæ esse dicantur , quia exercent artem ab ea inventam ; durum : equidem mallet , aut pro *turba* , aut pro *inventis* codd. aliud vocabul. nobis suppeditare. — *Longa* , quia multa habebat foramina ; IV Metam. 30 , *longo foramine* ( longa foraminum serie ) *buxus* : XII , 158 , *longa multifori tibia buxi*. Prisca contra Romanorum tibia paucis foraminibus erat brevis ; Horat. Art. Poet. 203 :

*tibia pauco foramine*. — Vox *rarus* sæpe occurrit , ubi densitatis notio exprimenda erat ; vide ad VII Met. 622 : hoc loco Læti codex *pauca*.

699. *Vox* , sonus dulcis querulæ tibiam. — *Undis* pro speculis utebantur veteres ; IV Metam. 312 ; Virgilius , Ecl. III , 25. Hinc *lympharum speculum* apud Phædrum , I , iv , 3. — *Non tanti est* , non est , cur tibia canam , quum mihi causa deformitatis sit. — *Dixi* cum Taubnero revocavi , quum *dixit* ederetur : sunt hæc quoque verba Minervæ. Vossianus et duo alii cum Nauger. *valeas* , *ars optima* , *dixi* : Heinsius malit , *Ars mihi non tanti es ... cava tibia* , *dixi* ; sed in altero plus est suavitatis.

702. *Abjecit* tibiam ad fontem Idæ montis , et simul imprecata est , ut , quisquis eam sustulisset , gravi afficeretur supplicio ; vide Hyginum dicto loco. Putean. et Douzæ excerpt. *ejectam* nempe aqua : male. — *Satyrus* adnumeratur Marsyas pastor ; vide nos ad Ovidium , VI Met. 382 , et Munker. ad Hyginum dicto loco. — Pro *inflatam* vulgo *afflatam* : alterum Heinsius multis exemplis

Et modo dimittit digitis, modo concipit auras; 705

Jamque inter Nymphas arte superbus erat.

Provocat et Phœbum: Phœbo superante pendit;

Cæsa recesserunt a cute membra sua.

Sum tamen inventrix auctorque ego carminis hujus:

Hoc est, cur nostros ars colat ista dies. 710

TERTIA lux veniat, qua tu, Dodoni Thyene,

Stabis Agenorei fronte videnda bovis.

Hæc est illa dies, qua tu purgamina Vestæ,

Tibri, per etruscas in mare mittis aquas.

SI QUA fides ventis; zephyro date carbasa, nautæ: 715

Cras veniet vestris ille secundus aquis.

AT PATER Heliadum radios ubi tinxerit undis,

Et cinget geminos stella serena polos;

Tollet humo validos proles Hyriea lacertos:

Continua Delphin nocte videndus erit. 720

confirmat. — *Lusus tibicinis* bene describitur. Et *dimittit* et *concepit* bene se habet; hoc displicebat Burmanno qui suadebat *continet*, illud Krebsio, cui *demittit* rectius videbatur. *Demittere* est deorsum mittere, in inferiorem locum (vide Drakenborch. ad Silium XI, 142) *dimittere*, emittere. — *Concepit auras* proprie tibia ipsa, dum inflatur, ut I Met. 337: *Buccina, quæ medio concepit ut æra ponto*. Hinc etiam de artifice dicitur, ut adeo idem ferre sit, quod *comprimit*, quod et ipsum Burmannus suadebat. — *Pependit*, nempe ligatus ad arborem; vide ad VI Metam. 387, ubi sædum istud supplicium pluribus describitur. — *Carmen*, cantus tibiæ, ut II, 84, lyrae. — *Colat dies*, adhibeatur ad celebrandos illos dies.

711. XVII Kalendas Julias ortus Hyadum, de quibus V, 164 sqq

Hyadas Pherecydes Dodonides nymphas esse dixerat, Bacchi nutrices; vide Munkerum ad Hyginum, fab. 182, et Poet. Astron. II, 21, ubi earum nomina, in quibus *Thyene*. — *Agenoreus bos*, taurus, qui vexit Europam, Agenoris filiam, et poëta inter sidera relatus est, ita, ut Hyades in fronte ejus appareant; Hyginus Poet. Astron. II, 21. — *Lux*; sic Bersmannus edidit, atque ita Mazarin. a manu prima et plurimi alii: ceteri *nox*. — De *purgaminibus Vestæ* vide supra 227.

715. XVI Kalendas Favonii ortus, quem alii sequenti diei tribuebant; Columella, II, 21: « Favonius, qui » lenis æqualisque æstivis mensibus » perflat. »

717. Nocte insequenti Orion oritur. — De *Hyrieo* vide V, 493 sqq. Post versum 718, plurimi MSS et edd. inserunt hoc distichon: *Nam duo*

Scilicet hic olim Volscos Æquosque fugatos

Viderat in campis, Algida terra, tuis.

Unde suburbano clarus, Tuberte, triumpho

Vectus es in niveis, Postume, victor equis.

JAM sex, et totidem luces de mense supersunt: 725

Huic unum numero tu tamen adde diem.

Sol abit e Geminis, et Canceri signa rubescunt:

Cæpit aventina Pallas in arce coli.

JAM tua, Laomedon, oritur nurus; ortaque noctem

Pellit; et e pratis cana pruina fugit. 730

Reddita, quisquis is est, Summano templa feruntur,

Tum, quum Romanis, Pyrrhe, timendus eras.

HANC quoque quum patriis Galatea receperit undis,

Plenaque securæ terra quietis erit,

Surgit humo juvenis, telis adflatus avitis, 735

*sunt: austris hic est, aquilonibus ille Proximus: a vento nomen uterque tenet: hoc repetitum est ex III, 401.*

721. Die insequenti anno u. c. 324, *Volsci* et *Æqui* fugati, quod bellum Livius, IV, 26—29, descripsit. Horum populorum validi exercitus in *Algidum*, montem Latii, adeoque *suburbanum*, convenerant: vicit eos *A. Postumius Tubertus* dictator, vir severissimi imperii, atque de iis triumphavit.

725. *XIII Kalendas Julius sol transiit in Cancrum.* — In *aventino* monte Pallas antiquissimis temporibus templum habuit, in quod Livius Andronicus donaria sua detulit.

729. *XII Kalendas Summano templum redditum.* *Summanus*, deus summanus Manium, Pluto, cui fulmina nocturna tribuebantur, ut diurna Jovi; Plinius, II, 52 s. 53; Augustinus de Civit. Dei, IV, 23. Secundum Varronem cultus hujus dei

jam a Tatio rege institutus. Tempore *Pyrrhi* anno u. c. 473, templum ei *redditum*. — *Tua nurus*, Aurora, Tithoni Laomedontidæ uxor. — *Cana pruina*, ut Heroid. V, 16; Virgil. Georg. II, 376. Probat hoc Taubnerus, nec damnat Heinsius, quamquam ex Ursini, Vossiano et sex aliis *uda* prætulit: Aron-del. multique alii *ima*, vel *una*.

733—762. *Ophiuchus oritur.* Olim fuerat *Æsculapius*, quem Jupiter fulmine interfecit, quia Hippolytum in vitam revocaverat; post, Apollinis causa, inter sidera retulit; Hyginus, Poet. Astron. II, 14. — *Galatea* nympa marina, Nerei filia; Hyginus præf. — *Hanc* nempe Auroram; vulg. *Hunc*. — Pro *telis* nonnulli *flammis*, sed *tela* solemne de fulminibus; *telis adflatus*, ut III, Pont. VI, 17, « Fulminis adflatos interdum vivere telis Vidimus; » Virgil. Æneid. II, 649, « Fulminis



Et gemino nexas porrigit angue manus.  
Notus amor Phædræ, nota est injuria Thesei :

Devovit natum credulus ille suum.

Non impune pius juvenis Træzena petebat :

Dividit obstantes pectore taurus aquas.

740

Solliciti terrentur equi; frustra que retenti,

Per scopulos dominum duraque saxa trahunt.

Exciderat curru, lorisque morantibus artus

Hippolytus lacero corpore raptus erat;

Edideratque animam, multum indignante Diana.

745

Nulla, Coronides, causa doloris, ait:

Namque pio juveni vitam sine vulnere reddam;

Et cedent arti tristia fata meæ.

Gramina continuo loculis depromit eburnis :

Profuerant Glauci Manibus illa prius :

750

Tunc, quum observatas augur descendit in herbas,

adflavit ventis, » unde causa illius locutionis apparet.

737. De Hippolyto vide III, 265; XV Metam. 497 sqq.—*Phædra* no-verca, quum non posset Hippolytum ad voluntatem suam perducere, incesti stupri eum insinulavit. *Theseus* pater credulus innocentem filium in exilium abegit, Neptunumque oravit, ut eum interficeret. *Pius* juvenis quum *Træzena* peteret, ubi *Pittheus*, apud quem educatus erat, regnabat, in sinu Saronico fluctus decumanus *taurum*, monstrum immane, protrusit, quo viso consternati sunt equi, aurigamque suum curru excussum rapuerunt, raptique membra sæde lacerarunt.—Versus *Non impune... aquas* Heins. spurios judicat, respuit etiam Taubnerus: sed Heinzius in Opp. pag. 238, defendit, quia iis deletis nimis abrupta foret narratio. Reti-

nendos eos putavit etiam Mitscherlichius; uncus enim sustulit, quibus inclusi erant ab Heinsio. Primus eos recepit Naugerius in postrema edit. ex suo cod. Exstant etiam in Ursini et duobus Patav.—*Pro terrentur* Læti cod. *turbantur*, ut XV Met. 517.

745. *Diana* inprimis indignabatur, quam Hippolytus et studio venandi et virginitate coluerat. Itaque apud Hyginum, fab. 251, etiam *voluntate Dianæ* in vitam redit.—*Ediderat* Burmannus et Francofurt. prætulit, quia *reddam* sequitur; Mitscherlich. revocavit *reddiderat*, quod sane reliqui omnes tuentur.—*Coronides*. *Æsculapius*, Apollinis et *Coronidis* filius; II Metam. 531, 626 sqq.

751–752. Hoc quoque distichon Heinsius delendum censebat, quia sensus inde commodus non posset elici; immo potest: *Glaucus* enim, *Minois* filius, in dolium melle ple-

Usus et auxilio est anguis ab angue dato ;  
Pectora ter tetigit, ter verba salubria dixit :

Depositum terra sustulit ille caput.

Lucus eum, nemorisque tui, Dictynna, recessus 755

Celat : Aricino Virbius ille lacu.

At Clymenus Clothoque dolent, hæc, fila reneri,

Hic, fieri regni jura minora sui.

Jupiter exemplum veritus, direxit in illum

Fulmina, qui nimiae moverat artis opem. 760

Phœbe, querebaris. Deus est; placare parenti :

Propter te, fieri quod vetat, ipse facit.

NON ego te, quamvis properabis vincere, Cæsar,

num quum incidisset, suffocatus est. Hinc Minos *augures* convocavit, e quibus Polyidus, augurio accepto, corpus pueri reperit, atque de dolio eduxit; tum *anguis* arrepsit, quem Polyidus interfecit. Interfecto alius *anguis*, herba quadam adlata, vitam restituit. Ejusdem herbæ igitur opera usus est Polyidus in restituendo Glaucō, post etiam Æsculapius in Hippolyto; Apollodorus, III, III, 1; Hyginus, fabul. 135; Palæphat. 27. *Usus est anguis*; Krebsius intelligit Æsculapium, qui sub imagine anguis cultus sit. Equidem anguem interfectum intelligo, qui usus est auxilio ab altero angue dato, expertus est auxilii illius aut herbæ vim.—Pro *augur* alii *anguis*, et pro *observatas* Glossæ Rumph. *observandas*; Ulitius volebat, *Tum coobservatas*.

753. *Verba salubria*, carmina, incantationes, quæ adhiberi solebant a medicis, ut alibi jam notatum.—De *Virbio* et *Aricino lacu* III, 265.—*Clymenus* dedit Heinsius, quia plures MSS *Limenus*, *Limens*, *Limereus*, et quia Græcis *Clymenus*

dictus est Pluto, quatenus omnia ad se vocat. Ad hunc igitur pertinent verba *Hic, fieri* etc. quemadmodum ad Parcam antecedentia *hæc, fila reneri*. Vulgo *Lachesis*; Mitscherlichius habet, nescio unde, *Pluto*.—Pro *hæc*, plures *sua*.

760. *Qui nimiae* etc. qui nimius fuerat in arte medica adhibenda, qui mortuum adeo in vitam revocaverat.—*Moverat* habent Zulich. optimus Patavinus, Læti et tres alii: vulgo, *noverat*. Heinsius putabat, posse et *foverat ope* legi, quia tres scripti *voverat*. Burmannus *moverat* confirmat ex I, 268, ubi: *Ipse meæ movi callidus artis opus*; itaque et nunc cum uno Patavino *opus* præferri posse. Immo *opem* præstat, quia sermo est de auxilio lato.—Regii codices *moverat opem*.—Mox alii: *fieri, quod facit, ipse vetat*.

763–768. IX *Kalendas*, anno *u. c.* 535, C. *Flaminius cos. ad lacum Trasimenum, spretis auspiciis et prodigiis, cecidit*: vide Livium, XXII, 1 et 3; Florum, II, VI, 14; Plutarch. in Fabio, 2.—*Cæsar* Germanicus intelligit.—*Vincere*, blandius

Si vetet auspicium, signa movere velim.  
 Sint tibi Flaminius Trasimenaque litora testes, 765  
 Per volucres æquos multa monere deos.  
 Tempora si veteris quæris temeraria damni :  
 Quartus ab extremo mense bis ille dies.  
 POSTERA lux melior : superat Masinissa Syphacem ;  
 Et cecidit telis Hasdrubal ipse suis. 770  
 TEMPORA labuntur, tacitisque senescimus annis ;  
 Et fugiunt, freno non remorante, dies.  
 Quam cito venerunt Fortunæ Fortis honores !  
 Post septem luces Junius actus erit.  
 Ite, deam læti Fortem celebrate, Quirites ; 775  
 In Tiberis ripa munera regis habet.  
 Pars pede, pars etiam celeri decurrite cymba,  
 Nec pudeat potos inde redire domum.  
 Ferte coronatæ juvenum convivia lintres ;

quam prælium committere.— *Signa movere*, ut *castra movere* ; Livius, dicto loco, *signa convellere*.— *Vetet et sint* habent meliores pro *vetat et sunt*.— *Æquidii*, sunt propitii ; *iniqui irati*.— *Volucres* omnino omina, prodigia etc.— *Temerarius* ipse Flaminius et a Livio et a Floro vocatur : itaque Noster paulo durius *temeraria tempora*.— Pro *quartus* sex libri *quintus*.

769. VIII *Kalendas* anno u. c. 550, *Syphax victus est* ; anno u. c. 546, *Hasdrubal cecidit*. Syphacem, Numidarum regem, Scipio pluribus præliis vicit, ad extremum per C. Lælium et Masinissam cepit ; Livius, XXXIX, 5-12.— *Hasdrubal*, Hannibalis frater, victus est a Claudio Nerone et M. Livio ; « Postremo, » quum haud dubia fortuna hostium » esset, ne superesset tanto exerci- » tui suum nomen secuto, concitato

» equo se in cohortem romanam » immisit. Ibi, ut patre Hamilcare » et Annibale fratre dignum erat, » pugnans cecidit ; » Liv. XXVII, 49.

771-784. *Sacra Fortunæ Fortis*. De variis templis *Fortunæ* a Servio rege dedicatis vide ad vs. 569 : Varro, de Ling. Lat. V, « Dies Fortunæ ap- » pellatus a Servio Tullio rege, quod » is fanum Fortis Fortunæ secun- » dum Tiberim extra urbem Romam » dedicavit Junio mense. » — *Taciti* anni eleganter, qui sensim, nullo tumultu, transiguntur. — *Honores*, sacra.

777. Neapolis putat, ædem illam fuisse in regione transtiberina, eo- que ivisse nonnullos *pede* per pontem : idque ex hoc ipso loco apparere. Potuit et in citiore ripa esse ; quo, quia pede fatigari nolebant, secundo flumine *celeri decurrebant cymba*. Si in ripa ulteriore fuisset, transmi-



Multaque per medias vina bibantur aquas. 780  
 Plebs colit hanc; quia, qui posuit, de plebe fuisse  
 Fertur, et ex humili sceptrata tulisse loco.  
 Convenit et servis; serva quia Tullius ortus  
 Constituit dubiæ templa propinqua deæ.  
 ECCE, suburbana rediens male sobrius æde, 785  
 Ad stellas aliquis talia verba jacet:  
 Zona latet tua nunc, et cras fortasse latebit;  
 Dehinc erit, Orion, adspicienda mihi.  
 At si non esset potus, dixisset eadem  
 Venturum tempus solstitiale die. 790  
 LUCIFERO subeunte, Lares delubra tulerunt,  
 Hic ubi fit docta multa corona manu.  
 Tempus idem Stator ædis habet, quam Romulus olim  
 Ante Palatini condidit ora jugi.  
 TOT RESTANT de mense dies, quot nomina Parcís, 795

sissent flumen, non decurrissent. Prope eam anno u. c. 459, Carvilius aliam eidem deæ ædem posuit; Livius, X, 46. Prior illa memoratur etiam a Plutarcho, de Fort. Rom. p. 266: Τὴν δὲ πρὸς τῷ ποταμῷ Τύχην, ἣν Φόρτικον (Reisk. conjicit Φόρτεον vel Φόρτεμ) καλεῖσθαι (ὅπερ ἐστὶν ἰσχυρὸν, ἢ ἀριστευτικὸν, ἢ ἀνδρείον) ὥς τὸ νικητικὸν ἀπάντων κτίσθαι ἔχουσιν. *Tiberinam* autem illam *decursionem* ipsum Scipionem Africanum magno gaudio adfecisse, narrat Cicero, Fin. II, v, 24.

781. Pugnant hæc cum iis, quæ vers. 634 de Servii origine tradita sunt. Vulgatam traditionem, serva eum esse natum, parvumque ipsum serviisse, habet Dionysius, IV, 1; refellit Livius, I, 39.

785. VI *Kalendas Orion oritur*: is *zona* cinctus, unde gladius pendet; Hyginus, Ret. III, 33: « Hunc a

» zona et reliquo corpore æquinoctialis circulus dividit. » Plinius, XVIII, 68, « Solstitium peragi in » octava parte Cancris et octavo Kalendas Julii » tradit. Nempe veteres cardines annuos non in signorum initiis, sed in octavis partibus statuebant; Columella, IX, 14: « Nec me fallit Hipparchi ratio, » quæ docet solstitia et æquinoclia » non octavis, sed primis partibus » signorum confici. Verum in hac » ruris disciplina, sequor nunc Eudoxi et Metonis, antiquorumque » Fastos astrologorum, qui sunt » aptati publicis sacrificiis. »

791. *Larium et Jovis Statoris ædes*: de templo, quod Romulus *Jovi Statori* in bello cum Sabinis vovit, vide Livium, I, 12; Florum, I, 1, 13. Positum erat ad portam Mugoniam, quæ ducebat a via sacra ad Palatium; Dionysius, II, 50. Olim ede-

Quum data sunt trabææ templa, Quirine, tuæ.  
TEMPUS Iuleis cras est natale Kalendis;

Pierides, cœptis addite summa meis.  
Dicite, Pierides, quis vos adjunxerit isti,  
Cui dedit invitas victa noverca manus?

800

Sic ego; sic Clio: clari monumenta Philippi  
Adspicis; unde trahit Marcia cæsta genus:  
Marcia, sacrificio deductum nomen ab Anco,  
In qua par facies nobilitate sua.

Par animo quoque forma suo respondet in illa;

805

batur, *Tempus idem Statoris erit*, producta in *Statoris* prima syllaba; quod ferri nequit. Heinsius igitur ex Ursini optimo, uno Patavino et margine Sarraviani, *Stator ædis habet* recepit.

796. *Trabæ tuæ* paulo durius, tibi, quia Romulus *trabea* insignis; I, 37; II, 504. Templum illud antiquum, statim post Romuli mortem positum, Cæsar Octavianus exornavit, iterumque dedicavit.

797-800. *Ultimo die ædes Herculis Musarum sacrata*. M. Fulvius Nobilior novem Musarum signa Ambracia Romam translata in Herculis templo dedicavit (Plinius, 35 seu 36, 4), idque *Marcus Philippus* restituit; Suetonius, August. 29. Eumenius in Or. pro rest. Sch. cap. 7, auctor est, Fulvium, in Græcia quum esset imperator, accepisse Herculem Musagetem esse, id est, comitem ducemque Musarum. De eo valde dubitat Heynius in Opusc. Acad. vol. II, pag. 305; recentius esse Herculis cum Musis contubernium. — *Tempus natale Kalendis*; oriuntur, sunt Kalendæ: Krebsius male, *Morgen ist die Zeit der Geburt an den Kalenden des Julius*. Male etiam Scaliger de die natali Julii

Cæsaris cogitabat; qui, quum non incideret in hunc diem, corrigi volebat, *natale Camænis*. — *Adjunxerit* dedit Heinsius ex Sarraviano et sex aliis: plurimi ex melioribus *adduxerit*: vulgo *addixerit*. — *Noverca*, Juno, *invitas manus dedit*, invita cessit, ubi Jupiter Herculem in cælum accepit; IX Metam. 254sq.

802. *Marcia*, Fabii Maximi uxor, fuit vel filia, vel neptis *Marcii Philippi*, quem Augusti vitricum fuisse vulgo contendunt: verum e vers. 65 et 809 apparet, *materteram*, non matrem Augusti, nuptam fuisse Marcio Philippo; conf. I ex Ponto, 11, 140. Jam Ovidii uxor ex Fabii Maximi familia fuit, *Marciamque* reverenter coluit; III ex Ponto, 1, 75sq.; sic intelligimus, cur hoc loco in laudes mulieris poeta excurrit; vide de hac Marcia Masson. in Vita Ovidii ad annum u. c. 767. — *Ancus Marcus rex vocatur sacrificus*, quia longe antiquissimum nomen est, « sa- » cra publica, ut ab Numa instituta » erant, facere; » Livius, I, 32; Dionysius, III, 36. — *Nobilitate sua*: olim edebatur *fuit*; at Marcia, quo tempore Ovidius hæc scribebat, adhuc erat in vivis. — *Par* etiam cum ablativo construi, docent Heinsius

Et genus, et facies, ingeniumque simul.

Nec, quod laudamus formam, tam turpe putaris :

Laudamus magnas hac quoque parte deas.

Nupta fuit quondam matertera Cæsaris illi.

O decus, o sacra femina digna domo !

810

Sic cecinit Clio : doctæ adsensere sorores.

Adnuit Alcides, increpuitque lyram.

et Burm.—Verbis *et genus, et facies ingeniumque simul* in Francofurt. adscriptum : « Hæc adulterina sunt. » Sic judicant etiam Brouk. et Burm. quia poeta idem jam dixerat.

812. Hercules *lyram pulsans* senioris artis frequens argumentum ; Heynius dicto loco. *Increpuit lyra*, lyra fortius pulsata finem facere jussit ; sic Horatius, IV, Od. xv, 1 : « Phœbus volentem prælia me lo- » qui, Victas et urbes, increpuit » lyra ; » ibi vid. Jani et Mitscherl. Disputatur autem hoc loco utrum legendum sit *lyra*, an, quod Hein- sius ex Ursini, Sarraviano et tribus aliis adoptavit, *lyram*. Putant, *in- crepare lyram* esse simpliciter pul- sare lyram, ut Heroid. III, 118 ; Amor. II, xi, 32 ; sed *inrepare lyra*, signum dare, admonere lyra aspe- rius pulsa : sic etiam Schirachius et Krebsius ; sed Heynius ad Virgi- lium, Æn. I, 447, in varr. lectt. *lyra pulsare* magis poetice dici pu- tat, quam *lyram*. Cæterum in MSS Ursini, duobus Patavinis, uno Va- ticano atque Francofurt. subjuncti leguntur versus hi quatuor : « Si » novus a Jani sacris numerabitur » annus, Quintilis falso nomine di-

» ctus erit. Si facis, ut fuerant, pri- » mas a Marte Kalendas, Tempora » constabunt ordine ducta suo. » Vaticanus hoc initium libri septimi constituebat ; at Gronovius monuit inspectam sibi fuisse in Norico ve- tustam Nasonis editionem cui Cel- tes Protacius, is nempe qui primus post renatas literas poesin in Ger- mania instauravit, manu sua ad- scripsisset, reliquos sex Fastorum libros servari apud Presbyterum in pago prope Ulmam, principiumque septimi libri in illo codice tale exa- ratum fuisse : « Tu quoque mutati » causas et nomina mensis A te qui » sequitur, maxime Cæsar, habes. » Sed ut dicam ingenue quod res est, opinor Celtem Protacium non tam decepisse, quam fuisse deceptum ab aliis, qui visum sibi atque inspectum hunc codicem affirmarent. Nam Lactantius in Div. Instit. Priscia- nus in Grammatica, alique vete- rum, quum plures locos ex Fastis Nasonianis proferant in medium, ex libris tamen sex posterioribus de- perditis nihil prorsus producunt, ut certum sit, alteram hujus poematis partem jam ante sæcula complura intercidisse. HEINS.



# PRÆMONITIO

## AD ERUDITISSIMUM LECTOREM.

IN sua præfatione et procæmio, (vide supra pag. 1 et 4) D. V. GIERIG pauca dixit de symbolis observationum, quas in Ovidii Fastos exhibuerat FRIDER. HENR. GUIL. GESENIUS, quia hujus rationem ab ipsius opera nonnihil discrepare viderat. Ego autem, postquam illas diligenti sedulitate perpendi, multa recognovi quæ in locis difficilioribus illustrandis forent perutilia; eaque tibi, lector optime, subjicienda judicavi, ut ab omni parte magis absolutum opus invenires. Itaque nonnullos Excursus, de Fastis Romanorum tam kalendaribus quam historicis, de novis quibusdam præsidiis Ovidii interpretationem adjuvantibus, de astronomiæ probabili cognitione, de quibusdam veteris Italiæ numinibus, et de aliis quæstionibus explicandis, in unum doctrinæ corpus conjunctos hic habebis, quos in tuam utilitatem cessuros vehementer opto et confidenter spero. Vale.

N. E. L.

---

# EXCURSUS IN OVIDII FASTOS.

---

## EXCURSUS PRIMUS.

---

DE FASTIS ROMANIS; ET DE HUIUS CARMINIS, QUOD IN IIS ILLUSTRANDIS  
VERSATUR, CONSILIO ET RATIONE.

CONSILIUM, quod in hoc carmine componendo spectavit et feliciter exsecutus est Ovidius, totius anni romani ferias, cæterasque fastorum notationes ad eorum ordinem poetice enarrandi et ad causas suas revocandi ipsius poetæ ingenio et inventioni ita certe deberi videtur, ut neminem, quem ab omni parte in hac re præeuntem habuerit, indicare queamus. Est hæc in singularibus huius poetæ laudibus, quam et in heroica epistola condenda, maxime tamen haud dubie in Arte amatoria, quod carmen quoad inventionis laudem haud facile ulli carmini romano secundum est, meretur <sup>1</sup>.

Princeps omnium igitur de his fastis quæstio esse debet, et ut, quicquid vel ipsa antiquitas de iis tradat, vel fragmenta eorum huc illuc servata, collecta, et e tenebris vindicata docuerint, accurate et diligenter videamus, quam proxime ad institutum nostrum pertinet: idque imprimis quum in duobus fastorum generibus (*historicis* et *kalendaribus* vel *sacris*) valde quidem diversis, quæ tamen veteres

<sup>1</sup> Conf. iudicium, quod de huius carminis æstimatione egregie tulit

Vir summus *Böttigerus* in *Sabina*, pag. 40.

eodem nomine plerumque complecti solebant, commutandis multis turbas fecisse, et ad utrum genus pertineant singula loca, non rite discrevisse reperiam <sup>1</sup>. Verum jam vidit Siccama aliique (Grævii Thesaur. tom. VIII), qui alterum genus fastos minores, kalendarios vel kalendaria, alterum fastos majores vocando, errorem vitandum docuerunt, etsi hoc etiam monendum est, ab optt. scriptorum usu, ubi nec fasti kalendares nec kalendaria leguntur, hanc appellationem, qua tamen et nos ad turbas vitandas uti debemus, abhorrere. Apud optt. scriptores *Fastorum* nomen in utroque genere adhibitum, utrum genus indicetur, interdum dijudicatu difficile reddit.

1. *Fasti sacri (kalendares, kalendaria).*

Initio hæ tabulæ, unde et nomen invenerunt, nihil aliud fuere ac dierum, quibus fari (id est, jus dicere) liceret, nec ne, per totum annum notationes, ita ut cuivis anni diei, sive fastus, sive nefastus, sive intercisus esset, certis signis (F. N. et E.) i. e. endotercisus <sup>2</sup> adscriptum esset <sup>3</sup>. Efficiebant ita partem juris civilis, æque ac commentarii pontificum, et senatus pontificesque, ut in hac re magis pro arbitrio agere possent, a populi conspectu has tabulas diligenter arcere soliti erant <sup>4</sup>; donec summa cum senatorii

<sup>1</sup> Omnia turbavit v. c. Adam in Antiqu. Rom. e vers. Meyeri, t. I, p. 526, qui fastos historicos et kalendares et summa imis miscet.

<sup>2</sup> *Endo* enim antique pro *in* in leg. XII tab. apud Ennium et Lucret. exstat. Cic. *de leg.* II, 8; Lucr. lib. I, 82.

<sup>3</sup> Festus ex. emend. Dac. *Fastis enim dies fasti insunt*. Primum eo-

rum vestigium forte apparet in pontifice a Numainstituto, ubi Liv. I, 20: *Ei sacra omnia exscripta exsignataque tribuit, quibus hostiis, quibus diebus, ad quæ templa sacra fierent, atque unde in eos sumtus erogaretur.*

<sup>4</sup> Liv. IV, 3. Canuleius in oratione contra senatum inter alia, quæ de violentia et injuria ejus conqueritur: « Obsecro vos, ait, *si non*



ordinis indignatione et invidia a Flavio, Appii Claudii scriba, homine callido et populi favorem captante, cum iisdem commentariis pontificum primum prodirent<sup>1</sup>. Ex eo inde tempore fasti, ita comparati, ut dies fasti nefastique etc. Idus et Nonæ, præcipue *feriæ omnes statæ et templorum dedicatorum anniversaria*, subinde res quædam in republica egregie gestæ ibi annotarentur, non solum publice in foro et aliis locis *expositi erant*, sed et privatim in porticibus, atriis, plerumque lapidi, interdum æri incisi habebantur.

Per urbem dispositorum exempla habemus in fastis Fulvii Nobilioris in templo Herculis publicatis (Macrob. I, 12), qui infra alio nomine laudandi sunt et in fragmentis fastorum per urbem inventis in campo Floræ, in Exquilis etc. (vide infra). Eundem autem tabularum proponendarum morem in municipiis etiam aliisque Italiæ oppidis obtinuisse, post Ovidium (Fast. VI, 59) ubi ad fastos Aricinos, Laurentinos, Prænestinos provocat, fastorum fragmenta extra urbem et in aliorum oppidorum ruinis

*ad fastos, non ad commentarios pontificum admittimur*, ne ea quidem scimus, quæ omnes peregrini etiam sciunt, consules in locum regum successisse? nec aut juris aut maiestatis quicquam habere, quod non in regibus ante fuerit? » — Quæ de jure consulum ibi celato queritur, nonnisi ad commentarios pontificum pertinent, in quibus jus civile continebatur, fastos autem simul nominat, quum ad idem jus pertinerent.

<sup>1</sup> Factum erat anno u. c. 440. Livius, IX, 46 : *Civile jus repositum in penetralibus pontificum evulgavit, fastosque circa forum in albo pro-*

*posuit, ut quando lege agi posset, sciretur.* Conf. Val. Max. II, v, §. 2 : *Fastos pæne toto foro exposuit* : unde fortasse eos duodecim tabulis, quarum singulæ singulos menses comprehenderent, ut postea fieri solebat, contentos fuisse colligi potest. — Antea enim singuli dies festi publice per urbem prænuntiati sunt, vel si quis prius de iis scire voluit, a pontifice eos petere debuit. Cic. pro Murena 11 : Erant in magna potentia qui consulebantur, a quibus etiam dies, tamquam a Chaldæis petebantur. — Ad illud tempus pertinet haud dubie Arnobii locus adv. gentes, VII : Lavatio matris Deum

reperta docent; quæ tabulæ, quo major urbibus cum Roma intercedit necessitudo, eo propius ad fastos romanos accedunt. Videmus hoc v. c. in Amiterninis, Prænestinis, in quibus pauca ad oppidi cujusvis proprios ritus pertinentia occurrunt<sup>1</sup>, omnia fere cum iis, quos Roma habuit, conveniunt.

In aliis Latii populis, quos Ovidius, Fast. III, 87 seq. recenset, quique minus a Roma profecti erant, fastos abiisse in multis, vel ex diverso ordine mensium intelligitur (confer Censorin. I, 20). Colonis contra in ipsa coloniarum deductione, ut sacra iis cum urbe communia essent, fastos urbanos traditos esse, probatum it veterum fastorum interpret apud Fogginium (in libro laudando, pag. 103) qui coloniarum nomina tunc in fastis annotata reperit.

Accedit, ut de more res memoratu dignas in fastis sacris ad eos, quibus gestæ sunt, dies adscribendi, quædam dicamus, quum in hac re, quæ etiam in fastis historicis fieri solebat, dubitari possit, ad utrum genus aliquis locus pertineat. In fastis sacris hoc mature jam factum esse Ovidii loca probant VI, 461, 465, 563, 721, 765, 769, 770; ubi res populo romano vel lætæ vel tristes, tum victoriæ et res præclare gestæ, tum clades, quibus Roma afflicta est, in fastis, quibus Ovidius usus est, adscriptæ fuisse videntur. Victoria v. c. Postumi de Æquis et Volscis (Fast. VI, 721) quam ad d. 17 Jun. ita canit:

est hodie, Jovis epulum cras fiet,  
Lectisternium Cereris erit Idibus  
proximis.

<sup>1</sup> Vid. Fast. Præn. ad d. 11. Apr. ubi e patria et peculiari Prænesti-

norum religione *Festum Fortunæ primigeniæ*, Deæ Prænestinorum tutelaris, celebrandum esse, oraculum patere etc. annotatur. Conf. Foggin. pag. 48.

Scilicet<sup>1</sup> hic olim Æquos Volscosque fugatos  
 Viderat in campis , Algida terra , tuis ;  
 Unde suburbano clarus , Tuberte , triumpho  
 Vectus es in niveis , Postume , victor equis :

coll. Livio IV, 26-29, in an. U. 322 incidit, et jam tum hic mos obtinuisse videtur. Similiter in D. Bruti victoria, Syphace victo et aliis, l. l. c. c. et falsi igitur sunt, si qui (v. c. Siccama de fastis Gr. Thes.) in M. Antonio hoc primum factum esse contendunt. Hic enim, ut Cicero (Philip. II, 34) ei objicit, in fastis ad Lupercalia adscribi jusserat: *C. Cæsari, dictatori perpetuo, M. Antonium consulem populi jussu, regnum detulisse, Cæsarem uti noluisse*; qui locus æque ac Cic. ad Brutum 15: « Ego Decio Bruto » liberato, quum lætissimus ille civitati dies illuxisset, de- » crevi, ut in fastis ad eum diem Bruti nomen adscribe- » retur » ad fastos kalendares haud dubie pertinet.

Quod si vero in aliis fastis alias res gestas annotatas reperimus, diversas diversis temporibus, ex cujusvis temporis adulatione petendum est, quæ imperatorum præsertim et virorum illustrium res gestas ita memoriæ mandare voluit.

<sup>1</sup> *Scilicet*, particula transitoria, et digito qs. intendens ad sequentia, ut *ecce*, significatione antea neglecta, sed quæ sine dubio prima est hujus vocis, unde cæteræ demum profluunt, quam vindicavit Ill. Vossius ad Georg. p. 136, n. edit. (vid. loca ibi laudata); Georg. I, 281, « Ter » sunt conati imponere Pelio Ossam » *Scilicet*, atque Ossæ frondosum » involvere Olympum; » I, 492, « *Scilicet*, et tempus venit, quum » finibus illis Agricola etc. » unde vocem Ovidio, IV, 627, reddere

nullus dubitavi. Analogam autem arbitror huic particulæ quoad significationum transitum, qui certe in utraque voce bene se illustrat, græcam particulam  $\tilde{\epsilon}$ . Significationes utriusque vocis ita se excipere videntur: 1° *profecto, re vera*. Ita *scilicet* sæpe apud Terent. Phorm. I, II, 82; Adelph. IV, VII, 33, et  $\tilde{\epsilon}$  semper apud Homerum. Interdum *scilicet* initio orationis animum tantum intendit ad sequentia, ut h. l. et ita non raro  $\tilde{\epsilon}$  apud Homerum; 2° inde utraque vox *ironice* usurpa-



Ita in fastis, quos ætas nobis servavit plerumque ex Augusti et Tiberii tempore, horum tituli; sub sequioribus Imperatoribus, ejus qui tunc imperium tenebat, res gestæ feriis celebratæ sunt, exstirpatis antea iis, quæ sub antecessoribus fuerant annotata. Post honores gentis Juliæ ab Ovidio etiam celebratos, vide, quæ Fasti Prænestini in ejusdem gentis laudem annotant ad Januarii dies 7, 8, 16, 17, 29: Amiternini ad Augusti dies 1, 2, 9; Sept. 1, 9; Oct. 12 etc. Et quum ex sequiorum Imperator. fastis nulla exstent fragmenta, idem tamen in ultimo quod exstat Constantini Magni Calendario (Græv. Thes. tom. VIII, p. 97) habes, ubi, ut antea Augusti Tiberiique, nunc Constantini, Constantii aliorumque res fortiter gestæ titulis celebrantur.

Sed tantum de his fastis kalendaribus, quos Ovidius carmine exornavit, et ad quos sæpius recurrere licebit. Quid autem? quod passim ab interpretibus, multo alia cum re, fastis scilicet, seu annalibus, quæ historiæ ad instar primis temporibus fuere, commutantur, quare erroris vitandi causa de his etiam paucis videndum est.

## 2. *Fasti historici, (Annales, F. consulares).*

Commune nomen inde haud dubie fluxit, quod in his primis historiæ initiis singulis annis res gestæ vel quicquid memoria dignum judicabatur, ad ordinem dierum, qui in fastis kalendaribus descripti erant, annalium in morem exhibebantur<sup>1</sup>. Magistratus cujusvis anni, consules

tur. De scilicet res nota. De § cf. Il. I, 229: ἡ πολὺ λώϊόν ἐστι etc. 3<sup>o</sup> utraque in quæstionibus occurrit pro num?

<sup>1</sup> Cic. ad div. V, 12, in nobilissima epistola ad Lucecium: Etenim ordo

ipse annalium mediocriter nos retinet, quasi enumeratione fastorum. — Horatius ita Sat. I, 111, 112, *fastos mundi* de totius universi historia dicit, et Carm. IV, xiii, 13,

potissimum ibi annotati esse debebant <sup>1</sup>, et cum consilibus demum initium cepisse videntur e Valerio Maximo, libris IV, 4, §. 1; et VII, 3, §. 2, ubi altero in loco Valerius Poplicola, primus consul *Fastorum illud columnen* vocatur; in altero autem Brutus, Valerii in primo consulatu collega, vafro illo, quo Tarquinii filios decepit, osculo *primum in Fastis locum* sibi parasse dicitur. Poterant igitur gentibus romanis antiquæ earum nobilitati probandæ inservire, si plures sui nominis ibi notati erant, unde v. c. Horatius, Od. III, XVII, 2, Lamiæ sui proavos in fastis undique notatos generis nobilitatem a Lamo illo vetere, Læstrygonum rege, ex nota Romanorum vanitate et poetarum adulatione, ducere canit:

Æli, vetusto nobilis ab Lamo,  
Quando et priores hinc Lamias ferunt  
Denominatos, et nepotum  
Per *memores* genus omne *fastos*  
Auctore ab illo ducit originem.

Et si ignominia causa alicujus consulis nomen publico S. C. e fastis eradi dicitur, semper hi intelligendi sunt.

Lycen, ut ætate fruatur, admovens, annum fastis semel adscriptum irrevocabilem vocat:

Nec Coæ referunt jam tibi purpuræ  
Nec clari lapides tempora, quæ semel  
Notis condita fastis  
Inclusit volucris dies.

<sup>1</sup> Liv. IX, 18, paginas in annalibus magistratuum, fastisque percurrere licet, consulum dictatorumque, quorum nec virtutis nec fortunæ ullo die P. R. pœnituit. — Annales magistratuum a fastis discerni videntur, ita ut fasti nonnisi consules singulis annis inscriptos,

annales autem magistratuum cæteros magistratus complectantur. — Cic. ad Att. IV, Ep. 8: Si vero, id est, quod nescio, an sit, ut *non minus longas jam in codicillorum fastis futurorum consulum paginulas* habeat, quam factorum, quid illo miserius, nisi respublica, *in* qua ne speratur quidem melius quidquam, ubi cuivis consuli sua pagina destinata videtur ita probabiliter, ut consules annui fastorum annis superscribantur. — Martialis, XII, 26, hominem perstringit, qui jam senator, id insuper appetit, ut fastis

Factum hoc erat in M. et L. Antoniis, sed postea restitutum; idem facere parabant in Pisone: Cic. Philip. XIII, 12; Tac. Ann. III, XVII, XVIII.

Jam de Ovidio, ejusque opera in *Fastis kalendaribus* explicandis et exornandis posita.

Multa, quæ in his fastis, sive veteres notas interdum interpretatione ambiguas, sive ferias earumque origines, sive notitias historicas ibi adscriptas spectes, ob antiquitatem obscura erant et explicatione indigebant, jam mature invenerant auctores, qui in iis exponendis data opera versati erant. Tot feriarum origines ibi illustratæ, quatenus fieri poterat ex antiquitate romana repetitæ, ritus ceremoniæque singulorum festorum enarrati et explicati, Deorum antiquorum nomina et cultus expositi, templorum conditorum historia tradita, notis illis antiquitus traditis quid significaretur indicatum, anni rationes diversæ expositæ, errores, qui vulgo circumferebantur, discussi legebantur, verbo, quicquid in iis illustratione indigebat, commentario perpetuo omnem annum persequente comprehendebatur: eoque magis hi scriptores, qui vel *commentariis* et libris peculiaribus vel *brevioribus adnotationibus*, quas fastis publice affixis adjecerant, hanc operam navaverant, ad hanc quæstionem pertinent, quum et ipsi præcipui fontes carminis Ovidiani haud dubie fuerint.

Luculentissimum exemplum *brevioris ejusmodi adnotationis* in ipso publico marmore descriptæ habemus in *Verrii Fastis*

adscribatur et provinciam nanciscatur; quibus rebus dignitas consularis innuitur:

Sexaginta teras quum limina mane senator,  
Esse tibi videor desidiosus eques,

Quod non a prima discurram luce per urbem.

.....

Sed tu purpureis ut des nova nomina Pattis,

Aut Numidum gentes Cappadocumque per-  
tas, etc.



(de quibus fusius infra) et ad eundem prorsus modum in iis, quos *Fulvius Nobilior*, Catonis æqualis et Ennii familiaris in æde Herculis et Musarum a se condita (Fast. VI in fine) posuerat, simulque brevi annotatione adjecta nominibus rebusque antiquis explicandis operam dederat. Macrobi. I, XII, 13, qui Maium et Junium ibi a majoribus derivari tradit, et I, 13, de intercalatione haud dubie ad eosdem Fastos respicit. Laudantur iidem a Charisio.

Peculiarium autem librorum data opera in Fastis explicandis versantium plures auctores habemus, quorum notitiam præsertim Macrobio et Festo debebamus, quibus nunc Laurentius Lydus accedit. — Agmen eorum, quos novimus, ducit nomen in historicis et antiquariis celeberrimum *Cincius Alimentus*; post eum sæpe laudatur in hoc etiam genere, *Masurius Sabinus*, celeberrimus ille Jctus, et quæ utriusque scriptoris exstant fragmenta, tum quod ad Ovidium arctissime pertinent, tum ob judicii acumen et criticam in veteribus insolitam, tum ob antiquitatis doctrinam, merito desiderium horum librorum injiciunt. — Fasti, quos *L. Cincius Alimentus* condiderat, Fabii Pictoris æqualis (vid. Voss. de hist. latinis, p. 25) a Livio sæpe laudatus, et magnæ apud eum auctoritatis præsertim in rebus antiquariis (« maximus auctor » — et alibi : diligens *talium* monumentorum auctor, ubi de *more Volsiniensium solemni* sermo est) post Macrobius (I, 12 et alibi), et Festus (vid. Ind. in ed. Dacieriana) a Lydo recitantur, ubi liber περὶ ἑορτῶν non potest non idem esse. (Lydus, p. 90 et 125.) Effata ejus antiquitatis et linguæ criticam scientiam et judicium subactum produnt, et multæ, quas Ovidius exhibet sententias in re sua illu-

stranda, ad hunc referendæ esse videntur. Ita apud Macro-  
b. l. c. Aprilis mensis a Venere derivationem, quippe linguæ  
rationibus contrariam vel hanc ob causam, quod Veneris  
nec romanum nec græcum nomen regum tempore notum  
fuisse, et in carmine Saliari inveniri scribit, egregie sane  
refutavit, æque ac Maii et Junii a majoribus et junioribus  
explicationes vulgares, alterum a Maia dea, alterum, quum  
et antiquitus et suo tempore alibi Junonius dicatur, a Ju-  
none dictum esse censens (ubi Ovidius, Fast. VI, 61,  
eum haud dubie respexit). Post hunc Macrobius *Masurii  
Sabini* commentarios imprimis laudat, celebris sub Tiberio  
Jurisconsulti, Ateii Capitonis adseclæ et sectæ Sabinianæ  
auctoris [vid. fr. II, §. 48 Digest. (I, 2)] qui vel e Persio  
notus est: Sat. V, 90, *Masuri rubrica vetat*. Alii commen-  
tariorum auctores recensentur: *Nisus* (Macro-*ibid.*)  
*Bebius Macer*, *Comelius Labeo* (Macro-*b. I, 16*), *Rutilius  
Geminus*, *Titus*, Anysius et Elpidianus *περὶ μηνῶν, περὶ  
ἑορτῶν* apud Lydum, Julius Modestus, Hygini libertus  
(Suet. de grammat. 20) de feriis, Fulvius Flaccus, Ju-  
nius Gracchus aliique. Nobis omnes ætas invidit, et præter  
Ovidii commentarium poeticum et breviores Verrii notas,  
nonnisi Lydi et Macrobiï Festique excerpta notitiam ali-  
quam præbent. Quæ passim ex his scriptoribus laudantur,  
ostendunt, eos in omnibus iis, quæ supra ad hos libros  
retulimus, enarrandis et investigandis, plus minusve, et  
ut quis historiæ, antiquitatis et chronologiæ peritissimus  
erat, versatos esse. — Haud quidem data opera ad Fastos  
explicandos, sed universe ad antiquitatem romanam illu-  
strandam etiam *Varro* in lib. Antiquit. Divinarum, *Verrius*  
aliique passim de hoc genere in antiquis feriis, ceremoniis,

ritibus illustrandis et ex historia deducendis meruerant, eosque sæpissime Dionysius et Plutarchus passim hanc antiquitatem illustrantes respiciunt. Etiam in Quæstionibus romanis, quæ id genus multa exhibent, Plutarchus easdem prorsus cum Ovidio proferens sententias, eosdem fontes, forte et fastorum commentarios ob oculos habuisse videtur. *Butam* autem fuisse poetam, qui res romanas ad causas suas fabulosas referendo incertum quo tempore, carmine hanc romanæ antiquitatis partem illustrare suscepit, discimus ex Plut. in Romulo, cap. 21; cf. Arnob. lib. 5, init. et præclare hoc carmen carmini Ovidiano cognatum judicavit Lenz. l. c. p. 5. Plutarchus duo versus<sup>1</sup> de Lupercaliis ex eo laudans, αἰτίας μυθώδεις ἐν ἐλεγείοις περὶ τῶν Ῥωμαϊκῶν scripsisse tradidit, et Arnob. ex ejus *Causilibus*, ut inscriptionem libri latine vertit, Fatuæ historiam exhibet. *Vide de eo Vossium* de historicis græcis, p. 337, et de poet. græc. p. 225. An in ordine etiam ad anni tempora digerendo et in aliis Ovidius eum sequi potuerit, ob paucas de eo notitias pro certo dici nequit, quum ipsi Haraldo ad Arnobium l. c. ita ignotus videretur, ut nomen Butæ in Plutarcho corrigendum esse putaret, ubi mirandum est, etiam Wittenbachium v. c. (Proleg. ad Plutarch. præf. pag. 46) cum eo consentire videri. — Quod idem v. c. Lenzius, pag. 4 conjecit, simile Callimachi Carmen, quod Αἴτια inscribitur, Ovidio quoad genus et

<sup>1</sup> Tradiderat ibi Butas, cursum in Lupercaliis solemnem repetendum esse a gaudio, quo Romulus, Amulio victo, cursu festinavit in eum locum, ubi lupa uber ei præbuerat: et pergit in loco supra ci-

tato Plutarchus: καὶ μέμνημα τοῦ τότε διέμου τὴν ἑορτὴν ἀγεῖναι, καὶ τρέχειν τοὺς ἀπὸ γένους, τοὺς:

Ἐμποδίους τύποντας ὅπως τότε φάσταν ἔχοντες

Ἐξ Ἀλθῆς ἔθρον Ῥωμύλος ἢ δὲ Ῥίμος.



formam in fastis sæpe ante oculos fuisse et Valkenarius ad Callimachi elegiarum fragmenta , pag. 10 , et Jacobs in Animadversionibus ad Anthol. gr. vol. III , p. 11 , p. 182 , amplexi sunt : etsi prior , pag. 8 , non elegiaco , sed heroico metro concinnatum fuisse velit. Hoc carmen , cujus fragmenta exstant in ed. Ernestii , Romanorum etiam manibus frequenter tritum esse , Varronis , Servii aliorumque citata docent , et ipsum Ovidium , Trist. V, v, 33 , in prodigii , quod in Eteoclis et Polynicis sacris fiebat , narratione hæc αἴτια respexisse judicavit Ruhnkenius.

Hoc ( memini ) quondam fieri non posse loquebar ,  
Et me Battiades iudice falsus erat.

Epigramma Anthologiæ ( vid. Benth. ad Callimach. fragmenta , pag. 416 , ed. Ernest. ) totum carmen somnio contineri canit , in quo Callimachus in Heliconem delatus a Musis ipsis de rebus antiquis , priscorum hominum vita et moribus etc. quærens quæ volebat , edoctus sit. Ultimi versus ,

Αἱ δὲ οἱ εἰρομένοι , ἀμφ' Ὀλυπίων Ἡρώων  
Αἴτια καὶ μαχάρων εἶρον ἀμειβόμεναι ,

conjecturam commendant , Ovidium potissimum in Deorum Musarumque ministerio , quo eodem prorsus modo utitur ( IV, 191 ; V, 7 sqq ; VI, 798 etc. ) , Callimachum ob oculos habuisse. Veteres ritus ibi explicatos habent fragm. 8 et 9 ; et Lenzius jam annotavit , historiam Hippolyti in Callim. cum eadem in Ovidio , VI, 730 , consentire , ut et in rebus græcis eum interdum respexisse videri posset. Attamen magis colorem , rationem , et formam ex hoc scriptore , materiam sine dubio potissimum ex aliis.

quos diximus, Fastorum libris mutuam accepit. Et luculenter hoc ex eo apparet, quod non solum in explicanda aliqua re easdem semper cum illis referre solet sententias, sed sæpissime idem et eodem loco et ordine, quo illi afferre solent. Docent hoc vel breves Verrii adnotationes ad Fast. I, 45; conf. Verrius ad d. 2 Jan. ad III, 97 : conf. Verr. initio Martii mensis, ubi fere eadem iisdem verbis. Adde multa ex iis, quæ postea ex Verrio excerpimus. Ad Ovidium de mensibus Aprili, Maio et Junio conf. Fastor. conditores apud Macrob. I, 12, etc. etc. Tamen ipsum notitiis aliunde conquirendis intentum fuisse ipse Fast. IV, 378 et 690, docet, et quum diu in opere suo limando stylum verteret, ea, quæ recens accesserant, in fastis donec prodirent, diligenter adnotare et inserere solebat. Huc pertinet, præter alia quæ de Germanici triumpho I, 285, de Concordiæ æde I, 637-650, an. u. c. 762 exstructa, canit, quæ ex notitiis ab amicis secum communicatis, vel e novis fastis in exsilio interpolare debuit. Refer huc etiam, quæ de Tiberio imperatore canit I, 533; de Julia Augusta, I, 536.

Eo autem magis hoc argumentum carminis varietati aptum erat, quum a temporis sui sacris ad remotissimos patriæ antiquitatis mythos, ab operibus et rebus gestis principum ad laudem et adulationem eorum exspatiandi occasionem præberet. Et cum Virgilio sentiens, qui in græcarum fabularum lusibus satis jam decantatis vix veram laudem adhuc quæri posse cecinerat<sup>1</sup>, hanc sibi viam

<sup>1</sup> Sed grandioristylus, Georg. III, 3:

Cætera, quæ vacuas tenuissent carmine mentes  
Omnia jam vulgata. Quis aut Eurysthea durum

Aut illaudati nescit Busiridis aras? . . .

. . . Tentanda via est, qua me quoque possim  
Tollere humo, victorque virum volitare per ora.

delegerat, fructuosissimam sane ad gratiam ineundam apud homines romanos patriæ historiæ amantissimos et quam maxime gnaros, quibus jam antea Ennii et Virgilii carmina patria gratissima dona acciderant. Et simile propositum prius jam Propertio fuisse ipse IV, 1, 69, canit, quorum versuum non exiguam vim ad Ovidii consilium vel capiendum vel confirmandum fuisse, quidam voluerunt (Lenz. p. 4; Barth. ad Propertii l. c.). In elegia enim illa, qua homini peregrino præclara Romæ monumenta se ostendentem fingit, postquam diu summo cum ardore et impetu sacra romana horumque locorum divinam originem celebraverat, hæc se aliquando carmine elaturum promittit:

Sacra diesque canam et cognomina prisca locorum :

quod consilium certe quam proxime ad nostri rationem accedit. — Ovidius, qui jam ad carmen etiam didacticum metrum elegiacum transtulerat, in hoc etiam genere magis epico elegis sibi familiarissimis simpliciori magnam partem orationi aptius visis uti maluerat, forte in hac etiam re, nisi Callimachum, de cujus metro dubitatur, tamen Propertium respiciens, qui et antea plures heroicæ Romanorum ætatis res gestas elegis exornarat, et in hoc carmine quod promittit, ut ejus verbis utar, mollem vatis elegiaci hederam hirsutæ Ennii lauro se prælaturum profitetur (IV, 1, 57). Tantum si res majores canendæ sunt, Ovidius excusationes de carminis tenuitate et metri elegiaci usu in carmine historico minus solemnî, poetarum more, modeste ab ingenii in tantis defectu et innato quodam amore levis hujus generis petit. Statim ab initio libri secundi, in quo Augusti quidam tituli celebrandi sunt, hac



de re præmonet (II, 3 sqq), et quum Octaviani cognomen Patris Patriæ canendum est,

Quid volui demens, (clamat) elegis imponere tantum  
Ponderis, heroi res erat ista pedis.

## EXCURSUS II.

DE COMMODIS, QUÆ AD OVIDII INTERPRETATIONEM E NOVIS  
QUIBUSDAM PRÆSIDIIS REDUNDARUNT.

**P**RÆTER magnorum virorum curas, quibus multæ res huc pertinentes egregie illustratæ sunt, aliam fastis contigisse fortunam, ex accessione novorum præsidiorum, quin h. l. statim attingam, a me non impetrare possum. Quo enim jam diutius harum literarum cultores merito omnem abjecerant spem, fore, ut passim rudera ingentis illius rerum antiquarum naufragii in lucem revocentur, eo sane jucundius accidit, si præter omnem spem et opinionem vel totis literis, vel potissimum peculiari alicui materiæ, in qua elaboramus, ex quibuscumque antiquitatis fragmentis alto situ obrutis novam oriri lucem videmus: unde novis testimoniis scriptor illustretur, confirmetur; explicationes ejus dubiæ vel adserantur vel mutantur; et quod fructuosissimum sane et præstantissimum est, ipsius textus huc illuc constituendi nova quædam ratio adpareat. Hæc autem in nostrum scriptorem redundare commoda inventis ante hos viginti septem annos fastorum sacrorum, quos Verrius concinnaverat, fragmentis quamvis mutilis, insignes eorum in Ovidii locis explicandis partes docent.

Archetypum hujus operis, pluribus certe ex eo, quod inde descripsit Volfius V. C. in Suetonio, tom. III, noti, prodiiit Romæ 1779<sup>1</sup>. Hi fasti a Verrio Flacco, celeberrimo illo grammatico, cujus librum de verborum significationibus Festus in compendium redegit, et Augusti nepotum magistro, duodecim tabulis marmoreis, quarum singula unum mensem comprehendebat, incisi et in foro Prænestino (ubi nunc Palestrina) in conspectu domus Cæsareæ in hemicyclo expositi, jam a veteribus excitantur. Suet. de illustr. grammat. cap. 17; Macrobi. I, 10, pag. 196: cf. Verrium ad d. 21 Dec. Macrobi. I, XII, pag. 209; confer Verrium ad d. 1 Apr. ubi Macr. verba Verrii minus pudica sibi visa reticet; et Ovid. in Fast. VI, 62:

Inspice quos habeat nemoralis Aricia fastos,  
 Et populus Laurens, Lanuviumque meum;  
 Est illic mensis Junonius: inspicere Tibur  
 Et Prænestinæ mœnia sacra Deæ,

ad quem locum egregie Neapolis, se eorum opinioni qui fastis Capitolinis inventis Suetonii locum eo trahebant, unquam calculum additurum negat. Quatuor mensium, Januarii, Martii, Aprilis et Decembris fragmenta nunc eruta, et quippe vetustate et ruina maxime adrosa et perfracta, sed Fogginii opera, quoad fieri poterat, ordinata, suppleta, et amplo commentario illustrata, ob egregium, qui iis in Ovidio explicando usus est, eo majus operis integri desiderium injiciunt. Agite igitur, quædam loca per-

<sup>1</sup> Fastorum anni romani a Verrio Flacco ordinatorum reliquæ ex marmorearum tabularum fragmentis Præneste nuper effossis collectæ et illustratæ. Accedunt Verrii Flacci Operum fragmenta omnia, quæ ex-

stant, ac fasti romani singulorum mensium ex hactenus repertis kalendaris marmoreis inter se collatis expressi, cura et studio P. F. F. (Foggini) Romæ anno 1779. Hæc omnia diligenter perpende.

eenseamus, ubi eorum in Ovidio explicando vel emendando partes sunt.

*Fast. I*, 589 ad d. 13 April. Ovidius provincias ab Octaviano populo redditas, et cognomen Augusti in unum eundemque diem ponere videtur:

Redditaque est omnis populo provincia nostro,  
Et tuus Augusto nomine dictus avus.

Tenendum h. l. quod diligentissimus quisque veterum scriptorum lector minime ignorabit, sæpe eos rerum, haud quidem simul gestarum, sed mutua ratione junctarum, junctim mentionem injicere. Ita Orosius, VI, 20, postquam d. VIII ante Id. Cæsarem rediisse scripserat, eodem die eum Augustum consalutatum esse, addit, conjungens duas res a se invicem pendentes, non simul factas. Præsertim Suetonius ita sæpe explicandus est. Hoc loco unum et alterum non uno die contigisse jam Dio tradiderat LIII, 16; scribens, primum habita de dividendis provinciis oratione coronæ quernæ honores ei decretos, postea autem eum, perfectis demum iis, quæ pollicitus fuerat, *Augustum* dictum esse: ad quem locum jam *Reimarus* diversas notationes conciliatum ivit. Cum Dione ita statuendum esse Verrius docet, ut d. 13 Jan. coronæ quernæ honores ob provincias divisas, die 16 demum Augusti cognomen traxisse intelligatur. Ad d. 13 hæ notæ scriptæ sunt: *Corona quer... August. oner... Po. R. Res.* quod supplendum haud dubie *cum Foggino*: *Corona querna* ex S. C. superposita est domui Imp. Cæs. *Augusti*, onerosas quod eo die recepit provincias et pacatas *Populo Romano Restituit*. Ad d. 16 legitur: *Imp. Cæsar Augustus est appellatus ipso VII et Agrippa Cos.* qui annus est u. c. 727.



I, 637 sqq, de Concordiæ æde Ovidius canit :

Causa recens melior : passos Germania crines  
Porrigit auspiciis, dux venerande, tuis.

De anno disputari magnopere poterat. Suetonius enim Tiber. cap. 20, ædis dedicationem posuit *post triumphum* Tiberii de Pannoniis et Dalmatis, quem gestum esse an. 765 (æra Varronianæ) Germanico et Fonteio Cos. Verrii Fasti ad d. 16 Jan. ( conf. Fogg. pag. 14 ) docent. Decretus jam fuerat Dolabella et Sil. Cos. ( Dio. LV, 17 ) sed, ob civitatem clade Variana mœstam, dilatus. Secundum Suetonium ædis dedicatio post annum 765 caderet, quod jam refutavit Masson. in vita Ovidii, pag. 100 ed. Burm. tom. IV. Verrius nunc docet, eodem anno quo pax in Pannonia et Dalmatia composita est, scilicet 762, C. Dolab. et Sil. Cos. ædem dedicatam esse ; perperam itaque Suetonium post triumphum *habitum* posuisse, quod statim post bellum compositum factum erat.

Ad *Fast. III*, 419 ( d. 6. Mart. ) de Cæsaris Pontificatu annus nunc certus, quo Octaviano traditus est, prodit. Quod enim antea in anno 740, quo Lepidus mortuus est, ponebant, anno sequente demum factum esse ostendit hæc nota :

*Imp. Cæs. Augustus Pontif.* maximus factus est, Quirinio et Valgio Cos.

*Fast. III*, 812 et 838 ( d. 19 Mart. ) Ovidio hic dies *Minervæ natalis* vocatur ; et kal. Vindob. habet *N. Minervæ*, quod autem hoc etiam loco nihil aliud ac primi templi dedicationem designare indicat Verrius, scribens : quod *Minervæ ædis in Aventino eo die est consecrata*, cui consentit Fest. *Scribas* et *Quinquatrus*. Nam et alibi templorum

dedicatorum anniversaria Natales vocari solent v. c. dies 15 Maii, ubi templum Mercurio exstructum esse tradunt; Ovid. V, 669; cf. Liv. II, XXI, 27; in kalend. N. Mercurii vocatur et Martialis canit:

Maia Mercurium creastis Idus.

*Fast. III*, 849, de Tubilustrio et Verrius et Lydus (pag. 85) lectionem quorundam codd. et Heinsii explanationem aperte vindicant. Plurimi ibi legunt:

Summa dies e quinque tubas lustrare canoras  
Admonet, et forti sacrificare Deo;

quod ad Minervam referebant. Alior. lectionem *Deo* jam Heins. ad Martem referri voluit. Accedunt nunc duo testimonia; Verrius: *Feriae Marti*; Lydus: καθαρός σάλπιγξ, τιμὰ Ἀρέως καὶ Νερίνης.—De loco Tubilustrii Varro confirmatur.

*Fast. IV*, 354. (ad d. 4 Apr.) Heinsii viri magni acumen in re graviore dijudicanda novis accedentibus testimoniis vindicatur; versus enim 353-356 quum ita legerentur:

Cur vicibus factis ineant convivia, quæro  
Tum magis, indictas concelebrentque dapes.  
Quod bene *mutarit* sedem Berecynthia, dixit;  
Captant *mutatis* sedibus omen idem;

Heinsius non habens, ad quod referret τὸ *mutarit*, et e Gelio II, 24; et XVIII, 2, hæc convivia nobilium Megalensibus ludis celebrata peculiari et solemni nomine *mutitationes* vocari videns, hanc vocem obscuriorem, sed in hac re solemnem more suo hoc loco Ovidium exponere censuit, et reponens pro *tum magis* vocem *mutuita* ad hanc referri voluit τὸ *mutarit*. — Vere eum conjecisse, verisimilius fit novo de usu hujus vocis accedente testimonio. Verrius

enim fere iisdem verbis ac Ovidius, quæ integra in lapide supersunt :

Ludi M. D. M. I. Megalensia vocantur, quod ea Dea Micalē appellatur. Nobilium *mutitationes cænarum* solitæ sunt frequenter fieri, quod Mater Magna ex libris Sibyllinis arcessita locum *mutavit* ex Phrygia Romam. — Quod si præterea observaris, ut fere in omnibus explicationibus Ovidius cum Fastorum commentationibus conveniat, et non raro ab iis pendeat, vix de veritate lectionis, quam Fogginius hoc loco affert, dubitabis. Quum enim *mutitationes* et *mutitare* vix a mutuus esse possit, sed potius frequentativum verbi *muto*, ut O et V indicare videntur, pro *mutuita*, quod Heinsius voluit, *Mutita* legendum censeo, ut *convivia mutita* idem sit, quod *mutitationes cænarum* apud Verrium, et sequentibus versibus Ovidius obscuram hanc vocem illustratum eat. — E contextu eam excidisse vix mireris, quum in Gellii locis eadem lectionis varietas sit. Verrius omnes vindicat.

*Fast. IV*, 378. Fortunam Publicam sacratam ait in colle Quirinali his versibus :

Qui dicet, quondam sacrata est colle Quirini

Hac Fortuna die Publica, verus erit.

Verrius ad d. 5 April. Ludi Fortunæ publicæ citerio . . . in colle; cumque supplens Fogginius legi vult *citeriori*, sed ad Fortunæ Publ. referri. Fortunam citeriorem autem eandem esse vult, quam Plut. Quæst. rom. 73, *ἡ πόλις* vocat, id est, brevi obventuram, brevi necessariam, hujus diei. Sed *citeriorem* Fortunam absolute ita usurpari posse, vehementer omnino dubito, et quum alia explicatio, qua *citeriori in colle* jungantur, præsto sit; dubito an illa unquam



admitti possit. Præterea Ovidius nihil tale habet, et potuit hæc *Fortuna* nude *Fortuna Publica* vocari. *Ad Fast. V, 739,*

Nec te præteream populi *Fortuna* potentis

*Publica*, cui templum luce sequente datum,

ubi *Kalendaria*, tum *Fortun. public. PR. in colle*, tum *Fortun. prim. in colle* legunt, luculenter ex altero loco quidem apparet hanc notam *PR.* legendam esse *primigeniæ*; sed Ovidium idem designasse hac circumlocutione *populi potentis*, cum Fogginio mihi persuadere non possum, et credere malo Ovidium easdem notas *PR.* in *kalendario* suo repertas legisse *Populi Romani*, et ita versui intexuisse.

Taceo cætera loca, ubi Verrius Ovid. supplet, v. c. ad d. 23 et 24 Mart. ad 1 et 23 April. et alios dies, quum et infra quædam in subsidium vocanda sint.

Alius, quem Fogginii liber laudatus præstat, usus cernitur in fastorum veterum, ut nusquam antea exstabat, collectione plena et integra, quam cum illustratione uberiore, commentario in Verrium adsuit. Quæ tabulæ quum arctissimo vinculo cum Ovidii carmine, quod in iis interpretandis versatur, cohæreant, eo magis dolendum est, fragmenta eorum casu quodam ingrato, in prioribus mensibus, quos Ovid. describit, præ aliis manca esse, quum uberiores eorum adnotationes in mensibus Augusto et Septembre exstent, e quibus quasdam, speciminis causa, ex Augusto mense descripsi et in fine adjunxi. Quum tamen non raro et in prioribus laudanda sunt hæc fragmenta ut ut pauca, præcipua eorum hoc loco attingenda putavi.

1°. Kalend. *Maffæiorum*, ita dictum, quod in ædibus *Maffæiorum* primum patere cæpit; ut perhibetur, anno

1524 ad campum Floræ repertum. Præ aliis minus mancum est, et omnes anni menses complectitur, brevioribus tamen cum notis. Marmoris inscriptum videtur sub Tiberio.

2°. Kalend. *Capranicorum*, sub quo nomine sæpius editum est. Supersunt nonnisi Augustus et September, sed uberiore cum adnotatione.

3°. Kalend. *Amiterninum*, e præstantissimis fastis marmoreis, in quod peculiarem commentarium Purpurini habes in Sallengre suppl. ad Grævii antiq. tom. 3, effossum e rudibus veteris Amiterni in Sabinis (hodie *Aquila*). Correcte æri incisum est apud Foggini. p. 100. Sex posteriores menses satis integri supersunt.

4°. Kalend. *Antiatinum* e rudibus theatri Antiatini (*Anzo*) erutum, item posteriores sex menses complectitur, quorum singulis deest decas prima. Inscriptio in superiore tabulæ parte testatur, incisum esse marmor cura collegii libertorum vernarumque domus Augustæ in Antiatino secessu degentium, idque sub Claudii imperio.

5°. *Pincianum* ad montem Pincium erutum, præter literas nundinales et dierum rationes nihil continet. Complectitur menses a Jul. ad Octob. inclusive.

6°. *Venurinum* Maium et Junium complectitur.

7°. *Vaticanum* a Foggini primū editum continet quosdam Aprilis et Martii dies. Alifanum, Exquiiunum, Farnesianum minoris momenti sunt. Suppositi autem, et fere ex Ovidio descripti, quos Mazochius edidit, fasti sex priorum mensium. — Kalendarium Rusticum Farnesianum contra Pontederam antiq. p. 393, vindicat Fogginius, p. 104. Supersedeo recensere loca, ubi eorum in Ovidio aliquis usus est, et eorum in gratiam, quibus Foggini

opus, non parvi parandum, non ad manus esset, potius specimen quoddam fastorum inter se comparatorum e mense, qui uberiores notas habet, describere volui.

II. Transeo autem ad aliud qualecumque subsidium, quo ad Ovidii argumentum tamen proxime pertinente, priores interpretes, quorum tempore tenebris adhuc obrutum jacebat, caruerunt. Joannis *Laurentii* Philadelphiensis *Lydi* aio opusculum græcum de mensibus, quod e duobus codd. Barberin. et Vatic. post specimen exhibitum in *Bibliothek. d. Litteratur u. Kunst. Stück*, 7, Lipsiæ edidit Nic. Schow, prof. Hauniensis, 1794. Quam maxime gaudeo, jam pridem Lenzium V. C. in libro laudato, vel ad specimen illud, quod ad hoc argumentum accedere videbat, animum attendisse ejusque loca cum Ovidio comparasse; hujus autem loci potissimum esse putavi, quomodo hoc scriptore in Ovidio utendum sit, paucis adnotare. Congerit hic seculi sexti compiler adversaria sua e multis scriptoribus antea fere ignotis, et, ut multa frivola præsertim sine omni ordine eum exhibere nemo inficias eat, ita passim loca hoc argumentum præclare illustrantia ei debere concedendum est. Ut fieri solet in ejusmodi hominibus, ea, quæ ipsorum sunt, plerumque quidem vana et inepta reperiuntur, sed servarunt nobis optimorum etiam scriptorum, quos tunc temporis manibus adhuc terebant, sententias et loca, ut ut interdum confusa et turbata, in quibus expediendis haud raro nostrum acumen exercent. In hoc nostro, ut in quo alio, caute versandum erit, quum haud facile aliquis exstet, qui res maxime alienas magis misceat, et quæcumque ei forte succurrebant, sine certa ratione et consilio jungat, ita ut totus liber potius adversariorum



undique corrasorum, aliquando digerendorum, quam justi libelli speciem præ se ferre mihi videatur <sup>1</sup>. Maxima ejus commoda omnino redundant ad historiam festorum recentiorum, quæ fere ad ejus tempora pertinebant, ubi inprimis Kalendario Constantini in multis illustrando inservit, v. c. p. 62, de votorum nuncupatione; p. 80, de Mamuralibus; 84, Pelusiis, Hilaribus, etc.

Sed in Ovidio etiam tum illustrando, tum confirmando magnæ ejus partes sunt, ad suum ubique locum in subsidium vocandæ <sup>2</sup>. H. l. quædam ejus loca pertingam, ubi, quæ diverse ab Ovidii aliorumque auctoritate tradit, non tam diverso suæ ætatis mori, quam turbis ab ipso compilatore ingestis, ubi, quæ ad plures pertinebant, in unam rem cumulabat, tribuerim. Ejusmodi locum jam ad Fast. IV, 635, exhibuisse mihi visus sum. Probabiliter huc pertinet, quæ, p. 71, de Parentalibus exhibet. Bene cum Ovidio aliisque convenit, si ob Manes placandos ab Id. Febr. hora sexta usque ad VIII Kal. Mart. sacra cessare, et principes privato habitu incedere dicit. Ovid. enim II, 567: *Nec tamen hæc ultra, quam tot de mense supersint Luciferi, quot habent carmina nostra pedes. . . Ultima placandis Manibus illa dies;* quod bene se invicem illustrat. Sed vix huc pertinet, quod statim subjungit, matronas romanas eo procedere pudicitiae, ut in balneis, ne plebeiis mulieribus misceantur, peculiaribus locis (ματρωνείους) utantur; nam in Paren-

<sup>1</sup> Siquidem v. c. mense Januario, cap. 6, a magnetis et piperis arboris natura, ad ortus et occasus quorundam siderum, et cap. 7, post Junonis allegoricam interpretationem de Trajani genere et rebus gestis exponit... et cum Esaïæ capite I, vs. 11

sq. commentariis suis in Januarium finem imponit. Omnia, ut certe videtur, sine causa e rei natura oblata.

<sup>2</sup> P. 91, de mulieribus sub myrto lavari solitis; p. 107, de pistorum feriis, et asinorum coronandorum more etc.

talibus lavationum nullam mentionem usquam legi; referenda autem hæc nota haud dubie ad d. 1 Aprilis, ubi *humiliores etiam feminas* in balneis lavari omnes annotant. *Lyd.* 91, *Verrius ad 1 April.* Sacrificium denique matronarum in honorem Bruti certo non tam ad hunc diem, quam ad Regifugium d. 24 Febr. pertinere, quisque videt, p. 101, ubi Lydus : πρώτῃ δὲ ἑορτῇ τοῦ Μαΐου παρὰ Ῥωμαίους αἱ περὶ σεισμῶν ἱεστίαι; commutatio videtur cum Kalend. Jun. ad quas Tempestatis ferias refert Ovid. VI, 191. Nonnisi de priore Junii parte, sed de toto Maio Ovidius edicit, quod Lydus de toto Junio, male ibi nuptias fieri, p. 107, ὁ δὲ Ἰούνιος μὴν ἀνεπιτήδειος πρὸς γάμους, differentia e duorum mensium permutatione haud dubie nata.

III. In multis scriptoribus etiam *nummos* non raro insigne interpretationis et illustrationis subsidium esse, apud omnes semper in confesso fuit. Magnum eorum in hoc etiam carmine usum fore, quum ad patriam religionem et cætera hujus carminis argumenta sæpissime nummi spectare soleant, et facile existimavi et expertus sum, ad ipsius textus constitutionem aliquam eorum vim esse merito magnopere gaudens. Speciminis causa ex hoc etiam genere loca quædam percensere liceat.

*Fast. VI*, 803. (*Marcia, sacrificio deductum nomen ab Anco*). Marcii Philippi generis nobilitatem ab Anco rege repetunt, quam vanitatem gentes in nummis maxime exprimere solebant (Ekhel. tom. V, p. 89). Ut igitur Cæsar (Suet. Jul. 6) idem de Marcii regibus prædicat, ita nummi gentis Marcie *Ancum* regem cum *Numa* avo tamquam capita jugata referre solent (Ekhel. doctrin. nummor. t. V, pag. 246).

*Herculem Musageten* (Fast. VI, 812. Adnuit Alcides, *increpuitque lyram*) probabiliter ad statuam in templo positam expressum nobis affert nummus Pomponii Musæ, exhibens Herculem cum attributis *lyra canentem* c. inscr. *Hercules Musarum*. Ekhel. l. c. tom. V, p. 283.

*Fast. III*, 253. Junoni Lucinæ more solemni flores offeruntur :

Ferte Deæ flores ; gaudet florentibus herbis  
Hæc Dea , de tenero cingite flore caput.

Flores autem ejus attributum fuisse e nummo Lucillæ videmus, ubi stat Lucina dextra extenta *florem*, s. infantem tenens : et nunc patet, quid sibi velint flores opere musivo expressi in pavimento, quod e ruinis templi Lucinæ erutum tradit Foggin. Comm. p. 21.

*Lares præstites*, ut ab Ovid. V, 129, descripti sunt, exacte exhibet nummus gentis Cæsiae. *Vejovis* (Fast. III, 433) cum capra adstante, ita tamen ut fulmen adsit, contra Ovidium, in gentis Fonteiae denariis habetur.

*Juno Sospita* (quæ in nummis Sispita scribi solet, unde, an etymologia a sospes, sospitare, vera sit, dubitari potest) Fast. II, 55, in denariis Prociliæ, *Juno Moneta* (Fast. VI, 183) in nummis gentis Carisiæ exstat.

Ad Fast. IV, 945, in fine, ubi vide notas argumenti historici ad instar *nobis est nummus* Servilii, vide Ekhel. loco ibi citando.

Sed omnium fructuosissimum haud dubie est, si uno in loco jam Ekhelius, vir magnus (tom. V, p. 276) lectionis vindicandæ viam e nummo ostendit.

*Fast. VI*, 651 sqq. (cf. Liv. IX, 30; et Val. Maxim. II, 5, §. 4). Ovidius originem Quinquatruum minorum

expositurus, tibicines romanos aliquando jura quædam sibi ademta ægre passos Tibur exsulasse, canit; alterius censoris autem astutia, quum religio ejus rei senatum teneret, potos in plastro noctu in urbem invectos esse: vers. 683, ita pergit:

Jamque per Exquilias romanam intraverat urbem;

Et mane in medio plaustra fuere foro.

*Callidus*, ut possent specie numeroque senatum 685

Fallere, personis imperat ora tegi.

Admiscetque alios: et ut hunc tibicina cætum

Augeat, in longis vestibus ire jubet.

Sic reduces bene posse tegi, ne forte notentur

Contra *Collegæ* jussa redisse *sui*. 690

Duo in censura collegæ tunc fuere, Appius Claudius et C. Plautius; Liv. I, c. — Versu 690 sub *collegæ* qui, ne irritum faceret consilium, timetur, haud dubie Appius Claudius intelligendus; cf. v. 663. Alterius nomen in vulgatis deest, sed e varia lectione *Cautius* pro *Callidus* jamdudum Pighius e conjectura restituerat *Plautius*, quod unice sensum præbebat, quum nomen proprium ibi necessario desideraretur. E gentis Plautiæ nummo (vid. Ekhel. l. c.) quem ipse in Museo, quod Cassellis est, inspexi, ubi ad lepidam hanc catastrophem alluditur, vix dubium manere poterit, Plautium tunc restitutæ pacis et piæ fraudis auctorem fuisse, et Pighii conjecturam unice rectam veramque esse. Habet nummus in Ant. *Personam mulierem*, inscript. L. *Plautius*; in averso exstat Aurora alata quatuor equos ducens; inscribitur *Plancus*. Persona muliebris ad jocum a se excogitatum, Aurora ad tempus catastrophes alludebat, et a dignitate gentis non alienum erat, nummis incudere casum aliquem, qui festi alicujus Romanis origo



factus erat, quod gentes semper magno sibi honore ducere, et in nummis celebrare solebant.

### EXCURSUS III.

DE ORTIBUS ET OCCASIBUS SIDERUM IN OVIDIO NOTATIS, DEQUE  
FASTIS SIDERALIBUS GRÆCORUM ET ROMANORUM.

I. Eo majore ego cum voluptate huic carminis nostri parti immoror, quæ ad rem astronomicam pertinet, quo pauciores harum literarum cultores, etsi veterum scriptorum intelligentia probabilem hujus disciplinæ cognitionem omnino flagitet, hac etiam ex parte rerum cognitione interpretationem adjuvare solent. Magnorum philologorum et interpretum, Heinsiorum, Burmannorum aliorumque, quorum commentarii frequenter manibus triti sunt, exemplum, qui his rebus explicandis dijudicandisque plerumque supersederunt<sup>1</sup>, non parum nocuisse, in promptu est. Quamvis alia fortasse earum disciplinarum causa sit, quæ a veteribus quidem peculiaribus libris traditæ, minus tamen ad alios omnes scriptores pateant (v. c. medicina, architectura etc. in quorum scriptoribus quædam ignorare philologo non adeo crimini vertendum esset, quum magis per se valeant, minoremque et in aliis scriptt. vim habeant) contra historiæ naturalis et astronomiæ probabili notitia in veteribus scriptoribus non facile carere posse dixerim.

Ne enim dicam de cæli cognitione, sine qua geographorum veterum nulla est intelligentia, quæ in philosophis

<sup>1</sup> Vid. v. a. Heinsium et Burmannum ad Fastos.

frequenter desideratur, in mythologis denique atque poetis mythicis, qui signis cælestibus fabulas suas adnectunt; *siderum ortus et occasus annui* ad anni tempora indicanda ita ab omnibus scriptorum generibus recepti sunt, ut quorumdam, præsertim scriptorum rei rusticæ, sine eorum cognitione nulla omnino intelligentia sit <sup>1</sup>. Et re vera priscis illis hominibus, præcipue Græcis, in felici terræ regione per octo fere anni menses sæpe noctes diesque, dum negotiis agrestibus et gregum tutelæ operam dabant, sub dio degentibus cæli splendidum spectaculum nimis se ingessit, quin ad sidera illa animum intendere, splendidiora dignoscere, et certa, quibus in cælo conspiciantur vel aufugiant, tempora observare debuissent. Et ita jam Hesiodi ætate ad splendidiorum siderum ortus et occasus negotia rustica distribui, anni partes majores distingui, jam apud Homerum navis cursum ad astrorum situm dirigi, cælique regiones inde noctu dignosci videmus <sup>2</sup>. Sine ulla autem de cæli natura deque causis hujus motus cognitione, et absque observationibus accuratioribus eam, quam diximus, siderum observationem cogitari posse et per se patet, et contra *Bailly* jam multi adseruerunt. Quatenus in oculos incurrebant, ortus et occasus tunc in cælo notabantur, de sphæræ descriptione et notatione in παρατήρημασι nullum adhuc vestigium.

## II. Thales primus astronomiam sphericam et sphæræ

<sup>1</sup> Aristoteles ita sæpissime temporum notationes a sideribus petit. Hist. anim. VIII, 15, de thunnis: καὶ ἄρχονται θηρεύεσθαι ἀπὸ πλειάδος ἀνατολῆς μέχρι ἀκτουροῦ δύσεως τὸ ἴσχατον; VIII, 14, de quibusdam insectis, ἡσυχάζουσι δὲ ἀπὸ πλειάδος δύσεως μέχρι τοῦ ἴσχατος, et ita sæpissime. Ipsi rerum scriptores hac temporum

notatione sæpe utuntur, et plura ejusmodi exempla exstant ap. *Thucydidem* et *Polybium*.

<sup>2</sup> Odyss. V, 271. — Hesiod. *εργ.*, 383, 564, 597, 609, 614. Antiquissimum Jobi carmen apud Hebr. novit Pleiadas, Hyadas, Orionemque, IX, 9, et draconem septemtrionalem, cap. XXVI, 14.

constructionem in usum vocare debuit, siquidem ad eum primum ea refertur laus, Vergiliarum exortum non apparentem tantum et heliacum, sed cosmicum et verum exposuisse, et post ejus tempora, accedentibus aliis etiam, quæ ex his ortibus et occasibus notandis sperabantur, commodis, certo et artificiose reliquorum etiam siderum tempora notata esse invenimus. Cernebantur hæc commoda in anni tempestatum variarum ex siderum motibus præsgio, tum ad agriculturam, tum ad omnem vitam utilissimo. Meteorologi enim, sicut hodie id agunt, ut e lunæ diversis vicibus tempestatum mutationes præsgiant, tunc temporis omnes aeris mutationes et temperies, ventos, pluvias, etc. cum certis siderum ortibus et occasibus conjunctas esse, et re vera ab iis pendere, arbitrabantur; atque tempestates ita æque ac siderum motus certo suo tempore redire et prædici posse credebant.

Maximam hæc res ad popularem usum vim habuit. Celebrissimi igitur ejus temporis astronomi, rationibus ad astronomiam sphæricam subductis, singulis diebus tum certos siderum ortus et occasus, et veros et apparentes (ut kalendaria ex iis excerpta docent); tum certas tempestates cum iis conjunctas, quatenus experientia docuerat, adposuerunt. *Meton*, *Eudoxus*, Euctemon, Democritus, Calippus, Dosithens, nomina illa celebria fuere, in quorum observationibus, non eorum solum tempore sed et postea, plurimi e Græcis et Romanis ob singularem utilitatem, etsi ob ævi et situs diversitatem minus convenirent, acquiescere soliti sunt <sup>1</sup>. Ut in fastis postmodo Romæ factum est, ita tabulæ, in quibus hæc notata fuere, in Græciæ urbibus pu-

<sup>1</sup> Valet de his observation. quod alia de re Festus Avienus Progn. 45: Illius ad numeros pulchra decennia rursus

Adjecisse Meton Cœcropsia dicitur arte:

*Imedit quo animi, tenuit rem Græcia solles*  
*Protinus, et longos incrementum misit in annos.*

blice expositæ et adfixæ erant (unde παραπήματα), et, ut e Theone <sup>1</sup> videtur, non singulorum tantum sed undeviginti annorum, qui cyclum sub Metonis nomine circumlatum efficiebant, tempestates sideribus suis adsignabant et prædicebant. — Servatus etiam erat mos, in præceptis rusticis singulorum negotiorum tempora non ad menses eorumque dies, sed ad siderum ortus et occasus præcipere, et postquam rustici in ipso cælo observare desierant, harum tabularum ope cujusvis sideris ortus et occasus reperiabant, et ad mensis dies referebant. Observatio harum tabularum, etsi non rigorosa, tamen sæpe accurata erat, ut jam Pfaffius <sup>2</sup> monuit, qui etiam criticæ ope in contextu parapegmatum interdum corrupto veritatem restituendam esse docuit.

Duo sunt antiqua parapegmata magnæ auctoritatis, quæ observationes illorum astronomorum, nomine plerumque laudatorum, nobis servarunt. Alterum est Ptolemæi (Pettavii Uranolog. pag. 94), et inscribitur φάσεις ἀπλανῶν ἐπισημασιῶν, vel φάσεις ἀπλανῶν καὶ ἐπισημασίαι, quod jam a Suida laudatur. Singulis mensium diebus ortus et occasus ex variorum auctoritate cum ἐπισημασίαις adsignat; hoc tamen proprium habet, quod et scholion indicat, non

<sup>1</sup> Theo ad Arati Phæn. οἱ δὲ μετὰ Μίτωνα ἀστρονόμοι καὶ πίνακας ἐν ταῖς πόλεσι ἔθηκεν περὶ τῶν τοῦ ἡλίου περιφορῶν τῶν ἐννεακαιδεκαετηρίδων, ὅτε καὶ ἑκάστου ἐνιαυτοῦ τοιοῦτοί ἐστιαι χειμῶν, καὶ τοιοῦτοί ἔαρ, καὶ τοιοῦτοί θίρος, καὶ τοιοῦτοί φθινόπωρον καὶ τοιοῦτοί ἀνέμοι καὶ πολλὰ πρὸς θεωρητικῆς χρείας τοῖς ἀνθρώποις. Si enim accuratius quæreretur, undevicesimo quoque anno, quo Metonis cyclus incæpit, cum iisdem ortibus easdem tempestates redire credebant. Brevius spatium ponens Plin. XVIII, s. 57, coll. II,

s. 48, quarto quoque anno easdem redire ex Eudoxo tradit. Omnium si libet minimos ambitus, redire easdem vices quadriennio exacto Eudoxus putat, non ventorum modo, verum reliquarum tempestatum magna ex parte; conf. Columella, libro III, vi, §. 4.

<sup>2</sup> In libro egregio, quo omni huic argumento præclare lucem adtulit: *De ortibus et occasibus siderum apud auctores classicos commemoratis Commentatio*, Gottingæ 1786, præmio ornata.



omnes ibi stellas, sed primæ tantum et secundæ magnitudinis, indicari; Vergilias, Hædos et ejusmodi minores exclusas esse. Fructuosissima ejusdem nota est, qua de auctoribus, unde conflatum est, et de regionibus, ubi singuli observabant, exposuit. — Alterum est *Gemini* (Petav. Uranol. p. 64) illi subsimile, ita tamen ut sidera non mensis diebus, sed signorum Zodiaci partibus adscripta sint. Tertium, a *Leonico* quodam latine versum, e pluribus compilatum et sine auctoritate Petavio videtur. *Actii Amideni* medici παράπνυμα (Petav. 421) eas tantum aeris mutationes, quæ ad ægrotorum statum aliquam vim habere credebantur, excerptit. — Usus eorum in Romanorum fastis rusticis, qui toti ab iis fere pendent, explicandis et dijudicandis maximum esse, patet.

III. In hac etiam re, Græcis præeuntibus, Romani rustici eadem parapegmata, ad quæ negotia rustica componerent et unde tempestates præviderent, quotidiano usu terebant, et Ovidius, in carmine suo condendo, hos fastos rusticos cum urbanis, qui raro siderum mentionem injiciunt, conjunxit. Accedebat autem in his alius adhuc usus, feriarum scil. rusticarum publicorumque sacrificiorum notationes, quem tamen usum græcis etiam parapegmatibus fuisse, conjicere licet e Colum. IX, XIV, §. 12: *Verum in hac ruris disciplina sequor nunc Eudoxi et Metonis, antiquorumque fastus astrologorum, qui sunt aptati publicis sacrificiis.* — Mutato horizonte et tempore veritas eorum nulla erat, sed etiam post Cæsaris accuratiores calculos semper adhuc in usu manebant, et in normam negotiorum rusticorum adhibebantur. Pergit Col. l. c. *Quia et notior est ista vetus agricolis concepta opinio; nec tamen Hipparchi subtilitas pinguioribus, ut aiunt, rusticorum literis necessaria est.* Ex iis autem *kalendaria rustica sideralia* ut apud Colum. XI, 2;

Plin. XVIII, 25 sqq, Quinctilios apud Geop. I, ix, p. 39, exstant, conflata sunt, omniaque præcepta Plinii, Columellæ Virgiliique, si tempus indicandum est, non anni menses, sed siderum occasus et ortus spectant. De ipsius autem cæli observatione tunc non cogitabatur in rustico, et Plin. XVIII s. 60, 65, 67, *indocilem cæli agricolam* ad folia decidua tamquam Pleiadum occidentium signum, cindelas autem lucentes, sidera illa terrestria, ut cælestium contemplatione careant, tamquam solstitii appropinquantis signum attendere jubet. Virgilium (Georg. I, 257) etiam, qui præcipit:

Nec frustra signorum obitus speculamur et ortus,  
Temporibusque parem diversis quatuor annum;

potius hoc sibi velle, ut horum fastorum usum commendet, quam ipsa sidera observare jubeat, egregie ad h. l. notavit Voss. Quin ex his ipsis tabulis, quibus auctorum nomina probabiliter, vel in titulis, vel in singulis observationibus adscripta erant, *astronomi illi diumviri* Conon et Eudoxus <sup>1</sup>, quos Virgili pastor poculo insculptos habuit, pastoribus et agricolis innotuisse poterant. Ecl. III, 40:

In medio duo signa, Conon et quis fuit alter,  
Descripsit radio totum qui gentibus orbem,  
Tempora, quæ messor, quæ curvus arator haberet.

IV. Præter Græcorum et Alexandrinorum observationes, aliæ etiam in Italia institutæ accesserant, verbi c. Cæsaris apud Plinium sæpe satis exactæ, et fasti plerumque et græcas et romanas junctim exhibere solebant. Plurimas vett. observationes, quoad veritatem astronomicam egregie

<sup>1</sup> Eudoxum autem esse illum, cujus nomen non suppetit canenti, ob celebre, quod ejus fasti apud

rusticos habebant, nomen nemini-que secundum, fere exploratum est. Vide Lucanum, Phars. X, 187.

et exacte ad Petavii fabulas propriosque calculos discussit, et horizonti ævoque suis reddidit ill. Pfaff. l. c. — Priusquam vero simili ratione in quibusdam Ovidii locis ad veritatem astronomicam revocandis versabimur, et, quid de iis judicandum sit, videbimus, paucis *de ortuum et occasuum* apud veteres *diversis generibus*, et de veritatis astronomicæ probabiliter quærendæ ratione dicendum est. Veteres enim Græci ante Thaletem (vide supra) apparentes nonnisi ortus occasusque spectabant et ita nonnisi dividebant, ut ortum (ἐπιτολήν) et occasum (δύσιν), vel matutinum, vel vespertinum esse indicarent <sup>1</sup>. Quum vero ortus apparentes et veros discernere didicissent, ita eos divisos et appellatos esse constanter invenimus :

Ortus matulinus verus, i. e. cosmicus.

. . . . . apparens, i. e. heliacus.

. . . . . vespertinus verus, i. e. acronychus.

. . . . . apparens.

Occasus matulinus verus, i. e. cosmicus.

Occasus matulinus apparens.

Occasus vespertinus verus, i. e. acronychus.

Occasus vespertinus apparens, i. e. heliacus.

ubi hoc universe tenendum est :

1°. Mane veros ortus multis sæpe diebus præcedere apparentes. 2°. Vesperī apparentes præcedere veros. Astro-  
nomi græci, et Columella, et Plinius semper, ut necesse est, sive ortus matulinus, sive vespertinus, interdum etiam sive cosmicus, sive heliacus, sive acronychus sit, annotant. Ovidius raro, sæpe falso, sæpe ambigue, uter ortus occasusve sit, indicat, et videbimus infra eum vix

<sup>1</sup> Ἐπιτολήν, id est annum ortum, vel quando sidus primum in cælo apparet diligenter distingui vult Geminus ( c. XI ) ἀπὸ τῆς ἀνατολῆς, id

est, ortu quotidiano post solis occasum. Δύσιν item ἀπὸ τῆς ἀφύπνευς, quæ tamen voces sæpius commutantur, ut passim reperies.

ipsum hanc differentiam, ut ut maximam, novisse, vel expressisse. Penes interpretes igitur manet semper investigatio, quale ortus genus in singulo loco accipiendum sit; et non mirum est sæpe eos in diversa abire, siquidem sine calculo et tabula nihil nisi globum aliave kalendaria in consilium vocaverant. Non solum ad hoc videndum, sed universe ad veritatem astronomicam dijudicandam, expeditissimam sane viam aperuit et cuivis patentem calculorum etiam imperito *Petavius*, tabulis condendis, in quibus multis iisque notissimis stellis ortus occasusque cosmici, heliaci, acronychi ad Romæ et Alexandriæ horizontem, cum signorum Zodiaci partibus, in quas anno primo Juliano incidebant, adsignati sunt. Uranolog. var. Diss. p. 58-61. His signorum partibus ad mensis dies, quibus tunc temporis respondebant secundum laterculum, quod pag. 57 præmisit, relatis, accurate intelligi potest, quando quæpiam stella anno primo Juliano, vel Romæ, vel Alexandriæ orta sit, vel occiderit, unde, quale ortus occasusve genus in Ovidii aliorumque notationibus intelligendum sit, quatenus ad veritatem astronomicam accedant, vel denique an negligentiae, vel Ovidius, vel ejus auctores culpandi sint, judicari potest. Quam fructuosa sit hæc via, quam jam Petavius exposuerat, ad criticum rei studium, luculenter laudatus III Pfaffii liber ostendit, qui tamen numerorum typis expressorum accuratam castigationem passim in suspicionem vocavit, et semel in locum incidit, qui aperte falsus erat (p. 95). Quædam etiam signa in Ovidio obvia, Aquarius et Pisces ibi desunt, et ex accessione horizontis atheniensis, qui ibi sæpe desideratur, magnum haberet incrementum illa Petavii tabula.

Quas igitur Ovidii notationes singulas si quis ad tabulas illas exiget, advocatis aliis kalendariis sideralibus, ad



unum horizontem unumque ævum omnes nullo modo revocari posse, alias ad romanum, alias ad Alexandriæ horizontem pertinere, eumque modo græcas modo romanas auctoritates sequi, statim intelliget. Non enim cum Pontedera <sup>1</sup> consentiri potest, qui eum maxime fastis Cæsaris, qui postea sub Augusto emendatius prodierunt, usum esse voluit, quod nonnisi quibusdam in locis, ubi vere cum ævo Juliano et Romæ horizonte convenit, concedi potest. Verisimillimum erit et maxime consentaneum rationi, qua Ovidius in omni hoc argumento versatus est, ipsum usum esse fastis, quales Plinii et Columellæ sunt, ubi ortus et occasus *secundum varias plagas annotati* <sup>2</sup> erant, et inde pro lubitu et ut carminis rationes admittebant, notissimorum siderum apparentias modo huic, modo aliū horizonti adscriptas in carmen suum transtulisse. Luculentius hoc mihi arguere videntur ea loca, ubi ejusdem stellæ idem ortus bis diversis diebus adscriptus est, et ita ut alter accurate ad Romæ, alter ad Alexandriæ horizontem pertineat. Accidit hoc in Delphini *ortu acronycho*, qui VI, 471, diei 10 Jun. adscribitur (in quem diem idem ortus Romæ incidit, ad Petavium Gem. 17°, 0 = d. 10 Jun.)

Navita puppe sedens, Delphina videhimus, inquit;  
Humida quum pulso nox erit orta die.

Postea repetitur die 17 Jun. quod ad Alexandriæ horizontem pertinet. (Gem. 25°, 2 = d. 18 Jun. quod uno die differt). VI, 720:

<sup>1</sup> Pontederae Antiqu. latinarum græcarumque enarrationes atque emendationes, *præcipue ad veteris annirationem attinentes*. Patav. 1740. Qui vir post Cæsarem aliud kalendarium emendatum et Italiæ magis adaptatum esse censet, quum Pli-

nus interdum Italicam rationem Cæsaris auctoritati opponat.

<sup>2</sup> Ita Plin. semper XVIII s. 66, III nonas April. in *Attica* Virgilii vesperi occultantur. Eadem postridie in *Bæotia*: Cæsari et Chaldaeis Nonis.

Continua delphin nocte videndus erit,

quod et h. l. de ortu acronycho intelligi debet. Similia fere loca sunt, V, 733, et VI, 235 (vide Pfaff. p. 74 et 75), ubi Bootæ occasus matutinus bis repetitur, et semel ad Romæ, semel ad Græciæ horizontem pertinet, et eodem modo se habebit *cum Lyræ et Reguli* occasibus, alio nomine postea laudandis, quos I, 654, d. 23 Jan. et iterum II, 75, d. 2 Febr. adscribit, ubi in Calendario, quod ante oculos habuit, iidem occasus bis, sed secundum diversos horizontes adnotati fuere. Ad Ovidii autem imperitiam in his ortibus et occasibus carmini suo intexendis, jam pridem Kästnerus aliquando digito intendit (*Kästnersches Mancherley astronomisch-philologischen Inhalts in d. neuen philol. Bibliothek. B. II, St. I, p. 7 sqq.*), et Ovidium, quid intersit inter ortum et occasum, vel *matutinum*, vel *vespertinum*, non solum neglexisse, sed forte ne scivisse quidem, et locus a Kästnero ibi expositus et multi alii, ubi aperte alterum alteri substituit, luculenter arguunt. Utrumque autem vere toto cælo differre nemo ignorat, vel inspecto globo deprehendet; I, 311:

Ergo ubi nox aderit venturis tertia nonis,  
Sparsaque cælesti rore madebit humus;  
Octipedis frustra quærentur brachia Cancri;  
Præceps occiduas ille subivit aquas.

Aperte occasum vespertinum verba innuunt. Occasum autem *matutinum* dicendum fuisse omnes viderunt. Pro *aderit* autem rescribere *abiit*, etsi latinum foret, nec obsequentem versum licet, qui vesperam innuit, nec hic error semper recurrens concedit.

I, 653 (d. 23 Jan.) Occasus Lyræ *vespertinus* cum casu Reguli *vespertino* jungitur. Toto cælo hos differre ne

verbo quidem indicatur, et ubi iidem occasus junctim re-  
currunt (causam supra tentavi) II, 57, verba ejus aperte  
indicant, poetam utramque stellam toto cælo distantem  
simul occidere, credidisse :

Illa nocte aliquis tollens ad sidera vultum

Dicet : Ubi est hodie, quæ Lyra fulsit heri?

Dumque Lyram quæret, medii quoque *terga* Leonis

In liquidas *subito* mersa videbit aquas.

Vertere liceat, quæ Kästnerus l. c. egregie disseruit :  
Si quis frustra Lyram quæsiverat, idque, ut apparet, in  
cæli parte vespertina, converti hunc nonnisi oportebat,  
ut orientem videret : poetice igitur, non *mari immersum*,  
sed *emergentem* e mari videbat. Quod si noctem pervigilare  
voluisset, mane quidem Leonis occasum spectare poterat.  
Etsi autem nox ineunte Febuario pervigilata non æque  
longa est in Italia, ac forte Gottingæ fuerit, dubito ta-  
men, an etiam Romæ de integræ noctis intervallo *subito*  
dici queat. Et patebit ita, Ovidium, *Lyrae et Leonis occa-*  
*sum simul cerni*, vere credidisse. Occasum ibi duplicem  
esse, interpretes breviter adnotarunt, etsi vix aliquis inde  
sensum loci satis percipiat : *Eo magis exponendum esset,*  
*quam præter naturam passim depinxerit poeta, in cujus de-*  
*scriptionibus alibi non legere, sed ipsam naturam intueri nobis*  
*arbitramur*. Haud dubie stellas nonnisi e libris, cæteras res  
ex ipsa natura cognovit, et defuit una e virtutibus, quas  
in Astronomis laudat :

Nox *Venus*, et vinum sublimia pectora fregit.

De aliis locis monere liceat, ubi eadem est utriusque  
ortus commutatio, quæ lectorem facile in errorem indu-  
cat. Fast. IV, 165-170 :

Nox ubi transierit, cælumque rubescere primo

Cœperit, et tactæ rore querentur aves ;

Semustamque facem vigilata nocte viator  
 Ponet, et ad solitum rusticus ibit opus;  
 Pleiades incipiunt humeros relevare paternos, etc.

Fusa descriptione tempus matutinum indicat, ubi vespertinus est occasus. Cf. Pfaff. p. 63 et 64.

Fast. V, 545. Noctem contrahi et aufugere solito citius sidera canens, ut mox pulcherrima Martis appareat lux, his verbis utitur :

Sed quid et Orion et cætera sidera mundo  
 Cedere festinant, noxque coarctat iter?

- ita ut Orion, mane occidens, occasum festinare videatur; sed jam *die 9 April.* Fast. IV, 387, primæ ejus partes vesperi occiderant, ut Ovidius ibi explicandus est e Plinio : Non. Apr. « Orion et Gladius ejus incipiunt abscondi, » et die 11 Maii reliquæ ejus partes secutæ erant Fast. V, 493 et 494 (cf. Pfaff. p. 84), ita ut ne vesperi quidem, nedum per noctem et *mane*, quod Ovidius vult, ullum Orionis vestigium in cælo esset, quatuor diebus post occasum ejus vespertinum : *Locus luculenter ejus imperitiam arguens!*

Cf. insuper III, 403, quæ huc etiam pertinent. Majoris fere momenti sunt ea loca, ubi occasum etiam et ortum commutari nullum dubium est. In his etiam locis raro poetam emendandum censerem, et potius vitium interdum ejus negligentia, vel vitiis in ejus fontibus tribuerim, ubi facile voces semper recurrentes *oritur* et *occidit* passim commutatæ esse poterant. <sup>1</sup>

<sup>1</sup> Nusquam fere frequentius librariorum oscitatione commutationes et depravationes admissas esse quam in locis, ubi verba quædam pauca frequenter recurrunt, dum a criticis observatum est. Et

hodie hæc critica in parapegmatibus græcis exercenda est, ubi verba ἴσως, ἰσπίριος, δύνει, καὶ ἰπετῖλλει semper recurrunt. Aperta commutatio in Gemino Piscium 14 : Εὐπετῖμονε ἰπρος ἴσως δύνει, quod mutandum esse



1°. IV, 903 (die 25 Aprilis) Aries dicitur occidere :

Et frustra pecudem quæres Athamantidos Helles.

*Occasus acronychus* (Aries 12°, 45) valde inde dissentit, quum in die 4 Aprilis incidat, *ortus heliacus*, quem huic substituendum putat Pontedera, propius accedit, quum sit in Ariet. 22°, 8 = d. 13 April. Attamen haud inde sequitur, locum emendandum esse cum viro laudato,

Nec frustra pecudem quæres, etc.

Cæterum græcus auctor concivit cum Ovidio : apud Gem. ad Taur. I, *qui dies fere convenit*, legitur. Καλίππῳ ὁ κριὸς λήγει ἐπιτέλλων, id est, desinit oriri, sive partes extremæ asterismi oriuntur, quum dies modo scriptus 13 April. ad lucidam in capite Arietis, prius orientem, pertineat.

2°. Majoris momenti locus, III, 405 (d. 5 Mart.) Arctophylax dicitur *mane occidere*, ut aperte verba loquuntur :

Quum croceis rorare genis Tithonia conjux

Cæperit, et quintæ tempora lucis aget ;

Sive est *Arctophylax*, sive est piger ille Bootes

*Mergetur*, visus *effugietque* tuos.

At non effugiet *Vindemitor*.

Substituatur *occasus matutinus ortui vespertino*, in quo omnes consentiunt. Euctemon, qui item Arcturum et Vin-

in ἰῶρος ἐπιτέλλει omnes rationes postulant. Gaudeo idem animadvertisse Pontederam, p. 405, qui eodem modo medetur. Ita etiam in lib. III Fastorum, duo carmina 449, 450, intelligenda sunt et explicanda. Facilius tamen fortasse emendatio foret, si ἰσπίρεος δύνει legatur, quod æque verum est, et a Ptolemæo d. 5, 7, 9 Martii adscribitur, ὁ κατ-

νὸς ἴππου καὶ Ἀνδρομίδης ἰσπίρεος δύνει, quum ἰσπίρεος et ἰῶρος facilius commutari poterant. Vide emendationes III. Pfaffii, pag. 81 not. quas inter hanc etiam amplectitur. Pares errores sæpe notat Petavius Diss. p. 90. C. Firmicus pro occasu ortum scripsit, VIII, 14, pag. 91, A. Idem Plinium emendat : *emergitur* pro *immergitur*.

demiatorem jungit; Pisc. 12 : Εὐκτήμονι ἀρκτοῦρος ἐπιτέλλει, καὶ προτρυγίτηρ ἐκφανής. Ptolemæus haud dubie ex eodem d. 5 Mart. ἀρκτοῦρος ἐσπέριος ἐπιτέλλει. Plin. XVIII, 26, 8 Kalendar. Mart. hirundinis visu et postero die Arcturi exortu vespertino, qui cum Eudoxo facit. Ad amussim autem Petavius cum Euctemone, in cujus tabula *acronycte* oritur Pisc. 13°, 32 = d. 5 Mart.

Idem video animadvertisse Pontederam, qui astronomicas rationes ne respexit quidem, p. 405. Quam Taubnerus tentat, medela, ut, interrogationis signo post *tuos* posito, locus negetur, vix mentionem meretur. Aperte inter vitia a poeta admissa referendus est locus, et probabiliter fastos, quos sequebatur, male legit. *Occasum* enim *matutinum*, quem in hunc diem male posuit, recte describit V, 733 (d. 26 Mai.),

Auferat ex oculis veniens Aurora Booten;

consentiente Petavio, qui eundem ad Gem. III, 16 adscribit et fere Columella : XI Kalend. Jun. *Arcturus mane occidit* : cf. Euctem. in Gem. Ovidius maxime ad veritatem accedit.

3°. IV, 904 (d. 25 April.) Canis traditur oriri :

Signaque dant imbres ; exoriturque Canis ;

ad quod sidus placandum Robigalia instituta dicuntur. Occasum heliacum, sive vespertinum apparentem substituendum esse, ita ut festum celebraretur, quum primum Sirius in cælo apparere desierat, omnes viderunt. *Occasui* enim sideris vis perniciosa in fruges tribuebatur; vid. Plin. XVIII, 29. Ad Petavii tab. occidit heliace Taur. 5°, 31 = 28 d. April. cum quo convenit Plin. Columella adponit diei 30. Pr. Kal. Maias Canis se vespere celat; et Virg. Georg. I,

217, canis occasum cum solis transitu in Taurum, quem Ovid. etiam tetigerat, jungit :

Candidus auratis aperit quum cornibus annum  
Taurus, et adverso cedens *Canis occidit* astro.

Cod. Farnes. lectio jam medelam adlatura erat : *occidit atque canis*. Neap. coniecit : *effugietque*, alii *occultiturque*. Sed hoc vitium a poeta admissum esse, persuasum mihi est, et fortasse aliorum populorum sacra ad Sirii ortum celebrata ( vid. quæ supra adduxi ) ei ante oculos erant.

4°. V, 723 ( d. 22 Mai. )

Nocte sequente diem canis Erigoneius *exit*. Si cum interpretibus facias, locus aperte falsus est. Hi enim *exit* accepere pro *oritur*, ut similibus locis VI, 474, *exit Eois aquis* : sed ortus ab hoc loco alienissimus est. In hunc ipsum diem incidit *occasus ejus heliacus* Taur. 29°, 2 ; cf. Plin. XVIII, 27 s. 67, et Ptolem. ad d. 27, προκύων κριπτεται. Quæritur itaque, ane verius ita intelligatur poeta, ut *exit* sit : decedit de cæli statione, aufugit ex aspectu, itaque *occidit*, etsi valde ambigue dictum est, et de ortu alibi sæpius dicitur. In loco sequente, non possum a me impetrare, quin contrarium contendere maluerim.

5°. III, 711 ( d. 16 Mart. )

Postera quum teneras Aurora refecerit herbas,  
Scorpius a prima parte videndus erit.  
*alias* : notandus erit.

Utraque lectio aperte ortum mihi indicare videtur : et dubito an e verbis aliud quid elici possit. Indicandum fuisse *occasum* matutinum *primarum stellarum*, non dubium est. Euctemon : τοῦ σκορπίου οἱ πρῶτοι ἀστέρες δύνουσι. Et ita Columella et Plinius. IV, 163 ( d. 1 April. ) totius sideris occasus matutinus sequitur :

Dum loquor, elatæ metuendus acumine caudæ  
 Scorpium in virides præcipitatur aquas.

Eadem tamen ambiguitate *notandus erit* et Fast. V, 417,  
 de *occasu* dicit :

Scorpium in cælo, quum cras lucescere Nonas  
 Dicimus, a media parte notandus erit ;

ubi mihi non persuadere possum, poetam, si *occasum* innuere voluerit, *notandus erit* dicere potuisse. In utroque loco poetam ortum sibi cogitasse, credere fere maluerim.

## EXCURSUS IV.

DE QUIBUSDAM VETERIS ITALIÆ NUMINIBUS ET IDEIS RELIGIOSIS.

**M**AXIME fortasse Ovidio debeamus eas, quas nobis de veteris Italiæ mythis reliquit notitias, et haud facile aliquis scriptor est, qui difficilis hujus nec tamen tenuis et infructuosæ quæstionis, quæ in veterum Latinorum ideis religiosis, numinibus et mythis enarrandis et ab interpolatione græca discernendis versatur, denuo excutiendæ officium magis injungat. Omnem hanc rem, in qua veterum testimonia sæpe tam pauca exstant, et insuper critica plerumque indigent severissima, quum non raro verum inter multa frivola et grammaticorum somnia lateat, maxime lubricam esse et nonnisi in partibus ad certam aliquam lucem referri posse, et multi viderunt, et re ipsa, ut nunc est, conditio indicat. Egregie in quibusdam viam prævit Illustr. Heyn. (Exc. 5 et 6 ad Virg. *Æn.* VII), et fore, ut jam dum hæc scribo, ab iis, qui præmium in hac academia de eadem re explicanda propositum ambituri



sunt, quædam illustrata fuerint, spes mihi est jucundissima.

Quæstio statim in limine movenda merito in eo versatur, unde factum sit, ut mythi veteris Italiæ, si qui huic terræ proprii fuere, in populo tot scriptorum laude florente adeo parum propagati sint, ut vix ullus integer, reliqui fere omnes cum græcis fabulis confusi supersint, plurimi interierint. Ex sola enim accessione religionum græcarum, quæ, quum frequentior consuetudo inter utrumque populum intercedere cœpit, Romam delatæ sunt, nondum patrios mythos summos esse et decessisse necesse est. Heynius, Vir Ill. l. c. ad pravum illud Romanorum studium, omnes res suas antiquiores adeoque mythos et religiones ab antiquiore aliquo populo v. c. Trojanis et Græcis repetendi, hanc rem refert. Aliud mihi momentum hac in causa insuper ponderandum videtur. Videmus enim populos antiquos in primis culturæ gradibus versantes et ante artis scriptoriæ vel plasticæ initia ad fabulas et religiones suas propagandas et posteritati tradendas carminibus, quæ a bardis suis composita omniumque ore frequentata erant, ad unum fere omnes usos esse. Habuere ejusmodi carmina Græci, Romani, Germani, Hebræi. Quæ si igitur, vel ob naturalem eorum præstantiam, ut in græcis carminibus Homeridarum, vel casu aliquo servata sunt, veteres illæ ideæ et fabulæ hujus populi cum iis posteritati traditæ et quasi sancitæ sunt; e contrario cum iis plurimæ gentis fabulæ periere, et unicum tunc memoriæ genus mansere ritus sacri in memoriam Deorum instituti. Ita inter Romanos factum esse arbitror. Rudia illa, quæ Latium et Roma habuere, patria carmina<sup>1</sup>, citra dubium

<sup>1</sup> Ejusmodi fuere *Saturnii versus* 1, 158, et Ennius apud Cic. Brut. 18; *carmina Saliaria*, postea, quum

in religione patrum potissimum versantia, adeo parum auctoritate valuisse et virtutibus se commendasse videntur, ut nisi prius amissa, tamen poesi græcæ in Italiam translatae statim cederent, et cum iis patriæ illæ veteris Latii ideæ religiosæ et mythi haud dubie perierint, ita ut, nonnisi in festis et ritibus domesticis aliqua eorum notitia servata, causæ rituum illorum plerumque perirent. Inde simul apparet, cur ipsi veteres in mythis et causis, a quibus feriæ et ceremoniæ domesticæ repetendæ essent, adeo in diversa abierint, quum vetera illa monumenta vel deperdita essent, vel ob inconditam linguam vix intelligerentur. Græcis autem fabulis literæ romanæ tunc potissimum citra dubium obrutæ sunt, quum græcis poetis et scriptoribus vertendis Romani ingenium exercere cœpissent, et tunc maxime, quum pro Crono *Saturnum*, pro Rhea *Opem*, pro Baccho *Liberum* substituerent, factum est, ut mythi græci ad hæc nomina domestica referrentur. Ita in multis accidit, ut nonnisi nomina ad Latium pertinentia arguant religionem eorum ibi domesticam esse; fabulæ omnes e Græcia petitæ sunt. Jucundissimum accidit, si quando commutationis eorum cum numinibus græcis momentum aliqua cum verisimilitudine deprehendisse nobis videri possu-

ex accessione literarum græcarum lingua mirum in modum mutata esset, vix intellecta, quorum autem magnam vim esse ad intelligendam patriam mythologiam certum est. Ea enim numina, quæ in illis nominatim occurrunt, jam tunc Romæ culta esse, judicare licet, et jam veteres grammatici ex eo, si quod numen in illis non obivium erat, de seriore ejus accessione conjecerunt; (vid. infra de Venere). In paucis iis, quæ habemus, fragmentis, v. c.

*Janus*, cujus præcipue ibi partes fuere (unde Lydus a potiore: Σά-  
λοις ὑμνοποιοῦντες τὸν Ἰανόν) *Salumnus*  
(quam formam vult Scal.) *Luce-  
tius*, *Volamnia*, *Mania*, *Pilumnus*  
occurrunt, de quorum antiquitate  
et domestica in Italia religione ju-  
dicare licet. Aliud eorum commodum  
in eo versatur, ut, si quid aliud,  
antiqua eorum lingua, ad veram  
notionem deorum quorundam  
domesticorum conjectura ad-  
sequendam ducat.

mus, ut v. c. Saturnum cum *falce* agresti in Κρόνον, quod ille *falce* demetebat, abiisse multi bene observarunt. In aliis v. c. *Anna Perenna*, *Maia*, *Sanco*, haud dubie appellationis similitudinem, in aliis ut in *Matula*, vocis significationem illud momentum fuisse, quo nomine comparabantur et commutabantur, apparet; vide infra.

De quibusdam certe numinibus in vetere Latio citra controversiam domesticis, deque aliorum probabili notatione et interpolandi ratione quædam verba facere, post ea quæ Ill. Heynius l. c. habet, ab Ovidii interpretatione non alienum erit. Universe numina illa, modo reges heroesque in deorum numerum relati, modo præsides et primi auctores operum agrestium, modo nymphæ et numina sylvestria et montana vaticiniis clara, modo dei tutelares singulorum hominum fuisse, videntur. De *Jano* et *Saturno* celeberrimis omnino in hac mythologia nominibus h. l. agere supersedeo: de altero quæ tentari possunt ad Fast. I, collegi; de altero ad Ill. Heynium l. c. relegare licebit. De *Silvano* multa collegit et disputavit Ill. Voss. ad Eclog. p. 521. De *Libero* s. *Læbasio* vide eundem ad Ecl. VII, 58. De Cerere, quæ mature cum Demetre commutata est, vix aliquid præter nomen, quod sabinum esse, et *panem* sonare volunt grammatici, superest; Serv. ad Georg. I, 7. Alii explicabant per *Geres*, permutatione literarum antiqua; Cic. nat. deor. II, 26. Ambarvalia illa (Tib. II, 1) quibus junctim cum Libero plerumque culta est, ad veterem ejus in Italia cultum pertinere videntur, quum *Cerealia* contra urbana prorsus more græco celebrarentur, et a Demetriis græcorum repetita essent; Cic. pro Balbo, cap. 24.

Si, quod certum est, vita pastoritia agrorum culturam in Italia præcessit, numina huc spectantia, ut *Pales* et *Ops* forte etiam antiquiora sunt illis culturæ auctoribus, et ad



vitam fere nomadicam ascendere possunt. Palilia illa (vid. Fast. IV, 721) ipsa Roma antiquiora memoriam nobis servarunt *Palis*, de quo numine tam parum liquet, ut aliis femina, aliis mas videatur, quod ad antiquam statuam, cujus sexus non amplius apparebat, refert Ill. Lenz. ad l. c. Plurima eo redeunt, procreationi et generationi eam præfuisse, quod et ipsum festi nomen indicat; non enim pro pecudis solum, sed et mulierum fecunditate, eo festo vota suscepta legimus<sup>1</sup>, et altera scriptura *Parilia* (a pariendo) hoc aperte innuit. Comparatis pluribus vocibus, ubi *l* et *r* commutata sunt, et *in se* invicem abierunt, (cæria, cælia, λείριον, lilium; cf. quod Ovid. tentat de Remuriis et Lemuriis) ipsi scripturæ *Pales* et *Palilia* hanc notionem inesse fere crederem.

*Opis* nomen divitias et opulentiam prisci hominis rustici, quæ in rei pecuariæ et gregum affluentia totæ comprehendebantur, referre videtur. Ops esse oīs, ovis, ut *οἰαίς*, daps, et a pecude ad omnem possessionem antiquitus translatum esse jam prius monitum est<sup>2</sup>; vid. Voss. ad Ecl. X; Scalig. ad Fest. h. v. Pro Saturni conjuge jam tunc fuisse habitam, Opalia cum Saturnalibus conjuncta, et Opis cum Rhea, Croni uxore, commutatio innuunt. Macrobio (I, 10) ipso cum Saturno frugum et fructuum repertoires dicuntur, nunc tanquam vitæ cultioris auctores

<sup>1</sup> Tibull. II, v, 91: *Et fetus matrona dabit* etc. Festus: Parilia festa sibi observanda judicant privatim ipsæ quoque puerperæ domi in stratis, ut pariendo ab iis stabiliantur. De votis pro pecudis partu, vide etiam Dionys. I, 88, et Ovid. l. c.

<sup>2</sup> Ab ipsa forma opis... ovis est opilio, pro quo et ovilio reperitur. Inde opulentus, inops. Ut autem a pecude, in quo omnes fere prisci

hominis copiarum versabantur, πολύμηλοι, πολύαρεις apud Homerum sæpe notionem divitum præbent, ut inde pecunia dicitur, ut apud Homerum πρόβατα (*wandelndes Gut*) quæ κτημήλοις opponuntur, et hodieque passim in Germania *tauri κατ' ἐξοχήν das Gut* vocantur, ita *opes* postea de omnibus, quæcumque aliquis possideat, dici cœperunt; vid. Voss. epist. myth. I, 17.



coli soliti. Aliis terra videbatur, quod semen recipiebant, quo etiam *Opis consivia* cognomen spectat.

*Vertumni* quoque et *Pomonæ* memoria flaminibus, templis, et feriis celebrata est. *Pomonæ* munus nomen prodit; de *Vertumno* ipsi veteres interdum dissentiunt; eo tamen plurima recurrunt, ipsum nomen munus ejus indicare, ita ut omni rerum vicissitudini, anni etiam diversis temporibus præesset. Locus class. apud Prop. IV, 2.

Proxime eandem ob rationem ad eum accedit *Anna Perenna*, in cujus festo ver, *lætum anni tempus spatio suo* rediens, publica lætitia excipiebant. Ovidius multus est de hilaritate et gaudio interdum effuso, cui suo adhuc tempore bibendo, jocando, cantando et saltando in *Annæ* nemore ad pontem *Milvium* indulgebant. Ovidius, qui in ea explicanda quidem fabulas alienissimas admiscet, et in alia omnia abit, alibi tamen manifesto ipsam ad *Anni* initia fausta refert (III, 145, 146), si quidem anni veteris auspicia hanc etiam ob causam a *Martio* petit, quod ibi *Anna Perenna* colatur. *Nec mihi parva fides, annos hinc isse priores, Anna quod hoc cæpta est mense Perenna coli*; in qua argumentorum serie eosdem cum *Macrobio* (I, 12, post init.) fontes, haud dubie fastographos illos (vid. sup. pag. 454, Exc. I) respexit. Inter alios antiquiores Latii deos recensetur his *Varronis* versibus: te *Anna* et *Perennia*, *Panda* και λατω *Pales*, *Nerienes*, *Minerva*, *Fortuna* ac *Ceres*.

Ipsum nomen æque ac *annus* esse a notione orbis, circuitus, cui omnes fere populi annum similem fingunt, persuasum mihi est. Voces: *Annus* et *Annulus* (id est, circuli) ἔτος, ἐνιαυτός אָנָוּ, *Jahr*, *year* ab antiquo *yra* circuire, jam compararunt *Bredow* et *Vossius*; sed et *annum* esse a particula vetere *an*, id est, circum, jam *Ateius Capito* apud *Macrobius* I, 14, animadvertit, et multa verba cum

hac particula composita arguunt ; confer Fest. vid. Am. verba : *anquirere* ( circum, circa quærere ), *anceps* ( ἀνιρόσωπος ) *anclabre* ( ἀμφικύπελλον ), *ancile* ( circumcælatum, Neapol. ad II, 435. )

Singulare autem in mythologia veteris Latii momentum est, numina ista tantum non omnia vaticinio et cantu apud mortales claruisse, et celeberrimorum oraculorum in Italia antiqua undique vestigia sunt.

De Fauno Picoque, de quibus locus class. exstat apud Virg. *Æneid.* VII, 81 ; deque celeberrimo Fauni oraculo, quod Latinus de Lavinia sua consulit, abunde egit ad h. l. Illust. Heynius ; Ovidius duobus locis ( *Fast.* IV, 651 ; III, 291 ), ejusdem oraculi, quod diverso modo exornat, mentionem injecit. A vaticiniis eidem *Fatui* nomen inditum est, quod proprie *fatidicus* est, postea ex eadem idearum conjunctione, de delirante, desipiente dici cœpit, qua μάντις de utroque Græcis dici solebat, ita tamen, ut in μάντις notio *furendi* præcederet. Frequentius uxor ejus Fauna *Fatua* dici solet. Vetus de ea mythus ( Butas apud Arnob. V, pag. 99 ; Elm. Plut. Quæst. rom. 20 ) narrat mulieribus eam fata cecinisse, Faunum viris, nec unquam ob singularem castimoniam virum vidisse ; tandem, quum clam maritum e vino poto ebrietatem contraxisset, virgis ab eodem ad mortem cæsam esse, postea divinis honoribus auctam. Ad hanc fabulam referendi sunt ritus sacrorum ei die 1 Maii offerri solitorum. Eadem enim videtur, quam *bonam Deam* vocabant, consentiente Plut. Cæs. p. 711, Bonam Deam Dryada et Fauni uxorem dicente ; Macrobi. I, 12, Terram etiam et Opem immiscet. — De commutatione cum Pane res nota est, et Lupercalia recte Ovidius a Lycæis Arcadicis repetit ( II, 281 ) ; nam ad regem Latinum prorsus non spectant. Quicquid etiam de terrore panico et

repentina fuga gregum Faunis tribuitur, jam Pani suo tribuerant Arcades.

Pertinent porro ad hoc genus *Canens*, *Egeria*, *Camena*, *Carmenta*, *Porrima* et *Postverta* (Ovid. I, 635) de quibus ad Ovidium passim agendum est. Etiam *Martis* oraculum apud Aborigines habet Dionys. I, 14; ubi picus columnæ lignæ insidens deorum voluntatem exponit. *Juno* oracula edens plus semel occurrit v. c. in luco Exquillino sub nomine *Lucinæ* (Fast. II, 440). Ab eadem futura præmonendi facultate, et monitis ejus in reipublicæ calamitatibus audiri creditis, postea *Monetæ* nomen accepit. Inprimis in historia Sabinarum raptarum mentio fit *Consi*, dæmonis cæterum ignoti, qui Romulo consilium de raptis virginibus suppeditavit, (Κῶνσος, βουλᾱίος Plutarch.) in cujus honorem Consualia celebrata sunt, quique haud dubie consilii præses fuit, ut nomen ipsum prodit; conf. Plut. Rom. XIII, 3; Dionys. II, 32. Si denique, quod vix aliter se habere potest, *Minerva* ad terram latinam pertinet, mox cum Pallade græca commutata, hæc etiam ad ea, quæ consilio et sapientia sua homines monere et adjuvare credebantur numina, pertinere debet. Menervare enim antiqui dicebant pro monere (Fest. *promenervat*), et Minerva igitur eandem notionem, quam v. c. *Moneta*, offerret. Recte igitur in hanc sententiam Festus: *Minerva, quod bene moneat; hanc enim pagani pro sapientia ponebant*. Unicum hoc forte vestigium de eo, quod Minerva apud priscos Italos sibi voluerit; nisi quis hoc nomen latinum demum ad exprimendam Pallada græcorum formatum esse malit.

Romanis, vel potius Hetruscis etiam domestica est *Lar*ium, vel publicorum, vel privatorum religio. *Lar* apud Hetruscos i. q. *dominus*, *princeps*, tum viris nobilibus honoris causa præponitur (Lar Herminius, Lar Tolumnius, Lar

Porsenna, Liv. III, 65; IV, 17; II, 19), tum diis inferioribus et domesticis tribuitur, et prorsus respondere videtur τῷ ἥρωι priscorum Græcorum, quod ætate Homerica, tanquam epitheton honorificum, viris claris veniebat, postea de hominibus divino honore auctis dicebatur : vide Schn. h. v. de herois notione. Ut porro ἥρωες ἐπιχώριοι in Græcia, id est, viri demortui et de civitate sua bene meriti una semper cum diis domesticis coli solebant, ita apud Romanos quæque civitas, gens et familia proprios sibi habebat Lares, ad quos tum viri civitatis principes, tum singularum gentium patres, quibus vis aliqua in familiæ salutem tribuebatur, pertinebant. Plautus : *Ego sum Lar familiaris ex hac familia . . . familiæque Lar pater*. Amphit. prolog. 2; Merc. V, 1, 5. Post apotheosin Cæsar, et Octavianus ex urbium adulatione jam 718 post Sext. Pomp. victum iis additi sunt, quod Hor. IV, v, 33, heroum cultui in Græcia comparat.

De publicorum Larium matre Lara, Larunda, dea Muta, Mana, Mana Geneta etc. denique de Manibus, Summano, Lemuribus et Larvis, exponendi occasionem Ovidii loca præbebunt.

Quædam addere liceat de aliarum veteris Italiæ gentium diis et religionibus domesticis, quæ plus minusve postea Romam etiam migrarunt. Ita potissimum Satrici, Volscorum urbe, sanctam *Matutæ* matris fuisse religionem Livius (VI, 33; VII, 27; XXVIII, 11) tradit. Satis notum est, hoc numen pro *Leucothea* Græcorum semper habitum esse. Veram autem hujus deæ, quæ ad priscam Italiam spectat, notionem assecutus esse videor, si ab Lucretio eandem prisco illo sensu ab interpolatione græca libero abhibitam video; de rerum Natura, libro V, vers. 655, ubi ita canit ille vates :



Tempore item certo roseam *Matula* per oras  
 Ætheris Auroram defert, et lumina pandit;

*Matuta* ut ἡώς Græcorum diei primam lucem designat, (*die Frühe*) et hanc veram verbi notionem esse cognatæ voces et grammaticorum testimonia docent. Nonius Marcellus: *manum* dixere clarum, unde etiam mane post tenebras diei prima pars; inde *Matuta*, quæ Græcis *Leucothea*; et Priscian. II, pag. 591, Putsch. *Matuta* significat Auroram. *Matutinum tempus* inde dici, vix monendum est. Quod si igitur hæc prima ejus notio erat, ut primam diei lucem designaret, et inde *Matuta*, id est, *lucida*, *splendida*, (ut solem Græci φοῖδον, splendidum, appellabant) diceretur; facile conjicere licet, quomodo cum Λευκοθέα Græcorum commutata sit, cui commutationi haud dubie nominis significatio ansam præbebat; mox dici cœptum est *Leucotheam* cum *Matuta* eandem esse, et fabulæ græcæ de Ino sive *Leucothea* ad *Matralia* etiam romana transire mature cœperunt, ut ceremoniæ hujus festi solemnes (Fast. VI, 481), ad Inus fabulam adludentes, et græcæ proprie originis (Plut. Quæst. rom. 16), aperte produnt. Quæ si ceremoniæ ad ipsum Servium templi conditorem adsurgunt, interpolatio græca hoc ipso (ut re vera videtur) antiquior esse debet. Cultus Volscorum an more græco celebratus sit, non apparet.

In sabinæ gentis numinibus, hujus gentis auctor *Sancus*, ob templum quod Romæ habuit, et varias ejus interpretationes celebrer est; (Fast. VI, 213, 214). De popularium cultu locus insignis apud Sil. VIII, 421. *Ibant, et læti pars Sancum voce caneant Auctorem gentis, pars laudes ore ferebant, Sabe, tuas* etc. Coll. Lactant. I, xv, §. 8; qui, ut Faunum latinæ, Quirinum romanæ, ita Sancum sabinæ

gentis auctorem vocat. — Romani etymologiam hujus nominis proprii, quod fere cum Anco ( nomine item sabino ) convenire videtur, a *sanciendo* quærentes, inde eum Jovem, sancientorum fœderum præsidem, interpretabantur, et fœdera ei sacra putabant. Dionys. IV, cap. LVIII, p. 257; IX, p. 617 ( ἐν ἱερῷ Διὸς Πισίου ὃν Ῥωμαῖοι Σάγκτον καλοῦσι ). Post eam interpretationem demum dei Fidii, Fidionis nomen ei inditum videtur, et ex eo orta commutatio cum Hercule, quem in jurejurando alias invocare solebant. Frequentissima omnium hæc commutatio, et Sancus passim nonnisi cognomen Herculis putabatur; quod Propert. IV, IX, 74, ab orbe terrarum manibus suis sanciendo, id est, purgando, derivat. (?) Aliud cognomen *Semo*, *Sanco* vulgo inditum, quod semihomo explicant, nescio quo jure fatoque in libris antiquitatem explicantibus, ad omnes heroas et semideos transiit; æque mirandum me judice, ac si divisionem illam in deos majorum et minorum gentium, quam fere jocose Cic. Tusc. I, 13, a senatu romano ad deos transfert ( alibi etiam ad Stoicos, Acad. IV, 41 ), tamquam priscis solemnem in libris mythologicis serio adoptari videmus; quum Stoicos, in quos eandem divisionem transfert, in majorum et minorum gentium Stoicos serio dividere non facile cui in mentem veniat. Citra dubium ab antiqua scriptura, vel e Fastis Præn. nota ( i pro e, Viniri pro Venere ) profectum est, si Tertullianus, qui *Simoni, Deo Sancto* templo inscriptum legeret, Simonem magum ( Act. VIII, 18 ) Romæ cultum sibi deprehendisse videbatur; vide Neap. ad VI, 213.

Ad eundem populum pertinet dea quædam bellica, pro uxore Martis ibi habita, *Nerienne*, *Nerio*, *Neria* ( ut Anio, Anien ) quam docta disputatione ex Ennii, Licinii aliorumque locis vindicat Gell. XIII, 22; cf. vers. Varronis

supra de Perenna. Virtutem et fortitudinem ipsa vis vocis innuit, quæ in cognomen Claudiorum, sabinæ gentis, quæ a fortitudine Neronæ appellabantur, transiit; vide. Suetonium, Tiber. 1: *Nero lingua sabina fortis et strenuus*. E Lydo, p. 85, eandem Romæ cum Marte marito Tubilustrii die cultam esse cognoscimus, ubi eandem interpretationem adjicit.

In Tusculanorum religionibus domesticis præcipue laudatur *Maia* (magna Dea) quæ tellurem referre videtur, et Vulcani uxor dicitur. Forte et Maius, id est, summus deus, Vulcani nomen apud Tuscul. fuit, etsi plerumque Maium ad Jovem referunt. Vindicanda erit eadem Gellio, XIII, 22, ubi *Naia Volcani* apud Gronov. perperam legitur. Ab alterutro autem Maium mensem nomen habere adserunt auctores apud Macrob. quod ad probabilitatem omnium proxime accedit, et plurimi Bonam Deam, die 1 Maii coli solitam, ad hanc Maiam referunt. Forte Faunæ, Terræ, Maiæ nomina in unum numen cumulata sunt, vel utriusque festum nonnisi in unum diem incidebat. Commutatio ejus cum Maia Mercurii frequens in grammaticis.

Multum referret, si tempus, quo hujus vel illius numinis cultus in Italiam primum advectus sit, persequi liceret, ubi in paucis vel conjectura aliquid efficere licet. Serius aperte, et vel post Numæ tempora transierunt v. c. *Apollo* et *Venus*. Apollinem, quem cum ipso nomine græco adoptarunt, a Numæ indigamentis, vel canone deorum a Numa agnitorum alienum fuisse Arnobius narrat, et Veneris nomen neque in carmine saliare occurrere, neque omnino sub regibus cognitum fuisse, Cincius et Varro Macrob. I, 12, tradunt.

Denique adjiciamus quædam de Hercule, divitiarum, fortunæ et sortis præside, ad Fast. VI, 212:



Altera pars Circi, custode sub Hercule tuta est.

Si titulos quæris, *Sylla probavit opus.*

Huc referunt locum Plutarch. Sylla 35 : Ἀποθύων δὲ τῆς οὐσίας ἀπάσης ὁ Σύλλας τῷ Ἡρπακλεῖ δεκάτην; e more Romanis satis consueto Herculi honorum decumam offerendi, eumque inde novarum divitiarum acquirendarum sibi sperandi adiutorem <sup>1</sup>. Quum et alia loca accedant, ubi Hercules tanquam divitiis, sorti et fortunæ præpositus adparet, et quum veteres et quidam recentiores jam hac de re quæsi-verint, paucis, quid sentiam, profiteri liceat. — Post polli-cendi illum morem, tanquam divitiarum acquirendarum viam superstitiose creditam, thesauri etiam subterranei, subito et præter spem eruti, ejus favori deberi credebantur, et universe ut cui maxime res suæ feliciter procedebant, ita Hercule se dexterrimo uti credebat, eumque colere solebat. Huc pertinet Horatii illud Sat. II, VI, 10 : O si urnam argenti fors quæ mihi monstret. . . . . *dives amico Hercule*; et Pers. II, 11 : Sub rastro crepet argenti mihi seria *dextro Hercule* ! ubi scholiastæ animadvertunt, « Herculē divitiarum præsidem esse. » Quo autem nexu, quæso, hoc divitiarum præsidium cum heroe illo Tiryn-thio, rebus ejus gestis, laboribus et mythis ? quem tan-quam Pluti et divitiarum inimicum ipsa fabula repræsen-tat <sup>2</sup> ? Inter veteres jam Plut. Quæst. rom. 18, ea de re quærens, multa tentat, nec sibi ipsi satisfacere videtur; conf. Wieland. ad Horat. l. c. — Quid igitur, si ea, quæ

<sup>1</sup> Plaut. Bacch. IV, iv, 15; Stich. II, 1 (al. I, III, 80); Varro, L. L. V, 54; Dionys. I, 40, de ara ma-xima : διακεύσεις χρημάτων γίνονται ευχαί κατ' εὐχάς. Quare et Crassum et Lucullum frequenter decumam dedisse legimus, et a mercatori-

bus factum esse e Varrone apparet.

<sup>2</sup> Phædr. IV, 11. Cælo receptus propter virtutes Hercules, veniente Pluto, qui Fortunæ est filius, aver-tit oculos, dicens : « Odi illum, quia malis amicus est, simulque objecto cuncta corrumpit lucro. »



de Hercule forte sub nomine הֶרַקְלִי, id est, mercator, a Phœnicibus culto, cujus et ideæ et res gestæ postea aliquando ad Herculem græcum translatae sunt, jam pridem a quibusdam conjectata esse video, hoc etiam nomine in subsidium vocare tentaremus? Bene illi viderunt (vid. Encyclop. univ. voc. *Herc.*) præsertim itinera illa, quibus terrarum orbem peragravit, ad Oceanum usque occidentalem penetravit, et Herculis columnas condidit, ad Herculem illum tyrium proprie pertinere, et inde ad Herculis græci famam, cui magna etiam itinera adscribebantur, postea accessisse<sup>1</sup>. Poterat hic Hercules tyrius priscus eorum heros esse, quem primum loca illa ad mercaturam gravissima adiisse fama narrabat, et quem nunc tanquam divitiarum et fortunæ auctorem atque præsidem colebant, eique pro felici successu vota faciebant. Hoc modo Herculem Tyri, Carthagine, Gadibus pari religione cultum esse legimus; et omnia ista templa donis opulentissimis Herculi ex voto datis conspicua fuerunt. De opibus templi tyrii vide Dio. XLII, 49; et eundem, XLIII, 39, de templo gaditano, quod prorsus simile erat illi tyrio; Herod. II, 44; Philostr. V, 4.

Persuasum inde mihi habeo, Romanos hunc morem, votis et decumis in Herculis ara oblatis, divitias ab Hercule expetendi, eique opum et fortunæ præsidium adscribendi, quandocumque ab hoc Phœnicum more petiisse; et certe hic mos æque accedit prope ad tyrium illum Herculem, quam procul eum abhorrere ab heroe illo græco omnes viderunt.<sup>2</sup>

<sup>1</sup> Ipsi portus Herculis, quorum in Italia plures occurrunt, H. Monœci, Labronis, in quibus fama accedit, eos ab ipso Hercule conditos esse, ad Phœnices pertinere viden-

tur, qui omnia in Herculem tamquam nomen aliquod illustre cumulabant. Vide Virg. vol. III nostræ Coll. pag. 203, not. 83r. *Ed.*

<sup>2</sup> Quod si igitur in Syllæ nummis

## EXCURSUS V.

DE ROMULI ANNO DECEM MENSIVM AD FASTOS, III, 121,  
ET I, 28.

Tempora digereret quum conditor urbis, in anno  
Constituit menses quinque bis esse suo.

.....  
Annus erat, decimum quum luna repleverat orbem.

I. **RATIONEM** a plurimis veterum initam <sup>1</sup>, ut menses, quales postea erant, lunares acciperent, modo triginta dierum, modo triginta et unius, et ita anno Romuleo 304 dies adsignarent, acute jam confutavit illustr. *Bredow* (*Hist. Unters. H. I*, p. 38). Disertis enim verbis Livius anni divisionem ad *lunæ cursum* Numæ demum adscribit; et, quod omnino gravissimum est, ipsius *anni* notio, quæ certum orbem gravissimorum naturæ phænomenorum, et temporis certo spatio recurrentium designat, annum so-larem aperte desiderat. Et omnino nihil naturæ magis con-sentaneum est, quam ut populi rudes hanc periodum a natura ipsa constitutam, et maxime in oculos incurrentem, ad tempora digerenda adhibeant. Si vero h. l. annum so-

apud Ekhel. tom. VI, p. 98, Her-culem agnoscit vir doctus, « qua- » cumque de causa illum monetæ » intulerit, nescire se » dicens, vix æmplius de causa, cur adsidue Her-culem coluerit Sylla, dubites. Hic enim vir, qui ipse confiteri solebat, Fortunæ se omnia debere, et inde Felicis, Fausti, cognomina sibi im-ponebat, Herculem, qui tamquam opum et divitiarum præsidii, bono-

rum sub ejus præsidio paratorum decumam offerebat, omnino maxi-mi habere debebat, et eandem ob causam, qua Venerem et Fortu-nam, etiam Herculem in nummis exhibet. — Tamquam sortis et for-tunæ præses apparet etiam in histo-riola apud Plut. Romul. 5, ubi talis ludit cum ædituo.

<sup>1</sup> Ovid. l. c. Macrobian. I, 12; So-lin. I; Censorin. XX.

larem ponimus, de mensium numero et ratione difficultas oritur.

II. Fuere jam inter veteres, qui omnem hanc de decem mensibus famam negarent, et nonnisi ex antiquariorum conjectationibus, quod Quinctilis et Sextilis a numero dicti essent, ortam esse scriberent. Ita Licinius Macer et Fenestella apud Cens., et e recent. Scalig. emend. tempor. II, p. 172, ejusdem sententiæ se patronum obtulit. Eamdem fere paulo tamen immutatam amplectitur Plutarch. (Numa, XVIII, §. 1 et 2), duodecim menses accipiens, quorum primum locum Martius, undecimum et duodecimum Januarius et Februarius occuparent; ita tamen quoad dierum ordinem dispositos, ut sibi impares alius ne vicenos quidem, alius ultra triginta quatuor dies haberet; in quo ordine hoc unum spectaretur, ut annus 360 dierum existeret. — Sed hac etiam ratione constans reliquæ antiquitatis fama negligitur, et viæ quærendæ erant, quomodo decem menses in anno pleno solari explicari possent.

III. A Plutarcho igitur ductus Petavius annum accipit mensibus imparibus distinctum, sed decem tantummodo, *ita ut modo longiores, modo breviores*, tamen justum anni spatium implerent; et fere similiter Illust. Bredow. loc. cit. sentit numerum denum, tanquam Romanis et alibi solemnem, ad hanc anni divisionem in decem partes, a lunæ motu alienas, *sed fere suppare*, adhibitum esse. *Laudat* Vir Cl. alios etiam populos (confer etiam Putean. de bissexto Græc. Thes. VIII, 457), qui annum solarem in partes modo plures, modo pauciores, libere tamen a lunæ cursu distinctum haberent, v. c. Mexicanos, qui annum in 18 partes ita diviserant, ut quævis pars 20 dies haberet, 5 in toto anno superessent, et Indos (Curt. VIII, 9), qui 24 anni partes habebant: quibus addere liceat Kamchatkanos,

qui, secundum labores suos in agro colendo, annum in decem partes dividunt. (*Voyage de M. l'abbé Chappe en Sibérie, tom. III, p. 17 et 18.*)

IV. Fortasse et causam hujus Romanorum divisionis reperire licet, quæ sese aliqua probabilitate commendet. Apud Athenienses, ut populus in decem φυλάς, et senatus in totidem πρυτανείας; ita etiam totus annus in decem partes (πρυτανείας) divisus erat, quarum quævis triginta quinque vel sex dies habebat, et in quibus singulis singulæ senatus πρύτανεις reipublicæ præerant. Hæ anni partes juxta menses consuetos solemnī divisioni inserviebant, ut mercedes ad earum ordinem solverentur, etc. et ipsæ aliquando per abusum μήνες vocantur: vide Ammonii locum apud Neap. ad I, 29 s. v. πρυτανεία. Etsi igitur scriptores romani in hist. Romuli, de simili senatus divisione et imperii per vices tenendi more nihil edant, Ovidii verba (III, 127) similem divisionem non obscure innuunt:

Inde pares<sup>1</sup> centum denos secrevit in orbes

Romulus:

et quid igitur, si anni totum orbem ita, ut in Atheniensibus fieri videmus, a Romanis etiam ante Numam, qui « *omnium primus annum ad lunæ cursus in duodecim menses divisit* » a tempore, quo quæque decima senatus pars imperium urbis teneret, divisum esse statueremus? et decem menses pares, circiter totidem dierum ac πρυτάνειαι, in anno Romuleo acciperemus? Nomina harum partium, seu mensium<sup>2</sup>, si ita eas vocare licet, a numero petita esse poterant, e quibus Numa quædam etiam in mensibus lunaribus

<sup>1</sup> Alii *patres*: sed *pares* jure prætuli.

<sup>2</sup> Derivatur quidem vulgo nomen mensis a μην, ita ut nonnisi de mense lunari originis dictum sit. Fortasse

vero æque bene a *metiri, mensus sum*, derives, ita ut ii, qui primi hoc nomen posuerunt, non lunam, sed divisionem tantum anni respexerint.



servavit <sup>1</sup>. Annum autem initium cepisse ab eo tempore , quo nunc Martius est, et constans omnium fama est, et plura argumenta probabiliter declarant. Tum enim naturæ maxime consentaneum est, a vere anni initium petere, tum Annæ Perennæ festum, anni initia fausta haud dubie designans, tum denique ceremoniæ illæ antiquæ ad anni initium spectantes, quas Ovid. III, 137, et Macrobr. I, 12, exhibent, non obscure innuunt.

## EXCURSUS VI.

QUÆSTIONES, AD INTERPRETANDOS QUOSDAM LOCOS SPECTANTES.

1°. VI, 773. QUAM cito venerunt *Fortunæ fortis honores*. Quæri potest, an *Fortuna*, cui Servius hoc die templum dedicavit, primo casu *fortis Fortuna*, vel *Fors Fortuna* dicta fuerit. Prius verum esse, certissime nunc mihi probatur. *Fortis* (vel *fortis*, forctus, horctus; conf. ad IV, 620) priscis Romanis fuisse i. q. bonus, et Fest. (vid. *Sannates* et *Horctum*) expressis verbis tradit, et exempla apud Plautum, ubi hoc usu occurrit, probant; Mil. IV, III, 13; Bacch. II, II, 38.

Ecquid fortis visa est? de puella, ubi est i. q. *bona, pulchra*. Eodem sensu vir fortis, alibi bonus (*Patriot*). Eo autem minus dubito, ipsum forte templum inscriptum fuisse: *Fortuna fortis*, quum ex hac solum forma lucem nanciscatur Plutarchi locus perquam singularis: (de fort.

<sup>1</sup> Pari ratione menses apud Judæos primum numero distinguebantur; postea demum propria nomina accipiebant; vid. *Warnekros hebr.*

*Alterth.* p. 539. Antea mensis primus, secundus, tertius, quartus, quintus, sextus etc. postea כִּסְלִי, יָרֵד etc. dicebantur.

Rom. pag. 319, A.): Τύχην, ἣν φορτικὴν καλοῦσιν, ὅπερ ἐστὶν ἰσχυράν, ἀριστευτικὴν, ἢ ἀνδρείαν, ὡς τὸ νικητικὸν ἀπάντων κράτος ἔχουσαν. Formam *fortis* in græcæ vocis similitudinem mutaverat, ut ille linguæ latinæ interdum gnarus est; sensum tamen exprimit, ac si φορτικὴ i. q. fortis esset. — Habermus igitur hoc cognomine designatam Fortunam bonam, faustam, felicem, quum et malam Fortunam a Romanis cultam sciamus, et perperam igitur quidam Fortem Fortunam *casum cæcum* esse dixere. Idem est constans loquendi usus in « forte fortuna » quod de re aliqua dicitur, quæ casu quidem, sed feliciter nobis obtigit; Ter. Eun. I, II, 54; Hecyr. III, III, 26; et si postea primo casu Fors Fortuna occurrit (Phormio, V, VI, 1), ut ipsi grammatici adnotant, ubique eodem, quo dixi, sensu fit. Donat. ad l. c. *Fortuna dicta est incerta res, Fors fortuna eventus fortunæ bonus*. Fortasse primus casus *Fors*, hoc nexu demum a casu sexto *forte fortuna*, qui proprie erat a *fortis fortuna*, petendus est.

2°. VI, 793. Tempus idem stätör ædis habet, etc. Librarios, qui *T. i. stătoris erat* reposuerant, jam bene refutavit Heinsius, hanc lectionem ex opt. codd. adprobans. Haud scio an satis jam a grammaticis annotatum sit momentum illud, quod bene ad hanc lectionem stabiliendam facit, plurima, scil. verba latina et græcā, vocali brevi in longam producta, significationem suam activam in passivam et mediam mutare solere. Exempla in promptu sunt: *Act.* est stäre, cum reduplicat. sistere (*stellen*) unde stätör, qui sistit; stätum, i. e. constitutum; stätim, i. e. mox (vid. Donat. ad Ter. Phorm. V, III, 7, quod vere observatum, etsi interdum neglectum est); *Med.* stäre, se sistere (*stehen*); stäturus, *stätim*, i. e. *firmiter*: vid. Donat. l. c., et proprie stätör, si est i. q. stans, qui adstat, v. e.

de servo, ut sæpe. Falsam igitur prosodiam arbitror in Priap. LII, 3. Jam primum stātor hic libidinosus, ubi stātor esse deberet Priapus adstans, non, *qui sistit*. — Analogiæ causa cf. act. pendēre (*henken*) in specie libram suspendere, inde *solvere. med.* pendēre, suspensum esse (*hängen*). — Act. jacio, med. *jaceo*, jactus sum (*liegen*) act. parēre, producere (*erzeugen*), parēre, produci, (*erscheinen*). Eodem modo Græci, ubi duplex forma est, altera transitiva, altera intransit. prosodia has distinguere solent: v. c. περάσω transit. ( $\alpha$  brev.) *trans mare duco, vendo* (unde πεπράστω) περάσω, intrans. ( $\alpha$  long.) *transibo* — φύω, φῦμι — alibi productiones formæ intrans. ἄσται satiare, ἀδῆσαι satiatum esse, etc. etc.

3°. I, 525, ubi Carmenta fatidica de Roma, ex Trojæ eversæ cinere splendidius resurrectura, exclamat:

Urite victrices Neptunia Pergama flammæ;  
Num minus hic toto est altior orbe cinis?

explicari et jungi video: *num hic cinis*, id est, Troja in cineres redacta, *altior toto orbe minus* quid est, quam ante Troja erat, igitur: an Troja incendio imminuta est? — Nonne ita sensus expediendus est? *num minus* est interrogative, ut gravior oratio poetica poscit, pro pedestri: *non minus, nihilominus, attamen*. Sensus: Urite, etc. Attamen hic cinis altior erit toto orbe. Hoc non capientes librarii *minus* pro adj. capientes ad *altior cinis* referebant, et lectiones cuderant, quales sunt: *non minor, num minor*.

4°. I, 595, ubi multi insignes referuntur duces, qui rebus gestis titulos et cognomina reportaverant, post multos alios etiam dux quidam his verbis innuitur:

*Hunc Numidæ faciunt, illum Messana superbum. Cogitarunt interpp. de M. Valerio Messala, vel de Appio Clau-*

dio, qui, primo bello punico, rem in Sicilia gesserant, et alterum vel alterum *Mamertini* cognomen accepisse opinantur. Sed dubito, an de Valerio, cujus partes in hac expeditione secundæ erant, et de cognomine cujus nullum vestigium exstat, cogitari liceat, quum inspecto Polybio (I, 1), vix de eo, quem Ovidius innuit, dubitari queat. Appius enim Claudius non solum singulari celeritate primam expeditionem confecit, Messana expulit Carthaginenses et Hieronem expugnavit, sed et postea ad exempla navis carthaginensis classem extruxit, prælium navale commisit, et *Caudicis* cognomen inde invenisse dicitur: vid. Polyb. l. c. Nonne hunc titulum Ovidius spectasse putandus erit?



---

# VOLUMINIS SEXTI

## INDEX SPECIALIS.

---

|                             | Pag. |
|-----------------------------|------|
| PRÆFATIO .....              | 1    |
| KALENDARIIUM .....          | 11   |
| FASTORUM Liber primus ..... | 19   |
| ——— Liber secundus .....    | 85   |
| ——— Liber tertius .....     | 159  |
| ——— Liber quartus .....     | 223  |
| ——— Liber quintus .....     | 317  |
| ——— Liber sextus .....      | 355  |

### EXCURSUS IN OVIDII FASTOS.

|                       |     |
|-----------------------|-----|
| EXCURSUS primus ..... | 433 |
| ——— secundus .....    | 467 |
| ——— tertius .....     | 493 |
| ——— quartus .....     | 485 |
| ——— quintus .....     | 509 |
| ——— sextus .....      | 512 |

FINIS VOLUMINIS SEXTI.









THE  
LIBRARY

DO NOT

REMOVE

THIS

BOOK

FROM

THE

THE  
LIBRARY

LL

Q. 965Am

Ovid

[Quae extant omnia opera]; ex recens.  
Heinsio-Burmänniana; ed. Amar, [Lemaire et  
Boissonade]. Vol. 6.

20276

# University of Toronto Library

DO NOT  
REMOVE  
THE  
CARD  
FROM  
THIS  
POCKET

Acme Library Card Pocket  
LOWE-MARTIN CO. LIMITED



